





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.7










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.7






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.7





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.1.7





M. TVLLII CICERONIS

EPISTOLAE AD ATTICVM,

AD M. BRVTVM,

AD QVINCTVM

FRATREM,




Cum correctionibus Pauli Manutij.



VENETIIS, M D LXIII.







*AD CAROLVM PISAVRIVM,*

*Leonardi, clarissimi viri, filium, egregijs  
animi bonis, multisq. laudibus iuue-  
nem ornatum, Pauli Manutij,*

*Aldi F. in epistolas Cice-  
ronis ad Atticum  
præfatio.*

**B**ENEFICIORVM, Carole Pisauri,  
non eadem omnium est ratio. multi,  
quid detur, spectare solent, sua quid-  
que magnitudine metiuntur, nihil at-  
tendunt præterea: ego potius, quibus de causis, &  
a quo homine detur, animaduerto; ac, si quid in ali-  
quem, aut in me ipsum collatum est gratiæ, tanti  
soleo æstimare, quanti uidetur is, qui contulit, æsti-  
mandus. hinc fit, ut, quæ a patre tuo, viro sapien-  
tissimo, & cum alijs laudibus ornato, tum vero  
omnium, quos ego in vita nouerim, humanissimo,  
quæ item a patruo, qui nuper magno bonorum o-  
mnium merore decessit, Ioanne Maria, Paphi  
Episcopo, excellenti non minus doctrina, quam  
bonitate, prædito, diuersis temporibus in me pro-  
fecta sunt officia, ea quamquam summa non fuerint,  
(neque enim tulit occasio, neque rationes meæ po-  
stularunt) pro summis tamen acceperim, & ea-  
rum rerum loco duxerim, quas qui possident, bea-  
tissimi putantur. fons enim ille, unde manarunt,

*A 2 amor,*



amor fuit, & cum amore iudicium, quod uterque  
de me habuit: quod equidem, si potero, tuebor  
officijs: studio certe, omniq. prorsus cura, atque  
industria bonum virum, meritorumq. memorem  
præstabo. quod si liceret ingenium cum uoluntate  
coniungere; ut alterum alteri responderet, & cu-  
piditati vires æquarentur: illustrarem beneficia ue-  
stra; ac fortasse efficerem, ut gratia mihi a uobis  
aliqua deberetur, gratiam persoluenti. verum ut,  
hoc quidem ab infirmitate mea sperari minime pos-  
se, non solum intelligo, verum etiam ingenue con-  
fiteor: sic illud facile polliceor, vereq. affirmo; si  
quid aut iam est in me facultatis, aut erit aliquan-  
do, ijs, in quibus assidue versor, studijs partium,  
& vigilijs, velle me id in omni mea vita, quan-  
tumcumque erit, seruire totum vestræ laudi, tuæ  
præsertim; quæ cum a meis præceptis, & consi-  
lijs originem duxerit, exornabo eam, tamquam o-  
pus meum, quibus potero artibus, qua licebit in-  
dustria; florentemq. pulcherrimis virtutibus a-  
lumnorum disciplinæ meæ cum inspiciam, gratula-  
bor utrique nostrum paruer, fructumq. amoris &  
studij veteris in te mei ex tua gloria uberrimum  
capiam. Ac tu quidem, mi Carole, cum tibi nasci  
contigerit ex ea familia, in qua semper verus ho-  
nor, & splendor virtutis enituit, nihil debes hu-  
mile cogitare, nihil angustum, nihil obscurum,  
aut inane. excelsa petat animus tuus, ampla, il-  
lustria,



3

lustria, plena dignitatis, & gloria. quo te semper a tua prima pueritia mea uox incitauit; quo pater tuus, cuius ad te cogitationes, curaeq. referuntur omnes, assidue cohortatur; quo denique te vocant maiorum tuorum exempla; quorum nomina nulla dies extinguet, nulla obscurabit obliuio. non enim, si praestiteris ea, quae a te expectantur, quae maxima sunt, nouum in tuam familiam decus inferes: antiqua renouabis, praeclearamq. consuetudinem retinebis in tua domo laudis expetenda, exercendarumq. artium optimarum: quibus instructos, utiles fuisse patriae ciues, sibi & familiae gloriosos, de tua gente multos, annales euolueris, inuenies. Verum, quando te sacris addixisti, & illud vitae genus complexus es, quod est totum in laudabiliratione, totum in praecclaris cogitationibus, & factis constitutum; non te libera voluntas, ut alios, ad honestum, rectumq. ducit; sed, quo te primum die ad religionem contulisti, eodem die legem ipse tibi imposuisti perpetuae continentiae; exclusisti rerum inanium cupiditatem; velle ad solidam laudem omnia referre, velle summi Dei gloriam in omni vita, idest tuam salutem spectare professus es. Quare non tibi monitores, quorum te moneat oratio, exspectandi: ipse te excita, ipse acue, & impelle. Multae sunt propositae adolescentibus viae, fallaces, obliquae, insidiosae, oculis incunda, specie quadam obiecta



voluptatis : in quibus errare quotidie uides , & la-  
bi ducem sequentes libidinem , non rationem , de  
tuis aequalibus quamplurimos . tu uiam uirtutis in-  
gredere , simplicem , rectam , apertam , principio  
fortasse difficilem , atque asperam , exitu certe sa-  
lutarem , & gloriosum . hanc , inquam , uiam , si-  
gnatam , & impressam uestigijs proborum sancto-  
rumq. uirorum , si uis ipse tibi carus esse , si uis ipse  
tibi recte consulere , unam ingredere ; aut , si ingres-  
sus iam es , curre per eam celeri gradu ad ea , quæ  
te manent , præmia immortalitatis . Hæc ego , pro  
meo in te amore singulari , uetereq. erga parentem  
tuum studio , scriptis tecum ago , quæ sermonibus  
& libentius agerem , & sapius , si liceret . sed ,  
quando te Patavi tua studia , a quibus abduci non  
debes , me Venetijs mearum rerum ratio , & uale-  
tudinis detinet infirmitas : proficiscetur ad te mea  
uox , his consignata litteris : quæ tecum erit perpe-  
tuo , ubicumque fueris , te prosequetur , quocumque  
iueris . nec uero dubitavi , quin ea tibi paullo gra-  
tior esset futura , coniuncta cum Ciceronis uoce , id  
est cum ijs epistolis , in quibus cum Attico , fami-  
liari suo , non minus grauitè , & sapienter ; quam  
elegantè , & splendide loquitur . fructum , ut spe-  
ro , capies ex utraque non uulgarem . ego enim , ut  
uelis optima , te hortor : Cicero uolentem adiunat :  
ornat enim eloquentia , consilijs instruit sapientissi-  
mis . nam disputat sepe in his epistolarum libris ,  
sermone




la-  
de  
in-  
ipio  
sa-  
si-  
cto-  
ipse  
ref-  
que  
pro  
tem  
ibus  
sed,  
i non  
uale-  
mea  
erpe-  
mque  
gra-  
ce, id  
fami-  
quam  
t spe-  
m, ut  
iunat:  
ntissi-  
bris,  
mone

sermone perquam eleganti, de statu reip. de uitijs  
principum, unde fluunt exitia ciuitatum, de uicif-  
situdine fortunæ. qui tibi erit, accurate legenti,  
sapientiæ fons uberrimus. *A* me uero munuscu-  
lum hoc habebis, meæ in te uoluntatis & studij ar-  
gumentum. exiguum, inquires. fateor: sed uelim  
spectes animum, non rem: quam tamen ne ipsam  
quidem debes contemnere: siquidem eiusmodi est,  
ut tuas, tuorumq. laudes, a me, non expressas, sed  
tamquam tenui penicillo designatas, simul cum be-  
neuolentia mea cunctis gentibus patefaciat.  
Venetijs, M. D. LVIII.

A 4







M. TVLLII CICERONIS  
EPISTOLARVM AD

T. POMPONIVM ATTICVM

Liber primus.

CICERO S. D. ATTICO.

P. ETITIONIS NOSTRÆ, quam  
tibi summæ curæ esse scio, huiusmodi  
ratio est, quod adhuc coniectura pro-  
uideri possit. Prensat unus P. Galba,  
sine fūco, & fallacijs, more maiorum. negatur. ut  
opinio est hominum, non aliena rationi nostræ fuit  
illius hæc præpropera prensatio. nam illi ita negant  
uulgo, ut mihi se debere dicant. ita quiddam spero  
nobis profici, cum hoc percrebescit, plurimos no-  
stros amicos inueniri. nos autem initium prensandi  
facere cogitamus eo ipso tempore, quo tuum pue-  
rum cum his litteris proficisci Cincius dicebat. In  
campo, comitijs tribunicijs, ad XVI. kal. Sext.  
competitores, qui certi esse uidebantur, Galba,  
& Antonius, & Q. Cornificius. puto te in hoc  
aut risisse, aut ingemuisse, ut frontem ferias. sunt,  
qui etiam Cæsonium putent. Aquillium non ar-  
bitramur; quid enegat, & intrauit morbum, &  
illud suum regnum iudiciale opposuit. Catilina,  
si iudicatum erit meridie non lucere, certus erit  
competitor. de Aufidio, & Palicano, non puto  
te expectare, dum scribam. de ijs, qui nunc pe-  
tunt, Cæsar certus putatur. Thermus cum Silano  
contendere



## LIB. I. EPIST.

contendere existimatur: qui sic inopes & ab amicis, & existimatione sunt, ut mihi uideatur non esse *ἀδύνατον*, Curium obducere. sed hoc præter me nemini uidetur, nostris rationibus maxime conducere uidetur, Thermum fieri cum Cesare. nemo est enim ex ijs, qui nunc petunt, qui, si in nostrum annum reciderit, firmior candidatus fore uideatur: propterea quod curator est uiae Flaminiae: quæ cum  
 \* erit absoluta, sane facile eum libenter nunc ceteri consuli acciderim. *ἀδύνατον* Petitorum hæc est adhuc informata cogitatio. Nos in omni munere candidato fungendo summam adhibebimus diligentiam: & fortasse, quoniam uidetur in suffragijs multum posse Gallia; cum Romæ a iudicijs forum refrixerit, excurremus mense Septembri legati ad Pisonem, ut Ianuario reuertamur. Cum perspexero uoluntates nobilium, scribam ad te. cetera spero prolixa esse, his dumtaxat urbanis competitoribus illam manum, tu, mihi, cura, ut præstes, quoniam propius abes, Pompeij, nostri amici. nega me ei iratum fore, si ad mea comitia non uenerit. Atque hæc huiusmodi sunt. Sed est quod abs te mihi ignosci peruelim. Cæcilius, auunculus tuus, a P. Vario cum magna pecunia fraudaretur, agere cæpit cum eius fratre Caninio Satyro de ijs rebus, quas eum dolo malo mancipio accepisse de Vario diceret. una agebant ceteri creditores, in quibus erat Lucullus, & P. Scipio, & is, quem putabant magistrum fore, si bona uenirent, L. Pontius. uerum hoc ridiculum



culum est, de magistro nunc cognoscere. rogauit me Cæcilius, ut adessẽm contra Satyrum. dies fere nullus est, quin hic Satyrus domum meam uentitet. obseruat L. Domitium maxime: me habet proximum. fuit & mihi, & Quinto fratri magno usui in nostris petitionibus. sane sum perturbatus, cum ipsius Satyri familiaritate, tum Domitij, in quo uno maxime ambitio nostra nititur. demonstraui hæc Cæcilio: simul & illud ostendi, si ipse unus cum illo uno contenderet, me ei satisfacturum fuisse: nunc in caussa uniuersorum creditorum, hominum præsertim amplissimorum, qui sine eo, quem Cæcilius suo nomine perhiberet, facile communem causam sustinerent, æquum esse, eum & officio meo consulere, & tempori. durius accipere hæc mihi uisus est, quam uellem, & quam homines belli solent. & postea prorsus ab instituta nostra paucorum dierum consuetudine longe refugit. Abs te peto, ut mihi hoc ignoscas, & me existimes humanitate esse prohibitum, ne contra amici summam estimationem miserrimo eius tempore uenirem; cum is omnia sua studia, & officia in me contulisset. quod si uoles in me esse durior, ambitionem mihi putabis obstitisse. ego autem arbitror, etiam si id sit, mihi ignoscendum esse: ἐπειδὴ χερσίων, ἐδὲ βοείν. uides enim, in quo cursu sumus, et quam omnes gratias non modo retinendas, uerum etiam acquirendas putemus. Spero tibi me causam probasse, cupio quidem certe. Hermathena tua ualde me delectat,



## LIB. I. EPIST.

posita ita belle est, ut totum gymnasium ἡλίου  
ἀνάθημα esse uideatur. multum te amamus. L. Iu-  
lio Cæsare, C. Marcio Figulo cos. Filiolo me au-  
ctum scito, salua Terentia.

CICERO S. D. ATTICO. 2

ABSTE tam diu nihil litterarum? Ego de  
meis ad te rationibus scripsi antea diligenter. hoc  
tempore Catilinam, competitorem nostrum, defen-  
dere cogitamus. iudices habemus, quos uolumus,  
summa accusatoris uoluntate. spero, si absolutus e-  
rit, coniunctiorem nobis fore in ratione petitionis:  
sin aliter acciderit, humaniter feremus. Tuo ad-  
uentu nobis opus est maturo. nam prorsus summa  
hominum est opinio, tuos familiares, nobiles ho-  
mines, aduersarios honori nostro fore. ad eorum  
uoluntatem mihi conciliandam maximo te mihi u-  
sui fore uideo. quare Ianuario ineunte, ut constitui-  
sti, cura ut Romæ sis. Auiam tuā scito desiderio tuī  
mortuam esse, et simul, quod uerita sit, ne Latinæ in  
officio non manerent, et in montem Albanū hostias  
non adducerent. eius rei consolationem ad te L. San-  
feium missurum esse arbitror. Nos hic te ad men-  
sem Ianuarium expectamus: ex quodam rumore,  
an ex litteris tuis ad alios missis? nam ad me de eo  
nihil scripsisti. Signa, quæ nobis curasti, ea sunt ad  
Caietam exposta. nos ea non uidimus. neque enim  
exeundi Roma potestas nobis fuit. misimus, qui pro  
uectura solueret. te multum amamus, quod ea abs-

te



te diligenter, paruoq. curata sunt. Quod ad me sæpe scripsisti de nostro amico placando, feci, et expertus sum omnia: sed mirandum in modum est animo ab alienato; quibus de suspicionibus, etsi audisse te arbitror, tamen ex me, cum ueneris, cognosces. Sallustium præsentem restituere in eius ueterẽ gratiam non potui. hoc eo ad te scripsi, quod is me accusare de te solebat, in se expertus est illum esse minus exorabilem, meum studium nec tibi defuisse. Tulliolam C. Pisoni L. F. Frugi despondimus. Vale.

Go CICERO S. D. ATTICO. 3

CREBRAS exspectationes nobis tui commoues. nup̄r quidem, cum te iam aduentare arbitramur, repente abs te in mensem Quinctilẽ reiecti sumus. nunc uero sentio, quod commodum tuo facere poteris, uenias ad tempus, quod scribis. obieris Quincti fratris comitia; nos longo intervallo uiseris; Acutilius controuersiam transegeris. hoc me etiam Petrus, ut ad te scriberem, admonuit. putamus enim utile esse, te aliquando iam rem transigere; mea intercessio & est, & fuit parata. Nos hic incredibilem singularem populi uoluntate de C. Macro transegimus. cui cum æqui fuisset, tamen multo maiorem fructum ex populi existimatione, illo damnato, cepimus, quam ex ipso, si absolutus esset, gratia cepissemus. Quod ad me de Hermathena scribis, per mihi gratum est. et ornamentum Academiae proprium meæ; quod & Hermes commune omnium, & Minerva singulare est eius gymnasij.



LIB. I. EPIST.

gymnasij . quare uelim , ut scribis , ceteris quoque rebus quamplurimis eum locum ornes . Quæ mihi antea signa misisti , ea nondum uidi . in Formiano sunt : quo ego nunc proficisci cogitabam . illa omnia in Tusculanum deportabo . Caietam , si quando abundare cæpero , ornabo . Libros tuos conserua : & noli desperare , eos meos facere posse . quod si assequor , supero Crassum diuitijs , atque omnium uicos , & prata contemno . Vale .

CICERO S. D. ATTICO. 4

QUANTVM dolorem acceperim , & quanto fructu sim priuatus & forensi , & domestico , Lucij fratris nostri morte ; in primis pro nostra consuetudine tu existimare potes . nam mihi omnia , quæ iucunda ex humanitate alterius , & moribus homini accidere possunt , ex illo accidebant . quare non dubito , quin tibi quoque id molestum sit ; cum & meo dolore moueare , & ipse omni uirtute , officioq. ornatissimum , tuiq. & sua sponte , & meo sermone amantem , affinem , amicumq. amiseris . Quod ad me scribis de sorore tua ; testis erit tibi ipsa , quantæ mihi curæ fuerit , ut Quinti fratris animus in eam esset is , qui esse deberet . quem cum esse offensio-rem arbitrarer , eas litteras ad eum misi , quibus & placarem ut fratrem , & monerem ut minorem , et obiurgarem ut errantem . itaque ex ijs , quæ postea sæpe ab eo ad me scripta sunt , confido ita esse omnia , ut & oporteat , & uelimus . De litterarum

rum



rum missione, sine caussa abs te accusor. numquam enim a Pōponia nostra certior sum factus, esse cui litteras dare possem. porro autem neque mihi accidit, ut haberem, qui in Epirum profisceretur: neque dum te Athenis esse audiebamur. De Acutiliano autem negotio quod mihi mandaras; ut primum a tuo digressu Romam ueni, confeceram: sed accidit, ut & contentione nihil opus esset; & ego, qui in te satis consilij statuerim esse, malle Peducaum tibi consilium per litteras, quam me, dare. etenim cum multos dies aures meas Acutilio dedissem; cuius sermonis genus tibi notum esse arbitror; non mihi graue duxi scribere ad te de illius querimonijs, cum eas audire, quod erat subdiosum, leue putassem. sed abs te ipso, qui me accusas, unas mihi scito litteras redditas esse; cum et otij ad scribendum plus, & facultatem dandi maiorem habueris. Quod scribis, etiam si cuius animus in te esset offensior, a me recolligi oportere: quid dicas? neque id neglexi: sed est miro quodam modo affectus. ego autem, quæ dicenda fuerunt de te, non præterij: quid autem contendendum esset, ex tua putabam uoluntate statuere oportere: quam si ad me perscripseris, intelliges me neque diligentem esse uoluisse, quam tu esses, neque negligentem fore, quam tu uelis. De Tadiana re, mecum Tadius locutus est, te ita scripsisse, nihil esse iam, quod laboraret; quoniam hereditas usucapta esset. id mirabamur, te ignorare, de tutela legiti-

ma,



## LIB. I. EPIST.

ma, in qua dicitur esse puella, nihil usucapi posse. Epiroticam emptionem gaudeo tibi placere. Quæ tibi mandavi, & quæ tu intelliges conuenire nostro Tusculano, uelim, ut scribis, cures; quod sine molestia tua facere poteris. nam nos ex omnibus mollissimis, & laboribus uno illo in loco conquiescimus: quo fratrem quotidie expectamus. Terentia magnos articulorum dolores habet, & te, sororem tuam, & matrem maxime diligit, salutemque tibi plurimam adscribit, & Tulliola, delicia nostra. Cura, ut ualeas; & nos ames; & tibi persuadeas, te a me fraterne amari.

CICERO S. D. ATTICO. 5

NON committam posthac, ut me accusare de epistolarum negligentia possis. tu modo uideto, in tanto otio ut par mihi sis. Domum Rabirianā Neapoli, quam tu iam dimensam, et ex ædificatā animo habebas, M. Fōteius emit HS CCC LXXX. id te scire uolui, si quid forte ea res ad cognitiones tuas pertineret. Quod frater, ut mihi uidetur, quo uolumus animo est in Pomponiam, & cum ea nunc in Arpinati prædio erat, & secum habebat hominem Xenioquādū D. Turraniū. Pater nobis decessit ad VIII. kal. Dec. Hæc habebam fere, quæ te scire uellem. Tu, uelim, si qua ornamenta uariōdū reperire poteris, quæ loci sint eius, quem tu non ignoras, ne prætermittas. Nos Tusculano ita delectamur, ut nobismet ipsis tum denique, cum illo



illo uenimus, placeamus. Quid agas omnibus de rebus, & quid acturus sis, fac nos quamdiligentissime certiores. Apud matrem recte est; eaque nobis cura est. L. Cincio HS xx CD constitui me curaturum idibus Febr. tu, uelim, ea, quae nobis emisse, et parasse scribis, des operam, ut quamprimum habeamus. & uelim cogites, id quod mihi pollicitus es, quemadmodum bibliothecam nobis conficere possis. omnem spem delectationis nostrae, quam, cum in otium uenerimus, habere nolumus, in tua humanitate positam habemus. Vale.

CICERO S. D. ATTICO. 6

APVD te est, ut uolumus. mater tua, & soror a me, Quintoq. fratre diligitur. Cum Acutilio sum locutus. is sibi negat a suo procuratore quidquam scriptum esse; & miratur istam controuersiam fuisse, quod ille recusarat satisdari, amplius abs te non peti. Quod te de Tadiano negotio decidisse scribis; id ego Tadio et gratum esse intellexi, & magnopere iucundum. Ille noster amicus, et mehercule uir optimus, & mihi amicissimus, sane tibi iratus est. hoc, si, quanti tu aestimes, sciam; tum, quid mihi elaborandum sit, scire possim.

L. Cincio HS CCLDCCCC pro signis Megariis, ut tu ad me scripseras, curauit. Hermæ tui Pentelici cum capitibus aeneis, de quibus ad me scripsisti, iam nunc admodum delectant. quare uelim, & eos, & signa, & cetera, quae tibi eius loci, &

B no-



## LIB. I. EPIST.

nostri studij, & tuæ elegantia esse uidebuntur, quamplurima, quamprimumq. mittas, & maxime quæ tibi gymnasij, xystiq. uidebuntur esse. nam in hoc genere sic studio efferimur, ut abs te adiuuandi, ab alijs prope reprehendendi simus. si Lentuli nauis non erit, quo tibi placebit, imposito. Tulliola, deliciola nostræ, tuum munusculum flagitat, & me, ut sponso rem, appellat. mihi autem abiurare certius est, quam dependere. Vale.

CICERO S. D. ATTICO. 7

NIMIVM raro nobis abs te litteræ afferuntur: cum & multo tu facilius reperias, qui Romam proficiscantur, quam ego, qui Athenas; & certius tibi sit, me esse Romæ, quam mihi, te Athenis. itaque propter hanc dubitationem meam breuior hæc ipsa epistola est; quod, cum incertus essem, ubi esses, nolebam illum nostrum familiarum sermonem in alienas manus deuenire. Signa Megarica, & Hermas, de quibus ad me scripsisti, uehementer exspecto. quidquid eiusdem generis habebis, dignum Academia tibi quod uidebitur; ne dubitaris mittere; & arcæ nostræ confidito. genus hoc est uoluptatis meæ: quæ γυμνασιώδης maxime sunt, eā quæro. Lentulus naues suas pollicetur. peto abs te, ut hæc cures diligenter. Chilius te rogat, & ego eius rogatu, & μοχλοῦ πείρα. Vale.

C I-



CICERO S. D. ATTICO.

CUM essem in Tusculano, (erit hoc tibi pro illo tuo, Cum essem in Ceramico) uerumtamen cum ibi essem, Roma, puer a sorore tua missus, epistolam mihi abs te allatam dedit, nunciauitque, eo ipso die post meridiem missuram qui ad te profisceretur. eo factum est, ut epistolæ tuæ rescriberem aliquid, breuitate temporis tam pauca cogerer scribere. Primum tibi de nostro amico placando, aut etiam plane restituendo polliceor. quod ego, etsi mea spon te ante faciebam, eo nunc tamen & agam studio- sius, & contendam ab illo uehementius, quod tan- tam ex epistola uoluntatem eius rei tuam perspice- re uideor. hoc te intelligere uolo, pergrauiter illum esse offensum: sed quia nullam uideo grauem subes- se causam, magnopere confido illum fore in officio, & in nostra potestate. Signa nostra, & Hermera- clas, ut scribis, cum commodissime poteris, uelim imponas, & si quod aliud οἰκείον eius loci, quem non ignoras, reperies, & maxime, quæ tibi palæ- stræ, gymnasiq. uidebuntur esse. etenim ibi sedens hæc ad te scribebam; ut me locus ipse admoneret. Præterea typos tibi mando, quos in tectorio atrio- li possim includere, & putealia sigillata duo. Biblio- thecam tuam caue cuiquam despondeas, quamuis acrem amatorem inueneris. nam ego omnes meas uindemiolas eo reseruo, ut illud subsidium sene- ctuti parem. De fratre, confido ita esse; ut semper

B 2 110-



## LIB. I. EPIST.

uolui, & elaboravi. multa signa sunt eius rei, non minimum, quod soror pręgnans est. De comitijs meis, & tibi me permisisse memini, & ego iam pridem hoc communibus amicis, qui te exspectant, prædico; et te non modo non accersam, sed prohibebo; quod intelligam multo magis interesset tua, te agere, quod agendum est hoc tempore, quam mea, te adesse comitijs. proinde ea animo te uelim esse, quasi mei negotij causa in ista loca missus esses. me autem eum et offendes erga te, et audies, quasi mihi, si qua parta erunt, non modo te presente, sed per te parta sint. Tulliola tibi diem dat, sponsores non appellat. Vale.

CICERO S. D. ATTICO. 9

ET mea sponte faciebam antea, & post, duabus epistolis tuis perdiligenter in eandem rationem scriptis, magnopere sum commotus. eo accedebat hortator assiduus Sallustius, ut agerem quam diligentissime cum Lucceio de uestra uetere gratia reconcilianda. sed, cum omnia fecissem, non modo eam uoluntatem eius, quę fuerat erga te, recuperare non potui, uerum ne causam quidem elicere immutata uoluntatis. tamen si iacet ille quidem illud suum arbitrium, & ea, quę iam tum, cum aderas, offendere eius animum intelligebam. tamen habet quiddam profecto: quod magis in animo eius infederit: quod neque epistola tuę, neque nostra legatio tam potest facile delere, quam tu pręsens non modo oratione, sed tuo uultu illo familiari tolles; si  
modo



modo tanti putabis id, quod, si me audies, & si humanitati tue constare uoles, certe putabis. ac, ne illud mirere, cur, cum ego antea significarem tibi per litteras, me sperare illum in nostra potestate fore, nunc idem uidear diffidere; incredibile est, quanto mihi uideatur illius uoluntas obstinatio, & in hac iracundia obfirmatio. sed hæc aut sanabuntur, cum ueneris; aut ei molesta erunt, in utro culpa erit. Quod in epistola tua scriptum erat, me iam arbitrari designatum esse; scito, nihil tam exercitum esse nunc Romæ, quam candidatos, omnibus iniquitatibus; nec, quando futura sint comitia, sciri. uerum hæc audies de Philadelpho. Tu, uelim, quæ Academicæ nostræ parasti, quamprimum mittas. mirum, quam illius loci non modo usus, sed etiam cogitatio delectat. Libros uero tuos caue cuiquam tradas. nobis eos, quemadmodum scribis, conserua. summum me eorum studium tenet, sicut odium iam ceterarum rerum: quas tu, incredibile est, quam breui tempore quanto deteriores offensurus sis, quam reliquisti.

CICERO S. D. ATTICO. IO

TEVCRI illa lentum sane negotium: neque Cornelius ad Terentiam postea rediit: opinor, ad Considium, Axiu, Selicium confugiendum est. nã a Cæcilio propinqui minore centesimis nummum mouere non possunt. sed, ut ad prima illa redeam, nihil ego illa impudentius, astutius, lentius uidi. libertum mitto: Tito mandauit: *ἀνέλεις*, atque *ἀναβόλαι*.

B 3 sed



## LIB. I. EPIST.

sed nescio, an ταυτόματον ἡμῶν. nam mihi Pompeiani prodromi nunciant, aperte Pompeium acturum, Antonio succedi oportere: eodemq. tempore aget prator ad populum. res eiusmodi est, ut ego nec per bonorum, nec per popularem existimationem honeste possim hominem defendere; nec mihi libeat, quod uel maximum est. etenim accidit hoc, quod totum cuiusmodi sit, mando tibi, ut perspicias. Libertum ego habeo, sane nequam hominem, Hilarum dico, ratiocinatorem, & clientem tuum. de eo mihi Valerius interpretis nunciat, Chiliusq. se audisse scribit hæc; esse hominem cum Antonio; Antonium porro in cogendis pecunijs dictitare, partem mihi quæri, & a me custodem communis quæstus libertum esse missum. non sum mediocriter commotus: neque tamen credidi: sed certe aliquid sermonis fuit. totum inuestiga, cognosce, perspice, & nebulonem illum, si quo pacto potes, ex istis locis amoue. huius sermonis Valerius auctorem Cn. Plancium nominabat. mando tibi plane, totum, ut uideas, cuiusmodi sit. Pompeium nobis amicissimum constat esse. diuortium Muciae uehementer probatur. P. Clodium, Appij filium, te credo audisse, cum ueste muliebri deprehensum domi C. Caesaris, cum pro populo fieret, eumq. per manus seruulæ seruatum, & educitum: rem esse insigni infamia: quod te moleste ferre certo scio. Quod præterea ad te scribam, non habeo. & mehercule eram conturbatior. nam puer festinus,

ana-



anagnostes noster, Sosithens decesserat, meq. plus,  
quam serui mors debere uidebatur, commouerat.  
Tu uelim saepe ad nos scribas. si rem nullam habe-  
bis; quod in buccam uenerit, scribito. Vale. ka-  
lendis Ian. M. Messalla, & M. Pisone cos.

CICERO S. D. ATTICO. II

ACCEPI tuas tres iam epistolas, unam a M.  
Cornelio, quam a Tribus ei Tabernis, ut opinor,  
dedisti; alteram, quam mihi Canusinus tuus hospes  
reddidit; tertiam, quam, ut scribis, anchoris so-  
lutis de faselo dedisti. quæ fuerunt omnes rheto-  
rum. pure loquuntur, cum humanitatis sparsæ sa-  
le, tum insignes amoris notis. quibus epistolis sum  
equidem abs te laceffit ad scribendum; sed itcirco  
sum tardior, quod non inuenio fidelem tabellarium.  
quotus enim quisque est, qui epistolam paullo gra-  
uiorem ferre possit, nisi eam per lectionem releua-  
rit? accedit eo, quod mihi non est notum, ut quis-  
que in Epirum proficiscatur. ego enim te arbitror,  
cæsis apud Amaltheam tuam uictimis, statim es-  
se ad Sicyonem oppugnandum profectum. neque id  
ipsum tamen certum habeo, quando ad Antonium  
proficiscare, aut quid in Epiro temporis ponas. ita  
neque Achaicis hominibus, neque Epiroticis paul-  
lo liberiores litteras committere audeo. sunt autem  
post discessum a me tuum res dignæ litteris nostris,  
sed non committendæ eiusmodi periculo, ut aut in-  
terire, aut aperiri, aut intercipi possint. Primum

B 4 igitur



## LIB. I. EPIST.

igitur scito, primum me non esse rogatum sententiam, præpositumq. esse nobis pacificatorem Allobrogum, idq. admurmurante senatu, neque me inuito esse factum. sum enim & ab obseruando homine peruerso liber, et ad dignitatem in rep. retinendam contra illius uoluntatem solutus: et ille secundus in dicendo locus habet auctoritatem pæne principis, & uoluntatem non nimis deuinctam beneficio consulis. Tertius est Catulus, quartus (si etiam hoc quæris) Hortensius. Consul autem ipse paruo animo, & prauo, tantum cauillator genere illo moroso, quod etiam sine dicacitate ridetur, facie magis, quam facetijs, ridiculus, nihil agens cum rep. seiunctus ab optimatibus: a quo nil speres boni reip. quia non uult; nil metuas mali, quia non audet. eius autem collega et in me perhonorificus, & partium studiosus, ac defensor bonarum. quinimmo leuiter inter se dissident. Sed uereor, ne hoc, quod infectum est, serpat longius. credo enim te audisse, cum apud Cæsarem pro populo fieret, uenisse eo muliebri uestitu uirum; idq. sacrificium cum uirgines instaurassent, mentionem a Q. Cornificio in senatu factam: (is fuit princeps; ne tu forte aliquem nostrum putes) postea rem ex s. c. ad uirgines, & pontifices relatam, idq. ab ijs nefas esse decretum: deinde ex s. c. consules rogationem promulgasse: uxori Cæsarem nuncium remisisse. in hac caussa Piso, amicitia P. Clodij ductus, operam dat, ut ea rogatio, quam ipse fert, & fert ex s. c. &  
de



de religionibus, antiquetur. Messalla uehementer  
adhuc agit seuerè. boni uiri precibus Clodij remo-  
uentur a causa. operæ comparantur. nosmet ip-  
si, qui Lycurgeti a principio fuissetus, quotidie de-  
mitigamur. instat, & urget Cato. Quid multa?  
uereor, ne hæc, neglecta a bonis, defensa ab im-  
probis, magnorum reip. malorum causa sit. Tuus  
autem ille amicus, (scin' quem dicam?) de quo tu  
ad me scripsisti, postea quam non auderet repre-  
hendere, laudare cœpisse, nos, ut ostendit, admo-  
dum diligit, amplectitur, amat, aperte laudat;  
occulte, sed ita, ut perspicuum sit, inuidet. nihil  
come, nihil simplex, nihil ἐν τοῖς πολιτικοῖς hone-  
stum, nihil illustre, nihil forte, nihil liberum.  
Sed hæc ad te scribam alias subtilius. nam ne-  
que adhuc mihi satis nota sunt: & huic terræ fi-  
lio nescio cui committere epistolam tantis de re-  
bus non audeo. Prouincias prætores nondum sor-  
titi sunt. res eodem est loci, quo reliquisti.

Τοποθεσίαν, quam postulas, Miseni, & Pu-  
teolorum, includam orationi meæ. ad III.  
non. Decemb. mendose fuisse animaduenteram.

Quæ laudas ex orationibus, mihi crede, ual-  
de mihi placebant: sed non audebam antea di-  
cere: nunc uero, quod a te probata sunt,  
multo mihi ἀκριώτερα uidentur. in illam o-  
rationem Metellinam addidi quædam. liber ti-  
bi mittetur; quoniam te amor nostri φιλοφρο-  
νεία reddidit. Noui tibi quidnam scribam?  
quid?

*perfect*

65



LIB. I. EPIST.

quid? etiam. Messalla cōsul. Antonianam domum  
emit HS CCCCXXXVII. quid id ad me? in-  
quies. tantum, quod ea emptione et nos bene emis-  
se indicati sumus; et homines intelligere cœperunt,  
licere amicorum facultatibus in emendo ad dignita-  
tem aliquam peruenire. Teucris illa lentum nego-  
tium, sed tamen est in spe. Tu ista confice: a nobis  
liberiores epistolam expecta. Vale. VI. kal.  
Febr. M. Messalla, & M. Pisone coss.

CICERO S. D. ATTICO. 12

VEREOR, ne putidum sit scribere ad te, quam  
sim occupatus: sed tamen ita distinebar, ut uix  
huius tantulae epistolae tempus habuerim, atque id  
ereptum est mihi occupationibus. Prima concio  
Pompeii qualis fuisset, scripsi ad te antea, non in-  
cunda miseris, inanis improbis, beatis non grata, bo-  
nis non grauis. itaque frigebat. tum Pisonis consulis  
impulsu leuissimus tribunus pl. Fufius in concionem  
produxit Pompeium. res agebatur in circo Flami-  
nio: et erat in eo ipso loco illo die nundinarum παν-  
γυρις. quaesuit ex eo, placeret ne ei, iudices a prae-  
tore legi, quo consilio idem praetor uteretur. id au-  
tem erat de Clodiana religione ab senatu constitu-  
tum. tum Pompeius μάλ' ἀριστοκρατικῶς locutus est;  
senatusq. auctoritatem sibi omnibus in rebus ma-  
ximam uideri, semperq. uisam esse, respondit, & id  
multis uerbis. Postea Messalla consul in senatu de  
Pompeio quaesuit, quid de religione, & de pro-  
mulgata



mulgata rogatione sentiret. locutus ita est in sena-  
 tu, ut omnia illius ordinis consulta γεινῶς lauda-  
 ret: mihiq; ut assedit, dixit, se putare, satis ab  
 se etiam de istis rebus esse responsum. Crassus postea  
 quam uidit illum excepisse laudem, ex eo, quod hi  
 suspicarentur homines ei consulatum meum place-  
 re, surrexit, ornatissimeq; de meo consulatu locutus  
 est; ut ita diceret, se, quod esset senator, quod ciuis,  
 quod liber, quod uiueret, mihi acceptum referre;  
 quoties coniugem, quoties domum, quoties patriā  
 uideret, toties se beneficium meū uidere. Quid mul-  
 ta? totum hunc locum, quem in Aristocratia ego  
 uarie meis orationibus, quarū tu Aristarchus es,  
 soleo pingere, de flamma, de ferro, (nosti illas λη-  
 ρύδους) ualde grauitertextuit. Proximus Pom-  
 peio sedebam. intellexi hominem moueri; utrum  
 Crassum inire eam gratiam, quam ipse prætermi-  
 sisset; an esse tantas res nostras, quæ tam libenti  
 senatu laudarentur, ab eo præsertim, qui mihi lau-  
 dem illam eo minus deberet, quod meis omnibus lit-  
 teris in Pompeiana laude perstrictus esset? Hic dies  
 me ualde Crasso adiunxit: & tamen, ab illo aper-  
 te, te te quidquid est datum, libenter accepi. ego  
 autem ipse, dii boni, quo modo ἀνεπερπερασάμην  
 nouo auditori Pompeio. si umquam mihi ἐπιχειρή-  
 ματα suppeditauerunt, illo tempore. Quid multa?  
 clamores. etenim hæc erat ὑπόθεσις de grauitate  
 ordinis, de equestri concordia, de consensione Ita-  
 liæ, de immortalis reliquijs coniurationis, de uili-  
 tate,

in qua uox insonat et perferat  
 in qua uox insonat et perferat

Crassus



## LIB. I. EPIST.

tate, de otio. nostri iam in hac materia sonitus nostros: tanti fuerunt, ut ego eo breuior sim, quod eos usque istinc exauditos putem. Romanae autem res sic se habent. Senatus ἀπειρος πόντος nil constantius, nil seuerius, nil fortius. nam cum dies uenisset rogationi ex s. c. ferendae. concursabant barbaruli iuuenes, totus ille grex Catilinae, duce filio-la Curionis; & populum, ut antiquaret, rogabant. Piso autem consul, lator rogationis, idem erat dissuasor. operae Clodianae pontes occupant. tabellae ministrabantur, ita ut nulla daretur, Vti rogas. hic tibi Rostra Cato aduolat, conuitium Pisoni consuli mirificum facit; si id est conuitium, uox plena grauitatis, plena auctoritatis, plena denique salutis. accedit eodem etiam noster Hortensius, multum praeterea boni. insignis uero opera Fauonii fuit. hoc concursu optimatum comitia dimittuntur: senatus uocatur. cum decerneretur frequenti senatu, contra pugnante Pisone, ad pedes omnium singulatim accidente Clodio, ut consules populum cohortarentur ad rogationem accipiendam: homines ad xv. Curioni nullum s. c. facienti assenserunt: facile ex altera parte cccc assuerunt. acta res est. Fufius tertium concessit. Clodius conciones miseras habebat, in quibus Lucillum, Hortensium, C. Pisonem, Messallam consulem contumeliose ladebat, me tantum comperisse omnia criminabatur. Senatus et de prouincijs praetorum, et de legationibus, & de ceteris rebus decernebat, ut ante, quam rogatio



gatio lata esset, ne quid ageretur. Habes res Romanas. sed tamen etiam illud, quod ego non speram, audi. Messalla consul est egregius, fortis, constans, diligens, nostri laudator, amator, imitator. ille alter uno vitio minus vitiosus, quod iners, quod somni plenus, quod imperitus, quod ἀπαρτότατος, sed voluntate ita καλῶς, ut Pompeium post illam concionem, qua ab eo senatus laudatus est, odisse cœperit. itaque mirum in modum omnes a se bonos alienauit. neque id magis amicitia Clodij adductus facit, quam studio perditarum rerum, atque partium. sed habet sui similem in magistratibus, præter Fufium, neminem. bonis utimur tribunis pl. Cornuto uero pseudocatone. Quid queris? num ut ad priuata redeam? Teū xpi promissa patrauit. tu mādāta effice, quæ recepisti. Quintus frater, qui Argiletani edificiij reliquum dodrantem emit HS DCCXXV, Tusculanum uenditat, ut, si possit, emat Pacilianam domum. Cum Luceio in gratiam redi. uidero hominem. ualde petitur. re nauabo operam. Tu, quid agas, ubi sis, cuiusmodi istæ res sint, fac me quam diligentissime certiores. Idibus Febr. Vale.

CICERO S. D. ATTICO. 13

ASIAM Quinto, suauissimo fratri, obtigisse audivisti. non enim dubito, quin celerius tibi hoc rumor, quam ullius nostrum litteræ nunciarint. nunc, quoniā & laudis audivissimi semper fuimus, & præter ceteros



ceteros φιέλληνες & sumus, & habemur, et multorum odia, atque inimicitias reip. causa suscepimus; παντοίης ἀρετῆς μιμνήσκεο; curaque, & effice, ut ab omnibus & laudemur, & amemur. His de rebus plura ad te in ea epistola scribam, quam ipse Quinto dabo. Tu me, uelim, certiore facias quid de meis mandatis egeris, atque etiam, quid de tuo negotio. nam ut Brundisio profectos es, nulla mihi abs te sunt redditæ litteræ. ualde aueo scire, quid agas. Idibus Mart. Vale.

CICERO S. D. ATTICO. 14

QVAERIS ex me, quid acciderit de iudicio, quod tam præter opinionem omnium factum sit: & simul uis scire, quo modo ego minus, quam soleam, præliatus sim. respondebo tibi ὑπερον πρότερον, Ομηρικῶς. Ego enim, quam diu senatus auctoritas mihi defendenda fuit, sic acriter, & uehementer præliatus sum, ut clamor, concursusq. maxima cum mea laude fierent. quod si tibi umquam sum uisus in rep. fortis, certe me in illa causa admiratus esses. cum enim ille ad conciones confugisset; in hisq. meo nomine ad inuidiam uteretur: dii immortales, quas ego pugnæ, & quantas strages edidi: quos impetus in Pisonem, in Curionem, in totam illam manum feci: quo modo sum infectatus leuitatem senum, libidinem iuuentutis. sæpe, ita me dii inuent, te non solum auctorem consiliorum meorum, uerum etiam spectatorem pugnarum mirificarum



carum desideravi . postea uero quam Hortensius  
 excogitauit , ut legem de religione Fufius tribunus  
 pl. ferret ; in qua nihil aliud a consulari rogatione  
 differebat , nisi iudicum genus ; ( in eo autem erant  
 omnia ) pugnavitque , ut ita fieret ; quod & sibi , et  
 alijs persuaserat , nullis illum iudicibus effugere pos-  
 se ; contraxi uela , perspicuens inopiam iudicum ;  
 neque dixi quidquam pro testimonio , nisi quod erat  
 ita notum , atque testatum , ut non possem præte-  
 rire . itaque , si causam quæris absolutionis , ( ut  
 iam *ὁπὸς τὸ ὁπότερον* reuertar ) egestas iudicum  
 fuit , & turpitude . id autem ut accideret , commis-  
 sum est Hortensij consilio : qui , dum ueritus est , ne  
 Fufius ei legi intercederet , quæ ex s. c. ferebatur ,  
 non uidit illud , satius esse , illum in infamiæ relin-  
 qui sordibus , quam infirmo iudicio committi : sed  
 ductus odio properauit rem deducere in iudicium ;  
 cum illum plumbeo gladio iugulatum iri tamen di-  
 ceret . Sed iudicium , si quæris , quale fuerit ; incre-  
 dibili exitu , sic , uti nunc ex euentu ab alijs , a me  
 tamen ex ipso initio consilium Hortensij reprehen-  
 datur . nam ut reiectio facta est clamoribus maxi-  
 mis ; cum accusator , tamquam censor bonus , ho-  
 mines nequissimos reijceret , reus , tamquam cle-  
 mens lanista , frugalissimum quemque secerneret ;  
 ut primum iudices consederunt , ualde diffidere bo-  
 ni cœperunt . non enim umquam turpior in ludo ta-  
 lario confessus fuit . maculosi senatores , nudi equi-  
 tes , tribuni non tam ærarij , quam , ut appellantur ,  
 ærati .



## LIB. I. EPIST.

ærati. pauci tamen boni inerant, quos reiectione  
 fugare ille non potuerat; qui mæsti inter sui dissimi-  
 les, et mærentes sedebant, et contagione turpitudi-  
 nis uehementer permouebantur. hic, ut quæque  
 res ad consilium primis petitionibus referebatur,  
 incredibilis erat seueritas, nulla uarietate senten-  
 tiarum: nihil impetrabat reus: plus accusatori da-  
 batur, quam postulabat: triumphabat (quid quæ-  
 ris?) Hortensius se uidisse tantum: nemo erat, qui  
 illum reum, ac non millies condemnatum arbitra-  
 retur. me uero teste producto, credote ex accla-  
 matione Clodij aduocatorum audisse, quæ consur-  
 rectione iudicum facta sit, ut me circumsteterint, ut  
 aperte iugula sua pro meo capite P. Clodio osten-  
 tarint. quæ mihi res multo honorificentior uisa est,  
 quam aut illa, cum iurare tui ciues Xenocratem  
 testimonium dicentem prohibuerunt; aut cum ta-  
 bulas Metelli Numidici, cum hæ, ut mos est, cir-  
 cumferrentur, nostri iudices adspicere noluerunt.  
 multo hæc, inquam, nostra res maior, itaque iu-  
 dicum uocibus, cum ego sic ab his, ut salus patriæ,  
 defenderer, fractus reus, et una patroni omnes con-  
 ciderunt, ad me autem eadem frequentia postridie  
 conuenit, qua cum abiens consulatu sum domum  
 reductus. Clamare præclari Ariopagitæ, se non  
 esse uenturos, nisi præsidio constituto. refertur ad  
 consilium: una sola sententia præsidium non deside-  
 rauit. desertur res ad senatum: grauissime, orna-  
 tissimeq. decernitur. laudantur iudices: datur ne-  
 gotium



gotium magistratibus . responsurum hominem ne-  
mo arbitrabatur . Επειτε νυν μοι μεσαι , Οπως δὴ  
πρωτον πῦρ ἐμπεσε . nosti Caluū , ex Nanneianis , il-  
lum laudatorem meum , de cuius oratione erga me  
honorifica ad te scripseram . biduo per unum ser-  
uum , & eum ex ludo gladiatorio , confecit totum  
negotium : accersuit ad se , promisit , intercessit ,  
dedit . iam uero ( o dii boni , rem perditam ) etiā  
noctes certarum mulierum , atque adolescentulo-  
rum nobilium introductiones non nullis iudicibus  
pro mercedis cumulo fuerunt . ita , summo discessu  
bonorum , pleno foro seruorum , xx iudices ita  
fortes tamē fuerunt , ut , summo proposito periculo ,  
uel perire maluerint , quam perdere omnia . xxxi  
fuerunt , quos fames magis , quam fama , commoue-  
rit . quorum Catulus cum uidisset quendam , Quid  
uos , inquit , presidium a nobis postulabatis ? an , ne  
nummi uobis eriperentur , timebatis ? Habes , ut  
breuissime potui , genus iudicii , & causam absolu-  
tionis . Queris deinceps , qui nunc sit status reip . et  
qui meus . Reip . statum illum , quem tu meo consi-  
lio , ego diuino confirmatum putabam , qui bono-  
rum omnium coniunctione , & auctoritate consula-  
tus mei fixus , & fundatus uidebatur , nisi quis nos  
deus respexerit , elapsum scito esse de manibus uno  
hoc iudicio : si iudicium est , triginta homines popu-  
li R . leuissimos , ac nequissimos , nummulis acce-  
ptis , ius , & fas omne delere , & , quod omnes non  
modo homines , uerum etiam pecudes factum esse

C

scie-



## LIB. I. EPIST.

sciebant, id, Caluum, & Plautum, & Spongiam,  
 et ceteras huiusmodi quisquiliis statuere, numquā  
 esse factum. sed tamen, ut te de rep. consoler, non  
 ita, ut sperarunt mali, tanto imposito reip. uulne-  
 re, alacris exultat improbitas in uictoria. nam pla-  
 ne ita putauerunt, cum religio, cum pudicitia, cum  
 iudiciorum fides, cum senatus auctoritas concidisset,  
 fore, ut aperte uictrix nequitia, ac libido pæ-  
 nas ab optimo quoque peteret sui doloris, quem  
 improbissimo cuique inusserat seueritas consulatus  
 mei. Idem ego ille, (non enim mihi uideor inso-  
 lenter gloriari, cum de me apud te loquor, in ea  
 præsertim epistola, quam nolo alijs legi) idem, in-  
 quam, ego recreaui afflictos animos bonorū unum-  
 quenque confirmans, et excitans. insectandis uero,  
 exagitandisq. nummarijs iudicibus, omnem omni-  
 bus studiosis, ac fautoribus illius uictoriæ πανπλοῦς  
 eripui: Pisonem consulem nulla in re consistere um-  
 quam sum passus: desponsam homini iam Syriam  
 ademi: senatum ad pristinam suam seueritatem re-  
 uocaui, atque abiectum excitaui: Clodium præsen-  
 tem fregi in senatu, cum oratione perpetua, plenif-  
 sima grauitatis, tum altercatione eiusmodi, ex qua  
 licet pauca degustes. nam cetera non possunt habe-  
 re eandem neque uim, neque uenustatem, remoto  
 illo studio contentionis, quem ἀγὼν uos appella-  
 tis. Nam, ut idibus Maij in senatum conuenimus,  
 rogatus ego sentetiam, multa dixi de summa reip.  
 atque ille locus inductus est a me diuinitus; ne, una  
 pla-



plaga accepta, patres cōscripti conciderent, ne deficerent: uulnus esse eiusmodi, quod mihi neque dissimulandū, neque pertimescendum uideretur: ne aut  
\* ignorando stultissimi iudicaremur: bis absolutū esse Lentulum, bis Catilinam: hunc tertium iam esse a iudicibus in remp. immissum. Erras Clodi: non te iudices urbi, sed carceri reseruarunt; neque retinere in ciuitate, sed exsilio priuare uoluerunt. Quamobrē patres cōscripti erigite animos, retinete uestram dignitatem. manet illa in rep. bonorum consensio: dolor accessit bonis uiris; uirtus non est imminuta: nihil est damni factum noui, sed, quod erat, inuentū est in unius hominis perditio iudicio. plures similes reperti sunt. Sed quid ago? pæne orationem in epistolam inclusi. Redeo ad altercationem. Surgit pulchellus puer: obijcit mihi, me ad Baias fuisse. falsum: sed tamen quid huic simile est? inquam. quasi in operto dicas fuisse. Quid, inquit, homini Arpinati cum aquis calidis? narra, inquā, patrono tuo, qui Arpinates aquas concupiuit. nosti enim marinas. Quousque, inquit, hunc regem feremus? regem appellas, inquam, cum Rex tui mentionem nullam fecerit? ille autē Regis hereditatem spe deuorarat. Domum, inquit, emisti. putas, inquam, dicere, iudices emisti? Iuranti, inquit, tibi non crediderunt. mihi uero, inquam, x x iudices crediderunt: x x x i, quoniam nummos ante acceperunt, tibi nil crediderunt. Magnis clamoribus afflictus, conticuit, & concidit. Noster autem status est hic.



## LIB. I. EPIST.

Apud bonos ijdem sumus, quos reliquisti; apud  
 sordem urbis, et faciem multo melius, quā reliqui-  
 sti. nam & illud nobis non obest, uideri nostrum  
 testimonium non ualuisse. missus est sanguis inui-  
 diae sine dolore, atque etiam hoc magis, quod omnes  
 illi fautores illius flagitij, rem manifestam illam re-  
 demptā esse a iudicibus, confitentur. Accedit illud,  
 quod illa concionalis hirudo ararij, misera, et ieiu-  
 na plebecula, me ab hoc magno unice diligere putat.  
 & hercule multa et iucunda consuetudine coniun-  
 cti inter nos sumus, usque eo, ut nostri isti comes-  
 satores coniurationis, barbatuli iuuenes, illum in  
 sermonibus Cnaeum Ciceronem appellent. itaque et  
 ludis, & gladiatoribus mirandas ἐπισυναγίας sine  
 ulla pastoricia fistula auferebamus. nunc est exspe-  
 ctatio comitiorum: in qua omnibus inuitis trudit  
 noster Magnus Auli filium: atque in eo neque au-  
 ditoritate, neque gratia pugnat, sed quibus Philip-  
 pus omnia castella expugnari posse dicebat, in qua  
 modo asellus onustus auro posset adscendere. Consul  
 autem ille, deterioris histrionis similis, suscepisse  
 negotiū dicitur, et domi diuifores habere: quod ego  
 non credo. sed S. C. duo iam facta sunt, odiosa, quod  
 in consulem facta putantur, Catone, et Domitio po-  
 stulante; unum, ut apud magistratus inquiri lice-  
 ret; alterum, cuiusmodi diuifores haberent, aduer-  
 sus remp. Lurco autem tribunus pl. qui magistra-  
 tum simul cum lege Aelia iniit, solutus est et Ae-  
 lia, et Fusia, ut legem de ambitu ferret; quam il-  
 le



le bono auspicio claudus homo promulgauit . ita co-  
 mitia in ante diem VI. kal. Sext. dilata sunt . noui  
 est in lege hoc, ut, qui nummos in tribu pronuncia-  
 uerit, si non dederit, impune sit; sin dederit, ut,  
 quoad uiuat, singulis tribubus HS ∞ ∞ ∞ de-  
 beat. dixi, hanc legem P. Clodium iam antea ser-  
 uasse: pronunciare enim solitum esse, & non dare.  
 Sed heus tu, uides ne consulatum illum nostrum,  
 quem Curio antea ἀποθέσειν uocabat, si hic factus  
 erit, fabam minimum futurum? quare, ut opinor,  
 φιλοσοφίῳ, id quod tu facis, & istos consulatus  
 non floccifacere? Quod ad me scribis, te in Asiam  
 statuisse non ire: equidem mallet, ut ires. ac ue-  
 reor, ne quid in ista re minus commode fiat. sed ta-  
 men non possum reprehendere consilium tuum, præ-  
 sertim cum egomet in prouinciam non sim profe-  
 ctus. Epigrammatis tuis, quæ in Amaltheo posui  
 sti, contenti erimus; præsertim cum & Chilius nos  
 reliquerit, & Archias nil de me scripserit. ac ue-  
 reor, ne Lucullus, quoniam græcum poema condi-  
 dit, nunc ad Cæcilianam fabulam spectet. Anto-  
 nio tuo nomine gratias egi; eamq. epistolam Man-  
 lio dedi. Ad te ideo antea rarius scripsi, quod non  
 habebam idoneum, cui darem; nec satis sciebam,  
 quid darem. te ualde uindicauit. Cincius si quid ad  
 me tui negotij detulerit, suscipiam: sed nunc magis  
 in suo est occupatus; in quo ego ei non desum. Tu,  
 si uno in loco es futurus, crebras a nobis litteras ex-  
 spectas; ast plures etiam ipse mittito. Velim, ad me

C 3 scri-

*Dehinc uero*



## LIB. I. EPIST.

scribas, cuiusmodi sit Αμαλθείου tuum, quo ornatu, qua τοποθεσία; & quæ poemata, quasq. historias de Αμαλθεία habes, ad me mittas. lubet mihi facere in Arpinati. ego tibi aliquid de meis scriptis mittam. nihil erat absoluti. Vale.

CICERO S. D. ATTICO. 15

MAGNA mihi uarietas uoluntatis, et dissimilitudo opinionis, & iudicij Quincti, fratris mei, demonstrata est ex litteris tuis, in quibus ad me epistolarū illius exēpla misisti. qua ex re & molestia sum tanta affectus, quantam mihi meus amor summus erga utrumque uestrum asferre debuit; & admiratione, quidnam accidisset, quod asferret Quincto, fratri meo, aut offensionem tam grauem, aut commutationem tantam uoluntatis. atque illud a me iam ante intelligebatur, quod te quoque ipsum discedentem a nobis suspicari uidebam, subesse nescio quid opinionis incōmodæ, sauciumq. eius animum; et insedisse quasdam odiosas suspiciones: quibus ego mederi cum cuperem & antea sæpe, & uehementius etiam post sortitionem prouinciæ; nec tantum intelligebam ei esse offensionis, quātum litteræ tuæ declarant; nec tantum proficiebam, quantum uolebam. sed tamen hoc me ipse consolabar, quod non dubitabā, quin te ille aut Dyrrhachij, aut in istis locis uspiā uisurus esset. quod cum accidisset; confidebam, ac mihi persuaferam fore, ut omnia placarentur inter uos non modo sermone, ac disputatione, sed conspe-



spectu ipso, congressuq. uestro. nam, quanta sit in  
 Quinto, fratre meo, comitas, quanta iucunditas,  
 quam mollis animus & ad accipiendam, & ad de-  
 ponendam offensionem, nihil attinet me ad te, qui  
 ea nosti, scribere. sed accidit perincommode, quod  
 eum nusquam uidiſti. ualuit enim plus, quod erat  
 illi non nullorum artificijs inculcatum, quam aut  
 officium, aut necessitudo, aut amor uester ille pristi-  
 nus, qui plurimum ualere debuit. Atque huius in-  
 commodi culpa ubi resideat, facilius possum existi-  
 mare, quam scribere. uereor enim, ne, dum desen-  
 dam meos, non parcam tuis. nam, sic intelligo; ut  
 nil a domesticis uulneris factum sit, illud quidem,  
 quod erat, eos certe sanare potuisse. sed huiusce rei  
 uitium totius, quod aliquanto etiam latius patet,  
 quam uidetur, praesenti tibi commodius exponam.  
 De ijs litteris, quas ad te Thessalonica misit, & de  
 sermonibus, quos ab illo et Romae apud amicos tuos,  
 et in itinere habitos putas; ecquid tantum causae sit,  
 ignoro: sed omnis in tua posita est humanitate mihi  
 spes huius leuandae molestiae. nam, si ita esse statue-  
 ris, & irritabiles animos esse optimorum saepe ho-  
 minum, & eosdem placabiles; & esse hanc agilita-  
 tem, ut ita dicam, mollitiemq. naturae plerumque  
 bonitatis; & id quod caput est, nobis inter nos no-  
 stra siue incommoda, siue uitia, siue iniurias esse  
 tolerandas: facile haec, quemadmodum spero, mi-  
 tigabuntur. quod, ego, ut facias, te rogo. nam ad  
 me, qui te unice diligo, maxime pertinet, nemi-

*Caril. Romo*



## LIB. I. EPIST.

nem esse meorum, qui aut te non amet, aut abs te non ametur. Illa pars epistolæ tuæ minime fuit necessaria, in qua exponis, quas facultates aut provincialium, aut urbanorum commodorum & alijs temporibus, & me ipso consule, prætermiseris. mihi enim perspecta est & integritas, & magnitudo animi tui: neque ego inter me, atque te quidquam interesse umquam duxi, præter uoluntatem institutæ uitæ: quod me ambitio quædam ad honorum studium, te autem alia minime reprehendenda ratio ad honestum otium duxit. uera quidem laude probitatis, diligentiae, religionis neque me tibi, neque quemquam antepono. amoris uero erga me, cum a fraterno amore, domesticoq. discessi, tibi primas defero. uidi enim, uidi, penitusq. perspexi in meis uarijs temporibus et solitudines, et læticias tuas. fuit enim mihi sæpe et laudis nostræ gratulatio tua iucunda, et timoris cōsolatio grata. quin mihi nunc, te absente, non solum consilium, quo tu excellis, sed etiam sermonis communicatio, quæ mihi suauissima tecum solet esse, maxime deest. Quid dicam, in publicare? quo in genere mihi negligenti esse non licet. An in forensi labore? quem antea propter ambitionem sustinebam, nunc ut dignitatem tueri gratia possim. an in ipsis domesticis negotijs? in quibus ego cū antea, tum uero post discessum fratris te, sermonesq. nostros desidero. Postremo nō labor meus, non requies; non negotium, non otium; non forenses res, non domesticæ, non publicæ; non priuatæ



ta carere diutius tuo suauissimo, atque amantissimo consilio, ac sermone possunt. Atque harum rerum commemorationem uerecundia sepe impedit utriusque nostrum. nunc autem ea fuit necessaria propter eam partem epistolæ tuæ, per quam te, ac mores tuos mihi purgatos, ac probatos esse uoluisti. Atque in ista incōmoditate alienati illius animi, et offensi, illud inest tamen commodi, quod et mihi, et ceteris amicis tuis nota fuit, et abs te aliquando testificata tua uoluntas omittendæ prouinciæ; ut, quod una non estis, non dissensione, ac disfidio uestro, sed uoluntate, ac iudicio tuo factum esse uideatur. quare & illa, quæ uiolata, expiabuntur; et hæc nostra, quæ sunt sanctissime conseruata, suam religionem obtinebunt. Nos hic in rep. infirma, misera, commutabiliq. uersamur. credo enim te audisse, nostros equites pæne a senatu esse disiunctos. qui primum illud ualde grauiter tulerunt, promulgatum ex S. C. fuisse, ut de ijs, qui ob iudicandum pecuniam accepissent, quæreretur. quæ in re decernenda cum ego casu non affuissem; sensissemq. id equestrem ordinem ferre moleste, neque aperte dicere; obiurgauī senatum, ut mihi uisus sum, summa cum auctoritate; et in caussa non uerecunda, admodum grauis, & copiosus fui. Ecce aliæ deliciæ equitum, uix ferendæ, quas ego non solum tuli, sed etiam ornaui. Asiani, qui de censoribus conduxerant, questi sunt in senatu, se, cupiditate prolapsos, nimium magno conduxisse: ut inducere-

tur



tur locatio, postulauerunt. ego princeps in adiutori-  
 bus, atque adeo secundus. nam, ut illi auderent hoc  
 postulare, Crassus eos impulit. inuidiosa res, turpis  
 postulatio, et confessio temeritatis. summum erat pe-  
 riculum, ne, si nihil impetrassent, plane alienaren-  
 tur a senatu. huic quoque rei subuentum est maxi-  
 me a nobis; perfectumque, ut frequentissimo sena-  
 tu, et libentissimo uterentur; multa q. a me de ordi-  
 num dignitate, et cōcordia dicta sunt kalendis Dec.  
 et postridie. neque adhuc res confecta est, sed uo-  
 luntas senatus perspecta. unus enim contradixe-  
 rat Metellus consul designatus. diu erat dicturus,  
 ad quem propter diei breuitatem peruentum non  
 est, heros ille noster Cato. sic ego conseruans ratio-  
 nem, institutionemq. nostram, tueor, ut possum,  
 illam a me conglutinatam concordiam. sed tamen,  
 quoniam ista sunt infirma, munitur quaedam nobis  
 ad retinendas opes nostras tuta, ut spero, uia, quam  
 tibi litteris satis explicare non possum, significatio-  
 ne parua ostendam tamen. utor Pompeio familia-  
 rissime. uideo, quid dicas. cauebo, quæ sunt cauē-  
 da: ac scribam alias ad te de meis consilijs capeffen-  
 dæ reip. plura. Lucceium scito consulatum habere  
 in animo statim petere. duo enim soli dicuntur pe-  
 tituri. Cæsar cum eo coire per Arrium cogitat: &  
 Bibulus cum hoc se putat per C. Pisonem posse con-  
 iungi. Rides? non sunt hæc ridicula, mihi crede.  
 Quid aliud scribam ad te? quid? multa sunt; sed in  
 aliud tempus. Te si expectari uelis, cures ut sciam.

iam



iam illud moleste rogo, quod maxime cupio, ut  
quamprimum uenias. Nonis Dec. Vale.

CICERO. S. D. ATTICO. 26

NIHIL mihi nunc scito tam deesse, quam  
hominem eum, quicum omnia, quæ nunc cura aliqua  
afficiunt, una communicem, qui me amet, qui sa-  
piat, quicum loquar, nihil fingam, nihil dissimu-  
lem, nihil obtegam. abest enim frater ἀφελῆσατος,  
et amantissimus Metellus. non homo, sed litus, at-  
que aer, & solitudo mera. tu autem, qui sapissime  
curam, & angorem animi mei sermone, & consilio  
leuasti tuo; qui mihi & in publica re socius, & in  
priuatis omnibus conscius, et omnium meorum ser-  
monum, & consiliorum particeps esse soles, ubi-  
nam es? ita sum destitutus, ut tantum requietis  
habeam, quantum cum uxore, et filiola, et melli-  
to Cicerone consumitur. nam illæ ambitiosæ nostræ,  
fucosæq. amicitiae sunt in quodam splendore forensi,  
fructum domesticum non habent. itaque, cum be-  
ne completa domus est, tempore matutino, cum ad  
forum stipati gregibus amicorum descendimus, re-  
perire ex magna turba neminem possumus, quo-  
cum aut iocari libere, aut suspirare familiariter pos-  
simus. quare te exspectamus, te desideramus, te  
iam etiam accersimus. multa sunt enim, quæ me  
solicitant, anguntque: quæ mihi uideor, aures na-  
ctus tuas, unius ambulationis sermone exhaustire  
posse. ac domesticarum quidem sollicitudinum acu-  
leos



leos omnes, & scrupulos occultabo, neque ego huic  
 epistolæ, atque ignoto tabellario committam. at-  
 que hi (nolo enim te permoueri) non sunt permole-  
 sti, sed tamen insident, & urgent, et nullius aman-  
 tis consilio, aut sermone requiescunt. In rep. uero,  
 quamquam animus est præsens, tamen uoluntas e-  
 tiam atque etiam ipsa me deficit. nam, ut ea bre-  
 uiter, quæ post tuum discessum acta sunt, colli-  
 gam; iam exclames necesse est, res Romanas diu-  
 tius stare non posse. etenim post profectionem tuam  
 primus, ut opinor, introitus fuit in causam fabu-  
 læ Clodianæ: in qua ego nactus, ut mihi uidebar,  
 locum ressecandæ libidinis, et coercendæ iuuentutis,  
 uehemens fui, & omnes profudi uires animi, atque  
 ingenij mei, non odio adductus alicuius, sed spe non  
 corrigendæ, sed sanandæ ciuitatis. afflicta resp. est  
 empto, constupratoq. iudicio. uide, quæ sint po-  
 stea consecuta. Consul est impositus is nobis, quem  
 nemo præter nos philosophos adspicere sine suspirio  
 posset. quantum hoc uulnus? factò S. C. de ambi-  
 tu, de iudicijs, nulla lex perlata, exagitatus sena-  
 tus, alienati equites Romani. sic ille annus duo fir-  
 mamenta reip. per me unum constituta, euertit:  
 nam & senatus auctoritatem abiecit; & ordinum  
 concordiam disiunxit. Instat hic nunc ille annus e-  
 gregius. eius initium eiusmodi fuit, ut anniuersa-  
 ria sacra iuuentutis non committerentur. nam M.  
 Luculli uxorem Memmius suis sacris initiauit.  
 Menelaus, ægre id passus, diuortium fecit. quam-  
 quam



quam ille pastor Idæus Menelaum solum contem-  
pserit: hic noster Paris tam Menelaum, quam A-  
gamemnonem liberum non putauit. Est autem C.  
Herennius quidam tribunus pl. quem tu fortasse ne  
nossti quidem: tametsi poteris nosse: tribulis enim  
tuus est; et Sextus, pater eius, nummos uobis diui-  
dere solebat. is ad plebem P. Clodium traducit;  
idemq. fert, ut uniuersus populus in campo Mar-  
tio suffragum de re Clodij ferat. hunc ego accepi  
in senatu, ut soleo: sed nihil est illo homine lentius.  
Metellus est consul egregius, et nos amat; sed im-  
minuit auctoritatem suam, quod habere dicit caus-  
sam promulgatam. illud idem de Clodio. Auli au-  
tem filius, o dij immortales: quam ignauus, ac si-  
ne animo miles; quam dignus, qui Palicano, sicut  
facit, os ad male audiendum quotidie præbeat.

Agraria autem promulgata est a Flauio, sane le-  
uis, eadem fere, quæ fuit Plotia. sed interea πολι-  
τικός ἀνὴρ οὐδ' ὄναρ quisquam inueniri potest. qui  
poterat, familiaris noster (sic est enim: uolo te hoc  
scire) Pompeius togulam illam pictam silentio tue-  
tur suam. Crassus uerbum nullum contra gratiam.  
ceteros iam nossti: qui ita sunt stulti, ut, amissa rep.  
piscinas suas fore saluas sperare uideantur. nunc  
est, qui curet, constantia magis, & integritate,  
quam, ut mihi uidetur, consilio, aut ingenio, Ca-  
to; qui miseros publicanos, quos habuit amantissi-  
mos sui, tertium iam mensem uexat, neque ijs a  
senatu responsum dari patitur. ita nos cogimur re-  
liquis

*agraria canis*



liquis de rebus nihil decernere ante, quam publica  
 nis responsum sit. quare etiam legationes reiectum  
 iri puto. Nunc uides, quibus fluctibus iactemur:  
 & si ex ijs, quæ scripsimus, tamen etiam a me non  
 scripta perspicis; reuise nos aliquando; & , quam-  
 quam sunt hæc fugienda, quo te uoco, tamen fac,  
 ut amorem nostrum tanti æstimes, ut eo uel cum  
 his molestijs peruenire uelis. nam, ne absens cen-  
 seare, curabo edicendum, & proponendum locis  
 omnibus. sub lustrum autem censer, germani ne-  
 gotiatoris est. quare cura, ut te quamprimum ui-  
 deamus. Vale. XI. kal. Febr. Q. Metello, &  
 L. Afranio cos.

CICERO S. D. ATTICO. 17

NON modo, si mihi tantum esset otij, quan-  
 tum est tibi; uerum etiam, si tam breues epistolas  
 uelim mittere; (quod tu soles facere) te supera-  
 rem, & in scripto multo essem crebrior, quam tu;  
 sed ad sumas, atque incredibiles occupationes meas  
 accedit, quod nullam a me epistolam ad te sino abs-  
 que argumento, ac sententia uenire. Et primum ti-  
 bi, ut æquum est, ciui amanti patriam, quæ sunt in  
 rep. exponam: deinde, quoniam tibi amore nos pro-  
 ximi sumus, scribemus etiam de nobis ea, quæ scire  
 te non nolle arbitramur. Atque in rep. nunc quidē  
 maxime Gallici belli uersatur metus. nam Edui,  
 fratres nostri, pugnant: Sequani male pugnant:

&amp;



& Heluetij sine dubio sunt in armis, excursionesq.  
 in provinciam faciunt. senatus decrevit, ut consu-  
 les duas Gallias sortirentur, delectus haberetur,  
 uacationes ne ualerent, legati cum auctoritate mit-  
 terentur, qui adirent Galliæ ciuitates, darentq.  
 operam, ne eæ cum Heluetijs se iungerent. legati  
 sunt Q. Metellus Creticus, & L. Flaccus, &  
 τὸ ἐπὶ τῇ φανῇ μῦρον, Lentulus Clodia filius. Atque  
 hoc loco illud non queo præterire, quod, cum de  
 consularibus mea prima sors exisset, una uoce se-  
 natus frequens retinendum me in urbe censuit. hoc  
 idem post me Pompeio accidit: ut nos duo, quasi  
 pignora reip. retineri uideremur. quid enim ego a-  
 liorum in me ἐπιφανήματα exspectem, cum hæc do-  
 mi nascantur? Urbanae autem res sic se habent.  
 Agraria lex a Flauio tribuno pl. uehementer agi-  
 tabatur auctore Pompeio: quæ nihil populare ha-  
 bebat, præter auctorem. ex hac ego lege, secun-  
 da concionis uoluntate, omnia illa tollebam quæ ad  
 priuatorum incommodum pertinebant: libera-  
 bam agrum eum, qui P. Mucio, L. Calpurnio  
 cos. publicus fuisset: Syllanorum hominum po-  
 sessiones confirmabam: Volaterranos, & Arte-  
 mitanos, quorum agrum Sylla publicarat, ne-  
 que diuiserat, in sua possessione retinebam: u-  
 nam rationem non reijciebam, ut ager hac ad-  
 uenticia pecunia emeretur, quæ ex nouis uecti-  
 galibus per quinquennium reciperetur. Huic toti  
 rationi agrariæ senatus aduersabatur, suspicans  
 Pom-

*allargato*



Pompeio nouam quandam potentiam quæri. Pompeius uero ad uoluntatem perferendæ legis incubuerat. ego autem magna cum agrariorum gratia confirmabam omnium priuatorum possessiones: (is enim est noster exercitus, hominum, ut tute scis, locupletium) populo autem, Pompeioq. (nam id quoque uolebam) satisfaciebam emptione: qua constituta diligenter, & sentinam urbis exhauriri, & Italiæ solitudinem frequentari posse arbitrabar. sed hæc tota res interpellata bello refrixerat. Metellus est consul sane bonus, & nos admodum diligit. ille alter ita nihil est, ut plane, quid emerit, nesciat. Hæc sunt in rep. nisi illud etiam ad remp. putes pertinere, Herennium quendam, tribunum pl. tribulem tuum, sane hominem nequam, atque egentem, sæpe iam de P. Clodio ad plebem traducendo agere cœpisse. huic frequenter interceditur. Hæc sunt, ut opinor, in rep. Ego autem, ut semel nonarum illarum Decembrium, iunctam inuidiæ, ac multorum inimicijs, eximiam quandam, atque immortalem gloriam consecutus sum; non destiti eadem animi magnitudine in rep. uersari, et illā institutam, ac susceptam dignitatem tueri. sed postea quam primum Clodij absolute leuitatem, infirmitatemq. iudiciorum perspexi; deinde uidi nostros publicanos facile a senatu disiungi, quāquam a me ipso non diuellerentur; tum autem beatos homines (hos piscinarios dico, amicos tuos) non obscure nobis inuidere: putauī, mihi maiores quasdā opes,



opes, et firmiora præsidia esse quærenda. itaque primum eum, qui nimium diu de rebus nostris tacuerat, Pompeium adduxi in eam uoluntatem, ut in senatu non semel, sed sæpe, multisq. uerbis suis mihi salutem imperij, atque orbis terrarum adiudicaret. quod non tam interfuit mea, (neque enim illæ res aut ita sunt obscuræ, ut testimonium, aut ita dubiæ, ut laudationem desiderent) quam reip. quod erant quidam improbi, qui contentionem fore aliquam mihi cum Pompeio, ex illarum rerum dissensione, arbitrarentur. cum hoc ego me tanta familiaritate coniunxi, ut uterque nostrum in sua ratione munitior, et in rep. firmior hac coniunctione esse possit. odia autem illa libidinosæ, & delicatæ iuuentutis, quæ erant in me incitata, sic mitigata sunt comitate quadam mea, me unum ut omnes illi colant. nihil iam denique a me asperum in quæquam fit, nec tamen quidquam populare, ac dissolutum: sed ita temperata tota ratio est, ut reip. constantiam præstem, priuatis rebus meis, propter infirmitatem bonorum, iniquitatem malorum, odium in me improborum, adhibeam quandam cautionem, & diligentiam. atque ita tamen nouis amicitijs implicati sumus, ut crebro mihi uaser ille Sículus insursurret Epicharmus cantilenam illam suam:

Νῦν γάρ, καὶ μέμνησ' ἀπιστεῖν. ἄρδρα τῶν τὰ τῶν φρενῶν.  
Ac nostræ quidem rationis, ac uitæ quasi quandam formam, ut opinor, uides. De tuo autem negotio sæpe ad me scribis: cui mederi nunc non possumus.

D      es.

*Notæ*



## LIB. I. EPIST.

est enim illud S. C. summa pedariorum uoluntate,  
nullius nostrum auctoritate factum. nam, quod me  
esse ad scribendum uides; ex ipso S. C. intelligere po-  
tes, aliam rem tum relatum, hoc autem, de popu-  
lis liberis, sine causa additum. & ita factum est  
a P. Seruilio filio, qui in postremis sententiam di-  
xit. sed immutari hoc tempore non potest. itaque  
conuentus, qui initio celebrabantur, iam diu fieri  
desierunt. tu si tuis blanditijs tamē a Sicyonijs nū-  
mularum aliquid expresseris; uelim me facias cer-  
tiores. Commentarium consulatus mei græce com-  
positum misi ad te. in quo si quid erit, quod homini  
Attico minus græcum, eruditumq. uideatur; non  
dicam, quod tibi, ut opinor, Panormi Lucullus de  
suis historijs dixerat; se, quo facilius illas probaret  
Romani hominis esse, iccirco barbara quædam, &  
obsoleta dispersisse. apud me si quid erit eiusmodi,  
me imprudente erit, & inuito. latinum si perfece-  
ro, ad te mittam. tertium poema expectato; ne  
quod genus a me ipso laudis meæ prætermittatur.  
hic tu, caue, dicas, τίς πάτερ ἀνύσει; si est enim  
apud homines quidquam, quod potius sit, laudetur,  
nos uituperemur, qui non potius alia laudemus.  
quamquam non ἐγκωμιαστικά sunt hæc, sed ἰσοπικά,  
quæ scribimus. Quintus frater purgat se mihi per  
litteras; et affirmat, nil a se cuiquam de te secus es-  
se dictū. uerū hæc nobis coram summa cura, et dili-  
gētia sunt agēda: tu modo nos reuise aliquando. Cos-  
finius hic, cui dedi litteras, ualde mihi bonus homo,

✠



Et non leuis, Et amans tui uisus est, Et talis, qualem esse eum tuæ mihi litteræ nunciarant. Vale. idibus Martijs.

CICERO S. D. ATTICO. 18

CVM e Pompeiano me Romam recepissem ad IV. id. Maij, Cincius noster eam mihi abs te epistolam reddidit, quam tu idibus Feb. dederas. ei nunc epistolæ litteris his respondebo. Ac primū, tibi perspectum esse iudicium de te meum, lator; deinde, te in ijs rebus, quæ mihi asperius a nobis, atque a nostris, et iniucūdus ad te uidebantur, moderatissimū fuisse; uehementissime gaudeo; idq. neque amoris mediocris, et ingenij summi, ac sapiētiae iudico. quare de re cum ad me ita suauiter, diligenter, officiose, humaniter scripseris, ut nō modo hortari te amplius nō debeam, sed ne expectare quidem abs te, aut ab ullo homine tantū facilitatis, ac māsuetudinis potuerim: nihil duco esse cōmodius, quam de his rebus nihil amplius scribere. cum erimus congressi, tum, si quid res feret, coram inter nos cōferemus. Quod ad me de rep. scribis, disputas tu quidem et amanter, et prudenter; et a meis consilijs ratio tua non abhorret: (nam neque de statu nobis nostræ dignitatis est recedendum, neque sine nostris copijs intra alterius præsidia ueniendum: et is, de quo scribis, nihil habet amplū, nihil excelsum, nihil non summissum, atque populare) uerūtamen fuit ratio mihi fortasse ad tranquillitatem meorum temporum non inutilis,

D 2 sed



sed mehercule reip. multo etiam utilior, quam mihi, ciuium improborum impetus in me reprimi, cum hominis amplissima fortuna, auctoritate, gratia fluctuantem sententiam confirmassem, & a spe malorum ad mearum rerum laudem conuertissem. quod si cum aliqua lenitate mihi faciendum fuisset, nullam rem tanti aestimassem: sed tamen a me ita acta sunt omnia, non ut ego illi assentiens leuior, sed ut ille me probas grauior uideretur. Reliqua sic a me aguntur, & agentur, ut non committamus, ut ea, quæ gessimus, fortuito gessisse uideamur. eos bonos uiros, illos quos significas, & eam, quam mihi dicis obtigisse, *παράτα* non modo nūquam deseram, sed etiam, si ego ab illa deserar, tamen in mea pristina sententia permanebo. illud tamen, uelim, existimes, me hanc uiam optimatum post Catuli mortem nec præsidio ullo, nec comitatu tenere, nam, ut ait Rhynton, ut opinor,

Οἱ μὲν παρ' οὐδέν εἰσιν, οἷς δ' ἔδεν μέλει.

mihi uero ut inuideant piscinarij nostri, aut scribā ad te alias, aut in congressum nostrum reseruabo. a curia autem nulla me res diuellet: uel quod ita re-  
ctum est: uel quod rebus meis maxime consentaneum: uel quod, a senatu quanti fiam, minime me pœnitet. De Sicyonijs, ut scripsi ad te antea, non multum spei est in senatu: nemo est enim iam, qui queratur. quare, si id exspectas, longum est: alia uia, si qua potes, pugna. cum est actum; neque animaduersum est, ad quos pertineret; et raptim in eā sententiam



tentiam pedarij concurrerunt. inducendi S. C. maturitas nondū est: quod neque sunt, qui querantur; & multi partim maleuolētia, partim opinione æquitatis delectātur. Metellus tuus est egregius cōsul. unū reprehēdo, quod otīū e Gallia non magnopere nūciari gaudet. cupit, credo, triūphare. hoc uellem mediocrius: cetera egregia. Auli filius uero ita se gerit, ut eius cōsulatus nō consulatus sit, sed Magni nostri ὑπὸ πτωχῶν. De meis scriptis, misi ad te græce perfectū cōsulatū meū. eum librū L. Cossinio dedi. puto te latinis meis delectari, huic autē græco græcū inuidere. alij si scripserint, mittemus ad te: sed, mihi crede, simul atque hoc nostrū legerūt, nescio quo pacto retardantur. Nunc (ut ad rē meam redeā) L. Papius Pætus, uir bonus, amatorq. noster, mihi libros eos, quos Ser. Claudius reliquit, donauit. cum mihi, per legē Ciciā licere capere, Cincius amicus tuus diceret; libēter, dixi, me accepturū, si attulisset. nūc, si me amas, si te a me amari scis, emitere per amicos, cliētes, hospites, libertos denique, ac seruos tuos, ut scheda ne qua depereat. nā et græcis ijs libris, quos suspicor, & latinis, quos scio illū reliquisse, mihi uehemēter opus est. ego autē quotidie magis, quod mihi de forēsi labore tēporis datur, ī his studijs cōquiesco. per mihi, per, inquā, gratū feceris, si in hoc tam diligens fueris, quam soles in ijs rebus, quas me ualde uelle arbitraris. ipsiusq. Pæti tibi negotia cōmēdo: de quibus tibi ille agit maximas gratias: & ut iā inuisas nos, nō solum rogo, sed etiā suadeo. Vale.

*Occurrit illi cause prope*



M. TVLLII CICERONIS  
EPISTOLARVM AD T. POM-  
PONIVM ATTICVM LIBER II.

CICERO S. D. ATTICO.

**K** A L. Iun. eunti mihi Antium, & gla-  
diatores M. Metelli cupide relinquen-  
ti, uenit obuiam tuus puer. is mihi lit-  
teras abs te, & commentarium consi-  
latus mei græce scriptum reddidit. in quo lætatus  
sum, me aliquanto ante de iisdem rebus græce item  
scriptum librum L. Cossinio ad te perferendum dedis-  
se. nam, si ego tuum ante legissem, furatum me  
abs te esse diceres. quamquam illa tua (legi enim li-  
benter) horridula mihi, atque incompta uisa sunt:  
sed tamen erant ornata hoc ipso, quod ornamenta  
neglexerant; & ut mulieres, ideo bene olere, quia  
nihil olebant, uidebantur. meus autem liber totum  
Isocratis  $\mu\upsilon\pi\omicron\delta\eta\kappa\iota\omicron\nu$ , atque omnes eius discipulorum  
arculas, ac non nihil etiam Aristotelica pigmenta  
consumpsit: quem tu Corcyrae, ut mihi alijs litteris  
significas, strictim attigisti, post autem, ut arbi-  
tror, a Cossinio accepisti. quem tibi ego non essem  
ausus mittere, nisi eum lente, ac fastidiose proba-  
uissem. quamquam ad me rescripsit iam Rhodo Pos-  
sidonius, se, rostrum illud  $\delta\pi\omicron\mu\nu\eta$  cum lege-  
ret, quod ego ad eum, ut ornatiùs de iisdem rebus  
scriberet, misi. am, non modo non excitatum esse  
ad



ad scribendum, sed etiam plane perterritum. quid  
 quæris? conturbavi græcam nationem. ita, uulgo  
 qui instabant, ut darem sibi, quod ornarent, iam  
 exhibere mihi molestiam destiterunt. tu, si tibi pla-  
 cuerit liber, curabis, ut & Athenis sit, & in cete-  
 ris opidis Græciæ. uidetur enim posse aliquid no-  
 stris rebus lucis afferre. Oratiunculas autem, &  
 quas postulas, & plures etiam mittam: quoniam  
 quidem ea, quæ nos scribimus adolescentulorum  
 studijs excitati, te etiam delectant. fuit enim mihi  
 commodum, quod in eis orationibus, quæ Philippi-  
 cæ nominantur, enituerit ciuis ille tuus Demosthe-  
 nes, et quod se ab hoc refractariolo iudiciali dicendi  
 genere abiunxerit, ut *σεμνότερος τις, καὶ πολιτικώτε-  
 ρος* uideretur, curare, ut meæ quoque essent oratio-  
 nes, quæ consulares nominarentur: quarum una est  
 in senatu kalendis Ian. altera ad populum de lege  
 agraria, tertia de Othone, quarta pro Rabirio, quin-  
 cta de proscriptorum filijs; sexta, cum prouinciam  
 in concione deposui; septima, qua Catilinam emis-  
 i; octaua, quam habui ad populum postridie, quam  
 Catilina profugit; nona in concione. quo die Allo-  
 broges inuocarunt; decima in senatu, nonis Dec.  
 sunt præterea duæ breues, quasi ἀποσπασμάτια le-  
 gis agrariæ. hoc totum σῶμα, curabo, ut habeas.  
 & quoniam te cum scripta, tum res meæ dele-  
 ctant; ijsdem ex libris perspicies, & quæ gesserim,  
 & quæ dixerim. aut ne poposcisses: ego enim tibi  
 me non offerebā. Quod quæris, quid sit, quo te accer-

D 4 sam,

*suorato*



sam; ac simul, impeditum te negotijs esse, significas;  
 neque recusas, quin, non modo si opus sit, sed etiam  
 si uelim, accurras: nihil sane est necesse: uerum ta-  
 men uidebare mihi tempora peregrinationis cōmo-  
 dius posse distribuere. nimis abes diu, præsertim cū  
 sis in propinquis locis: neque nos te fruimur, & tu  
 nobis cares. ac nunc quidem otium est: sed, si paul-  
 lo plus furor Pulchelli progredi posset, ualde te ego  
 istinc excitare. uerum præclare Metellus impedit,  
 & impedit. quid quæris? est consul *κλεόπατρις*, et,  
 ut semper iudicauī, natura bonus. ille autem non  
 simulat, sed plane tribunus pl. fieri cupit. qua de re  
 cum in senatu ageretur, fregi hominem; & incon-  
 statiam reprehendi, qui Romæ tribunatum pl. pe-  
 teret, cum in Sicilia ædilitatem sæpe dictitasset. sed  
 neque magnopere dixi esse nobis laborandum: quod  
 nihilo magis ei licitum esset plebeio remp. per-  
 dere, quam similibus eius me consule patricijs esset  
 licitum. Iam, cum se ille septimo die uenisse a Fre-  
 to, neque sibi obuiam quemquam prodire potuisse,  
 & nocte se introisse dixisset, in eoq. se in concione  
 iactasset: nihil ei noui dixi accidisse: ex Sicilia se-  
 ptimo die Romam, tribus horis Roma Interam-  
 nam: noctu introisse; item ante: non esse itum ob-  
 uiam; ne tum quidem, cum iri maxime debuit.  
 quid quæris? hominem petulantem modestum red-  
 do, non solum perpetua grauitate orationis, sed  
 etiam hoc genere dictorum. itaque iam familiari-  
 ter cum ipso cauillor etiam, ac iocor. quin etiā cum  
 candida-



candidatum deducerem, is quærit ex me, num consueſſem Siculis locum gladiatoribus dare. negaui. at ego, inquit, nouos patronos instituam. sed ſoror, quæ tantum habeat conſularis loci, unum mihi ſolum pedem dat. noli, inquam, de uno pede ſororis queri. licet etiam alterum tollas. non conſulare, inquit, dictum. fateor: sed ego odi illam male conſularem. ea eſt enim ſeditioſa: ea cum uiro bellum gerit, neque ſolum cum Metello, ſed etiam cum Fabio; quod eos mihi eſſe amicos moleſte fert. Quod de agraria lege quæris, ſane iam uidetur refriſſe. Quod me quodā modo molli brachio de Pompeij familiaritate obiurgas: nolim ita exiſtumes, me mei præſidij cauſſa cum illo coniunctum eſſe: ſed ita reſ erat inſtituta, ut, ſi inter nos eſſet aliqua forte diſſenſio, maximas in rep. diſcordias uerſari eſſet neceſſe. quod a me ita præcautum, atque ita prouiſum eſt, non ut ego de optima illa mea ratione decederem; ſed ut ille eſſet melior, & aliquid de populari lenitate deponeret: quem de meis rebus, in quas eum multi incitarant, multo ſcito glorioſius, quam de ſuis, prædicare. ſibi enim bene geſtæ, mihi conſeruatæ reip. dat teſtimonium. hoc facere illum, mihi quam proſit, nescio; reip. certe prodeſt. quid, ſi etiam Cæſarem, cuius nunc uenti ualde ſunt ſecundi, reddo meliorem? num tantum obſum reip.? quin etiam, ſi mihi nemo inuideret; ſi omnes, ut erat æquum, fauerent; tamen non minus eſſet probanda medicina, quæ ſanaret uitioſas partes reip. quam

*Atticus*



## LIB. II. EPIST.

quam quæ exsecaret. nunc uero, cum equitatus ille, quem ego in cliuo Capitolino, te signifero, ac principe, collocaram, senatum deseruerit; nostri autem principes digito se cælum putent attingere, si muli barbati in piscinis sint, qui ad manum accedant; alij autem negligant: non ne tibi satis prodesse uideor, si perficio, ut nolint obesse, qui possunt? nam Catonem nostrum non tu amas plus, quam ego. sed tamen ille, optimo animo utens, & summa fide, nocet interdum reip. dicit enim tamquam in Platonis πολιτεία, non tamquam in Romuli sæce, sententiam. quid uerius, quam in iudicium uenire, qui ob rem iudicandam pecuniam acceperit? censuit hoc Cato: assensit senatus. equites curiæ bellum, non mihi: nam ego dissen si. quid impudentius publicanis renunciantibus? fuit tamen, retinendi ordinis causa, facienda iactura. restitit, et peruicit Cato. itaque nunc, consule in carcere incluso, sæpe item seditione commota, aspirauit nemo eorum, quorum ego concursu, itemq. consules, qui post me fuerunt, remp. defendere solebant. Quid ergo? istos, inquires, mercede conductos habebimus? Quid faciemus, si aliter non possumus? an libertinis, atque etiam seruis seruiamus? sed, ut tu ais, ἀλλὰ πῶς δῆς. Fauonius meam tribum tulit honestius, quam suam, Luceij perdidit. accusauit Nasicam inhoneste, ac modeste tamen dixit: ut Rhodi uideretur molis potius, quam Moloni, operam dedisse. mihi, quod defendissem, leuiter succensuit.



censuit. nunc tamen petit iterum reip. causa. Luc-  
 ceius quid agat, scribam ad te, cum Casarem uide-  
 ro, qui aderit biduo. Quod Sicyonij te laedunt, Ca-  
 toni, & eius aemulatori attribuas Seruilio. quid?  
 ea plaga nonne ad multos bonos uiros pertinet?  
 sed, si ita placuit, laudemus; deinde in dissensionibus  
 soli relinquamur. Amalthea mea te exspectat,  
 & indiget tui. Tusculanum, & Pompeianum ualde  
 me delectant; nisi quod me, illum ipsum uindi-  
 cem æris alieni, ære non Corinthio, sed hoc circum-  
 foraneo obruerunt. In Gallia speramus esse otium.  
 Prognostica mea cum oratiunculis propediem ex-  
 spectata. & tamen, quid cogites de aduentu tuo, scri-  
 be ad nos. nam mihi Pomponia nunciari iussit, te  
 mense Quintili Romæ fore. id a tuis litteris, quas  
 ad me de accessu tuo miserat, discrepabat. Pætus,  
 ut antea ad te scripsi, omnes libros, quos frater  
 suus reliquisset, mihi donauit. hoc illius munus in  
 tua diligentia positum est. si me amas, cura, ut  
 conseruentur, & ad me perferantur. hoc mihi nil  
 potest esse gratius. Et, tum Græcos, tum uero la-  
 tinos diligenter ut conserues, uelim. tuum esse hoc  
 munusculum putabo. Ad Octauium dedi litteras:  
 cum ipso nil eram locutus. neque enim ista tua ne-  
 gotia prouincialia esse putabam. neque te in Tocu-  
 \* lionibus habebam. sed scripsi, ut debui, diligen-  
 ter. Vale.

CICERO



CURA, amabo te, Ciceronem nostrum. ei nos  
 θεῶι uidemur. Περιναιῶν in manibus tenebam. &  
 hercule magnum aceruum Dicæarchi mihi ante pe-  
 des exstruxeram. o magnum hominem, & a quo  
 multo plura didiceris, quam de Procilio. Κορινθίων,  
 καὶ Ἀθηναίων puto me Romæ habere. mihi heredes.  
 lege. hoc doceo: mirabilis uir est. Ἡρώδης, si homo  
 esset, eum potius legeret, quam unam litteram scri-  
 beret: qui me epistola petiuit: ad te, ut uideo, com-  
 minus accessit. coniurasse mallem, quam restitisse  
 coniurationi, si illum mihi audiendum putassem.  
 De Lollio sanus non es. de Vinio laudo. Sed heus tu,  
 ecquid uides kal. uenire, Antonium non uenire? in-  
 dices cogi? nam ita ad me mittunt; Nigidium mi-  
 nari in concione, se iudicem, qui non affuerit, com-  
 pellaturum. uelim tamen, si quid est de Antoni  
 aduentu, quod audieris, scribas ad me: et quoniam  
 hic non uenis, cenes apud nos utique prid. Kal. ca-  
 ue aliter facias. Cura, ut ualeas.

PRIMUM, ut opinor, & ἀγγέλια. Valerius ab-  
 solutus est Hortensio defendente. id iudicium Ati-  
 lio condonatum putabatur: & Epicratem suspicor,  
 ut scribis, lasciuum fuisse: etenim mihi caligæ eius,  
 ut fasciæ cretatæ, non placebant. quid sit, sciemus,  
 cum ueneris. Fenestrarum angustias quod repre-  
 hendis,



bendis, scito te Κύρις παιδείαν reprehendere. nam,  
 cum ego idem istuc dicerem, Cyrus aiebat, radiorū  
 τὰς διαφάσεις latis luminibus, non tam esse suaves.  
 etenim ἔσω ὅψις μὲν, ἦ, α: τὸ δὲ ὁρώμενον, β, γ: ἀκ-  
 τίνες δὲ, δ, καὶ ε. uides enim cetera. nam, si κατὰ  
 εἰδώλων ἐμπώσεις uideremus, ualde laborarent εἰ-  
 δωλα in angustiis. nunc fit lepide illa ἐκχυσίς radio-  
 rum. cetera si reprehenderis, non feres tacitum, ni-  
 si si quid erit eiusmodi, quod sine sumptu corrigi  
 possit. Venio nunc ad mensem Ianuarium, & ad  
 ὑπόσασιν nostram, ac πολιτείαν: in qua σωκρατικῶς  
 εἰς ἐκάτερον, sed tamen ad extremum, ut illi sole-  
 bant, τὴν ἀρέσκουσιν. est res sane magni consilij.  
 nam aut fortiter resistendum est legi agrariae; in  
 quo est quaedam dimicatio, sed plena laudis: aut  
 quiescendum; quod est non dissimile, atque ire in  
 Solonium, aut Antium: aut etiam adiuuandum;  
 quod a me aiunt Cæsarem sic expectare, ut non du-  
 bitet. nam fuit apud me Cornelius. hunc dico Bal-  
 bum, Cæsaris familiarem. is affirmabat, illum o-  
 mnibus in rebus meo & Pompeij consilio usurum;  
 daturumq. operam, ut cum Pompeio Crassum con-  
 iungeret. Hic sunt hæc, coniunctio mihi summa  
 cum Pompeio; si placet, etiam cum Cæsare, reddi-  
 tus in gratiam cum inimicis, pax cum multitudine,  
 senectutis otium. sed me κατὰ κρισίς mea illa com-  
 mouet, quæ est in libro I I I.

Interea cursus, quos prima a parte iuuentæ,  
 Quosq. adeo consul uirtute, animoq. petisti,

Hos

*Answer*



## LIB. II. EPIST.

Hos retine, atque auge famam, laudesq. bonorum.  
 hæc mihi cum in eo libro, in quo multa sunt scripta  
 ἀπιστοπατικῶς, Calliope ipsa præscripserit; non o-  
 pinor esse dubitandum, quin semper nobis uideatur  
 εἰς οἰωνὸς ἀπιστοῦ ἀμυνέσθαι περὶ πάντων.  
 sed hæc ambulationibus compitalicijs reseruemus.  
 Tu pridie Compitalia memento. balneum calefieri  
 iubebo: & Pomponiam Terentia rogat: matrem  
 adiungemus. θεοφράσου περὶ φιλοτιμίας affer mihi  
 de libris Quincti fratris. Vale.

CICERO S. D. ATTICO. 4

FECISTI mihi pergratum, quod Serapionis  
 librum ad me misisti: ex quo quidem ego (quod  
 inter nos liceat dicere) millesimam partem uix in-  
 telligo. pro eo tibi præsentem pecuniam solui im-  
 peravi, ne tu expensum muneribus ferres. At quo-  
 niam nummorum mentio facta est; amabote, cu-  
 ra, ut cum Titinio, quoquo modo poteris, transi-  
 gas. si in eo, quod ostenderat, non stat; mihi ma-  
 xime placet, ea, quæ male emptæ sunt, reddi, si  
 uoluntate Pomponiæ fieri poterit. si ne id quidem;  
 nummi potius reddantur, quam ullus sit scrupu-  
 lus. ualde hoc uelim ante, quam proficiscare, a-  
 manter, ut soles, diligenterq. conficias. Clodius  
 \* ergo, ut ais, ad Tigranem? uelim, Syriæ condi-  
 cione: sed facile patior. accommodatius enim no-  
 bis est ad liberam legationem tempus illud; cum et  
 Quinctus noster iam, ut speramus, in otio conse-  
 derit



derit, & iste sacerdos Bonæ deæ cuiusmodi futurus sit, sciri possit. interea quidem cum musis nos delectabimur animo æquo, immo uero etiam gaudenti, ac libenti. neque mihi umquam ueniet in mentem Crasso inuidere, neque pœnitere, quod a me ipse non descuerim. De geographia, dabo operam, ut tibi satisfaciam: sed nihil certi polliceor. magnum opus est; sed tamen, ut iubes, curabo, ut huius peregrinationis tibi opus extet. Tu quidquid indagaris de rep. et maxime quos consules futuros putes, facito, ut sciam. tametsi nimis sum curiosus: statui enim nihil iam de rep. cogitare. Terentia saltum perspeximus. quid queris? præter quercum Dodonæam nihil desideramus, quo minus Epirum ipsam possidere uideamur. Nos circiter kal. aut in Formiano erimus, aut in Pompeiano. tu, si in Formiano non erimus; si non amas, in Pompeianum uenito. id & nobis erit periucundum, & tibi non sane deuium. De muro, imperaui Philotimo, ne impediret, quo minus id fieret, quod tibi uideretur. censeo tamē, adhibeas Vettium. his temporibus, tã dubia uita optimi cuiusque, magni æstimo unius æstatis fructum palæstræ Palatinæ, sed ita tamen, ut nihil minus uelim, quam Pomponiam, & puerum uersari in timore ruinæ. Vale.

CICERO S. D. ATTICO. 5

CUPPIO equidem, & iam pridem cupio Alexandriam, reliquamq. Aegyptum uisere, et simul

ab

*Ad Atticum*



LIB. II. EPIST.

ab hac hominum satietate nostri discedere, & cum aliquo desiderio reuerti; sed hoc tempore, & his mittentibus, αἰδέομαι τρωάς, καὶ τρωάδας ἐλκεσιπέ-  
 πλους. quid enim nostri optimates, si qui reliqui sunt, loquentur? an me aliquo præmio de sententia esse deductum? πουλυδάμας μοι πρῶτος ἐλεγχεῖν ἀναθήσει, Cato ille noster, qui mihi unus est pro cen-  
 tum millibus. quid uero historiæ de nobis ad annos D C. prædicarint? quas quidem ego multo magis uereor, quam eorum hominum, qui hodie uiuunt, rumusculos. sed, opinor, excipiamus, & exspectemus. si enim deferetur; erit quædam nostra pote-  
 stas, & tum deliberabimus. et iam hercule est in nō accipiendo non nulla gloria. quare si quid θεοφάνης tecum forte contulerit, ne omnino repudiaris. de istis rebus exspecto tuas litteras, quid Arrius nar-  
 ret, quo animo se destitutum ferat; ecqui consules parentur; utrum, ut populi sermo, Pompeius, & Crassus, an, ut mihi scribitur, cum Gabinio Ser. Sulpicius; & num quæ nouæ leges, & num quid noui omnino; & , quoniam Nepos proficiscitur, cuiam auguratus deferatur. quo quidem uno ego ab istis capi possum. Videte ciuitatem meam. sed quid ego hæc, quæ cupio deponere, & toto animo, atque omni cura φιλοσοφῶν? sic, inquam in animo. sic uellem ab initio. nunc uero, quoniam, quæ putauī esse præclara, expertus sum, quam essent ina-  
 nia; cum omnibus musis rationē habere cogito. Tu tamen de Curtio ad me rescribe certius; & num  
 quis



quis in eius locum paretur ; & quid de P. Clodio fiat : & omnia , quemadmodum tu polliceris , ἐπιχρῶνς scribe : & quo die Romae te exiturum putes , uelim ad me scribas ; ut certiore te faciam , quibus in locis futurus sim : epistolamq. statim de de ijs rebus , de quibus ad te scripsi . ualde enim exspecto litteras tuas . Vale .

CICERO S. D. ATTICO. 6

QVOD tibi superioribus litteris promiseram , fore , ut opus extaret huius peregrinationis : nihil iam magnopere confirmo . sic enim sum complexus otium , ut ab eo diuelli non queam . itaque aut libris me delecto , quorum habeo Antij festiuam copiam : aut fluctus numero . nam ad lacertas captandas tempestates non sunt idoneæ . a scribendo prorsus abhorret animus . etenim γερῶγραφικὰ , quæ constitueram , magnum opus est : ita ualde Eratosthenes , quem mihi proposueram , a Serapione , & ab Hipparcho reprehenditur . quid censes , si Tyrannio accesserit ? & hercule sunt res difficiles ad explicandum , & ὁμοειδῆς , nec tam possunt ἀνθρογραφεῖσθαι , quam uidebantur : & , quod caput est , mihi quæuis satis iusta caussa cessandi est . quin etiam dubitem , an hic Antij confidam , et hoc tempus omne consumam : ubi quidem ego malletm diu nimirum , quam Romæ , fuisse . tu uero sapientior Butbroti domum parasti . sed , mihi crede , proxima est illi municipio hæc Antiatum ciuitas . esse lo-

E cum

*capitulum*



cum tam prope Romam, ubi multi sint, qui Vatinium numquam uiderint? ubi nemo sit, præter me, qui quemquam ex xx uiris unum esse saluum uelit? ubi me interpellat nemo, diligant omnes? hic, hic nimirum πολιτῶν: nam istic non solum non licet, sed etiam tædet. itaque ἀνέκδοτα a nobis, quæ tibi uni legamus, Theopompino genere, aut etiam asperiore multo pangentur. neque aliud iam quidquam πολιτῶν, nisi odisse improbos, & id ipsum nullo cum stomacho, sed potius cum aliqua scribendi uoluptate. Sed, ut ad rem, scripsi ad quæstores urb. de Quincti fratris negotio. uide, quid narrent, ecquæ spes sit denarij, an cistophoro Pompeiano iaceamus. Præterea de muro, statue, quid faciendum sit. Aliud quid? etiam. quando te proficisci istinc putes, fac ut sciam. Vale.

CICERO S. D. ATTICO. 7

DE GEOGRAPHIA etiam atque etiam deliberabimus. Orationes autē me duas postulas: quarum alteram non libebat mihi scribere, quia abscideram; alteram, ne laudarem eum, quem non amabam. sed id quoque uidebimus. denique aliquid extabit; ne tibi plane cessasse uideamur. De Publio quæ ad me scribis, sane mihi iucunda sunt: eaq. etiam uelim omnibus uestigijs indagata ad me afferas, cum uenies; & interea scribas, si quid intelliges, aut suspicabere, & maxime de legatione quid sit acturus. equidem ante, quam tuas legi literas,



teras, in hominem ire cupiebam; non mehercule,  
 ut differrem cum eo uadimonium; (nam mira sum  
 alacritate ad litigandum) sed uidebatur mihi, si  
 quid esset in eo popolare, quod plebeius factus esset,  
 id amissurus. quid enim? ad plebem transisti, ut  
 Tigranem ires salutatum? narra mihi, reges Ar-  
 menij patricos salutare non solent? quid quæris?  
 acueram me ad exagitandam hanc eius legationē.  
 quam si ille contemnit; & si, ut scribis, bilem id  
 commouet & latoribus, & auspiciis legis curia-  
 tæ: spectaculum egregium. Hercule, uerum ut lo-  
 quamur, subcontumeliose tractatur noster Pu-  
 blius: primum, qui, cum in domo Cæsaris quon-  
 dam unus uir fuerit, nunc ne in uiginti quidem esse  
 potuerit: deinde, alia legatio dicta erat, alia data  
 est: illa opima ad exigendas pecunias Druso: ut opi-  
 nor, Pisauensis nebuloni Vatinio reseruatur: hæc  
 ieiuna, ac bella relegatio datur ei, cuius tribuna-  
 tus ad istorum tempora reseruatur. incende homi-  
 nem, amabo te, quoad potes. una spes est salutis, isto-  
 rum inter istos dissensio. cuius ego quædam initia  
 sensi ex Curione. iam uero Arrius consulatum sibi  
 ereptum fremit. Megabocchus, & hæc sanguina-  
 ria iuuentus inimicissima est. accedat uero, accedat  
 etiam ista rixa auguratus. spero me præclaras de  
 istis rebus epistolas ad te sæpe missurum. Sed, illud  
 quid sit, scire cupio, quod iacis obscure, iam etiam  
 ex ipsis quinque uiris loqui quosdam. quidnam id  
 est? si est enim aliquid; plus est boni, quam puta-

*Perane*



## LIB. II. EPIST.

ram. atque hæc, sic uelim existimes, non me abs te κατὰ τὸ πρᾶκτικὸν quærere; quod gestiât animus aliquid agere in rep. iam pridem gubernare me tædebat, etiam cum licebat. nunc uero, cum cogar exire de naui, non abiectis, sed ereptis gubernaculis; cupio istorum naufragia ex terra intueri; cupio, ut ait tuus amicus Sophocles, καὶ ὑπὸ σέῃ Πυκνὰς ἀκούσαι φανάδος ἀδύστη φρενί.

De muro, quid opus sit, uidebis. Castritianum mendum nos corrigemus: & tamen ad me Quintus CLOCCLOOLOO scripserat, non ad sororem tuam HS XXX. Terentia tibi salutem dicit. Cicero tibi mandat, ut Aristodemo idem de se respondeas, quod de fratre suo, sororis tuæ filio, respondisti. De Amalthea quod me admones, non negligemus. Cura, ut ualeas.

CICERO S. D. ATTICO. 8

EPISTOLAM cum a te auide expectarem ad uesperum, ut soleo; ecce tibi nuncius, pueros uenisse Roma. uoco, quæro, ecquid litterarum? negant. quid ais, inquam, nihil ne a Pomponio? perterriti uoce, & uultu, confessi sunt se accepisse, sed excidisse in uia. quid quæris? permolestè tuli. nulla enim abs te per hos dies epistola inanis aliqua re utili, & suauī. nunc, si quid in ea epistola, quam ante diem XVI. kal. Mai. dedisti, fuit historia dignum, scribe quamprimum, ne ignoremus: sin nihil præter iocationem, redde id ipsum. & sci-  
to



to Curionem adolescentem uenisse ad me salutatum. ualde eius sermo de Publio cum tuis litteris congruebat. ipse uero mirandum in modum reges odisse superbos. peræque narrabat incensam esse iuuentutem, neque hæc ferre posse. bene habemus. nos, si in his spes est, opinor, aliud agamus. Ego me do historiæ quamquam licet me Sausseium putes esse. nihil me est inertius. Sed cognosce itinera nostra; ut statuas, ubi nos uisurus sis. In Formianum uolumus uenire Parilibus: inde, ( quoniam putas prætermittendum nobis esse hoc tempore cratera illum delicatum ) kal. Mai. de Formiano proficiscemur, ut Antij simus ad v. non. Mai. ludi enim Antij futuri sunt a iv. kal. ad prid. non Mai. eos Tullia spectare uult. inde cogito in Tusculanum, deinde Arpinum, Romam ad kal. Iun. te aut in Formiano, aut Antij, aut in Tusculano, cura, ut uideamus. Epistolam superiorem restitue nobis, & appinge aliquid noui. Vale.

CICERO S. D. ATTICO.

9

SUBITO, cum mihi dixisset Cæcilius quæstor puerum se Romam mittere, hæc scripsi raptim, ut tuos elicerem mirificos cum Publio dialogos, cum eos, de quibus scribis, tum illum, quem addis, & ais, longum esse, quæ ad ea responderis, perscribere; illum uero, qui nondum habitus est, quem illa βοῶντις, cum e Solonio redierit, ad te est relatura. sic uelim putes, nihil hoc posse mihi esse iucundius.

E 3

si uero

*Acron magister*



## LIB. II. EPIST.

si uero, quæ de me pacta sunt, ea non seruantur; in  
 celo sum; ut sciat hic noster Hierosolymarius tra-  
 ductor ad plebem, quam bonam meis putissimis o-  
 rationibus gratiam retulerit: quarum expectata di-  
 uinam  $\pi\alpha\lambda\iota\nu\sigma\delta\iota\alpha\nu$ . etenim, quantum coniectura  
 auguramur, si erit nebulo iste cum his dynastis in  
 gratia, non modo de cynico consulari, sed ne de istis  
 quidem piscinarum Tritonibus poterit se iactare.  
 non enim poterimus ulla esse in inuidia, spoliatio opi-  
 bus, & illa senatoria potentia. sin autem ab ijs dis-  
 sentiet; erit absurdum in nos inuehi. uerumtamen  
 inuehatur. festiue, mihi crede, & minore sonitu,  
 quam putaram, orbis hic in rep. est conuersus: ci-  
 tius omnino, quam potuit: id culpa Catonis, sed  
 rursus improbitate istorum; qui auspicia, qui Ae-  
 liam legem, qui Iuniã, et Liciniam, qui Cæciliam,  
 & Didiam neglexerunt; qui omnia remedia reip.  
 effuderunt; qui regna, qui prædia tetrarchis, qui  
 immanes pecunias paucis dederunt. uideo iam, quo  
 inuidia transeat, et ubi sit habitura. nihil me existi-  
 maris neque usu, neque a Theophrasto didicisse, ni-  
 si breui tempore, desiderari nostra illa tempora, ui-  
 deris. etenim si fuit inuidiosa senatus potentia; cum  
 ea non ad populum, sed ad tres homines immodera-  
 tos redacta sit, quidnam censes fore? proinde isti li-  
 cet faciant, quos uolent, consules, tribunos pl. de-  
 nique etiam Vatiniij Strumam sacerdotij  $\delta\iota\epsilon\lambda\alpha\phi\phi$  ue-  
 stiant. uidebis breui tempore magnos nō modo eos,  
 qui nihil titubarunt, sed etiam illum ipsum, qui pec-  
 canit,



cavit, Catonem. nam nos quidem, si per istum  
tuum sodalem Publium licebit, σοφὶς δ' ἐν cogita-  
mus: si ille cogitat, tantum dumtaxat nos defende-  
re, et, quod est proprium artis huius, ἐπαγγέλλομαι  
Ἄνδρα ἀπαμύεσθαι ὅς τις πρότερος χαλεπήνῃ.  
patria propitia sit: habet a nobis, etiam si nō plus,  
quam debitum est, plus certe, quam postulatum  
est. male uehi malo alio gubernante, quam, tam  
ingratis uectoribus, bene gubernare. Sed hæc co-  
ram commodius. nunc audi, quod quæris. Antium  
me ex Formiano recipere cogito ad v. non. Mai.  
Antio uolo nonis Mai. proficisci in Tusculanum.  
sed cum e Formiano rediero, (ibi esse uolo usque ad  
prid. kal. Mai.) faciam statim te certiolem. Te-  
rentia tibi salutem. Κικέρων ὁ μικρὸς ἀσπάζεταιται Τί-  
τον Ἀδινάϊον.

CICERO S. D. ATTICO. IO

VOLO ames constantiam meam. ludos Antij  
spectare non placet. est enim ὑποσόλοιον, cum me-  
lim uitare omnium deliciarum suspicionem, repen-  
te ἀναφαίνεσθαι non solum delicate, sed etiam inepte  
peregrinatem. quare usque ad non. Mai. te in For-  
miano exspectabo. nunc fac, ut sciam, quo die te ui-  
suri simus. Ab Appij Foro, hora quarta: dede-  
ram aliam paullo ante a Tribus Tabernis. Vale.

CICERO S. D. ATTICO. II

NARRO tibi: plane relegatus mihi uideor, po-

E 4 stea-



L I B. I I. E P I S T.

Steaquam in Formiano sum. dies enim nullus erat,  
Antij cum essem, quo die non melius scirem, Ro-  
mæ quid ageretur, quam ij, qui erant Romæ. ete-  
nim litteræ tuæ, non solum quid Romæ, sed etiam  
quid in rep. neque solum quid fieret, uerum etiam  
quid futurum esset, indicabant: nunc, nisi si quid ex  
prætereunte uiatore exceptum est, scire nihil possu-  
mus. quare quamquam iam te ipsum exspecto; ta-  
men isti puero, quem ad me statim iussi recurrere,  
da ponderosam aliquam epistolam, plenam omnium  
non modo actorum, sed etiam opinionum tuarum:  
ac diem, quo Roma sis exiturus, cura ut sciam. Nos  
in Formiano esse uolumus usque ad prid. non. Mai.  
eo si ante eam diem non ueneris, Romæ te fortasse  
uidebo. nam Arpinum quid ego te inuitem?

Τριχῆϊ, ἀλλ' ἀγαθὴν κουροτρόφος. οὔτι ἔγωγε  
Ἡς γαῖης δυνάμει γλυκυρώτερον ἄλλο ἰδέναι.  
Hæc igitur. Cura ut ualeas.

C I C E R O S. D. A T T I C O. 12

N E G E N T illi Publium trib. pl. factum esse.  
hoc uero regnum esse, ferri nullo pacto potest. emit-  
tat ad me Publius, qui obsignent. iurabo, Cnæum  
nostrum, collegam Balbi, Antij mihi narrasse, in  
auspicio fuisse. o suaves epistolas tuas, uno tempo-  
re mihi datas, duas: quibus δ' ἀγγέλια quæ reddā,  
nescio, deberi quidem plane fateor. sed uide συγχύ-  
ρνια. Emerseram commode ex Antio in Appiam  
ad Tres Tabernas, ipsis Cerialibus, cum in me in-  
currit



currit Roma ueniens Curio meus. ibidem illico puer  
abs te cum epistolis. ille ex me, nihil ne audissem no-  
ui? ego negare. Publius, inquit, tribunatum pl.  
petit. quid ais? & inimicissimus quidem Cæsaris,  
& ut omnia, inquit, ista rescindat. quid Cæsar? in-  
quam. negat, se quidquam de illius adoptione tulis-  
se. deinde suum, Memmij, Metelli Nepotis ex-  
promsit odium. Complexus iuuenem dimisi, pro-  
perans ad epistolas. Vbi sunt, qui aiunt, ζῶντες φω-  
νῆς? quanto magis uidi ex tuis litteris, quam ex il-  
lius sermone, quid ageretur? de ruminatone quo-  
tidiana, de cogitatione Publij, de lituis βοώπιδος,  
de signifero Athenione, de litteris missis ad Cnæ-  
um, de Theophanis, Memmijq. sermone. quantam  
porro mihi expectationem dedisti conuiuij istius ἀ-  
σελγούς? sum in curiositate ὀξύπνεος: sed tamen fa-  
cile patior te id ad me συμπόσιον non scribere: præ-  
sentem audire malo. Quod me, ut scribam aliquid,  
hortaris: crescit mihi quidem materies, ut dicis:  
sed tota res etiam nunc fluctuat. κατ' ὁπώραν τραχύ-  
της. quæ si defederit; magis erunt indicata, quæ  
scribam: quæ si statim a me ferre non potueris, pri-  
mus habebis tamen, & aliquandiu solus. Dicæar-  
chū recte amas: luculentus homo est, & cuius haud  
paullo melior, quam isti nostri ἀδινγίαρχοι. Litte-  
ras scripsi hora decima Cerialibus, statim, ut tuas  
legeram: sed eas eram daturus, ut putaram, po-  
stridie ei, qui mihi primus obuiam uenisset. Te-  
rētia delectata est tuis litteris, et impertit tibi mul-  
tum

*De epistolis*



tum salutis : καὶ Κικέρων ὁ φιλόσοφος τὸν πολιτικὸν  
Τίτον ἀπαίξεται .

CICERO S. D. ATTICO. 13

FACINVS indignum : epistolam , αὐθιγὰ τῇ  
a Tribus Tabernis rescriptam ad tuas suauissimas  
epistolas , neminem reddidisse ? at scito , eum fasci-  
culum , quo illam conieceram , domum eo ipso die  
latum esse , quo ego dederam , & ad me in Formia-  
num relatum esse . itaque tibi tuam epistolam iussi  
referri ; ex qua intelligeres , quam mihi tum illæ  
gratiæ fuissent . Romæ quod scribis sileri : ita puta-  
bam . at hercule in agris non siletur : nec iam ipsi  
agri regnum uestrum ferre possunt . si uero in hanc  
Τηλέπυλον ueneris Δαυσρυγονίην , ( Formias dico )  
qui fremitus hominum ? quam irati animi ? quanto  
in odio noster amicus Magnus ? cuius cognomen una  
cū Crassi Diuitis cognomine consenescit . credas mi-  
hi uelim : neminem adhuc offendi , qui hæc tam len-  
te , quam ego fero , ferret . quare , mihi crede , φιλο-  
σοφώμεν . iuratus tibi possum dicere , nihil esse tanti .  
Tu si litteras ad Sicyonios habes , aduola in Formia-  
num : unde nos prid. non. Mai. cogitamus . Vale .

CICERO S. D. ATTICO. 14

QUANTAM tu mihi mones expectationem de  
sermone Bibuli , quantam de colloquio Κοῶπιδος ,  
quātam etiam de illo delicato conuiuio . proinde ita  
fac uenias ad sitientes aures . quamquam nihil est  
iam,



iam, quod magis timendum nobis putem, quam ne ille noster Sampficeramus, cum se omnium sermonibus sentiet uapulare, & cum has actiones & avaritias uidebit, ruere incipiat. ego autem usque eo sum enervatus, ut hoc otio, quo nunc tabescimus, malim evtrouavvẽdau, quam optima spe dimicare. De pangẽdo quod me crebro adhortaris, fieri nihil potest. basilicam habeo, non uillam, frequentia Formianorum. at comparem basilicæ? tribum Aemiliam. sed omitto vulgus: post horam quartam molesti ceteri non sunt: C. Arrius proximus est uicinus, immo ille quidem iam contubernalis: qui etiam se iccirco Romam ire negat, ut hic mecum totos dies philosophetur. ecce ex altera parte Sebosus ille Catuli familiaris. quo me uertam? statim mehercule Arpinum irem, ni te in Formiano commodissime expectari uiderem, dumtaxat ad prid. non. Mai. uide enim, quibus hominibus aures sint dedit & meæ. occasionem mirificam, si quis nunc, dum hi apud me sunt, emere de me fundum Formianum uelit. & tamen illud probem. magnum quid aggrediamur, & multæ cogitationis, atque otij. sed tamen satisfiet a nobis, neque parcetur labori.

CICERO S. D. ATTICO. 15

Ut scribis, ita uideo, non minus incerta in rep. quam in epistola tua. sed tamen ista ipsa me uarietas sermonum, opinionumq. delectat. Romæ enim uideor esse, cum tuas litteras lego, et, ut fit in tantis

*Epistola*



L I E. II. E P I S T.

tis rebus, modo hoc, modo illud audire. illud tamen explicare non possum, quidnam inueniri possit, nullo recusante, ad facultatem agrariam. Bibuli autem ista magnitudo animi in comitiorum dilatione, quid habet, nisi ipsius iudicium sine ulla correctione reip. ? nimirum in Publio spes est: fiat, fiat tribunus plebis: si nihil aliud, ut eo citius tu ex Epiro reuertare. nam, ut illo tu careas, non uideo posse fieri, praesertim si mecum aliquid uolet disputare. sed id quidem non dubium est, quin, si quid erit eiusmodi, sis aduolaturus. uerum ut hoc non sit, tamen seruet remp. praclarum spectaculum mihi propono, modo te confessore spectare liceat. Cum hac maxime scriberē, ecce tibi Sebosus. nondum plane ingemueram; salue, inquit Arrius. hoc est Roma decedere? quos ego homines effugi, cum in hos incidi? ego uero in montes patrios, & ad incunabula nostra pergam. denique, si solus non potuero, cum rusticis potius, quam cum his perurbanis, ita tamen, ut, quoniam tu certi nihil scribis, in Formiano tibi praestoler usque ad III. non. Mai. Terentiae pergrata est assiduitas tua, & diligentia in controuersia Muluiana. nescit omnino, te communem causam defendere eorum, qui agros publicos possideant. sed tamen tu aliquid publicanis pendis, hac etiam id recusat. ea tibi igitur, & Κικέρων, ἀπιστοκρατικώτατος παῖς, salutem dicunt.

C I C E R O



CICERO S. D. ATTICO. 16

CENATO mihi, & iam dormitanti, prid.  
kal. Mai. epistola est illa reddita, in qua de agro  
Campano scribis. quid quæris? primum ita me pu-  
pugit, ut somnum mihi ademerit, sed id cogitatio-  
ne magis, quam molestia. cogitanti autem hæc fe-  
re succurrebant. primum ex eo, quod superiori-  
bus litteris scripseras, ex familiari te illius audisse,  
prolatum iri aliquid, quod nemo improbaret; ma-  
ius aliquid timueram: hoc mihi eiusmodi non uide-  
batur. deinde, ut me ego consoler, omnis expecta-  
tio largitionis agrariæ in agrum Campanum uide-  
tur esse deriuata. qui ager, ut dena iugera sint,  
non amplius hominum quinque millia potest susti-  
nere. reliqua omnis multitudo ab illis abalienetur,  
necesse est. præterea, si ulla res est, quæ bonorum  
animos, quos iam uideo esse commotos, uehemen-  
tius possit incendere, hæc certe est, & eo magis,  
quod, portorij Italiæ sublati, agro Campano di-  
uiso, quod uectigal superest domesticum, præter  
uicesimam? quæ mihi uidetur una conciuncula, cla-  
more pedisequorum nostrorum esse peritura. Cnæus  
quidem noster iam plane quid cogitet, nescio.

φυσᾷ γὰρ οὐ μικροῖσιν αὐλίσκοις ἐτι,

ἀλλ' ἀγρίαις φύσαισι φορβείας ἄτερ:

qui quidem etiam istuc adduci potuerit. nam adhuc  
hoc ἐσοφίζετο, se leges Cæsaris probare, actiones  
ipsum præstare debere: agrariam legem sibi pla-  
cuisse;

*Caracalla*



## LIB. II. EPIST.

cuisse; potuerit intercedi, nec ne, nihil ad se pertinere: de rege Alexandrino placuisse sibi aliquādo confici; Bibulus de cælo tum seruasset, nec ne, sibi quærendum non fuisse: de publicanis, uoluisse illi ordini commodare; quidquid futurum fuerit, si Bibulus tum in forum descendisset, se diuinare non potuisse. nunc uero Sampsicerame quid dices? uenit galte nobis in monte Antilibano constituisse, agri Campani abstulisse? quid, hoc quemadmodum obtinebis? oppressos uos, inquit, tenebo exercitu Cæsaris. non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo præmiorum, sed ne sermonum quidem umquam fructum ullum, aut gratiam retulerunt. quod si in eam me partem incitarem, profecto iam aliquam reperire resistendi uiam. nunc prorsus hoc statui, ut, quoniam tanta controuersia est Dicæarcho, familiari tuo, cum Theophrasto, amico meo, ut ille tuus τὸν πρακτικὸν βίον longe omnibus anteponat, hic autē τὸν θεωρητικὸν, utrique a me mos gestus esse uideatur. puto enim me Dicæarcho affatim satisfacisse: respicio nunc ad hanc familiam; quæ mihi nō modo, ut requiescam, permittit, sed reprehendit, quia non semper quierim. quare incumbamus o noster Tite ad illa præclara studia, & eo, unde discere non oportuit, aliquando reuertamur. Quod de Quincti fratris epistola scribis, ad me quoque fuit ὁπότε λέων, ὅτιθεν δέ. quid dicam nescio. nam

ita



ita deplorat primis uersibus mansionem suam, ut quemuis mouere possit: ita rursus remittit, ut me roget, ut annales suos emendem, & edam. Illud tamen, quod scribit, animaduertas uelim, de portorio circumuectionis. ait, se de consilij sententia rem ad senatum reiecisse. nondum uidelicet meas litteras legerat; quibus ad eum, re consulta, & explorata, perscripseram, non deberi. uelim, si qui Græci iam Romam ex Asia de ea causa uenerunt, uideas, & si tibi uidebitur, ijs demonstres, quid ego de ea re sentiam. si possum discedere, ne causa optima in senatu pereat; ego satisfaciam publicanis: εἰ δὲ μὴ; (uere tecum loquar) in hac re malo uniuersæ Asiæ, & negotiatoribus. nam eorum quoque uehementer interest. hoc ego sentio ualde nobis opus esse. sed tu id uidebis. Quæstores autē, quæso, num etiam de cistophoro dubitant? nam si aliud nihil erit; cum erimus omnia experti, ego illud ne quidem contemnam, quod extremum est. Te in Arpinati uidebimus, & hospitio agresti accipiemus; quoniam maritimum hoc contempsisti. Vale.

CICERO S. D. ATTICO. 17

PRORSVS, ut scribis, ita sentio. turbatur Sampsicramus. nihil est, quod non timendum sit. ὁμολογημένως τυραννίδα συσχεάζεται. quid enim ista repentina affinitatis coniunctio, quid ager Campanus, quid effusio pecuniæ significant? quæ si essent extrema, tamen esset nimium mali: sed ea natura rei est, ut hæc extrema esse non possint. quid enim

*Vallare*



enim eos hæc ipsa per se delectare possunt? numquam huc uenissent, nisi ad alias res pestíferas aditus sibi compararent. dii immortales. uerum, ut scribis, hæc in Arpinati ad VI. circiter id. Mai. non deflebimus, ne & opera, & oleum philologiæ nostræ perierit, sed conferemus tranquillo animo. neque tam me Δελψία consolatur, ut antea, quam ἀδιαφορία; qua nulla in re tam utor, quam in hac ciuili, & publica. quin etiam, quod est subinane in nobis, & non ἀφιλόδοξον, (bellum est enim sua uitia nosse) id afficitur quadā delectatione. solebat enim me pungere, ne Σάψικεραμὶ μεrita in patriam ad annos DC maiora uiderentur, quam nostra. hæc quidem cura certe iam uacuu  
 \* sum: iacet enim ille sic: ut Phocis Curiana stare uideatur. Sed hæc coram. Tu tamen uideris mihi Romæ fore ad nostrum aduentum. quod sane facile patiar, si tuo commodο fieri possit. sin, ut scribis, ita uenies: uelim e Theophane expiscere, quonam in me animo sit Arabarches. quæres scilicet κατὰ τὸ κινδευμονικόν, & ad me ab eo quasi ὑποθήκας afferes, quemadmodum me geram. aliquid ex eius sermone poterimus περὶ τῶν ὅλων suspicari. Vale.

CICERO S. D. ATTICO. 18

ACCEPI aliquot epistolas tuas: ex quibus intellexi, quam suspensō animo, & sollicito scire aures, quid esset noui. tenemur undique: neque iam, quo minus seruiamus, recusamus; sed mortem, & eiectionem



eiectionem, quasi maiora, timemus: quæ multo  
 sunt minora. atque hic status, qui una uoce om-  
 nium gemitur, neque uerbo cuiusquam subleuatur.  
 σκοπός est, ut suspicor, illis, qui timent ullam cu-  
 iusquam largitionem relinquere. unus loquitur, &  
 palam aduersatur adolescens Curio. huic plausus  
 maximi, consalutatio forensis perhonorifica, signa  
 præterea beneuolentiæ permulta a bonis impertiun-  
 tur: Fusum clamoribus, & conuicijs, & sibilis  
 confectantur. his ex rebus non spes, sed dolor est  
 maior; cum uideas ciuitatis uoluntatem solutam,  
 uirtutem alligatam. ac, ne forte quæras κατὰ λέγον  
 de singulis rebus, uniuersa res eo est deducta, spes  
 ut nulla sit, aliquando non modo priuatos, uerum  
 etiam magistratus liberos fore. attamen in oppres-  
 sione sermo in circulis dumtaxat, & in conuiujs est  
 liberior, quam fuit. uincere incipit timorem dolor,  
 sed ita, ut omnia sint plenissima desperationis. ha-  
 bet etiam Campana lex execrationem in coitione  
 candidatorum, si mentionem fecerint, quo aliter  
 ager possideatur, atque ut ex legibus Iulij. non  
 dubitant iurare ceteri. Laterensis existimatur re-  
 cte fecisse, quod tribunatum pl. petere destitit, ne  
 iuraret. Sed de rep. non libet plura scribere. Displi-  
 ceo mihi, nec sine summo scribo dolore. me tueor,  
 ut oppressis omnibus, non demisse; ut tantis rebus  
 gestis, parum fortiter. a Casare ualde liberaliter in-  
 uitor in legationem illam, sibi ut sim legatus. atque  
 etiam libera legatio uoti causa datur. sed hæc &

F

præsidij

*aduersare*



LIB. II. EPIST.

præsidij apud furorem Pulchelli non habet satis, et a fratris aduentu me ablegat: illa & munitior est, & non impedit, quominus adsim, cum uelim. & hanc ego teneo, sed usurum me non puto. neque tamen scit quisquam. non libet fugere: a uero pugnare. magna sunt hominum studia. sed nihil affirmo: tu hæc silebis. De Statio manumisso, & non nullis alijs rebus, angor equidem, sed iam prorsus occallui. tu, uellem ego, & cuperem, adesses. nec mihi consilium, nec consolatio deesset. sed ita te parauit, si inclamaro, aduoles. Vale.

CICERO S. D. ATTICO. 19

MULTA me sollicitant, & ex reip. tanto metu, & ex ijs periculis, quæ mihi ipsi intenduntur: & sexcenta sunt. sed mihi nil est molestius, quam Statium manumissum. nec meum imperium: ac mitto imperium, non similitudinem meam reuereri saltem? nec, quid faciam, scio: neque tantum est in re, quantus est sermo. ego autem ne irasci quidem possum ijs, quos ualde amo. tantum doleo, ac mirifice quidem cetera in magnis rebus, minæ Clodij, contentionesque, quæ mihi proponuntur, modice me tangunt. etenim uel subire eas uideor mihi summa cum dignitate, uel declinare nulla cū molestia posse. Dices fortasse, dignitatis ἀλλίς, τὰνquά δρυὸς: saluti, si me amas, consule. Me miserum, cur non ades? nihil te profecto præteriret: ego fortasse τυφλώπῳ, & nimium τῷ καλῷ προσιέπονθα. scito nihil umquam fuisse



fuisse tam infame, tam turpe, tam per æque omnibus generibus, ordinibus, atatibus offensum, quam hunc statum, qui nunc est, magis mehercule, quam uellō, non modo quam putaram. populares isti iam etiam modestos homines sibilare docuerunt. Bibulus in cælo est, nec, quare, scio; sed ita laudatur, quasi Vnus homo nobis cunctando restituit rem. Pompeius, nostri amores, quod mihi summo dolori est; ipse se afflixit, neminem tenet: uoluntate, an metu necesse sit ijs uti, uereor. Ego autem neque pugno cū illa causa propter illam amicitia: neque approbo, ne omnia improbem, quæ antea gessi: utor uia. populi sensus maxime in theatro, & spectaculis perspectus est. nam, gladiatoribus, quæ dominus, quæ aduocati sibilis conscissi: ludis Apollinaribus Diphilus tragædus in nostrum Pompeium petulanter inuectus est. Nostra miseria tu es Magnus. millies coactus est dicere eadem. Virtutem istam, ueniet tempus, cum grauer gemes: totius theatri clamore dixit, itēq. cetera. nam et eiusmodi sunt ij uersus, uti in tempus ab inimico Pompeij scripti esse uideantur. Si neque leges, neque mores cogunt: & cetera magno cū fremitu, et clamore sunt dicta. Cæsar cum uenisset mortuo plausu, Curio filius est insecutus. huic ita plausu est, ut salua rep. Pompeio plaudi solebat. tulio Cæsar grauer. litteræ Capuam ad Pompeium uolare dicebātur. inimici erant equitibus, qui Curionem stantes plauserant; hostes omnibus: Roscia legi, et cetera frumentaria minitabātur. saneres erat perturbata.

*Handwritten note:*  
Pompeius



## LIB. II. EPIST.

equidem malueram, quod erat susceptum ab illis, silentio transiri: sed uereor, ne non liceat. non ferunt homines, quod uidetur esse tamen ferendum. sed est iam una uox omnium, magis odio firmata, quam praesidio. Noster autem Publius mihi minitatur, inimicus est. impendet negotium: ad quod tu scilicet aduolabis. uideor mihi nostrum illum consulare exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, uerbum de me illum non esse facturum. in quo non me ille fallit, sed ipse fallitur. Cosconio mortuo, sum in eius locum inuitatus. id erat uocari in locum mortui. nil me turpius apud homines fuisset: neque uero, ad istam ipsam ἀσφάλειαν, quidquam alienius. sunt enim illi apud bonos inuidiosi: ego apud improbos meam retinuissem inuidiam, alienam assumpsissem. Caesare me sibi uellet esse legatum. honestior haec declinatio periculi. sed ego hoc non repudio. quid ergo est? pugnare malo: nihil tamen certi. iterum dico, utinam adesses. sed tamen, si erit necesse, arcessemus. Quid aliud? quid? hoc, opinor. certi sumus perisse omnia. quid enim ἀκκλιζόμεθα tam diu? Sed haec scripsi properans, & mehercule timide. posthac ad te aut, si perfidelem habebo, cui de m, scribam plane omnia: aut, si obscure scribam, tu tamen intelliges. in his epistolis me Laelium, te Furium faciam: cetera erunt ἐν ἀντιγραφῇ. Hic Caelium colimus, & obseruamus diligenter. Edicta  
Bibuli



Bibuli audio ad te missa. ijs ardet dolore, & ira  
noster Pompeius. Vale.

CICERO S. D. ATTICO. 20

ANICATO, ut te uelle intellexeram, nul-  
lo loco defui. Numestium ex litteris tuis, studiose  
scriptis, libenter in amicitiam recepi. Cæcilium,  
quibus rebus possum, tueor diligenter. Varro sa-  
tisfacit nobis: Pompeius amat nos, carosq. habet.  
credis? inquires. credo: prorsus mihi persuadet. sed  
quia, ut uideo, pragmatici homines omnibus histo-  
ricis præceptis, uersibus denique cauere iubent, &  
uetant credere: alterum facio, ut caueam; alterum  
ut non credam, facere non possum. Clodius adhuc  
mihi denunciatur periculum. Pompeius affirmat, non  
esse periculum; adiurat; addit etiam, se prius occi-  
sum iri ab eo, quam me uiolatum iri. tractatur  
res. simul quid erit certi, scribam ad te. si erit pu-  
gnandum, arcessam ad societatem laboris. si quies  
dabitur, ab Amalthea te non commouebo. De rep.  
breuiter ad te scribam: iam enim, charta ipsa ne  
nos prodat, pertimesco. itaque posthac, si erunt  
mihi plura ad te scribenda, ἀλλ' ὅπως obscurabo.  
Nunc quidem nouo quodam morbo ciuitas mori-  
tur: ut, cum omnes ea, quæ sunt acta, improbent,  
querantur, doleant, uarietas in re nulla sit, aper-  
teq. loquantur, & iam clare gemant; tamen medi-  
cina nulla afferatur. neque enim resisti sine interne-  
ctione posse arbitramur: nec uidemus, qui finis ce-  
dendi,



## LIB. II. EPIST.

dendi, præter exitium, futurus sit. Bibulus hominum admiratione, & beneuolentia in calo est. edita eius, & conciones describunt, & legunt. nouo quodam genere in summam gloriam uenit. popolare nunc nil tam est, quam odium popularium. hæc quo sint eruptura, timeo. sed, si dispicere quid cæpero, scribam ad te apertius. tu, si me amas tantum, quantum profecto amas; expeditus, facito, ut sis; si inclamaro, ut accurras. sed do operam, & dabo, ne sit necesse. Quod scripseram, te Furium scripturum; nil necesse est tuum nomen mutare. me faciam Lælium, & te Atticum; neque utar meo chirographo, neque signo; si modo erunt eiusmodi litteræ, quas in alienum incidere nolim. Diodotus mortuus est: reliquit nobis HS fortasse centies. Comitia Bibulus cum Archilochio edicto in ante diem xv. kal. Nou. distulit. A Vibio libros accepi. poeta ineptus: nec tamen scit nihil, et est non inutilis. describo, & remitto. Vale.

CICERO S. D. ATTICO. 21

DE rep. quid ego tibi subtiliter? tota periit: atque hoc est miserior, quam reliquisti, quod tum uidebatur eiusmodi dominatio ciuitatem oppressisse, quæ iucunda esset multitudini, bonis autem ita molesta, ut tamen sine pernicië; nunc repente tanto in odio est omnibus, ut, quorsum eruptura sit, horreamus. nam iracundiam, atque intemperantiam illorum sumus experti, qui Catoni irati, omnia per-

dide-



diderunt: sed ita lenibus uti uidebantur uenenis, ut  
 posse uideremur sine dolore interire. nunc uero sibi-  
 lis uulgi, sermonibus honestorum, fremitu Italiæ,  
 uereor, ne exarserint. equidem sperabam, ut saepe  
 etiam loqui tecum solebam, sic orbem reip. esse  
 conuersum, ut uix sonitum audire, uix impressam  
 orbitam uidere possemus: & fuisset, si homines  
 transitum tempestatis expectare potuissent: sed  
 cum diu occulte suspirassent, postea iam gemere, ad  
 extremum uero loqui omnes, & clamare cæpe-  
 runt. itaque ille amicus noster, insolens infamiæ,  
 semper in laude uersatus, circumfluens gloria, de-  
 formatus corpore, fractus animo, quo se conferat,  
 nescit: progressum præcipitem, inconstantem redi-  
 tum uidet: bonos inimicos habet, improbos ipsos  
 non amicos. ac uide mollitiem animi: non tenui la-  
 crymas, cum illum ante diem VIII. kal. Sext. ui-  
 di de edictis Bibuli concionantem, qui antea solitus  
 esset iactare se magnificentissime illo in loco, sum-  
 mo cum amore populi, cunctis fauentibus. ut ille  
 tum humilis, ut demissus erat: ut ipse etiam sibi,  
 non ijs solum, qui aderant, displicebat. o spectaculum  
 uni Crasso iucundum, ceteris non item. nam, quia  
 deciderat ex astris, lapsus potius, quam progressus,  
 uidebatur. & ut Apelles, si Venerem, aut si Pro-  
 togenes Ialysum illum suum cæno oblitum uideret,  
 magnum, credo, acciperet dolorem: sic ego hunc,  
 omnibus a me pictum, et politum artis coloribus,  
 subito deformatum non sine magno dolore uidi.

F 4 quam



## LIB. II. EPIST.

quamquam nemo putabat, propter Clodianum negotium, me illi amicum esse debere. tamen tantus fuit amor, ut exhauriri nulla posset iniuria. itaque Archilochia in illum edita Bibuli populo ita sunt iucunda, ut eum locum, ubi proponuntur, præ multitudine eorum, qui legunt, transire nequeamus; ipsi ita acerba, ut tabescat dolore; mihi mehercule molesta, quod & eum, quem semper dilexi, nimis excruciant; & timeo, tam uehemens uir, tamq. acer in ferro, & tam insuetus contumeliæ, ne omni animi impetu dolori, & iracundiæ pareat. Bibuli qui sit exitus futurus, nescio. ut nunc res se habet, admirabili gloria est. qui cum comitia in mensem Oct. distulisset; quod solet ea res populi uoluntatem offendere, putarat Caesar oratione sua posse impelli concionem, ut iret ad Bibulum. multa cum seditiosissime diceret, uocem exprimere non potuit. quid quæris? sentiunt, se nullam ullius partis uoluntatem tenere: eo magis uis nobis est timenda. Clodius inimicus est nobis. Pompeius confirmat, eum nil esse facturum contra me. mihi periculosum est credere. ad resistendum me paro. studia spero me summa habiturum omnium ordinum. te cum ego desidero, tum uero res ad tempus illud uocat. plurimum consilij, animi, præsidij denique mihi, si te ad tempus uidero, accesserit. Varro satis mihi facit. Pompeius loquitur diuinitus. spero nos aut cum summa gloria, aut certe sine molestia esse discessuros. Tu, quid agas, quemadmodum te oblectes,



blectes, quid cum Sicyonijs egeris, ut sciam, cura. Vale,

CICERO S. D. ATTICO. 22

QVAM uellem Romæ mansisses. quod egisses profecto, si hæc fore putassemus. nam Pulchellum nostrum facillime teneremus; aut certe, quid esset facturum, scire possemus. nunc se res sic habet. uolitat, furit, nil habet certi, multis denunciat; quod fors obtulerit, id acturus uidetur. cum uidet, quo sit in odio status hic rerum; in eos, qui hæc egerunt, impetum facturum uidetur. cum autem rursus opes, & uim exercitus recordatur, conuertit se in nos. nobis autem ipsis tum uim, tum iudicium minatur. cum hoc Pompeius egit, & ut ad me ipse referebat, (alium enim habeo neminem testem) uehementer egit, cum diceret, in summa se perfidia, & sceleris infamia fore, si mihi periculum crearetur ab eo, quem ipse armasset, quem plebeium fieri passus esset: sed fidem recepisse sibi & ipsum, & Appium de me: hanc si ille non seruaret, ita laturum, ut omnes intelligerent, nihil sibi antiquius amicitia nostra fuisse. hæc, & in eam sententiam cum multat dixisset, aiebat illum primo sane diu multa contra, ad extremum autem manus dedisse, & affirmasse nil se contra eius uoluntatem esse facturum. sed postea tamen ille non destitit de nobis asperrime loqui. quod si non faceret, tamen ei nihil credere-mus, atque omnia, sicut facimus, pararemus. nunc ita nos gerimus, ut in dies singulos & studia  
in nos

*Stasius*



## LIB. II. EPIST.

in nos hominum, & opes nostræ augeantur. remp.  
 nulla ex parte attingimus. in causis, atque in illa o-  
 pera nostra forensi, summa industria uersamur.  
 quod egregie non modo ijs, qui utuntur opera, sed  
 etiam in uulgus gratum esse sentimus. domus cele-  
 bratur: occurritur: renouatur memoria consula-  
 tus: studia significantur: in eam spem adducimur,  
 ut nobis ea contentio, quæ impendet, interdum non  
 fugienda uideatur. nunc mihi & consilij opus est  
 tuis, & amore, & fide. quare aduola. expedita  
 mihi erunt amnia, si te habebo. multa per Varro-  
 nem nostrum agi possunt, quæ te urgente erunt fir-  
 miora; multa ab ipso Publio dici, multa cognosci;  
 quæ tibi occulta esse non poterunt: multa etiam:  
 sed absurdum est singula explicare, cum ego te re-  
 quiram ad omnia. unum illud tibi persuadeas ue-  
 lim, omnia mihi fore explicata, si te uidero: sed  
 totum est in eo, si ante, quam ille ineat magistra-  
 tum. puto, Pompeium Crasso urgente, si tu aderis,  
 qui per Βωπίδα ex ipso intelligere possis, qua fide  
 ab illis agatur, nos aut sine molestia, aut certe sine  
 errore futuros. precibus nostris, & cohortatione  
 non indiges. quid mea uoluntas, quid tempus, quid  
 rei magnitudo postulet, intelligis. De rep. nihil ha-  
 beo ad te scribere, nisi summum odium omnium ho-  
 minum in eos, qui tenent omnia: mutationis tamē  
 spes nulla. sed, quod facile sentias, tædet ipsum Pom-  
 peium, uehementerq. penitet. non prouideo satis,  
 quem exitum futurum putem. sed certo uidentur  
 hæc



hæc aliquo eruptura. Libros Alexandri, negligētis hominis, & non boni poetæ, sed tamen non inutilis, tibi remisi. Numerium Numestium libenter accepi in amicitiam; & hominem grauem, & prudentem, et dignum tua commendatione cognoui. Vale.

CICERO S. D. ATTICO. 23

NVMQVAM ante arbitror te epistolam meam legisse, nisi mea manu scriptam. ex eo colligere poteris, quanta occupatione distinear. nam, cum uacui temporis nil haberem, et cum, recreandæ uoculæ, causâ necesse esset mihi ambulare, hæc dictaui ambulans. Primum igitur illud te scire uolo, Sampsiceramum, nostrum amicum, uehementer sui status pænitere, restituiq. in eum locum cupere, ex quo decidit, doloremq. suum impertire nobis, & medicinam interdum aperte quærere; quam ego possum inuenire nullam: deinde omnes illius partis auctores, ac socios, nullo aduersario, consenescere; consensionem uniuerforum nec uoluntate, nec sermone maiorem umquam fuisse. Nos autem (nam, id te scire cupere, certo scio) publicis consilijs nullis intersumus, totosq. nos ad forensem operam, laboremq. contulimus. ex quo, quod facile intelligi possit, in multa commemoratione earum rerum, quas gessimus, desiderioq. uersamur. sed Βοώπιδος noster consanguineus non mediocres terrores iacit, atque denunciat, & Sampsiceramo negat, ceteris præsefert, & ostentat. quamobrem, si me amas tantum,

epistolam



tum, quantum profecto amas; si dormis, expergi-  
scere; si stas, ingredere; si ingrederis, curre; si cur-  
ris, aduola. credibile non est, quantum ego in consi-  
lijs, & prudentia tua, quodq. maximum est, quan-  
tum in amore, & fide ponam. magnitudo rei lon-  
gam orationem fortasse desiderat: coniunctio uero  
nostrorum animorum breuitate contenta est. per-  
magni nostra interest, te, si comitijs non potueris,  
at, declarato illo, esse Romæ. Cura, ut ualeas.

CICERO S. D. ATTICO. 24

QVAS Numestio litteras dedi, sic te ijs euoca-  
bam, ut nihil acrius, neque incitatus fieri posset.  
ad illam celeritatem adde etiam, si quid potes. ac  
ne sis perturbatus. noui enim te; & non ignoro,  
quam sit amor omnis sollicitus, atque anxius. sed  
res est, ut spero, non tam exitu molestia, quam adi-  
tu. Vettius, ille, ille noster index, Cæsari, ut per-  
spicimus, pollicitus est, sese, curaturum, ut in ali-  
quam suspicionem facinoris Curio filius adducere-  
tur. itaque insinuat in familiaritatem adolescen-  
tis, & cum eo, ut res indicat, sæpe congressus, rem  
in eum locum deduxit, ut diceret sibi certum esse  
cum suis seruis in Pompeium impetū facere, eumq.  
occidere. hoc Curio ad patrem detulit, ille ad Pom-  
peium. res delata ad senatum est. introductus Vet-  
tius, primo negabat, se umquam cum Curione resti-  
tisse; neque id sane diu: nam statim fidem publicam  
postulauit. reclamatum est. tum exposuit, manum  
fuisse iuuentutis duce Curione, in qua Paullus ini-  
tio



tio fuisset, & Cn. Capiō hic Brutus, & Lentulus, flaminis filius, conscio patre: postea C. Septimium, scribam Bibuli, pugionem sibi a Bibulo attulisse. quod totum irrisum est: Vettio pugionem defuisse, nisi ei consul dedisset. eoq. magis id eiectum est, quod ad III. id. Mai. Bibulus Pompeium fecerat certiore, ut caueret insidias: in quo ei Pompeius gratias egerat. introductus Curio filius, dixit ad ea, quæ Vettius dixerat: maximeq. in eo tum quidem Vettius est reprehensus, quod dixerat adolescentum consilium, ut in foro cum gladiatoribus Gabinij Pompeium adorirentur; in eo principem Paulum fuisse; quem constabat eo tempore in Macedonia fuisse. sit S. C. ut Vettius, quod confessus esset se cum telo fuisse, in uincula conijceretur: qui eum emisisset, contra remp. esse facturum. res erat in ea opinione, ut putarent id esse actum, ut Vettius in foro cum pugione, & item serui eius comprehenderentur cum telis, deinde ille se diceret indicaturum. idq. ita actum esset, nisi Curiones rem ante ad Pompeium detulissent. tum S. C. in concione recitatum est. postero autem die Cæsar, is, qui olim, prætor cum esset, Q. Catulum ex inferiore loco iusserat dicere, Vettium in Rostra produxit, eumq. in eo loco constituit, quo Bibulo consuli aspirare non liceret. hic ille omnia, quæ uoluit, de rep. dixit; ut qui illuc factus, institutusq. uenisset. primum Cæpionem de oratione sua sustulit, quem in senatu acerrime nominarat: ut appareret, noctem, & nocturnam

*de pugione*



## LIB. II. EPIST.

*Et*urnam deprecationem intercessisse. deinde, quos  
 in senatu ne tenuissima quidem suspicione attigerat,  
 eos nominavit, Lucullum, a quo solitum esse ad se  
 mitti C. Fannium illum, qui in P. Clodium subscrip-  
 serat; L. Domitium, cuius domum constituta fuis-  
 se, unde eruptio fieret. me non nominavit: sed di-  
 xit, consularem disertum, uicinum consulis, sibi di-  
 xisse, Abalam Seruiliū aliquem, aut Brutum o-  
 pus esse reperiri. addidit ad extremum, cum, iam  
 dimissa concione, reuocatus a Vatiniō fuisset, se au-  
 disse a Curione, his de rebus consciū esse Pisonem  
 generum meum, & M. Laterensem. nunc reus e-  
 rat apud Crassum Diuitem de ui, &, cum esset  
 damnatus, erat iudiciū postulaturus: quod si im-  
 petrasset, iudicia fore uidebantur. ea nos, utpote  
 qui nihil contemnere solemus, non pertimesceba-  
 mus. hominum quidem summa erga nos studia si-  
 gnificabantur: sed prorsus uitæ tædet: ita sunt o-  
 mnia omnium miseriarum plenissima. modo cadem  
 timueramus, quam oratio fortissimi senis Q. Con-  
 sidiū discusserat: ea, quam quotidie timere potue-  
 ramus, subito exorta est. quid quæris? nil me in-  
 fortunatius, & Catulo, cum splendore uitæ, tum  
 hoc tempore. nos tamen in his etiam miserijs ere-  
 cto animo, & minime perturbato sumus, honestis-  
 simeq. dignitatem nostram, et magna cura tuemur.  
 Pompeius de Clodio iubet nos esse sine cura, et sum-  
 mam in nos beneuolentiam omni ratione significat.  
 Te habere consiliorum auctorem, solitudinum so-  
 cium



cium, omni in cogitatione coniunctum cupio. quare, ut Numestio mandavi, tecum ut ageret, item, atque eo, si potest, acrius te rogo, ut plane ad nos aduoles. respiraro, si te uidero. Vale.

CICERO S. D. ATTICO. 25

CVM aliquem apud te laudaro tuorum familiarium, uolam illum scire ex te, me id fecisse; ut nuper me scis scripsisse, ad te de Varronis erga me officio; te ad me rescripsisse, eam rem summæ tibi uoluptati esse. sed mallet, ad illum scripsisses, mihi illum satisfacere: mirabiliter enim moratus est, sicut nosti, ἐκ τῶν κρατούων. nos tenemus præceptum illud, τὰς τῶν κρατούων. at hercule alter, tuus familiaris, Hortensius quam plena manu, quam ingenue, quam ornate nostras laudes in astra sustulit, cum de Flacci prætura, et de illo tempore Allobrogum diceret. sic habeto, nec amantius, nec honorificentius, nec copiosius potuisse dici. ei te hoc scribere a me tibi esse missum, sane uolo. sed quid tu scribas? quem iam ego uenire, atque adesse arbitror. ita enim egi tecum superioribus litteris. ualde te exspecto, ualde desidero, neque ego magis, quam ipsa res, et tempus poscit. His de negotijs quid scribam ad te, nisi idem, quod sepe? rep. nil desperatius: ijs, quorum opera, nil maiore odio. Nos, ut opinio, et spes, et coniectura nostra fert, firmissima beneuolentia hominû muniti sumus. quare aduola. aut expedies nos omni molestia, aut eris particeps. Ideo sum breuior, quod, ut spero, coram breui conferre, quæ uolumus, licebit.

M. TVLLII



M. TVLLII CICERONIS  
EPISTOLARVM AD T. POM-  
PONIVM ATTICVM LIBER III.

CICERO S. D. ATTICO.

*Ant. h.*  
C V M antea maxime nostra interesse  
arbitrabar, te esse nobiscum: tum ue-  
ro, ut legi rogationem, intellexi, ad  
iter, quod constitui, nil mihi optatius  
cadere posse, quam ut tu me quamprimum conse-  
quare; ut, cum ex Italia profecti essemus, siue per  
Epirum iter esset faciundum, tuo, tuorumq. præsi-  
dio uteremur; siue aliud quid agendum esset, cer-  
tum consilium de tua sententia capere possemus.  
quamobrem te oro, des operam, ut me statim con-  
sequare. facilius potes, quoniam de prouincia Ma-  
cedonia perlata lex est. Pluribus uerbis tecum age-  
rem, nisi pro me apud te res ipsa loqueretur. Vale.

CICERO S. D. ATTICO. 2

ITINERIS nostri causa fuit, quod non habe-  
bam locum, ubi pro meo iure diutius esse possem,  
quam in fundo Sicæ, præsertim non dum rogatione  
correcta. et simul intelligebam, ex eo loco, si te ha-  
berem, posse me Brundisium referre; sine te autem  
non esse nobis illas partes tenendas præpter Au-  
tronium. nunc, ut ad te antea scripsi, si ad nos ue-  
neris, consilium totius rei capiemus. iter esse mole-  
stum



sum scio; sed tota calamitas omnes molestias habet. Plura scribere non possum. ita sum animo perculso, & abiecto. Cura ut ualeas. D. VI. id. Apr. Naryci Locridis.

CICERO S. D. ATTICO. 3

VTINAM illum diem uideam, cum tibi agam gratias, quod me uiuere coegisti. adhuc quidem ualde me pœnitet. sed te oro, ut ad me Vibonem statim uenias, quo ego multis de causis conuerti iter meum. sed, eo si ueneris, de toto itinere, ac fuga mea consilium capere potero. si id non feceris, mirabor: sed confido te esse facturum. Vale.

CICERO S. D. ATTICO. 4

MISERIAE nostræ potius uelim, quam inconstantia, tribuas, quod a Vibone, quo te arcessebam, subito discessimus. allata est enim nobis rogatio de pernicie mea; in qua, quod confectum esse audivimus, erat huiusmodi, ut mihi ultra quadringenta millia liceret esse. illo cum peruenire non liceret, statim iter Brundisium uersus contuli ante diem rogationis: ne & Sica, apud quem eram, periret; & quod Melitæ esse non licebat. nunc tu propera, ut nos consequare; si modo recipiemur. adhuc inuitamur benigne: sed, quod superest, timemus. me, mi Pomponi, ualde pœnitet uiuere. qua in re apud me tu plurimum ualuiſti. Sed hæc coram. fac modo, ut uenias. Vale.

G CICE-



LIB. III. EPIST.

CICERO S. D. ATTICO. 5

TERENTIA tibi et sepe, et maximas gratias agit. idest mihi gratissimum. ego uiuo miserrimus, & maximo dolore conficior. ad te quid scribam, ne scio. si enim es Romæ, iam me assequi non potes: sin es in uia; cum eris me affecutus, coram agemus, quæ erunt agenda: tantum te oro, ut, quoniam me ipsum semper amasti, eodem amore sis. ego enim idem sum: inimici mei mea mihi, non me ipsum, ademerunt. Cura ut ualeas. VIII. id. Apr. Thurij.

CICERO S. D. ATTICO. 6

NON fuerat mihi dubium, quin te Tarenti, aut Brundisij uisurus essem: idq. ad multa pertinuit, in eis, ut & in Epiro consisteremus, & de reliquis rebus tuo consilio uteremur. quoniam id non contingit, erit hoc quoque in magno numero nostrorum malorum. nobis iter est in Asiam, maxime Cyzicum. tibi meos commendo. me uix, misereq. sustento. Vale. D. III. kal. Mai. Tarenti.

CICERO S. D. ATTICO. 7

BRUNDISIUM ueni ad kal. Mai. eo die pueri tui mihi a te litteras reddiderunt: & alij pueri post diem tertium eius diei litteras alias attulerunt. Quod me rogas, & hortaris, ut apud te in Epiro sim: uoluntas tua mihi ualde grata est, & minime noua: & consilium mihi quidem optatum, si liceret  
ibi



ibi omne tempus consumere . odi enim celebrita-  
tem ; fugio homines ; lucem aspicere uix possum .  
esset mihi ista solitudo , præsertim tam familiari in  
loco , non amara : sed itineris caussa , ut diuertar ,  
primum est deuium , deinde ab Autronio , & cete-  
ris quatruidi : deinde sine te . nam castellum muni-  
tum habitanti mihi prodesset , transeunti non est ne-  
cessarium . quod si auderem , Athenas peterem . sa-  
ne ita cadebat , ut uellem . nunc & nostri hostes ibi  
sunt ; & te non habemus ; & ueremur , ne interpre-  
tentur , illud quoque opidum ab Italia non satis  
abesse : nec scribis , quam ad diem te expectemus .  
Quod me ad uitam uocas : unum efficis , ut a me ma-  
nus abstineam : alterum non potes , ut me non no-  
stri consilij utique pæniteat . quid enim est , quod me  
retineat ? præsertim si spes ea non est , quæ nos pro-  
ficiscentes prosequeretur . non faciam , ut enume-  
rem misérias omnes , in quas incidi per summam in-  
iuriam , & scelus non tam inimicorum meorum ,  
quam inuidorum ; ne & meum mærorem exagi-  
tem , & te in eundem luctum uocem . hoc confir-  
mo , neminem umquam tanta calamitate esse affe-  
ctum , nemini mortem magis optandam fuisse . cu-  
ius oppetendæ tempus honestissimum prætermis-  
sum est . reliqua tempora non sunt tam ad medici-  
nam , quam ad finem doloris . De rep. uideo te col-  
ligere omnia , quæ putes aliquam spem mihi posse  
afferre mutandarum rerum : quæ quamquam exi-  
gua sunt ; tamen , quoniam placet , expectemus .



## LIB. III. EPIST.

Tu nihilo minus, si properaris, nos consequere. nam aut accedemus in Epirum; aut per Candauiam tarde ibimus. Dubitationē autem de Epiro non inconstantia nostra afferebat, sed quod de fratre, ubi eum uisuri essemus, nesciebamus. quem quidem ego nec quo modo uisurus, nec ubi dimissurus sim, scio. idest maximum, & miserrimum mearum omnium miseriarum. Ego & sæpius ad te, & plura scriberem, nisi mihi dolor meus cum omnes partes mentis, tum maxime huius generis facultatem ademisset. Videre te cupio. Cura ut ualeas. Pridie kal. Maij, Brundisij, proficiscens.

CICERO S. D. ATTICO. 8

SCRIPSERAM ad te, quas ob causas in Epirum non essemus profecti: quod & Achaia prope esset, plena audacissimorum inimicorum; & exitus difficiles haberet, cum inde proficisceremur. accessit, cum Dyrrhachij essemus, ut duo nuncij afferrentur; unus, classe fratrem Epheso Athenas, alter, pedibus per Macedoniam uenire. itaque illi obuiam misimus Athenas, ut inde Thessalonicam ueniret: ipsi processimus, & Thessalonicam ad x. kal. Iun. uenimus: neque de illius itinere quidquam certi habebamus, nisi eum ab Epheso ante aliquanto profectum. nunc, istic quid agatur, magnopere timeo: quamquam tu altera epistola scribis, idibus Mai. audire, fore, ut acrius postularet; altera, iam esse mitiora. sed hæc pridie data, quam illa: quo  
contur-





conturbor magis. itaque, cum meus me moror quotidianus lacerat, & conficit: tum uero hæc addita cura uix mihi uitam reliquam facit. sed & nauigatio perdifficilis fuit: & ille incertus, ubi ego essem, fortasse alium cursum petiuit. nam Paeto libertus eum non uidit. uento reiectus ab illo in Macedoniam, Pelle mihi præsto fuit. reliqua quam mihi timenda sint, uideo. nec, quid scribam, habeo: & omnia timeo. nec tam miserum est quidquam, quod non in nostram fortunam cadere uideatur. equidem adhuc miser in maximis meis ærumnis, & luctibus, hoc metu adiecto, maneo Thessalonice suspensus, nec audeo quidquam. Nunc ad ea, quæ scripsisti. Tryphonem Cecilium non uidi. Sermonem tuum, & Pompeij cognoui ex tuis litteris. Motum in rep. non tantum ego uideo, quantum tu aut uides, aut ad me consolandum affers. Tigrane enim neglecto, sublata sunt omnia. Varroni me iubes agere gratias: faciam: item Hypsæo. Quod suades, ne longius discedamus, dum acta mensis Maij ad nos perferantur: puto me ita esse facturum; sed, ubi, nondum statui: atque ita perturbato sum animo de Quinto, ut nihil queam statuere: sed tamen statim te faciam certiore. Ex epistolarum mearum inconstantia puto te mentis meæ motum uidere. qui, etsi incredibili, & singulari calamitate afflictus sum, tamen non tam est ex miseria, quam ex culpæ nostræ recordatione, commotus. cuius enim scelere impulsus, ac proditus simus, iam profecto ui-



## LIB. III. EPIST.

des: atque utinam iam ante uidisses, neque totum  
 animum tuum marori mecum simul dedisses. qua-  
 re, cum me afflictum, & confectum luctu audies,  
 existimato me stultitiæ meæ poenam ferre grauius,  
 quam euenti; quod ei crediderim, quem esse nefa-  
 rium non putaram. Me & meorum malorum me-  
 moria, & metus de fratre in scribendo impedit. tu  
 ista omnia uide, & gubernare. Terentia tibi maxi-  
 mas gratias agit. Litterarum exemplum, quas ad  
 Pompeium scripsi, misi tibi. Vale. D. IIII.  
 kal. Iunias, Thessalonica.

## CICERO S. D. ATTICO. 9

QUINCTVS frater cum ex Asia discessisset  
 ante kal. Mai. & Athenas uenisset idibus, ualde  
 fuit ei properandum, ne quid absens acciperet cala-  
 mitatis; si quis forte fuisset, qui contentus nostris  
 malis non esset. itaque malui eum properare Ro-  
 mam, quam ad me uenire. & simul (dicam enim,  
 quod uerum est; ex quo magnitudinem miseriarum  
 mearum perspicere possis) animum inducere non  
 potui, ut aut illum, amantissimum mei, mollissimo  
 animo, tanto in marore aspicerem; aut meas mise-  
 rias, luctu afflictas, & perditam fortunam illi of-  
 ferrem; aut ab illo aspici paterer. atque etiam illud  
 timebam, quod profecto accidisset, ne a me digre-  
 di non posset. uersabatur mihi tempus illud ante o-  
 culos, cum ille aut lictores dimitteret, aut ui euelle-  
 retur ex complexu meo. huius acerbitalis euentum  
 altera



altera acerbitate non uidendi fratris uitauit. in hunc  
 me casum uos, uiuendi auctores, impulistis. itaque  
 mei peccati luo pœnas. quamquam tuæ me litteræ  
 sustentant: ex quibus, quantum tu ipse speres, fa-  
 cile perspicio. quæ quidem tamen aliquid habebant  
 solatiij ante, quam eo uenisti, A POMPEIO.  
 NUNC HORTENSIVM ALLICE,  
 ET EIVSMODI VIROS. obsecro mi  
 Pomponi, non dum perspicis, quorum opera, quo-  
 rum insidijs, quorum scelere perierimus? sed te-  
 cum hæc coram agemus. tantum dico, quod scire  
 te puto: nos non inimici, sed inuidi perdidierunt.  
 nunc si ita sunt, quæ speras; sustinebimus nos, &  
 spe, qua iubes, nitemur. sin, ut mihi uidentur, in-  
 firma sunt; quod optimo tempore facere non licuit,  
 minus idoneo fiet. Terentia tibi sæpe gratias agit.  
 Mihi etiam unum de malis in metu est, fratris mi-  
 seri negotium. quod, si sciam, cuiusmodi sit; sciam,  
 quid agendum mihi sit. Me etiam nunc istorum be-  
 neficiorum, & litterarum expectatio, ut tibi pla-  
 cet, Thessalonicæ tenet. si quid erit noui allatum;  
 sciam, de reliquo quid agendum sit. Tu, si, ut scri-  
 bis, kal. Iun. Roma profectus es, propediem nos  
 uidebis. Litteras, quas ad Pompeium scripsi, ti-  
 bi misi. Vale. Idibus Iun. Thessalonicæ.

CICERO S. D. ATTICO. IO

ACTA quæ essent usque ad VIII. kal. Iun. co-  
 gnoui ex tuis litteris: reliqua expectabam, ut tibi

G 4

place-

*Copy of Cicero's letter to Atticus*



## LIB. III. EPIST.

placebat, Thessalonica: quibus allatis, facilius statuere potero, ubi sim. nam, si erit caussa, si quid agetur, si spem uidero; aut ibidem operiar, aut me ad te conferam: sin, ut tu scribis, ista euauerint; aliud aliquid uidebimus. omnino adhuc nihil mihi significatis, nisi discordiam istorum; quæ tamen inter eos de omnibus potius rebus est, quam de me. itaque, quid ea mihi prosit, nescio. sed tamen, quoad me uos sperare uultis, uobis obtemperabo. Nam quod me tam sæpe, et tam uehementer obiurgas, & animo infirmo esse dicis: quæso, ecquod tantum malum est, quod in mea calamitate non sit? ecquis umquam ex tam amplo statu, in tam bona caussa, tantis facultatibus, ingenij, consilij, gratiæ, tantis præsidij bonorum omnium concidit? possum obliuisci, qui fuerim; non sentire, qui sim? quo caream honore? qua gloria? quibus liberis? quibus fortunis? quo fratre? quem ego (ut nouum calamitatis genus attendas) cum pluris facerem, quam me ipsum, semperq. fecissem, uitauit, ne uiderem: ne aut illius luctum, squaloremq. aspicerem; aut me, quem ille florentissimum reliquerat, perditum illi, afflictumq. offerrem. Mitto cetera intolerabilia: etenim fletu impediior. hic utrum tandem sum accusandus, quod doleo, an, quod commisi, ut hæc aut non retinerem, (quod facile fuisset, nisi intra parietes meos de mea perniciæ consilia inirentur) aut certe uiuus amitterem? Hæc eo scripsi, ut potius releuares me, quod facis, quam aut castigatio-

ne,



ne, aut obiurgatione dignum putares: eoq. ad te minus multa scribo; quod et mærore impediore; et, quid expectem istinc, magis habeo, quam quid ipse scribam. quæ si erunt allata; faciam te nostri consilij certiozem. Tu, ut adhuc fecisti, quamplurimis de rebus ad me uelim scribas; ut prorsus ne quid ignorem. Vale. XIII. kal. Quint. Thessalonicae.

CICERO S. D. ATTICO. II

ME & tuæ litteræ, et quidam boni nuncij, non optimis tamen auctoribus, et expectatio uestrarum litterarum, et quod tibi ita placuerat, adhuc Thessalonicae tenebant. si accepero litteras, quas expecto; si spes erit ea, quæ rumoribus afferebatur; ad te me conferam; si non erit, faciam te certiozem, quid egerim. Tu me, ut facis, opera, consilio, gratia iuua: consolari iam desine: obiurgare uero noli: quod cum facis, ut ego tuum amorem, et dolorem desidero; quem ita affectum mea ærumna esse arbitror, ut te ipsum consolari nemo possit. Quintum fratrem optimum, humanissimumq. sustenta. Ad me, obsecro te, ut omnia certa perscribas. Vale. D. IIII. kal. Quint.

CICERO S. D. ATTICO. 12

TV quidem sedulo argumentaris, quid sit sperandum, et maxime per senatum: idemq. caput rogationis proponi scribis, quare in senatu dici nihil liceat: itaque siletur. Hic tu me accusas, quod me  
affli-



## LIB. III. EPIST.

afflictum; cum ita sim afflictus, ut nemo umquam: quod tute intelligis. Spem ostendis secundum comitia. quæ ista est, eodem tribuno pl. et inimico consule designato? Percussisti autem me etiam de oratione prolata. cui uulneri, ut scribis, medere, si quid potes. scripsi equidem olim ei iratus, quod ille prior scripserat; sed ita compresseram, ut numquam emanaturam putarem. quo modo exciderit, nescio. sed quia numquam accidit, ut cum eo uerbo uno concertarem; et quia scripta mihi uidetur negligentius, quam ceteræ: puto posse probari, non esse meam. id, si putas me posse sanari, cures uelim: sin plane perij, minus laboro. Ego etiam nunc eodem in loco iaceo, sine sermone ullo, sine cogitatione ulla. Licet tibi, ut scribis, significarem, ut ad me uenires Sidona: tamen intelligo te istic prodesse, hic ne uerbo quidem leuare me posse. Nō queo plura scribere: nec est, quod scribam: uestra magis exspecto. Vale.  
xvi. kal. Sext. Thessalonica.

CICERO S. D. ATTICO. 13

QVOD ad te scripseram, me in Epiro futurum: postea quam extenuari spem nostram, & euanescere uidi, mutavi consilium; nec me Thessalonica commoui, ubi esse constitueram, quoad aliquid ad me de eo scriberes, quod proximis litteris scripseras, fore, uti secundum comitia aliquid de uobis in senatu ageretur; id tibi Pompeium dixisse. qua de re, quoniam comitia habita sunt, tuq. nil  
ad



ad me scribis ; perinde habebō, ac si scripsisses nihil  
 esse ; meq. temporis non longinqui spe ductum esse,  
 moleste feram. Quem autem motum te uidere scri-  
 pseras, qui nobis utilis fore uideretur, eum nūciant,  
 qui ueniunt, nullum fore. In tribunis pl. designatis  
 reliqua spes est : quam si expectaro ; non erit, quod  
 putes me causse meæ, ac uoluntati meorum defuisse.  
 Quod me sæpe accusas, cur hunc meum casum  
 tam grauitē feram : debes ignoscere : cum ita me  
 afflictum uideas, ut neminem umquam nec uideris,  
 nec audieris. nam quod scribis te audire, me etiam  
 mentis errore ex dolore affici : mihi uero mens inte-  
 gra est, atque utinam tam in periculo fuisset, cum  
 ego ijs, quibus meam salutem carissimam esse arbi-  
 trabar, inimicissimis, crudelissimisq. usus sum : qui,  
 ut me paululum inclinari timore uiderunt, sic impu-  
 lerunt, ut omnia suo scelere, & perfidia abuterent-  
 ur ad exitium meum. nunc, quoniam est Cyzicum  
 nobis eundum ; quo rarius ad me litteræ perferen-  
 tur, hoc uelim diligentius omnia, quæ putaris me  
 scire opus esse, perscribas. Quinetum fratrem meum  
 fac diligas : quem ego miser si incolumem relinquo,  
 non me totum periisse arbitrabor. Vale. nonis Sext.

CICERO S. D. ATTICO.

14

Ex tuis litteris plenus sum expectatione de  
 Pompeio, quidnam de nobis uelit, aut ostendat.  
 couitia enim credo esse habita : quibus absolutis  
 scribis illi placuisse agi de nobis. si tibi stultus esse  
 ui-



## LIB. III. EPIST.

uideor, qui sperem; facio tuo iussu; & scio te me ijs  
epistolis potius, & meas spes solitum esse remorari.  
nunc uelim, mihi plane perscribas, quid uideas. scio  
nos nostris multis peccatis in hanc ærumnam incidis-  
se. ea si qui casus ex parte correxerint; minus mo-  
leste feremus nos uixisse, & adhuc uiuere. Ego,  
propter uiã celebritatem, & quotidianam expecta-  
tionem rerum nouarum, non commoui me adhuc  
Thessalonica: sed iam extrudimur, non a Plancio,  
(nam is quidem retinet) uerum ab ipso loco, mini-  
me appposito ad tolerandam in tanto luctu calamita-  
tem. In Epirum ideo, ut scripseram, non iui, quod  
subiti mihi uniuersi nuncij uenerant, & litteræ,  
quare nihil esset necesse quamproximo Italiam esse.  
hinc, si aliquid a comitijs audierimus, nos in Asiam  
conuertemus: neque adhuc stabat, quo potissimum:  
sed scies. Vale. XII. kal. Sext. Thessalonica.

CICERO S. D. ATTICO. 15

ACCEPI idibus Sext. quattuor epistolas a  
te missas; unam, qua me obiurgas, & rogas, ut  
sim firmior; alteram, qua Crassi libertum ais tibi  
de mea solitudine, macieq. narrasse; tertiam, qua  
demonstras acta in senatu; quartam de eo, quod a  
Varrone scribis tibi esse confirmatum de uoluntate  
Pompeij. Ad primam tibi hoc scribo; me ita dole-  
re, ut non modo a mente non deferar, sed id ipsum  
exoleam, me, tam firmiter ubi utar, & quibus-  
cum, non habere. nam si tu me uno non sine mæro-  
re



re cares; quid me censes, qui & te, & omnibus?  
& si tu incolumis me requiris; quo modo a me ip-  
sam incolumitatem desiderari putas? nolo comme-  
morare, quibus rebus sim spoliatus, non solum quia  
non ignoras, sed etiam ne scindam ipse dolorem  
meum. hoc confirmo, neque tantis bonis esse priua-  
tum quemquam, neque in tantas miseriae incidisse.  
dies autem non modo non leuat luctum hunc, sed  
etiam auget. nam ceteri dolores mitigantur uetu-  
state; hic non potest non et sensu praesentis miseriae,  
et recordatione praeteritae uitae quotidie augeri. de-  
sidero enim non mea solum, neque meos, sed me  
ipsum. quid enim sum? sed non faciam, ut aut tuum  
animum angam querelis, aut meis uulneribus sae-  
pius manus afferam. Nam quod purgas eos, quos  
ego mihi scripsi inuidisse, & in eis Catonem: ego ue-  
ro tantum illum puto ab isto scelere abfuisse, ut ma-  
xime doleam, plus apud me simulationem aliorum,  
quam istius fidem, ualuisse. ceteri, quos purgas, de-  
bent mihi purgati esse, tibi si sunt. Sed haec sero agi-  
mus. Crassi libertum nihil puto sincere locutum.  
In senatu rem probe scribis actam. sed quid Curio?  
an illam orationem non legit? quae unde sit prolata,  
nescio. sed Axius, eiusdem diei scribens ad me acta,  
non ita laudat Curionem. at potest ille aliquid praeter-  
mittere: tu, nisi quod erat, profecto non scripsisti.  
Varronis sermo facit expectationem Caesaris. at-  
que utinam ipse Varro incumbat in causam. quod  
profecto cum sua sponte, tum te instante faciet. ego,  
si me

*acta*



## LIB. III. EPIST.

*si me aliquando uestri, & patriæ compotem fortuna fecerit, certe efficiam, ut maxime latere unus ex omnibus amicis; meaq. officia, & studia, quæ parum antea luxerunt, (fatendum est enim) sic exequar, ut me æquet tibi, ac fratri, & liberis nostris, restitutum putes. si quid in te peccaui, ac potius quoniam peccaui, ignosce. in me enim ipsum peccaui uehementius. neque hæc eo scribo, quo te non meo casu maximo dolore esse affectum sciam: sed profecto, si, quantum me amas, & amasti, tantum amare deberes, ac debuisses; nūquam esses passus me, quo tu abundas, egere consilio; nec esses passus mihi persuaderi, utile nobis esse, legem de collegiis perferri. sed tu tantum lacrymas præbuiisti dolori meo, quod erat amoris, tamquam ipse ego: quod meritis meis perfectum esse potuit, ut dies, & noctes, quod mihi faciendum esset, cogitares, id abs te meo, non tuo scelere prætermisum est. quod si non modo tu, sed quisquam fuisset, qui me Pompei minus liberali responso perterritum a turpissimo consilio reuocaret, quod unus tu facere maxime potuisti: aut occubuissem honeste, aut uictores hodie uiueremus. Hic mihi ignoscas: me enim ipsum multo magis accuso; deinde te, quasi me alterum: & simul meæ culpæ socium quæro. si restitutor, etiam minus uidebimur deliquisse; abs teq. certe, quoniam nullo nostro, tuo ipsius beneficio diligemur. Quod te cum Culeone scribis de priuilegio locutum; est aliquid; sed multo est melius, abrogari. si enim nemo*

im-



impediet, sic est firmitus: sin erit, qui ferri non sinat; idem S. C. intercedet. nec quidquam aliud opus est, quam abrogari. nam prior lex nos nihil lædebat. quam si, ut est promulgata, laudare uoluissimus, aut, ut erat negligenda, negligere; nocere omnino nobis nō potuisset. hic mihi primum non modo consilium defuit, sed etiam obfuit. cæci, cæci, inquam, fuimus in uestitu mutando, in populo rogando. quod, nisi nominatim mecum agi cœptum esset, fieri perniciosum fuit. sed pergo præterita. uerumtamen ob hanc causam, ut, si quid ageretur, legem illam, in qua popularia multa sunt, ne tangatis. uerum est stultum, me præcipere, quid agatis, aut quo modo. ut inam modo agatur aliquid. multa occultant tuæ litteræ; credo, ne uehementius desperatione perturber. quid enim uides agi posse, aut quo modo? per senatū ne? ast tute scripsisti ad me, quoddam caput legis Clodium in curiæ postea fixisse, ne referri, ne ue dici liceret. quo modo igitur Domitius se dixit relaturum? quo modo autem ijs, quos tu scribis, & de re dicentibus, & ut referretur, postulantes, Clodius tacuit? ac, si per populum, poterit ne, nisi de omnium tribunorum pl. sententia? quid de bonis? quid de domo? poterit ne restitui? aut, si non poterit, egomet quo modo potero? hæc nisi uides expediri, quam in spem me uocas? sin autem spei nihil est, quæ est mihi uita? itaque exspecto Thessalonica acta kal. Sext. ex quibus statuam, in tuos ne agros confugiam, ut neque uideam homines,

*Domitius*



## LIB. III. EPIST.

nes, quos nolum; & te, ut scribis, uideam; & pro  
 pius sim, si quid agatur. idq. intellexi cum tibi, cum  
 Quinto fratri placere; an abeam Cyzicum. Nunc  
 Pomponi, quoniam nil impertisti tuæ prudentiæ ad  
 salutem meam, quod aut in me ipso satis esse consilij  
 decreueras, aut te nil mihi plus debere, quam ut  
 præsto esses; quandoquidem ego proditus, indu-  
 ctus, coniectus in fraudem, omnia mea præsidia ne-  
 glexi, totam Italiam, in me erectam ad me defen-  
 dendum, destitui, & reliqui; me meis tradidi inimi-  
 cis, inspectante, & tacente te; qui si non plus inge-  
 nio ualebas, quam ego, certe timebas minus: si po-  
 tes, erige afflictos, & in eo nos iuua. sin omnia sunt  
 obstructa; id ipsum fac ut sciamus, & nos aliquan-  
 do aut obiurgare, aut communiter consolari desine.  
 Ego si tuam fidem accusarem; non me potissimum  
 tuis testis crederem. meam amentiam accuso, quod  
 a te tantum amari, quantum ego uellem, putau:  
 quod si fuisset, fidem eandem, curam maiorem ad-  
 hibuisses; me certe ad exitium præcipitantem reti-  
 nuisses; istos labores, quos nunc in naufragijs no-  
 stris suscipis, non subisses. quare fac, ut omnia ad  
 me perspecta, & explorata perscribas; meque, ut  
 facis, uelis esse aliquem; quoniam, qui fui, & qui  
 esse potui, iam esse non possum; & ut his litteris nõ  
 te, sed me ipsum a me esse accusatum putes. Si qui  
 erunt, quibus putes opus esse meo nomine litteras  
 dari, uelim conscribas, curesq. dandas. Vale.  
 D. XIV. kal. Sept.

CICERO



CICERO S. D. ATTICO. 16

TOTVM iter mihi incertum facit expectatio litterarum tuarum kal. Sext. datarum, non aliud aliquid. si spes erit, Epirum, sin minus, Cyzicum, aut aliud quid sequemur. tuæ quidem litteræ, quo sæpius a me leguntur, hoc spem faciunt mihi minorem, quam cum lectæ sunt. tum id, quod attulerunt ad spem, infirmant: ut facile appareat, te & consolationi seruire, & ueritati. idq. te rogo plane, ut ad me, quæ scis, ut erunt, quæ putabis, ita scribas. Vale. D. XII. kal. Sept.

CICERO S. D. ATTICO. 17

DE Quinto fratre nunciū nobis tristes, nec uarij uenerant ex ante diem non. Iun. usque ad prid. kal. Sept. eo autem die Liuiueius, L. Reguli libertus, ad me a Regulo missus uenit. is omnino mentionem nullam factam esse nunciauit, sed fuisse tamen sermonem de C. Clodij filio: isq. mihi tum a fratre litteras attulit. sed postridie Sextij pueri uenerunt, qui a te litteras attulerunt, non tam exploratas a timore, quam sermo Liuiueij fuerat. sane sum in meo infinito mærore sollicitus, & eo magis, quod Appij quæstio est. Cetera, quæ ad me eisdem litteris scribis de nostra spe, intelligo esse languidiora, quam alij ostendunt. ego autem, quoniam non longe ab eo tempore absumus, in quo res dijudicabitur, aut ad te conferam me, aut etiam nūc circum hæc loca cō-

H morabor.



## LIB. III. EPIST.

morabor. Scribit ad me frater, omnia sua per te unum sustineri. quid te aut horter, quod facis; aut agam gratias, quod non exspectas? tantum uelim, fortuna det nobis potestatem, ut incolumes amore nostro perfruamur. Tuas litteras semper maxime exspecto. in quibus, caue, ne aut diligentia tua mihi molesta, aut ueritas acerba sit. Vale.

D. prid. non. Sept.

## CICERO S. D. ATTICO. 18

EXPECTATIONEM nobis non paruum attuleras, cum scripseras, Varronem tibi pro amicitia confirmasse, causam nostram Pompeium certe suscepturum, & simul a Cæsare ei litteræ, quas exspectaret, remissæ essent, auctorem etiam daturum. utrum id nihil fuit, an aduersatæ sunt Cæsaris litteræ? an est aliquid in spe? Etiam illud scripseras, eundem, secundum comitia, dixisse. fac (si uides, quantis in malis iaceam, & si putas esse humanitatis tuæ) me fac de tota causa nostra certiorē. nam Quinctus frater, homo mirus, qui me tam ualde amat, omnia mittit spei plena, metuens, credo, defectionem animi mei. tuæ autem litteræ sunt uariæ. neque enim me desperare uis, nec temere sperare. fac, obsecro te, ut omnia, quæ prospici a te possunt, sciamus. Vale.

## CICERO S. D. ATTICO. 19

QVOD eiusmodi mihi litteræ a uobis afferebantur, ut aliquid ex ijs esset exspectandum; spe, & cupi-



cupiditate Thessalonicae detentus sum. postea quam  
 omnis actio huius anni confecta nobis uidebatur, in  
 Asiam ire nolui: quod & celebritas mihi odio est;  
 & si fieret aliquid a nouis magistratibus, abesse  
 longe nolebam. itaque in Epirum ad te statui me  
 conferre: non quo mea interesset loci natura, qui  
 lucem omnino fugerem: sed aut ad salutem libentis-  
 sime ex tuo portu proficiscar: aut, si ea praecisa erit,  
 nusquam facilius hanc miserrimam uitam uel susten-  
 tabo, uel, quod multo est melius, abiecero. ero  
 cum paucis, multitudinem dimittam. Me tuae litte-  
 rae numquam in tantam spem adduxerunt, quantam  
 aliorum: attamen mea spes etiam tenuior semper  
 fuit, quam tuae litterae. sed tamen, quoniam coe-  
 ptum est, age, quoquo modo coeptum est, & qua-  
 cumque de causa, non deferam neque optimi, atque  
 unici fratris miseras, atque luctuosas preces, nec  
 Sextij, ceterorumque promissa, nec spem ærumno-  
 sissimae mulieris Terentiae, nec miserrimae mulieris  
 Tulliolae obsecrationem, et fideles litteras tuas. mi-  
 hi Epirus aut iter ad salutem dabit; aut, quod scri-  
 psi supra. te oro, & obsecro Pomponi, si me omni-  
 bus amplissimis, carissimis, iucundissimisq. rebus per-  
 fidia hominum spoliatum; si me a meis consiliarijs  
 proditum, & proiectum uides; si intelligis me coa-  
 ctum, ut ipse me, & meos perderem; ut me tua  
 misericordia iuues, & Quinctum fratrem, qui po-  
 test esse saluus, sustentens; Terentiam, liberosq.  
 meos tueare; me, si putas te istuc uisurum, exspe-

*reuerato*



LIB. III. EPIST.

etes; si minus, inuisas, si potes; mihiq. ex agro tuo  
tantum assignes, quantum meo corpore occupari  
potest; & pueros ad me cum litteris quamprimum,  
& quamsepiissime mittas. Vale. XVI.  
kal. Oct.

CICERO S. D. Q. CAECILIO Q. F.  
POMPONIANO ATTICO: 20

QVOD quidem ita esse, & auunculum tuum  
functum esse officio, uehementissime probō: gaude-  
re me tum dicam, si mihi hoc uerbo licebit uti. Me  
miserum, quam omnia essent ex sententia, si nobis  
animus, si consilium, si fides eorum, quibus credidi-  
mus, non defuisset. quæ colligere nolo, ne augeam  
mærorem. sed tibi uenire in mentem certo scio, quæ  
uita esset nostra, quæ suauitas, quæ dignitas. ad  
quæ recuperanda per fortunas incumbe, ut facis;  
diemq. natalem reditus mei, cura, ut in tuis ædi-  
bus amœnissimis agam tecum, & cum meis. Ego  
huic spei, & expectationi, quæ nobis proponitur,  
maxime tamen uolui præstolari apud te in Epiro:  
sed ita ad me scribitur, ut putem esse commodius,  
nos eisdem in locis esse. De domo, & Curionis ora-  
tione, ut scribis, ita est. in uniuersa salute, si ea mo-  
do nobis restituetur, inerunt omnia. ex quibus ni-  
hil malo, quam domum. sed tibi nihil mando nomi-  
nationem: me totum tuo amori, fideiq. commendo.

Quod, te in tanta hereditate, ab omni occupatione  
expedisti, ualde mihi gratum est. Quod facultates  
tuas



tuas ad meam salutem polliceris, ut omnibus rebus  
a te præter ceteros iuuer: id quantum sit præsidium,  
video; intelligoque, te multas partes meæ salutis  
& suscipere, & posse sustinere, neque, ut ita fa-  
cias, rogandum esse. Quod me uetas quidquam  
susplicari accidisse ad animum tuum, quod secus a  
me erga te commissum, aut prætermisum uideretur:  
geram tibi morem, & liberabor ista cura: tibi  
tamen eo plus debebo, quo tua in me humanitas  
fuerit excelsior, quam in te mea. Velim, quid ui-  
deas, quid intelligas, quid agatur, ad me scribas,  
omnesq. ad nostram salutem adhortere. Rogatio  
Sextij neque dignitatis satis habet, nec cautionis.  
nam et nominatim ferre oportet, & de bonis dili-  
gentius scribi: & id animaduertas uelim. Vale.  
IV. non. Oct. Thessalonice.

CICERO S. D. ATTICO. 21

TRIGINTA dies erant ipsi, cum has da-  
bam litteras, per quos nullas a uobis acceperam.  
mihi autem erat in animo, iam, ut antea ad te  
scripsi, ire in Epirum, & ibi omnem casum po-  
tissimum expectare. Te oro, ut, si quid erit,  
quod perspicias, quamcumque in partem, quam-  
planissime ad me scribas, & meo nomine, ut scri-  
bis, litteras, quibus putabis opus esse, ut des.  
Vale. V. kal. Nov.



ET SI diligenter ad me Quinctus frater, & Piso, quæ essent acta, scripserant: tamen uellem, tuæ occupatio non impedisset, quo minus, ut consuesti, ad me, quid ageretur, & quid intelligeres, perscriberes. Me adhuc Plancius liberalitate sua retinet, iam aliquoties conatum ire in Epirum. spes homini est iniecta, non eadem, quæ mihi, posse nos una decedere. quam rem sibi magno honori sperat fore. sed iam, cum aduentare milites dicentur, faciendum nobis erit, ut ab eo discedamus. quod cum faciemus, ad te statim mittemus; ut scias, ubi simus. Lentulus suo in nos officio, quod & re, et promissis, & litteris declarat, spem nobis non nullam affert Pompeij uoluntatis. sæpe enim tu ad me scripsisti, eum totum esse in illius potestate. De Metello scripsit ad me frater, quantum speraret, profectum esse per te. Mi Pomponi pugna, ut tecum, & cum meis mihi liceat uiuere; & scribe ad me omnia. premo cum luctu, tum desiderio omnium rerum, quæ mihi me cariores semper fuerant. Cura, ut ualeas.

Ego, quod, per Thessaliam si irem in Epirum, per diu nihil eram auditurus, & quod mei studiosos habeo Dyrrhachinos, ad eos perrexi, cum illa superiora Thessalonica scripsissem. inde cum ad te conuertam, faciam ut scias. tuq. ad me uelim omnia quam diligentissime, cuiusmodi sunt, scribas.



bas . ego iam aut rem , aut ne spem quidem exspe-  
cto . Vale . VI . kal . Dec . Dyrrhachij .

CICERO S. D. ATTICO. 23

AD V . kal . Dec . tres epistolas ate accepi , u-  
nam datam ad VIII . kal . Nou . in qua me horta-  
ris , ut forti animo mensem Ian . expectem : eaque ,  
quæ ad spem putas pertinere , de Lentuli studio , de  
Metelli uoluntate , de tota Pompeij ratione , per-  
scribis . in altera epistola , præter consuetudinem  
tuam , diem non adscribis : sed satis significas tem-  
pus . lege enim ab octo tribunis pl . promulgata , scri-  
bis te eas litteras eo ipso die dedisse , id est ad IV .  
kal . Nou . et , quid putes utilitatis eam promulga-  
tionem attulisse , scribis . in quo si etiam nostra salus  
cum hac lege desperata erit , uelim pro tuo in me a-  
more hanc inanem meam diligentiam miserabilem  
potius , quam ineptam , putes : sin est aliquid spei ,  
des operam , ut maiore diligentia posthac a nostris  
magistratibus defendamur . nam ea ueterum tribu-  
norum pl . rogatio tria capita habuit ; unum de redi-  
tu meo , scriptum incaute : nihil enim restituitur ,  
præter ciuitatem , & ordinem : quod mihi pro meo  
casu satis est : sed , quæ cauenda fuerint , & quo mo-  
do , te non fugit . alterum caput est tralatitium de  
impunitate , si quid cōtra alias leges eius legis ergo  
factum sit . tertium caput , mi Pomponi , quo con-  
silio , & a quo sit inculcatum , uide . scis enim Clo-  
dium sanxisse , ut uix , aut omnino non posse nec per  
senatum ,



## LIB. III. EPIST.

senatum, nec per populum infirmari sua lex. sed uides, numquam esse obseruatas sanctiones earum legum, quæ abrogarentur. nam si id esset: nulla ferre abrogari posset: (neque enim ulla est, quæ non ipsa se sepiat difficultate abrogationis) sed, cum lex abrogatur, illud ipsum abrogaretur, quo modo eam abrogari oporteat. hoc cum re uera ita sit; cum semper ita habitum, obseruatumq. sit: octo nostri tribuni pl. caput posuerunt hoc: SI QUID IN HAC ROGATIONE SCRIPTUM EST, QVOD PER LEGES, PLEBIS VE SCITA, HOC EST, QVOD PER LEGEM CLODIAM PROMVLGARE, ABROGARE, DEROGARE, OBROGARE SINE FRAUDE SUA NON LICEAT, NON LICVERIT; QVOD VEL QVI PROMVLGAVIT, DEROGAVIT, OB EAM REM \*POENAE, MULTAE VE SIT EH. INR. atque hoc in illis tribunis pl. non ladebat: lege enim collegij sui non tenebantur. quo maior est suspicio malitiæ alicuius; cum id, quod ad ipsos nihil pertinebat, erat autem contra me, scripserunt: ut noui tribuni pl. si essent timidiore, multo magis sibi eo capite utendum putarent. neque id a Clodio prætermissum est. dixit enim in concione a. d. III. non. hoc capite designatis tribunis pl. præscriptum esse, quid liceret. tamen, in lege nulla esse eisumodi caput, te non fallit. quod si opus esset, omnes in abrogando uterentur. Ninnium, ac ceteros fugerit.



rit. inuestiges, uelim, & quis attulerit; & quare  
 octo tribuni pl. ad senatum de me referre non dubi-  
 tarint. si enim, quod obseruandum illud caput non  
 putabant: ijdem in abrogando tam cauti fuerunt,  
 ut id metuerent, soluti cum essent, quod ne ijs qui-  
 dem, qui lege tenentur, est curandum. id caput sa-  
 ne nolim novos tribunos pl. ferre: sed perferant mo-  
 do quidlibet: uno capite, quo reuocabor, (modo  
 res conficiatur) ero contentus. Iam dudum pudet  
 tam multa scribere: uereor enim, ne re iam despe-  
 rata legas; ut hæc mea diligentia miserabilis tibi,  
 alijs irridenda uideatur. sed si est aliquid in spe, ui-  
 de legem, quam T. Fadio scripsit T. Visellius. ea  
 mihi perplacet. nam Sextij nostri, quam tu tibi  
 probari scribis, mihi non placet. Tertia est epi-  
 stola prid. id. Nou. data: in qua exponis pruden-  
 ter, & diligenter, quæ sint, quæ rem distingere ui-  
 deantur, de Crasso, de Pompeio, de ceteris. qua-  
 re oro te, ut, si qua spes erit, posse studijs bonorū,  
 auctoritate, multitudine comparata rem confici;  
 des operam, ut uno impetu perfringatur; in eam  
 rem incumbas, ceterosq. tu excites. sin, ut ego  
 perspicio cum tua coniectura, tum etiam mea, spei  
 nihil est; oro, obtestorq. te, ut Quinctum fratrem  
 ames, quem ego miserum misere perdidi; ne ue-  
 quid eum patiare grauius cōsulere de se, quam ex-  
 pediat sororis tuæ filio; meum Ciceronem, cui ni-  
 hil misello relinquo præter inuidiam, & ignomi-  
 niam nominis mei, tueare, quoad poteris; Teren-  
 tiam,

*Cicero homo*



tiam, unam omnium ærumnosissimam, sustentem  
tuis officijs. Ego in Epirum proficiscar. cum pri-  
morum dierum nuncios excepero. Tu ad me, ue-  
lim, proximis litteris, ut se initia dederint, perscri-  
bas. Vale. Pridie kal. Dec.

CICERO S. D. ATTICO. 24

ANTEA, cum ad me scripsissetis, uestro con-  
sensu, consulares provincias ornatas esse; etsi uere-  
bar, quorsum id casurum esset, tamen sperabam uos  
aliquid aliquando uidisse prudentius. postquam mi-  
hi & dictum est, & scriptum, uehementer consi-  
lium uestrum reprehendi: grauiter sum commotus;  
quod illa ipsa spes exigua, quæ erat, uidetur esse  
sublata. nam si tribuni pl. nobis succensent, quæ po-  
test spes esse? ac uidentur iure succensere: cum &  
expertes consilij fuerint, qui causam nostram susce-  
perant; & nostra concessione omnem uim sui iuris  
amiserint: præsertim cum ita dicant, se nostra caus-  
sa uoluisse suam potestatem esse de consulibus ornan-  
dis, non ut eos impedirent, sed ut ad nostram caus-  
sam adiungerent: nunc, si consules a nobis alienio-  
res esse uelint, posse id libere facere; sin uellent no-  
stra causa, nihil posse se inuitis. Nam quod scribis;  
ni ita nobis placuisset, illos hoc idem per populum  
assecuturos fuisse: inuitis tribunis pl. fieri nullo mo-  
do potuit: ita uereor, ne & studia tribunorum ami-  
simus, & si studia maneant, uinculum illud ad-  
iungendorum consulum amissum sit. Accedit aliud

NON



non paruum incommodum, quod grauis illa opi-  
nio, ut quidem ad nos perferebatur, senatum nihil  
decernere ante, quam de nobis actum esset, amif-  
sa est, praesertim in ea causa, quae non modo neces-  
saria non fuit, sed etiam inusitata, ac noua. neque  
enim umquam arbitror ornatas esse prouincias desi-  
gnatorum: ut, cum in hoc illa constantia, quae e-  
rat mea causa suscepta, immutata sit, nihil iam  
possit non decerni. iam, ijs, ad quos relatum est, a-  
micis placuisse, non mirum sit. erat enim difficile  
reperire, qui contra tanta commoda duorum con-  
sulum palam sententiam diceret. & fuit omnino dif-  
ficile non obsequi uel, amicissimo homini, Lentulo,  
uel Metello, qui similitatem humanissime depone-  
ret. sed uereor, ne, hos cum tenere potuerimus,  
tribunos pl. amiserimus. haec res quemadmodum  
ceciderit, et tota res quo loco sit, uelim ad me scri-  
bas, et ita, ut instituisti. nam ista ueritas, etiam  
si iucunda non est, mihi tamen grata est. Vale.  
D. IV. id. Dec.

CICERO S. D. ATTICO. 25

POST tuum a me discessum litterae mihi Ro-  
ma allatae sunt: ex quibus prospicio nobis in hac cala-  
mitate tabescendum esse. neque enim, (sed bonam  
in partem accipies) si ulla spes salutis nostrae subes-  
set, tu pro tuo amore in me hoc tempore discessisses.  
sed, ne ingrati, aut ne omnia uelle nobiscum un-  
interire uideamur, hoc omitto: illud abs te peto,  
des



LIB. III. EPIST.

*des operam, id quod mihi affirmasti, ut te ante kal.  
Ian. ubicumque erimus, sistas. Vale.*

CICERO S. D. ATTICO. 26

*LITTERAE mihi a Quinto fratre cum S.  
C. quod de me est factum, allatae sunt. mihi in a-  
nimo est, legum lationem expectare. si obrectabi-  
tur, utar auctoritate senatus, et potius uita, quam  
patria, carebo. Tu, quaeso, festina ad nos ueni-  
re. Vale. VI. kal. Ian.*

CICERO S. D. ATTICO. 27

*EX TVIS litteris, & ex re ipsa nos fundi-  
tus perisse uideo. Te oro, ut, quibus in rebus  
mei tui indigebunt, nostris miseris ne desis. ego  
te, ut scribis, cito uidebo. Plura non scribo.  
Cura ut ualeas.*



M. TVLLII CICERONIS  
EPISTOLARVM AD T. POM-

PONIVM ATTICVM

LIBER IV.

CICERO S. D. ATTICO.

CVM primum Romam ueni, fuitque,  
cui recte ad te litteras darem, nil prius  
faciendum mihi putavi, quam ut tibi  
absenti de reditu nostro gratularer. co-  
gnoram enim, ( ut uere scribam ) te in consilijs  
mihi dandis nec fortiozem, nec prudentiozem,  
quam me ipsum, nec etiam propter meam in te ob-  
seruantiam nimium in custodia salutis meae diligen-  
tem; eundemq. te, qui primis temporibus erroris  
nostri, aut totius furoris particeps, & falsi rumoris  
socius fuisses, acerbissime dissidium nostrum tulisse,  
plurimumq. operæ, studij, diligentiae, laboris ad  
conficiendum reditum meum contulisse. itaque hoc  
tibi uere affirmo, in maxima letitia, & exopta-  
tissima gratulatione unum ad cumulandum gau-  
dium conspectum, aut potius complexum mihi  
tuum defuisse. quem semel nactus, numquam dimi-  
sero: ac, nisi etiam prætermisissos fructus tuæ sua-  
uitatis præteriti temporis omnes exegero, profe-  
cto hac restitutione fortunæ me ipse non satis dignè  
iudicabo. Nos adhuc in nostro statu, quod difficilli-  
me recuperari posse arbitrati summus, splendorem

no-

*quid homo*



## LIB. IV. EPIST.

nostrum illum forensem, & in senatu auctorita-  
 tem, & apud uiros bonos gratiam magis, quam  
 optaramus, consecuti sumus. In re autem familia-  
 ri, quæ quemadmodum fracta, dissipata, direpta  
 sit, non ignoras, ualde laboramus, tuarumq. non  
 tam facultatum, quas ego nostras esse indico, quam  
 consiliorum ad colligendas, & constituendas reli-  
 quias nostras indigemus. nunc, etsi omnia aut  
 scripta esse a tuis arbitror, aut etiam nuncijs, ac  
 rumore perlata: tamen ea inscribam breui, quæ  
 te puto potissimum ex meis litteris uelle cognosce-  
 re. Pridie non. Sext. Dyrrhachio sum profectus,  
 ipso illo die, quo lex est lata de nobis. Brundisium  
 ueni nonis Sext. ibi mihi Tulliola mea fuit præsto  
 natali suo ipso die, qui casu idem natalis erat &  
 Brundisinae coloniae, & tuæ uicinae Salutis. quæ  
 res animaduersa a multitudine, summa Brundisi-  
 norum gratulatione celebrata est. ante diem VI.  
 id. Sext. cognoui litteris Quinti fratris, mirifico  
 studio omnium ætatum, atque ordinum, incredi-  
 bili concursu Italiae, legem comitijs centuriatis esse  
 perlatam. inde a Brundisinis honestissimis orna-  
 tus, iter ita feci, ut undique ad me cum gratulatio-  
 ne legati conuenerint. ad urbem ita ueni, ut nemo  
 ullius ordinis homo nomenclatori notus fuerit, qui  
 mihi obuiam non uenerit, præter eos inimicos, qui  
 his id ipsum non liceret aut dissimulare, aut nega-  
 re. Cum uenissem ad portam Capenam, gradus  
 templorum ab infima plebe completi erant: a qua  
 plausu



plausu maximo cum esset mihi gratulatio, signifi-  
 ta; similis & frequentia, & plausus me usque ad  
 Capitolium celebravit. in foro, & in ipso Capito-  
 lio miranda multitudo fuit. postridie in senatu, qui  
 fuit dies non. Sept. senatui gratias egimus. eo bi-  
 duo cum esset annonæ summa caritas, & homines  
 ad theatrum primo, deinde ad senatum concurris-  
 sent, impulsu Clodij; mea opera frumenti inopiam  
 esse clamarent; cum per eos dies senatus de annona  
 haberetur; & ad eius procurationem sermone non  
 solum plebis, uerum etiam bonorum Pompeius  
 uocaretur; idq. ipse cuperet; multitudoq. a me no-  
 minatim, ut id decernerem, postularet: feci, &  
 accurate sententiam dixi; cum abessent consulares,  
 quod tuto se negarent posse sententiam dicere, præ-  
 ter Messallam, & Afranium. factum est S. C. in  
 meam sententiam, ut cum Pompeio ageretur, ut  
 eam rem susciperet, lexq. ferretur. quo S. C. re-  
 citato, cum concio, more hoc insulso & nouo, plau-  
 sum, meo nomine recitando, dedisset; habui concio-  
 nem. omnes magistratus præsentis, præter u-  
 num prætorem, & duos tribunos pl. dederunt. po-  
 stridie senatus frequens, & omnes consulares ni-  
 hil Pompeio postulanti negarunt. ille legatos quin-  
 decim cum postularet, me principem nominauit; &  
 ad omnia me alterum se fore dixit. consules legem  
 conscripserunt, qua Pompeio per quinquennium o-  
 mnis potestas rei frumentariæ toto orbe terrarum  
 daretur: alteram Messius, qui omnis dat pecuniæ  
 po-

*Imperator*



potestatem, & adiungit classem, & exercitum,  
 & maius imperium in prouincijs, quam sit eorum,  
 qui eas obtineant. illa nostra lex consularis nunc  
 modesta uidetur, hæc Messij non ferenda. Pom-  
 peius illam uelle se dicit, familiares hanc. consula-  
 res duce Fauonio fremunt. nos tacemus, & eo ma-  
 gis, quod de domo nostra nihil adhuc pontifices re-  
 sponderant. qui si sustulerint religionem, aream  
 præclaram habebimus, superficiem consules ex S.  
 C. æstimabunt: sin aliter, demolientur, suo nomi-  
 ne locabunt, rem totam æstimabunt. Ita sunt res  
 nostræ; ut in secundis, fluxæ; ut in aduersis, bonæ.  
 In re familiari ualde sumus, ut scis, perturbati.  
 præterea sunt quædam domestica, quæ litteris non  
 committo. Quintum fratrem, insigni pietate, uir-  
 tute, fide præditum, sic amo, ut debeo. Te exspe-  
 cto; & oro, ut matures uenire. eoq. animo uenias,  
 ut me tuo consilio egere non sinas. alterius uitæ  
 quoddam initium ordimur. iam quidam, qui nos  
 absentes defenderunt, incipiunt præsentibus oc-  
 culte irasci, aperte inuidere. uehementer te re-  
 quirimus. Vale.

CICERO S. D. ATTICO. 2

SI FORTE rarius tibi a me, quam a ce-  
 teris, litteræ redduntur; peto a te, ut id non mo-  
 do non negligentia meæ, sed ne occupationi qui-  
 dem tribuas: quæ etsi summa est, tamen nulla esse  
 potest tanta, ut interrumpat iter amoris nostri,  
 &



et officij mei. nam ut ueni Romam, iterum nunc sum  
certior factus, esse cui darem litteras: itaque has  
alteras dedi. prioribus tibi declaravi, aduentus  
noſter qualis fuiſſet, & quis eſſet ſtatus, atque  
omnes res noſtræ quemadmodum eſſent, ut in ſe-  
cundis, fluxæ, ut in aduerſis, bonæ. Poſt illas da-  
tas, ſecuta eſt ſumma contentio de domo. diximus  
apud pontifices prid. kal. Oct. acta res eſt accu-  
rate a nobis: & ſi umquam in dicendo fuimus ali-  
quid, aut etiam ſi numquam alias fuimus, tum pro  
fecto doloris magnitudo uim quandam nobis dicen-  
di dedit. itaque oratio iuuentuti noſtræ deberi non  
potest: quam tibi, etiam ſi non deſideras, tamen  
mittam cito. Cum pontifices decreſſent, ita, ſi ne-  
que populi iuſſu, neque plebiſcito, qui ſe dedicafſe  
diceret, nominatim ei rei præſectus eſſet, neque po-  
puli iuſſu, aut plebiſcito id facere iuſſus eſſet; uideri,  
poſſe ſine religione iam partem aræ mihi reſtitui;  
mihi facta ſtatim eſt gratulatio. nemo enim dubi-  
tat, quin domus nobis eſſet adiudicata. tū ſubito ille  
in cōcionem adſcendit, quā Appius ei dedit. nunciat  
iam populo, pontifices ſecundum ſe decreuiſſe, me  
autem ui conari in poſſeſſionem uenire. hortatur,  
ut ſe, & Appium ſequantur, & ſuam Libertatem  
ut defendāt. hic cum etiam illi infimi partim admi-  
rarentur, partim irriderent hominis amentiam;  
ego ſtatueram illuc non accedere, niſi cum conſules  
ex S. C. porticum Catuli reſtituendam locaſſent.  
kal. Oct. habetur ſenatus frequens. adhibentur

I omnes



omnes pontifices, qui erant senatores. a quibus Marcellinus, qui erat cupidissimus mei, sententiam primus rogatus, quaesivit, quid essent in decernendo secuti. tum Lucullus de omnium collegarum sententia respondit, religionis iudices pontifices fuisse, legis senatum: se, & collegas suos de religione statuisset, in senatu de lege statuturos. quisque horum, loco sententiam rogatus, multa secundum causam nostram disputavit. cum ad Clodium ventum est, cupit diem consumere: neque ei finis est factus: sed tamen, cum horas tres fere dixisset, odio, & strepitu senatus coactus est aliquando perorare. cum fieret S. C. in sententiam Marcellini; omnibus praeter unum assentientibus, Serranus intercessit. de intercessione statim ambo consules referre coeperunt: cum sententiae gravissimae diceretur; senatui placere, mihi domum restitui, porticum Catuli locari, auctoritatem ordinis ab omnibus magistratibus defendi; si quae vis esset facta, senatum existimaturum, eius opera factum esse, quis S. C. intercessisset: Serranus pertinuit: et Cornicinus ad suam veterem fabulam rediit: abiecta toga, se ad generi pedes abiecit. ille noctem sibi postulavit. non concedebant: reminiscebantur enim kal. Ian. uix tamen sibi de mea voluntate concessum est. postridie S. C. factum est id, quod ad te misi. deinde consules porticum Catuli restituendam locarunt: illam porticum redemptores statim sunt demoliti libentissimis omnibus. nobis superficiem aedium consules de



de consilii sententia aestimarunt HS uicies, cetera ualde illiberaliter, Tusculanam uillam quingentis millibus, Formianum HS ducentis quinquaginta millibus. quæ aestimatio non modo uehementer ab optimo quoque, sed etiam a plebe reprehenditur. dices, quid igitur causæ fuit? dicunt illi quidem, pudorem meum; quod neque negarim, neque uehementius postularim: sed non est id: nam hoc quidem etiam profuisset: uerum ijdem, mi T. Pompei, ijdem inquam illi, quos ne tu quidem ignoras, qui mihi pinnas inciderant, nolunt easdem renasci: sed, ut spero, iam renascuntur: tu modo ad nos ueni: quod uereor ne tardius interuentu Varonis tui, nostriq. facias. Quoniam, acta quæ sint, habes; de reliqua nostra cogitatione cognosce. Ego me a Pompeio legari ita sum passus, ut nullare impedire, quin, si uellem, mihi esset integrum aut, si comitia censorum proximi consules haberent, petere posse, aut uotiuam legationem suscipere prope omnium sanorum, ac sacrorum locorum: sic enim nostræ rationes postulabant: sed uolui meam potestatem esse uel petendi, uel ineunte æstate exeundi: & interea me esse in oculis ciuium de me optime meritorum, non alienum putavi. Ac forensium quidem rerum hæc nostra consilia sunt, domesticarum autem ualde impedita. Domus edificatur: scis, quo sumptu, qua molestia. reficitur Formianum; quod ego nec relinquere possum, nec uideam Tusculanum proscripti: suburbano non facile careo.

I 2 amico

P. Cicero



## LIB. IV. EPIST.

amicorum benignitas exhausta est in ea re, quæ nihil habuit præter dedecus. quod sensisti tu absens, præsentem. quorum studiis ego, & copiis, si esset per meos defensores licitum, facile essem omnia consecutus. quo in genere nunc uehementer laboratur. Cetera, quæ me sollicitant, *μυσινώτερα* sunt. amamur a fratre, & a filia. te expectamus. Vale.

CICERO S. D. ATTICO. 3

AVERE te certo scio, cum scire, quid hic agatur, tum a me scire; non quo certiora sint ea, quæ in oculis omnium geruntur, si a me scribantur, quam cum ab alijs aut scribuntur tibi, aut nunciantur; uerum ut perspicias ex meis litteris, quo modo ea feram, quæ geruntur, & qui sit hoc tempore aut mentis meæ sensus, aut omnino uitæ status. Armatis hominibus ante diem tertium non. Nou. expulsi sunt febri de area nostra, disturbata porticus Catuli, quæ ex S. C. consulum locatione reficiebatur, & ad tectum pæne peruenerat. Quinti fratris domus primo fracta coniectu lapidum ex area nostra, deinde inflammata, iussu Clodij, inspectante urbe, coniectis ignibus, magna quærela, & gemitu, non dicam bonorum, qui, nescio, an ulli sint, sed plane hominum omnium. ille uehemens furere, post hunc uero furorem nil nisi cædem inimicorum cogitare, uicatim ambire, seruis aperte spem liber-  
~~is~~ ostendere. etenim antea, cum iudicium nolebat, habebat ille quidem difficilem, manifestamq.  
causam



causam, sed tamen causam: id poterat infitiri, poterat in alios deriuare, poterat etiam aliquid iure factum defendere. post has ruinas, incendia, rapinas, desertus a suis, uix iam Decimum designatorem, uix Gellium retinet: seruorum consilijs utitur: uidet, si omnes, quos uult, palam occiderit, nihilo suam causam difficiliorem, quam adhuc sit, in iudicio futuram: itaque ante diem tertium id Nou. cum Sacra uia descenderem, insecutus est me cum suis. clamor, lapides, fustes, gladij, hac improvisa omnia. discessimus in uestibulum M. Tettij Dami-  
onis. qui erant mecum, facile operas aditu prohibuerunt. ipse occidi potuit: sed ego diæta curari incipio: chirurgiæ tædet. ille omnium uocibus cum se non ad iudicium, sed ad supplicium præsens trudi uideret, omnes Catilinas, Acidinos postea reddidit. nam Milonis domum, meamque in Ceramio prid. id Nou. expugnare, & incendere ita conatus est, ut palam hora v. cum scutis homines, eductis gladijs, alios cum accensis facibus adduxerit. ipse domum P. Sullæ pro castris sibi ad eam impugnationem sumpserat. tum ex Anniana Milonis domo Q. Flaccus eduxit uiros acres, occidit homines ex omni latrocinio Clodiano notissimos: ipsum cupiuit; sed ille se in interiorem adium Sulla se. in senatu po-  
stridie idus. domi Clodius: egregius Marcellinus, omnes acres. Metellus calumnia dicendi tempus exemit; adiuuante Oppio, etiam hercule familia-  
ri tuo; de cuius constantia, uirtute uerissimæ litte-

*Massimo de' Cammura*



## LIB. IV. EPIST.

ræ. Sextius furere. ille postea, si comitia sua non  
 fierent, urbi minari. proposita Marcellini senten-  
 tia, quam ille de scripto ita dixerat, ut totam no-  
 stram causam aræ, incendiorum, periculi mei, in  
 dicio complecteretur, eaq. omnia comitijs antefer-  
 ret: proscripsit, se per omnes dies comitiales de cæ-  
 lo seruaturum. conciones turbulentæ Metelli, te-  
 merariæ Appij, furiosissimæ Publij. hæc tamen  
 summanisi Milo in campum obnunciasset, comitia  
 futura. ante diem XII. kal. Dec. Milo media no-  
 cte cum magna manu in campum uenit. Clodius,  
 cum haberet fugitiuorum deiectas copias, in cam-  
 pum ire non est ausus. Milo permansit ad meri-  
 diem, mirifica hominum letitia, summa cum glo-  
 ria, contentio fratrum trium turpis, fracta uis, con-  
 temptus furor. Metellus tamen postulat, ut sibi  
 postero die in foro obnuncietur: nihil esse, quod in  
 campum nocte ueniretur: se hora prima in Comitio  
 fore. itaque ante diem XI. kal. Ian. in Comitium  
 Milo de nocte uenit, Metellus cum prima luce fur-  
 tim in campum itineribus prope deujs currebat.  
 assequitur inter lucos hominem Milo, obnunciat.  
 ille se recipit, magno, & turpi Q. Flacci conuicio.  
 ante diem X. kal. nundinæ. concio biduo nulla. an-  
 te diem VIII. kal. hæc ego scribebam, hora no-  
 ctis nona. Milo campum iam tenebat. Marcellus  
 candidatus ita stertebat, ut ego uicinus audirem.  
 Clodij uestibulum uacuum sane mihi nunciabatur,  
 paucis pannosis, sine laterna. meo consilio omnia il-  
 li



li fieri querebantur, ignari quantum in illo heroe esset animi, quantum etiam consilij. miranda uirtus est. noua quaedam diuina mitto. sed hæc summa est. comiti a fore non arbitror. Publium reum, nisi ante occisus erit, a Milone fore puto. si se inter uiam obtulerit, occisum iri ab ipso Milone uideo. non dubitat facere: præsefert: casum illum nostrum non extimescit: numquam enim cuiusquam inuidi, & perfidi consilio est usus: nec inerti nobili crediturus. Nos animo dumtaxat uigemus, etiā magis, quam cum florebamur: re familiari comminuti sumus. Quincti fratris tamen liberalitati pro facultatibus nostris, ne omnino exhaustus essem, illo recusante, subsidijs amicorum respondemus. quid consilij de omni nostro statu capiamus, te absente nescimus. quare appropera. Vale.

CICERO S. D. ATTICO.

4

PERIVCUNDVS mihi Cincius fuit ante diem tertium kal. Febr. ante lucem. dixit enim mihi, te esse in Italia, seseq. ad te pueros mittere: quos sine meis litteris ire nolui: non quo haberem, quod tibi, præsertim iam prope præsentem, scriberem: sed ut hoc ipsum significarem, mihi aduentum tuum suauissimum expectatissimumq. esse. quare aduola ad nos, eo animo, ut nos ames, & te amari scias. cetera coram agemus. hæc properantes scripsimus, quo die uenies, utique cum tuis apud me sis. per te le feceris, si ad nos ueneris. offendes designationem

I 4

Tyrann-



Tyrannionis, mirificam librorum meorum bibliothecam; quorum reliquæ multo meliores sunt, quam putaram. etiam uelim mihi mittas de tuis librariolis duos aliquos, quibus Tyrannio utatur glutinatoribus, ad cetera administris; ijsq. imperes, ut sumant membranulam, ex qua indices fiant, quos nos Græci, ut opinor, συλλαβους appellatis. Sed hæc, si tibi erit commodum: ipse uero utique fac uenias, si potes in his locis adhærescere, & Piliam adducere. ita enim & æquum est, & cupit Tullia. Medius fidius næ tu emisisti locum præclarum. gladiatores audio pugnare mirifice. si locare uoluisses, duobus his muneribus liberasses. Sed hæc posterius. tu fac uenias: & de librarijs, si me amas, diligenter. Vale.

CICERO S. D. ATTICO. 5

A IN TV? existimas ab ullo malle mea legi, probarique, quam a te? cur igitur cuiquam misi prius? urgebar ab eo, ad quem misi, & non habebam exemplar. quid? etiam: (dudum enim circumrodo, quod deuorandum est) subturpiculam mihi uidebatur esse παλινωδία. sed ualeant recta, uera, honesta consilia. non est credibile, quæ sit perfidia in istis principibus, ut uolunt esse, & ut essent, si quidquam haberent fidei. senseram, noram, indutus, relictus, proiectus ab ijs; tamen hoc erat in animo, ut cum ijs in rep. consentirem. ijdem erant, qui fuerant. nix aliquando te auctore resipui. dices,  
ea



eate monuisse, suasse, quæ facerem: non etiam ut  
 scriberem. ego mehercule mihi necessitatem uolui  
 imponere huius nouæ coniunctionis; ne qua mihi  
 liceret labi ad illos, qui etiam tum, cum misereri  
 mei debent, non desinunt inuidere. sed tamen mo-  
 dici fuimus ὑποδέσται, ut scripsi. erimus uberiores,  
 si & ille libenter accipiet, & ij subringentur, qui  
 uillam me moleste ferunt habere, quæ Catuli fue-  
 rat, aut etiam emisse non cogitant; qui domum ne-  
 gant oportuisse me ædificare, uendere aiunt opor-  
 tuisse. sed quid ad hoc? si, quibus sententijs dixi  
 quod & ipsi probarent, latati sunt tamen me con-  
 tra Pompeij uoluntatem dixisse. sed quoniam, qui  
 nihil possunt, ij me nolunt amare; demus operam,  
 ut ab ijs, qui possunt, diligamur. dices: uellem, iam  
 pridem. scio te uoluisse, & me. ast nugigeram ma-  
 num fuisse. iam tempus est me ipsum a me amari,  
 quando ab illis nullo modo possum. Domum meam  
 quod crebro inuisis, est mihi ualde gratum. Viati-  
 cum Crassipes præripit. Tu de uia recta in hortos.  
 uidetur commodius ad te. postridie scilicet: quid  
 enim tua? sed uiderimus. Bibliothecam mihi tui  
 pinxerunt constructione, & sittybis. eos uelim  
 laudes. Vale.

CICERO S. D. ATTICO.

6

DE LENTULO scilicet sic fero, ut debeo,  
 uirum bonum, et magnum hominem, & in summa  
 magnitudine animi multa humanitate temperatū  
 per-



## LIB. IV. EPIST.

perdidimus; nosq. malo solatio, sed non multo tamen consolamur, quod ipsius uicem minime dolemus, non ut Sausenius, & uestri, mehercule quia sic amabat patriam, ut mihi aliquo deorum beneficio uideatur ex eius incendio esse ereptus. nam quid fordius nostra uita? præcipue mea? nam tu quidem etsi es natura πολιτικός, tamen nullam habes propriam seruitutem: communi frueris nomine. ego uero, qui, si loquor de rep. quod oportet, insanus; si, quod opus est, seruus existimor; si taceo, oppressus, & captus; quo dolore esse debeo? quo sum scilicet, hoc etiam acriore, quod ne dolere quidem possum, ut non ingratus uidear. quid, si cessare libet, & in otij portum confugere? nequidquam. immo etiam in bellum, et in castra. ergo erimus ὁπαδοὶ, qui ταγοὶ esse noluimus? sic faciundum est. tibi enim ipsi, cui utinam semper paruifsem, sic uideo placere. reliqui est: πᾶρταν ἔλαχες ταύταν, κόσμη. non mehercule possum; & Philoxeno ignosco, qui reduci in carcerem maluit. uerumtamen id ipsum mecum in his locis commentor, ut ista improbem: idq. tu, cum una erimus, confirmabis. A te litteras crebro ad me scribi uideo; sed omnes uno tempore accepi. quæ res etiam auxit dolorem meum: casu enim trinas ante legeram, quibus, meliuscule Lentulo esse, scriptum erat. ecce quartæ fulmen. sed ille, ut scripsi, non miser, nos ~~uero~~ ierui. Quod me admones, ut scribam illa Hortensianas: in alia incidi, non immemor istius mādatti



ti tui: sed mehercule incipiendo refugi; ne, quod uideor stulte illius amici non intemperiem tulisse, rursum stulte iniuriam illius faciam illustrem, si quid scripsero; & simul, ne Cadutus mea, qua in agendo apparuit, in scribendo sit occultior, & aliquid satisfactio lenitatis habere uideatur. Sed uiderimus. tu modo quamsepiissime ad me aliquid.

Epistolam, Luceio quam misi, qua, res meas ut scribat, rogo, fac, ut ab eo sumas: ualde bella est: eumque, ut appropere, adhorteris: & quod mihi se ita facturum rescripsit, agas gratias. Domum nostram, quoad poteris, inuisas. Vestorio aliquid significes. ualde enim est in me liberalis. nihil & χαρρότερον. Vale.

CICERO S. D. ATTICO. 7

EPISTOLA tua me sollicitum de Quinto nostro, puero optimo, ualde leuauit. uenerat horis duabus ante Cherippus: mera monstra nuntiabat. De Apollonio quod scribis, qui illi dii irati, homini Græco, qui conturbare quidem putat sibi licere, quod equitibus R. nam Terentius suo iure. De Metello, οὐχ ὅσιν φθινέοισιν; sed tamen multis annis ciuis nemo erat mortuus. quid quidem tibi? nummi meo periculo sint: quid enim uereris, quem cumque heredem fecit? nisi Publium fecit. uerum ecit non improbe, quamquam fuit ipse. quare in hoc thecam nummariam non retexeris: in alijs eris cautior. Mea mandata de domo curabis: praesidia locabis:



## LIB. IV. EPIST.

locabis : Milonem admonebis . Arpinatum fremi-  
tus est incredibilis de Laterio . quid quæris ? ecqui-  
dem dolui . ὁ δὲ οὐκ ἐμπάζετο μύθων . Quod su-  
perest , etiam puerum Ciceronem curabis , &  
amabis , ut facis . Vale

CICERO S. D. ATTICO. 8

MULTA me in epistola tua delectarunt , sed  
nihil magis , quam patina tyrotarichi . nam de rau-  
dusculo quod scribis , μήπω μέγ' εἴπης ὅτιν τελευτή-  
σαντ' ἴδης . ædificati tibi in agri nihil reperio . in o-  
pido est quiddam , de quo est dubium , sit ne uenale ;  
ac proximum quidem nostris ædibus . hoc scito ,  
Antium Buthrotum esse Romæ , ut Corcyræ illud  
tuum . nihil quietius , nihil alsius , nihil amœnius .  
ΕΙΜΗΙ CHTΩΦΙΑΔΩC . ΚΟC . postea uero  
quam Tyrannio mihi libros disposuit , mens addita  
uidetur meis ædibus . qua quidem in re mirifica  
opera Dionysii , & Menophili tui fuit . nihil uenu-  
stius , quam illa tua pegmata . postquam misisti , li-  
bros illustrarunt ualde . Et scribas ad me uelim de  
gladiatoribus , sed ita , bene si rem gerunt : non  
quæro male sic egisse . Apenas uix discesserat , quā  
epistola . quid ais ? putas ne fore , ut legem non  
ferat ? dic , oro te , clarius : uix enim mihi exaudis-  
se uideor . uerum statim fac ut sciam , si modo est  
commodum . Ludis quidem quoniam dies est addi-  
tus , eo etiam melius hic eum diem cum Dionysio  
conteremus .

De



De Trebonio prorsus tibi assentior. De Domitio,

Σύκω, μὰ τὴν δῆμιντρα, σῦκον, οὐδ' ἐν

οὕτως ὁμοιον γέγονεν,

quam est ista περίστασις nostræ: uel quod ab iisdem,  
uel quod præter opinionem, uel quod uiri boni nus-  
quam: unum dissimile, quod huic merito. nam de  
ipso casu nescio, an illud melius. quid enim hoc mi-  
serius, quam eum, qui tot annos, quot habet, de-  
signatus consul fuerit, fieri consulem non posse?  
præsertim cum aut solus, aut certe non plus, quam  
cum altero petat. si uero id est, quod nescio an sit,  
ut non minus longas iam in codicillorum fastis futu-  
rorum consulum paginulas habeat, quam facto-  
rum; quid illo miserius? nisi resp. in qua ne spera-  
tur quidem melius quidquam. De Nata ex tuis  
primum sciui litteris. oderam hominem. De poe-  
mate quod quæris, quid si cupiat effugere? quid si-  
nat? De Fabio Lusco quod eram exorsus, homo  
peramans semper nostri fuit, nec mihi umquam o-  
dio: satis enim acutus, & permodestus, ac bene fru-  
gi. eum quia non uidebam, abesse putabam. au-  
diui ex Gaudio hoc Firmano, Romæ esse hominem,  
& fuisse assiduum. percussit animum. dices, tantu-  
la ne caussa? permulta ad me detulerat non dubia  
de Firmanis fratribus, quid sit, quod se a me remo-  
uit, si modo remouit, ignoro. De eo, quod me mo-  
nes, ut & megeram πολιτικῶς, & in eo γράμμην  
teneam; ita faciam: sed opus est maiore prudentia  
quam a te, ut soleo, petam. Tu uelim & Fabium,

si



## LIB. IV. EPIST.

si quem habes aditum, odorere; & istum conuiuium tuum degustes; & ad me de istis rebus, & de omnibus quotidie scribas. ubi nihil erit, quod scribas; id ipsum scribito. Cura ut ualeas.

CICERO S. D. ATTICO. 9

PUTEOLIS magnus est rumor, Ptolemæum esse in regno. si quid habes certius, uelim scire. Ego hic pascor bibliotheca Fausti. fortasse tu putas, his rebus Puteolanis, & Lucrinensibus. ne ista quidem desunt: sed mehercule a ceteris oblectationibus deseror, & uoluptatibus propter remp. sic litteris sustentor, & recreor; maloq. in illa tua sedecula, quam habes sub imagine Aristotelis, sedere, quam in istorum sella curuli; tecumq. apud te ambulare, quam cum eo, quocum uideo esse ambulandum. Sed de illa ambulatione fors uiderit, aut si quis est, qui curet deus. Nostram ambulationem, & Laconicum, eaque, quæ Cyrea sint, uelim, cum poteris, inuisas, & urgeas Philotimum, ut properet; ut possim tibi aliquid in eo genere respondere. Pompeius in Cumanum Palilibus uenit: misit ad me statim, qui salutem nunciaret. ad eum postridie mane uadebam, cum hæc scripsi. Vale.

CICERO S. D. ATTICO. 10

SANE uelim scire, num censum impendant tribuni diebus uitandis, (est enim hic rumor) totaq. de censura quid agant, quid cogitent. Nos hic  
cum



cum Pompeio fuimus. multa mecum de rep. sane  
 sibi displicens, ut loquebatur: (sic est enim in hoc ho-  
 mine dicendum) Syriam spernens, Hispaniam ia-  
 ctans. hic quoque, ut loquebatur: & opinor usque-  
 quaque, de hoc cum dicemus, sit hoc quasi, καὶ τόδε  
 φωνήιδου. tibi etiam gratias agebat, quod signa  
 componenda suscepisses. in nos uero suauissime her-  
 cule est effusus. uenit etiam ad me in Cumanum; ac  
 se nihil minus uelle, mihi uisus est, quam Messal-  
 lam consulatum petere. de quo ipso si quid scis, ue-  
 lim scire. Quod Lucceio scribis te nostram gloriam  
 commendaturum, & ædificium nostrum quod cre-  
 bro inuisis; gratum. Quinctus frater ad me scripsit,  
 se, quoniam Ciceronem suauissimum secum haberet,  
 ad te nonis Mai. uenturum. Ego me de Cumano mo-  
 ui ante diem V. kal. Mai. eo die Neapoli apud Læ-  
 tum ante diem IV. kal. Mai. iens in Pompeia-  
 num, bene mane hæc scripsi. Vale.

CICERO S. D. ATTICO. II

DELECTARVNT me epistolæ tuæ: quas ac-  
 cepi uno tempore duas ante diem V. kal. perge re-  
 liqua. gestio scire ista omnia. etiam illud cuiusmo-  
 di sit, uelim perspicias: potes a Demetrio. dixit  
 Pompeius, Crassum a se in Albano exspectari ante  
 diem IV. kal. is cum uenisset, Romam esse sta-  
 tim uenturos, ut rationes cum publicanis putarent.  
 quæsiui, gladiatoribus ne? respondit, ante quatuor  
 inducerentur. id cuiusmodi sit, aut nunc, si scias,  
 aut

*Delectantur*



## LIB. IV. EPIST.

aut cum is Romam uenerit, ad me mittas uelim. Nos hic uoramus litteras cū homine mirifico (ita mehercule sentio) Dionysio, qui te, omnesq. uos salutat. ἐδὲν γλυκύτερον, ἢ πάντα εἰδέναι. quare, ut ho-  
mini curioso, ita perscribe ad me, quid primus dies quid secundus, quid censores, quid Appius, quid illa populi Appuleia. denique, etiam quid a te fiat, ad me uelim scribas. non enim (tu uere loquamur) tam rebus nouis, quam tuis litteris, delector. Ego mecum, præter Dionysium, duxi neminem: nec metuo tamen, ne mihi sermo desit abs te; quo magnopere delector. Tu Luceio nostrum librum dabis. Demetrii Magnetis tibi mitto; statim ut sit, qui a te mihi epistolam referat. Vale.

CICERO S. D. ATTICO. 12

EGNATIVS Romæ est. sed ego cum eo de re Halimeti uehementer ante egi. grauiter se acturum cum Aquillio confirmauit. uidebis ergo hominem, si uoles. Macroni uix uideor præsto esse. idibus enim auctionem Larini uideo, & biduum præterea. id tu, quoniam Macronem tanti facis; ignoscas mihi, uelim. Sed, si me diligis, postridie kalendis cena apud me cum Pilia. prorsus id facies. kalendis cogito in hortis Crassipedis, quasi in diuersorio, cenare. facio fraudem S. C. inde domum cenatus, ut sim mane præsto Miloni. ibi te igitur uidebo, & promouebo. Domus nostra te tota salutat. Vale.

CICERO



CICERO S. D. ATTICO. 13

Nos in Tusculanum uenisse ad XVII. kal. Dec. uideote scire. ibi Dionysius nobis præsto fuit. Romæ ad XIV. kal. uolumus esse: quid dico, uolumus? immo uero cogimur. Milonis nuptiæ, comitiorum non nulla opinio est. ergo ut sit rata. \*

Abfuisse me in altercationibus, quas in senatu factas audio, fero non moleste. nam aut defendissem, quod non placeret; aut defuissem, cui non oporteret. sed mehercule uelim, res istas, & præsertim statum reip. et quo animo consules ferant hunc σκυλαμὼν, rescribas ad me, quantum potes, et uales. sum ἔμπειρος: & si queris, omnia mihi sunt suspecta. Crassum quidem nostrum minore dignitate aiunt profectum plaudatum, quam olim æqualem eius L. Paullum, iterum consulem. o hominem nequam. De libris oratorijs factum est a me diligenter. diu, multumq. in manibus fuerunt. describas licet. Illud etiam te rogo, τὴν παρῆσαν κατὰ σάτιν τυπώδως: ne istuc hospes ueniam. Vale.

CICERO S. D. ATTICO. 14

VESTORIVS noster me per litteras facit certiolem, te Roma ad VI. id. Mai. putare profectum esse, tardius, quam dixerat, quod minus ualuisset. si iam melius uales, uehementer gaudeo. Velim, domum ad tuos scribas, ut mihi libri pateant, non secus, ac si ipse adesses, cum

K ceteri,



## LIB. IV. EPIST.

ceteri, tum Varronis. est enim mihi utendum quibusdam rebus ex ijs libris ad eos, quos in manibus habeo; quos, ut spero, tibi ualde probabo. uelim, si quid forte noui habes, maxime a Quinto fratre, deinde a C. Cesare, & si quid forte de comitijs, de rep. (soles enim tu hac festine odorari) conscribas ad me. si nihil habebis, tamen scribas aliquid. numquam enim mihi tua epistola aut intempestiua, aut loquax uisa est. maxime autem rogo, rebus tuis, totoq. itinere ex sententia confecto, nos quamprimum reuistas. Dionysium iube saluere. Cura, ut ualeas.

CICERO S. D. ATTICO. 15

DE Eutychide, gratum; qui uetere prænominē, nouo nomine T. erit Caccilius, ut est ex me, & ex te iunctus Dionysius M. Pomponius. ualde me hercule mihi gratum, si Eutychides tuam erga me beneuolentiam cognoscet, suam illam in meo dolore ~~cupit addeat~~ neque tum mihi obscuram, neque post ingratam fuisse. Iter Asiaticum tuum puto tibi suscipiendum fuisse. numquam enim tu sine iustissima causa tam longe a tot tuis & hominibus, & rebus carissimis, & suauissimis abesse uoluisses. sed humanitatem tuam, amoremq. in tuos reditus celeritas declarabit. sed uereor, ne lepore suo detineat diutius prætor Clodius, & homo pereruditus, ut aiunt, & nunc quidem deditus græcis litteris Pituitus. sed, si uis homo esse, recipe te ad nos ad quod tempus confirmasti. cum illis tum, cum salui uenerint,



rint, Romæ uiuere licebit. Auere te scribis, accipere aliquid a me litterarum. dedi, ac multus quidem de rebus ἡμερόλεγον perscripta omnia: sed, ut conijcio, quoniam mihi non uideris in Epiro diu fuisse, redditas tibi non arbitror. genus autem mearum ad te litterarum eiusmodi fere est, ut non libeat cuiquam dare, nisi de quo exploratum sit, tibi eum redditurum. Nunc Romanas res accipe. Ad III. non. Quinct. Sufenas, & Cato absoluti: Proci-  
 cilius condemnatus. ex quo intellectum est, tres ἀρεοπαγίτας ambitum, comitia, interregnum, maiestatem, totam denique remp. flocci non facere. debemus, patrem familias domi suæ occidere nolle, neque tamen id ipsum abunde: nam absoluerunt XXII. condemnauerunt XXVIII. Publius sane diserto epilogo criminans, mentes iudicum mouerat. Otalus in ea caussa fuit, cuiusmodi solet. nos uerbum nullum. uerita est enim pusilla, quæ nunc laborat, ne animum Publij offenderet. His rebus actis, Reatini me ad sua τέμνη duxerunt, ut agerem caussam contra Interamnates apud consulem, & decem legatos, quod lacus Velinus, a M'. Curio emissus, interciso monte, in Nar defluit. ex quo est illa siccata, & humida tamen modice Rosia. uixi cum Axio: qui etiam me ad Septem Aquas duxit. Redij Romam Fonteij caussa: ad VI. id. Quinct. ueni: spectaculum, primum, magno & æquabili plausu: (sed hoc ne curaris; ego ineptus, qui scripserim) deinde, Antiphonti operamus. is e-



rat ante manumissus, quam productus. ne diutius  
pendeas, palmam tulit. sed nihil tam pusillum, nihil  
tam sine uoce, nihil tam uerum. hæc tu tecum ha-  
beto. in Andromacha tamen maior fuit, quam A-  
styanacte. nam in ceteris parem habuit neminem.  
queris nunc de Arbuscula: ualde placuit. Ludi ma-  
gnifici, & grati. Venatio in aliud tempus dilata.

Sequere nunc me in campum. ardet ambitus.  
σῆμα δέ τοι ἐπέω. fœnus ex triente idibus Quint.  
factum erat bessibus. dices, istud quidem non mole-  
ste fero. o uirum, o ciuem. Memmii Cæsaris o-  
mnes opes confirmant. cum eo Domitium consulem  
iunxerunt; qua pactione, epistola committere non  
audeo. Pompeius fremit, queritur, Scauro studet:  
sed utrum fronte, an mente, dubitatur. ἐξ ὅχου nulla  
est: pecunia omnium dignitatem exæquat. Messal-  
la languet: non quo aut animus desit, aut amici: sed  
coitio consulum, & Pompeius obsunt. ea comitia,  
puto fore, ut ducantur. Tribunicij candidati iura-  
runt se arbitrio Catonis petitueros. apud eum HS  
quingena deposuerunt; ut, qui a Catone damnatus  
esset, id perderet, & competitoribus tribueretur.  
hæc ego pridie scribebam, quam comitia fore puta-  
bantur. sed ad te v. kal. Sext. si facta erunt, & ta-  
bellarius non erit profectus, tota comitia perscri-  
bam. quæ si, ut putantur, gratuita fuerint; plus u-  
nus Cato potuerit, quam omnes quidem iudices.  
Messius defendebatur a nobis, e legatione reuoca-  
tus. nam eum Cæsari legarat Appius. Seruilius e-  
dixit,



dixit, ut adesset. tribus habet Pontinam, Velinam,  
 Macciam. pugnatur acriter, agitur tamen satis.  
 deinde me expeditio ad Drusum, inde ad Scaurum.  
 parantur orationibus iudices gloriosi. fortasse acce-  
 dent etiam consules designati. in quibus si Scaurus  
 non fuerit, in hoc iudicio valde laborabit. Ex Quin-  
 eti fratris litteris suspicor iam eum esse in Britan-  
 nia. suspensio animo expecto, quid agat. illud qui-  
 dem sumus adepti, quod multis & magnis indicijs  
 possumus iudicare, nos Cesari & carissimos, et iu-  
 cundissimos esse. Dionysium uelim saluere iubeas,  
 & eum roges, & hortere, ut quamprimum ue-  
 niat, ut possit Ciceronem meum, atque etiam me  
 ipsum erudire. Vale.

CICERO S. D. ATTICO. 16

OCCUPATIONVM mearum uel hoc signum  
 erit, quod epistola librarij manu est. De epistola-  
 rum frequentia te nihil accuso: sed pleraque tan-  
 tummodo mihi nunciabant, ubi esses, quod erat abs  
 te, uel etiam significabant recte esse, quo in gene-  
 re maxime delectarunt duæ fere eodem tempore  
 abs te Bruto datæ. scire enim uolebam, te commo-  
 de nauigasse. sed hæc epistolarum frequentia non  
 tam ubertate sua, quam celeritate delectauit. illa  
 fuit grauis, et plena rerum, quam mihi M. Paccius,  
 hospes tuus, reddidit. ad eam rescribam igitur, et  
 hoc primum. Paccio re, & uerbis ostendi, quia tua  
 commendatio ponderis haberet. itaque in intimis:

K 3 est

*Cicero homo*



## LIB. IV. EPIST.

est meis, cum antea notus non fuisset. nunc pergam  
ad cetera. Varro, de quo ad me scribis, includetur  
in aliquem locum: si modo erit locus: sed nosti ge-  
nus dialogorum meorum: ut in oratorijs, quos tu  
in cælum fers, non mentio potuit fieri cuiusquam ab-  
ijs, qui disputant, nisi eius, qui illis notus, aut au-  
ditus esset. hanc ego de rep. quam institui, dispu-  
tationem in Africani personam, et Phili, & Lælij,  
& Manilij contuli. adiunxi adolescentes Q. Tube-  
ronem, P. Rutilium, duos Lælij generos, Scauo-  
lam, & Fannium. itaque cogitabam. quoniam in  
singulis libris utor procæmijs, ut Aristoteles in ijs,  
quos ἐξωτερικὸς uocat, aliquid efficere, ut non sine  
caussa istum appellarem: id quod intelligo tibi pla-  
cere. utinam modo conata efficere possim. rem e-  
nim, quod te non fugit, magnam complexus sum,  
& grauem, & plurimi otij, quo ego maxime egeo.  
Quod in ijs libris, quos laudas, personam deside-  
ras Scauolæ: non eam temere dimoui: sed feci idem,  
quod in πολιτεία deus ille noster Plato. cum in Pi-  
racum Socrates uenisset ad Cephalum, locupletem,  
et festiuium senem; quoad primus ille sermo habere  
tur, adest in disputando senex: deinde, cum ipse quo-  
que commodissime locutus esset, ad rem diuinam  
dicit se uelle discedere; neque postea reuertitur.  
credo, Platonem uix putasse satis consonum fore, si  
hominem id ætatis in tam longo sermone diutius  
retinuisset. multo ego satius hoc mihi cauendum pu-  
taui in Scauola: qui & ætate, & ualitudine erat  
ea,



ea, quam meministi, & ijs honoribus, ut uix satis decorum uideretur, eum plures dies esse in Crassi Tusculano. & erat primi libri sermo non alienus a Scæuolæ studijs: reliqui libri τεχνολογίαν habent, ut scis. huic ioculatoriæ disputationi senem illum, ut noras, interesse sane nolui. De re filiæ quod scribis, erit mihi curæ. etenim est luculenta Aureliani, ut scribis, indicijs: & in eo me etiam Tullia meæ uendit abo. Vestorio non desum. gratum enim tibi id esse intelligo, & ut ille intelligat, curo. sed scis, qui? cum habeat duos faciles, nihil difficilius. Nunc ad ea, quæ quæris de C. Catone. Lege Iunia, & Licinia scis absolutum: Fusia ego tibi nuncio absolutum iri, neque patronis suis tam libentibus, quam accusatoribus. is tamen & mecum, & cum Milone in gratiam redijt. Drusus reus est factus a Lucretio, iudicibus reijciendis ad v. nonas Quintet. De prælio rumores non boni: sed iudicia nostri. Hir- \*  
 rus cum Domitio in gratia est. S. C. quod hic consules de prouincijs fecerunt, Quicumque posthac, non mihi ut quod. iam intelligebamus enunciationem il- \*  
 lam Memmii ualde Cæsari displicere. Messalla noster, et eius competitor Domitius liberalis in populo ualde fuit. nihil gratius. certi erant consules. ac senatus decreuit, ut tacitum iudicium ante comitia fieret ab ijs consilijs, quæ erant omnibus sortita in singulos. magnus timor candidatorum. sed quidam iudices, in his Opimius Veietorantius, tribunos pl. \*  
 appellarunt, ne iniussu populi indicarent. rescidit. \*



## LIB. IV. EPIST.

comitia dilata ex S. C. dum lex de tacito iudicio ferretur. uenit legi dies. Terentius intercessit. consules, qui illud leui bracchio egissent, rem ad senatum detulerunt. hic Abdera, non tacente me. Dices, tamen tu non quiescis? ignosce, uix possum. uerum tamen quid tam ridiculum? senatus decreuerat, ne prius comitia haberentur, quam lex lata esset: si qui intercessisset, res integra referretur. coepta ferri leuiter. intercessum non inuitis. res ad senatum. de ea re ita censuerunt; comitia primo quoque tempore haberi censere. Scaurus, qui erat paucis diebus illis absolutus, cum ego partem eius ornatissime defendissem, obnunciationibus per Scauolam interpositis, singulis diebus usque ad prid. kal. Oct. quo ego hac die scripsi, sublati, populo tributum domi suae satisfecerat. sed tamen, etsi uerior liberalitas huius, gratior esse uidebatur eorum, qui occupant. Cuperem uultum uidere tuum, cum haec legeres. nam profecto rem non habes nullam, haec negotia multarum nundinarum fore. sed senatus hodie fuerat futurus, idest kal. Oct. iam enim luciscit. ibi loquetur, praeter Antium, et Fauonium, liber nemo. nam Cato aegrotat. de me nihil timueris: sed tamen promitto nihil. Quid quaeris aliud? iudicia, credo. Drusus, Scaurus non fecisse uidentur. tres candidati fore rei putabantur, Domitius a Memmio, Messalla a Q. Pompeio Rufo, Scaurus a Triario, aut a L. Cesare. quid poteris, inquires, pro ijs dicere? ne uiuam, si scio. in illis quidem



dem tribus libris, quos tu dilaudas, nihil reperio.  
 Nunc ut opinionem habeas rerum, referendum est.  
 Quæris, ego me ut gesserim? constanter, & libere.  
 Quid ille, inquires, ut ferebat? humaniter; me æq.  
 dignitatis, quoad mihi satisfactum esset, haben-  
 dam sibi rationem putabat. Quo modo ergo absolu-  
 \* tus? omnino ΠΟΡΠΑΙΤΜΝΑ accusatorum  
 incredibilis infantia, idest L. Lentuli, L. F. quem  
 fremunt omnes præuaricatum: deinde Pompeij mi-  
 ra contentio, iudicium sordes. attamen XXXII con-  
 demnarunt, XXXVIII absoluerunt. iudicia re-  
 liqua impendent. non dum est plane expeditus. Di-  
 ces, tu ergo hæc quo modo fers? belle mehercule, et  
 in eo me ualde amo. amissimus mi Pomponi non o-  
 mnem modo succum, ac sanguinem, sed etiam co-  
 lorem, & speciem pristinam ciuitatis. nulla est  
 res, quæ delectet, in qua acquiescam. id ne igitur,  
 inquires, facile fers? id ipsum. recordor enim, quam  
 bella paullisper nobis gubernantibus ciuitas fuerit.  
 quæ mihi gratia relata sit, nullus dolor me angit.  
 posse doluerunt. multa mihi dant solatia. nec ta-  
 men ego de meo statu demigro: quæq. uia maxi-  
 me est ad naturam, ad eam me refero, & litteras,  
 & studia nostra: dicendi laborem delectatione ora-  
 toria consolor. domus me, & rura nostra dele-  
 ctant. non recordor, unde ceciderim, sed unde sur-  
 rexerim. fratrem mecum, & te si habebo, per me  
 ista pedibus trahuntur: uobis ἐμφιλοσοφῆσαι pos-  
 sum.

*Marcello*



LIB. IV. EPIST.

sum. locus ille animi nostri, stomachus ubi habita-  
bat olim, concaluit. priuata modo, & domestica  
nos delectant. miram securitatem uidebis: cuius  
plurimæ mehercule partes sunt in tuo reditu. nemo  
enim in terris est mihi tam cōsentientibus sensibus.  
Sed accipe alia. Res fluit ad interregnum; & est  
non nullus odor dictaturæ, sermo quidem multus,  
qui etiam Gabinium apud timidos iudices adiunxit.  
Candidati consulares omnes rei ambitus. accedit e-  
tiam Gabinus: quem P. Sulla, non dubitans, quin  
foris esset, postularat, contradicente, & nihil ob-  
tinente Torquato. sed omnes absoluentur, nec post-  
hac quisquam damnabitur, nisi qui hominem occi-  
derit. Hoc tamen agitur seuerius: itaque indicia ca-  
lent. M. Fuluius nobilior condemnatus est. multi  
alijs urbani ne respondent quidem. Quid aliud noui?  
& tamen, absoluto Gabinio, stomachantes alijs iu-  
dices, hora post, Antiochum Gabinium, nescio  
quem, solidis pectoribus, libertum, accensum Ga-  
binij, lege Papia condemnarunt. itaque dixit sta-  
\* tim reus læsæ maiestatis ΟΥΤΟΙΜΠΙCΑΜΑ-  
ΦΙΗ. Pontinius uult ad iij. non. Nou. trium-  
phare. huic obuiam Cato, & Seruilius prætor a-  
perte, & Q. Mucius trib. negant enim latum de  
imperio. & est latum hercule insulse. sed erit cum  
Pontinio Appius cos. Cato tamen affirmat, se uiuo  
illum non triumphare. id ego puto, ut multa eius-  
dem, ad nihil recasurum. Appius sine lege suo sum-  
ptu in Ciliciam cogitat. Ab Quinto fratre, & a  
Cæsare



Cæsare accepi ad IX. kal. Nou. litteras, confecta  
 Britannia, obsidibus acceptis, nulla præda, impe-  
 rata tamen pecunia, datas a littoribus Britannicæ,  
 proximo: ad VI. kal. Oct. exercitum Britannia  
 reportabant. Q. Pilius erat iam ad Cæsarem pro-  
 fectus. Tu, si aut amor in te est noster, ac tuorum,  
 aut ulla ueritas; aut si etiam sapias, ac frui tuis com-  
 modis cogitas; aduentare, & prope adesse iam de-  
 bes. non me hercule æquo animo te careo: te au-  
 tem, quid mirum, qui Dionysium tantopere de-  
 siderem? quem quidem abs te, cum dies uenerit,  
 & ego, & Cicero meus flagitabit. Abs te proxi-  
 mas litteras habebam, Epheso, ad V. id. Sext.  
 datas. Vale.

CICERO S. D. ATTICO. 17

O EXPECTATAS mihi tuas litteras,  
 o gratum aduentum, o constantiam promissi, & fi-  
 dem miram: o nauigationem amandam; quam me-  
 hercule ego ualde timebam, recordans superioris  
 tuæ transmissionis. sed, nisi fallor, citius te, quam  
 scribis, uidebo. credo enim te putasse, tuas mulie-  
 res in Apulia esse: quod cum secus erit, quid te  
 Apulia moretur? nam Vestorio dandi sunt dies,  
 et ille latinus *ἀπὸ τοῦ* ex interuallo regustandus.  
 quin tu huc aduolas, & inuisis illius nostræ reip.  
 germanæ putauit de nummis ante comitia tributim \*  
 uno loco diuisis palam: uide absolutum Gabinium:  
 detur esse ualiturum. De Messalla quod quæris,  
 quid

*Fragmentum  
 Ciceronis  
 ad Atticum*



## LIB. IV. EPIST.

quid scribam, nescio: numquam uidi tam pares candidatos. Messallæ copias nosti. Scaurum Triarius reum fecit. si quæris, nulla est magnopere commotio <sup>supra</sup> ~~supra~~ <sup>ad</sup> ~~ad~~ <sup>de</sup> ~~de~~ <sup>re</sup> ~~re~~. sed tamen habet ædilitas eius memoriam non ingratam; & est pondus apud rusticos in patris memoriam. reliqui duo plebei sic exæquantur, ut Domitius ualeat amicis, adiuuentur tamen non gratissimo munere, Memmius Cæsaris commendetur militibus, Pompeij Gallia nitatur. quibus si non ualuerit; putant fore aliquem, qui comitia in aduentum Cæsaris detrudat, Catone præsertim absoluto. Paccianæ epistolæ respondi. cognosce cetera. Ex fratris litteris incredibilia quædam de Cæsaris in me amore cognoui: eaq. sunt ipsius Cæsaris uberrimis litteris confirmata. Britanni belli exitus expectatur. constat enim, aditus insulæ esse munitos mirificis molibus. etiam illud iam cognitum est, neque argenti scrupulum esse ullum in illa insula, neque ullam spem prædæ, nisi ex mancipijs: ex quibus nullos puto te litteris, aut musicis eruditos expectare. Paullus in medio foro basilicam iam pænetexit iisdem antiquis columnis: illam autem, quam locauit, facit magnificentissimam. quid quæris nihil gratius illo monumento, nihil gloriosius. itaque Cæsaris amici, (me dico, & Oppium: disrumparis licet) monumentum illud, quod tu tollere laudibus solebas, ut forum laxaremus, & usque ad atrium Libertatis explicaremus, contempsimus. sexcenties HS cum priuatis



tis non poterat transigi. minore pecunia efficiemus  
 rem gloriosissimam. nam in campo Martio septa  
 tribunijs comitijs marmorea sumus, & tecta fa-  
 cturi; eaq. cingemus excelsa porticu; ut mille pas-  
 suum conficiatur. simul adiungetur huic operi Vil-  
 la etiam Publica. Dicis, quid mihi hoc monumen-  
 tum proderit? ad quid laboramus res Romanas?  
 non enim te puto de lustro, quod iam desperatum  
 est, aut de iudijs, quæ lege Plotia fiant, quære-  
 re. Nunc te obiurgari patere, si iure. scribis enim  
 in ea epistola, quam C. Decimius mihi reddidit Bu-  
 throto datam, in Asiam tibi eundum esse, te arbi-  
 trari. mihi mehercule nihil uidebatur esse, in quo  
 tantulum interesset, utrum per procuratores age-  
 res, an per te ipsum; ne toties, & tam longe abes-  
 ses. sed hæc mallem, integrare, tecum egisse. pro-  
 fecto enim aliquid egissem. nunc reprimam susce-  
 ptam obiurgationem. utinam ualeat ad celerita-  
 tem reditus tui. Ego ad te propterea minus sæpe  
 scribo, quod certum non habeo, ubi sis, aut ubi fu-  
 turus sis. huic tamen nescio cui, quod uidebatur is-  
 te uisurus esse, putavi dandas esse litteras. tu, quo-  
 niam iturum te in Asiam esse putas, ad quæ tem-  
 pora te expectem, facias me certiolem uelim, &  
 de Eutychide quid egeris. Vale.

CICERO S. D. ATTICO. 18

PUTO te existimare, me, non oblitum con-  
 suetudinis, & instituti mei, rarius ad te scribere,

quam



LIB. IV. EPIST.

quam solebam : sed , cum loca , et itinera tua nihil  
habere certi uideo , neque in Epirum , neque Athe-  
nas , neque in Asiam , neque cuiquam , nisi ad te ip-  
sum proficiscenti , dedi litteras . neque enim sunt epi-  
stolæ nostræ , quæ si perlatæ non sint , nihil ea res  
nos offensura sit : quæ tantum habent mysteriorum  
ut eas ne librarijs quidem fere committamus . Le-  
\*pidum quo excidat . Consules flagrant infamia ,  
quod C. Memmius candidatus pactionem in senatu  
recitauit , quam ipse suus cõpetitor Domitius cum  
consulibus fecisset , ut ambo HS cccc consuli-  
bus darent , si essent ipsi consules facti , nisi tres au-  
gures dedissent , qui se affuisse dicerent , cum lex cu-  
riata ferretur , quæ lata non esset ; & duos consula-  
res , qui se dicerent in ornandis provincijs consula-  
ribus scribendo affuisse , cum omnino ne senatus qui-  
dem affuisset . hæc pactio non uerbis , sed nomini-  
bus , & perscriptionibus , multorum tabulis cum ef-  
se facta diceretur ; prolata a Memmio est , nomi-  
nibus inductis auctore Pompeio . hic Appius erat  
idem : nihil sane iacturæ . corruerat alter , & plane ,  
inquam , iacebat . Memmius autem , dirempta coi-  
tione inuito Caluino , plane refrixerat , & eo ma-  
gis nunc concitare dictaturam , fauere iustitio , et o-  
mnium rerum licentiæ . Perspice æquitatem animi  
mei , & ludum , & contemptionem Seleucianæ pro-  
uinciæ , & meam hercule cum Cæsare suauissimam  
coniunctionem . hæc enim me una ex hoc naufragio  
tabula delectat . qui quidem Quintum meum  
tuumque ,



tuumque, dii boni, quemadmodum tractat honore, dignitate, gratia; non secus, ac si ego essem imperator. hibernam legionem eligendi optio delata commodum, ut ad me scribit. hunc tu non ames? quem igitur istorum? Sed heus tu, scripseram ne tibi, me esse legatum Pompeio? & extra urbem quidem fore ex id. Ian. ? uisum est hoc mihi ad multa quadrare. sed quid plura? coram, opinor, reliqua; ut tu tamen aliquid exspectes. Dionysio plurimam salutem: cui quidem ego non modo seruauit, sed etiam edificauit locum. quid quæris? ad summam letitiam meam, quam ex tuo reditu capio, magnus ex illius aduentu cumulus accedit. quo die ad me uenies, si me amas, apud me cum tuis maneat. Vale.

*Paul*



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER V.

CICERO S. D. ATTICO.

E  
GO VERO & tuum in discessu uidi  
di animum, & meo sum ipse testis. quo  
magis erit tibi uidendum, ne quid noui  
decernatur; ut hoc nostrum desiderium  
ne plus sit annum. De Annio Saturnino curasti  
probe. De satisfacendo uero te rogo, quoad eris Ro-  
mæ, tu ut sates. & sunt aliquod satisfactiones se-  
cundum mancipium, in his & Memmianorum præ-  
diorum, uel Atilianorum. De Oppio factum est,  
ut uolui, & maxime quod DCCC aperuisti: quæ  
quidem ego utique uel uersura facta solui uolo; ne  
extrema exactio nostrorum nominum expectetur.  
Nunc uenio ad transuersum illum extremæ episto-  
læ tuæ uersiculum, in quo me admones de sorore.  
quæ res se sic habet. Ut ueni in Arpinum, cum  
ad me frater uenisset, in primis nobis sermo, isq.  
multus, de te fuit. ex quo ego ueni ad ea, quæ fue-  
ramus ego, & tu inter nos de sorore in Tusculano  
locuti. nihil tam uidi mite, nihil tam placatū, quam  
tum meus frater erat in sororem tuam; ut etiam,  
si qua fuerat ex ratione sumpta offensio, non appa-  
reret. Illo sic die. postridie ex Arpinati profecti  
sumus



sumus. ut in Arcano Quintus maneret, dies fecit: ego Aquini. sed prandimus in Arcano. nosti hunc fundum. quo, ut uenimus, humanissime Quintus, Pomponia, inquit, tu inuita mulieres, ego acciuero pueros. nihil potuit, mihi quidem ut uisum est, dulcius, idq. cum uerbis, tum etiam animo, & uultu. at illa, audientibus nobis, ego sum, inquit, hic hospita. id autem ex eo, ut opinor, quod antecesserat Statius, ut prandium nobis uideret. tū Quintus, en, inquit mihi, hæc ego patior quotidie. dices, quid, quæso, istuc erat & magnum, itaque me ipsum commouerat: sic absurde, & aspere uerbis, uultuq. responderat. dissimulaui dolens. discubimus omnes præter illam: cui tamen Quintus de mensa misit; illa reiecit. quid multa? nihil meo fratre lenius, nihil asperius tua sorore mihi uisum est. & multa prætereo, quæ tum mihi maiore stomacho, quam ipsi Quinto, fuerunt. ego inde Aquinum, Quintus in Arcano remansit, & Aquinum ad me postridie mane uenit, mihiq. narrauit, nec secum illam dormire uoluisse, & cum discessura esset, fuisse eiusmodi, qualem ego uidissem. quid quæris? uel ipsi hoc dicas licet, humanitatem ei, meo iudicio, illo die defuisse. Hæc ad te scripsi fortasse pluribus, quam necesse fuit, ut uideres, tuas quoque esse partes instituendi, & monendi. Reliquum est, ut ante, quam proficiscare, mandata nostra exhaurias, scribas ad me omnia, Pontinium extrudas. cum profectus eris; cures, ut sciā.

L

sic

*fortasse*



sic habeas, nihil mehercule te mihi nec carius esse,  
nec suauius. A. Torquatum amantissime dimisi  
Minturnis, optimum uirum: cui, me ad te scripsis-  
se aliquid, in sermone significes uelim. Vale.

CICERO S. D. ATTICO. 2

AD VI. id. Mai. cum has dabam litteras, ex  
Pompeiano proficiscebar, ut eo die manerem in Tre-  
bulano apud Pontium. deinde cogitabam sine ulla  
mora iusta itinera facere. In Cumano cum essem,  
uenit ad me, quod mihi pergratum fuit, uoster  
Hortensius: cui, deposcenti mea mandata, cetera  
uniuerse mandavi, illud proprie, ne pateretur,  
quantum esset in ipso, prorogari nobis prouincias.  
in quo eum tu uelim confirmes, gratumq. mihi fe-  
cisse dicas, quod & uenerit ad me, & hoc mihi,  
prætereaq. si quid opus esset, promiserit. confir-  
maui ad eam causam etiam Furnium nostrum;  
quem ad annum tribunum pl. uidebam fore. Ha-  
buimus in Cumano quasi pusillam Romam: tanta  
erat in his locis multitudo; cum interim Rufio no-  
ster, quod se a Vestorio obseruari uidebat, strata-  
gemate hominem percussit: nam ad me non acces-  
sit. ita ne? cum Hortensius ueniret, & infirmus,  
& tam longe Hortensius, cum maxima præterea  
multitudo, ille non uenit? non, inquam. non uidi-  
sti igitur hominem? inquires. qui potui non uidere,  
cum per emporium Puteolanorum iter facerem? in  
quo illum, agentem aliquid, credo, salutari; post  
etiam



etiam iussi ualere, cum me e Pansa uilla, num quid uellem, rogasset. hunc hominem parum gratum quisquam putet? aut non in eo ipso laudandum, quod audiri non laborarit? Sed redeo ad illud. Noli putare, mihi aliam consolationem esse huius ingentis molestiae, nisi quod spero non longiorem annua fore. hoc me ita uelle multi non credunt, ex consuetudine aliquorum. tu, qui scis, omnem diligentiam adhibebis, tum scilicet, cum id agi debebit. cum ex Epiro redieris, de rep. scribas ad me uelim, si quid erit, quod operiare. non dum enim satis huc erat allatum, quo modo Caesar ferret de auctoritate perscripta: eratq. rumor de transpadanis, eos iussos IV uiros creare. quod si ita est, magnos motus timeo: sed aliquid ex Pompeio sciam. Vale.

CICERO S. D. ATTICO. 3

AD VI. id Mai. ueni in Trebulanum ad Pontium. ibi mihi tuae litterae binæ redditæ sunt tertio abs te die. eodem autem ex Pompeiano Philotimo dederam ad te litteras. nec uero nunc erat sane, quid scriberem. qui de rep. rumores, scribe quaeso. in opidis enim summum uideo timorem. sed multa inania. quid de ijs cogites, & quando, scire uelim. Ad quas litteras tibi rescribi uelis, nescio. nullas enim adhuc acceperam, præter quæ mihi binæ semel in Trebulano redditæ sunt. quarum alteræ edictum P. Licinij habebant, (erant

L 2 autem



## LIB. V. EPIST.

autem nonis Mai. datæ) alteræ rescriptæ ad meas Minturnenses. quam uereor, ne quid fuerit *ἁπλοῦς* in ijs, quas non accepi, quibus rescribi uis. Apud Lentulum ponam te in gratiam. Dionysius nobis cordi est. Nicanor tuus operam mihi dat egregiam. Iam deest, quid scribam; & lu-  
cet. Beneuenti cogitabam hodie. nostra continen-  
tia, & diligentia faciemus satis. A Pontio, ex  
Trebulano, ad v. id. Mai.

## CICERO S. D. ATTICO. 4

BENEVENTVM ueni ad v. id. Mai. ibi ac-  
cepi eas litteras, quas tu superioribus litteris signi-  
ficaueras te dedisse: ad quas ego ipso eo die dede-  
ram ex Trebulano a Pontio, ac binas quidem tuas  
Beneuenti accepi. quarum alteras Fesulanus mul-  
to mane mihi dedit, alteras scriba Tullius. Gratis-  
sima est mihi tua cura de illo meo primo & maxi-  
mo mandato: sed tua prosecutio spem meam debili-  
\*tat. ac ne ille illud quidem labat, non quo, sed ino-  
pia cogimur eo contenti esse. De illo altero, quem  
scribis tibi uisum esse non alienum, uereor adduci,  
ut nostris possit (& tuis *δυσδιάγνωστον*) *ἁπλοῦς* re-  
siv esse, & quidem summe facilis. sed tu aberis, &  
me absente rei habebis rationem meæ. nam posset  
aliquid, si interuis nostrum adesset, agente Seruio  
fieri probabile. nunc, si iam res placeat, agendi  
tamen uiam non uideo. Nunc uenio ad illam epi-  
stolam,



stolam, quam accepi a Tullio. De Marcello, fecisti diligenter. igitur S. C. si erit factum, scribes ad me: sin minus, rem tamen conficies. mihi enim attribui oportebit, item Bibulo. sed non dubito, quin S. C. expeditum sit, in quo præsertim sit compendium populi. De Torquato, probe. De Masone, & Ligure, cum uenerint. De illo, quod Cherippus: (quoniam hic quoque *ὁπὸς νεῦσιν* sustulisti) o prouincia: etiam ne hic mihi curandus est? curandus autē? hætenus, ne quid ad senatū. consule, aut numera, nam D. C. ceperis. sed tamen cōmode, quod cum Scrofa. De Pontinio, recte scribis. est enim ita, ut, si ante kal. Iun. Brundisii futurus sit, minus urgendi fuerint M. Annius, & Tullius. Quæ de Sicinio audisti, ea mihi probantur; modo ne illa exceptio in aliquem incurrat bene de nobis meritum. sed considerabimus. rem enim probo.

De nostro itinere, quod statuero: de quinque præfectis, quid Pompeius factururus sit; cum ex ipso cognoro, faciam, ut scias. De Oppio bene curasti, quod ei D. C. C. C. exposuisti: idque, quoniam Philotimum habes, perfice, & cognosce rationem: & ut agam amplius, si me amas, prius quam proficiscaris, effice. magna me cura leuaris. Habes ad omnia. etsi pæne præterij. Chartam tibi deesse, mea cautio est: siquidem eius inopia minus multa ad me scribis. tu uero aufer ducentos. et si meam in eo parsimoniam huius paginæ contra, etio significat, dum acta, & rumores uellet.

L 3 iam,

*Scrofa*



## LIB. V. EPIST.

iam, si qua certa habes de Cæsare, exspecto litteras: & alias Pontinio de omnibus rebus diligenter dabis. Vale.

CICERO S. D. ATTICO. 5

PLANE deest, quod scribam. nam nec, quid mandem, habeo; nihil enim prætermisum est: nec quid narrem; novi enim nihil: nec iocandi locus est; ita me multa sollicitant. tantum tamen scito, idibus Mai. nos Venusia mane proficiscentes, has dedisse. eo autem die credo aliquid actum in senatu. sequantur igitur nos tuæ litteræ, quibus non modo res omnes, sed etiam rumores cognoscamus. eas accipiemus Brundisii: ibi enim Pontinium ad eam diem, quam tu scripsisti, exspectare consilium est. Nos Tarenti quos cum Pompeio διαλόγους de rep. habuerimus, ad te perscribemus. etsi id ipsum scire cupio, quod ad tempus recte ad te scribere possim, idest, quam diu Romæ futurus sis; ut, aut quo dem posthac litteras, sciam, aut ne dem frustra. Sed ante, quam proficiscare, utique explicatum sit illud, HSXXX & DCCCC. hoc, uelim, in maximis rebus, & maxime necessarijs habeas; ut, quod auctore te uelle cœpi, adiutore assequar. Vale.

CICERO S. D. ATTICO. 6

TARENTVM ueni ad xv. kal. Iun. quod Pontinium statueram exspectare, commodissimum duxi,



duxi, dies eos, quoad ille ueniret, cum Pompeio consumere, eoq. magis, quod ei gratum esse id uidebam; qui etiam a me petierit, ut secum, & apud se essem quotidie: quod concessi libenter: multos enim eius præclaros de rep. sermones accipiam: instruam etiam consilijs idoneis ad hoc nostrum negotium. Sed ad te breuior iam in scribendo incipio fieri, dubitans, Romæ nesis, an iam profectus. quod tamen quoad ignorabo, scribam aliquid potius, quam committam, ut, tibi cum possint reddi a me litteræ, non reddantur. nec tamen iam habeo, quid aut mandem tibi, aut narrem. mandavi omnia; quæ quidem tu, ut polliceris, exhauries: narrabo, cum aliquid habeo noui. illud tamen non desinam, dum adesse putabo, de Cæsaris nomine rogare, ut confectum relinquas. auide exspecto tuas litteras, & maxime, ut norim tempus profectionis tuæ. Vale.

CICERO S. D. ATTICO. 7

QUOTIDIE, uel potius in dies singulos breuiiores litteras ad te mitto. quotidie enim magis, ac magis suspicor te in Epirum iam profectum. sed tamen, ut mandatum scias me curasse; quot ante, ait se Pompeius quinos præfectos delaturum novos, uacationes, iudiciarum caussam. Ego cum triduum cum Pompeio, & apud Pompeium fuisset, proficiscebar Brundisium ad XIII. kal. Iun. ciuem illum egregium relinquebam, & ad hæc

L 4 quæ

*delictum*



quæ timentur, propulsanda paratissimum. Tuas litteras expectabo, cum ut quid agas, tum ut, ubi sis, sciam. Vale.

CICERO S. D. ATTICO. 8

ME ET incommoda ualetudo, qua iam emerferam, ut pote cum sine febris laborassem, & Pontinij expectatio, de quo adhuc ne rumor quidem uenerat, tenebat duodecimum iam diem Brundisii: sed cursum expectabamus. tu si modo es Romæ, (uix enim puto) sin es, hoc uehementer animaduertas uelim. Romæ acceperam litteras, Milonem meum queri per litteras iniuriâ meam, quod Philotimus socius esset in bonis suis. id ego ira fieri uolui de C. Duronij sententiâ; quem & amicissimum Miloni perspexeram, & talem uirum, qualem tu iudicas, cognoram. eius autem consilium, meumq. hoc fuerat; primum, ut in potestate nostra esset res; ne illum malus emptor alienis mancipijs, quæ permulta secum habet, spoliaret: deinde, ut Fausta, cui cautum ille esse uoluisset, ratum esset. erat etiam illud, ut ipsi nos, si quid seruari posset, quam facillime seruaremus. nunc rem totam perspicias uelim. nobis enim scribuntur sæpe maiora. sed, si ille queritur, si scribit ad amicos, si idem Fausta uult: Philotimus, ut ego ei coram dixeram, mihiq. ille receperat, ne sit inuito Milone in bonis: nihil nobis fuerat tanti. sin hæc leuiores sunt, tu iudicabis. loquere cum Duronio. scripsi etiam ad Camillum,



millum, ad Lamiam, eoq. magis, quod non confi-  
debam, Romæ te esse. summa erit hæc: statues, ut  
ex fide, fama, req. mea uidebitur. Vale.

CICERO S. D. ATTICO. 9

ACTIVM uenimus ad xvii. kal. Quint.  
cum quidem & Corcyræ, & Sybotis muneribus  
tuis, quæ & Areus, & meus amicus Eutychi-  
des opipare, & φιλοπροσνήματα nobis concesser-  
ant, epulati essemus Saliarem in modum. Actio  
maluimus iter facere pedibus, qui incommodissime  
nauigassemus: & Leucaten flectere, molestum ui-  
debatur. ætuarijs autem minutis Patras accedere  
sine his impedimentis, non satis uisum est decorum.  
Ego, ut sæpe tu me currentem hortatus es, quoti-  
die meditor: præcipio meis: faciam denique, ut  
summa modestia, & summa abstinentia munus hoc  
extraordinarium traducamus. Parthus, uelim,  
quiescat, & fortuna nos iuuet: nostra præstabi-  
mus. Tu, quaeso, quid agas, ubi quoque hoc  
tempore futurus sis, quales res nostras Romæ re-  
liqueris, maxime de  $\overline{\text{CXX}}$ , & de DCCC, curâ,  
ut sciamus. id unis diligenter litteris datis, quæ ad  
me utique perferantur, consequere. Illud tamen  
( quoniam nunc abes, cum id non agitur: aderis au-  
tem ad tempus, ut mihi scripsisti ) memento cura-  
re per te, et per omnes nostros, in primis per Hor-  
tensium, ut annus noster maneat suo statu; ne  
quid noui decernatur. hoc tibi ita mando, ut dubi-  
tem,



tem, an etiam te rogem, ut pugnes, ne intercale-  
tur. sed non audeo tibi omnia onera imponere. an-  
num quidem utique tenero. Cicero meus, mode-  
stissimus, & suauissimus puer. tibi salutem dicit.  
Dionysium semper equidem, ut scis, dilexi, sed quo-  
tidie pluris facio, & mehercule in primis, quod te  
amat, nec tui mentionem intermitti sinit. Vale.

CICERO S. D. ATTICO. 10

V. T. Athenas ad v. x. kal. Quint. ueneram,  
expectabam ibi iam quartum diem Pontinium, ne-  
que de eius aduentu certi quidquam habebam: erā  
autem totus, crede mihi, tecum: & quamquam si-  
ne ijs per me ipse, tamen acrius, uestigijs tuis mo-  
nitus, de te cogitabam. quid quaeris? non meher-  
cule alius ullus sermo, nisi de te. sed tu aliquid de  
me ipso scire fortasse mauis. haec sunt. Adhuc sum-  
ptus nec in me aut publice, aut priuatim, nec in quē  
quam comitum. nihil accipitur lege Iulia, nihil ab  
hospite. persuasum est omnibus meis, seruiendum  
esse famae meae. belle adhuc. hoc animaduersum,  
Graecorum laude, & multo sermone celebratur.  
quod superest, elaboratur in hoc a me, sicut tibi  
fensi placere. sed haec tum laudemus, cum erunt  
perorata. Reliqua sunt eiusmodi, ut meum consi-  
tium saepe reprehendam, quod non aliqua ratione  
ex hoc negotio emerferim. o rem minime aptam  
meis moribus. o illum uerum, epdortis. dices, quid  
adhuc? non dum enim in negotio uersaris. nescio; &  
puto



puto molestiora restare. sed hæc ipsa fero equidem fronte, ut puto, & uolo, bellissime; sed angor intimis sensibus: ita multa uel iracunde, uel insolenter, uel in omni genere stultitiæ insulse, arroganter & dicuntur, & tacentur quotidie. quæ, non quo te cælem, non perscribo, sed quia δυσαινόητα sunt. itaque admirabere meam βαθύτητα, cum salui redierimus: tanta mihi μελέτη huius uirtutis datur. Ergo hæc quoque hætenus: etsi mihi nihil erat propositum ad scribendum; quia, quid ageres, ubi terrarum esses, ne suspicabar quidem: nec hercule umquam tam diu ignarus rerum mearum fui; quid de Cæsaris, quid de Milonis nominibus actum sit. hac non modo nemo, sed ne rumor quidem quisquam; ut sciremus, in rep. quid ageretur. quare si quid erit, quod scias de ijs rebus, quas putabis scire me uelle, per mihi gratum erit, si id curaris ad me perferendum. Quid est præterea? nihil sane, nisi illud: ualde me Athenæ delectarunt: turbæ dumtaxat? & urbis ornamentum, & hominum amores in te, in nos quadam beneuolentia, sed multum ea philosophia, ἀνὰ καὶ κάτω: siquidem est in Aristotele, apud quem eram: nam Xenonem tuum, uel nostrum potius, Quinto concesseram: tamen propter uicinitatem totos dies simul eramus inuicem. Cum primum poteris, tua consilia ad me scribas; ut sciam, quid agas, ubi quoque, & maxime quando Romæ futurus sis. Vale.

CICERO

Cicero



CICERO S. D. ATTICO. II

HVI, toties ne me litteras dedisse Romam, cū  
 ad te nullas darem? at uero posthac frustra potius  
 dabo, quam, si recte dari potuerint, committam,  
 ut non dem. Ne provincia nobis prorogetur. per  
 fortunas, dum ades, quidquid prouideri potest, pro  
 uide. non dici potest, quam flagrem desiderio urbis,  
 quam uix harum rerum insulsitatem feram. Mar-  
 \* cellus sedendi comes; etsi ille magistratum non ges-  
 serit, erit tamen transpadanus. ita mihi uidetur non  
 minus stomachi nostro Cæsari fecisse. sed hoc ipse  
 uiderit. Pompeius mihi quoque uidebatur, quod  
 scribis Varronem dicere, in Hispaniam certe itu-  
 rus. id ego minime probabam: qui quidem Theo-  
 phani facile persuasi, nihil esse melius, quam illud,  
 nusquam illum discedere. ergo Græcus incumbet.  
 ualet autem auctoritas eius apud illum plurimum.  
 Ego has prid. non. Quint. proficiscens Athenis de-  
 di, cum ibi decem ipsos fuisset dies. uenerat Pon-  
 tinus. nam Cn. Volusius aderat quæstor. tuus u-  
 nus Tullius aberat. ῥοπακτα Rhodiorum, & dicro-  
 ta Mitylæorum habebam, & aliquid ἐπίκροτον.  
 De Parthis erat silentium. quod superest, dū iuuent.  
 Nos adhuc iter per Græciam summa cum admira-  
 tione fecimus. nec mehercule habeo, quod adhuc  
 quem accusem meorum. uidentur mihi nosse nos,  
 nostram causam, et condicionem profectionis suæ.  
 plane seruiunt existimationi meæ. quod superest, si  
 uerum



uerum illud est, οἷα τ' αὖ δέονται, certe permane-  
 bunt. nihil enim a me fieri ita uidebunt, ut sibi sit  
 delinquendi locus: sin id parum profuerit, fiet ali-  
 quid a nobis seuerius: nam adhuc lenitate dulces su-  
 mus; & ut spero, proficimus aliquantum. sed ego  
 hanc, ut singuli dicunt, ἀνεξίαν in unum annum me-  
 ditatus sum. proinde pugna; ne, si quid prorogatum  
 sit, turpis inueniar. Nunc redeo ad quæ mihi man-  
 das. In præfectis excusatio. ijs, quos uoles, defer-  
 to: non erotam μετέωρος, quam in Appuleio fui.  
 Xenonem tam diligo, quam tu: quod ipsum sentire  
 certo scio. Apud Patronem, & reliquos Barones  
 te in maxima gratia posui: & hercule merito tuo  
 feci: nam mihi is ter dixit, te scripsisse ad se, mihi  
 ex illius litteris rem illam curæ fuisse. quod ei per-  
 gratum erat. sed cum Patro mecum egisset, ut pe-  
 terem a uestro Ariopago, ὑπομνηματιστὸν tolle-  
 rent, quem Policharmo prætorē fecerant: commo-  
 dius uisum est & Xenoni, & post ipsi Patroni, me  
 ad Memmium scribere, qui pridie, quam ego A-  
 thenas ueni, Mitylenas profectus erat, ut is ad suos  
 scriberet, posse id sua uoluntate fieri. non enim du-  
 bitabat Xeno, quin ab Ariopagitis inuito Memmio  
 impetrari non posset. Memmius autem ædificandi  
 consilium abiecerat, sed erat Patroni iratus. ita-  
 que scripsi ad eum accurate: cuius epistolæ misi ad  
 te exemplum. Tu, uelim, Piliam meis uerbis con-  
 solere. indicabo enim tibi: tu illi nihil dixeris. ac-  
 cepi fasciculum, in quo erat epistola Pilie: abstuli,  
 aperui,

*Memmo de rebus*



## LIB. V. EPIST.

aperui, legi: ualde scripta est *συμπαιδώς*. Brundisio  
quæ tibi epistolæ redditæ sunt sine mea, tum uide-  
licet datæ, cum ego me non belle haberem. nam il-  
lam *νομικὰν* excusationem ne acceperis. Cura,  
ut omnia sciam, sed maxime, ut ualeas.

CICERO S. D. ATTICO. I<sup>2</sup>

NEGOTIVM magnum est nauigare, atque  
id mense Quint. sexto die Delum Athenis ueni-  
mus. pridie non. Quint. a Piræo ad Zostera, uen-  
to molesto, qui nos ibidem nonis tenuit. ad VIII.  
id. ad Ceo incunde. inde Gyarum sæuo uento, non  
aduerso: hinc Scyrum, inde Delum, utroque ci-  
tius, quam uellemus, cursum confecimus. iam no-  
sti *ἀφ᾽ ἁπλῆς* Rhodiorum. nihil, quod minus fluctum  
ferre possit. itaque erat in animo nihil festinare, De-  
lo nec me mouere, nisi omnia *ἀκραιτέρων* iura ui-  
dissem. De Messalla ad te statim, ut audiui, De Gya-  
ro dedi litteras, & id ipsum consilium nostrum e-  
tiam ad Hortensium: cui quidem ualde *συνηδονίων*,  
sed tuas de eius iudicii sermonibus, & mehercule  
omni de reip. statu litteras expecto, *πολιτικώτερον*  
quidem scriptas, (quoniam meos cum Thallume-  
to nostro peruolutas libros) eiusmodi inquam lit-  
teras, ex quibus ego, non quid fiat, (nam id uel  
Helonius, uir gratissimus, potest efficere, cliens  
tuus) sed quid futurum sit, sciam. Cum hæc leges,  
habebimus consules. omnia perspicere poteris, de  
Cæsare, de Pompeio, de ipsis iudijs. Nostra au-  
tem



tem negotia, quoniam Romæ commoraris, amabo te, explica. Cui rei fugerat me rescribere, de strue salinarum plane rogo. De aqua, si quid poterit fieri, eo sis animo, quo soles esse: quam ego cum mea sponte, tum tuis sermonibus æstimo plurimi. ergo quid conficies. Præterea, si quid Philippus rogauit; quod in tua re faceres, id uelim facias. Plura scribam ad te, cum constitero: nunc eram plane in mediomari. Vale.

CICERO S. D. ATTICO. 13

EPHESVM uenimus ad XI. kal. Sext. sexagesimo, & quinto post pugnam Bouillam. nauigauimus sine timore, & sine nausea, sed tardius propter aphraëtorum Rhodiorum imbecillitatem. De concursu legationum, priuatorum, & de incredibile multitudinem, quæ mihi iam Sami, sed mirabilem in modum Ephesi præsto fuit, aut audisse te puto, aut quid ad me attinet? uerum tamen decuma<sup>\*</sup> nis uenissem cum imperio, Græci quasi Ephesio prætori se alacres obtulerunt. ex quo te intelligere certo scio, multorum annorum ostentationes meas nunc in discrimen esse adductas. sed, ut spero, utemur ea palæstra, quam a te didicimus; omnibusque satisfaciemus; & eo facilius, quod in nostra prouincia confectæ sunt pactiones. Sed hætenus, præsertim cum cenanti mihi nunciaret Sextius, sed de nocte proficisci. Tua negotia Ephesi curæ mihi fuerunt: Thermoque, tametsi ante aduentum meum libera-

*Mors diuina*



liberalissime erat pollicitus tuis omnibus, tamen Philogenem, & Seium Rhodium, & Apollonicensem Xenonem commendavi. omnino omnia se facturum recepit. Ego præterea rationem Philogeni permutationis eius, quam tecum feci, edidi. Ergo hæc quoque hætenus. redeo ad urbana. Perfortunas (quoniam Romæ manes) primum illud præfulci, atque præmuni, quæso, ut simus annui; ne intercaletur quidem: deinde exauri mea mandata, maximeque, si quid, potest, de illo domestico, scrupulum quem non ignoras; deinde de Cæsare: cuius in cupiditatem te auctore incubui; nec me piget. & si intelligis, quam meum sit scire, & curare, quid in rep. fiat: fiat autem? immo uero etiam quid futurum sit, perscribe ad me omnia, sed diligentissime, in primisq. quid iudiciorum status aut factorum, aut futurorum etiam laboret. De aqua, si curæ est, si quid Philippus aget, animaduertas. Vale.

CICERO S. D. ATTICO. 14

ANTE, quam aliquo loco confedero, neque longas a me, neque semper mea manu litteras expectabis. cum autem erit spatium, utrumque præstabo. nunc iter conficiebamus æstuosa, & puluerulenta uia: dederam Epheso pridie: has dedi Tralibus. In provincia mea fore me putabam kal. Sext. ex ea die, si me amas, παράγγελμα ἐνισχύσιον commoueto. tamen interea hæc, quæ uellem, mihi

hi



hi afferebantur: primum otium Parthicum, deinde  
 confectæ pactiones publicanorum, postremo sedi-  
 tio militum sedata ab Appio, stipendiumq. eis us-  
 que ad idus Quinct. persolutum. Nos Asia accepit  
 admirabiliter. aduentus noster ne nummo quidem  
 sumptui fuit. spero meos omnes seruire laudi meæ:  
 tamen magno timore sum: sed bene speramus.  
 omnes iam nostri, præter Tullium tuum, uenerunt.  
 erat mihi in animo recta proficisci ad exercitum,  
 æstiuos menses reliquos rei militari dare, hiber-  
 nos iurisdictioni. Tu, uelim, si me nihilo minus  
 nostri curiosum in rep. quam te, scribas ad me om-  
 nia, quæ sint, quæ ue futura sint. nihil mihi gra-  
 tius facere potes: nisi tamen id erit mihi gratissi-  
 mum, si, quæ tibi mandauī, confeceris; in primis,  
 quid illud ἐνδόμυχον: quo mihi scis nihil esse carius.  
 Habes epistolam plenam festinationis, & pulue-  
 ris. reliquæ subtiliores erunt. Vale.

CICERO S. D. ATTICO. 15

LAODICEAM ueni pridie kal. Sext. ex  
 hoc die clauum amouebis. nihil exoptatius aduen-  
 tu meo, nihil carius. sed est incredibile, quam  
 me negotij tædeat. non habeat satis magnum cam-  
 pum illi tibi non ignotus cursus animi, & indu-  
 striæ meæ? præclara opera cesset? quippe ius  
 Laodiceæ me dicere, cum Romæ A. Plotius di-  
 cat? & cum exercitum noster amicus habeat, tan-  
 tum me nomē habere duarum legionum exsilium?

M deni-



## LIB. V. EPIST.

denique hoc non desidero: lucem, forum, urbem, domum, uos desidero. sed feram, ut potero: sim modo annuus. si prorogatur, actum est. uerum perfacile resisti potest. tu modo Romæ sis. Quæris, quid hic agam: ita uiuam, ut maximos sumptus facio. mirifice delector hoc instituto. admirabilis abstinentia ex præceptis tuis: ut uerear, ne illud, quod tecum permutaui, uersura mihi soluendum sit. Appij uulnera non refrico: sed apparent, nec oculi possunt. iter Laodicea faciebam ad III. non. Sext. cum has litteras dabam, in castra Lycaoniam, inde ad Taurum cogitabam, ut cum Morphagene signis collatis, si possem, de seruo tuo deciderem. clitellæ boui sunt impositæ. plane non est nostrum onus: sed feremus. modo, si me amas, sim annuus. adsis tu ad tempus, ut senatum excites. mirifice sollicitus sum, quod iam diu ignota sunt mihi ista omnia. quare, ut ad te ante scripsi, cum cetera, tum resp. cura, ut mihi nota sit. Plura scribam alias. tarde tibi reddituro, sed dabam familiari homini, ac domestico, C. Andronico Puteolano. tu autem sæpe dare tabellarijs publicanorum poteris, pro magistris scripturæ, & portus, & nostrarum diœcesium. Vale.

CICERO S. D. ATTICO. 16

ETSI in ipso itinere, & uia discedebant publicanorum tabellarij, & eramus in cursu: tamen surripiendum aliquid putauī spatij, ne me immemorem



morem mandati tui putares. itaque subsedi in ipsa  
uia, dum hæc, quæ longiorem desiderant oratio-  
nem, summam tibi perscriberem. Maxima  
expectatione in perditam, & plane euersam in  
perpetuum prouinciam nos uenisse scito pridie kal.  
Sext. moratus triduum Laodiceæ, triduum Apa-  
meæ, totidem dies Synnade. audiuius nihil aliud,  
nisi imperata ἐπικεφάλια soluere non posse: posses-  
siones omnium uenditas: ciuitatum gemitus, plo-  
ratus, monstra quædam non hominis, sed feræ ne-  
scio cuius immanis. quid quæris? tædet omnium nos  
uitæ. leuantur tamen miserræ ciuitates, quod nullus  
fit sumptus in nos, neque in legatos, neque in quæ-  
storem, neque in quemquam. scito, non modo nos  
scænum, aut quod lege Iulia dari solet, non accipe-  
re, sed ne ligna quidem; nec, præter quattuor le-  
ctos & tectum, quemquam accipere quidquam;  
multis locis ne tectum quidem, & in tabernaculo  
manere plerumque. itaque incredibilem in modum  
concursum sunt ex agris, ex uicis, ex domibus om-  
nibus mehercule etiam, aduentu nostro. reuiu-  
scunt iustitia, abstinentia, clementia tui Ciceronis:  
itaque opiniones omnium superauit. Appius, ut  
audiuit nos uenire, in ultimam prouinciam se con-  
iecit Tarsum usque: ibi forum agit. De Partho si-  
lentium est: sed tamē concisos equites nostros a bar-  
baris nunciabant ij, qui ueniebant. Bibulus ne co-  
gitabat quidem etiam nunc in prouinciam suam ac-  
cedere. id autem facere ob eam causam dicebant,

M 2 quod

*Sp. in secretis*



quod tardius uellet decedere. Nos in castra properabamus, quæ aberant bidui. Vale.

CICERO S. D. ATTICO. 17

ACCEPI Roma sine epistola tua fasciculum litterarum. in quo, si modo ualuiſti, & Romæ fuiſti, Philotimi duco eſſe culpam, non tuam. hanc epistolam dictaui ſedens in rheda, cum in castra profiſcerer, ab quibus aberam bidui. paucis diebus habebam certos homines, quibus darem litteras: itaque eo me ſeruauī. Nos, tamen eſi hoc te ex alijs audire malo, ſic in prouincia nos gerimus, quod ad abſtinentiam attinet, ut nullus teruntius inſumatur in quemquam. id ſit etiam & legatorum, & tribunorum, & præſectorum diligentia: nam omnes mirifice *συμφοροδοξοῦσιν* gloriæ meæ. Leptanoster mirificus eſt. Sed nunc propero. perſcribam ad te paucis diebus omnia. Cicero-nes noſtros Deiotarus filius, qui rex ab ſenatu appellatus eſt, ſecum in regnum. dum in æſtiuis nos eſſemus, illum pueris locum eſſe belliffimum duximus. Sextius ad me ſcripſit, quæ tecum eſſet de mea domeſtica, & maxima cura locutus, & quid tibi eſſet uiſum. amabo te, incumbere in eam rem, & ad me ſcribe, quid & poſſit, & tu cenſeas. Idem ſcripſit, Hortenſium de proroganda noſtra prouincia dixiſſe neſcio quid. mihi in Cumano, diligentiffime, ſe, ut annui eſſemus, deſenſurum, receperat. ſi quidquam me amas, hunc locum ama. dici non poteſt,



potest, quam inuitus a uobis absim. et simul hanc gloriam iustitiæ, & abstinentiæ fore illustriorem spero, si cito decesserimus. id quod Scauolæ contigit; qui solos nouem menses Asiæ præfuit. Appianus noster, cum me aduentare uideret, profectus est Tarsum usque Laodicea. ibi forum agit, cum ego sum in prouincia. quam eius iniuriam non insector. satis enim habeo negotij in sanādis uulneribus, quæ sunt imposita prouinciæ. quod, do operam, ut faciam quam minima illius contumelia. sed hoc Bruto nostro uelim dicas, illum fecisse non belle, qui aduentu meo, quam longissime potuerit, discesserit. Vale.

CICERO S. D. ATTICO. 18

QVAM uellem, Romæ esses, si forte non es. nihil enim certi habebamus, nisi accepisse nos tuas litteras ad xiv. kal. Sext. datas, in quibus scriptum esset, te in Epirum iturum circiter kal. Sext. sed, siue Romæ es, siue in Epiro, Parthi Euphratem transierunt duce Pacoro, Orodīs, Parthorum regis, filio, cunctis referto copijs. Bibulus non dum audiebatur esse in Syria. Cassius in opido Antiochiæ cum omni exercitu. nos in Cappadocia ad Taurum cum exercitu ad Cybistra. hostis in Cyrestica; quæ Syriæ pars proxima est prouinciæ meæ. his de rebus scripsi ad senatum. quas litteras, si Romæ es, uidebis, putes ne reddendas: & multa, immo omnia. quorum κεφάλαιον, ne quid in-

M 3

ter



LIB. V. EPIST.

ter cæsa, & porrecta, ut aiunt, oneris mihi addatur, aut temporis. nobis enim, hac infirmitate exercitus, inopia sociorum, præsertim fidelium, certissimum subsidium est hiems, ea si uenerit, nec illi ante in meam prouinciam transierint. unum uereor, ne senatus propter urbanarum rerum metum Pompeium nolit dimittere. quod si alium ad uer mittit; non laboro. nobis modo temporis ne quid prorogetur. Hæc igitur, si Romæ es. sin abes, aut etiam si ades; hæc negotia sic se habent. Stamus animis; &, quia consilijs, ut uidemur, bonis utimur, speramus etiam manu. tuto confedimus, copioso a frumento, Ciliciam prope conspiciente, expedito ad mutandum locum, paruo exercitu, sed, ut spero, ad beneuolentiam erga nos consentiente: quem nos, Deiotari aduentu cum suis omnibus copijs, duplicaturi eramus. socijs multo fidelioribus utimur, quam quisquam usus esset: quibus incredibilis uidetur & nostra mansuetudo, & abstinentia. delectus habetur ciuium Romanorum: frumentum ex agris in loca tuta comportatur. si fuerit occasio, manu; sin minus, locis nos defendemus. quare bono animo es. uideo enim te, et, quasi coram adfis, ita cerno συμπάδειαι amoris tui. sed te rogo, (si ullo pacto fieri poterit) si integra in senatu nostra causa ad kal. Ian. manserit, ut Roma sis mense Ianuario. profecto nihil accipiam iniuria, si tu aderis. amicos consules habemus, nostrum tribunum pl. Furnium. uerum tua est opus  
affi-



assiduitate, prudentia, gratia. tempus est necessarium: sed turpe est, me pluribus uerbis agere tecum. Cicerones nostri sunt apud Deiotarum: sed, si opus erit, deducuntur Rhodum. Tu, si es Roma; ut soles diligentissime: sin in Epiro; mitte tamen ad nos de tuis aliquem tabellarium; ut & tu, quid nos agamus, & nos, quid tu agas, quidq. acturus sis, scire possimus. Ego tui Brutum sic ago, ut suam ipse non ageret. sed iam exhibeo pupillum, neque defendo: sunt enim negotia et lenta, & inania. faciam tamen satis, tibi quidem, cui difficilius est, quam ipsi: sed certe satisfaciam utrique. Vale.

CICERO S. D. ATTICO. 19

OB SIGNARAM iam epistolam, eam, quam puto te modo perlegisse, scriptam mea manu, in qua omnia continentur, cum subito Appij tabellarius ad XI. kal. Oct. septimo quadagesimo die Roma celeriter (hui tam longe) mihi tuas litteras reddidit. ex quibus non dubito, quin, ut Pompeium expectaris, dum Arimino rediret, etiam in Epirum profectus sis: magisq. uereor, ut scribis, ne in Epiro sollicitus sis non minus, quam nos hic sumus. De Atiliano nomine scripsi ad Philotimum ne appellaret Messallam. Itineris nostri famam ad te peruenisse letor, magisq. letabor, si reliqua cognoris. Filiolam tuam tibi iam Romae iucundam esse gaudeo; eamque, quam numquam ui-

M 4 di,

*P. Cicero*



di, tamen & amo, & amabilem esse certo scio.  
 Etiam atque etiam uale. De Patrone, & tuis con-  
 discipulis, quæ de Tarentinis in militia laboravi,  
 ea tibi grata esse gaudeo. Quod scribis libenter,  
 repulsam tulisse eum, qui cum sororis tuæ filij pa-  
 truo certaret: magni amoris signum: itaque me  
 etiam admonuisti ut gauderem. nam mihi in men-  
 tem non uenerat. non credo, inquis, ut libet: sed  
 plane gaudeo: quoniam τὸ νεμεσᾶν interest τοῦ  
 φδοῦν. Vale.

CICERO S. D. ATTICO. 20

SATURNALIBVS mane se mihi Pendentissæ  
 dediderunt, septimo, & quinquagesimo die, post-  
 quam oppugnare eos cœpimus. qui (malum) isti  
 Pendentissæ, qui sunt? inquires: nomen audiui num-  
 quam. quid ego faciam? num potui Ciliciam, Aeto-  
 liam, aut Macedoniam reddere? hoc iam sic habe-  
 to, nec hoc exercitu hic tanta negotia geri potuisse:  
 quæ cognosce ἐν ἐπιτομῇ. sic enim concedis mihi pro-  
 ximis litteris. Ephesum ut uenerim, nosti; qui et-  
 tiam mihi gratulatus es illius diei celebritate: qua  
 nihil me umquam delectauit magis. inde opidis,  
 ijs, quæ erant, mirabiliter accepti, Laodiceam prid.  
 kal. Sext. uenimus. ibi morati biduum, perillu-  
 stres fuimus, honorificisq. uerbis omnes iniurias re-  
 uellimus superiores. quod \* Dein Apameæ quin-  
 que dies morati, Synnadis triduum, Philomeli quin-  
 que dies, Iconij decem fecimus. nihil ea iurisdic-  
 ne



ne æquabilis, nihil lenius, nihil grauius. inde ad castra ueni ad VII. kal. Sept. ad III. exercitum lustrauit apud Iconium. ex his castris, cum graues de Parthis nunciij uenirent, perrexi in Ciliciam per Cappadociæ partem eam, quæ Ciliciam attingit, eo consilio, ut Armenius Artuafdes, & ipsi Parthi Cappadocia se excludi putarent. cum dies quinque ad Cybistra Cappadociæ castra habuissem, certior sum factus, Parthos ab illo aditu Cappadociæ longe abesse, Ciliciæ magis imminere: itaque confestim iter in Ciliciam feci per Tauripylas: Tarsum ueni ad III. non. Oct. inde ad Amanum contendidi, qui Syriam a Cilicia aquarum diuortio diuidit, qui mons erat hostium plenus sempiternorum. hic ad III. id. Oct. magnum numerum hostium cecidimus: castella munitissima, nocturno Pontinij aduentu, nostro matutino, cepimus, incendimus, imperatores appellati sumus: castra paucos dies habuimus, ea ipsa, quæ contra Darium habuerat apud Issum Alexander, imperator haud paullo melior, quam aut tu, aut ego. ibi dies quinque morati, direpto, & uastato Amano, inde discessimus. Interim (scis enim quædam *παινα* dici, item τὰ νε-  
*ρὰ τῆ πόλεως*) rumore aduentus nostri, & Cassio, qui Antiochia tenebatur, animus accessit, & Parthis timor iniectus est. itaque eos cedentes ab opido Cassius insecutus, rem bene gessit. qua in fuga, magna auctoritate, Osaces, dux Parthorum, uulnus accepit, eoq. interiit paucis post diebus. erat in  
 Syria

*Antiochia*



## LIB. V. EPIST.

Syria nostrum nomen in gratia. uenit interim Bibu-  
 lus. credo, uoluit appellatione hac inani nobis esse  
 par. in eodem Amano cepit laureolam in musta-  
 ceo querere. at ille cohortem primam totam per-  
 didit, centurionemq. primipili, nobilem sui generis,  
 Asinium Dentonem, & reliquos cohortis eiusdem,  
 & Sext. Lucilium, T. Gaiij Capionis, locupletis,  
 & splendidi hominis, filium, tribunum militum. sa-  
 ne plagam odiosam acceperat cum re, tum tempo-  
 re. Nos Pindenissum, quod opidum munitissimum  
 Eleutherocilicum omnium memoria in armis fuit,  
 (feri homines, & acres, & omnibus rebus ad de-  
 fendendum parati) cinximus uallo, & fossa: agge-  
 re maximo, uineis, turre altissima, magna tormen-  
 torum copia, multis sagittariis, magno labore, ap-  
 paratu, multis saucijs nostris, incolumi exercitu,  
 negotium confecimus. hilara fane Saturnalia. mi-  
 litibus quoque, equis exceptis, reliquam praedam  
 concessimus. mancipia ueniebant Saturnalibus ter-  
 tijs. cum hac scribebam in tribunali, res erat ad  
 HS CXX. hinc exercitum in biberna agri male pa-  
 tati deducendum. Quinto fratri dabam. ipse me  
 Laodiceam recipiebam. Hac adhuc. sed ad prae-  
 terita reuertamur. Quod me maxime hortaris,  
 & quod pluris est, quam omnia, in quo laboras,  
 ut etiam Ligurino  $\mu\acute{o}\mu\mu$  satisfaciam: moriar, si  
 quidquam fieri potest elegantius. nec tamen ego  
 hanc continentiam appello, quae uirtus uoluptati re-  
 sistere uidetur. ego in uita mea nulla umquam uo-  
 luptate



luptate tanta sum affectus, quanta afficior hac integritate. nec me tam fama, quæ summa est, quam res ipsa, delectat. quid quæris? fui tanti: me ipse non noram: nec satis sciebam, quid in hoc genere facere possem: recte περυσίωμα. nihil est præclarior. interim hæc λαμπρά. Ariobarzanes opera mea uiuit, regnat: ἐν παρόδῳ, consilio, & auctoritate, & quod insidiatoribus eius ἀποστόιτον me, non modo ἀδωροδόκντον præbui, regem, regnumque seruauit. interea e Cappadocia ne pilum quidem: Brutum abiectum, quantum potui, excitauit: quem non minus amo, quam tu; pæne dixi, quam te. atque etiam spero toto anno imperij nostri teruncium sumptus in prouincia nullum fore. Habes omnia. nunc publice litteras Romam mittere parabam. uberiorerunt, quam si ex Amano misissem. at Romæ non fore? sed est totum, quid kal. Martij futurum sit. uereor enim, ne, cum de prouincia agatur, si Cæsar resistet, nos retineamur. his tu si ades, nihil timerem. Redeo ad urbana: quæ ego diu ignorans, ex tuis iucundissimis litteris ad v. kal. Ian. denique cognoui. eas diligentissime Philogenes, libertus tuus, curauit, per longa, & non satis tuta uia, perferendas. nam quas Lenij pueris scribis datas, non acceperam. Iucunde de Cæsare, & quæ senatus decreuit, & quæ tu speras. quibus ille si cedit, salui sumus. Incendio Platoriano quod Leius adustus est, minus moleste fero. Lucceius de Q. Cassio cur tam uehemens fuerit, et quid actum sit,

*Lenius*



## LIB. V. EPIST.

sit, aueoscire. Ego, cum Laodiceam uenero, Quinto, sororis tuæ filio, togam puram iubeor dare: cui moderabor diligentius. Deiotarus, cuius auxilijs magnis usus sum, ad me, ut scripsit, cum Ciceronibus Laodiceam uenturus erat. Tuas etiam Epiroticas expecto litteras; ut habeam rationem non modo negotij, uerum etiam otij tui. Nicanor in officio est, & a me liberaliter tractatur: quem, ut puto, Romam cum litteris publicis mittam; ut et diligentius perferantur, & idem ad me certa de te, et a te referat. Alexis quod mihi toties salutem adscribit, est gratum: sed cur non suis litteris idem facit, quod meus ad te. Alexis facit? Phemio quaeritur xépas. Sed hæc hætenus. Cura, ut ualeas, et ut sciam, quando cogites Romam. etiam atque etiam uale. Tua, tuosq. Thermo & præsens Ephesi diligentissime commendaram, & nunc per litteras: ipsumq. intellexi esse perstudiosum tui. Tu uelim, quod antea ad te scripsi, de domo Pammenis, des operam, ut, quod tuo, meoq. beneficio puer habet, cures, ne qua ratione conuellatur. utrique nostrum existimo, tum mihi erit pergratum.

CICERO S. D. ATTICO. 21

TE IN Epirum saluum uenisse, et, ut scribis, ex sententia nauigasse, uehementer gaudeo: non esse Romæ meo tempore perneccessario, submolestefero. hoc me tamen consolor, quod non spero te istuc iucunde hiemare, & libenter requiescere. Cassius, frater



frater Q. Cassij, familiaris tui, prudentiores illas  
litteras miserat, de quibus tu ex me requiris, quid  
sibi uoluerint, quam eas, quas postea misit, qui-  
bus per se scribit confectum esse Parthicum bellum,  
recesserāt illi quidem ab Antiochia ante Bibuli ad-  
uentum, sed nullo nostro ἀντιπαρατάσει. hodie uero  
hiemant in Cyrhestica, maximumq. bellum impen-  
det. nam & Orodis, regis Parthorum, filius in  
prouincia nostra est: nec dubitat Deiotarus, cuius  
filio pacta est Artanastidis filia, ex quo sciri potest,  
quin cum omnibus copijs ipse prima aestate Eu-  
phratem transiturus sit. quo autem die Cassij litte-  
rae uictrices in senatu recitatae sunt, idest, non. Oct.  
eodem meae tumultum nunciantes. Axius noster  
ait nostras auctoritatis plenas fuisse; illis negat cre-  
ditum. Bibuli non dum erant allatae: quas certo scio  
plenas timoris fore. Ex ijs rebus hoc uereor, ne,  
cum Pompeius propter metum rerum nouarum  
nusquam dimittatur. Caesari nullus honos a senatu  
habeatur; dum hic nodus expediatur, non putet se-  
natus, nos ante, quam successum sit, oportere de-  
dere, nec in tanto motu rerum tantis prouincijs sin-  
gulos legatos praeesse. hic, ne quid mihi prorogetur,  
quod ne intercessor quidem sustinere possit, horreo,  
atque eo magis, quod tu abes, qui consilio, gratia,  
studio multis rebus occurreres. sed dices me ipsum  
mihi sollicitudinem struere. cogor: & uelim ita sit;  
sed omnia metuo. etsi bellum ἀπρότελεστον habet  
illa tua epistola, quam dedisti nauseans Buthroto;

TIBI

*ad Atticum*



## LIB. V. EPIST.

TIBI, VT VIDEO, ET SPERO, NVLLA AD DECEDENDVM MORA. *mallet,*  
 VT VIDEO: *nihil opus fuit, VT SPERO.*  
*acceperam autem satis celeriter Iconij per publica-*  
*norum tabellarios a Lentuli triumpho datas. in his*  
*γλυκύπικρον* illud confirmas, moram mihi nullam  
 fore: deinde addis, si quid secus, te ad me fore uen-  
 turum. pungunt me dubitationes tuæ. simul & ui-  
 des, quas acceperim litteras. nam quas Hemoni  
 centurioni Scamula ipse scribis te dedisse, non acce-  
 pi. Lenij pueris te dedisse, saepe ad me scripseras.  
 eas Laodiceæ denique, cum eo uenissem, III. id.  
 Febr. Lenius mihi reddidit, datas ad x. kal. Oct.  
 Lenio tuas commendationes & statim uerbis, et re  
 aliquo tempore probabo. hæ litteræ cetera uetera  
 habebant, unum hoc nouum, de Cibyratis panthe-  
 ris. multum te amo, quod respondiſti M. Octauio,  
 te non putare: sed poſthac omnia, quæ certa non e-  
 runt, pro certo negato. nos enim & noſtra ſponte  
 bene firmi, & mehercule auctoritate tua inflamma-  
 ti uicimus omnes (hoc tu ita reperiſ) cum abſtinen-  
 tia, tum iuſtitia, facilitate, clementia. caue putes  
 quidquam homines magis umquam eſſe miratos,  
 quam nullum teruncium, me obtinente prouinciam,  
 ſumptus factum eſſe nec in remp. nec in quemquam  
 meorum, præterquam in L. Tullium legatum. is,  
 \* ceteroqui abſtinens, (ſeu Iulia lege tranſita, ſemel  
 tamen in diem, non, ut alij ſolebant, omnibus ui-  
 cis: præter eum ſemel, nemo accepit) facit ut mihi  
 excipien-



excipiendus sit, cum teruncium nego sumptus factum. præter eum accepit nemo. has a nostro Q. Titinio sordes accepimus. Ego, æstiuis confectis, Quintum fratrem hibernis, & Ciliciæ præfeci. Q. Volusium, tui Tiberij generum, certum hominem, sed mirifice abstinentem, misi in Cyprum, ut ibi pauculos dies esset, ne ciues Romani pauci, qui illic negotiantur, ius sibi dictum negarent. nam euocari ex insula Cyprios non licet. ipse in Asiam profectus sum Tarso nonis Ian. non mehercule dici potest, qua admiratione Ciliciæ ciuitatum, maximeq. Tarsensium. postea uero quam Taurum transgressus sum, mirifica expectatio Asiæ nostrarum dicecesium, quæ sex mensibus imperij mei nullas meas acceperat litteras, numquam hospitem uiderat. illud autem tempus quotannis ante me fuerat in hoc quæstu. ciuitates locupletes, ne in hiberna milites reciperent, magnas pecunias dabant: Cyprij talenta Attica CC. quæ ex insula (non ὑπερβολῶς, sed uerissime loquor) nummus nullus me obtinente erogabatur. ob hæc beneficia, quibus illi obstupescunt, nullos honores mihi, uisi uerborum, decerni sino: statuas, eana, τέτριπτα prohibeo. nec sum in ulla alia re molestus ciuitatibus, sed fortasse tibi, qui hæc prædicem de me. perfer, si me amas: tu enim me hæc facere uoluisti. Iter igitur ita per Asiam feci, ut etiam fames, qua nihil mi serius est, quæ tum erat in hac mea Asia, (messis enim nulla fuerat) mihi optanda fuerit. quacūque  
iter

*Cilicia*



iter feci, nulla ui, nullo iudicio, nulla contumelia,  
 auctoritate, & cohortatione perfeci, ut Græci, &  
 ciues Romani, qui frumentum compresserant, ma-  
 gnum numerum populis pollicerentur. Idibus Feb.  
 quo die has litteras dedi, forum institueram agere  
 Laodiceæ Cybiraticum, & Apamense: ex idibus  
 Mart. ibidem Synnadense, Pamphylum, cum  
 Phemio dispiciam népas Aonium; Isauricum: ex  
 idibus Mai. in Ciliciam, ut ibi Iunius consumatur.  
 uelim tranquille a Parthis. Quintilis, si erit, ut  
 uolumus, in itinere est, per prouinciam redeunti-  
 bus, consumendus. uenimus enim in prouinciam,  
 Laodiceam, Sulpicio, & Marcello cos. pridie kal.  
 Sext. inde nos oportet decedere ad I V. kal. Sext.  
 primum contendam a Quinto fratre, ut se præfici  
 patiat: quod & illo, & me inuitissimo fiet: sed  
 aliter honeste fieri non potest, præsertim cum, ui-  
 rum optimum, Pontinium ne nunc quidem retine-  
 re possim. rapit enim hominē Postumius Romam,  
 fortasse etiam Postumia. Habes consilia nostra:  
 nunc cognosce de Bruto. Familiares habet Bru-  
 tus tuus quosdam creditores Salaminiorum, ex Cy-  
 pro, M. Scaptium, & P. Matinium; quos mihi  
 maiorem in modum commendauit. Matinium non  
 noui. Scaptius ad me in castra uenit. pollicitus  
 sum curaturum me, Bruti causa, ut ei Salaminij  
 pecuniam soluerent. egit gratias. præfecturam pe-  
 tiuit: negaui me cuiquam negotianti dare: quod  
 idem tibi ostenderam: Cn. Pompeio petenti proba-  
 ram



ram institutum meum: quid dicam, Torquato in Lenio tuo? multis alijs. si praefectus uellet esse syngraphae causa, me curaturum, ut exigeret. gratias egit: discessit. Appius noster turmas aliquot equitum dederat huic Scaptio, per quas Salaminios coereret; & eundem habuerat praefectum. uexabat Salaminios. ego equites ex Cypro decedere iussi. moleste tulit Scaptius. quid multa? ut ei fidem meam praestarem; cum ad me Salaminij Tarsum uenissent, & una Scaptius, imperaui, ut pecuniam soluerent. multa de syngrapha, de Scaptij iniurijs. negaui me audire: hortatus sum, petui etiam pro meis in ciuitatem beneficijs, ut negotium conficerent: denique dixi me coacturum. homines non modo non recusare, sed etiam hoc dicere, se a me soluere: quod enim praetori dare consueissent, quoniam ego non acceperam, se a me quodam modo dare; atque etiam minus esse aliquanto in Scaptij nomine, quam in uectigali praetorio. collaudaui homines. recte, inquit Scaptius: sed subducamus summam. interim cum ego in edicto translaticio centissimas me obseruaturum haberem, cum antocisimi anniuersario; ille ex syngrapha postulabat quaternas. quid ais? inquam. possum ne contra meum edictum? at ille profert S. C. Lentulo Philippoq. cos. ut, qui Ciliciam obtineret, ius ex illa syngrapha diceret. cohorrui primo etenim erat interitus ciuitatis. reperio duo S. C. iisdem consulibus de eadem syngrapha. Salaminij cum Roma uersuram face-

N re

*Scaptius*



## LIB. V. EPIST.

re uellent, non poterant; quod lex Gabinia uetabat. tum ij Bruti familiares, freti gratia Bruti, dare uolebant, si sibi S. C. caueretur. fit gratia Bruti S. C. ut ne ue Salaminij, ne ue qui eis dedisset, fraudi esset. pecuniam numerarunt: & postea uenit in mentem sceneratoribus, nihil se inuare illud S. C. quod ex syngrapha ius dici lex Gabinia uetaret. tum fit S. C. ut & ea syngrapha esset, quam  
 \* ceteræ, sed ut eodem. Cum hæc differuissem; seducit me Scaptius; ait se nihil contradicere; sed illos putare talenta CC se debere; ea se uelle accipere; debere autem illo paullo minus: rogat, ut eos ad CC perducam. optime, inquam. uoco illos ad me, remoto Scaptio. quid uos? quantum, inquam, debetis? respondent, CVI. refero ad Scaptium. homo clamare. quid opus est? inquam. rationes conferatis. assidunt: subducunt: ad nummum conuenit. illi se numerare uelle, urgere ut acciperet. Scaptius me rursus seducit: rogat, ut rem sic relinquam. dedi ueniam homini impudenter petenti, Græcis querentibus. ut in fano deponerent, postulantibus, non concessi. clamare omnes qui aderant, nihil impudentius Scaptio, qui centesimis cum anatocismo contentus non esset: alij, nihil stultius. mihi autem impudens magis, quam stultus, uidebatur. nam aut, bono nomine, centesimis contentus erat; aut, non bono, quaternas centesimas sperabat. Habes meam causam: quæ si Bruto non probatur; nescio, cur illam amemus: sed auunculo eius  
 certe



certe probabitur, præsertim cum S. C. modofactum sit, puto, postquam tu es profectus, in creditorum causa, ut centesimæ perpetuo fœnore ducerentur. hoc quid intersit, si tuos digitos noui, certe habes subductum. in quo quidem ὁδοῦ πάρεργον. Lucceius M. F. queritur apud me per litteras, summum esse periculum, ne culpa senatus, his decretis, res ad tabulas novas perueniat, commemorat, quid olim mali C. Iulius fecerit, cum dieculam dixerit. numquam resp. plus. Sed ad rem redeo. meditare aduersus Brutum causam meam: si hæc causa est, contra quam nihil honeste dici potest, præsertim cum integram rem, & causam reliquerim. Reliqua sunt domestica. De ἐνδομύχῳ, probo idem, quod tu, Postumiae filiae: quoniam Pontidia nugatur. sed uellem adesses. A Quinto fratre his mensibus nihil expectaris. nam Taurus propter niues ante mensem Iunium transiri non potest. Thermum, ut rogas, creberrimis litteris fulcio. P. Valerium negat habere quidquam Deiotarus rex, eumq. ait a se sustentari. Cum scies, Romæ intercalatum sit, nec ne; uelim ad me scribas certum, quo die mysteria futura sint. Litteras tuas minus paullo expecto, quam si Romæ esses, sed tamen expecto. Vale.



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER VI.

CICERO S. D. ATTICO.

\*  
A CCEPI tuas litteras ad quintum ter-  
milia Laodiceæ, quas legi libentissime,  
plenissimas amoris, humanitatis, of-  
ficij, diligentia. ijs igitur respondebo:  
sic enim postulas: nec οἰκονομίαν meam institutam,  
sed ordinem conseruabo tuum. Recentissime a Cy-  
bistris te meas litteras habere ais, ad x. kal. Oct.  
datas: & scire uis, tuas ego quas acceperim. om-  
nes fere, quas commemoras, præter eas, quas scri-  
bis Lentuli pueris & Equotutico, et Brundisio da-  
tas. quare non οἰκονομία tua industria, quod uereris,  
sed præclare ponitur; siquidem id egisti, ut ego de-  
lectarer. nam nulla re sum delectatus magis. Quod  
meam ἐλευθερίαν in Appio tibi, libertatem etiam in  
Bruto probo; uehementer gaudeo. ac putaram se-  
cus. Appius enim ad me ex itinere bis, ter ue ὑπο-  
μνηματίζων litteras miserat, quod quædam a se  
constituta rescinderem. ut si medicus, cum æ-  
grotus alij medico traditus sit, irasci uelit ei me-  
dico, qui sibi successerit, si, quæ ipse in curan-  
do constituerit, mutet ille: sic Appius, cum ἐξ  
αἰχμαρσιῶνος provinciam curarit, sanguinem mise-  
rit,



rit, quidquid potuit detraxerit, mihi tradiderit e-  
 nestam, *ἡσυχασμένην* eam a me non liben-  
 ter uidet; sed modo succenset, modo gratias agit.  
 nihil enim a me fit cum ulla illius contumelia. tan-  
 tummodo dissimilitudo meæ rationis offendit homi-  
 nem. quid enim potest esse tam dissimile, quam, il-  
 lo imperante, exhaustam esse sumptibus, & iactu-  
 ris provinciam; nobis eam obtinentibus, nummum  
 nullum esse erogatum nec priuatim, nec publice?  
 Quid dicam de illius præfectis? comitibus? legatis  
 etiam de rapinis? de libidinibus? de contumelijs?  
 nunc autem domus mehercule nulla tanto consilio,  
 aut tanta disciplina gubernatur, aut tam modesta  
 est, quam nostratota provincia. hanc non nulli a-  
 mici Appij ridicule interpretantur: qui me iccirco  
 putent bene audire uelle, ut ille male audiat; & re-  
 cte facere non meæ laudis, sed illius contumeliæ  
 caussa. sin Appius, ut Bruti litteræ, quas ad te  
 misit, significabant, gratias nobis agit: non mole-  
 ste fero: sed tamen eo ipso die, quo hæc ante lucem  
 scribebam, cogitabam eius multa, inique constitu-  
 ta, & acta, tollere. Nunc uenio ad Brutum:  
 quem ego omni studio, te auctore, sum comple-  
 xus: quem etiam amare cœperam: sed; dico? re-  
 uocaui me, ne te offenderem. noli enim putare,  
 me quidquam maluisse, quam ut mandatis satisfa-  
 cerem, nec ulla de re plus laborasse. mandatorum  
 autem mihi libellum dedit: iisdemq. de rebus tu  
 mecum egeras. omnia sum diligentissime persecu-



L I B. VI. E P I S T.

tus . primum ab Ariobarzane sic contendì , ut talenta , quæ mihi pollicebatur , illi daret . quoad mecum rex fuit , per bono loco res fuit ; post a Pompeij procuratoribus sexcentis premi cæptus . Pompeius autem cum ob ceteras causas plus potest unus , quam ceteri omnes , tum quod putatur ad bellum Parthicum esse uenturus . ei tamen sic nunc soluitur , tricesimo quoque die talenta Attica XXXIII , & hoc ex tributis : nec id satis efficitur in usuram mensuram . sed Cnæus noster clementer id fert : sorte caret : usura , nec ea solida , contentus est . alij neque soluit quidquam , nec potest soluere : nullum enim ærarium , nullum uestigal habet . Appij instituta tributa imperat . ea uix , in sœnus Pompeij quod satis sit , efficiunt . amici regis duo , tres uel perdiuites sunt : sed ij suum tam diligenter tenent , quam ego , aut tu . equidem non desino tamen per litteras rogare , suadere , accusare regem . Deiotarus etiam mihi narrauit , se ad eum legatos misisse de re Bruti : eos sibi responsum retulisse , illum non habere . et mehercule ego ita iudico . nihil illo regno spoliatus , nihil rege egentius . itaque aut tutela cogito me abdicare , aut , ut pro Glabrione Scauola , sœnus , & impendium recusare . Ego autem quas per te Bruto promiseram præfecturas M . Scaptio , & L . Gauius , qui in regno rem Bruti procurabant , detuli : nec enim in prouincia mea negotiabantur . tu autem meministi , nos sic agere , ut , quot uellet , præfecturas sumeret , dum ne negotiatori . duas ei præ-



præterea dederam: sed ij, quibus petierat, provin-  
cia decesserant. Nunc cognosce de Salaminij: quod uideo tibi etiam nouum accidisse, tamquam mihi. numquam enim ex illo audiui, illam pecuni-  
am esse suam. quin etiam libellum ipsius habeo, in quo est, Salaminij pecuniam debent. M. Scap-  
tio, & P. Matinio, familiaribus meis, eos mihi commendat: adscribit etiam, & quasi calcar ad-  
mouet, intercessisse se pro ijs magnam pecuniam. confeceram, ut soluerent centesimis sexennij du-  
ctis cum renouatione singulorum annorum. at Scap-  
tius quaternas postulabat. metui, si impetras-  
set, ne tu ipse me amare desineres. nam ab edicto meo recessissem; & ciuitatem, in Catonis, & in ip-  
sius Bruti fide locatam, meisq. beneficijs ornatam, funditus perdidissem. Atque hoc tempore ipso im-  
pingit mihi epistolam Scaptius Bruti, rem illam suo periculo esse: quod nec mihi umquam Brutus dixe-  
rat, nec tibi: etiam, ut præfecturam Scaptio de-  
ferrem. id uero per te exceperamus, ne negotiato-  
ri: quod si cuiquam, huic tamen non: fuerat enim præfectus Appio: & quidem habuerat turmas e-  
quitum, quibus inclusum in curia senatum Salami-  
ne obsederat, ut fame senatores quinque moreren-  
tur. itaque ego, quo die tetigi provinciam, cum mihi Cyprij legati Ephesum obuiam uenissent, litte-  
ras misi, ut equites ex insula statim decederent. His de causis credo Scaptium iniquius de me ali-  
quid ad Brutum scripsisse. sed tamen hoc sum ani-



## LIB. VI. EPIST.

mo: si Brutus putabit me quaternas centesimas oportuisse decernere, qui in tota provincia singulas observarem, itaq. edixissem, idq. etiam acerbissimis fœneratoribus probaretur; si præfecturam negotiatori denegatam queretur, quod ego Torquato nostro in tuo Lenio, Pompeio ipsi in Sex. Statio negavi, & ijs probavi; si equites deductus moleste ferret; accipiam equidem dolorem, mihi illum irasci, sed multo maiorem, non esse eum talem, qualem putassem. Illud quidem fatebitur Scaptius, me ius dicente, sibi omnem pecuniam ex edicto meo auferendi potestatem fuisse. Addo etiam illud, quod, vereor, tibi ipsi ut probem: consistere usura debuit, quæ erat in edicto meo. deponere uolebant: impetraui ab Salasinijs, ut silerent. ueniam illi quidem mihi dederunt: sed quid ijs fiet, si huc Paullus uenerit? sed totum hoc Bruto dedi; qui de me ad te humanissimas litteras scripsit. ad me autem, etiam cum rogat aliquid, contumaciter, arroganter, ἀνοικνωτός solet scribere. tu autem uelim, ad eum scribas de his rebus; ut sciam, quo modo hæc accipiat. facies enim me certio rem. atque hoc superioribus litteris ad te diligenter perscripseram. sed plane te intelligere uolui, mihi non excidisse illud, quod tu ad me quibusdam litteris scripsisses; si nihil aliud de hac provincia, nisi illius beneuolentiam, deportassem, mihi satis esse. sit sane; quoniam ita tu uis: sed tamen cum eo credo, quod sine peccato meo fiat.

\* Igitur meo decreto soluta res Scaptio, statim quam de-



decretum sit, tu indicabis: ne ad Catonem quidem  
 prouocabo. sed noli me putare ἐγκυκλίουματα illa  
 tua abiēcisse, quæ mihi in uisceribus hærent. flens  
 mihi meam famam commendasti. quæ epistola tua  
 est, in qua mentionem non facias? itaque irascatur,  
 qui uolet: patiar. τὸ γὰρ δὲ, μετ' ἐμοῦ: præsertim  
 cum sex libris tamquam prædibus me ipse obstrin-  
 xerim: quos tibi tam ualde probari gaudeo: e qui-  
 bus unum ἰσοπικὸν requiris de Cn. Flauio Cn. F. il-  
 le uero ante decemuiros non fuit: quippe qui ædilis  
 curulis fuerit: qui magistratus multis annis post de-  
 cemuiros institutus est. quid ergo profecit, quod  
 protulit fastos? occultatam putant quodam tempo-  
 re istam tabulam, ut dies agendi peterentur a pau-  
 cis. nec uero pauci sunt auctores, Cn. Flauium scri-  
 bam fastos protulisse, actionesq. composuisse: ne  
 me hoc, uel potius Africanum, (is enim loquitur)  
 commentum putes. Οὐκ ἔλαθες illud, de gestu hi-  
 strionis: tu scelestè suspicaris, ego ἀφελῶς scripsi.  
 De me imperatore scribis te ex Philotimi litteris  
 cognouisse: sed credote, iam in Epiro cum esses,  
 binas meas de omnibus rebus accepisse, unas a Pin-  
 denisso capto, alteras a Laodicea, utrasque tuis pue-  
 ris datas: quibus de rebus, propter casum nauigan-  
 di, per binos tabellarios misi Romam litteras publi-  
 ce. De Tullia mea tibi assentior: scripsiq. ad eam, &  
 ad Terentiā, mihi placere. tu enim ad me iam ante  
 scripseras, Ac uellem, te in tuum ueterē gre-  
 gem retulisses. correctæ uero epistola Memmia-  
 na,



na, nihil negotij fuit. multo enim malo huic a Pontidia, quam illum a Seruilia. quare adiunges Aufum nostrum, hominem semper amantem me, nunc, credo, eo magis, quod debet etiam fratris Appij amorem erga me cum reliqua hereditate creuisse; qui declarauit, quanti me faceret, cum saepe, tum in Bursa. nã tu me solitudine magna liberaris. Furnij exceptio mihi non placet: nec ego ullum aliud tempus timeo, nisi quod ille solum excipit. Sed scriberem ad te de hoc plura, si Romæ esses. In Pompeio te spem omnem otij ponere non miror. ita res est. remouendumq. censeo illum dissimulantem. sed enim, αἰσχρογυῖα si perturbatior est, tibi assignato: te enim sequor ἡδιστά. Cicero-nes pueri amant inter se, discunt, exercentur: sed alter, ut dixit Isocrates in Ephoro, & Theopompo, frenis eget, alter calcaribus. Quinto togam puram Liberalibus cogitabam dare. mandauit enim pater. ea sic obseruabo, quasi intercalatum non sit. Dionysius mihi quidem in amoribus est: pueri autem aiunt, eum furenter irasci. sed homo nec doctior, nec sanctior fieri potest, nec tui meiq. amantior. Thermum, Siluium uere audis laudari. ualde se honeste gerunt. adde M. Nonium, Bibulum, me, si uoles. iam Scrofa, uellem, haberet, ubi posset: est enim lautum negotium. ceteri infirmant πολὺ καὶ Catonis. Hortensio quod causam meam commendas, ualde gratum. De Amiano, spei nihil putat esse Dionysius. Terentij nullum uestigium agnouit.



agnoui. Meragenes certe periit. feci iter per eius possessionem, in qua animal reliquum nullum est. hec non noram tum, cum Democrito tuo locutus sum. Rhosij caussam mandavi. Sed heus tu, quid cogitas infelicitatis? lancibus, & splendidissimis canistris, olusculis nos soles pascere: quid te in uasis fictilibus appositurum putem? Κέρας Phemio mandatum est: reperietur: modo aliquid illo dignum canat. Parthicum bellum impendet. Cassius ineptas litteras misit: nec dum Bibuli erant allatæ: quibus recitatis, puto fore, ut aliquando commoueatursenatus. equidem sum magna animi perturbatione. si, ut opto, non prorogatur nostrum negotium: habeo Iunium, & Quinctilem in metu. esto: duos quidem menses sustinebit Bibulus. quid illo fiet, quem reliquero, præsertim si fratrem? quid de me autem, si non tam cito decedo? magna turba est. mihi tamen cum Deiotaro conuenit, ut ille in meis castris esset cum suis copijs omnibus. habet autem cohortes quadringenarias, nostra armatura, xxx, equitum ∞ ∞. erit ad sustinendū, quoad Pompeius ueniat; qui litteris, quas ad me mittit, significat, suū negotium illud fore. hiemant in nostra prouincia Parthi: expectatur ipse Orodes. quid quæris? aliquantum est negotij. De Bibuli edicto nihil noui, præter illam exceptionem, de qua tu ad me scripseras, Nimis graui præiudicio in ordinem nostrum. ego tamen habeo ἰσοδυναμοῦσαν, sed tectiorem, ex Q. Mucij P. F. edicto

*Deiotione*



## LIB. VI. EPIST.

Etō Asiatico, Extra quam si ita negotium ge-  
 stum est, ut eo stari non oporteat, ex fide  
 bona. multa q. sum secutus Scaeuolæ, in ijs illud, in  
 quo sibi libertatem censent Græci datam, ut Græci  
 inter se disceptent suis legibus. breue autem edictū  
 est propter hanc meam διαίεσιν, quod duobus gene-  
 ribus edicendum putauī: quorum unum est provin-  
 ciale, in quo est de rationibus ciuitatum, de ære a-  
 lieno, de usura, de syngraphis, in eodem omnia de  
 publicanis: alterum, quod sine edicto satis commo-  
 de transigi non potest, de hereditatum possessioni-  
 bus, de bonis possidendis, magistris faciundis, uen-  
 dendis: quæ ex edicto & postulari, & fieri solent.  
 tertium, de reliquo iure dicendo, ἄρπαρον reliqui:  
 dixi me de eo genere mea decreta ad edicta urbana  
 accommodaturum: itaq. curo: & satisfacio adhuc  
 omnibus. Græci uero exultant, quod peregrinis iu-  
 dicibus utuntur. nugatoribus quidem, inquires. quid  
 refert? tamen se αὐτονομίαν adeptos putant. nostri  
 enim, credo, graues habent, Turpionem sutorium,  
 & Vettium mancipem. De publicanis quid agam,  
 uideris quærere. habeo in delicijs, obsequor, uer-  
 bis laudo, orno; efficio, ne cui molesti sint. τὸ πα-  
 παδοζότατον. usuras eorum, quas pactionibus ad-  
 scripserant, seruauit etiam Seruilius. ego sic. diem  
 statuo satis laxam; quam ante si soluerint, dico  
 me centesimas ducturum: si non soluerint, ex pa-  
 ctione. itaque & Græci soluunt tolerabili scenore:  
 & publicanis res est gratissima, si illa iam habent,  
 pleno



pleno modio uerborum honorem, inuitationem cre-  
 bram. quid plura? sunt omnes ita mihi familiares,  
 ut se quisque maxime putet. sed tamen μηδὲν αὐ-  
 τοῖς. scis reliqua. De statua Africani, (ὃ πρᾶγμα-  
 των ἀσυγκλώδων: sed me ipsum delectauit in tuis  
 litteris) ain' tu? Scipio hic Metellus proauum su-  
 um nescit censorem non fuisse? atqui nihil habuit  
 aliud inscriptum, nisi, CENSOR, ea statua, quæ  
 ad Opis aperte posita in excelsō est. in illa autem,  
 quæ est ad πολυδάκτυλος, inscriptum est, COS. quam  
 esse eiusdem, status, amictus, anulus, imago ip-  
 sa declarat. at hercule ego cum in turma inaurata-  
 rum equestrium, quas hic Metellus in Capitolio po-  
 suit, animaduertissem in Serapionis subscriptione  
 Africani imaginem, erratum fabrilē putauī, nunc  
 uideo Metelli ἀνισορροσίαν turpem. Nam illud de  
 Flauio, & fastis, si secus est, commune erratum  
 est; & tu belle ἠπόρησας; & nos publicam prope  
 opinionem secuti sumus, ut multa apud Græcos.  
 quis enim non dixit, Εὐπολίη, τὸν τῆς ἀρχαίας, ab  
 Alcibiade nauigante in Siciliam deiectum esse in  
 mare? redarguit Eratosthenes: affert enim, quas  
 ille post id tempus fabulas docuerit. num iccirco  
 Duris Samius, homo in historia diligens, quod cum  
 multis errauit, irridetur? Quis Zaleucum leges Lo-  
 cris scripsisse non dixit? num igitur iacet Theophra-  
 stus, si id a Timæo, tuo familiari, reprehensum  
 est? Sed nescire proauum suum censorem non fuis-  
 se, turpe est, præsertim cum post eum consulem ne-



mo Cornelius, illo uiuo, censor fuerit. Quod de Philotimo, & de solutione  $\overline{\text{X X}}$  CD scribis: Philotimum circiter kal. Ian. in Chersonessum audio uenisse. ac mihi ab eo nihil adhuc. reliqua mea Camillus scribit se accepisse. ea quæ sint, nescio, & auo scire. sed hæc posterius, & coram fortasse commodius. Illud me, mi Attice, in extrema fere parte epistolæ commouit: scribis enim sic, τί λοιπόν? deinde me obsecras amantissime, ne obliuiscar uigilare; ut animaduertam, quæ fiant. num quid de quo inaudisti? & si nihil eiusmodi est: πολλοῦ γε καὶ δεῖ. nec enim me fefellisset, nec falleret. sed ista admonitio tua tam accurata nescio quid mihi significare uisa est. De M. Octauio, iterum tibi rescribo, te illi probe respondisse. paullo uellem fidentius. Nam Cælius libertum ad me misit, & litteras accurate scriptas, \* & de pantheris, sed a ciuitatibus. rescripsi, alterum me moleste ferre, si ego in tenebris laterem, nec audiretur Romæ, nullum in mea prouincia nummum, nisi in æs alienum, erogari; docuique, nec mihi conciliare pecuniam licere, nec illi capere; monuiq. eum, quem plane diligo, ut, cum alios accusasset, cautius uiueret: illud autē alterum alienum esse existimatio ne mea, Cybiratas imperio meo publice uenari. Leptha tua epistola gaudio exultat: etenim scripta belle est, meq. apud eū magna in gratia posuit. Filiola tua gratum mihi fecit, quod tibi diligenter mandauit, ut mihi salutem adscriberes: gratum etiam Pilia: sed illa officiosius, quod mihi, quem iam pridem numquam



quam uidet . igitur tu quoque salutem utrique ad-  
 scribito . Litteras daturum pridie kal . Ian.  
 suauem habuit recordationem clarissimi iurisiuran-  
 di : quod ego non eram oblitus : magnus enim præ-  
 textatus illo die fui . Habes ad omnia , non , ut po-  
 stulasti , *ῥεύσεια χαλκείων* ; sed paria paribus re-  
 spondemus . Ecce autem alia pusilla epistola ;  
 quam non relinquam *ἀναντιφώνητον* . Bene me-  
 hercule potuit Lucceius Tusculanum : nisi forte , so-  
 let enim , cum suo tibicine . & uelim scire , quis  
 sit status eius . Lentulum quidem nostrum , præter  
 Tusculanum , proscripsisse audio . cupio hos expe-  
 ditos uidere : cupio etiam Sextium : addes etiam ijs  
 Caelium . quibus omnibus est : *αἰδέσθην μὲν ἀνήνα-  
 ζαι , δεῖσθαι δ' ὑποδέχθαι* . De Memmio restituen-  
 do ut Curio cogitet , te audisse puto . De Egnatij Si-  
 dicini nomine , nec nulla , nec magna spe sumus .  
 Pinarium , quem mihi commendas , diligentissime  
 Deiotarus curat , grauiter ægrum . Respondi etiam  
 minori . Tu , uelim , dum ero Laodiceæ , idest ad  
 idus Mai . quamsepiissime mecum per litteras col-  
 loquare : & cum Athenas ueneris , ( iam enim scie-  
 mus de rebus urbanis , de prouincijs , quæ omnia in  
 mensem Martium sunt collata ) utique ad me ta-  
 bellarios mittas . Sed heus tu , Genuarios a Cæsa-  
 re per Herodem , talenta Attica L , extorsistis : in  
 quo , ut audio , magnum odium Pompeij suscepistis .  
 putat enim , suos nummos uos comedisse , Cæsarem  
 in merito reædificando diligentiolem fore . hoc ego  
 ex \*



## LIB. VI. EPIST.

ex P. Vedio, magno nebulone, sed Pompeij tamen familiari, audiui. hic Veditus uenit mihi obuiam cum duobus essedis, & rheda equis iuncta, & lectica, & familia magna: pro qua, si Curio legem pertulerit, HS centena pendat necesse est. erat præterea cynocephalus in essedo: nec deerant onagri. numquam uidi hominem nequiores. sed extremum audi. Diuersatus est Laodiceæ apud Pompeium Vindillum: ibi sua deposuit, cum ad me profectus est. moritur interim Vindullus: quæ res ad Magnum Pompeium pertinere putabatur. C. Venonius domum Vindulli uenit: cum omnia obsignaret, in Vedianas res incidit. in his inuētæ sunt quinque laguncule matronarum, in quibus una sororis amici tui, hominis Bruti, qui hoc utatur; & illius Lepidi, qui hæc tam negligenter ferat. Hæc te uolui παρασπονῆσαι: sumus enim ambo belle curiosi. Vnum etiam uelim cogites. audio Appium ὀποπύλαιον Eleusine facere. num inepti fuerimus, si nos quoque Academia fecerimus? puto, inquires. ergo id ipsum scribes ad me. equidem ualde Athenas ipsas amo. uolo esse aliquod monumentum. odi falsas inscriptiones statuarum alienarum. sed ut tibi placebit: faciesq. me, in quem diem Romana incidunt mysteria, certiore, & quo modo hiemaris. Cura ut ualeas. Post Leuctricam pugnam die septingentesimo sexagesimo quinto.

CICERO



CVM Philogenes, libertus tuus, Laodiceam ad me, salutandi causa, uenisset, & se statim ad te nauigaturum esse diceret; has ei litteras dedi; quibus ad eas rescripsi, quas acceperam a Bruti tabellario. Et respondebo primum postremae tuae paginae: quae mihi magnae molestiae fuit, quod ad te scriptum est ab Cincio de Statij sermone: in quo hoc molestissimum est, Statium dicere, a me quoque id consilium probari. probari autem? de isto haecenus. dixerim me uel plurima uincula tecum summae coniunctionis optare: & sunt amoris arctissima: tantum abest, ut ego ex eo, quo adstricti sumus, laxari aliquid uelim. illum autem multa de istis rebus asperius solere loqui, saepe sum expertus, saepe etiam lenius iratum. id scire te arbitror. in hac autem peregrinatione, malitia ne nostra saepe incensum ira uidi, saepe placatum. quid ad Statium scripserit, nescio. quidquid acturus de tali re fuit, scribendum tamen ad libertum non fuit. mihi autem erit maxime curae, ne quid fiat secus, quam uolumus, quamq. oportet. nec satis est in eiusmodi re, se quemque praestare. ac maxime partes istius officij sunt pueri Ciceronis, siue iam adolescentis: quod quidem illum soleo hortari. ac mihi uidetur matrem ualde, ut debet, amare, teq. mirifice. sed est magnum illud quidem, uerumtamen multiplex pueri ingenium: quo ego regendo habeo negotij satis.

O Quoniam



## LIB. VI. EPIST.

Quoniam respondi tuæ paginae postremæ prima mea, nunc ad primam reuertar tuam. Peloponnesias ciuitates omnes maritimas esse, hominis non nequam, sed etiam tuo iudicio probati, Dicæarchi tabulis credidi. is multis nominibus in Trophonia Chæronis narratione Græcos in eo reprehendit, quod mare tam secuti sunt: nec ullum in Peloponneso locum excipit. cum mihi auctor placeret, (etenim erat ἰσορικότατος, & uixerat in Peloponneso) admirabar tamen, & uix aggrediens, communicauit cum Dionysio. atque is primo est commotus: deinde, quod tum de isto Dicæarcho non minus bene existimabat, quam tu de C. Vestorio, ego de M. Cluuius, non dubitabat, quin ei crederemus. Arcadiæ censebat esse Lepreon quoddam maritimum: Tene autem, & Aliphera, & Tritia νεώκλις ei uidebantur: idq. τῶ τῶν νεῶν καταλόγῳ confirmabat, ubi mentio non fit istorum. itaque istum ego locum totidem uerbis Dicæarcho transuli. Phliasios dici sciebam: & ita fac ut habeas: nos quidem sic habemus. sed primo me ἀναλογία deceperat, φλιοῦς, ὀποῦς, σιποῦς, quod ὀποῦντιοι, σιποῦντιοι. sed hoc continuo correximus. Letari te nostra moderatione, & continentia uideo. tum id magis faceres, si adesses, atque hoc foro, quod egi ex idibus Febr. Laodiceæ ad kal. Mai. omnium diccesum, præter Ciliciæ. mirabilia quædam effecimus. ita multæ ciuitates omni ære alieno liberatæ, multæ ualde leuatæ sunt: omnes suis legibus,

¶



& iudicijs usæ, αὐτονομίαν adeptæ, reuixerunt.  
 his ego duobus generibus facultatem ad se ære alie  
 no liberandas, aut leuandas dedi: uno, quod om-  
 nino nullus in imperio meo sumptus factus est, (nul-  
 lum cum dico, non loquor ὑπερβολικῶς) nullus, in-  
 quam, ne teruncius quidem. hac autem re, incre-  
 dibile est, quantum ciuitates emerferint. accessit al-  
 tera. Mira erant in ciuitatibus ipsorum furti Græ-  
 corum, quæ magistratus sui fecerant. quæsiui ipse  
 de ijs, qui annis decē proximis magistratum gesse-  
 rant. aperte fatebantur: itaque sine ulla ignominia  
 suis humeris pecunias populis retulerunt. populi  
 autem, nullo gemitu, publicanis, quibus hoc ip-  
 so lustro nihil soluerant, etiam superioris lustri red-  
 diderunt. itaque publicanis in oculis sumus. gra-  
 tis, inquis, uiris. sensimus. Iam cetera iurisdic-  
 tio nec imperita, & clemens, cum admirabili fa-  
 cilitate. aditus autem ad me minime prouinciales.  
 nihil per cubicularium. ante lucem inambulabam  
 domi, ut olim candidatus. grata hæc, & magna,  
 mihiq. non dum laboriosa ex illa uetere militia.

Nonis Mai. in Ciliciam cogitabam: ibi cum Iu-  
 nium mensem consumpsissem, atque utinam in pa-  
 ce, (magnum enim bellum impendet a Parthis)  
 Quinctilem in reditu ponere. annuæ enim mihi o-  
 peræ ad III. kal. Sext. emerentur. magna autem  
 in spe sum, mihi nihil temporis prorogatum iri. ha-  
 bebam acta urbana usque ad non. Mart. e quibus  
 intelligebam, Curionis nostri constantia omnia po-

O 2 tius

*Propter curio*



tius actum iri, quam de provincijs. ergo, ut spe-  
 ro, propediem te uidebo. Venio ad Brutum tuum,  
 immo nostrum: sic enim maius. Equidem omnia  
 feci, quæ potui aut in mea provincia perficere, aut  
 in regno experiri. omni igitur modo egi cum rege,  
 & ago quotidie, per litteras scilicet: ipsum enim  
 triduum, quatrimum ue mecum habui turbulen-  
 tis in rebus, quibus eum liberam: sed & eum præ-  
 sens, & postea creberrime non destiti rogare, &  
 petere mea causa, suadere, & hortari sua. mul-  
 tum profeci, sed, quantum, non plane, quia lon-  
 ge absum, scio. Salaminios autem (hos enim po-  
 teram coercere) adduxi, ut totum nomen Scaptio  
 uellent soluere, sed centesimis ductis a proxima qui-  
 dem syngrapha, nec perpetuis, sed renouatis quo-  
 tannis. numerabantur nummi: noluit Scaptius. tu  
 qui ais Brutum cupere aliquid perdere? quaternas  
 habebat in syngrapha. fieri non poterat: nec, si pos-  
 set, ego pati possem. audio omnino Scaptium præ-  
 nitere. nam quod S. C. esse dicebat, ut ius ex syn-  
 grapha diceretur; eo consilio factum est, quod pe-  
 cuniam Salaminij contra legem Gabiniam sumpse-  
 rant. uetabat autem Auli lex, ius dici de ita sum-  
 pta pecunia. decreuit igitur senatus, ut ius dicere-  
 tur ista syngrapha. nunc ista habet iuris idem,  
 quod ceteræ, nihil præcipui. hæc, a me ordine fa-  
 cta, puto me Bruto probaturum; tibi, nescio; Ca-  
 toni certe probabo. sed iam ad te ipsum reuertor.  
 Ain' tandem Attice, laudator integritatis, & ele-  
 gantiae



gantie nostræ? ausus es hoc ex ore tuo? inquit En-  
nius: ut equites Scaptio ad pecuniam cogendam  
darem, me rogare? an tu, si mecum esses, qui scri-  
bis morderi te interdum, quod non simul sis, pate-  
rere me id facere, si uellem? Non amplius, inquis,  
quingenta. Cum Spartaco minus multi primo  
fuerunt. quid tandem isti mali in tam tenera insula  
non fecissent? non fecissent autem? immo quid an-  
te aduentum meum non fecerunt? inclusum in cu-  
ria senatum habuerunt Salaminium ita multos di-  
es, ut interierint non nulli fame. erat enim præse-  
ctus Appij Scaptius, & habebat turmas ab Ap-  
pio. id me igitur tu, cuius mehercule os mihi ante  
oculos solet uersari, cum de aliquo officio, ac laude  
cogito, tu me, inquam, rogas, præfectus ut Sca-  
ptius sit? at hoc statueramus, ut negotiatorem ne-  
minem: idq. Bruto probaueramus. Habeat is tur-  
mas. cur potius, quam cohortes? sumptu iam. ne-  
pos euadit Scaptius. Volunt, inquis, principes.  
Scio: nam ad me Ephesum usque uenerunt; flen-  
tesque, equitum scelera, & misérias suas detule-  
runt. itaque statim dedi litteras, ut ex Cyprio equi-  
tes ante certam diem decederent. ob eamq. caus-  
sam, tum ob ceteras, Salaminij nos in cælum de-  
cretis suis sustulerunt. Sed iam quid opus equitatu?  
soluunt enim Salaminij nisi forte id uolumus armis  
efficere, ut fenus quaternis centesimis ducant. &  
ego audebo legere umquā, aut attingere eos libros,  
quos tu dilandas, si tale quid fecero? nimis, inquam,



## LIB. VI. EPIST.

in isto Brutum amasti dulcissime Attice: nos, uereor, ne parum. atque hæc, scripsi ego ad Brutum, scripsisse te ad me. cognosce nunc cetera. Pro Appio nos hic omnia facimus, honeste tamen, sed plane libenter. nec enim ipsum odimus: & Brutum amamus: & Pompeius a me mirifice contendit; quem mehercule plus plusq. in dies diligo. C. Cælium quaestorem huc uenire audisti. nescio, quid sit: sed Pammenia illa mihi non placet. Ego me spero Athenis fore mense Septembri. tuorum itinerum tempora scire sane uelim. Εὐνδείαν Sempronij Rufi cognoui ex epistola Corcyraea. quid quaeris? inuideo potentiae Væstorij. Cupiebam etiam nunc plura garrere: sed lucet: urget turba: festinat Philogenes. ualebis igitur, & ualere Piliam, & Cæciliam nostram iubebis litteris, & saluebis a meo Cicerone.

CICERO S. D. ATTICO. 3

ET SI nil sane habebam noui, quod post accidisset, quam dedissem ad te Philogeni, liberti tuo, litteras: tamen cum Philotimum Romam remitterem, scribendum aliquid ad te fuit. ac primum illud, quod me maxime angebat, (non quo me aliquid iuuare posses: quippe res est in manibus: tu autem abes longe gentium:

- Πολλὰ δ' ἐν μεταχειρίῳ

• Νότος κυλινδρεῖ πλόματ' Ἀρείου ἀλός) obrepfit dies, ut uides, (mibi enim ad 111. kal. Sext. de prouin-



prouincia decedendum est) nec succeditur. quem re-  
linquam, qui prouinciæ præsit? ratio quidem, &  
opinio hominum postulat fratrem: primum, quod ui-  
detur esse bonos: nemo igitur potior: deinde, quod  
solum ab eo prætorium. Pontinius enim ex pacto,  
& conuentu (nam ea lege exierat) iam a me di-  
scesserat. Quæstorem nemo dignum putat: etenim  
est leuis, libidinosus, sagax. De fratre autem pri-  
mum illud est: persuaderi ei non posse arbitror: odit  
enim prouinciam. & hercule nihil odiosius, nihil  
molestius. deinde, ut mihi nolit negare; quidnam  
mei sit officij; cum bellum esse in Syria magnum pu-  
tetur, id uideatur in hanc prouinciam erupturum;  
hic præsidij nihil sit; sumptus annuus decretus sit:  
uideatur ne aut pietatis esse meæ, fratrem, aut di-  
ligentiæ, nugarum aliquid relinquere. Magna igi-  
tur, ut uides, solitudine afficior, magna inopia  
consilij. quid quæris? toto negotio nobis opus non  
fuit. quanto tua prouincia melior? decedes, cum  
uoles: nisi forte iam decessisti. quem uidebitur,  
præficies Thesprotiæ, & Chaoniæ. nec dum tamen  
ego Quintum conueneram; ut iam, si id placeret,  
scirem, posset ne ab eo impetrari: nec tamen, si  
posset, quid uellem, habebam. Hoc est igitur eius-  
modi; reliqua plena adhuc & laudis, & gratiæ, di-  
gna ijs libris, quos dilaudas. conseruat & ciuitates:  
cumulate publicanis satisfactum: offensus contume-  
lia nemo, decreto iusto, & se uero perpauci, nec  
tamen quisquam, ut queri audeat. res gestæ dignæ



## LIB. VI. EPIST.

triumpho: de quo ipso nihil cupide agemus, sine tuo quidem consilio certe nihil. Clausula est difficilis in tradenda prouincia. sed hæc deus aliquis gubernabit. De urbanis rebus scilicet plura tu scis; sæpius, & certiora audis. equidem doleo, non me tuis litteris certiores fieri. huc enim odiosa afferbantur de Curione, de P.ullo: non quo ullum periculum uideam stante Pompeio, uel etiam sedente; ualeat modo: sed mehercule Curionis, & Paulli, meorum familiarium, uicem doleo. formam igitur mihi totius reip. si iam es Romæ, aut cum eris, uelim mittas; quæ mihi obuiam ueniat, ex qua me fingere possim, & præmeditari, quo animo accedam ad urbem. est enim quiddam, aduenientem non esse peregrinum, atque hospitem. Et, quod pæne præterij, Bruti tui causa, ut sæpe ad te scripsi, feci omnia. Cyprij numerabant: sed Scaptius centesimis, renouato in singulos annos fenore, contentus non fuit. Ariobarzanes non in Pompeium prolixior per ipsum, quam per me in Brutum: quem tamen ego præstare non poteram. erat enim rex per pauper; aberamq. ab eo ita longe, ut nihil possẽ, nisi litteris; quibus pugnare non destiti. summa hæc est. pro ratione pecuniæ liberius est Brutus tractatus, quam Pompeius. Bruto curata hoc anno talenta circiter c., Pompeio in sex mensibus promissa c.c. in Appij negotio quantum tribuerim Bruto, dici uix potest. quid est igitur, quod laborem? Amicos habet meras nugas, M. Scaptium:



Scaptium: qui, quia non habuit a me turmas equitum, quibus Cyprum uexaret, ut ante me fecerat, fortasse succenset: aut quia praefectus non est; quod ego nemini tribui negotiatori, non C. Vennonio, meo familiari, non tuo M. Lenio; & quod tibi Romae ostenderam me seruaturum, in quo perseueraui. sed quid poterit queri is, qui, auferre pecuniam cum posset, noluit? Scaptio, qui in Cappadocia fuit, puto esse satisfactum. is a me tribunatum cum accepisset, quem ego ex Bruti litteris ei detulissem, postea scripsit ad me, se uti nolle eo tribunatu. Caius est quidam; cui cum praefecturam detulissem Bruti rogatu, multa & dixit, & fecit cum quadam mea contumelia, P. Clodij canis. is me nec proficiscentem Apameam persecutus est; nec, cum postea in castra uenisset, atque inde discederet, numquid uellem, rogauit; & fuit aperte mihi, nescio quare, non amicus. hunc ego si in praefectis habuissem, quem tu me hominem putares? qui, ut scis, potentissimorum hominum contumaciam numquam tulerim, ferrem huius asseclae? etsi hoc plus est, quam ferre, tribuere etiam beneficij aliquid, & honoris. is igitur Caius, cum Apameae me nuper uidisset Romam proficiscens, me ita appellauit: (Culleolum uix auderem) Vnde, inquit, me iubes petere cibaria? profecto respondi lenius, quam putabant oportuisse, qui aderant: me non instituisse ijs dare cibaria, quorum opera non essem usus. abiit iratus. huius nebulonis operatione si Brutus moueri potest; licebit



licebit eum solus ames, me amulum non habebis.  
 sed illum eum futurum esse puto, qui esse debet. ti-  
 bi tamen causam notam esse uolui: & ad ipsum  
 hæc perscripsi diligentissime. omnino (soli enim su-  
 mus) nullas umquam ad me litteras misit Brutus,  
 ne proxime quidem de Appio, in quibus non ines-  
 set arrogans, ἀκρινόωντον aliquid. tibi autem ualde  
 \* solet in ore esse, grauius autem Non contemnere  
 se, & reges odisse superbos. in quo tamen ille mihi  
 risum magis, quam stomachum, mouere solet. sed  
 plane parum cogitat, quid scribat, aut ad quem.  
 Q. Cicero puer legit, ut opinor, & certe, episto-  
 lam inscriptam patri suo. solet enim aperire, idq.  
 de meo consilio; si quid forte sit, quod opus sit sciri.  
 in ea autem epistola erat illud idem de sorore, quod  
 ad me. mirifice conturbatum uidi puerum. lacry-  
 mans mecum est questus. quid queris? miram in eo  
 pietatem, suauitatem, humanitatemq. perspexi:  
 quo maiorem spem habeo, nihil fore aliter, ac deceat.  
 id te igitur scire uolui. Ne illud quidem prætermi-  
 tam. Hortensius filius fuit Laodiceæ cum gladia-  
 toribus, flagitiose, et turpiter. hunc ego patris caus-  
 sa uocani ad cenam, quo die uenit: & eiusdem pa-  
 tris causa nihil amplius, is mihi dixit, se Athenis  
 me expectaturum, ut mecum decederet. recte,  
 inquam. quid enim dicerem? omnino puto nihil es-  
 se, quod dixit. nolo quidem; ne offendam patrem,  
 quem mehercule ualde diligo. sin fuerit meus co-  
 mes; moderabor ita, ne quid eum offendam, quem  
 minime



minime uolo. Hæc sunt, etiam illud. Orationem Q. Celeris mihi uelim mittas contra M. Seruiliū. litteras mitte quamprimum, si nihil fuerit, uel per tuū tabellarium. Piliæ, et filiæ salutem. Cura ut ualeas.

CICERO S. D. ATTICO. 4

TARSVM uenimus non. Iun. ibi me multæ mouerunt, magnum in Syria bellum, magna in Cilicia latrocinia. Mihi difficilis ratio administrandi, quod paucos dies habebam reliquos annui muneris: illud autem difficillimum: relinquendus erat ex S. C. qui præesset. nihil minus probari poterat, quam quæstor Messinius. nam de Cælio nihil audiebamus. rectissimum uidebatur, fratrem cum imperio relinquere: in quo multa molesta, discessus noster, belli periculum, militum improbitas, sexcenta præterea. o rem totam odiosam. sed hæc fortuna uiderit: quoniam consilio non multum uti licet. Tu, quando Romam saluus, ut spero, uenisti, uidebis, ut soles, omnia, quæ intelliges nostra interesse, in primis de Tullia mea: cuius de conditione quid mihi placeret, scripsi ad Terentiam, cum tu in Græcia esses: deinde de honore nostro. quod enim tu absuisti, uereor ut satis diligenter actum in senatu sit de litteris meis. Illud præterea μουσικώτερον ad te scribam, tu sagacius odorabere.

τῆς δαμαρτὸς μου ὁ ἀπελδύρεος (οἶδα ὃν λέγω) ἔδοξε μοι πρῶτον, ἐξ ὧν ἀλογόμενος παρεφθέργετο, πεφυρακέναι τὰς ψήφους ἐκ τῆς ἀνῆς τῶν ὑπαρχόντων τοῦ

*reuerter*  
*est ante*  
*græce*



τῷ Κροτωνιάτῃ τυραννοκτόνι. δέδοικα δὴ, μή τι νοήσης,  
εἰς δὴ πᾶν τὸ περισκευάμενος, τὰ λοιπὰ ἐξ ἀσφαλείας.  
non queo tantum, quantum uereor, scribere. Tu au-  
tem fac, ut mihi tuæ litteræ uolent obuiæ. Hæc fe-  
stinans scripsi in itinere, atque agmine. Piliæ, &  
puellæ Cæcilie bellissimæ salutem dices. Vale.

CICERO S. D. ATTICO. 5

NUNC quidem profecto Romæ es: quo te, si  
ita est, saluum uenisse gaudeo: unde quidem quam  
diu absuisti, magis a me abesse uidebare, quam si  
domi esses. minus enim mihi meæ notæ res erant,  
minus etiam publicæ. quare uelim, etsi, ut spero, te  
hæc legente aliquantum tamen uiæ processero, ta-  
men obuias mihi litteras quamargutissimas de o-  
mnibus rebus crebro mittas, in primis de quo scri-  
psi ad te antea. τῆς ξυναόρου τῆς ἐμῆς οὐξ ἐλδ' ἄλλος,  
ἔδοξέ μοι θαυμάσιον βαρβαρίζων, καὶ ἀλύων τοῖς ξυλλόγοις,  
καὶ ταῖς λέξεσιν ὑπότι πεφυρακέναι τὰς ψήφους ἐν τοῖς  
ὑπάρχουσι τοῖς τοῦ Κροτωνιάτου. hoc tu indaga, ut  
soles, adest hoc magis. ἐξ ἀσεως ἐπαλόφου τειχῶν  
παρέδωκεν ἡμῶν γάμου ὀφειλήματα ὁ Κάμιλλος, αὐ-  
τόν τε ὀφείλοντα μινᾶς κδ. ἐκ τῶν Κροτωνιατικῶν καὶ  
ἐκ τῶν Χερρόνησιτικῶν μη. καὶ κληρονομούσας χμ.  
κ. μ. τούτων δὲ μηδὲ ὁβολὸν διαλύσασθαι πάντων ὀ-  
φειληθέντων τοῦ δ' ἄλλου μηνὸς τῇ νομηνίᾳ. τὸν δὲ  
ἀπελδύτερον αὐτοῦ, ὄντα ὁμάνυμον τῷ Κόνωνος πα-  
τρὶ, μηδὲν ὀλοχερῶς πεφροντικέναι. ταῦτα ὄω,  
πρῶτον μὲν, ἵνα πάντα σώζῃ: δ' ἄλλοτερον δὲ, ἵνα μη-  
δὲν



δὲν τῶν τόκων ὀλιγωρήσης τῶν ἀπὸ τῆς προεκκειμένης  
 ἡμέρας, ὅσας αὐτὸν ἠνέγκαμεν, σφόδρα δέδοικα. καὶ  
 γὰρ παρῆν πρὸς ἡμᾶς κατασκευόμενος, καὶ τι χερόν  
 ἐλπίσας. ἀπογνοὺς δὲ, ἀλόγως ἀπέστη ἐπειπῶν,  
 αἰσχρόν τοι δηρὸν τε μένειν. meq. obiurgauit uete-  
 re prouerbio, τὰ μὲν διδόμενα. reliqua uide, &  
 quantum fieri potest, perspiciamus. et si annuum  
 tempus prope iam emeritum habebamus: dies enim  
 xxxiii. erant reliqui: solitudine prouinciæ ta-  
 men uel maxime urgebamus. cum enim arderet Sy-  
 ria bello; & Bibulus, in tanto mærore suo, maxi-  
 mam curam belli sustineret; ad meq. legati eius, et  
 quæstor, & amici litteras mitterent, ut subsidio  
 uenirem: et si exercitum infirmum habebam, auxi-  
 lia sane bona, sed ea Galatarum, Pisidarum, Ly-  
 ciorum; (hæc enim sunt nostra robora) tamen esse  
 officium meum putauī, exercitum habere quampro-  
 xime hostem, quoad mihi præesse prouinciæ per S.  
 C. liceret. sed, quo ego maxime delectabar, Bibu-  
 lus molestus mihi non erat; de omnibus rebus scri-  
 bebat ad me potius. & mihi decessionis dies λεηδὼ  
 τως obrepebat. qui cum aduenerit: ἄλλο πρόβλημα,  
 quem præficiam, nisi Cælius quæstor uenerit; de  
 quo adhuc nihil certi habebamus. Cupiebam meher-  
 cule longiorem epistolam facere: sed nec erat res,  
 de qua scriberem; nec iocari præ cura poteram.  
 ualebis igitur, & puellæ salutem articulate dices,  
 nostræq. Piliæ.

CICERO



EGO, dum in prouincia omnibus rebus Ap-  
 pium orno, subito sum factus accusatoris eius so-  
 cer. id quidem, inquis, dii approbent. ita uelim:  
 teq. ita cupere certo scio: sed crede mihi, nihil mi-  
 nus putaram ego, qui de Ti. Nerone, qui mecum  
 egerat, certos homines ad mulieres miseram: qui  
 Romam uenerunt factis sponsalibus. sed hoc spero  
 melius. mulieris quidem ualde intelligo delectari  
 obsequio, & comitate adolescentis. cetera noli ἐξ  
 καὶ θίγειν. Sed heus tu, τυρὸς ἐς δῆμον Athenis,  
 placet hoc tibi? etsi non impediabant mei certe li-  
 bri: non enim ista largitio fuit in ciues, sed in hospi-  
 tes liberalitas. me tamen de Academia προύλω  
 iubes cogitare; quoniam Appius de Eleusine non  
 cogitet. De Hortensio te certo scio dolere: equidem  
 excrucior: decreueram enim cum eo ualde familia-  
 riter uiuere. Nos prouinciæ præsecimus Cælium.  
 puerum, inquis, & fortasse fatum, & non gra-  
 uem, & non continentem. assentior: fieri non po-  
 tuit aliter. nam quas multo ante tuas acceperam  
 litteras, in quibus ἐπέχειν te scripseras, quid esset  
 mihi faciundum de relinquendo; eæ me pungebant,  
 uidebam enim, quæ tibi essent ἐποχῆς causæ, ( &  
 erant eadem mihi ) puero ne traderem. fratri au-  
 tem, illud non utile nobis. nam præter fratrem ne-  
 mo erat, quem sine contumelia quæstori, nobili  
 præsertim, antefерrem. tamen, dum impendere  
 Parthi



Parthi uidebantur, statueram fratrem relinquere, aut etiam reip. causa contra S. C. ipse remanere. qui postea quam, incredibili felicitate, discesserunt; sublata dubitatio est. uidebam sermones: Hui fratrem reliquit? num est hoc non plus annum obtinere provinciam? Quid, quod senatus eos uoluit praesse provincijs, qui non praessissent? at hic triennium. Ergo haec ad populum. quid, quae tecum? numquam essem sine cura, si quid iracundius, aut contumeliosius, aut negligentius. quae fortuita hominum? quid, si quid filius puer, & puer bene sibi fidens? qui esset dolor? quem pater non dimittebat; teque id censere, moleste ferebat. at nunc Caelius, non dico equidem, quod egerit; sed tamen multo minus laboro. Adde illud. Pompeius, eo robore uir, ijs radicibus, Q. Cassium sine sorte delegit, Caesar Antonium: ego sorte datum offenderem? aut etiam inquirerem in eum, quem reliquisssem? hoc melius: & huius rei plura exempla. senectuti quidem nostrae profecto aptius. at te apud eum, dii boni, quanta in gratia posui: eiq. legi litteras non tuas, sed librarij tui. Amicorum litterae me ad triumphum uocant, rem a nobis, ut ego arbitror, propter hanc παλιγγενεσίαν nostram, non negligendam. quare tu quoque, mi Attice, incipe hoc cupere; quo nos minus inepti uideamur. Vale.

CICERO S. D. ATTICO. 7

QVINCTVS filius, pie sane, me quidem  
certe

*Correlliana*



certe multum hortante, sed currentem animum patris sui sorori tuæ reconciliauit. eum ualde tuæ litteræ excitauit. quid quæris? confido rem, ut uolumus, esse. Bis ad te ante scripsi de re mea familiari, si modo tibi redditæ litteræ sunt, græce, ἐν αἰνυμοῖς. scilicet nihil est mouendum. sed tamen, ἀπελῶς percunctando de nominibus Milonis, & ut expediat, ut mihi recepit, hortando, aliquid ita tu proficies. Ego Laodiceæ quæstorem Messiniū exspectare iussi, ut cōfectas rationes lege Iulia apud duas ciuitates possim relinquere. Rhodum uolo puero-  
rum causa: inde quamprimum Athenas: etsi Etesiae ualde resiant: sed uolo his magistratibus, quorum uoluntatem in supplicatione sum expertus. Tu tamen mitte mihi, quæso, obuiam litteras, numquid putes reip. nomine tardandum esse nobis.  
Tiro ad te dedisset litteras, nisi eum grauius æ-  
\* grum Esæ reliquisssem. sed nunciant, melius esse. ego tamen angor. nihil enim illo adolescente castius, nihil diligentius. Vale.

CICERO S. D. ATTICO. 14

CUM instituissem ad te scribere, calamumque sumpsissem, Batonius e naui recta ad me uenit domum Ephesi, & epistolam tuam reddidit prid. kal. Oct. Lætatus sum felicitate nauigationis tuæ, opportunitate Piliæ, etiam mehercule sermone eiusdem de coniugio Tulliae meæ. Batonius autem miros terrores ad me attulit Cesarianos: cum Lepta etiam  
plura



plura locutus est, spero, falsa, sed certe horribilia: exercitum nullo modo dimissurum: cum illo praetores des. Cassium tribunum, Lentulum cos. facere: Pompeio in animo esse urbem relinquere. Sed heus tu, numquid moleste fers de illo, qui se solet anteferre patruo sororis tuae filij? at a quibus uictus? sed ad rem. Nos Etesiae uehementissima tardarunt. detraxit xx ipsos dies etiam aphraëti Rhodiorum. Kal. Oct. Epheso conscendentes hanc epistolam dedimus L. Tarquinio, simul e portu egredienti, sed expeditius nauiganti. nos Rhodiorum aphraëtis, ceterisq. longis nauibus tranquillitate aucupaturi eramus: ita tamen properabamus, ut non posset magis. De raudusculo Puteolano, gratum. Nunc uelim dispicias res Romanas; uideas, quid nobis de triumpho cogitandum putes; ad quem amici me uocant. ego, nisi Bibulus, qui, dum unus hospes in Syria fuit, pedem porta non plus extulit, quam domo sua, adniteretur de triumpho, aequo animo essem. nunc uero αἰχρὸν σιωπᾶν. sed explorarem totam: ut, quo die congressi erimus, consilium capere possimus. At multa; qui & properarem, & ei litteras darem, qui aut mecum, aut paullo ante uenturus esset. Cicero tibi plurimam salutem dicit. tu dices utriusque nostrum uerbis & Piliae tuae, & filiae. Vale.

P

CICERO



IN PIRAEÆA cum exissem pridie id. Oct. accepi ab Acasto, seruo meo, statim tuas litteras: quas quidem cum expectassem iam diu, admiratus sum, ut uidi obsignatam epistolam, breuitatem eius; ut aperui, rursus σύγχυσιν litterularum, quæ solent tuæ compositissimæ, & clarissimæ esse. ac, ne multa, cognoui ex eo, quod ita scripseras, te Romam uenisse ad XII. kal. Oct. cum febris. perculsus uehementer, nec magis, quam debui, statim quæro ex Acasto. ille et tibi, & sibi uisum, & ita se domi ex tuis audisse, ut nihil esset incommode. id uidebatur approbare, quod erat in extremo, febri- culam tum te habentem scripsisse. sed clamaui ta- men; admiratusq. sum, quod nihilo minus ad me tua manu scripsisses. quare de hoc satis. spero e- nim, quæ tua prudentia, & temperantia, & her- cule, ut me iubet Acastus, confido te iam, ut uolu- mus, ualere. A Turranio te accepisse meas litte- ras gaudeo. παραφύλαξον, si me amas, τὴν τῆ φυ- ρατῆ φιλοτιμίαν αὐτότατα. hanc, quæ mehercule mihi magno dolori est, (dilexi enim hominē) pro- cura, quantulacumque est, Prætianam heredita- tem. prorsus ille ne attingat. dices, nummos mihi opus esse ad apparatus triumphi: in quo, ut præ- cipis, nec me κενὸν in expetendo cognoscēs, nec ἄτυ- ρον in abiiciendo. Intellexi ex tuis litteris, te ex Turranio audisse, a me prouinciam fratri traditam.

adeon'



adeon' ego non perspexeram prudentiam litterarum  
 tuarum? ἐπέχειν te scribebas. quid erat dubitatio-  
 ne dignum? si esset quidquam; cur placeret, fra-  
 trem, & talem fratrem, relinqui? ἀθέτως ista mi-  
 hi tua, non ἐποχὴν, uidebatur. monebas de Q. Ci-  
 cerone puero, ut eum quidem neutiquam relinque-  
 rem: Τοῦ μὲν ὅντιν ἐπὶ ὧν ἐμοί. eadem omnia, quasi  
 collocuti essemus, uidimus. non fuit faciendum ali-  
 ter, meq. ἐπιχειροῦσα ἐποχὴν tua dubitatione libera-  
 uit. sed puto te accepisse de hac re epistolam, scri-  
 ptam accuratius. Ego tabellarios postero die ad uos  
 eram missurus, quos puto ante uenturos, quam no-  
 strum Saufeium. sed, eum sine meis litteris ad te  
 uenire, uix rectum erat. Tu mihi, ut polliceris,  
 de Tulliola mea, idest de Dolabella, perscribas:  
 de rep. quam praeuideo in summis periculis, de cen-  
 soribus, maximeq. de signis, tabulis quid fiat, re-  
 feratur ne. Idibus Oct. has dedi litteras: quo die,  
 ut scribis, Cæsar Placentiam legiones quattuor.  
 quæso, quid nobis futurum est? In arce Athenis  
 Statio mea nunc placet. Vale.

*Ad Atticum*



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER VII.

CICERO S. D. ATTICO.

D E D E R A M equidem L. Saufeio lit-  
teras, & dederam ad te unum; quod,  
cum non esset temporis mihi adscriben-  
dum satis, tamen hominem tibi tam  
familiarem sine meis litteris ad te uenire nolebam.  
sed, ut philosophi ambulant, has tibi redditum iri  
putabam prius. sin iam illas accepisti, scis me A-  
thenas uenisse pridie id. Oct. e navi egressum in Pi-  
ræum tuas ab Acasto nostro litteras accepisse; con-  
turbatum, quod cum febre Romam uenisses; bono  
tamen animo esse cœpisse, quod Acastus ea, quæ  
uellem, de alleuato corpore tuo nunciaret; cohör-  
ruisse autem, quod tuæ litteræ de legionibus Cæsā-  
ris afferrent; & egisse tecum, ut uideres, ne quid  
φιλοτιμίας eius, quem nosti, nobis noceret; & de  
quo iam pridem ad te scripseram. Turranius au-  
tem secus tibi Brundisij dixerat: quod ex ijs litte-  
ris cognoui, quas a Xenone, optimo uiro, accepi.  
Cur fratrem prouinciæ non præfecissem, exposui  
breuiter. Hæc fere sunt in illa epistola. nunc audi  
reliqua. Per fortunas, omnem tuum amorem,  
quo me es amplexus, omnemq. tuam prudentiam,  
quam



quam mehercule in omni genere iudico singula-  
rem, conferto ad eam curam, ut de omni statu meo  
cogites. uidere enim mihi uideor tantam dimicatio-  
nem, nisi idem deus, qui nos melius, quam optare  
auderemus, Parthico bello liberauit, respexerit  
remp. sed tantam, quanta numquam fuit. age, hoc  
malum mihi commune est cum omnibus: nihil tibi  
mando, ut de eo cogites: illud meum proprium  
πρόβλημα, quaeso, suscipe. uides ne, ut te auctore  
sim utrumque complexus? ac uellem a principio te  
audisse amicissime monentem:

Ἀλλ' ἐμὸν οὐ ποτε θυμὸν ἐνὶ σήθεσιν ἐπειθες:

Ὡς οὐδ' ἐν γλύκιον ἢς πατρὶδος;

sed aliquando tamen persuasisti, ut alterum comple-  
cterer, quia de me erat optime meritus; alterum,  
quia tantum ualebat. feci igitur, atque effeci omni  
obsequio, ut neutri illorum quisquam esset me ca-  
rior, hac enim cogitabamus; nec mihi, iuncto cum  
Pompeio, fore necesse peccare in rep. aliquando;  
nec, cum Pompeio sentienti, pugnandum esse cum  
Cæsare: tanta erat illorum coniunctio. nunc impen-  
det, ut & tu ostendis, & ego uideo, summa inter  
eos contentio. me autem uterque numerat suum.  
nisi forte simulat alter. nam Pompeius non dubitat  
(uere enim iudicat) ea, quæ de rep. nunc sentiat,  
mihi ualde probari. utriusque autem accepi eiusmodi  
litteras eodem tēpore, quo tuas, ut neuter quem-  
quam omnium pluris facere, quam me, uideretur.  
uerum quid agam? non quaero illa ultima, (si enim

P 3 castris



## LIB. VII. EPIST.

castris res geretur, uideo cum altero uinci satius esse, quam cum altero uincere) sed illa, quæ tum aguntur, cum uenero; ne ratio absentis habeatur, ut exercitum dimittat. dic M. Tulli. quid dicam? exspecta, amabo te, dum Atticum conueniam. non est locus ad tergiuersandum contra Cæsarem. ubi illæ sunt densæ dexteræ? nam, ut illi hoc liceret, adiuui, rogatus ab ipso Rauennæ de Cælio tribuno pl. ab ipso autem? etiam a Cnæo nostro, in illo diuino tertio consulatu. aliter sensero: αἰδέομαι non Pompeium modo, sed Τρώας, καὶ Τρωάδας. Πουλυδάμας μοι πρῶτος ἐλεγχείην καταθήσει, quis? tu ipse scilicet, laudator & factorum, & scriptorum meorum. hanc ego plagam effugi per duos superiores Marcellorum consulatus, cum est actum de prouincia Cæsaris. nunc incido in discrimen ipsum. itaque, ut stultus primus suam sententiam dicat, mihi ualde placet de triumpho nos moliri aliquid, extra urbem esse cum iustissima causa. tamen dabunt operam, ut eliciant sententiam meam. Ridebis hoc loco fortasse: quam uellem etiam nunc in prouincia morari. plane opus fuit, si hoc impendebat. etsi nil miseriùs. nam, ὁδοῦ πάρεργον, uolo te hoc scire: omnia illa prima, quæ etiam tu litteris in cælum ferebas, ἐπίτηκτα fuerunt. quam non est facilis uirtus, quam uero difficilis eius diuturna simulatio. cum enim hoc rectum, & gloriosum putarem, ex annuo sumptu, qui mihi decretus esset, me C. Cælio quaestori relinquere annum referre in ærarium ad HS

C I O:



CICERO : ingemuit nostra cohors , omne illud putans  
distribui sibi oportere : ut ego amicior inuenirer  
Phrygum , & Cilicum ævarijs , quam nostro . sed  
me non mouerunt . nam & mea laus apud me plu-  
rimum ualuit : nec tamen quidquam honorifice in  
quemquam fieri potuit , quod prætermiserim . Sed  
hæc fuerit , ut ait Thucydides , ἐκβολὴ λόγου non in-  
utilis . Tu autem de nostro statu cogitabis : pri-  
mum quo artificio tueamur beneuolentiam Cæsa-  
ris : deinde de ipso triumpho : quem uideo , nisi reip.  
tempora impediunt , ἀπόριον . iudico autem cum  
ex litteris amicorum , tum ex supplicatione : quam  
qui non decreuit , plus decreuit , quam si omnes de-  
creuisset triumphos . ei porro assensus est unus , fa-  
miliaris meus , Fauonius , alter iratus Hirrus . Ca-  
to autem & scribendo affuit , & ad me de senten-  
tia sua iucundissimas litteras misit . sed tamen gra-  
tulans mihi Cæsar de supplicatione , triumphat de  
sententia Catonis ; nec scribit , quid ille sententiæ  
dixerit , sed tantum , supplicationem eum mihi non  
decreuisse . Redeo ad Hirrum . cæperas eum mihi  
placare : perfice . habes Scrofam , habes Silium . ad  
eos ego etiam antea scripsi , & ad ipsum Hirrum :  
locutus enim erat cum ijs , commode se potuisse im-  
pedire , sed noluisse ; assensum tamen esse Catoni ,  
amicissimo meo ; cum is honorificentissimam in me  
sententiam dixisset ; nec me ad se ullas litteras mi-  
sisse , cum ad omnes mitterem . uerum dicebat . ad  
eum enim solum , & ad Crassipedem non scripse-  
ram ,

*Supra*



ram. Atque hæc de rebus forensibus. redeamus domum. Dijungere me ab illo uolo. mirus est φυράτης, germanus Lartidius.

Ἀλλὰ τὰ μὲν προτέτυχθαι εἰσόμεν ἀχυνόμενοι περ.  
Reliqua expediamus, hoc primum, quod accessit cura dolori meo, sed hoc tamen, quidquid est: Prætianum cum ijs rationibus, quas ille meas tractat, admisceri nolo. scripsi ad Terentiam, scripsi etiam ad ipsum, me, quidquid possem nummorum, ad apparatus sperati triumphi ad te redacturum. ita puto ἀμεμπτα fore. uerum, ut lubebit. Hanc quoque suscipe curam, quemadmodum experiamur. id & ostendisti quibusdam litteris, ex Epiro, & Athenis datis; & in eo ego te adiuuabo. Vale.

CICERO S. D. ATTICO. 2

BRUNDISIUM uenimus VII. kal. Dec. usque tua felicitate nauigandi. ita belle nobis flauit ab Epiro lenissimus Auster mitis. hunc ἀποδείκοντα, si cui uoles τῶν νεωτέρων, pro tuo uendito. In ualitudine tua me ualde conturbat. significant enim tue litteræ, te prorsus laborare. ego autem, cum sciam, quam sis fortis, uehementius esse quiddam suspicor, quod te cogat cedere, & propemodum infringat. etsi alteram quartanam Pamphilus tuus mihi dixit decessisse, & alteram leuiorem accedere. Terentia uero, quæ quidem eodem tempore ad portam Brundisiam uenit, quo ego in portum, mihiq. obuiam in foro fuit, L. Pontium sibi in Trebulan



lano dixisse narrabat, etiam eam decessisse. quod si ita est, quod maxime hercule opto; id spero tua prudentia, & temperantia te consecutum. Venio ad epistolas tuas, quas ego sexcentas uno tempore accepi, aliam alia iucundiores, quæ quidem erant tua manu. nam Alexidis manum amabam, quod tam prope accedebat ad similitudinem tuæ litteræ: manum non amabam, quia iudicabat te non ualere. cuius quoniam mentio iam facta est, Tironem Patris ægrum reliqui, adolescentem, ut nosti, (& adde, si quid uis) probum: nihil uidi melius: itaque careo ægre. quamquam uidebatur se non grauiter habere: tamen sum sollicitus, maximamq. spem habeo in M'. Curij diligentia, de qua ad me scripsit Tiro, & multi nunciarunt. Cuius autem ipse sensit, quam tu uelles a me diligi: & eo sum admodum delectatus: & mehercule est, quem facile diligas. αὐτόχθων in homine urbanitas. eius testamentum de tortorio, Ciceronum signis obsignatum, cohortisq. pratoriae. fecit palam te ex libella, me ex teruncia. Corcyrae Alexion me opipare muneratus est. Q. Ciceroni obsisti non potuit, quo minus Thyamim uideret. Filiola tua te delectari lator, & probari tibi σοφὴν φουρικὴν esse, τὴν πρὸς τὰ τέκνα. etenim, si hæc non est, nulla potest homini esse ad hominem naturæ adiunctio: qua sublata, uitæ societas tollitur. bene eneniat, inquit Carneades, spurce, sed tamen prudentius, quam Lucius noster, & Patron: qui cum omnia ad se referant, nec quidquam alterius

*Meziane*

\*



## LIB. VII. EPIST.

alterius caussa fieri putent; et cum ea re bonum uirum oportere esse dicant, ne malum habeat, non quo id natura rectum sit; non intelligunt se de callido homine loqui, non de bono uiro. sed hæc opinor sunt in ijs libris, quos tu laudando, animos mihi ad didisti. Redeo ad rem. Quo modo expectabam epistolam, quam Philoxeno dedisses? scripseras enim, in ea esse de sermone Pompeij Neapolitano. eam mihi Patro Brundisij reddidit: Corcyra, ut opinor, acceperat. nihil potuit esse iucundius. erat enim de rep. de opinione, quam is uir haberet integritatis meæ; de beneuolentia, quam ostendit eo sermone, quem habuit de triumpho. sed tamen hoc iucundissimum, quod intellexi, te ad eum uenisse, ut eius animum erga me perspiceres. hoc mihi inquam accidit iucundissimum. De triumpho autem, nulla me cupiditas umquā tenuit ante Bibuli impudentissimas litteras, quas amplissime supplicatio cōsecuta est. a quo si ea gesta sunt, quæ scripsit; gaude rem, & honori fauerem: nunc illum, qui pedem porta, quoad hostis cis Euphratem fuit, non extulerit, honore augeri; me, in cuius exercitu spem illius exercitus habuit, idem non assequi, dedecus est nostrum, nostrum, inquam, te coniungens. itaque omnia experiar, & ut spero, assequar. quod si tu ualeres, iam mihi quedam explorata essent: sed, ut spero, ualebis. De raudusculo Numeriano multum te amo. Hortensius quid egerit, aueo scire, Cato quid agat: qui quidem in me turpiter fuit maleuolus: dedit



dedit integritatis, iustitiæ, clementiæ, fidei mihi  
 testimonium, quod non quærebam; quod postula-  
 bam, negavit. itaque Cæsar ijs litteris, quibus mi-  
 hi gratulatur, & omnia pollicetur, quo modo exul-  
 tat Catonis, in me ingratißimi, iniuria? at hic idem  
 Bibulo dierum xx. ignosce mihi, non possum hæc  
 ferre, nec feram. cupio ad omnes tuas epistolas, sed  
 nihil necesse est: iam enim te uidebo. illud tamen de  
 Chrysippo. nam de altero illo minus sum admira-  
 tus, operario homine: sed tamen ne illo quidem  
 quidquam improbius. Chrysippum uero, quem e-  
 go, propter litterularum nescio quid, libenter uidi,  
 in honore habui, discedere a puero, insciente me?  
 mitto alia, quæ audio, multa: mitto furta: fugam  
 non fero, qua mihi nihil uisum est sceleratius. ita-  
 que usurpauit netus illud Drusi, ut ferunt, præto-  
 ris in eo, qui eadem liber non iuraret: me istos li-  
 beros non addixisse, præsertim cum adesset nemo,  
 a quo recte uindicarentur. id tu, ut uidebitur, ita  
 accipies: ego tibi assentiar. Vni tuæ disertissimæ  
 epistolæ non rescripsi, in qua est de periculis reip.  
 quid rescriberem? ualde eram perturbatus: sed, ut  
 nihil magnopere metuam, Parthi faciunt, qui re-  
 pente Bibulum seminiuum reliquerunt. Vale.

CICERO S. D. ATTICO. 3

AD VIII. idus Dec. in Trebulanum ueni, et  
 ibi tuas litteras legi, quas Philotimus mihi reddi-  
 dit. e quibus hanc primo aspectu uoluptatem cepi,  
 quod

*Nona Augusti*



## LIB. VII. EPIST.

quod erant a te ipso scriptæ: deinde earum accuratissima diligentia sum mirum in modum delectatus. Ac primum illud, in quo te Dicæarcho assentiri negas, etsi cupidissime expetitur a me sit, & approbante te, ne diutius anno in provincia essem, tamen non est nostra contentione perfectum. sic enim scito, uerbum in senatu factum esse numquam de ullo nostrum, qui provincias obtinuimus, quo in his diutius, quam ex S. C. maneremus: ut iam ne istius quidem rei culpam sustineam, quod minus diu fuerim in provincia, quam fortasse fuerit utile. sed quid, si hoc melius? opportune dici uidetur, ut in hoc ipso. siue enim ad concordiam res adduci potest, siue ad bonorum uictoriam; utriusuis rei me aut adiutorem uelim esse, aut certe non expertem: sin uincuntur boni; ubicumque essem, una cum ijs uietus essem. quare celeritas nostri reditus æmetamēntos debet esse. quod si ista nobis cogitatio de triumpho iniecta non esset, quam tu quoque approbas: næ tu haud multum requireres illum uirum, qui in v. libro informatus est. quid enim tibi faciam, qui illos libros deuorasti? quin nunc ipsum non dubitabo rem tantam abijcere, si id erit rectius. utrumque uero simul agi non potest, & de triumpho ambitiose, & de rep. libere. sed ne dubitaris, quin, quod honestius, id mihi futurum sit antiquius. Nam quod putas uilius esse uel mihi, quod cuius sit, uel etiam ut reip. prodesse possim, me esse cum imperio: id coram considerabimus quale

le



le sit. habet enim res deliberationem: et si ex parte  
 magnatibi assentior. De animo autem meo erga  
 remp. benefacis, quod non dubitas; & illud probe  
 iudicas, nequaquam satis pro meis officijs, pro ip-  
 sius in alios effusione illum in me liberalem fuisse:  
 eiusq. rei causam uere explicas; & eis, quæ de Fa-  
 bio, Caninioq. acta scribis, ualde consentiunt. quæ  
 si secus essent, totumq. se ille in me profudisset: ta-  
 men illa, quam scribis, custos urbis me præclaræ  
 inscriptionis memorem esse cogeret; nec mihi con-  
 cederet, ut imitarer Volcatium, aut Seruium, qui-  
 bus tu es contentus: sed aliquid nos uellet nobis di-  
 gnum & sentire, & defendere. quod quidem age-  
 rem, si liceret, alio modo, ac nunc agendum est.  
 de sua potentia dimicant homines hoc tempore, pe-  
 riculo ciuitatis. nam, si resp. defenditur; cur ea,  
 consule isto ipso, defensa non est? cur ego, in cuius  
 causa reip. salus consistebat, defensus postero anno  
 non sum? cur imperium illi, aut cur illo modo pro-  
 rogatum est? cur tantopere pugnatum est, ut de  
 eius absentis ratione habenda decem tribuni pl. fer-  
 rent? his ille rebus ita conualuit, ut nunc in uno ci-  
 ue resp. ad resistendum imbecilla sit, quam mallem,  
 tantas ei uires non dedisset, quam nunc tam ualenti  
 resisteret. sed, quoniam res eo deducta est, non quæ-  
 ram, ut scribis, τὸ σκᾶφος τῶν Ἀργειδῶν. mihi σκᾶ-  
 φος unum erit, quod a Pompeio gubernabitur. il-  
 lud ipsum, quod ais; quid fiet, cum erit dictum? dic  
 M. Tulli σὺν τοῖς. Pompeio assentiar: ipsum tamen

Pom-

Pompeio



## LIB. VII. EPIST.

Pompeium separatim ad concordiam hortabor. sic  
 enim sentio; maximo in periculo rem esse. uos sci-  
 licet plura, qui in urbe estis. uerumtamen hoc ui-  
 deo, cum homine audacissimo, paratissimoq. nego-  
 tium esse; omnes damnatos, omnes ignominia affe-  
 ctos, omnes damnatione, ignominiaq. dignos illac  
 facere, omnem ferre iuuentutem, omnem illam ur-  
 banam, ac perditam plebem, tribunos ualentes,  
 addito C. Cassio, omnes, qui ære alieno premantur;  
 quos plures esse intelligo, quam putaram. causam  
 solum illa causa non habet; ceteris rebus abundat.  
 hic omnia facere omnis, ne armis decernatur: quo-  
 rum exitus semper incerti, nunc uero in alteram  
 partem magis timendi. Bibulus de prouincia deces-  
 sit; Veientonem præfecit. in decedendo erit, ut au-  
 dio, tardior. quem cum ornauit Cato, declarauit,  
 ijs se solis non inuidere, quibus nihil, aut non mul-  
 tum ad dignitatem posset accedere. Nunc uenio ad  
 priuata: ferre enim respondi tuis litteris de rep. &  
 ijs, quas in suburbano, & ijs, quas postea scripsisti.  
 ad priuata uenio. Vnum etiam de Cælio. tantum  
 abest, ut meam ille sententiam moueat, ut ualde e-  
 go ipsi, quod de sua sententia decesserit, pæniten-  
 dum putem. sed quid est, quod cuncti Lucceijs sint  
 addicti? hoc te prætermisisse miror. De Philotimo,  
 faciam equidem, ut mones: sed ego mihi ab illo non  
 rationes expectabam, quas tibi edidit, uerum id re-  
 liquum, quod ipse in Tusculano me referre, in com-  
 mentarium mea manu uoluit, quodq. idem in Asia  
 mihi



mihi sua manu scriptum dedit. id si præstaret; quan-  
 tum mihi æris alieni esse, tibi edidit, tantum, &  
 plus etiam ipse mihi deberet. sed in hoc genere, si  
 modo per remp. licebit, non accusabimur posthac:  
 neque hercule antea negligentes fuimus, sed ami-  
 corum multitudine occupati. ergo utemur, ut pol-  
 liceris, & opera, & consilio tuo: nec tibi erimus,  
 ut spero, in eo molesti. De serperastris cohortis meæ,  
 nihil est, quod doleas. ipsi enim se collegerunt admi-  
 ratione uitæ & integritatis meæ. sed me mouerat ne-  
 mo magis, quam is, quem tu neminem putas.  
 idem & initio fuerat, & nunc est egregius: sed in  
 ipsa decessione significauit, sperasse se aliquid; &  
 id, quod animum induxerat paullisper, non tenuit:  
 sed cito ad se redijt; meisq. honorificentissimis erga  
 se officijs uictus, pluris ea duxit, quam omnem pe-  
 cuniam. Ego a Curio tabulas accepi, quas mecum  
 porto. Hortensij legata cognoui. nunc aueo scire,  
 quid hominis sit, & quarum rerum auctionem in-  
 stituat. nescio enim, cur, cum portam Flumenta-  
 nam Cælius occuparit, ego Puteolos nō faciam me-  
 os. Venio ad Piræea. in quo magis reprehendendus  
 sum, quod homo Romanus Piræea scripserim, non  
 Piræeum, (sic enim omnes nostri locuti sunt) quam  
 quod, in, addiderim. non enim hoc ut opido præ-  
 posui, sed ut loco. & tamen Dionysius noster, qui  
 est nobiscum, & Nicias Cous non rebatur, opi-  
 dum esse Piræea. sed de re uidero. nostrum quidem  
 si est peccatum, in eo est, quod, non ut de opido,  
 locutus

*ad Atticum*



locutus sum, sed ut de loco: secutusque sum, non dico Cæcilium, Mane ut ex portu in Piræum; (malus enim auctor latinitatis est) sed Terentium, cuius fabellæ, propter elegantiam sermonis, putabantur a C. Lælio scribi: Heri aliquot adolescentuli comimus in Piræum. & idem, Mercator hoc addebat, captam e Sunio. quod si dñus opida uolumus esse, tam est opidum Sunium, quam Piræum. sed quoniam grammaticus es; si hoc mihi ζήτημα persolueris, magna me molestia liberaris. Ille mihi litteras blandas mittit. facit idem pro eo Balbus. mihi certum est, ab honestissima sententia digitum nusquam. sed scis, illi reliquum quantum sit. putas ne igitur uerendum esse, ne aut obijciat id nobis aliquis, si languidius; aut repetat, si fortius? quid ad hæc reperis? soluamus, inquis. age, a Cælio mutuabimur. hoc tu tamen consideres uelim: puto enim, in senatu si quando præclare pro rep. dixero, Tartessum istum tuum mihi exeunti, Iube sodes nummos curare. Quid superest? etiam. gener est suavis mihi, Tullia, Terentia quantumuis. uel ingenij, uel humanitatis satis. reliqua, quæ nosti, ferenda. scis enim, quos aperuimus. qui omnes, præter eum, de quo per te egimus, reum me facere rentur. ipsis enim expensum nemo offeret. Sed hæc coram: nam multi sermonis sunt. Tironis reficiendi spes est in M'. Curio: cui ego scripsi, tibi eum gratis simum facturum. Vale. D. v. id. Dec. a Pontio, ex Trebulano.

CICERO



CICERO S. D. ATTICO. 4

DIONYSIVM, flagrantem desiderio tui, mi-  
 si ad te, nec mehercule æquo animo, sed fuit conce-  
 dendum. quem quidem cognoui cum doctum, quod  
 mihi iam ante erat notum, tum sanctum, plenum  
 officij, studiosum etiam meæ laudis, frugi homi-  
 nem, ac, ne libertinum laudare uidear, plane ui-  
 rum bonum. Pompeium uidi I V. id. Dec. fui-  
 mus una horas duas fortasse. magna lætitia mihi ui-  
 sus est affici meo aduentu. de triumpho hortari, su-  
 scipere partes suas: monere, ne ante in senatum ac-  
 cederem, quam rem confecissem; ne, dicendis sen-  
 tentijs, aliquem tribunum alienarem. quid quæris?  
 in hoc iudicio, et officio sermonis nihil potuit esse pro-  
 lixius. de rep. autem ita mecum locutus est, quasi  
 non dubium bellum haberemus. nihil ad spem con-  
 cordiæ: plane illum ab se alienatum, cum ante in-  
 telligeret, tum uero proxime iudicasse: uenisse Hir-  
 tium a Cæsare, qui esset illi familiarissimus; ad se  
 non accessisse; & cum ille ad VIII. id. Dec. iuespe-  
 ri uenisset, Balbus de tota re constituiisset, ad VII.  
 ad Scipionem ante lucem uenisse; multa de nocte  
 profectum esse ad Cæsarem. hoc illi ~~tempus~~ <sup>tempus</sup> ~~des~~ <sup>des</sup> ~~ui~~ <sup>ui</sup>  
 debatur esse alienationis. quid multa? nihil me a-  
 liud consolatur, nisi quod illum, cui etiam inimici  
 alterum consulatum, fortuna summam potentiam  
 dederit, non arbitror fore tam amentem, ut hæc in  
 discrimen adducat. quod si ruere cæperit; nã ego  
 multa

*ad Atticum*

Q



multa timeo; quæ non audeo scribere. sed, ut nunc est, ad III. non. Ian. ad urbem cogito. Vale.

CICERO S. D. ATTICO. 5

MULTAS uno tempore accepi epistolas tuas: quæ mihi, quamquam recentiora audiebam ex ijs, qui ad me ueniebant, tamen erant iucundæ. studium enim, & benevolentiam declarabant. In ualitudine tua moueor: & Piliam in idem genus morbi delapsam, curam tibi afferre maiorem sentio. date igitur operam, ut ualeatis. De Tirone, uideo tibi curæ esse: quem quidem ego, et si mirabiles utilitates mihi præbet, cum ualet, in omni genere uel negotiorum, uel studiorum meorum, tamen propter humanitatem, & modestiam malo saluum, quam propter usum meum. Philogenes mecum nihil umquam de Luscenio locutus est: de ceteris rebus habes Dionysium. Sororem tuam non uenisse in Arcanum miror. De Chrysippo, meum consilium probari tibi, non moleste fero. Ego in Tusculanum nihil sane hoc tempore. denium est τοῖς ἀπαιλώσι, & habet alia δούξενσα. sed de Formiano Tarracinam pridie kal. Ian. inde Pontinium sumam: inde Albanum Pompeij: ita ad urbem III. non. natali meo. De rep. quotidie magis timeo. non enim boni, ut putauī, consentiunt. quos ego equites R. quos senatores uidi, qui acerrime cum cetera, tum hoc iter Pompeij uituperarent? pace opus est. ex uictoria cum multa mala, tum certet tyrannis existet. sed



sed hæc propediem coram. Iam plane mihi deest, quid ad te scribam. nec enim de rep. quod uterque nostrum scit eadem: & domestica nota sunt ambo-  
bus. reliquum est iocari, si hic sinat. nam ego is sum, qui, illi concedi, putem utilius esse, quod postulat, quam signa conferri. sero enim resistimus ei, quem per annos decem aluimus contra nos. quid sentis igitur? inquis. nihil scilicet, nisi de sententia tua, nec prius quidem, quam nostrum negotium aut confecerimus, aut deposuerimus. Cura igitur, ut ualeas. aliquando ἀπόρρητα quartanam istam diligentia, quæ in te summa est.

CICERO S. D. ATTICO. 6

PLANE deest, quid ad te scribam. nota omnia tibi sunt: nec ipse habeo, a te quid expectem. tantum igitur nostrum illud sollemne seruemus, ut ne quem istuc euntem sine litteris dimittamus. De rep. ualde timeo: nec adhuc fere inueni, qui non concedendum putaret Casari, quod postulare, potius, quam depugnandum. est illa quidem impudens postulatio, opinione ualentior: cur autem nunc primum ei resistamus? οὐ γὰρ ἂν τόδε μέγιστον ἔποι κακόν, quam cum quinquennium prorogabamus, aut cum, ut absentis ratio haberetur, ferebamus. nisi forte hæc illi tum arma dedimus, ut nunc cum bene parato pugnaremus. dices, quid tu igitur sensurus es? non idem, quod dicturus. sentiam enim omnia facienda, ne armis decerteur: dicam idem, quod

Q 2 Pom



## LIB. VII. EPIST.

Pompeius; neque id faciam humili animo. sed rursus hoc permagnum reip. malum est, & quodam modo mihi præter ceteros non rectum, me in tantis rebus a Pompeio dissidere. . Vale.

CICERO S. D. ATTICO. 7

DIONYSIVS, uir optimus, ut mihi quoque est perspectus, & doctissimus, tuiq. amantissimus, Romam uenit xv. kal. Ian. & litteras a te mihi reddidit. tot enim uerba sunt de Dionysio in epistola tua. illud putato. non adscribis, Et tibi gratias egit. atqui certe ille agere debuit: & si esset factum, quæ tua est humanitas, adscripsisses. mihi autem nulla de eo παλινοδία datur propter superioris epistolæ testimonium. sit igitur sane bonus uir. hoc enim ipsum bene fecit, quod mihi sui cognoscendi penitus etiam istam facultatem dedit. Philogenes recte ad te scripsit: curauit enim, quod debuit. eum ego uti ea pecunia uolui, quoad liceret. itaque usus est menses xii. Pontinium cupio ualere: & quod scribis in urbem introisse, uereor quid sit. nam id nisi graui de causa non fecisset. Ego, quoniam i v. non. Ian. compitalicius dies est, nolo eo die in Albanum uenire molestus familiæ: ueniam iiii. non. igitur: inde ad urbem prid. non. Tua λήψις quem in diem incurrat, nescio: sed prorsus te commoueri incommodo ualetudinis tuæ nolo. De honore nostro, nisi quid occulte Cæsar per suos tribunos molitus erit, cetera uidentur esse tranquilla. tranquillissimus



mus autem animus meus, qui totum istuc æqui boni facit, & eo magis, quod iam a multis audio constitutum esse Pompeio, & eius consilio, in Siciliam me mittere, quod imperium habeam. idest ΑΓΩΓΗ. nec enim senatus decreuit, nec populus iussit, me imperium in Sicilia habere. sin hoc resp. ad Pompeium refert: qui me magis, quam priuatum aliquem, mittat? itaque, si hoc imperium mihi molestum erit; utar ea porta, quam primum uidero.

Nam quod scribis, mirificam expectationem esse mei, neque tamen quemquam bonorum, aut satis bonorum dubitare, quid sensurus sim: ego, quos tu bonos esse dicas, non intelligo: ipse nullos novi, sed ita, si ordines bonorum quærimus. nam singulares sunt boni uiri. uerum in dissensionibus ordines bonorum, & genera quærenda sunt. senatum bonum putas, per quem sine imperio prouinciæ sunt? numquam enim Curio sustinisset, si cum eo agi cæptum esset. quam sententiam senatus sequi noluit. ex quo factum est, ut Cæsari non succederetur. an publicanos? qui numquam firmi. sed nunc Cæsari sunt amicissimi. an feneratores? an agricolas? quibus optatissimum est otium, nisi eos timere putas, ne sub regno sint, qui id numquam, dum modo otiosi essent, recusarunt. quid ergo? exercitum retinentis, cum legis dies transierit, rationem haberi placet? mihi uero ne absentis quidem. sed, cum id datum est, illud una datum est. Annorum decem imperium, & ita latum, placet? placet igitur etiam me expul-

Q 3 sum

*De la rose*



## LIB. VII. EPIST.

sum, & agrum Campanum perisse, & adoptatum patricium a plebeio, Gaditanum a Mitylenæo. & Labieni diuitiæ, & Mamurræ placent, & Balbi horti, & Tusculanum. sed horum omnium fons unus est. imbecillo resistendum fuit: & id erat facile. nunc legiones XI, equitatus tantus, quantum uolet; transpadani, plebs urbana, tot tribuni. pl. tam perdita iuuentus, tanta auctoritate dux, tanta audacia. cum hoc aut depugnandum est, aut habenda e legeratio. depugna, inquis potius, quam seruias: ut quid? si uictus eris, proscribare: si uiceris, tamen seruias. quid ergo, inquis, acturus es? idem quod pecudes, quæ dispulsa sui generis sequuntur greges. ut bos armenta, sic ego bonos uiros, aut eos, quicunque dicentur boni, sequar, etiam si ruent. quid sit optimum male contractis rebus, plane uideo. nemini est enim exploratum, cum ad arma uentum est, quid futurum sit: at illud omnibus, si boni uicti sunt, nec in cæde principum clementiorem hunc fore, quam Cinna fuerit, nec moderatiorem, quam Sylla, in pecunijs locupletium. Εμπολιτ' ὁμαί σοι iam dudum; & facerem diutius, nisi me lucerna desereret. Ad summam, dic M. Tulli. assentior Cn. Pompeio, idest T. Pomponio. Alexim, humanissimum puerum, nisi forte, dum ego absum, adolescens factus est, (id enim agere uidebatur) saluere iubeas uelim.

CICERO



QVID opus est de Dionysio tum ualde affir-  
mare? an mihi nutus tuus non faceret fidem? suspi-  
cionem autem eo mihi maiorem tua taciturnitas at-  
tulerat, quod & tu soles conglutinare amicitias te-  
stimonijs tuis; & illum aliter cum alijs de nobis lo-  
cutum audiebam. sed prorsus ita esse, ut scribis, mi-  
hi persuades: itaque ego is in illum sum, quem tu  
me esse uis. Diem tuum ego quoque ex epistola qua-  
dam tua, quam incipiente febricula scripseras, mihi  
notaueram; & animaduenteram, posse, pro re na-  
ta, te non incommode ad me in Albannum uenire  
III. non. Ian. sed, amabo te, nihil incommodo ua-  
letudinis feceris. quid enim est tantum in uno, aut  
altero die? Dolabellam uideo Liuiæ testamento  
cum duobus coheredibus esse in triente, sed iuberi  
mutare nomen. est πολιτικὸν σκῆμμα, rectum ne sit  
nobili adolescenti mutare nomen mulieris testamen-  
to. sed id φιλοσοφώτερον διδρακνύσομεν, cum scie-  
mus, quantum quasi sit in trientis triente. Quod  
putasti fore, ut ante, quam istuc uenirem, Pom-  
peium uiderem; factum est ita. nam VI. kal. ad La-  
uernium me consecutus est. una Formias uenimus,  
& ab hora octaua ad uesperum secreto collocuti su-  
mus. Quod quaeris, ecquæ spes pacificationis sit:  
quantum ex Pompeij multo, & accurato sermone  
perspexi, ne uoluntas quidem est. sic enim existi-  
mat, si ille, uel dimisso exercitu, consul factus sit,

Q 4 σύγχυ-

accusare



## LIB. VII. EPIST.

εὐχυσιν τῆς πολιτείας fore . atque etiam putat  
 eum, cum audierit, contra se diligenter parari, con-  
 sulatum hoc anno neglecturum, ac potius exerci-  
 tum prouinciamq. retenturum . sin autem ille fure-  
 ret; uehementer hominem contemnebat, & suis,  
 & reip. copijs confidebat . quid quæris? etsi mihi  
 crebro ξυὸς ἐνυάλιος occurrebat; tamen leuabar cu-  
 ra, uirum fortem, & peritum, & plurimum au-  
 ditoritate ualentem audiens, πολιτικῶς de pacis si-  
 mulatæ periculis differentem . habebamus autem  
 in manibus Antonij concionem, habitam x. kal.  
 Ian. in qua erat accusatio Pompeij usque a toga pu-  
 ra, querella de damnatis, terror armorum . in qui-  
 bus ille, Quid censēs, aiebat, facturum esse ipsum,  
 si in possessionem reip. uenerit, cum hac quæstor  
 eius infirmus, & inops audeat dicere? quid multa?  
 non modo non expetere pacem istam, sed etiam ti-  
 mere uisus est. ex illa autem sententia ira relinquen-  
 dæ urbis mouet hominem, ut puto . mihi autem il-  
 lud molestissimum est, quod soluendi sunt nummi  
 Cæsari, & instrumentum triumphi eo conferen-  
 dum: est enim ἀμορπον, ἀντιπολιτδοµένου χρεωφει-  
 λήτην esse . Sed hæc, & multa alia coram . Valetu-  
 dinem tuam cura diligenter .

CICERO S. D. ATTICO. 9

QVOTIDIE ne, inquis, a te accipiendæ lit-  
 teræ sunt? si habeo, cui dem, quotidie . at iam ip-  
 se ades . tum igitur, cum uenero, desinam . Vnas  
 uideo



indeo mihi a te non esse redditas; quas L. Quin-  
 ctius, familiaris meus cum ferret, ad Bustum Ba-  
 silij vulneratus, & despoliatus est. uidebis igitur,  
 num quid fuerit in ijs, quod me scire opus sit. & si-  
 mul tu hoc διδρακνίσεις: πρόβλημα sane πολιτικόν:  
 cum sit necesse, aut haberi Cæsaris rationem, illo  
 exercitum uel per senatum, uel per tribunos pl.  
 obtinente; aut persuaderi Cæsari; ut tradat provin-  
 ciam, atque exercitum, & ita consul fiat; aut, si id  
 non persuadeatur, haberi comitia sine illius ratio-  
 ne, illo patiente, atque obtinente provinciam; aut,  
 si per tribunos pl. non patiatur, tamen quiescat,  
 rem adduci ad interregnum; aut, si ob eam caus-  
 sam, quod ratio eius non habeatur, exercitum ad-  
 ducat, armis cum eo contendere; illum autem ini-  
 tium facere armorum aut statim nobis minus para-  
 tis, aut tum, cum comitijs, amicis eius postulanti-  
 bus ut e lege ratio habeatur, impetratum non sit:  
 ire autem ad arma aut hanc unam ob causam, quod  
 ratio non habeatur; aut addita causa, si forte tri-  
 bunus pl. senatum impediens, aut populum inci-  
 tans notatus, aut senatus consulto circumscriptus,  
 aut sublatus, aut expulsus sit, dicens ne se expul-  
 sum, ad illum confugerit: suscepto autem bello,  
 aut tenenda sit urbs, aut, ea relicta, ille a com-  
 meatu, & reliquis copijs intercludendus: quod ho-  
 rum malorum, quorum aliquod certe subeundum  
 est, minimum putes. dices profecto, persuaderi illi,  
 ut tradat exercitum, & ita consul fiat. est omnino  
 id

*transcription*



## LIB. VII. EPIST.

id eiusmodi, ut, si ille eo descendat, contra dici nihil possit: idque eum, si non obtinet, ut ratio habeatur retinentis exercitum, non facere miror. nobis autem, ut quidam putant, nihil est timendum magis, quam ille consul. at sic malo, inquires, quam cum exercitu. certe. sed istuc ipsum, sic, o magnum malum, putat aliquis. neque ei remedium est ullum. cedendum est, si id uolet. uide consulem illum iterum, quem uidisti consulatu priore. at tunc imbecillus plus, inquis, ualuit, quam tota respublica. quid nunc putas? & eo consule, Pompeio certum est esse in Hispania. o rem miseram: si quidem id ipsum deterrimum est, quod recusari non potest, & quod ille si faciat, iam iam a bonis omnibus summam ineat gratiam. Tollamus igitur hoc, quo illum posse adduci negant. de reliquis quid est deterrimum? concedere illi, quod, ut idem dicit, impudentissime postulat. nam quid impudentius? tenuisti prouinciam per decem annos, non tibi a senatu, sed a te ipso per uim, & per factionem datos. praterijt tempus legitimum, non legis, sed libidinis tuæ: fac tamen, legis: ut succedatur, decernitur: impedis; & ais, habet mei rationem. habet tu nostrum. exercitum tu habeas diutius, quam populus iussit, inuito senatu? Depugnes oportet, nisi concedis. Cum bona quidem spe, ut ait idem, uel uincendi, uel in libertate moriendi. Iam, si pugnandum est; quo tempore, in casu; quo consilio, in temporibus situm est. itaque te in ea questione non exerceo: ad ea



ea, quæ dixi, affer, si quid habes. equidem dies,  
noctesq. torqueor. Vale.

CICERO S. D. ATTICO. IO

SVBITO consilium cepi, ut ante, quam luce-  
ret, exirem; ne qui conspectus fieret, aut sermo,  
lietoribus præsertim laureatis. de reliquo, neque  
hercule, quid agam, nec, quid acturus sim, scio:  
ita sum perturbatus temeritate nostri amentissimi  
consilij. tibi uero quid suadeam, cuius ipse consi-  
lium expecto? Cnæus noster quid consilij ceperit,  
capiat ue, nescio, adhuc in opidis coarctatus: &  
stupent omnes. si in Italia consistat, erimus una.  
sin cedet, consilij res est. adhuc certe, nisi ego in-  
sanio, stulte omnia, & incaute. Tu, quæso, crebro  
ad me scribe, uel quod in buccam uenerit. Vale.

CICERO S. D. ATTICO. II

QVÆSO, quid hoc est? aut quid agitur?  
mibi enim tenebræ sunt. Cingulum, inquit, nos  
tenemus. Anconem amisimus. Labienus disces-  
sit ab Cæsare. utrum de imperatore populi R. an  
de Hannibale loquuntur? o hominem amentem,  
& miserum, qui ne umbram quidem umquam τῆς  
καλοῦ uiderit. atque hæc ait omnia facere se digni-  
tatis causa. ubi est autem dignitas, nisi ubi hone-  
stas? num honestum igitur, habere exercitum nul-  
lo publico consilio? occupare urbes ciuium, quo  
facilior sit aditus ad patriam? ἡγεῶν ἀποκοπὰς,  
qu-



## LIB. VII. EPIST.

φυγάδων καθόδους, sexcenta alia scelera moliri, τὴν  
 θεῶν μεγίστην ὥς ἔχειν τυραννίδα; sibi habeat suam  
 fortunam. unam mehercule tecum apricationem  
 in illo Lucretino tuo sole malim, quam omnia istius-  
 modi regna; uel potius mori millies, quam semel  
 istiusmodi quidquam cogitare. quid si tu uelis? in-  
 quis. age quis est, cui uelle non liceat? sed ego ip-  
 sum, uelle, miserius esse duco, quam in crucem  
 tolli. una res est ea miserior, adipisci, quod ita uo-  
 lueris. Sed hæc hæctenus: libenter enim in his mo-  
 lestijs ἐνχολάζῃς. redeamus ad nostrum. Per for-  
 tunas, quale tibi consilium Pompeij uidetur? hoc  
 quæro, quod urbem reliquerit. ego enim ἀπορῶ:  
 tum nihil absurdius. Urbem tu relinquant? ergo  
 idem, si Galli uenirent. non est, inquit, in parie-  
 tibus resp. at in aris, & focis. fecit idem Themisto-  
 cles. fluctum enim totius barbariæ ferre urbs una  
 non poterat. at idem Pericles non fecit, annum  
 fere post quinquagesimum, cum præter mœnia ni-  
 hil teneret. nostri olim, urbe reliqua capta, arcem  
 tamen retinuerunt.

οὕτω που τῶν πρόθεν ἐπενδόμεθα κλέα ἀνδρῶν.

rursus autem ex dolore municipali, sermonibusq.  
 eorum, quos conuenio, uidetur hoc consilium exi-  
 tum habiturum. mira hominum querella est, (ne-  
 scio istic: sed facies, ut sciam) sine magistratibus  
 urbem esse, sine senatu. fugiens denique Pompeius  
 mirabiliter homines mouet. quid quæris? alia caus-  
 sa facta: nihil iam concedendum putant Cæsari.

hæc,



hæc, tu mihi explica, qualia sint. Ego negotio præsum non turbulento. uult enim me Pompeius esse, quem tota hæc Campana, & maritima ora habeat ἐπίσκοπον, ad quem delectus, & summa negotij referatur. itaque uagus esse cogitabam. Te puto iam uidere, quæ sit ὁρμή Caesaris, qui populus, qui totius negotij status. ea uelim scribas ad me, & quidem, quoniam mutabilia sunt, quamsepiissime. acquiesco enim & scribens ad te, & legens tua. Vale.

CICERO S. D. ATTICO. 12

VNAM adhuc a te epistolam acceperam, datam XII. kal. Iun. in qua significabatur, aliam te ante dedisse, quam non acceperam. sed quæso, ut scribas quamsepiissime, non modo si quid scies, aut audieris sed etiam si quid suspicabere; maximeq. quid nobis faciundum, aut non faciundum putas. Nam quod rogas, curem, ut scias, quid Pompeius agat: ne ipsum quidem scire puto: nostrum quidem nemo. uidi Lentulum cos. Formijs x. kal. uidi Libonem. plena timoris, & terroris omnia. ille iter Larinum. ibi enim cohortes, & Luceria, & Theani, reliquæ in Apulia. inde utrum consistere uspiam uelit, an mare transire, nescitur. si manet; uereor, ne exercitum firmum habere non possit. sin discedit; quo, aut qua, aut quid nobis agendum sit, nescio. nam istum quidem, cuius φάλαγξιμόν times, omnia tæterrimè facturum puto.

nec

*Handwritten signature: M. Valerius*



## LIB. VII. EPIST.

nec enim rerum prolatio, nec senatus, magistratumq. discessus, nec ærarium clausum tardabit. Sed hæc, ut scribis, cito sciemus. interim uelim mihi ignoscas, quod ad te scribo tam multa toties. acquiesco enim, & tuas uolo elicere litteras, maximeq. consilium, quid agam, aut quo me pacto geram; dimittam ne me penitus in causam, (non deterreo periculo, sed disrumpor dolore: tam ne nullo consilio, aut tam contra meum consilium gesta esse omnia?) an cuncter, & tergiverser, & ijs me dem, qui tenent, qui potiuntur. αὐ δέ οὐκ αὖ Τρῶας; nec solum ciuis, sed etiam amici officio reuocor. etsi frangor sæpe misericordia puerorum. ut igitur ita perturbato, etsi te eadem sollicitant, scribe aliquid, & maxime, si Pompeius Italia cedit, quid nobis agendum putes. M'. quidem Lepidus (nam fuimus una) eum finem statuit, L. Torquatus eundem. me cum multa, tum etiam lictores impediunt. nihil uidi umquam, quod minus explicari posset. itaque a te nihil dum certi exquiro, sed quid uideatur. denique ipsam ἀπορίαν tuam cupio cognoscere. Labienum ab illo discessisse, propemodum constat. si ita factum esset, ut ille Romam ueniens magistratum, & senatum Romæ offenderet: magno usui causæ nostræ fuisset. damnasse enim sceleris hominem amicum, reip. causa, uideretur. quod nunc quoque uidetur, sed minus prodest. non enim habet, cui prosit: eumq. arbitror pænitere: nisi forte id ipsum est falsum, discessisse illum: nos quidem  
pro



pro certo habebamus. Et uelim, (quamquam, ut scribis, domesticis te finibus tenes) formam mihi urbis exponas, ecquod Pompeij desiderium, ecquæ Cæsaris inuidia appareat; etiam quid censeas de Terentia, & Tullia, Romæ eas esse, an mecum, an aliquo tuto loco. & hæc, & si quid aliud, ad me scribas uelim, uel potius scriptites. Vale.

CICERO S. D. ATTICO. 13

DE Vennonianis rebus tibi assentior. Labienum ἡρώα iudico. facinus iam diu nullum ciuile præclarius. qui ut aliud nihil, hoc tamen profecit; dedit illi dolorem. sed etiam ad summam profectum aliquid puto. amo etiam Pisonem: cuius iudicium de genere suspicor uisum iri graue. quamquam, genus belli quod sit, uides. ita ciuile est, ut non ex ciuium dissensione, sed ex unius perditionis ciuis audacia natum sit. is autem ualet; exercitum tenet multa spe, & promissis; omnia omnium concupiuit. huic tradita urbs est, nuda præsidio, referta copijs. quid est, quod ab eo non metuas, qui illa templa, & tecta non patriam, sed prædam putet? quid autem sit acturus, aut quo modo, nescio, sine senatu, sine magistratu. ne simulare quidem poterit quidquam πολιτικῶς. nos autem ubi exurgere poterimus? aut quando? quorum dux quam ἀσπατήντος, tu quoque animaduertis; cui ne Picena quidem nota fuerint. quæ autem sine consilio res stet? ut enim alia omittam decem annorum peccata, quæ condi-



condicio non huic fugæ præstitit? nec uero nunc quid cogitet, scio: ac non desino per litteras sciscitari. nihil esse timidius constat, nihil perturbatius. itaque nec præsidium, cuius parandi causa ad urbem retentus est, nec locum, ac sedem præsidij ullam uideo. spes omnis in duabus, inuidiose retentis, pæne alienis legionibus. nam delectus adhuc quidem inuitorum est, & a pugnando abhorrentium. conditionum autem amissum tempus est. quid futurum sit, non uideo. commissum quidem a nobis certe est, siue a nostro duce, ut, e portu sine gubernaculis egressi, tempestati nos traderemus. itaque de Ciceronibus nostris dubito quid agam. nam mihi interdum amandandi uidentur in Græciam. de Tullia autem, & Terentia, cum mihi barbarorum aduentus ad urbem proponitur, omnia timeo: cum autem Dolabellæ uenit in mentem, paulum respiro. sed uelim consideres, quid faciendum putes: primum πρὸς τὸ ἀσφαλές: (aliter enim mihi de illis, ac de me ipso, consulendum est) deinde πρὸς τὰς δόξας; ne reprehendamur, quod eas Romæ uelimus esse in communi bonorum fuga. quin etiam tibi, & Peducæo, (scripsit enim ad me) quid faciatis, uidentum est. is enim splendor est uestrum, ut eadem postulentur a uobis, quæ ab amplissimis ciuibus. sed de hoc tu uidebis, quippe cum de ipso, ac de me ista considerare uelim. Reliquum est, ut, & quid agatur, quoad poteris, explores, scribasq. ad me, & quid ipse coniectura assequare. quod etiam a te magis

gis



gis exspecto. nam acta omnibus nunciantibus, a te  
exspecto futura. μάρτυς δ' ἄπιστος. Loquacitati igno-  
sces, quæ & me leuat ad te quidem scribentem, &  
elicit tuas litteras.

AENIGMA Oppiorum ex Velia plane non  
intellexi: est enim numero Platonis obscurius. iam  
intellexi tuum ænigma. Oppios enim de Velia Sac \*  
cones dicis in eo æstu, aut diu. quo aperto, reliqua  
patebant, & cum Terentiæ summa congruebant.  
L. Casarem uidi Minturnis ad VIII. kal. Febr.  
mane, cum absurdissimis mandatis, non hominem,  
sed scopas solutas: ut id ipsum mihi ille uideatur ir-  
ridendi causa fecisse, quid tantis de rebus huic man-  
data dederit: nisi forte non dedit, & hic sermone  
aliquo arrepto pro mandatis abusus est. Labienus,  
uir mea sententia magnus, Theanum uenit ad IX.  
kal. Febr. ibi Pompeium, consulesq. conuenit.  
qui sermo fuerit, & quid actum sit, scribam ad te,  
cum certum sciam. Pompeius ab Theano Larinum  
uersus profectus est ad VII. kal. eo die mansit  
Venasri. aliquantum animi uidetur nobis attu-  
lisse Labienus. sed ego non dum habeo, quid ad te  
ex his locis scribā. ista magis exspecto, quid illinc  
afferatur, quo pacto de Labieno ferat, quid agat  
Domitius in Marsis, Ingui Thermus, P. Atius  
Cinguli, quæ sit populi urbani uoluntas, quæ tua  
coniectura de rebus futuris. hæc uelim crebro, &  
quid tibi de mulieribus nostris placeat, & quid a-  
cturus ipse sis, scribas. Si scriberem ipse, lon-

R gior

*Epistola*



gior epistola fuisset : sed dictavi propter lippitudinem. Vale.

CICERO S. D. ATTICO.

14

AD VI. kal. Febr. Capuam Calibus proficiscens, cum leuiter lippirem, has litteras dedi. L. Caesar mandata Caesaris detulit ad Pompeium VIII kal. cum is esset cum consulibus Theani. probata condicio est, sed ita, ut ille de ijs opidis, quæ uextra suam prouinciam occupauisset, præsidia dedecet. id si fecisset, responsum est, ad urbem nos redituros esse, & rem per senatum confecturos. spero etiam in præsentia pacem nos habere. nam & illum furoris, & hunc nostrum copiarum suppænet. Me Pompeius Capuam uenire uoluit, & adiuuare delectum. in quo parum prolixè respondent Campani coloni. gladiatores Caesaris, qui Capuæ sunt, de quibus ante ad te falsum ex Torquati litteris scripseram, sane commode Pompeius distribuit, binos singulis patribus familiarum. secutorum in ludo LXXX fuerunt. eruptionem facturi fuisse dicebantur. sane multum in eo reip. prouisum est. De mulieribus nostris, in quibus est tua soror, quæso uideas, ut satis honestum nobis sit, eas Romæ esse, cum ceteræ ulla dignitate discesserint. hoc scripsi ad eas, & ad te ipsum antea. uelim, eas cohortere, ut exeant; præsertim cum ea præsidia in ora maritima habeamus, cui ego præsum, ut in his pro re nata non incommode possint esse. nam si quid offendi-

di-



dimus in genero nostro, quod quidem ego præstare non debeo; id sit maius, quod mulieres nostræ præter ceteras Romæ remanserunt. tu ipse cum Sexto, scire uelim, quid cogites de exeundo, de totaq. re quid existimes. equidem ad pacem hortari non desino: quæ uel iniusta utilior est, quam iustissimum bellum. sed hæc, ut fors tulerit. Vale.

CICERO S. D. ATTICO. 15

UT AB urbe discessi, nullum adhuc intermisi diem, quin aliquid ad te litterarum darem; non quo haberem magnopere, quid scriberem; sed ut loquerer tecum absens: quo mihi, cum coram id non liceret, nihil est iucundius. Capuam cum uenissem ad VI. kal. pridie, quam has litteras dedi, consules conueni, multosq. nostri ordinis. omnes cupiebant, Cæsarem, abductis præsidijs, stare condicionibus ijs, quas tulisset. uni Fauonio leges ab illo nobis imponi non placebat: sed is auditus in consilio. Cato enim ipse iam seruire, quam pugnare, mauult: sed tamen ait, in senatu se adesse uelle, cum de condicionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse uult. Postumus autem, de quo nominatim senatus decreuit, ut statim in Siciliam iret, Furfanoq. succederet, negat se iturum sine Catone, & suam in senatu operam, auctoritatemq. magnæstimat. ita res ad Fannium peruenit. is cum im-

R 2 perio

*Aug. 130*



perio in Siciliam præmittitur. In disputationibus nostris summa uarietas est. plerique negant, Cæsaram in condicione mansurum; postulataq. hæc ab eo interposita esse, quo minus, quod opus esset ad bellum, a nobis pararetur. ego autem eum puto facturum, ut præsidia deducat. uicerit enim, si consul factus erit, & minori scelere uicerit, quam quo est ingressus. sed accipienda plaga est. sumus enim flagitiose imparati cum a militibus, tum a pecunia: quam quidem omnem non modo priuatam, quæ in urbe est, sed etiam publicam, quæ in ærario, illi reliquimus. Pompeius ad legiones Atianas est profectus: Labienum secum habet. ego tuas opiniones de his rebus expecto. Formias me continuo recipere cogitabam. Vale.

CICERO S. D. ATTICO. 16

OMNES arbitror mihi tuas litteras redditas esse, sed primas præpostere, reliquas ordine, quo sunt omissæ, per Terentiam. De mandatis Cæsaris, aduentuq. Labieni, & responsis consulum ad Pompeium, scripsi ad te litteris ijs, quas ad v. kal. Capua dedi: pluraq. præterea in eandem epistolam conieci. nunc has expectationes habemus duas; unam, quid Cæsar acturus sit, cum acceperit ea, quæ referenda ad illum data sunt L. Cæsari; alteram, quid Pompeius agat: qui quidem ad me scribit, paucis diebus se firmum exercitum habiturum; spemq. affert, si in Picenum agrum ipse uenerit,



rit, nos Romam redituros esse. Labienum secum  
habet, non dubitantem de imbecillitate Caesaris co-  
piarum: cuius aduentu Cnæus noster multo animi  
plus habet. nos a consulibus Capuam uenire iussi  
sumus ad non. Febr. Capua profectus sum Formias  
ad III. kal. eo die cum Calibus tuas litteras hora  
fere nona accepissem, has statim dedi. De Teren-  
tia, & Tullia tibi assentior; ad quas scripseram, ad  
te ut referrent. si non dum profectæ sunt, nihil est,  
quod se moveant, quoad perspiciamus, quo loco sit  
res. Tuæ litteræ mihi gratæ, iucundæq. sunt.  
De pueris in Graciam transportandis tum cogita-  
bam, cum fuga ex Italia quæri uidebatur. nos e-  
nim Hispaniam peteremus: illis hoc æque commo-  
dum non erat. tu ipse cum Sexto etiam nunc mihi  
uideris Romæ recte esse posse. etenim minime ami-  
ci Pompeio nostro esse debetis. nemo enim umquam  
tantum de urbanis præsijs detraxit. Vides ne me  
etiam iocari? scire iam te oportet, L. Caesar quæ  
responsa referat a Pompeio, quas ab eodem ad Cæ-  
sarem ferat litteras. scriptæ enim, & datæ ita sunt,  
ut proponerentur in publico. in quo accusari mecū  
ipse Pompeium, qui, cum scriptor luculentus es-  
set, tantas res, atque eas, quæ in omnium manus  
uenturæ essent, Sextio nostro scribendas dederit.  
itaque nihil umquam legi scriptū. *onsiwd'sepov per-*  
*spici tamen ex litteris Pompeij potest, nihil Cæsa-*  
*ri negari, omniaque, & cumulate, quæ postulet,*  
*dari: quæ ille, amentissimus fuerit, nisi acceperit,*

R 3 præ-

*Salutem*



## LIB. VII. EPIST.

præsertim cum impudentissime postulauerit. quis  
 enim tu es, qui dicas, si in Hispaniam profectus e-  
 rit, si præsidia dimiserit? tamen conceditur, minus  
 honeste nunc quidem, uiolata iam ab illo rep. illa-  
 toq. bello, quam si olim de ratione habenda impe-  
 trasset: tamen uereor, ut his ipsis contentus sit.  
 nam cum ista mandata dedisset L. Cæsari, debuit  
 esse paullo quietior, dum responsa referrentur: dici-  
 tur autem nunc esse acerrimus. Trebatius quidem  
 scribit, se ab illo 1 x. kal. Febr. rogatum esse, ut  
 scriberet ad me, ut essem ad urbem: nihil ei me gra-  
 tius facere posse. hæc uerbis plurimis. intellexi ex  
 dierum ratione, ut primum de discessu nostro Cæ-  
 sar audisset, laborare eum cœpisse, ne omnes abes-  
 semus: itaque non dubito, quin ad Pisonem, quin  
 ad Seruium scripserit. illud admiror, non ipsum ad  
 me scripsisse, non per Dolabellam, non per Cælium  
 egisse. quamquam non aspernor Trebatij litteras, a  
 quo me unice diligi scio. rescripsi ad Trebatium,  
 (nam ad ipsum Cæsarem, qui mihi nihil scripsis-  
 set, nolui) quam illud hoc tempore esset difficile:  
 me tamen in prædijs meis esse, neque delectum ul-  
 lum, neque negotium suscepisse. in quo quidem ma-  
 nebo, dum spes pacis erit. sin bellum geretur; non  
 deero officio, nec dignitati meæ, pueros ὑπερδέμε-  
 vos in Græciam. totam enim Italiam flagraturam  
 bello intelligo: tantum mali excitatum partim ex  
 improbis, partim ex inuidis ciuibus. sed hæc pau-  
 cis diebus ex illius ad nostra responsa responsis intel-  
 ligen-



ligentur, quorsum euasura sint. tum ad te scribam plura, si erit bellum: sin autem etiam indutiae, te ipsum, ut spero, uidebo. Ego I V. non. Febr. quo die has litteras dedi, in Formiano, quo Capua redieram, mulieres expectabam: quibus quidem scripseram, tuis litteris admonitus, ut Romae manerent: sed audio maiorem quendam in urbe timorem esse. Capuae nonis Febr. esse uolebam, quia consules iusserant. quidquid hic erit a Pompeio allatum, statim ad te scribam: tuasq. de istis rebus litteras expectabo. Vale.

CICERO S. D. ATTICO. 17

I V. non. Febr. mulieres nostrae Formias uenerunt, tuaq. erga se officia, plena tui suauissimi studij, attulerunt. eas ego, quoad sciremus utrum turpe pace nobis, an misere bello esset utendum, in Formiano esse uolui, & una Cicerones. ipse cum fratre Capuam ad consules (nonis enim adesse iussimus) I I I. non. profectus sum, cum has litteras dedi. Responso Pompeij grata populo, & probata concioni esse dicuntur. ita putaram. quae quidem si ille repudiarit, iacebit: si acceperit. Vtrum igitur, inquires, maior? responderem, si, quemadmodum parati essemus, scirem. Cassium, erat hic auditum, expulsam Ancone, eamq. urbem a nobis teneri. si bellum futurum est, negotium utile. Caesarem quidem, L. Caesare cum mandatis de pace misso, tamen aiunt acerrime delectum habere,

R 4 loca



## LIB. VII. EPIST.

loca occupare, uincire praesidijs. o perditum latronem, uix ullo otio compensandam hanc reip. turpitudinem. sed stomachari desinamus, tempori pareamus, cum Pompeio in Hispaniam eamus. haec opto in malis; quoniam illius alterum consulatum a rep. ne data quidem occasione repulimus. Sed haec haec tenus. De Dionysio, fugit me ad te antea scribere: sed ita constitui, expectare responsa Caesaris: ut, si ad urbem rediremus, ibi nos expectaret; sin tardius id fieret, tum eum arcesseremus. omnino quid ille facere debuerit in nostra illa fuga, quid docto homine, & amico dignum fuerit, cum praesertim rogatus esset: sed haec non nimis exquiro a Graecis. tu tamen uidebis, si erit, quod nolim, arcessendus, ne molesti simus inuito. Quintus frater laborat, ut tibi, quod debet, ab Egnatio soluat. nec Egnatio uoluntas deest: nec parum locuples est: sed, cum tale tempus sit, ut Q. Titinius (multum enim est nobiscum) uiaticum se neget habere; idemq. debitoribus suis denunciarit, ut eodem fenore uterentur; atque hoc idem etiam L. Ligus fecisse dicatur; nec hoc tempore aut domi nummos Quintus habeat, aut exigere ab Egnatio, aut uersuram usquam facere possit; miratur, te non habuisse rationem huius publicae difficultatis. ego autem, etsi illud ἡ δὲ δυνάμις (ita enim putatur) obseruo; μὴ δὲ δύνῃ, praesertim in te, a quo nihil unquam uidi temere fieri; tamen illius querella mouebar. hoc, quidquid est, te scire uolui. Vale.

CICERO



CICERO S. D. ATTICO. 18

NIHIL habeo, quod ad te scribam. quin etiam eam epistolam, quam eram elucubratus, ad te non dedi. erat enim plena spei bonæ; quod et concionis uoluntatem audieram, & illum condicionibus usurum putabam, præsertim suis. ecce tibi IV. non. Febr. mane accepi litteras tuas, Philotimi, Furnij, Curionis ad Furnium, quibus irridet L. Cæsaris legationem. plane oppressi uidemur: nec, quid consilij capiam, scio: nec mehercule de me laboro: de pueris quid agam, non habeo. Capuam tamen proficiscebam hæc scribens, quo facilius de Pompeij rebus cognoscerem. Vale.

CICERO S. D. ATTICO. 19

BREVILOQVENTEM iam me tempus ipsum facit. pacem enim desperavi: bellum nostri nullum administrant. caue enim putes, quidquam esse minoris his consulibus: quorum ego spe audiendo aliquid, & cognoscendi nostri apparatus, maximo imbri Capuam ueni prid. non. ut eram iussus. illi autem non eum uenerant, sed erant uenturi, inanes imparati. Cnæus autem Luceriæ dicebatur esse, & adire cohortes legionum Atianarum non firmissimarum. at illum ruere nunciant, & iam iamq. adesse, non ut manum conserat, (quicum enim?) sed ut fugam intercludat. ego autem in Italia regi suuocodaveiv: nec te id consulo. sin extra, quid ago? ad manendum

*Drincanle*



manendum hiems, liētores, improuidi, & negligentes duces, ad fugam hortatur amicitia Cnæi, caussa bonorum, turpitudine coniungendi cum tyranno: qui quidem, incertum est, Phalarim ne, an Pisistratum sit imitaturus. Hæc uelim explices, & me iuues consilio: etsi te ipsum istic iam calere puto: sed tamen quantum poteris. ego si quid hodie noui cognoro, scies. iam enim aderunt consules ad suas nonas. Tuas quotidie litteras expectabo. ad has autem, cum poteris, rescribes. Mulieres, & Cicerones in Formiano reliqui. Vale.

CICERO S. D. ATTICO. 20

DE malis nostris tu prius audis, quam nos: istinc enim emanant. boni autem hinc quod expectes, nihil est. Veni Capuam ad non. Febr. ita ut iusserant consules. eo die Lentulus uenit sero. alter consul omnino non uenerat VII. idus. eo enim die ego Capua discessi, & mansi Calibus. inde has litteras postridie ante lucem dedi. hæc, Capuæ dum fui, cognoui, nihil in consulibus, nullum usquam delectum. nec enim conquisitores *φαινομενοσπειν* audent; cum ille adsit contra; cum noster dux nusquam sit, nihil agat: nec nomina dant: deficit enim non uoluntas, sed spes. Cnæus autem noster (o rem miseram, & incredibilem) ut totus iacet. non animus est, non consilium, non copiæ, non diligentia. mitto illam fugam ab urbe turpissimam, timidissimas in opidis conciones, ignorationē non solum



solum aduersarij, sed etiam suarum copiarum. hoc cuiusmodi est? VII. id. Febr. Capuam C. Cassius trib. pl. uenit, attulit mandata ad consules, ut Romam uenirent, pecuniam de sanctiore ærario auferrent, statim exirent urbe relicta. redeant, quo præsidio? deinde exeant, quis sinat? consul ei rescripsit, ut prius ipse in Picenū. at illud totū erat amissum: sciebat nemo, præter me ex litteris Dolabellæ. mihi dubium non erat, quin ille iam iamq. foret in Apulia, Cnæus noster in naui. ego quid agam? *ἐκέρμα* magnum, neque mehercule mihi quidem ullum, nisi omnia essent acta turpissime: neque ego ullius consilij particeps. sed tamen, quod me deceat. ipse me Cæsar ad pacem hortatur: sed antiquiores litteræ, quam ruere cœpit. Dolabella, Cælius, me illi ualde satisfacere. mira me *ἀπορία* torquet. iuuamē consilio, si potes: & tamen ista, quantum potes, provide. nihil habeo, tanta rerum perturbatione, quod scribam. tuas litteras exspecto. Vale.

CICERO S. D. ATTICO. 21

PEDEM in Italia uideo nullum esse, qui non in istius potestate sit. De Pópeio scio nihil; eumque, nisi in nauim se contulerit, exceptum iri puto. o celeritatem incredibilem, huius autem nostri: sed non possum sine dolore accusare eum, de quo angor, & crucior. Tu cædem non sine caussa times: non quo minus quidquam Cæsari expediat ad diuturnitatem uictoriæ, & dominationis: sed

hi-

*leg. uet. ar. v. d.*



uideo quorum arbitrio sit, acturus. recte sit. cen-  
seo cedendum de opidis his. egeo consilij. quod o-  
ptimum factu uidebitur, facies. cum Philotimo lo-  
quere: atque adeo Terentiam habebis idibus. Ego  
quid agam? qua aut terra, aut mari persequar  
eum, qui ubi sit, nescio? etsi terra quidem qui pos-  
sum? mari, quo? tradam igitur isti me? fac posse  
tuto: multi enim hortantur: num etiam honeste?  
nullo modo quidem. a te petam consilium, ut so-  
leo. explicari res non potest: sed tamen, si quid in  
mentem uenit, uelim scribas, & ipse quid sis  
acturus. Vale.

CICERO S. D. ATTICO. 22

V. id. Febr. uesperis e Philotimo litteras accepi;  
Domitium exercitum firmum habere; cohortes ex  
Piceno, Lentulo, & Thermo ducentibus, cum Do-  
mitij exercitu coniunctas esse; Caesarem intercludi  
posse, eumque id timere; bonorum animos recreatos  
Romae, improbos quasi percussos. hac, metuo e-  
quidem, ne sint insomnia: sed tamen M'. Lepidum,  
L. Torquatum, C. Cassium trib. pl. (ij enim sunt  
nobiscum, idest, in Formiano) Philotimi litterae  
ad uitam renocarunt. ego autem illa metuo ne ue-  
riora sint, nos omnes pene iam captos esse, Pom-  
peium Italia cedere. quem quidem (o rem acer-  
bam) persequi Caesar dicitur. persequi Caesar Pom-  
peium? quid? ut interficiat? o me miserum: et non  
omnes nostra corpora opponimus? in quo tu quo-  
que



que ingemiscis . sed quid faciamus ? uicti , oppressi ,  
capti plane sumus . Ego tamen , Philotimi litteris  
lectis , mutavi consilium de mulieribus : quas , ut  
scripseram ad te , Romam remittebam : sed mihi  
uenit in mentem , multum fore sermonem , me iu-  
diciū iam de causa publica fecisse ; qua desperata ,  
quasi hunc gradum mei reditus esse , quod mulieres  
reuertissent . De me autem ipso tibi assentior , ne me  
dem incertæ , & periculosæ fugæ ; cum reip. nihil  
prosim , nihil Pompeio ; pro quo emori cum pie pos-  
sum , tum libenter . manebo igitur : & si uiuere .

Quod quæris , hic quid agatur : tota Capua , & o-  
mnis hic delectus iacet : desperata res est ; in fuga  
omnes sunt ; nisi quid eiusmodi fuerit , ut Pompeius  
istas Domitij copias cum suis coniungat , sed uide-  
bamur omnia biduo , triduo uescituri . Cæsaris lit-  
terarum exemplum tibi misi : rogaras enim . cui  
nos ualde satisfacere , multi ad me scripserunt .  
quod patior facile ; dum , ut adhuc , nihil faciam  
turpiter . Vale .

CICERO S. D. ATTICO. 23

PHILOTIMI litteræ me quidem non nimis  
sed eos , qui in his locis erant , admodum delecta-  
runt . ecce postridie Cassij litteræ Capua a Lucre-  
tia , familiari eius , Nigidium a Domitio Capuam  
uenisse ; eum dicere , Vibullium cum paucis militi-  
bus e Piceno currere ad Cnæum , confestim sequi  
Cæsarem , Domitium non habere militum uim . idē  
scripsit ,

Compositum.



LIB. VII. EPIST.

scripsit, consules Capua discessisse. non dubito, quin Cnaeus in fuga sit. modo effugiat. a consilio fugiendi, ut tu censes, absum. Vale.

CICERO S. D. ATTICO. 24

CUM dedissem ad te litteras tristes, & metuo ne ueras, de Lucretij ad Cassium litteris Capua missus; Cephalio uenit a uobis, attulit etiam a te litteras hilariores, nec tamen firmas, ut soles. omnia facilius credere possum, quam quod scribitis, Pompeium exercitum habere. nemo huc ita affert; omniaque, quæ nolim. rem miseram. malas causas semper obtinuit, in optima concidit. quid dicam? nisi, illud eum scisse; neque enim erat difficile; hoc nescisse; erat enim ars difficilis, recte remp. regere. Sed iam iamq. omnia sciemus, & scribemus ad te statim. Vale.

CICERO S. D. ATTICO. 25

NON uenit idem usu mihi, quod tu tibi scribis. Quoties exorior. ego enim nunc paulum exorior, & maxime quidem his litteris, quæ Roma afferuntur, de Domitio, de Picentium cohortibus. omnia erant facta hoc biduo letiora: itaque fuga, quæ parabatur, repressa est. Cæsaris interdicta, Si te secundo lumine hic offendero, respuuntur. bona de Domitio, præclara de Afranio fama est. Quod me amicissime admones, ut me integrum quoad possim, seruem; gratum est. Quod addis, ne propensior



penſior ad turpem cauſſam uidear: certe uideri poſſum. ego me ducem in ciuili bello, quoad de pace ageretur, negari eſſe: non quin rectum eſſet: ſed quia, quod multo rectius fuit, id mihi fraudem tulit. plane eum, cui Cnæus noſter alterum conſulatum deferret, & triumphum, at quibus uerbis? pro ſuis geſtis ampliffimis, inimicum habere noluerā. ego ſcio, & quem metuum, & quam ob rem. ſi erit bellum, ut uideo fore: partes meæ non deſiderabuntur. De H S x x Terentia tibi reſcripſit.

Dionyſio, dum exiſtimabam uagos nos fore, nolui moleſtus eſſe. tibi autem, crebro ad me ſcribenti de eius officio, nihil reſcripſi; quod diem ex die exſpectabam, ut ſtatuere, quid eſſet faciundum. nunc, ut uideo, pueri certe in Formiano uidentur hiematuri: num & ego, neſcio. ſi enim erit bellum, cum Pompeio eſſe conſtitui. quod habebo certi, faciam, ut ſcias. ego bellum ſædiſſimum futurum puto; niſi qui, ut tu ſcis, Parthicus caſus extiterit. Vale.

*Maximo S. capto*



M. TVLLII-CICERONIS  
EPISTOLARVM·AD T.

POMPONIVM·ATTICVM

LIBER·VIII.

CICERO S. D. ATTICO.

**C**VM ad te litteras dedissem, redditæ  
mibi litteræ sunt a Pompeio. cetera de  
rebus in Piceno gestis, quæ ad se V-  
bullius scripsisset, de delectu Domitij;  
quæ sunt nobis nota, nec tam læta erant in his litte-  
ris, quam ad me Philotimus scripserat: ( ipsam ti-  
bi epistolam misissem; sed subito fratris puer profi-  
ciscebatur: cras igitur mittam ) sed in ea Pompeij  
epistola erat in extremo, ipsius manu: Tu, censeo,  
Luceriam uenias: nusquam eris tutius. Id ego in  
eam partem accepi, hæc opida, atque oram ma-  
ritimam illum pro derelicto habere: nec sum mira-  
tus, eum, qui caput ipsum reliquisset, reliquis mem-  
bris non parcere. ei statim rescripsi, hominemq. cer-  
tum nisi de comitibus meis, non me querere, ubi  
tutissimo essem: si me uellet sua, aut reip. caussa Lu-  
ceriam uenire, statim esse uenturum: hortatusq.  
sum, ut oram maritimam retineret, si rem frumen-  
tariam sibi ex prouincijs suppeditari uellet. Hæc me  
frustra scribere uidebam: sed uti in urbe retinenda  
tunc, sic nunc in Italia non relinquenda testificabar  
sententiam meam. sic enim parari uideo, ut Luce-  
riam



quotannis periculose egrotantis, anima positas omnes nostras spes habemus, non expulsi, sed euocati e patria, quam non seruandam ad reditum nostrum, sed diripiendam, inflammandamq. reliquimus. ita multi nobiscum sunt, non in suburbanis, non in hortis, non in ipsa. & si non sunt, non erunt. nos interea, ne Capuæ quidem, sed Luceriæ. & oram quidem maritimam iam relinquemus. Afranium exstetabimus, & Petreium. nam in Labieno parum est dignitatis. hic tu in me \* illud desideras. nihil de me dico: alij uiderint. hic quidem quæ est \* domi uestræ estis, & eritis omnes boni. quis tum se mihi non ostendit? quis nunc adest hoc bello? sic enim iam appellandum est. Vibullij res gestæ sunt adhuc maximæ. id ex Pompeij litteris cognosces. in quibus animaduertito illum locum, ubi erit διπλῆ. uidebis, de Cnæo nostro ipso Vibullius quid existimet. Quo igitur hæc spectat oratio? ego pro Pompeio libenter emori possum. facio pluris omnium hominum neminem. sed non ita non meo iudicio spem de salute reip. Significas enim aliquanto secus, quam solebas: ut etiam, Italia si ille cedat, putes cedendum: quod ego nec reip. puto esse utile, nec liberis meis: præterea neque rectum, neque honestum. sed cur? poteris ne uidere tyrannum? quasi intersit, audiam, an uideam; aut locupletior mihi sit querendus auctor, quam Socrates; qui, cum triginta tyranni essent, pedem porta non extulit. Est mihi præterea præcipua causa manendi: de qua

animi populi  
in me semper  
esse paratum  
legimus  
non in hortis  
non in ipsa  
\* ad alij  
non in  
quædam  
Afranium  
Petreium  
nam in Labie  
no parum est  
dignitatis  
hic tu in me  
\* illud deside  
ras  
nihil de me  
dico  
alij uiderint  
hic quidem  
quæ  
est  
\* domi uestræ  
estis  
& eritis omnes  
boni  
quis  
tum se mihi  
non ostendit  
quis nunc  
adeſt hoc bel  
lo  
sic enim iam  
appellandum  
est  
Vibullij res  
gestæ sunt  
adhuc maximæ  
id ex Pompeij  
litteris  
cognosces  
in quibus  
animaduertito  
illum locum  
ubi  
erit διπλῆ  
uidebis  
de Cnæo  
nostro ipso  
Vibullius  
quid existimet  
Quo igitur  
hæc spectat  
oratio  
ego  
pro Pompeio  
libenter emori  
possum  
facio pluris  
omnium  
hominum  
neminem  
sed non ita  
non meo  
iudicio  
spem de salute  
reip  
Significas  
enim aliquan  
to secus  
quam solebas  
ut etiam  
Italia si ille  
cedat  
putas  
cedendum  
quod ego  
nec reip  
puto esse  
utile  
nec liberis  
meis  
præterea  
neque rectum  
neque  
honestum  
sed cur  
poteris  
ne uidere  
tyrannum  
quasi  
intersit  
audiam  
an uideam  
aut locupletior  
mihi  
sit querendus  
auctor  
quam Socrates  
qui  
cum  
triginta  
tyranni  
essent  
pedem porta  
non extulit  
Est mihi  
præterea  
præcipua  
causa manendi  
de qua

Cyprinus



LIB. VIII. EPIST.

utinam aliquando tecum loquar. Ego XIII. kal.  
cum eadem lucerna hanc epistolam scripisssem, qua  
inflammaram tuam, Formijs ad Pompeium, si de  
pace ageretur, profecturus eram; si de bello, uide-  
ro. Vale.

CICERO S. D. ATTICO. 3

MAXIMIS, & miserrimis rebus perturba-  
tus, cum coram tecum mihi potestas deliberandi  
non esset, uti tamen tuo consilio uolui. deliberatio  
autem omnis hæc est: si Pompeius Italia cedat,  
quod eum facturum esse suspicor, quid mihi agen-  
dum putes. & quo facilius consilium dare possis;  
quid in utramque partem mihi in mentem ueniat,  
explicabo breui. Cum merita Pompeij summa er-  
ga salutem meam, familiaritasque, quæ mihi cum  
eo est, tum ipsa reip. causa me adducit, ut mihi uel  
consilium meum cum illius consilio, uel fortuna con-  
iungenda esse uideatur. Accedit illud: si maneo, et  
illum comitatum optimorum, & clarissimorum ci-  
uium desero; cadendum est in unius potestatem. qui  
etsi multis rebus significat se nobis esse amicum; &  
ut esset, a me est (tute scis) propter suspicionem  
huius impendentis tempestatis multo ante proui-  
sum: tamen utrumque considerandum est, & quan-  
ta ei fides sit habenda; & si maxime exploratum  
sit, eum nobis amicum fore, sit ne uiri fortis, & bo-  
ni ciuis, esse in ea urbe, in qua cum summis honori-  
bus, imperijsq. usus sit, res maximas gesserit, sa-  
cerdo-



cerdotio sit amplissimo præditus, non futurus sit  
 suis iuris, subeundumq. periculum sit cum aliquo for  
 te dedecore, si quando Pompeius remp. recupera  
 rit. In hac parte hæc sunt: uide nunc, quæ sint in  
 altera. Nihil actum est a Pompeio nostro sapien  
 ter, nihil fortiter; adde etiam, nihil nisi contra con  
 silium auctoritatemq. meam. Omitto illa uetera,  
 quod istum in remp. ille aluit, auxit, armauit; ille  
 legibus per uim, et contra auspicia ferendis auctor;  
 ille Galliæ ulterioris adiunctor; ille gener; ille in a  
 doptando P. Clodio augur; ille restituendi mei,  
 quam retinendi, studiosior; ille prouinciæ propa  
 gator; ille absentis in omnibus adiutor: idem etiam  
 tertio consulatu, postquam esse defensor reip. cæ  
 pit, contendit, ut decem tribuni pl. ferrent, ut ab  
 sentis ratio haberetur: quod idem ipse sanxit lege  
 quadam sua. Marcoq. Marcello consuli, finienti  
 prouincias Gallias kal. Mart. restitit: sed, ut hæc  
 omittam, quid scdus, quid perturbatius hoc ab ur  
 be discessu, siue potius turpissima fuga? quæ con  
 dicio non accipienda fuit potius, quam relinquenda  
 patria? malæ condiciones erant, fateor: sed numquid  
 hoc peius? at recuperabit remp. quando? aut quid  
 ad eam spem est parati? non ager Picenus amissus?  
 non patefactum iter ad urbem? non pecunia omnis  
 & publica, & priuata aduersario tradita? deni  
 que nulla caussa, nullæ uires, nulla sedes, quo con  
 currant, qui remp. defensam uelint. Apulia de  
 lecta est, inanissima pars Italiæ, & ab impetu hu  
 ius



ius belli remotissima. fuga, & maritima opportu-  
 nitas uisa quæri desperatione. inuite cepi Capuam;  
 non quo minus illud defugerem, sed sine caussa, in  
 qua nullus esset ordinum, nullus apertus priuato-  
 rum dolor, bonorum autem esset aliquis, sed he-  
 bes, ut solet; & ut ipse sensissem, multitudo, &  
 infimus quisque propensus in alteram partem; mul-  
 ti mutationis rerum cupidi. dixi ipsi, me nihil su-  
 scepturum sine præsidio; & sine pecunia: itaque  
 habui nihil omnino negotij: quod ab initio uidi, nihil  
 quæri præter fugam. Eum si nunc sequor, quonam?  
 cum illo non. ad quem cum essem profectus, cogno-  
 ui in ijs locis esse Cæsarem, ut tuto Luceriam ueni-  
 re non possem. infero mari nobis, incerto cursu,  
 hieme maxima nauigandum est. Age iam, cum  
 fratre, an sine? cum filio, an quo modo? in utraque  
 enim re summa difficultas erit, summus animi do-  
 lor. Qui autem impetus illius erit in nos absentes,  
 fortunasq. nostras? acrior, quam in ceterorum;  
 quod putabit fortasse in nobis uiolendis aliquid se  
 habere populare. Age iam has compedes, fasces  
 inquam hos laureatos efferre ex Italia, quam mo-  
 lestum est? Qui autem locus erit nobis tutus, (ut  
 iam placatis utamur fluctibus) ante quam ad il-  
 lum uenerimus? qua autem, aut quo, nihil scimus.)  
 At si restitero, & fuerit nobis in hac parte locus;  
 idem fecero, quod in Cinna dominatione Philippus,  
 quod L. Flaccus, quod Q. Mucius; quoquo modo  
 cares huic quidem cecidit: qui tamen ita dicere so-  
 lebat,



lebat, se id fore uidere, quod factum est; sed hoc malle, quam armatum ad patriæ mœnia accedere. aliter Thrasylbulus, & fortasse melius. sed est certa quædam illi Mucij ratio, atque sententia; est illa etiam Philippi; & cum sit necesse, seruire temporis; & non amittere tempus, cum sit datum. sed in hoc ipso habent tamen iudem fasces molestiam. sit enim nobis amicus, quod incertum est; sed sit: deferet triumphum. non accipere ne periculosum sit, an accipere inuidiosum ad bonos? o rem, inquis, difficilem, & inexplicabilem. atqui explicanda est. qui enim fieri potest? ac ne me existimaris ad manendum esse propensorem, quod plura in ea parte uerba fecerim. potest fieri, quod sit in multis quæstionibus, ut res uerbosior hæc fuerit, illa uerior quam obrem, ut maxima de re æquo animo deliberanti, ita mihi des consilium uelim. nauis & in Caieta est parata nobis, & Brundisij. sed ecce nuncij, scribente me hæc ipsa noctu in Caleno, ecce litteræ, Cæsarem ad Corfinium, Domitium Corfinij cum firmo exercitu, & pugnare cupientes. non puto etiam hoc Cnæum nostrum commissurum, ut Domitium relinquat. etsi Brundisium Scipionem cum cohortibus duabus præmiserat: legionem a Fausto conscriptam, in Siciliam sibi placere a consule duci, scripserat ad consules. sed turpe Domitium erit deferere, implorantem eius auxilium. est quædam spes mihi quidem non magna, sed in his locis firma, Afranium in Pyrenæo cum Tre-



## LIB. VIII. EPIST.

bonio pugnasse, pulsum Trebonium, etiam Fabium  
tuum transisse cum cohortibus: summum autem,  
Afranium cum magnis copijs aduentare. id si est,  
in Italia fortasse manebitur; ego autem, cum esset  
incertum iter Caesaris, quod uel ad Capuam, uel ad  
Luceriam iturus putabatur, Leptam ad Pompeiũ  
misi, & litteras; ipse, ne quo inciderem, reuerti  
Formias. Hæc te scire uolui, scripsiq. sedatiore ani-  
mo, quam proxime scripseram, nullum meum iu-  
diciũ interponens, sed exquirens tuum. Vale.

CICERO S. D. ATTICO. 4

DIONYSIUS quidem tuus potius, quam no-  
ster, cuius ego cum satis cognossem mores, tuo ta-  
men potius stabam iudicio, quam meo, ne tuum  
quidem testimonium, quod ei sæpe apud me dede-  
ras, ueritus, superbum se præbuit in fortuna, quam  
putauit nostram fore; cuius fortunæ nos, quantum  
humano consilio effici poterit, motam ratione qua-  
dam gubernabimus. cui qui noster honos, quod ob-  
sequium, quæ etiam ad ceteros contempti cuiusdam  
hominis commendatio defuit? ut meum iudiciũ  
reprehendi a Quinto fratre, uulgoq. ab omnibus  
mallem, quam illum non efferre laudibus; Cicero-  
nesq. nostros meo potius labore subdoceri, quam  
me alium ijs magistrum quærere, ad quem ego quas  
litteras, dii immortales, miseram, quantum ho-  
nori significantes, quantum amoris. Dicæarchum  
mehercule, aut Aristoxenũ diceres arcessi, non  
unum



unum omnium loquacissimum, & minime aptum ad docendum. sed est memoria bona. me dicet esse meliore. Quibus litteris ita respondit, ut ego nemini, cuius causam non reciperem. semper enim, si potero, si ante suscepta causa non impediar. numquam reo cuiquam, tam humili, tam sordido, tam nocenti, tam alieno, tam præcise negavi, quam hic mihi. plane sine ulla exceptione præcidit. nihil cognoui ingratius: in quo vitio nihil mali non inest. Sed de hoc nimis multa. Ego nauem paravi: tuas litteras tamen exspecto; ut sciam, quid respondeant consultationi meæ. Sulmone C. Atium Pelignum aperuisse Antonio portas, cum essent cohortes quinque, Q. Lucretium inde effugisse scis, Cnæum ire Brundisium desertum. confecta res est. Vale.

CICERO S. D. ATTICO. 5

CVM ante lucem VIII. kal. ad te litteras dedissem, uespero ad nos eodem die uenit ipse Dionysius, auctoritate tua permotus, ut suspicor. quid enim putem aliud? etsi solet, cum aliquid furiose fecit pænitere. numquam autem certior fuit, quam in hoc negotio. nam quod ad te non scripseram, postea audiui, a tertio milliario tum eum isse πολλὰ καὶ περὶ πολλὰ KAE PECCINE CHE παρὰ τοὺς δῆτα. \* multa, inquam, mala cum dixisset suo capiti, ut aiunt. sed meam mansuetudinem. conieceram in fasciculum una cum tua uenientem ad illum epistolā: hanc ad me referri uolo; nec ullam ob aliam causam



Sam Pollicem, seruum a pedibus meum Romam  
misi. eo autem ad te scripsi, ut, si tibi forte reddita  
esset, mihi curares referendam; ne in illius manus  
perueniret. Noui si quid esset, scripsissem. pendeo  
animi expectatione Corfiniensi; in qua de salute  
reip. decernitur. Tu fasciculum, qui est M'. Cu-  
rio inscriptus, uelim cures ad eum perferendum; Ti-  
ronemq. Curio commendes; ut ei, ut petijt, si quid  
opus erit, in sumptum eroget. Vale.

CICERO S. D. ATTICO. 6

OBSIGNATA iam epistola, quam de nocte  
daturus eram, sicut dedi, (nam eam uesperis scri-  
pseram) C. Sossius prator in Formianum uenit ad  
M. Lepidum, uicium nostrum, cuius quaestor fuit;  
Pompeij litterarum ad consulem exemplum attu-  
lit. Litterae mihi a L. Domitio ad VIII. kal. Mart.  
allatae sunt. earum exemplum infra scripsi. nunc,  
ut ego non scribam, tua sponte te intelligere scio,  
quanti reip. intersit, omnes copias in unum locum  
primo quoque tempore conuenire. tu, si tibi uide-  
bitur, dabis operam, quamprimum ad nos uenias.  
praesidij Capuae, quantum constitueris esse satis, re-  
linquas. Vale. Deinde supposuit exemplum e-  
pistolae Domitij, quod ego ad te pridie miseram. Dij  
immortales, qui me horror perfudit. quam sum so-  
licitus, quidnam futurum sit. hoc tamen spero, ma-  
gnum nomen imperatoris fore, magnum in aduen-  
tu terrorem. spero etiam, quoniam adhuc nihil no-  
bis



bis obfuit, nihil mutasse, nec tegentia hoc, quod \*  
 cum fortiter, et diligenter, tum etiam mehercule: \*  
 modo enim audiui, quartanam a te discessisse. Mo- \*  
 riar, si magis gauderem, si id mihi accidisset. Pi-  
 liae dic, non esse equum, eam diutius habere, nec  
 id esse uestrae concordiae. Tironem nostrum ab alte-  
 ra relictum audio. sed cum uideo in sumptum ab  
 alijs mutuatum. ego autem Curium nostrum, si quid  
 opus esset, rogaram. malo Tironis uerecundiam in \*  
 culpa esse, quam illiberalitatem Curij. Vale.

CICERO S. D. ATTICO.

7

VNUM etiam restat amico nostro ad omne  
 dedecus, ut Domitio non subueniat. at nemo dubi-  
 tat, quin subsidio uenturus sit: ego non puto. de-  
 seret igitur talem ciuem, & eos, quos una scis es-  
 se? cum habeat praesertim & ipse cohortes xxx? \*  
 nisi me omnia fallunt, deseret incredibiliter perti-  
 muit. nihil spectat, nisi fugam: cui tu (uideo enim,  
 quid sentias) me comitem putas debere esse. ego ue-  
 ro, quem fugiam, habeo; quem sequar, non ha-  
 beo. quod enim tu meum laudas, & memorandum  
 dicis, malle quod dixerim me cum Pompeio uinci,  
 quam cum istis uincere: ego uero malo, sed cum il-  
 lo Pompeio, qui tum erat, aut qui mihi esse uide-  
 batur: cum hoc uero, qui ante fugit, quam scit,  
 aut quem fugiat, aut quo, qui nostra tradidit, qui  
 patriam reliquit, Italiam relinquit, si malui, con-  
 tigit; uictus sum: quod superest, nec ista uidere pos-  
 sum,



## LIB. VIII. EPIST.

sum, quæ, numquam timui, ne uiderem; nec me-  
hercule istum, propter quem mihi non modo meis,  
sed memet ipso carendum est. Ad Philotimum  
scripsi de uiatico, siue a Moneta, (nemo enim sol-  
uit) siue ab Oppijs, tuis contubernalibus. cetera  
apposita tibi mandabo. Vale.

CICERO S. D. ATTICO. 8

O REM turpem, & ea re miseram. sic enim  
sentio, id demum, aut potius id solum esse mise-  
rum, quod turpe sit. aluerat Cæsarem: eundem  
repente timere cæperat: condicionem pacis nullam  
probarat: nihil ad bellum pararat: urbem relin-  
quebat: Picenum amiserat culpa: in Apuliam se com-  
pegerat: ibat in Græciam: omnes nos ἀποσφονί-  
τους, expertes sui tanti, tam inusitati consilij, relin-  
quebat. ecce subito litteræ Domitij ad illum, ipsius  
ad consules. fulsisse mihi uidebatur τὸ καλὸν ad ocu-  
los eius, & exclamasse ille uir, qui esse debuit,  
Πρὸς ταῦτ' ὅ, τί γὰρ, καὶ παλαμάδων,  
καὶ πάντ' ἐπ' ἐμοὶ τεκταινέδων.  
Τὸ γὰρ ὅ, μετ' ἐμοῦ.  
at ille tibi, πολλὰ χαίρειν τῷ καλῷ dicens, pergit  
Brundisium. Domitium autem aiunt, re audita,  
& eos, qui una essent, se tradidisse. o rem lugu-  
brem: itaque intercludor dolore, quo ad te plura  
scribam. tuas litteras exspecto. Vale.

CICERO



## CICERO S. D. ATTICO. 9

EPISTOLAM meam quod peruulgatam scribis esse, non fero moleste: quin etiam ipse multis dedi describendam. ea enim & acciderunt iam, & impendent, ut testatum esse uelim, de pace quid censuerim. cum autem ad eam hortarer, eum praesertim hominem, non uidebar ullo modo facilius moturus, quam si id, ad quod eum hortarer, conuenire eius sapientiae dicerem. eam si admirabilem dixi, cum eum ad salutem patriae hortabar; non sum ueritus, ne uiderer assentari; cui tali in re libenter me ad pedes abiecissem. Qua autem est, Aliquid imperitias temporis; non est de pace, sed, de me ipso, & de meo officio ut aliquid cogitet. Nam quod testificor, me expertem belli fuisse; etsi id re perspectum est, tamen eo scripsi, quo in suadendo plus auctoritatis haberem. Eodemq. pertinet, quod causam eius probo. Sed quid haec nunc? utinam aliquid profectum esset: nam ego istas litteras in concione recitari uelim. siquidem ille ipse ad eundem in publico proposuit epistolam illam, in qua est, Pro tuis rebus gestis amplissimis. amplioribus ne, quam suis, quam Africani? ita tempus ferebat. siquidem etiam uos duo tales ad quintum milliarium. quid, nunc ipsum, unde se recipienti, quid agenti, quid acturo? quanto autem ferocius ille causae suae confidet, cum uos, cum uestri similes non modo frequentes, sed lato uultu gratulantes uiderit? Num igitur pecca-



## LIB. VIII. EPIST.

peccamus? minime uos quidem: sed tamen signa conturbantur, quibus uoluntas a simulatione distinguisset. Quæ uero S. C. uideo? sed apertius, quam proposueram. Ego Arpini uolo esse prid. kal. deinde circum uillulas nostras errare, quas uisurum me postea desperaui. Eūyevñ tua consilia, & tamen pro temporibus non incauta, mihi ualde probantur. Lepido quidem (nam fere σὺ δὲ ἰμπερλόμην: quod gratissimum illi est) numquam placuit ex Italia exire, Tullo multo minus. crebro enim illius litteræ ab alijs ad nos commeant. sed me illorum sententiæ minus mouebant. minus multa dederant illi reip. pignora. tua mehercule auctoritas uehementer mouet. affert enim & reliqui temporis recuperandi rationem, & præsentis tuendi. sed, obsecro te, quid hoc miserius, quam alterum plausus in fœdissima causa quærere, alterum offensiones in optima? alterum existimari conseruatorem inimicorum, alterum desertorem amicorum? & mehercule quamuis amemus Cnæum nostrum; ut & facimus, & debemus: tamen hoc, quod talibus uiris non subuenit, laudare non possum. nam siue timuit; quid ignauius? siue, ut quidam putant, meliorem suam causam illorum cæde fore putauit; quid iniustius? Sed hæc omittamus: augemus enim dolorem retrahendo. VI. kal. uestperi Balbus minor ad me uenit, occulta uia currens ad Lentulum cos. missu Cæsaris, cum litteris, cum mandatis, cum promissione prouinciæ, Romam ut redeat. cui per-



persuaderi posse non arbitror, nisi erit conuentus. idemaiebat, nihil malle Cæsarem, quam ut Pompeium assequeretur: id credo: ut rediret in gratiam, id non credo: & metuo, ne omnis hæc clementia ad unam illam crudelitatem colligatur. Balbus quidem maior ad me scribit, nihil malle Cæsarem, quam principe Pompeio sine metu uiuere. tu puto hæc credis. sed, cum hæc scribebam v. kal. Pompeius iam Brundisium poterat uenisse: expeditus enim antecesserat legiones Luceria. sed hoc tēpas horribili uigilantia, celeritate, diligentia est. plane, quid futurum sit, nescio. Vale.

CICERO S. D. ATTICO. IO

DIONYSIVS cum ad me præter opinionem meam uenisset, locutus sum cum eo liberalissime: tempora exposui: rogavi, ut diceret, quid haberet in animo: me nihil ab ipso inuito contendere. respondit: se, quod in nummis haberet, nescire quo loci esset: alios non soluere, aliorum diem non dum esse. dixit etiam alia quædam de seruulis suis, quare nobiscum esse non posset. morem gessi: dimisi a me, ut magistrum Ciceronum, non libenter; ut hominem ingratum, non inuitus. Volui te scire, quid ego de eius facto iudicarem. Vale.

CICERO S. D. ATTICO. II

QVOD me magno animi motu perturbatum putas; sum equidem, sed non tam magno, quam tibi



bi fortasse uideor. leuatur enim omnis cura, cum  
 aut consistit consilium, aut cogitando nihil explica-  
 tur. lamentari autem licet: illud tamen totos dies:  
 sed uereor, ne, nihil cum proficiam, etiam dedeco-  
 ri sim studijs, ac litteris nostris. consumo igitur o-  
 mne tempus, considerans, quanta uis sit illius uiri,  
 quem nostris libris satis diligenter, ut tibi quidem  
 uidetur, expressimus. tenes ne igitur, moderato-  
 rem illum reip. quo referre uelimus omnia? nam sic  
 quinto, ut opinor, in libro loquitur Scipio. Vte-  
 nim gubernatori cursus secundus, medico salus, im-  
 peratori uictoria, sic huic moderatori reip. beata ci-  
 uium uita proposita est, ut opibus firma, copijs lo-  
 cuples, gloria ampla, uirtute honesta sit. huius e-  
 nim operis, maximi inter homines, atque optimi,  
 illum esse effectorem nolo. Hoc Cnæus noster cum  
 antea numquam, tum in hac caussa minime cogita-  
 uit. nominatio quaesita ab utroque est, non id actū,  
 beata, & honesta ciuitas ut esset. Nec uero ille ur-  
 bem reliquit, quod eam tueri non posset; nec Ita-  
 liam, quod ea pelleretur: sed hoc a primo cogitauit,  
 omnes terras, omnia maria mouere, reges barba-  
 ros incitare, gentes feras armatas in Italiam addu-  
 cere, exercitus conficere maximos. genus illud Sul-  
 lani regni iam pridem appetitur, multis, qui una  
 sunt, cupientibus. an censes, nihil inter eos conue-  
 nire? nullam pactionem fieri potuisse? hodie po-  
 test. sed neutri σκοπὸς est ille, ut nos beati simus.  
 uterque regnare uult. Hæc, a te inuitatus, breui-  
 ter



ter exposui. uoluisti enim me, quid de his malis sentirem, ostendere. *ποδεξιζω* igitur, noster Attice, non ariolans, ut illa, cui nemo credidit, sed coniectura prospiciens. Iamq. mari magno. non multo *πομυλιν* inquam secus possum uaticinari: tanta malorum *υμμενεν* impendet *υμμενεν* illis. atque hoc nostra grauior est caussa, qui domi sumus, quam illorum, qui una transierunt, quod illi quidem alterum metuant, nos utrumque. cur igitur, inquis, remansimus? uel tibi paruimus; uel non occurrimus; uel hoc fuit rectius. conculcari, inquam, miseram Italiam uidebis proxima æstate ab utriusque mancipijs ex omni genere collectis. nec tam proscriptio pertimescenda, quæ Luceriæ multis sermonibus denunciata est, quam uniuerse interitus: tantas in confligendo utriusque uires uideo futuras. Habes coniecturam meam. tu autem consolationis fortasse aliquid expectasti. nihil inuenio. nihil fieri potest miserius, nihil perditius, nihil fædus. Quod quæris, quid Cæsar ad me scripserit: quod sæpe: gratissimum sibi esse, quod quierim: oratque, in eo ut perseuerem. Balbus minor hæc eadem mandata. iter autem eius erat ad Lentulum cos. cum litteris Cæsaris, præmiorumq. promissis, si Romam reuertisset. uerum, cum habeo rationem dierum, ante puto transmissurum, quam potuerit conueniri. Epistolarum Pompeij duarum, quas ad me misit, negligentiam, meamq. in rescribendo diligentiam uolui tibi notam esse. earum exempla ad te misi. Cæsaris hic per  
T Apuliam



## LIB. VIII. EPIST.

Apuliam ad Brundisium cursus quid efficiat, exspecto. utinam aliquid simile Parthicis rebus, simul aliquid audiero, scribam ad te. tu ad me uelim bonorum sermones. Romæ frequentes esse dicuntur. scio equidem te in publicum non prodire: sed tamen, audire te multa, necesse est. Memini tibi librum afferri, a Demetrio Magnete ad te missum, περὶ ὁμοιοτάς. eum mihi uelim mittas. uides, quam causam mediter. Vale. Cn. Pompeius procos.

M. Ciceroni imp. S. Q. Fabius ad me uenit ad i v. id. Febr. is nunciat L. Domitium cum suis cohortibus xi. & cohortibus xiv. quas Vibullius adduxit, ad me iter habere; habuisse in animo proficisci Corfinio: & ad v. id. Febr. C. Hirrum cum v. cohortibus subsequi. censeo, ad nos Luceriam uenias. nam te hic tutissime puto fore. Vale.

Cicero imp. Cn. Pompeio procos. S. Ad xv. kal. Mart. Formijs accepi tuas litteras: ex quibus ea, quæ in agro Piceno gesta erant, cognoui commodiora esse multo, quam ut erat nobis nunciatum: Vibullijq. uirtutem, industriamq. libenter agnoui. Nos adhuc in ea ora, ubi præpositi sumus, ita fuimus, ut nauem paratam haberemus. ea enim audiebamus, & ea uerebamus, ut, quodcumque tu consilium præcepisses, id nobis persequendum putaremus. nunc, quoniam auctoritate, & consilio tuo in spe firmiore sumus; si teneri posse putas Tarra-  
cinam, & oram maritimam, in ea manebo. & si præsidia in opidis nulla sunt. nemo enim nostri ordinis



dinis in his locis est, præter M. Eppium, quem ego Minturnis esse uolui, uigilantem hominem, & industrium. L. Torquatum, uirum fortem, & cum auctoritate, Formijs non habemus: ad te profectum arbitramur. ego omnino, ut proxime tibi placuerat, Capuam ueni eo ipso die, quo tu Theano Sidicino es profectus. uolueras enim me cum M. Confidio propræt. illa negotia tueri. cum eo uenissim, uidi T. Ampium delectum habere diligentissime, ab eo accipere Libonem summa item diligentia, & in illa colonia auctoritate. fui Capuæ, quoad consules. iterum, ut erat dictum ab consulibus, ueni Capuam ad non. Febr. cum fuisssem triduum, recepi me Formias. nunc quod tuum consilium, aut quæ ratio belli sit, ignoro. si tenendam hanc oram putas, quæ & opportunitatem, & dignitatem habet, & egregios ciues, & ut arbitror, teneri potest: opus est esse, qui præsit. sin omnia in unum locum contrahenda sunt: non dubito, quin ad te statim ueniam: quo mihi nihil optatius est: idq. tecum, quo die ab urbe discessimus, locutus sum. ego, si cui adhuc uideor segnior fuisse, dum ne tibi uideor, non laboro. & tamen, si, ut uideo, bellum gerendum est, cōfido me omnibus facile satisfacturum. M. Tullium, meum necessarium, ad te misi, cui tu, si tibi uideretur, ad me litteras dares. Vale.

Cn. Pompeius procos. M. Ciceroni imp. S.

Tuas litteras libenter legi. recognoui enim tuam pristinam uirtutem etiam in salute communi. con-

T 2 sules



## LIB. VIII. EPIST.

sules ad eum exercitum, quem in Apulia habui, uenerunt. Magnopere te hortor pro tuo singulari, perpetuoq. studio in remp. ut te ad nos conferas; ut communi consilio reip. afflictæ opem, atque auxilium feramus. censeo, uia Appia iter facias, & celeriter Brundisium uenias. Cura ut ualeas.

M. Cicero imp. Cn. Pompeio procos. S. Cum ad te litteras misissem, quæ tibi Canusij redditæ sunt, suspicionem nullam habebam, te reip. caussa mare transiturum; eramq. in spe magna, fore, ut in Italia possemus aut concordiam constituere, qua mihi nihil utilius uidebatur, aut remp. summa cum dignitate defendere. interim, non dum meis litteris ad te perlatis, ex ijs mandatis, quæ D. Lælio ad consules dederas, certior tui consilij factus, non expectaui, dum mihi a te litteræ redderentur; confestimq. cum Quinto fratre, & cum liberis nostris iter ad te in Apuliam facere cæpi. cum Theanum Sidicinum uenissem, C. Messius, familiaris tuus, mihi dixit, alijque complures; Cæsarem iter habere Capuam, & eo ipso die mansurum esse Esernia. sane sum commotus; quod, si ita esset, non modo iter meum interclusum, sed me ipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. at mihi, cum Calibus essem, affertur litterarum tuarum exemplum, quas tu ad Lentulum cos. misisses. hæc scriptæ sic erāt: litteras tibi a L. Domitio ad XIII. kal.



kal. Mart. allatas esse: earumq. exemplum sub-  
scripseras: magniq. interesse reip. scripseras, om-  
nes copias primo quoque tempore in unum locum  
conuenire; & ut, præsidij quod satis esset, Capuæ  
relinqueret. His ego litteris lectis, in eadem opinio-  
ne fui, qua reliqui omnes, te cum omnibus copijs  
ad Corfinium esse uenturum: quo mihi, cum Cæsar  
ad oppidum castra haberet, tutum iter esse non arbi-  
trabar. cum res in summa expectatione esset,  
utrumque simul audimus, & quæ Corfinij acta es-  
sent, & te iter Brundisium facere cœpisse. cumque  
nec mihi, nec fratri meo dubium esset, quin Brun-  
disium contenderemus, a multis, qui e Samnio,  
Apuliaq. ueniebant, admoniti sumus, ut cauere-  
mus, ne exciperemur a Cæsare; quod is in eadem  
loca, quæ nos petebamus, profectus, celerius e-  
tiam, quam nos possemus, eo, quo intenderat, uen-  
turus esset. quod cum ita esset; nec mihi, nec fratri  
meo, nec cuiquam amicorum placuit committere,  
ut temeritas nostra non solum nobis, sed etiam  
reip. noceret; cum præsertim non dubitaremus,  
quin, si etiam tutum nobis iter fuisset, te tamen  
iam consequi non possemus. interim accepimus tu-  
as litteras, Canusio ad x. kal. Mart. datas, qui-  
bus nos hortaris, ut celerius Brundisium uenia-  
mus. quas cum accepissemus ad III. kal. Mart.  
non dubitabamus, quin tu iam Brundisium perue-  
nisses: nobisq. iter illud omnino interclusum uide-  
bamus, neque minus nos esse captos, quam qui Cor

T 3 finium



## LIB. VIII. EPIST.

finium uenissent. neque enim eos solos arbitrabamur  
 capi, qui in armatorum manus incidissent, sed  
 eos nihilominus, qui regionibus exclusi, intra præ  
 sidia, atque intra arma aliena uenissent. quod cum  
 ita sit; maxime uellem primum tecum semper fuis-  
 se; quod quidem tibi ostenderam, cum a me Capu-  
 am reijciebam: quod feci non uitandi oneris causa,  
 sed quod uidebam, teneri illam urbem sine exercitu  
 non posse: accidere autem mihi nolebam, quod do-  
 leo uiris fortissimis accidisse. quoniam autem, te-  
 cum ut essem, non contigit: utinam tui consilij cer-  
 tior factus essem. nam suspitione assequi non potui;  
 quod omnia prius arbitratus sum fore, quam ut hæc  
 reip. causa in Italia non posset ducere te consiste-  
 re. neque uero nunc consilium tuum reprehendo,  
 sed fortunam reip. lugeo: nec, si ego, quid tu sis se-  
 cutus, non perspicio, iccirco minus existimo, te ni-  
 hil, nisi summa ratione, fecisse. mea quæ semper  
 fuerit sententia, primum de pace uel iniqua condi-  
 cione retinenda, deinde de urbe, (nam de Italia qui-  
 dem nihil mihi umquam ostenderas) meminisse te  
 arbitror. sed mihi non sumo, ut meum consilium ua-  
 lere debuerit: secutus sum tuum, neque id reip.  
 causa, de qua desperaui, quæ & nunc afflicta est,  
 nec excitari sine civili perniciosissimo bello potest:  
 sed te quærebam: tecum esse cupiebam: neque eius  
 rei facultatem, si qua erit, prætermittam. Ego me  
 in hac omni causa facile intelligebam pugnandi cu-  
 pidis hominibus non fatiscere. primum enim præ  
 me



metuli, me nihil malle, quam pacem: non quin eadem timerem, quæ illi: sed ea bello civili leuiora ducebam. inde, suscepto bello, cum pacis condiciones ad te afferri, a teq. ad ea honorifice, & large responderi uiderem; duxi meam rationem; quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in reip. meritis supplicia miserrima, & crudelissima pertulissem: me esse unum, qui, si offendissem eius animum, cui tum, cum iam in armis essemus, consulatus tamen alter, & triumphus amplissimus deferabatur, subijcerer eisdem prælijs: ut mea persona semper ad improborum ciuium impetus aliquid uideretur habere populare. atque hæc non ego prius sum suspicatus, quam mihi palam denunciata sunt: neque ea tam pertimui, si subeunda essent, quam declinanda putari, si honeste uitare possem. Quoniam breuem illius temporis, dum in spe pax fuit, rationem nostram uides; reliqui facultatem res ademit. Iis autem, quibus non satisfacio, facile respondeo. neque enim ego amicior C. Casari umquam fui, quam illi: neque illi amiciores reip. quam ego. hoc inter me, & illos interest; quod, cum & illi ciues optimi sint, & ego ab ista laude non absim, ego condicionibus, quod idem te intellexeram uelle, illi armis disceptari maluerunt. quæ quoniam ratio uicit; perficiam profecto, ut neque resp. ciuis a me animum, neque tu amici desideres. Vale.



MIHI molestior lippitudo erat etiam, quam ante fuerat: dictare tamen hanc epistolam malui, quam Gallo Fabio, amantissimo utriusque nostrum, nihil ad te litterarum dare. nam pridie quidem, quoquo modo potueram, scripseram ipse eas litteras, quarem uaticinationem falsam esse cupio. huius autem epistolæ non solum ea causa est, ut ne quis a me dies intermittatur, quin dem ad te litteras; sed etiam hæc iustior, ut ad te impetrarem, ut sumeres aliquid temporis; quo quia tibi perexiguu opus est, explicari mihi tuum consilium plane uolo, ut penitus intelligam. Omnia sunt integra nobis. nihil prætermisum est, quod non habeat sapientem excusationem, non modo probabilem. nam certe neque tum peccavi, cum, imparatam iam Capuam, non solum ignariæ delectus, sed etiam perfidiæ suspicionem fugiens, accipere nolui: neque, cum, post condiciones pacis per L. Cæsarem, & Fabium allatas, caui, ne animum eius offenderem, cui Pompeius iam armatus armato consulatū triumphumq. deferret. Nec uero hæc extrema quisquam potest iure reprehendere, quod mare non transierim. id enim, etsi erat deliberationis, tamen obire non potui: neque enim suspicari debui; præsertim cum ex ipsius Pompeij litteris, idem quod uideo te existimasse, non dubitarim, quin is Domitio subuenturus esset. & plane, quid rectum, & quid faciendum



dum mihi esset, diutius cogitare malui. Primum igitur, hæc qualia tibi esse uideantur, etsi sæpius significata sunt a te, tamen accuratius mihi perscribas, uelim: deinde aliquid etiam in posterum prospicias,ingasque, quem me esse deceat, & ubi me plurimum prodesse reip. sentias: ecquæ pacifica persona desideretur, an in bellatore sint omnia. Atque ego, qui omnia officio metior, recordor tamen tua consilia. quibus si paruisssem, tristitiam illorum temporum non subiissem. memini, quid mihi tum suaseris per Theophanem, per Culeonem: idq. sæpe ingemiscens sum recordatus, quare nunc saltem ad illos calculos reuertamur, quos tum abieciimus, ut non solum gloriosis consilijs utamur, sed etiam paullo salubrioribus. Sed nihil præscribo. Accurate uelim perscribas tuam ad me sententiam. Volo etiam exquiras, quam diligentissime poteris, (habebis autem, per quos possis) quid Lentulus noster, quid Domitius agat, quid acturus sit, quemadmodum nunc se gerant, num quem accusent, num cui succenseant: quid dico, num cui? num Pompeio. omnino culpam omnem Pompeius in Domitium confert: quod ipsius litteris cognosci potest: quarum exemplum ad te mitto. Hæc igitur uidebis: &, quod ad te ante scripsi, Demetrii Magnetis librum, quem ad te misit, de concordia, uelim mihi mittas. Vale.

Cn. Magnus procos. M. Marcello L. Lentulo cos. S.

Ego, quod existimabam, dispersos nos, neque reip. utiles, neque nobis præsidio esse posse, iccirco

ad



ad L. Domitium litteras misi, primum uti ipse cum omni copia ad nos ueniret: si de se dubitaret, ut cohortes XIX. quæ ex Piceno ad me iter habebant, ad nos mitteret. quod ueritus sum, factum est, ut Domitius implicaretur, neque ipse satis firmus esset ad castra faciēda: quod meas XIX. & suas XII cohortes tribus in opidis distributas haberet; (nā partim Albæ, partim Sulumone collocauit) neque, si uellet, expedire posset. nunc scitote, me esse in summa sollicitudine. nam & tot, & tales uiros periculo obsidionis liberare cupio: neque subsidio ire possum; quod his duabus legionibus non puto esse committendum, ut illuc ducantur. ex quibus tamen non amplius XIV. cohortes contrahere potui, quas Brundisium misi; neque Canusium sine praesidio, dum abessem, putavi esse dimittendum. D. Aelio mandaram, quod maiores copias sperabam nos habituros, ut, si nobis uideretur, alteruter uestrum ad me ueniret, alter in Ciliciam cum ea copia, quam Capuæ, & circum Capuam comparastis, & cum iis militibus, quos Faustus legit, proficisceretur; Domitius cum XII. suis cohortibus eodem adiungeretur; reliquæ copiae omnes Brundisium cogerentur, & inde nauibus Dyrrhachium transportarentur. nunc, cum hoc tempore nihilo magis ego, quam uos, subsidio Domitio ire possum, seu per montes explicare; non est nobis committendum, ut ad has XIV. cohortes, quas dubio animo habeo, hostis accedere, aut in itinere me consequi possit. Quam ob



obrem placitum est mihi, (etiam uideo C. Marcello, & ceteris nostri ordinis, qui hic sunt) ut Brundisium ducerem hanc copiam, quam mecum habeo. uos hortor, ut, quodcumque militum contrahere poteritis, contrahatis, & eodem ueniatis quamprimum. arma, quæ ad me missuri eratis, ijs, censeo, armetis milites, quos uobiscum habetis. quæ arma superabunt, ea si Brundisium iumentis deportarit, uehementer reip. profueritis. de hac re uelim nostros certiores faciat. ego ad P. Lupum, & C. Coponium prætores misi, ut se uobis coniungerent, & militum quod haberent, ad uos deducerent. Vale. Cn. Pompeius procos. L. Domitio procos. S. Miror, te ad me nihil scribere, & potius ab alijs, quam a te, de rep. certio rem me fieri. Nos, disiecta manu, pares aduersarijs esse non possumus. contractis nostris copijs, spero nos & reip. & communi saluti prodesse posse. quamobrem cum constituisses, ut Vibullius mihi scripserat, ad v. id. Febr. Corfinio proficisci cum exercitu, & ad me uenire: miror, quid causæ fuerit, quare consilium mutaris. nam illa causæ, quam mihi Vibullius scribit, leuis est, te propterea moratum esse, quod audieris, Casarem Firmo progressum in Castrum Truentinum uenisse. quanto enim magis appropinquare aduersarius cæpit, eo tibi celerius agendum erat, ut te mecum coniungeres, prius, quam Cæsar aut tuum iter impedire, aut me abs te excludere posset. Quamobrem etiam te rogo, et hor

tor



tor, id quod non destiti superioribus litteris a te petere, ut primo quoque die Luceriam aduenias antequam copiae, quas instituit Caesar contrahere, in unum locum coactae nos a nobis distrahant. sed si erunt, qui te impedian, ut illas suas seruent: æquum est me a te impetrare, ut cohortes, quæ ex Piceno, & Camerino uenerunt, quæ fortunas suas reliquerunt, ad me missum facias. Vale.

Cn. Pompeius procos. L. Domitio procos. S.

Litteras abs te M. Calenius ad me attulit ad XIII. kal. Mart. in quibus litteris scribis, tibi in animo esse, obseruare Caesarem, & si secundum mare ad me ire cœpisset, confestim in Samnium ad me uenturum; sin autem ille circum istæc loca commoraretur, te ei, si propius accessisset, resistere uelle. te animo magno, & forti istam rem agere existimo: sed diligentius nobis est uidendum, ne distracti pares esse aduersario non possimus; cum ille magnas copias habeat, & maiores breui habiturus sit. non enim pro tua prudentia debes illud solum animadvertere, quot in præsentia cohortes, contra te habeat Caesar, sed quantas breui tempore equitum, & peditum copias contracturus sit. cui rei testimonio sunt litteræ, quas Bussenius ad me misit; in quibus scribit, id quod ab alijs quoque mihi scribitur, præsidia Curionem, quæ in Umbria, & Tuscis erant, contrahere, & ad Caesarem iter facere. quæ si copiae in unum locum fuerint coactæ, ut pars exercitus ad Albam mittatur; pars ad te accedat,



cedat, ut non pugnet, sed locis suis repugnet: hæ-  
rebis, neque solus cum ista copia tantam multitudi-  
nem sustinere poteris, ut frumentatum eas. Quam-  
obrem te magnopere hortor, ut quamprimum cum  
omnia copia huc uenias. consules constituerunt idem  
facere. ego Metuscilio ad te mandata dedi, provi-  
dendum esse, nec duæ legiones sine Picentinis cohor-  
tibus in conspectum Caesaris committerentur.  
Quamobrem nolito commoueri, si audieris me re-  
gredi, si forte Caesar ad me ueniet. cauendum enim  
puto esse, ne implicatus hæream. nam neque castra,  
propter anni tempus, & militum animos, facere  
possum: neque ex omnibus opidis contrahere co-  
pias expedit; ne receptum amittam. itaque non am-  
plius xlv. cohortes Luceriam coegi. consules præ-  
sidia omnia deducturi sunt, aut in Siciliam ituri.  
nam aut exercitum firmum habere oportet, quo  
confidamus perrumpere nos posse; aut regiones e-  
iusmodi obtinere, e quibus repugnemus. id quod  
neutrum nobis hoc tempore contingit: quod & ma-  
gnam partem Italiae Caesar occupauit; & nos non  
habemus exercitum tam amplum, neque tam ma-  
gnum, quam ille. itaque nobis providendum est,  
ut summam reip. rationem habeamus. Etiam atque  
etiam te hortor, ut cum omni copia quamprimum  
ad me uenias. possumus etiam nunc remp. erigere,  
si communi consilio negotium administrabimus: sin  
distrahemur, infirmi erimus. mihi hoc constitutum  
est. His litteris scriptis, Sica a te mihi litteras attu-  
lit,



lit, & mandata. Quod me hortare, ut istuc ueniam: id me facere non arbitror posse; quod non magnopere his legionibus confido. Vale. Cn. Pompeius L. Domitio S. Litteræ mihi a te redditæ sunt ad XII. kal. Mart. in quibus scribis, Cæsarem apud Corfinium castra posuisse. quod putavi, & præmonui, sit, ut nec in præsentia committere tecum prælium uelit, & omnibus copijs conductis, te implicet, ne ad me iter expeditum tibi sit, atque istas copias coniungere optimorum ciuium possis cum his legionibus, de quarum uoluntate dubitamus. quo etiam magis tuis litteris sum commotus. neque enim eorum militum, quos mecum habeo, uoluntati satis confido, ut de omnibus fortune reip. dimicem: neque etiam, qui ex delectibus conscripti sunt a consulibus, conuenerunt. Quare da operam, si ulla ratione etiam nunc efficere potes, ut te explices, huc quamprimum uenias ante, quam omnes copię aduersariorum conueniant. neque enim celeriter ex delectibus huc homines conuenire possunt: & si conuenirent, quantum ijs committendum sit, quod inter se ne noti sunt, contra ueteranas legiones, non te præterit. Vale.

CICERO S. D. ATTICO. 13

LIPPITVDINIS meæ signum tibi sit librarij manus, & eadem causa breuitatis. etsi nunc quidem, quod scriberem nihil erat. omnis expectatio nostra erat in nuncijs Brundisinis. si nactus hic esset Cnæum



Cnæum nostrum, spes dubia pacis: sin ille ante trans-  
misisset, exitiosi belli metus. sed uides ne, in quem  
hominem inciderit resp.? quam acutum, quam ui-  
gilantem, quam paratum? si mehercule neminem  
occiderit, nec cuiquam quidquam ademerit; ab ijs,  
qui eum maxime timuerant, maxime diligitur.  
multum mecum municipales homines loquuntur,  
multum rusticani. nihil prorsus aliud curant, nisi  
agros, nisi uillulas, nisi nummulos suos. & uide,  
quam conuersa res est. illum, quo antea confide-  
bant, metuunt; hunc amant, quem timebant. id  
quantis nostris peccatis, uitijsq. euenerit, non pos-  
sum sine molestia cogitare. quæ autem impendere  
putarem, scripseram ad te; & iam tuas litteras  
expectabam. Vale.

CICERO S. D. ATTICO. 14

NON dubito, quin tibi odiosa sint epistolæ quo-  
tidianæ, cum præsertim neque noua de re aliqua  
certiorem te faciam, neque nouam denique iam re-  
periam scribendi ullam sententiam. sed, si dedita  
opera, cum caussa nulla esset, tabellarios ad te cum  
inanibus epistolis mitterem; facerem inepte: eun-  
tibus uero, domesticis præsertim, ut nihil ad te dem  
litterarum, facere non possum. & simul (crede mi-  
hi) requiesco paullulum in his miserijs, cum quasi  
tecum loquor; cum uero tuas epistolas lego, multo  
etiam magis. omnino intelligo, nullum fuisse tem-  
pus post has fugas, & formidines, quod magis de-  
buerit



buerit mutum esse a litteris: propterea quod neque  
 Romæ quidquam auditur noui, nec in his locis, quæ  
 a Brundisio absunt propius quam tu, biduum, aut  
 triduum. Brundisij autem omne certamen uertitur  
 \* huius primi temporis. qua quidem expectatione  
 torqueor. sed omnia ante nos sciemus. eodem enim  
 die uideo Cæsarem a Corfinio post meridiem profe-  
 ctum esse, quo Canusio mane Pompeium. eo mo-  
 do autem ambulat Cæsar, & ijs diarijs militum ce-  
 leritatem incitat, ut timeam, ne citius ad Brun-  
 disium, quam opus sit, accesserit. Dices, Quid igi-  
 \* tur proficis, qui anticipes eius rei molestiam, quam  
 triduo sciturus sis? Nihil equidem: sed, ut supra  
 dixi, tecum perlibenter loquor. & simul scito, la-  
 bare meum consilium, illud, quod satis iam fixum  
 uidebatur. non mihi satis idonei sunt auctores ij,  
 qui a te probantur. quod enim umquam eorum in  
 rep. forte factum extitit? aut quis ab ijs ullam rem  
 laude dignam desiderat? nec meheuſcule laudandos  
 existimo, qui trans mare belli parandi causa profe-  
 cti sunt. (quamquam hæc ferenda non erant) uideo  
 enim, quantum id bellum, & quam pestiferum fu-  
 turum sit. sed me mouet unus uir; cuius fugientis  
 comes, remp. recuperantis socius uideor esse debe-  
 re. Toties ne igitur sententiam mutas? ego tecum,  
 tãquam mecum, loquor. quis autem est, tanta qui-  
 dem de re, quin uarie secum ipse disputet? simul &  
 elicere cupio sententiam tuam; si manet, ut fir-  
 mior sim; si mutata est, ut tibi assentiar. omnino ad  
 id, de



id, de quo dubito, pertinet, me scire, quid Domi-  
tius acturus sit; quid noster Lentulus. de Domitio  
uaria audimus, modo esse in Tiburti, aut Lepidi: \*  
quo cum Lepidus accessisset ad urbem. quod item  
falsum uideo esse. ait enim Lepidus eum nescio  
quo penetrasse itineribus; occultandi sui causa, an \*  
maris apiscendi, ne id quidem scit. ignorat enim de  
filio, addit illud, sane molestum: pecuniam Domi-  
tio satis grandem, quam is Coreni habuerit, non \*  
esse redditam. de Lentulo autem nihil audimus. hæc  
uelim exquiras, ad meq. perscribas. Vale.

CICERO S. D. ATTICO. 15

AD V. non. Mart. epistolas mihi tuas Aegy-  
pta reddidit, unam ueterem I V. kal. quam te scri-  
bis dedisse Pinario, quem non uidimus; in qua ex-  
spectas, quidnam præmissus agat Vibullius: qui om-  
nino nō est uisus a Cæsare. in altera epistola, uideo,  
te scire ita esse: & quemadmodum redeuntem ex-  
cipiam Cæsarem, quem omnino uitare cogito: &  
aut Hemonis fugam tendis, commutationemq. ui-  
tæ tuæ: quod tibi puto esse faciendum. & ignoras, \*  
Domitius cum fascibus ne sit. quod cum scies. fa-  
cies, ut sciamus. Habes ad primam epistolam. se-  
cutæ sunt duæ, pridie kal. ambæ datæ, quæ me  
conuellerunt de pristino statu, iam tamen, ut ante  
ad te scripsi, labantem. Nec me mouet, quod scri-  
bis, Ioui ipsi iniquum. nam periculum in utriusque  
iracundia positum est: uictoria autē ita incerta, ut  
V dete-



## LIB. VIII. EPIST.

deterior caussa paratior mihi esse uideatur. nec me consules mouent, qui ipsi pluma, aut folio facilius mouentur: officij me deliberatio cruciat, cruciauitq. adhuc. cautior certe est mansio. honestior existimatur traiectio: malo interdum, multi me non caute, quam pauci non honeste, fecisse existiment. De Lepido, & Tullo quod quaeris: illi uero non dubitant, quin Caesari praesto futuri, in senatumq. uenturi sint. Recentissima tua est epistola kal. data, in qua optas congressum, pacem non desperas: sed ego, cum haec scribebam, nec illos congressuros, nec, si congressi essent, Pompeium ad ullam condicionem accessurum putabam. Quod uideris non dubitare, si consules transeant, quid nos facere oporteat: certe transeunt, uel, quo modo nunc est, transierunt. sed memento, praeter Appium, neminem esse ferre, qui nomius habeat transeundi. nam aut cum imperio sunt, ut Pompeius, ut Scipio, Setenas, Fannius, Voconius, Sextius, ipsi consules; quibus more maiorum concessum est uel omnes adire prouincias: aut legati sunt eorum. sed nihil desero. quid placeat tibi, & quid propemodum rectum sit, intelligo. Plura scriberem, si ipse possem: sed, ut mihi uideor, potero biduo. Balbi Cornelij litterarum exemplum, quas eodem die accepi, quo tuas, misi ad te, ut meam uicem dolores, cum me derideri uideres. Vale. Balbus Ciceroni imp. S. Obsecro te Cicero, suscipe curam, & cogitationem dignissimam tuae uirtutis, ut Caesarem, & Pompeium



peium, perfidia hominum distractos, rursus in pri-  
stinam concordiam reducas. crede mihi, Cæsarem  
non solum in tua fore potestate, sed etiam maxi-  
mum beneficium te sibi dedisse iudicaturum, si huc  
tereijcis. uelim, idem Pompeius faciat: qui ut ad-  
duci tali tempore ad ullam condicionem possit, ma-  
gis opto, quam spero. sed, cum constiterit, & ti-  
mere desierit; tum incipiam non desperare, tuam  
auctoritatem plurimum ualituram. Quod Lentu-  
lumcos. meum uoluisti hic remanere; Cæsari gra-  
tum, mihi uero gratissimum mediusfidius fecisti.  
nam illum tanti facio, qui non Cæsarem magis dili-  
gam. qui si passus esset, nos secum, ut consueuera-  
mus, loqui; & non se totum etiam & etiam ab ser-  
mone nostro auertisset: minus miser, quam sum,  
essem. nam caue putes, hoc tempore plus me quem-  
quam cruciari; quod eum, quem ante me diligo,  
uideo in consulatu quiduis potius esse, quam consu-  
lem. quod si uoluerit tibi obtemperare, & nobis  
de Cæsare credere, & consulatum reliquum Romæ  
peragere: incipiam sperare, etiam, consilio sena-  
tus, auctore te, illo relatore, Pompeium, & Cæ-  
sarem coniungi posse. quod si factum erit, me satis  
uixisse putabo. Factum Cæsaris de Corfinio to-  
tum me probaturum scito, & quo modo in huius-  
modi re commodius cadere non potuit, quam ut res  
sine sanguine confieret. Balbi mei, tuiq. aduentu  
delectatum te, ualde gaudeo. is quæcumque tibi de  
Cæsare dixit, quæq. Cæsar scripsit; scio retibi pro-  
babit



babit, quaecumque fortuna eius fuerit, bellissime scripsisse. Vale.

CICERO S. D. ATTICO. 16

OMNIA mihi prouisa sunt, præter occultum,  
 \* Et tum iter ad mare superum. hoc enim mari  
 uti non possumus hoc tempore anni. illuc autem,  
 quo spectat animus, & quo res uocat, qua ueniam?  
 cedendum enim est celeriter; ne forte qua re impe-  
 diar, atque alliger. nec uero ille me ducit, qui ui-  
 detur: quem ego hominem ἀπολιτικώτατον omnium  
 iam ante cognoram, nunc uero etiam ἀστρατηγικώτα-  
 τον. non me igitur is ducit, sed sermo hominum, qui  
 ad me a Philotimo scribitur. is enim me ab opti-  
 matibus ait conscindi. quibus optimatibus, dii bo-  
 ni? qui nunc quo modo occurrunt, quo modo autem  
 se uenditant Cæsari? municipia uero deum: nec si-  
 mulant, ut cum de illo ægroto uota faciebant. sed  
 plane, quidquid mali hic Pisistratus non fecerit,  
 tam gratum est, quam si alium facere prohibuerit.  
 hunc propitium sperant: illum iratum putant. quas  
 fieri censes ἀπαντίσεις ex opidis? quos honores?  
 metuunt, inquires. credo, sed hercule illum magis.  
 huius insidiosa clementia delectantur: illius iracun-  
 diam formidant. iudices Δ C C C L, qui præcipue  
 Cnæo nostro delectabantur, ex quibus quotidie ali-  
 quem uideo, nescio quas eius Lucerias horrent. ita-  
 que quæro, qui sint isti optimates, qui me extur-  
 bent, cum ipsi domi maneant. sed tamen, quicūque  
 sunt,



sunt, αὐδὲν οὐκ ἔχω. et si, qua spe proficiscar, ui-  
deo: coniungoq. me cum homine magis ad vastan-  
dam Italiam, quam ad uincendum parato. domum \*  
quem exspecto. & quidem, cum hæc scribebam  
I V. non. iam exspectabam aliquid a Brundisio.  
quid autem aliquid? quam inde turpiter fugisset,  
& uictor hic qua se referret, & quo. quod ubi au-  
dissem; si ille Appia ueniret, ego Arpinum cogi-  
tabam. Vale.



TVLLII CICERONIS  
EPISTOLARVM AD T.  
POMPONIVM ATTICVM  
LIBER IX.

CICERO S. D. ATTICO.

ET SI, cum tu has litteras legeres, pu-  
tabam fore, ut scirem iam, quid Brun-  
disij actum esset; nam Canusio VIII.  
kal. profectus erat Cnæus; hæc autem  
scribebam prid. non. XIV. die postquam ille Canu-  
sio mouerat: tamen angebar singularum horarum  
expectatione; mirabarque, nihil allatum esse ne ru-  
moris quidem: nam erat mirum silentium. sed hæc  
fortasse *ἡρώδεια* sunt: quæ tamen iam sciantur,  
neceesse est. illud molestum, me adhuc inuestigare  
non posse, ubi Lentulus noster sit, ubi Domitius.  
quæro autem, quo facilius scire possim, quid acturi  
sint, ituri ne ad Pompeium, & si sint, quæ, quan-  
do ue ituri sint. urbem quidem iam refertam esse  
optimatum audio, Sesium, & Lupum, quos Cnæus  
noster ante putabat Brundisium uenturos esse,  
quam se, ius dicere. hinc uero uulgo uadunt. etiam  
M'. Lepidus, quocum diem conterere solebam, cras  
cogitabat. nos autem in Formiano morabamur,  
quo citius audiremus. deinde Arpinum uoleba-  
mus. inde, iter quam maxime ἀναπάντητον esset, ad  
mare superum, remotis, siue omnino missis lieto-  
ribus.



ribus. audio enim, bonis uiris, qui & nunc, & sepe antea magno praesidio reip. fuerunt, hanc cunctationem nostram non probari, multa. in me, & seuerè in conuiuijs tempestiujs quidem disputari. cedamus igitur; &, ut boni ciues simus, bellum Italiae terra, mariq. inferamus; & odia improborum rursus in nos, quae iam extincta erant, incendamus; & Lucceij consilia, ac Theophanis persequamur. nam Scipio uel in Syriam proficiscitur, sorte; uel cum genere, honestè; uel Caesarem fugit, iratum. Marcelli quidem, nisi gladium Caesaris tenuissent, manerent. Appius & eodem timore, & inimicitiarum recentium. & tamen, praeter hunc, & C. Cassium, reliqui legati, Faustus pro quæ. ego unus, cui utrumuis licet. frater accederet; quem socium huius fortunæ esse, non erat æquum; cui magis etiam Caesar irascetur: sed impetrare non possum, ut maneat. dabimus hoc Pompeio, quod debemus. nam me quidem alius nemo mouet; non sermo bonorum, qui nulli sunt; non causa, quæ acta timide est, agetur improbe. uni uni hoc damus, nec id quidem roganti, nec suam causam, ut ait, agent, sed publicam. Tu quid cogites de transseundo in Epirum, scire sane uelim. Vale.

CICERO S. D. ATTICO. 2

ET SI nonis Mart. die tuo, ut opinor, expectabam a te epistolam longiorem: tamen ad eam ipsam breuem, quam III. non. ὑπὸ τὴν διάληψιν de-

V 4 disti,



## LIB. VIII. EPIST.

disti, rescribendum putavi. Gaudere ais te, mansisse me; & scribis, in sententia te manere. mihi autem superioribus litteris uidebare non dubitare, quin cederem, ita, si & Cnæus bene comitatus conscendisset, & consules transissent. utrum, hoc tu parum commeministi, an ego non satis intellexi, an mutasti sententiam? sed aut ex epistola, quam expecto, perspiciam, quid sentias; aut alias abs te litteras eliciam. Brundisio nihil dum erat allatum. o rem difficilem, planeq. perditam. quam nihil pretermittis in consilio dando: quam nihil tamen, quod tibi ipsi placeat, explicas. Non esse me unacum Pompeio, gaudes: ac proponis, quam sit turpe me adesse, cum quid de illo detrahatur: nefas esse approbare. certe. contra igitur? dij, inquis, auerruncent. quid ergo fiet, si in altero scelus est, in altero supplicium? impetrabis, inquis, a Cæsare, ut tibi abesse liceat, et esse otioso. supplicandum igitur? miserum. quid, si non impetraro? Et de triumpho erit, inquis, integrum. quid, si hoc ipso premiar? accipiam? quid scdus? negem? repudiari se totum, magis etiam, quam olim in x x uiratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere uellem. quanto nunc hoc idem accipiet asperius? tanto scilicet, quanto et honor hic illo est amplior, & ipse robustior. Nam quod negas te dubitare, quin magna in offensa sim apud Pompeium hoc tempore:



re: non uideo caussam, cur ita sit, hoc quidem tempo-  
 re. qui enim, amisso Corfinio denique, certiore me  
 sui consilij fecit, is queretur Brundisium me non ue-  
 nisse, cum inter me, & Brundisium Cæsar esset?  
 deinde, etiam scit, ἀπαρρητοῦςον esse in ea caussa que-  
 relam suam. me putat de municipiorum imbecilli-  
 tate, de delectibus, de pace, de urbe, de pecunia,  
 de Piceno occupando plus uidisse, quam se. sin, cum  
 potuero, non uenero: tum erit inimicus. quod ego  
 non eo uereor, ne mihi noceat: (quid enim faciet?  
 τίς δ' ἐστὶ δούλος, τοῦ θανεῖν ἀφρονὶς ὢν;) )  
 sed quia ingrati animi crimen horreo. confido igitur  
 aduentum nostrum illi, quoquo tempore fue-  
 rit, ut scribis, ἀπένεισον fore. Nam quod ais, si hic  
 temperantius egerit, consideratius consilium te da-  
 turum: qui hic potest se gerere non perdit? uita,  
 mores, antefacta, ratio suscepti negotij, socij, ui-  
 res bonorum, aut etiam constantia. Vix dum epi-  
 stolam tuam legeram, cum ad me, currens ad il-  
 lum, Postumus Curtius uenit, nihil nisi classes lo-  
 quens, & exercitus. eripiebat Hispanias: tenebat  
 Asiam, Siciliam, Africam, Sardiniam: conse-  
 ssim in Græciam persequabatur. eundum igitur  
 est, nec tam ut belli, quam ut fugæ socij simus. nec  
 enim ferre potero sermones istorum, quicumque  
 sunt. non sunt enim certe, ut appellantur, boni.  
 sed tamen id ipsum scire cupio, quid loquantur: idq.  
 ut exquiras, meq. certiore facias, te uehementer  
 rogo. Nos adhuc, quid Brundisii actum esset,  
 plane



## LIB. IX. EPIST.

plane nesciebamus. cum sciemus, tum ex re,  
& ex tempore consilium capiemus, sed utemur  
tuo. Vale.

CICERO S. D. ATTICO. 3

DOMITII filius transit Formias VIII. id.  
currens ad matrem; Neapolim mihiq. nunciari ius-  
sit, patrem ad urbem esse; cum de eo curiose quæ-  
sisset servus noster Dionysius. nos autem audiera-  
mus eum profectum siue ad Pompeium, siue in Hi-  
spaniam. id cuiusmodi sit, scire sane uelim. nam ad  
id, quod delibero, pertinet, si ille certe nusquam  
discessit, intelligere Cnæum, non esse faciles nobis  
ex Italia exitus, cum ea tota armis, præsijsq. te-  
neatur, hieme præsertim. nam, si commodius an-  
ni tempus esset; uel infero mari liceret uti. nunc ni-  
hil potest, nisi supero, transmitti, quo iter inter-  
clusum est. quæres igitur & de Domitio, & Lentu-  
lo. A Brundisio nulla adhuc fama uenerat: & e-  
rat hic dies VII. id. quo die, suspicabamur, aut pri-  
die Brundisium uenisse Cæsarem. nam kalendis Ar-  
pis manserat. sed si Postumum audire uelles, per-  
secutus erat Cnæum: transisse enim iam puta-  
bat, coniectura tempestatum, ac dierum. ego nau-  
tas eum non putabam habiturum: ille confidebat,  
& eo magis, quod audita nauicularijs hominis libe-  
ralitas esset. sed, tota res Brundisina iam quo mo-  
do habeat se, diutius nescire non possum. Vale.

CICERO



CICERO S. D. ATTICO. 4

EGO etsi tam diu requiesco, quam diu aut ad te scribo, aut tuas litteras lego: tamen & ipse egeo argumento epistolarum, & tibi idem accidere certo scio. quæ enim soluto animo familiariter scribi solent, temporibus his excluduntur: quæ autem sunt horum temporum, ea iam contriuiimus. sed tamen, ne me totum ægritudini dedam, sumpsi mihi quasdam tamquã θέσεις, quæ et politicæ sunt, et temporum horũ; ut et abducam animum ab querellis, et in eo ipso, de quo agitur, exercear. eæ sunt huiusmodi. Εἰ μενετέον ἐν τῇ πατρίδι τυραννουμένη: τυραννουμένης δὲ αὐτῆς, εἰ παντὶ τρόπῳ τυραννίδος κατάλυσιν πειρατέον, καὶν μέλλῃ διὰ τοῦτο περὶ τῶν ὅλων ἡ πόλις κινδυνώσῃν. εἰ δ' λαβητέον τὸν καταλύοντα, μὴ αὐτὸς ἄρθῃται. εἰ πειρατέον ἀρήγειν τῇ πατρίδι εἰρήνην μᾶλλον, ἢ πολέμῳ εἰ πολιτικὸν τὸ ἡσυχάζειν ἀναχωρήσαντά ποιτῆς πατρίδος τυραννουμένης, ἢ διὰ παντὸς ἵτέον κινδυνώου τῆς ἐλευθερίας πέρι. εἰ πόλεμον ἐπακτέον τῇ χώρᾳ, καὶ πολιορκητέον αὐτὴν τυραννουμένην. εἰ καὶ μὴ δοκιμάζοντα τὴν διὰ πολέμου κατάλυσιν τῆς τυραννίδος σωμαπογραπτέον ὅμως τοῖς ἀρίστοις. εἰ τοῖς δ' ἐργέταις, καὶ φίλοις συγκινδυνώτέον ἐν τοῖς πολιτικοῖς, καὶν μὴ δοκῶσιν δὲ βεβουλεύεσθαι περὶ τῶν ὅλων. εἰ ὁ μέγιστα τὴν πατρίδα δ' ἐργετήσας, δι' αὐτὸ δὲ τοῦτο ἀνήκεσα παθὼν, καὶ φθονηθεὶς, κινδυνώσῃν ἂν ἐθελοντῆς ὑπὲρ τῆς πατρίδος: ἢ ἀφετέον αὐτῷ ἑαυτοῦ ποτε, καὶ τῶν οἰκειοτάτων ποιεῖσθαι πρό-

νοιατ



## LIB. IX. PIST.

νοίαν ἀφεμένω τὰς πρὸς τοὺς ἰσχύοντας διαπολιτείας.  
*in his ego me consultationibus exercens, & disse-*  
*rens in utramque partem tum græce, tum latine,*  
*& abduco parumper animum a molestiis, & τῶν*  
*πρὸς τὴν τι delibero. Sed uereor, ne tibi ἀκαίρος sim.*  
*si enim recte ambulauit is, qui hanc epistolam tu-*  
*lit, in ipsum tuum diem incidit. Vale.*

CICERO S. D. ATTICO. S

NATALI die tuo scripsisti epistolam ad me ple-  
nam consilij, summæq. tum beneuolentiæ, tum e-  
tiam prudentiæ. eam mihi Philotimus postridie,  
quam a te acceperat, reddidit. Sunt ista qui-  
dem, quæ disputas, difficillima, iter ad superum,  
nauigatio infero, discessus Arpinum, ne hunc fu-  
gisse; mansio Formijs, ne obtulisse nos gratulatio-  
ni uideamur: sed miseriùs nihil, quam ea uidere,  
quæ tamen iam, iam inquam uidenda erunt. Fuit  
apud me Postumus: scripsi ad te, quam grauis.  
uenit ad me etiam Q. Fusius, quo uultu, quo spi-  
ritu? properans Brundisium, scelus accusans Pom-  
peij, leuitatem, & stultitiam senatus. hæc qui in  
mea uilla non feram, cur tum in curia potero fer-  
re? Age, finge me quamuis ἑσπεύων hæc feren-  
tem: quid illa, dic M. Tulli, quem habebunt exi-  
tum? Et omitto caussam reip. quam ego amissam  
puto cum uulneribus suis, tum medicamentis his,  
quæ parantur. de Pompeio quid agam? cui plane  
( quid enim negem? ) succensui. semper enim caus-  
sæ



se euentorum magis mouent, quam ipsa euenta. hæc igitur mala, quibus maiora esse quæ possunt? considerans, uel potius iudicans eius opera accidisse, & culpa, inimicior eram huic, quam ipsi Cæsari. ut maiores nostri funestiores diem esse uoluerunt Alliensis pugnae, quam urbis captæ; quod hoc malum ex illo; itaque alter religiosus etiam nunc dies, alter in uulgus ignotus: sic ego, decem annorum peccata recordans, in quibus inerat ille etiam annus, qui nos, hoc defendente, ne dicam grauius, afflixerat; præsentisq. temporis cognoscens temeritatem, ignauiam, negligentiam, succensebam. sed ea iam mihi exciderunt. beneficia eiusdem cogito, cogito etiam dignitatem. intelligo serius eundem, quam uellem, propter epistolas, sermonesq. Balbi; sed uideo plane. nihil aliud agi, nihil actum ab initio, quam ut hunc occideret. ego igitur. si quis apud Homerum, cum ei & mater, & dea dixisset, Αὐτίκα γὰρ τοι ἔπειτα μεδ' Ἑκτορα πότμος ἑτοίμος, matri ipse respondit,

Αὐτίκα τεθναίνην, ἐπεὶ οὐκ ἄρ' ἐμελλον ἑταίρῳ  
Κτεινομένῳ ἐπαμῦναι. quid, si non ἑταίρῳ solum, sed etiam Δεργέτῃ? adde, tali uiro, talem causam agentī. & ego uero hæc officia mercanda uita puto. optimatibus uero tuis nihil confido, nihil iam ne in seruiō quidem. uideo, ut se huic dent, ut daturi sint. quidquam tu illa putas fuisse de ualetudine decreta municipiorum præ his de uictoria gratulationibus? timent, inquires. at ipsi tum se timuisse dicunt.



cunt. sed uideamus, quid actum sit Brundisij. ex eo fortasse mea consilia nascetur, aliaq. litteræ. Vale.

CICERO S. D. ATTICO. 6

Nos adhuc Brundisio nihil. Roma scripsit Balbus, putare iam Lentulum cos. transmisisse, nec eum a minore Balbo conuentum; quod is hoc iam Canusij audisset; inde ad se eum scripsisse: cohortesq. sex, quæ Albæ fuissent, ad Curtium Minucia transisse: id Cæsarem ad se scripsisse, & breui tempore eum ad urbem futurum. ego utar tuo consilio: neque me in Arpinum hoc tempore abdam. etsi, Ciceroni meo togam puram cum dare Arpini uellem, hanc eram ipsam excusationem relictorus ad Cæsarem. sed fortasse in eo ipso offendetur, cur non Romæ potius. sed tamen, si est conueniendus, hic potissimum. tum reliqua uidebimus, idest & quo, & qua, & quando. Domitius, ut audio, in Cossano, & quidem, ut aiunt, paratus ad nauigandum: si in Hispaniam, non probo: si ad Cnæum, laudo: quouis potius certe, quam ut Curtium uideat; quem ego patronus adspicere non possum. quid alios? sed, opinor, quiescamus; ne nostram culpam coarguamus; qui, dum urbem, idest patriam, amamus, dumq. rem conuenturam putamus, ita nos gessimus, ut plane interclusi, captiq. simus. Scripta iam epistola, Capuæ litteræ sunt allatæ hoc exemplo. Pompeius mare transiit cum omnibus militibus, quos secum habuit. hic numerus est hominum



minum millia xxx, & consules duo, & tribuni  
pl. & senatores, qui fuerant cum eo, omnes cum  
uxoribus, & liberis. Conscendisse dicitur ad IV.  
non. Mart. ex ea die fuere septemtriones uenti. na-  
ues, quibus usus non est, omnes aut præcidisse, aut  
incendisse dicunt. de hac re litteræ L. Metello trib.  
pl. Capuam allatæ sunt ab Clodia socru, quæ ipsa  
transiit. ante sollicitus eram, & angebar, sicut res  
scilicet ipsa cogebat, cum consilio explicare nihil  
possem: nunc autem, postquam Pompeius, & con-  
sules ex Italia exierunt, nō angor, sed ardeo dolore.

— οὐδέ μοι ἦτορ

ἔμπεδον, ἀλλ' ἀλαλύκηνμαι.  
non sum, inquam, mihi crede, mentis compos: tan-  
tum mihi dedecoris admisisse uideor. me non pri-  
mum cum Pompeio, qualicumque consilio uso, de-  
inde cum bonis esse, quamuis caussa temere institu-  
ta? præsertim cum ij ipsi, quorum ego caussa timi-  
dius me fortunæ committebam, uxor, filia, Cicc-  
rones pueri, me illuc sequi mallent, hoc turpe, &  
me indignum putarent. nam Quinctus quidem fra-  
ter, quidquid mihi placeret, id rectum se putare  
aiebat, id animo æquissimo sequebatur. tuas nunc  
epistolæ a primo lego. hæc me paulum recreant.  
primæ monent, & rogant, ne me proijciam. pro-  
ximæ gaudere te ostendunt, me remansisse. eas  
cum lego, minus mihi turpis uideor, sed tam diu,  
dum lego: deinde emergit rursus dolor, & αἰχρὸν  
φασγάνου. Quamobrem obsecro te, mi Tite, eripe  
mihi



mihi hunc dolorem, aut minue saltem, aut consolatione, aut consilio, aut quacumque re potes. quid tu autem possis? aut quid homo quisquam? uix iam deus. equidem illud molior, quod tu mones, sperasque fieri posse; ut mihi Caesar concedat, ut absim, cum aliquid in senatu contra Cnæum agatur. sed timeo, ne non impetrem. uenit ab eo Furnius: (ut quidem scias, quos sequamur: Q. Titinij filium cum Cæsare esse nunciat) sed illum maiores mihi gratias agere, quam uellem. quid autem me roget, (paucis ille quidem uerbis, sed ἐν δυνάμει) cognosce ex ipsius epistola. me miserum, quod tu non ualuisti. una fuisset: consilium certa non defuisset, σωτὴρ δὲ ἐρχομένη. sed acta ne agamus: reliqua paremus. me adhuc hæc duo fefellerunt, initio spes compositionis; qua facta uolebam, ut populari, ut ea solitudine senectutem nostram liberari: deinde bellum crudele, & exitiosum suscipi a Pompeio intellegebam. melioris mediusfidius ciuis, & uiri putabam, quouis supplicio affici, quam illi crudelitati non solum præesse, uerum etiam interesse. uidetur uel mori satius fuisse, quam esse cum ijs. Ad hæc igitur cogita, mi Attice, uel potius excogita. quæuis euentum fortius feram, quam hunc dolorem. Vale. Caesar imp. S. D. Ciceroni imp. Cum Furnium nostrum tantum uidissem; neque loqui, neque audire me commodo potuisset; cum properarem, atque essem in itinere, præmissis iam legionibus: præterire tamen non potui, quin & scriberem



rem ad te, & illum mitterem, gratiasq. agerem.  
 etsi hoc officium & feci saepe, & saepius mihi factu  
 rus uideor: ita de me mereris. in primis a te peto,  
 quoniam confido me celeriter ad urbem uenturum,  
 ut te ibi uideam; ut tuo consilio, gratia, dignitate,  
 ope omnium rerum uti possim. Ad propositum re-  
 uertar: festinationi meae, breuitatiq. litterarum  
 ignoscas. reliqua ex Furnio cognoscas. Vale.

CICERO S. D. ATTICO. 7

SCRIPSERAM ad te epistolam, quam  
 darem IV. id. sed eo die is, cui dare uolueram, non  
 est profectus. uenit autem eo ipso die ille celeripes,  
 quem Saluius dixerat: attulit uberrimas tuas litte-  
 ras; quae mihi quiddam, quo stare, instillarunt.  
 recreatum enim me non queo dicere. sed plane τὸ  
 σωτὴρ ἐχὼρ effecisti. ego enim nō iam id ago, mihi cre-  
 de, ut prosperos exitus consequar. sic enim uideo,  
 nec, duobus his uiuis, nec, hoc uno, nos umquam  
 remp. habituros. ita neque de otio nostro spero iā,  
 nec ullam acerbitatem recuso. unum illud extime-  
 scebam, ne quid turpiter facerem, uel, dicam, iam  
 effecissem. sic ergo habeto, salutares te mihi litte-  
 ras misisse, neque solum has longiores, quibus ni-  
 hil potest esse explicatius, nihil perfectius, sed etiā  
 illas breuiores, in quibus hoc mihi iucundissimum  
 fuit, consilium, factumq. nostrum ab Sexto pro-  
 bari. pergratumq. mihi tu fecisti; a quo diligere me,  
 &, quid rectum sit, intelligi, scio. Longior uero

X tua



## LIB. VIII. EPIST.

tua epistola non me solum, sed meos omnes ægritudine leuauit. itaque utar tuo consilio, & ero in Formiano: ne aut ad urbem ἀπάντησις mea animaduertatur; aut, si nec hic, nec illic eum uidero, deuitatum se a me putet. Quod autem suades, ut ab eo petam, ut mihi concedat, ut idem tribuam Pompeio, quod ipsi tribuerim: id me iam pridem agere intelliges ex litteris Balbi, & Oppij: quarum exempla tibi misi: misi etiam Caesaris ad eos sana mente scriptas: quo modo in tanta insania? sin mihi Cæsar hoc non concedat; uideo tibi illud placere, me πολιτάρμα de pace suscipere: in quo non extimesco periculum. cum enim tot impendeant, cur non honestissimo depacisci uelim? sed uereor, ne Pompeio quid oneris imponam;

μή μοι γοργεῖν κεφαλὴν δεινοῦ πελώρου  
intorqueat. mirandum enim in modum Cnæus noster Sullani regni similitudinem cōcupiuit. εἰδώς σοι λέγω. nihil, inquam, ille minus obscure tulit. Cum hoc ne igitur, inquires, esse uis? Beneficium sequor, mihi crede, non caussam, ut in Milone, ut in. sed hætenus. Causa igitur non bona est? immo optima: sed agetur (memento) fœdissime. primum, consilium est, suffocare urbem, & Italiam fame: deinde, agros uastare, urere, pecunijs locupletum non abstinere. sed, cum eadem metuam ab hac parte; si illinc beneficium non sit, redtius putem quiduis domi perpeti: sed ita meruisse illum de me puto, ut ἀχαρίστας crimen subire non audeam. quāquam  
ate



a te eius quoque rei iusta defensio est explicita.

De triumpho tibi assentior. quem quidem totum facile, & libenter abiecero. egregie probo fore, ut, dum agamus, ὁπλοῦς ὤπατος obrepat: si modo, inquis, satis ille erit firmus. est firmior etiam, quam putabamus. de isto licet bene speres. promitto tibi, si ualebit, tegulam illum in Italia nullam reli-  
cturum. te ne igitur socio? contra mehercule me-  
um iudicium, & contra omnium antiquorum au-  
thoritatem: nec tam ut illa adiuuem, quam ut hæc  
ne uideam, cupio discedere. noli enim putare to-  
lerabiles horum insanias, nec uniusmodi fore. etsi  
quid te horum fugit, legibus, iudicijs, senatu subla-  
to, libidines, audacias, sumptus, egestates tot e-  
gentissimorum hominum nec priuatas posse res, nec  
remp. sustinere? abeamus igitur qualibet nauiga-  
tione: etsi id quidem, ut tibi uidebitur: sed certe  
abeamus. sciemus enim, id quod exspectas, quid  
Brundisii actum sit. Bonis uiris quod ais proba-  
ri, quæ adhuc fecerimus, sciriq. ab ijs non profe-  
ctis: ualde gaudeo; si est nunc ullus gaudendi locus. \*

De Lentulo inuestigabo diligentius: id mandavi  
Philotimo, homini forti, ac nimium optimati.

Extremum est, ut tibi argumentum ad scriben-  
dum fortasse iam desit. nec enim alia de re nunc  
ulla scribi potest: & de hac quid iam amplius inue-  
niri potest? sed quoniam & ingenium suppeditat,  
(dico mehercule, ut sentio) & amor, quo &  
meum ingenium incitatur: perge, ut facias, & scri-

X 2 be,



LIB. IX. EPIST.

be, quantum potes. In Epirum quod me non inui-  
tas, comitem non molestum: subirascor: sed uale.  
nam, ut tibi ambulandum, ungendum, sic milidior  
miendum. etenim litteræ tuæ mihi somnum attule-  
runt. Cenantibus pridie idus nobis, ac noctu qui-  
dem, Statius a te epistolam breuem attulit. De  
L. Torquato quid modo quæris? non modo Lucius,  
sed etiam Aulus profectus est, alij multi. De Rea-  
tinorum corona, quod scribis; moleste fero, in a-  
gro Sabino sementem fieri proscriptionis. Sena-  
tores multos esse Romæ, nos quoque audieramus.  
ecquid potes dicere, cur exierint? in his locis opi-  
nio est, coniectura magis, quam nuncio, aut litte-  
ris, Cæsarem Formijs ad XI. kal. Apr. fore. hic  
ego uellem habere Homeri illam Minervam simu-  
latam Mentori, cui dicerem:

Μέντορ πῶς τ' ἀρ' ἴω, πῶς τ' ἀρ' προσπύσομαι αὐτόν?  
nullam rem umquam difficiliorem cogitavi: sed co-  
gito tamen; nec ero, ut in malis, imparatus. sed  
cura, ut ualeas. puto enim diem tuum heri fuisse,  
Cæsar Oppio, Cornelio S. Gaudeo mehercule  
uos significare litteris, quam ualde probetis ea,  
quæ apud Corfinium sunt gesta. consilio uestro utar  
libenter, & hoc libentius, quod mea sponte face-  
re constitueram, ut quam lenissimum me prebe-  
rem; & Pompeium, darem operam, ut reconci-  
liarem. tentemus, hoc modo si possumus omnium  
uoluntates recuperare, & diuturna uictoria uti:  
quoniam reliqui crudelitate odium effugere non po-  
tue-



tuerunt, neque uictoriam diutius tenere, præter unum L. Sullam, quem imitaturus non sum. hæc noua sit ratio uincendi; ut misericordia, & liberalitate nos muniamus. id quemadmodum fieri possit, non nulla mihi in mentem ueniunt, & multa reperiri possunt. De his rebus, rogo uos, ut cogitationem suscipiatis. Cn. Magium, Pompeij præfectum, deprehendi: scilicet meo instituto usus sum, & eum statim missum feci. iam duo præfecti fabrum Pompeij in meam potestatem uenerunt, & a me missi sunt. si uolent grati esse, debent Pompeium hortari, ut malit mihi esse amicus, quam ijs, qui & illi, & mihi semper fuerunt inimicissimi: quorum artificijs effectum est, ut resp. in hunc statum perueniret. Vale.

Balbus Ciceroni imp. S. Subito, postea quam litteras communes cum Oppio ad te dedi, ab Casare epistolam accepi, cuius exemplum tibi misi; ex quibus perspicere poteris, quam cupiat concordiam, & Pompeium reconciliare, & quam remotus sit ab omni crudelitate: quod eum sentire, ut debeo, ualde gaudeo. De te, & tua fide, & pietate idem mehercule, mi Cicero, sentio, quod tu, non posse tuam famam & officium sustinere, ut contra eum arma feras, a quo tantum beneficium te accepisse prædices. Casarem hoc idem probaturum, exploratum, pro singulari eius humanitate, habeo: eiq. cumulatissime satisfacturum te certo scio, cum nullam partem belli contra eum suscipias, neque socius



## LIB. IX. EPIST.

eius aduersarijs fueris . atque hoc non solum in te ,  
tali , & tanto uiro , satis habebit ; sed etiam mihi  
ipse sua concessit bonitate , ne in ijs castris essem ,  
quæ contra Lentulum , aut Pompeium futura es-  
sent ; quorum beneficia maxima haberem : sibi q. sa-  
tis esse dixit . si togatus urbana officia sibi præstitis-  
sem ; quæ etiam illi , si uellem , præstare possem ,  
itaque nunc Romæ omnia negotia Lentuli procu-  
ro , sustineo ; meumq. officium , fidem , pietatem  
ijs præsto . sed mehercule rursus tam abiectam  
compositionis spem non desperatissimam esse puto :  
quoniam Cæsar est ea mente , qua optare debe-  
mus . hac re mihi placet , si tibi uidetur , te ad eum  
scribere , & ab eo præsidium petere , ut petisti a  
Pompeio , me quidem approbante , temporibus  
Milonianis . præstabo ( si Cæsarem bene noui )  
eum prius tuæ dignitatis , quam suæ utilitatis ra-  
tionem habiturum . Hæc quam prudenter tibi scri-  
bam , nescio : sed illud certe scio , me ab singulari  
amore , ac beneuolentia , quæcunque scribo , tibi scri-  
bere : quod te ( ita , incolumi Cæsare , moriar ) tanti  
facio , ut paucos æque ac te caros habem . De hac  
re cum aliquid constitueris , uelim mihi scribas .  
nam non mediocriter laboro , ut utrique , ut uis ,  
tuam beneuolentiam præstare possis : quam meher-  
cule te prestaturum confido . Fac ualeas .

Balbus , & Oppius S. D. M. Ciceroni . Ne-  
dum hominum humilium , ut nos sumus , sed etiam  
amplissimorum uirorum consilia ex euentu , non ex



uoluntate, a plerisque probari solent: tamen freti  
tua humanitate, quod uerissimum nobis uidebitur,  
de eo, quod ad nos scripsisti, tibi consilium dabi-  
mus: quod si non fuerit prudens, at certe ab opti-  
ma fide, & optimo animo proficiscetur. Nos,  
nisi id, quod nostro iudicio Cæsarem facere oportere  
existimamus, ut, simul Romam uenerit, agat  
de reconciliatione gratiæ suæ, & Pompeij; id eum  
facturum, ex ipso cognouissemus: te hortari desine-  
remus, ut uelles his rebus interesse, quo facilius,  
& maiore cum dignitate per te, qui utrique es con-  
iunctus, res tota consieret: aut, si ex contrario pu-  
taremus, Cæsarem id non facturum; & eum uelle  
cum Pompeio bellum gerere, sciremus; numquam  
tibi suaderemus, contra hominem optime de te me-  
ritum arma ferres; sicuti te semper orauimus, ne  
contra Cæsarem pugnares. sed cum etiamnum, quid  
facturus Cæsar sit, magis opinari, quam scire,  
possimus; non possumus nisi hoc, non uideri eam  
tuam esse dignitatem, neque fidem omnibus cogni-  
tam, ut contra alterutrum, cum utrique sis ma-  
xime necessarius, arma feras: & hoc, non dubi-  
tamus, quin Cæsar pro sua humanitate maxime  
sit probaturus. nos tamen (si tibi uidebitur) ad  
Cæsarem scribemus, ut nos certiores faciat, quid  
in hac re acturus sit. a quo si erit nobis rescriptum,  
statim, quæ sentiemus, ad te scribemus, & tibi  
fidem faciemus, nos ea suadere, quæ nobis uiden-  
tur tuæ dignitati, non Cæsaris rationi, esse utilissi-



ma. & hoc Cæsarem, pro sua indulgentia in suos,  
probaturum putamus. Vale.

CICERO S. D. ATTICO. 8

TRES epistolae tuas accepi postridie iduum:  
erant autem IV. III. prid. id. datæ. igitur anti-  
quissima cuique primum respondebo. Assentio tibi,  
ut in Formiano potissimum commorer. & iam de  
\* supero mari plaboque, ut antea ad te scripsi, & quo-  
nam modo possem voluntate eius nullam reip. par-  
tem attingere. Quod laudas, quia obliuisci me scri-  
psi ante facta, & dicta nostri amici: ego uero ita  
facio: quin ea ipsa, quæ a te commemorantur, se-  
cus ab eo in me ipsum facta esse, non memini: tan-  
to plus apud me ualere beneficij gratiam, quam in-  
iuriæ dolorem, uolo. faciamus igitur, ut censes, col-  
\* ligamusq. nos: festino enim simili uirus decurro, at-  
que cursu. Oræis meas commentari non desino: sed  
sunt quedam earum perdifficiles ad indicandum.  
De optimatibus, sit sane ita, ut uis: sed nosti il-  
lud, Διόνυσος ἐν Κορίνθῳ. Titinij filius apud Cæ-  
sarem est. Quod autem quasi uereri uideris, ne  
mibi tua consilia displiceant: me uero nihil delectat  
aliud, nisi consilium, & litteræ tuæ. quare  
fac, ut ostendis, ne destiteris ad me, quidquid tibi  
in mentem uenerit, scribere. mihi nihil potest esse  
gratius. Venio ad alteram nunc epistolam.  
Recte non credis de numero militum. ipso dimidio  
plus scripsit Clodia. falsum etiam de corruptis na-  
uibus.



uibus. Quod consules laudas; ego quoque animum laudo, consilium reprehendo. discessu enim illorum, actio de pace sublata est: quam quidem ego meditabar: itaque postea Demetrii librum de concordia tibi remisi, & Philotimo dedi. nec uero dubito, quin exitiosum bellum impendeat, cuius initium ducetur a fame. & me tamen doleo non interesse huic bello; in quo tanta uis sceleris futura est, ut, cum parentes non alere nefarium sit, nostri principes antiquissimam, & sanctissimam parentem patriam fame necandam putent. atque hoc non opinione timeo, sed interfui sermonibus. omnis hæc classis Alexandria, Colchis, Tyro, Sidone, Andro, Cypro, Pamphylia, Licia, Rhodo, Chio, Byzantio, Lesbo, Smyrna, Mileto, Co, ad intercludendos commeatus Italiae, & ad occupandas frumentarias provincias comparatur. at quam uenit iratus, & ijs quidem maxime, qui eam maxime saluam uolebant, quasi relictus ab ijs, quos reliquit. itaque mihi dubitanti, quid me facere par sit, permagnum pondus affert beneuolentia erga illum; qua dempta, perire melius esset in patria, quam patriam seruando euertere. De septemtrione, plane ita est. metuo, ne uexetur Epirus. sed quem tu locum Græciæ non direptum iri putas? prædicat enim palam, & militibus ostendit, se largitione ipsa superiorem, quam hunc, fore. Illud me præclare admones, cum illum uidero, ne nimis indulgenter, & ut cum grauitate potius loquar. plane sic faciendum. Arpinum,  
cum



## LIB. IX. EPIST.

cum eum conuenero, cogito; ne forte aut absim,  
 cum ueniet, aut cursem huc illuc uia deterrima.  
 Bibulum, ut scribis, audio uenisse, & redisse prid.  
 id. Philotimum, ut ais epistola tertia, expectabas:  
 at ille idibus a me profectus est. eo serius ad tuam  
 illam epistolam, cui ego statim recipseram, red-  
 ditæ sunt meæ litteræ. De Domitio, ut scribis, ita o-  
 pinor esse, ut & in Cossano sit, & consilium eius  
 ignoretur. Iste omnium turpissimus, & sordidissi-  
 mus, qui consularia comitia a prætore ait haberi  
 posse, est idem, qui semper in rep. fuit. itaque ni-  
 mirum hoc illud est, quod Cæsar scribit in ea episto-  
 la, cuius exemplum ad te misi, se uelle uti consi-  
 lio meo: age, esto hoc commune: gratia: ine-  
 ptum id quidem: sed puto, hoc simulat ad quasdam  
 senatorum sententias: dignitate, fortasse senten-  
 tia consularis. illud extremum est, ope omnium  
 rerum. id, ego suspicari cœpitum ex tuis litteris,  
 aut hoc ipsum esse, aut non multo secus. nam per-  
 magni eius interest, rem ad interregnum non ueni-  
 re. id assequitur, si per prætorem consules crean-  
 tur. nos autem in libris habemus, non modo consu-  
 les a prætoribus, sed ne prætores quidem creari ius  
 esse, idq. factum esse numquam: consules, eo non esse  
 ius, quod maius imperium a minore rogari non sit  
 ius: prætores autem, cum ita rogentur, ut collegæ  
 consulum sint, quorum est maius imperium. aberit  
 non longe, quin hoc a me decerni uelit, neque sit con-  
 tentus Galba, Scauola, Cassio, Antonio.



- τότε μοι χάνοι ἀρεῖα χθών.

sed quanta tempestas impendeat, uides. Qui transierint senatores, scribam ad te, cum certum habebō. De re frumentaria recte intelligis; quæ nullo modo administrari sine uectigalibus potest: nec sine causa & eos, qui circum illum sunt, omnia postulantes, & bellum nefarium times. Trebatium nostrum, etsi, ut scribis, nihil bene sperat, tamen uidere sane uelim. quem fac horteris, ut properet. oportune enim ad me ante aduentum Cæsaris uenerit. De Lannino, statim, ut audiui Phameam mortuum, optaui, si modo esset futura res. ut id aliquis emeret meorum: neque tamen ad te, qui maxime meus, cogitaui. sciebam enim, de quoto anno, & quantum in solo, solere quærere: neque solum Romæ, sed etiam Deli tuum dîgamma uideram. uerum tamen ego illud, quamquam est bellum, minoris aestimo, quam aestimabatur Marcellino consule; cum ego istos hortulos propter domum, Antij quam tum habebam, iucundiores mihi fore putabam, & minore impensa, quam si Tusculanum refecissem. uolui HS L. egi per prædem, illi daret, Antij cum haberet uenale: noluit. sed nunc omnia ista iacere puto propter nummorum caritatem. mihi quidem erit aptissimum, uel nobis potius, si tu emeris. sed eius dementias caue contemnas. ualde est uenustum. quamquam mihi ista omnia iam addicta uasitati uidentur. Respondi epistolis tribus:  
sed



*sed exspecto tuas. nam me adhuc tuæ litteræ sustentant. Dat. Liberalibus.*

CICERO S. D. ATTICO. 9

NIHIL habebam, quod scriberem: neque enim noui quidquam audieram: et ad tuas omnes rescripseram pridie: sed, cum me ægritudo non solum somno priuaret, uerum ne uigilare quidem sine summo dolore pateretur; tecum ut quasi loquerer, in quo uno acquiesco, hoc nescio quid, nullo argumento proposito, scribere institui. Amens mihi fuisse uideor a principio, & me una hæc res torquet, quod non omnibus in rebus labentem, uel potius ruentem Pompeium tãquam unus manipularis secutus sim. uidi hominem xiv. kal. Febr. plenum formidinis. illo ipso die sensi, quid ageret: numquam mihi postea placuit: nec umquam aliud in alio peccare destitit. nihil interim ad me scribere, nihil nisi fugã cogitare. quid quæris? sicut ἐν τοῖς ἐρωτικοῖς alienantur immundæ, insulsæ, indecoræ: sic me illius fugæ, negligentiaeq. deformitas auertit ab amore. nihil enim dignum faciebat, quare eius fugæ comitem me adiungerem. nunc emergit amor: nunc desiderium ferre non possum: nunc mihi nihil libri, nihil litteræ, nihil doctrina prodest. itaque dies & noctes, tamquam aus illa, mare prospecto, euolare cupio. do, do pœnas temeritatis meæ. etsi quæ fuit illa temeritas? quid feci non consideratissime? si enim nihil præter



præter fugam quæreretur ; fugissem libentissime :  
sed genus belli crudelissimi , & maximi , quod , non  
dum uident homines , quale futurum sit , perhor-  
rui . quæ minæ municipijs ? quæ nominatim ui-  
ris bonis ? quæ denique omnibus , qui remansissent ?  
quam crebro illud ? Sulla potuit ; ego non potero ?  
mihi autem hæserunt illa . Male Tarquinius , qui  
Porsenam , qui Octauium Mamilium contra pa-  
triam : impie Coriolanus , qui auxilium petijt a Vol-  
scis : recte Themistocles , qui mori maluit : nefarius  
Hippias , Pisistrati filius , qui in Marathonia pugna  
cecidit , arma contra patriam ferens . At Sulla , at  
Marius , at Cinna recte . immo iure fortasse : sed  
quid eorum uictoria crudelius ? quid funestius ? hu-  
ius belli genus fugi , & eo magis , quod crudeliora  
etiam cogitari , & parari uidebam . me , quem non  
nulli conseruatorem istius urbis , quem parentem  
esse dixerunt , Getarum , & Armeniorum , &  
Colchorum copias ad eam adducere ? me meis ciui-  
bus famem , uastitatem inferre Italiae ? hunc pri-  
mum mortalem esse , deinde etiam multis modis  
posse extingui cogitabam : urbem autem , & popu-  
lum nostrum seruandum ad immortalitatem , quan-  
tum in nobis esset , putabam . & tamen spes quæ-  
dam me obtentabat , fore , ut aliquid conueniret  
potius , quam aut hic tantum sceleris , aut ille tan-  
tum flagitij admitteret . alia res nunc tota est , a-  
lia mea . Sol , ut est in tua quadam epistola , excidis-  
se mihi e mundo uidetur . ut ægroto , dum anima  
est .



## LIB. IX. EPIST.

est, spes esse dicitur; sic ego, quoad Pompeius in Italia fuit, sperare non destiti. hæc me fefellerunt; & ut uerum loquar, ætas iam a diuturnis laboribus de uexa ad otium, domesticarum me rerum delectatione molliuit. nunc siue periculo experiundum erit, experiar certe, ut hinc auolem. ante oportuit fortasse: sed ea, quæ scripsisti, me tardarunt, & auctoritas maxime tua. nam cum ad hunc locum uenissem, euolui uolumen epistolarum tuarum, quod ego sub signo habeo, seruoq. diligentissime. erat igitur in ea, quam x. kal. Febr. dederas, hoc modo. SED uideamus, & Cnæus quid agat, & illius rationes quorum fluant. quod si iste Italiam relinquet; faciet omnino male, & ut ego existimo, ἀλλογίως; sed tum demum consilia nostra commutanda erunt. Hoc scribis post diem quartum, quam ab urbe discessimus. deinde viii. kal. Feb. TANTVM MODO Cnæus noster ne, ut urbem ἀλλογίως reliquit, sic Italiam relinquat. Eodem die das alteras litteras, quibus mihi consulenti planissime respondes: est enim sic. SED uenio ad consultationem tuam. si Cnæus Italia cedit, in urbem redeundum puto. qui enim finis peregrinationis? hoc mihi plane hæsit: & nunc ita uideo, infinitum bellum iunctum miserrima fuga; quam tu peregrinationem ὑποκρίσιν. Sequitur ἡγεμονὸς vi. kal. Febr. EGO, si Pompeius manet in Italia, nec res ad pacem uenit, longius bellum puto fore: sin Italiam relinquit, ad posterum bellum ἀπορροὶν strui existimo.

huius



Huius igitur belli ego particeps, & socius, & adiutor esse cogor; quod & ἀσπονδον, & cum ciuibus. Deinde VI. id. Febr. cū iam plura audires de Pompeij consilio, concludis epistolam quandam hoc modo. EGO quidem tibi non sim auctor, si Pompeius Italiam relinquit, te quoque profugere. summo enim periculo facies, nec reip. proderis; cui quidem posterius poteris prodesse, si manseris. Quem φιλόπατρι, ac πολιτικόν hominis prudentis, et amici tali admonitu non moueret auctoritas? Deinceps III. id. Febr. iterum mihi respondes cōsulenti, sic. QVOD quæris a me, fugam ne fidam, an moram deferendam utiliorem putem: ego uero in præsentia \* subitum discessum, & præcipitem profectionem cum tibi, tum ipsi Cnæo inutilem, & periculosam puto: & satius esse existimo, uos dispertitos, et in speculis esse: sed mediufidius turpe nobis puto esse de fuga cogitare. Hoc turpe Cnæus noster biennio ante cogitauit: ita Sullaturit animus eius, & proscripserit diu. Inde, ut opinor, cum tu ad me quædam γενικώτερον scripsisses, & ego mihi a te quædam significari putassem, ut Italia cederem; detestaris hoc diligenter XI. kal. Mart. EGO uero nulla epistola significauī, si Cnæus Italia cederet, ut tu una cederes: aut, si significauī, non dico fui inconstans, sed demens. In eadē epistola alio loco. NIHIL relinquitur, nisi fuga: cui te socium neutiquā puto esse oportere, nec umquam putauī. Totam autem hanc deliberationem euoluīs accuratius in litteris



## LIB. IX. EPIST.

VII. kal. Mart. datis. SI M'. Lepidus, et L. Volcatius remanent, manendum puto, ita, ut, si saluus sit Pompeius, & constiterit alicubi, hanc vex<sup>κῆαν</sup> relinquas, & te in certamine uinci cum illo facilius patiaris, quam cum hoc in ea, quæ perspicitur futura, colluuieregnare. Multa disputas huic sententiæ conuenientia. inde ad extremum. QUID SI, inquis, Lepidus, & Volcatius discedunt? plane ἀπορῶ. quod euenerit igitur, & quod egeris, id σεπκτέον putabo. Si tum dubitares, nunc certe non dubitas, istis manentibus. Deinde in ipsa fuga V. kal. Mart. INTEREA non dubito, quin in Formiano mansurus sis. commodissime enim τὸ μέλλον ibi παραδοχήσεις. Ad kal. Mart. cum ille quintum iam diem Brundisij esset. TUM poterimus deliberare, non scilicet integrare, sed certe minus infra<sup>ἔτα</sup>, quam si una proieceris te. Deinde IV. non. Mart. ὑπὸ τὴν ληΐν cum breuiter scriberes, tamen ponis hoc. CRAS scribam plura, & ad omnia: hoc tamen dicam, non pænitere me consilij de tua mansione: &, quamquam magna solitudine, tamen, quia minus mali puto esse, quam in illa profectioe, maneo in sententia, et gaudeo te mansisse. Cum uero iam angerer, & timerem, ne quid a me dedecoris esset admissum; III. non. Mart. T AMEN, te non esse una cum Pompeio, non fero moleste. postea, si opus fuerit, non erit difficile: & illi, quoquo tempore fiet, erit ἀσμένισον. sed hoc ita dico: si hic, qua ratione initium fecit, eadem cetera



cetera aget, sincere, temperate, prudenter; ualde uidero, & consideratius utilitati nostræ consulero. VII. id. Mart. scribis, Peducaeo quoque nostro probari, quod quierim: cuius auctoritas multum apud me ualet. His ego tuis scriptis me consolor, ut nihil a me adhuc delictum putem. tu modo auctoritatem tuam defendito aduersus me. nihil opus esse, conscius ego, alijs. ego, si nihil peccaui, reliqua tuebor. ad ea tute hortare, & me omnino tua cogitatione adiua. Hic nihil dum de reditu Caesaris audiebatur. Ego his litteris hoc tamen profeci: perlegi omnes tuas, & in eo acquieni. Lentulum nostrum scis Puteolis esse? quod cum e uiatore quodam esset auditum, qui se diceret, eum in Appia, cum is paullum lecticam aperuisset, cognosse, & si uix ueri simile, nisi tamen Puteolos pueros, qui peruestigarent, & ad eum litteras. inuentus est uix, in hortis suis se occultans: litterasq. mihi remisit, mirifice gratias agens Caesari: de suo autem consilio C. Cæcio mandata ad me dedisse. eum ego hodie expectabam, idest XIV. kal. Apr. Venit etiam ad me Matius Quinquatribus, homo mehercule, ut mihi uisus est, temperatus, & prudens: existimatus quidem est semper auctor otij. quam ille hæc non probare mihi quidem uisus est, quam illam vexā, ut tu appellas, timere. huic ego in multo sermone epistolam ad me Caesaris ostendi, eam, cuius exemplum ad te antea misi: rogauique, ut interpretaretur, quid esset, quod ille scriberet,

r consilio



## LIB. IX. EPIST.

consilio meo se uti uelle, gratia, dignitate, opere-  
rum omnium. respondit, se non dubitare, quin &  
opem, et gratiam meam ille ad pacificationem qua-  
reret. utinam aliquod in hac miseria reip. πολιτικὸν  
opus efficere, & nauare mihi liceat. Matrius qui-  
dem & illum in ea sententia esse confidebat, & se  
auctorem fore pollicebatur. Pridie autem apud me  
Crassipes fuerat, qui se pridie non. Mart. Brundi-  
sio profectum, atque ibi Pompeium reliquisse dice-  
bat: quod etiam, qui VIII. id. illinc profecti erant,  
nunciabant: illa uero omnes, in quibus etiam Cras-  
sipes, qui prudentia potuit attendere, sermones  
minaces, inimicos optimatum, municipiorum ho-  
stes, meras proscriptiones, meros Sullas: quæ Luc-  
ceium loqui, quæ totam Græciam, quæ uero Theo-  
phanem. & tamen omnis spes salutis in illis est: &  
ego excubo animo, nec partem ullam capio quietis:  
& ut has pestes effugiam, cum dissimillimis nostri  
esse cupio. quid enim tu illuc Scipionem, quid Fau-  
stum, quid Libonem prætermisurum sceleris pu-  
tas? quorum creditores conuenire dicuntur. quid  
eos autem, cum uicerint, in ciues effecturos? quam  
uero putas μακροϋχίαν Cnæi nostri esse? nunciant,  
Aegyptum, & Arabiam & δαίμονα cogitare, Hi-  
spaniam abiēcisse. monstra narrant: quæ falsa esse  
possunt: sed certe & hæc perditæ sunt, & illa non sa-  
lutaria. Tuas litteras iam desidero. post fugam  
nostram numquam tantum earum interuallum fuit.  
Misi ad te exemplum litterarum mearum ad Cæ-  
sarem;



sarem; quibus me aliquid profecturum puto. Vale.  
Cicero imp. s. D. Cæsari imp. Ut legi  
tuas litteras, quas ab Furnio nostro acceperam,  
quibus mecum agebas, ut ad urbem essem; te uel-  
le uti consilio, & dignitate mea: minus sum admi-  
ratus: de gratia, & de ope quid significares, me-  
cum ipse quærebam: spetamen deducebar ad eam  
cogitationem, ut te pro tua admirabili, ac singula-  
ri sapientia de otio, de pace, de concordia ciuium  
agi uelle arbitrarer: & ad eam rationem existima-  
bam satis aptam esse & naturam, & personam  
meam. quod si ita est; & si qua de Pompeio nostro  
tuendo, & tibi, ac reip. reconciliando cura te attin-  
git: magis idoneum, quam ego sum, ad eam caus-  
sam profecto reperies neminem: qui & illi semper,  
& senatui, cum primum potui, pacis auctor fui;  
nec, sumptis armis, belli ullam partem attigi; iu-  
dicauiq. te eo bello uiolari, contra cuius honorem,  
populi R. beneficio concessum, inimici, atque inui-  
di niterentur. sed ut eo tempore non modo ipse au-  
ctor dignitatis tuæ fui, uerum etiam ceteris auctor  
ad te adiuuandum: sic me nunc Pompeij dignitas  
uehementer mouet. aliquot enim sunt anni, cum  
uos duos delegi, quos præcipue colerem, & quibus  
essem, sicut sum, amicissimus. Quamobrem a te pe-  
to, uel potius precibus omnibus oro, & obtestor,  
ut in tuis maximis curis aliquid impertias tēporis  
huic quoque cogitationi, ut tuo beneficio bonus uir,  
gratus, pius denique esse in maximi beneficii me-



LIB. IX. EPIST.

moria possim. quæ si tantum ad me ipsum pertine-  
rent, sperarem me a te tamen impetraturum: sed,  
ut arbitror, & ad tuam fidem, & ad remp. perti-  
net, me & pacis, et utriusque uestrum, et ad ciuium  
concordiam, per te, quam accommodatissimum,  
conseruari. Ego, cum antea tibi de Lentulo gratias  
egissem, cum ei saluti, qui mihi fuerat, fuisses; ta-  
men, eius litteris lectis, quas ad me gratissimo ani-  
mo de tua liberalitate, beneficioq. misit, eandem  
me salutem a te accepisse putavi, quam ille. in quem  
si me intelligis esse gratum; cura, obsecro, ut etiam  
in Pompeium esse possim. Vale.

CICERO S. D. ATTICO. IO

LEGEbam tuas litteras XIII. kal. cum mi-  
hi epistola affertur a Lepta, circumuallatum esse  
Pompeium, ratibus etiam exitus portus teneri.  
non mediusfidius præ lacrymis possum reliqua nec  
cogitare, nec scribere. nisi ad te exemplum. mi-  
seros nos, cur non omnes fatum illius una executi  
sumus? ecce eadem a Matio, & Trebatio; quibus  
Minturnis obuï Caesaris tabellarij. torqueor infe-  
lix, ut iam illum Mucianum exitum exoptem. at  
quam honesta, at quam expedita tua consilia, quam  
euigilata tuis cogitationibus qua itineris, qua nau-  
igationis, qua congressus, sermonisq. cum Cesare?  
omnia tum honesta, tum cauta. in Epirum uero  
inuitatio quam suavis, quam liberalis, quam fra-  
terna? De Dionysio, sum admiratus: qui apud me  
honoratior



honoratior fuit, quam apud Scipionem Panætius :  
a quo impurissime hæc, hæc nostra fortuna despecta  
est. odi hominem, & odero : utinam ulcisci possem :  
sed illum ulciscuntur mores sui. Tu, quæso, nunc  
uel maxime, quid agendum nobis sit, cogita. Popu-  
li R. exercitus Cn. Pompeium circumsidet : fossa &  
uallo septum tenet : fuga prohibet : nos uiuimus, &  
stat urbs ista? prætores ius dicunt? ædiles ludos pa-  
rant? uiri boni usuras perscribunt? ego ipse sedeo?  
coner illuc ire, ut insanus? implorare fidem munici-  
piorum? boni non sequentur; leues irridebunt; re-  
rum nouarum cupidi, uictores præsertim, & ar-  
mati, uim, & manus asferent. Quid censes igitur?  
ecquidnam est tui consilij? ad finis huius miserrimæ \*  
uitæ? nunc doleo, nunc torqueor, cum quibusdam  
aut sapiens uideor, quod una non ierim, aut felix  
fuisse. mihi contra: numquam enim illius uictoriæ so-  
cius esse uolui; calamitatis malleum fuisse. quid ego  
nunc tuas litteras, quid tuam prudentiam, aut be-  
neuolentiam implorem? actum est. nulla re iam  
possum iuuari, qui ne quid optem quidem iam ha-  
beo, nisi ut aliqua inimici misericordia liberetur.  
οὐκ ἔστι ἐτυμος λόγος, ut opinor, ille de ratibus. quid  
enim est, quod Dolabella iij litteris, quas I I I.  
id. Mart. a Brundisio dedit, hanc Ἐμπόριον quasi  
Cæsaris scriberet, Pompeium in fuga esse? eumq.  
primo uento nauigaturum? quod ualde discrepat  
ab ijs epistolis, quarum exempla antea ad te misi.  
hic quidem mera scelera loquuntur: sed non erat



## LIB. IX. EPIST.

*nec recentior auctor, nec huius rei quidem melior  
Dolabella. Vale.*

CICERO S. D. ATTICO. II

*T*VAS XI. kal. accepi litteras, quibus omnia  
consilia differs in id tempus, cum scierimus, quid  
actum sit. & certe ita est: nec interim potest quid-  
quam statui, ne cogitari quidem. quamquam hæ mi-  
hi litteræ Dolabellæ iubent ad pristinas cogitatio-  
nes reuerti. fuit enim pridie Quinquatrus egregia  
tempeestas, qua ego illum usum puto. *σωαγωγὴν*  
consiliorum tuorum non est a me collecta ad querel-  
lam, sed magis ad consolationem meam. nec enim  
me tam hæc mala angebant, quam suspicio culpæ,  
ac temeritatis meæ. eam nullam puto esse; quo-  
niam cum consilijs tuis mea & facta, & consilia con-  
sentiunt. Quod mea prædicatione factum esse scri-  
bis magis, quam illius merito, ut tantum ei debe-  
re uiderer: est ita. ego illa extuli semper, & eo  
quidem magis, ne quid illi superiorum meminisse  
me putaret. quæ si maxime meminissem, tamen  
illius temporis similitudinem iam sequi deberem.  
nihil me adiunxit, cum posset: & postea fuit amicus,  
& tam ualde: & quam ob causam, plane scio. ergo  
ego quoque illi. quin etiam illud par in utroque no-  
strum, quod ab eisdem illecti sumus. sed utinam  
tantum ego ei prodesse potuissem, quantum ille mi-  
hi potuit. mihi tamen, quod fecit, est gratissimum,  
nec ego, eum nunc inuare qua re possim, scio: nec  
si



si possem, cum tam pestiferum bellum pararet, ad-  
 iuuandum putarem. tantum offendere animum eius  
 hic manens nolo. nec mebercule ista uidere, quæ tu  
 potes iam animo prouidere, nec interesse istis malis  
 possem: sed eo tardior ad discedendum fui, quod dif-  
 ficile est de discessu uoluntario sine ulla spe reditus  
 cogitare. nam ego hunc ita paratum uideo pedita-  
 tu, equitatu, classibus, auxilijs Gallorum, quos  
 Matus ἐσάλπιζεν, ut puto, sed certe dicebat, pe-  
 ditum, equitum se polliceri sumptu suo annos de-  
 cem. sed sit hoc λάπισμα. magnas habet certe co-  
 pias, & habebit non ille uectigal, sed ciuium bona.  
 adde confidentiam hominis. adde imbecillitatem bo-  
 norum uirorum; qui quidem, quod illum sibi me- \*  
 rito iratum putant, oderunt. ut tu scribis ludum. \*  
 ac uellem, scribis, quisnam hic significasset. sed & \*  
 iste, quia plus ostenderat, quam fecit, & uulgo il-  
 lum, qui amarunt, non amant. municipia uero, &  
 rustici Romani illum metuunt, hunc adhuc dili-  
 gunt. quare ita paratus est, ut, etiam si uincere non  
 possit, quo modo tamen ipse uinci possit, non uideam.  
 ego autem non tam γοντείαν huius timeo, quam  
 πειθανάγκην. αἱ γὰρ τῶν τυράννων δεινότητες, inquit  
 Πλάτων, οἷός ἐστι μεμυγμέναι ἀνάγκαι. Illa αἰλίμενα  
 uideq; tibi non probari, quæ ne mihi quidem place-  
 bant: sed habebam in illis & occultationem; & ὑπὸ  
 προίαν fidelem, quæ si mihi Brundisij suppetant,  
 mallem: sed ibi occultatio nulla est. uerum, ut scri-  
 bis, cum sciemus. Viris bonis me non nimis excuso.



## LIB. IX. EPIST.

quas enim eos cenas & facere, & obire scripsit ad me Sextus? quam lautas, quam tempestiuas? sed sint quamuis boni; non sunt meliores, quam nos: mouerent me, si essent fortiores. De Lanuino Phameæ erraui: Troianum somniaueram. id ego uolui Q. sed pluris est. is tamen cuperem emerere, si ullam spem fruendi uiderem. Nos quæ monstra quotidie intelligamus, ex illo libello, qui in epistolam coniectus est. Lentulus noster Puteolis est, ἀδελφεῶν, ut Cæcius narrat. quid agat? διαγορνῖν Corfiniensem reformidat: Pompeio nunc putat satisfactum: beneficio Cæsaris mouetur, sed tamen mouetur magis prospectare.

Men' hæc posse ferre? omnia misera: sed hoc nihil miseriùs. Pompeius Cn. Magium de pace misit, & tamen oppugnatur: quod ego non credebam: sed habeo a Balbo litteras, quarum ad te exemplum misi. lege, quæso, & illud infimum caput ipsius Balbi, optimi, cui Cnæus noster locum, ubi hortos edificaret, dedit: quem cui nostrum non sæpe prætulit? itaque miser torquetur. sed, ne bis eadem legas, ad ipsam te epistolam reijcio. spem autem pacis habeo nullam. Dolabella suis litteris, id. Mart. datis, merum bellum loquitur. maneamus ergo in illa eadem sententia misera, & desperata: quando hoc miseriùs esse nihil potest.

Balbus Ciceroni imp. S. Cæsar nobis litteras perbreues misit, quarum exemplum subscripsi. breuitate epistolæ scire poteris eum ualde esse dislentum, qui tanta de

re



re tam breuiter scripserit . si quid præterea noui fuerit , statim tibi scribam . Caesar Oppio , Cornelio S. Ad VII. id. Mart. Brundisium ueni : ad murum castra posui . Pompeius est Brundisij : misit ad me Cn. Magium de pace . quæ uisa sunt , respondi . hoc uos statim scire uolui . cum in spem uenero , de compositione aliquid me conficere ; statim uos certiores faciam . Valete . Quo modo me nunc putas , mi Cicero , torqueri , postquam rursus in spem pacis ueni , ne qua res compositionem eorum impediatur ? namque , quod absens facere possum , opto . quod si una essem , aliquid fortasse proficere possem . nunc expectatione crucior . Vale .

CICERO S. D. ATTICO. 12

MISERAM ad te VIII. kal. exemplum epistolæ Balbi ad me , & Caesaris ad eum . ecce tibi eodem die Capua litteras accepi ab Q. Pedio , Caesarem ad se prid. id. Mart. misisse litteras hoc exemplo . Pompeius se oppido tenet : nos ad portas castra habemus : conamur opus magnum , & multorum dierum , propter altitudinem maris : sed tamen nihil est , quod potius faciamus . ab utroque portus cornu moles iacimus , ut aut illum quamprimum trajicere quod habet Brundisij copiarum cogamus , aut exitu prohibeamus . Vbi illa pax , de qua Balbus scripserat torqueri se ? ecquid acerbius ? ecquid crudelius ? atque eum loqui quidam aduertitioris narrant :



L. B. IX. EPIST.

rant: Cn. Carbonis, M. Bruti se pœnas persequi, omniumq. eorum, in quos Sulla crudelis hoc socio fuisset: nihil Curionem se duce facere, quod non hic Sulla duce fecisset: ad ambitionem, quibus exsilij pœna superioribus legibus non fuisset, ab illo patriæ proditores de exsilio reductos esse: queri de Milone per vim expulso: neminem tamen se uiolaturum, nisi qui arma hæc contra. Bæbius quidam a Curione III. id profectus, homo non infans, sed quis, ulli non dicat: plane nescio, quid agam. illinc quidem Cnæum profectum puto. quidquid est, biduo sciemus.

CICERO S. D. ATTICO. 13

A TE nihil: ne ante prorsus quidem quid litterarum. nec mirum: quid enim est, quod scribamus? ego tamen nullum diem prætermitto. Scripta epistola, litteræ mihi ante lucem a Lepta Capua redditæ sunt, id. Mart. Pompeium a Brundisio conscendisse, at Cæsarem ad VII. kal. Apr. Capuæ fore. Vale.

CICERO S. D. ATTICO. 14

CUM dedissem ad te litteras, ut scires Cæsarem Capuæ VII. kal. fore; allatæ mihi sunt litteræ, eum in Albano apud Curionem V. kal. fore. eum cum uidero, Arpinum pergam. si mihi neniam, quam peto, dederit, utar condicione: sin minus, impetrabo aliquid a me ipso. ille, ut ad me scripsit, legio-



legiones singulas posuit Brundisii, Tarenti, Siponti. claudere mihi uidetur maritimos exitus, & tamen ipse Græciam spectare potius, quam Hispanias. sed hæc longius absunt. Me nunc & congressus huius stimulat; (is uero adest) & primas eius actiones horreo. uolet enim, credo, senatusconsultum facere: uolet augurum decretum: rapiemur, aut absentes uexabimur. uel ut consules roget prætor, uel dictatorem dicat: quorum neutrum ius est. at si Sulla potuit efficere, ab interrege ut dictator diceretur, & magister equitum: cur hic non possit? nihil expedio, nisi ut aut ab hoc, tamquam Q. Mucius, aut ab illo, tamquam L. Scipio. Cum tu hæc leges, ego illum fortasse conuenero. τέτλα: κούτε-  
ρον. ne illud quidem nostrum proprium. erat enim spes propinqui reditus, erat hominum querella. nunc exire cupimus; qua spe reditus, mihi quidem nunquam in mentem uenit. non modo autem nulla querella est municipalium hominum, ac rusticorum, sed contra metuunt ut crudelem, iratum: nec tamen mihi quidquam est miserius, quam remansisse; nec optatius, quam euolare, non tam ad belli, quam ad fugæ societatem. sed tu omnia consilia differebas in id tempus, cum sciremus, quæ Brundisii acta essent. scimus nempe, hæremus nihilo minus. uix enim spero mihi hunc ueniam daturum: etsi multa assero iusta ad impetrandum. sed tibi omnem illius, meumque sermonem, omnibus uerbis expressum, statim mittam. Tu nunc omni amore eni-  
tere



tere, ut nos cura tua, & prudentia iuues. ita subito accurrit, ut ne Trebatium quidem, ut constitueram, possim uidere. omnia nobis imparatis agenda: sed tamen

- ἄλλα μὲν αὐτὸς, ut ait ille,

Ἄλλα δὲ καὶ δαίμων ὑποθήσεται.

quidquid egero, continuo scies. Mandata Cæsaris ad consules, & ad Pompeium, quæ rogas, nulla habeo. quæ descripta attulit, illa e uia misi ad te: e quibus mandata puto intelligi posse. Philippus Neapoli est, Lentulus Puteolis. de Domitio, ut facis, sciscitare, ubi sit, quid cogitet. Quod scribis, asperius me, quam mei patiantur mores, de Dionysio scripsisse: uide, quam sim antiquorum hominum: te mediusfidius hanc rem grauius putauilaturum esse, quam me. nam, præterquam quod te moueri arbitror oportere iniuria, quæ mihi a quoquam facta sit; præterea te ipsum quonam modo hic uiolauit, cum in me tam improbus fuit? sed tu id quanti æstimes, tuum iudicium est: nec tamen in hoc tibi quidquam oneris impono: ego autem illum male sanum semper putauim, nunc etiam impurum, & sceleratum puto, nec tamen mihi inimiciorem, quam sibi. Philargyro bene: causam certe habuisti & ueram, & bonam: relictum esse me potius, quam reliquisse. Cum dedissem iam litteras ad VIII. kal. quos cum Matio pueros, & Trebatio miseram. epistolam mihi attulerunt hoc exemplo.

Matius & Trebatius Ciceroni imp. S. Cum Capua



qua exissemus, in itinere audiuius Pompeium Brundisio ad xvi. kal. Apr. cum omnibus copijs, quas habuerat, profectum esse: Cæsarem postero die in opidum introisse, concionatum esse, inde Romam contendisse: uelle ante kal. esse ad urbem, & paucos dies ibi commorari, deinde in Hispanias proficisci. Nobis non alienum uisum est, quoniam de aduentu Cæsaris pro certo habebamus, pueros tuos ad te remittere, ut id tu quamprimum scires. Mandata tua nobis curæ sunt, eaque, ut tempus postularit, agemus. Trebatius Scæuola facit ut antecedit. Epistola conscripta, nunciatum est nobis, Cæsarem ad viii. kal. Capuæ, ad vii. Sinuessæ, hoc pro certo putamus. Vale.

CICERO S. D. ATTICO. 15

CVM, quid scriberem ad te, nihil haberem, tamen, ne quem diem intermitterem, has dedi litteras. Ad vii. kal. Cæsarem Sinuessæ mansurum nunciabant. ab eo mihi litteræ redditæ sunt ad vii. kal. quibus iam opes meas, non, ut in superioribus litteris, opem, expectat. cum eius clementiam Corfiniensem illam per litteras collaudauissem, rescripsit hoc exemplo. Cæsar imp. Ciceroni imp. S. Recte auguraris de me, (bene enim tibi cognitus sum) nihil a me abesse longius crudelitatem. atque ego cum ex ipsa re magnam capio uoluptatem: tum, meum factum probari abs te, triumpho, & gaudeo. neque illud me mouet, quod ij, qui



## LIB. IX. EPIST.

qui a me dimissi sunt, discessisse dicuntur; ut mihi rursus bellum inferrent. nihil enim malo, quam & me mei similem esse, & illos sui. Tu uelim mihi ad urbem praesto sis, ut tuis consilijs, atque opibus, ut consueui, in omnibus rebus utar. Dolabella tuo nihil scito mihi esse iucundius. hanc adeo habebo gratiam illi, neque enim aliter facere poterit: tanta eius humanitas, is sensus, ea in me est beneuolentia. Vale.

CICERO S. D. ATTICO. 16

TREBATIVM VI. kal. quo die has litteras dedi, expectabam. ex eius nuncio, Matijq. litteris meditor, quo modo cum illo loquar. o tempus miserum. nec dubito, quin a me contendat, ad urbem ueniam. senatum enim kal. uelle se frequentem adesse, etiam Formijs proscribi iussit. ergo ei negandum est? sed quid praeripi? statim ad te perscribam omnia. ex illius sermone statuam, Arpinum ne mihi eundum sit, an quo alio. Volo Cicero ni meo togam puram dare, istic puto. tu quaso cogita, quid deinde: nam me hebetem molestia reddiderunt. A Curio, uelim scire, ecquid ad te scriptum sit de Tirone. ad me enim ipse Tiro ita scripsit, ut uerear, quid agat. qui autem ueniunt inde, id modo nunciant. sane in magnis curis etiam haec me sollicitant. in hac enim fortuna perutilis eius & opera, & fidelitas esset.

CICERO



CICERO S. D. ATTICO. 17

VTRVMQVE ex tuo consilio . nam & ora-  
tio fuit ea nostra, ut bene potius ille de nobis existi-  
maret, quam gratias ageret: & in eo mansimus,  
ne ad urbem . illa fefellerunt, facilem quod putara-  
mus . nihil uidi minus . damnari se nostro iudicio,  
tardiores fore reliquos, si in his non ueniremus, di-  
cere . ego, dissimilem illorum esse causam . cum mul-  
ta: ueni igitur, & age de pace . meo ne, inquam,  
arbitratu? an tibi, inquit, ego præscribam? sic, in-  
quam, agam; senatui non placere in Hispanias iri,  
nec exercitus in Græciam transportari: multa q. in-  
quam de Cnæo deplorabo . tum ille, ego uero ista  
dici nolo . ita putabam, inquam: sed ego eo nolo  
adesse, quod aut sic mihi dicendum est, multa que,  
quæ nullo modo possem silere, si adessem; aut non  
ueniendum . summa fuit, ut ille quasi exitum quæ-  
rens, ut deliberarem . non fuit negandum . ita di-  
scessimus . credo igitur hunc me non amare . at ego  
me amari; quod mihi iam pridem usu non uenit .  
reliqua, o di, qui comitatus; quæ, ut tu soles dice-  
re, veniæ: in qua erat Eros Celeri . o rem perdi-  
tam, o copias desperatas . quid? Seruij filius . quot  
in his castris fuerunt, quibus Pompeius circum-  
sideretur? sex legiones . multum uigilat, audet,  
nullum uideo finem mali . nunc certe promen-  
datibi sunt consilia . Hoc fuerat extremum . il-  
la tamen κατὰκρισις illius est odiosa, quam pæ-  
ne



## LIB. IX. EPIST.

ne præterij: si sibi consilijs nostris uti non liceret, usurum, quorum posset, ad omniaq. esse descensurum. uidisti igitur uirum, ut scripseras? ingemisti? certe. cedo reliqua, quid? continuo ipse in Puteolanum, ego Arpinum. inde exspecto quidem ΛΑΛΤΕCΑΝ illam tuam. tu (malum) inquit\* es, actum ne agas. etiam illum ipsum, quem sequimur, multa fefellerunt. sed ego tuas litteras exspecto. nihil est enim, ut iam antea, Videamus hoc quorsum euadat. Extremum fuit de congressu nostro. quo quidem non dubito quin istum offenderim. eo maturius agendum est. amabote epistolam, & πολιτικὴν. ualde tuas litteras nunc exspecto. Vale.

CICERO S. D. ATTICO. 18

EGO meo Ciceroni, quoniam Roma caremus; Arpini potissimum togam puram dedi: idq. municipibus nostris fuit gratum. etsi omnes, & illos, et qua iter feci, mæstos, afflictosq. uidi: tam tristis, & tam atrox est ἀναθεώρησις huius ingentis mali. delectus habetur. in hiberna deducuntur. ea, quæ, etiam cum a bonis uiris, cum iusto in bello, cum modeste fiunt, tamen ipsa per se molesta sunt, quam censes acerba nunc esse, cum a perditis, in ciuili nefario bello, petulantissime fiant? caue autem putes, quemquam hominem in Italia turpem esse, qui hinc absit. uidi ipse Formijs uniuersos. neque mehercule umquam homines putauī; & noram omnes, sed numquam



numquam uno loco uideram. Pergamus igitur, quo placet; & nostra omnia relinquamus. proficiscamur ad eum, cui gratior noster aduentus erit, quam si una fuisset. tum enim eramus in maxima spe; nunc, ego quidem, in nulla. nec, præter me, quisquam Italia cessit, nisi qui hunc inimicum sibi putaret. nec mehercule hoc facio reip. causa, quam funditus deletam puto, sed ne quis me putet ingratum in eum, qui me leuauit ijs incommodis, quibus idem affecerat: & simul, quod ea, quæ fiunt, aut quæ certe futura sunt, uidere non potero. etiam equidem S. C. facta quædam iam puto, utinam in Volcatij sententiam. sed quid refert? est enim una sententia omnium. sed erit iniustissimus Seruius, qui filium misit ad affligendum Cn. Pompeium, aut certe capiendum, cum Pontio Titiniano. etsi hic quidem timoris causa, ille uero? sed Stomachari desinamus, & aliquando sententiam, ut nihil noui, nisi id; quod minimum uellem spiritum reliquum esse. Nos, quoniam superum mare obsidetur, infero nauigabimus: & si Puteolis erit difficile, Crotonem petemus, aut Thurios; & boni ciues, amantes patriæ, mare infestum habebimus. aliam rationem huius belli gerendi nullam uideo. in Aegyptum nos abdimus. exercitu pares esse non possumus. pacis fides nulla est. sed hæc satis deplorata sunt. Tu uelim litteras Cephalionides de omnibus rebus actis, denique etiam sermonibus hominum; nisi

Z

plane



LIB. IX. EPIST.

plane obmutuerunt. Ego tuis consilijs usus sum,  
maxime quod & gravitatem in congressu nostro  
tenui, quam debui; &, ad urbem ut non accede-  
rem perseveravi. Quod superest, scribe, quæ-  
so, quam accuratissime, ( iam enim extrema sunt )  
quid placeat, quid censeas. etsi iam nulla dubita-  
tio est, tamen, si quid, vel potius quidquid veniet  
in mentem, scribas uelim. Vale.



178  
M. TVLLII CICERONIS  
EPISTOLARVM AD T.  
POMPONIVM ATTICVM  
LIBER X.

CICERO S. D. ATTICO.

TERTIO non . cum in Laterium fra-  
tris uenissem , accepi litteras , & paul-  
lum respiraui : quod post has ruinas mi-  
hi non acciderat . per enim magni æsti-  
mo , tibi firmitudinem animi nostri , & factum no-  
strum probari . Sexto enim nostro quod scribis pro-  
bari , ita letor , ut me quasi patris eius , cui sem-  
per uni tribui plurimum , iudicio comprobari pu-  
tem : qui mihi , quod sæpe soleo recordari , dixit  
olim , nonis illis Decembribus , cum ego , Sexte ,  
quidnam ergo ?

Μὴ μὰν , inquit ille , ἀσπεδεῖ γε καὶ ἀκλειῶς ἀπολοίμην ,  
ἀλλὰ μέγα ῥέξας τι , καὶ ἐσσημένοισι πυθέσθαι .

eius igitur mihi uiuit auctoritas ; et simillimus eius  
filius eodem est apud me pondere , quo fuit ille :  
quem saluere uelim iubeas plurimum . Tu tuum  
consilium etsi non in longum tempus differs , ( iam  
enim illum emptum pacificatorem perorasse puto ,  
iam actum aliquid esse in confessu senatorum ) ta-  
men suspensum me detines , sed eo minus , quod non  
dubito , quid nobis agendum putes . quid enim Fla-  
uius legionem , & Siciliam dari scribis , & id iam

Z 2 fieri ?



fieri? quæ tu scelera partim parari, et iam cogitari, partim ex tempore futura censes? ego uero Solonis, popularis tui, & ut puto, etiam mei, legem negligam, qui capite sanxit, si qui in seditione non alterutrius partis fuisset. nisi tu aliter censes. & hinc abero, & filij. sed alterum mihi est certius; nec præripiam tamen; expectabo tuum consilium, & eas litteras, nisi alias iam dedisti, quas scripsi, ut Cephaliōni dares. Quod scribis, non quo alicunde audieris, sed te ipsum putare, me attractum iri, si de pace agatur: mihi omnino non uenit in mentem, quæ possit actio esse de pace, cum illi certissimum sit, si possit, exspoliare exercitu, & prouincia Pompeium. nisi forte iste summarius ei potest persuadere, ut, dum oratores eant, & redeant, quiescat. nihil uideo quod sporem, aut quod iam putem fieri posse. sed tamen hominis hoc ipsum probi est, & magnum τῶν πολιτικῶτάτων σκευμάτων, ueniendum ne sit consilium tyranni, si is aliqua de re bona deliberaturus sit. quare, si quid eiusmodi euenerit, ut accersamur: (quod equidem non curo: quid enim essem de pace dicturus, dixi; ipse ualde repudiavit) sed tamen, si quid acciderit, quid censeas mihi faciendum, utique scribito. nihil enim mihi adhuc accidit, quod maioris consilij esset. Trebatij, boni uiri, & ciuis, uerbis te gaudeo delectatum: tuaque ista crebra ἐκφώνοις ΠΕΡΕΙ me  
 \* sola, adhuc delectauit. Litteras tuas uehementer exspecto, quas quidem credo iam datas esse. Tu cum

Sexto



Sexto seruasti grauitatem eandem, quam mihi præcipis. Celer tuus disertus magis est, quam sapiens. De iuuenibus, quæ ex Tullia audisti, uera sunt. M. Antonij istud, quod scribis, non mihi uidetur tam re esse triste, quam uerbo. hæc est ἄλγος, in qua nunc sumus, mortis instar. aut enim mihi libere inter malos πολιτῶν fuit, aut uel periculose cum bonis: aut nos temeritatem bonorum sequamur: aut audaciam improborum insecutemur. utrumque periculosum est. at hoc, quod agimus, & turpe, nec tamen tutum. Istum, qui filium Brundisium de pace misit, (de pace idem sentio, quod tu; simulationem esse apertam, parari autem bellum acerrime) legatum iri non arbitror; cuius adhuc, ut optauimus, mentio facta nulla sit. eo minus habeo necesse scribere, aut etiam cogitare, quid sim factururus, si acciderit, ut legarer. Vale.

CICERO S. D. ATTICO. 2

EGO cum accepissem tuas litteras nonis Apr. quas Cephalio attulerat, essemq. Minturnis postridie mansurus, & inde protinus; sustinui me in Arcano fratris, ut, dum aliquid certius afferretur, occultiore in loco essemus, agerenturq. nihilominus, quæ sine nobis agi possunt. ΜΜΤΕΥCΑ ἰὰ ἀδελφεῖ, \* & animus ardet: nec est quidquam, quo, & quid. sed hæc nostra erit cura, & peritorum. tu tamen, quod poteris, ut adhuc fecisti, nos consilij iuuabis. res sunt inexplicabiles. fortunæ sunt committenda

2 3 omnia.



## LIB. X. EPIST.

omnia. sine spe conamur ulla. melius si quid acciderit, mirabimur. Dionysium nolim ad me profectum: de quo ad me Tullia mea scripsit: sed & tempus alienum est; & homini non amico nostra incommoda, tanta praesertim, spectaculo esse nollem: cui te meo nomine inimicum esse nolo. Vale.

CICERO S. D. ATTICO. 3

CUM, quid scriberem, plane nihil haberem; hæc autem reliqua essent, quæ scire cuperem, profectus ne esset, quo in statu urbem reliquisset, in ipsa Italia quem cuique regioni, aut negotio praefecisset, et qui essent ad Pompeium, & ad consules ex S. C. de pace legati: ut igitur hæc scirem, dedita opera has ad te litteras misi. feceris igitur commode, mihiq. gratum, si me de his rebus, & si quid erit aliud, quod scire opus sit, feceris certiore. ego in Arcano opperior, dum ista cognosco. Ad VII. id. alteram tibi eodem die hanc epistolam dictavi; & pridie dederam mea manu longiorem. Visum te aiunt in Regia: nec reprehendo: quippe cum ipse istam reprehensionem non fugerim. sed exspecto tuas litteras. neque iam sane uideo, quid exspectem: sed tamen, etiam si nihil erit, id ipsum ad me uelim scribas. Cæsar mihi ignoscit per litteras, quod non uenerim; seseq. in optimam partem id accipere dicit. facile patior, quod scribit, secum Tullum, & Seruium questos esse, quia non idem sibi, quod mihi, remisisset. homines ridiculos, qui  
cum



cum filios misissent ad Cn. Pompeium circumfiden-  
dum, ipsi in senatum uenire dubitarent. sed tamen  
exemplum misi ad te Caesaris litterarum. Vale.

CICERO S. D. ATTICO. 4

MULTAS a te accepi epistolas eodem die, om-  
nes diligenter scriptas, eam uero, quæ uoluminis  
instar erat, sæpe legendam, sicuti facio: in qua non  
frustra laborem suscepisti: mihi quidem pergratum  
fecisti. quare, ut id, quoad licebit, id est, quoad  
scies ubi sumus, quam sæpiissime facias, te uehemen-  
ter rogo. at deplorandi quidem, quod quotidie fa-  
cimus, sit iam nobis aut finis omnino, si potest, aut  
moderatio quædam, quod profecto potest. non e-  
nim, quam dignitatem, quos honores, quem uitæ  
statum amiserim, cogito, sed quid consecutus sim,  
quid præstiterim, qua in laude uixerim, his deni-  
que in malis quid intersit inter me, & istos, quos  
propter omnia amisimus. hi sunt, qui, nisi me ciui-  
tate expulissent, obtinere se non posse putarunt li-  
centiam cupiditatum suarum: quorum societas, &  
sceleratæ consensionis fides quo eruperit, uides. al-  
ter ardet furore, & scelere, nec remittit aliquid,  
sed in dies ingrauescit: modo Italia expulit: nunc  
alia ex parte persequi, ex alia prouincia spoliare co-  
natur: nec iam recusat, sed quodam modo postu-  
lat, ut, quemadmodum est, sic etiam appelletur  
tyrannus. alter, is, qui nos sibi quondam ad pedes  
stratos ne subleuabat quidem, qui se nihil contra hu-



## LIB. X. EPIST.

ius uoluntatem aiebat facere posse, elapsus e soceri manibus, ac ferro, bellum terra, & mari comparat, non iniustum ille quidem, sed tum pium, tum etiam necessarium, suis tamen ciuibus exitiale, nisi uicerit; calamitosum etiam, si uicerit. horum ego summorum imperatorum non modo res gestas non antepono meis, sed ne fortunam quidem ipsam, qua illi florentissima, nos duriore conflictati uidemur. quis enim potest, aut deserta per se patria, aut oppressa, beatus esse? & si, ut nos a te admonemur, recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserrimus; quorum utrique semper patriæ salus, & dignitas posterior sua dominatione, & domesticis commodis fuit. Praeclara igitur conscientia sustentor, cum cogito me de rep. aut meruisse optime, cum potuerim, aut certe numquam, nisi diuine, cogitasse, eaq. ipsa tempestate euersam esse rep. quam ego xlv. annis ante prospexerim. hac igitur conscientia comite proficiscar, magno equidem cum dolore, nec tam id propter me, aut propter fratrem meum, quorum iam acta ætas, quam propter pueros, quibus interdum uidemur præstare etiam rep. debuisse: quorum quidem alter, non tam, quia maiore pietate est, me mirabiliter excruciat; alter, (o rem miseram; nihil enim mihi accidit in omni uita acerbius) indulgentia uidelicet nostra deprauatus, eo progressus est, quo non audeo dicere:



cere: & exspecto tuas litteras. scripsisti enim, te scripturum esse plurima, cum ipsum uidisses. omne meum obsequium in illum fuit cum multa seueritate: neque unum eius, nec paruum, sed multa magna delicta compressi. patris autem lenitas amanda potius ab illo, quam tam crudeliter negligenda. nam litteras eius ad Cæsarem missas ita grauitertulimus, ut te quidem cælaremus; sed ipsius uidemus uitam insuauem reddidisse. hoc uero eius iter, simulatioq. pietatis qualis fuerit, non audeo dicere. tantum scio, post Hirtium conuentum, accersitum ab Cæsare: cum eo de meo animo ab suis rationibus alienissimo, & consilio relinquendi Italiam. et hæc ipsa timide. sed nulla nostra culpa est: natura metuenda est. hæc Curionem, hæc Hortensii filium, non patrum culpa, corrumpit. iacet in mærore meus frater, neque tam de sua uita, quam de mea metuit. huic tu, huic tu malo offer consolationes, si ullas potes: maxime quidem illam uelim, ea, quæ ad nos delata sint, aut falsa esse, aut minora. quæ si uera sint; quid futurum sit in hac fuga, nescio. nam si haberemus remp. consilium mihi non deesset nec ad seueritatem, nec ad indulgētiam. Hæc, siue iracundia, siue dolore, siue metu permotus, grauius scripsi, quam aut tuus in illum amor, aut meus postulabat. si uera sunt, ignosces: si falsa, me libente eripies mihi hunc errorem. quoquo modo uero se res habeat, nihil assignabis nec patruo, nec patri. Cum hæc scripsissem, a Curione mihi



## LIB. X. EPIST.

hi nunciatum est, eum ad me uenire. uenerat enim  
 is in Cumanum uesperis pridie, id est idibus. si quid  
 eius igitur sermo eiusmodi attulerit, quod ad te scri-  
 bendum sit; id in litteris adiungam. Præterijt  
 uillam meam Curio, iussitq. mihi nunciari, mox se  
 uenturum: curritq. Puteolos, ut ibi concionare-  
 tur. concionatus est: redijt: fuit ad me sane diu. o-  
 rem fœdam. nosti hominem: nihil occultauit, in pri-  
 mis nihil esse certius, quam ut omnes, qui lege Pom-  
 peia condemnati essent restituerentur; itaque se in  
 Sicilia eorum opera usurum. de Hispanijs, non du-  
 bitabat, quin Cæsaris essent: inde ipsum cum exer-  
 citu, ubicumque Pompeius esset: eius interitu finē  
 belli fore: propius factum esse nihil; eum plane,  
 iracundia elatum, uoluisse occidi Metellum tribu-  
 num pl. quod si esset factum, cædem magnam fu-  
 turam esse: permultos hortatores esse cædis; ipsum  
 autem non uoluntate, aut natura non esse crudelem,  
 sed quod putaret, popularem esse clementiam: quod  
 si populi studium amisisset, crudelem fore: eumq.  
 perturbatum, quod intelligeret, se apud ipsam ple-  
 bem offendisse de ærario: itaque ei cum certissimum  
 fuisset, ante, quam proficisceretur, concionem ha-  
 bere ausum non esse, uehementerq. animo pertur-  
 bato profectum. Cum autem ex eo quærerem, quid  
 uideret, quod exemplum, quam remp. plane fate-  
 batur nullam spem reliquam: Pompeij classē ti-  
 mebat: quæ si esset, se de Sicilia abiturum. Quid  
 isti, inquam, sex tui fasces? si ab senatu, cur lau-  
 reati?



reatus? si ab ipso, cur sex? Cupiui, inquit, ex S. C. surrepto: nam aliter non poterat. at ille impendio nunc magis odit senatum: a me, inquit, omnia proficiscentur. sex autem, quia duodecim nolui: nam licebat. Tum ego, quam uellem, inquam, petiisse ab eo, quod audio Philippum impetrasse: sed uertus sum, quia ille a me nihil impetrabat. Libenter, inquit, tibi concessisset. uerum puta te impetrasse. ego enim ad eum scribam, ut tu ipse uoles, de ea re nos inter nos locutos. quid autem illius interest, quoniam in senatum non uenis, ubi sis? quin nunc ipsum minime offendisses, eius causa si in Italia non fuisses. Atque ego, me recessum, & solitudinem querere, maxime quod lictores haberem. laudabat consilium. Quid ergo, inquam? nam mihi cursus in Græciam per tuam prouinciam est; quoniam ad mare superum milites sunt. Quid mihi, inquit, optatius? hoc loco multa perliberaliter. ergo hoc quidem est uerum profecto, ut non modo tuto, uerum etiam palam nauigaremus. Reliqua in posterum diem distulit: ex quibus scribam ad te, si quid erit epistola dignum. Sunt autem, quæ præterij, interregnum ne esset expectaturus, an, quomodo dixerim? Ad se ille quidem deferri consulat, sed se nolle, in proximum annum. Et alia sunt, quæ exquiram. Iurabat ad summam, quod nullo negotio faceret, amicissimum mihi Cæsarem. esse debet. quid enim, inquam, scripsit ad me Dolabella? dico, quid? affirmabat, cum scripsisset, quod  
me



## LIB. X. EPIST.

me cuperet ad urbem uenire, illum quidem gratias agere maximas, & non modo probare, sed etiam gaudere. quid quæris? atque iubebat. est enim suspicio illa domestici mali, & sermonis Hirtiani. quam cupio illum dignum esse nobis, & quam ipse  
 \* me inuito, quæ pro illo sit suspicandum. sed opus fuit Hirtio conuento. est profecto nescio quid. sed uelim quamminimo. et tamen eum non dum redisse miramur. sed hæc uidebimus. Tu Oppios Terentiæ dabis. iam enim urbis unum periculum est. Me tamen consilio iuua, pedibus ne Rhegium, an hinc statim in nauem. ceterum, quoniam, commoror, ego ad te statim habebō, quod scribam, simul ut uidero Curionem. De Tirone cura, quæso, quod facis, ut sciam, quid is agat.

CICERO S. D. ATTICO. 5

DE tota mea cogitatione scripsi ad te antea satis, ut mihi uisus sum, diligenter: de die nihil sane potest scribi certi, præter hoc, non ante Lunam nouam. Curionis sermo postridie eandem habuit fere summam, nisi quod apertius significauit, se harum rerum exitum non uidere. Quod mihi mandas de quodam regendo, ἀπὸ τοῦ δ' αὖ. tamen nihil prætermittam. atque utinam tu. sed modestior non ero. Epistolam ad Vestorium statim de Tullia. ac ualde requirere solebat. Commodius tecum Vettienus est locutus, quam ad me scripserat: sed mirari satis hominis negligentiam non queo. cum enim mi  
 hi



hi Philotimus dixisset, HS L emere de Canuleio diuersorium illud posse, minoris etiam empturum, si Vectenum rogassem; rogavi, ut, si quid posset, ex ea summa detraheret: promisit: ad me nuper, HS x x x emisse: ut scriberem, cui uellem addici: diem pecuniæ id. Nou. esse. rescripsi ei stomachosius, cum ioco tamen familiari. nunc, quoniam agit liberaliter, nihil accuso hominem, scripsiq. ad eum, me a te certiore esse factum. Tu, de tuo itinere quid, & quando cogites, uelim me certiore rem facias. ad x v. kal. Mai. Vale.

## CICERO S. D. ATTICO. 6

ME adhuc nihil, præter tempestatem, moratur. astute nihil sum acturus. fiat in Hispania quid libet: et tamen retice. meas cogitationes omnes explicauit tibi superioribus litteris. quocirca hæ sunt breues: & tamen, quia festinabam, eramq. occupatior de Quinto fratre: ita me quidem sedulo; sed nosti reliqua. Quod deinde mones, & amice, & prudenter mones: sed erunt omnia facilia, si ab uno illo cauero. magnum opus est. mirabilia multa. nihil simplex, nihil sincerum. uellem, suscepisses iuuenem regendum. pater enim nimis indulgens, quidquid ego adstrinxi, relaxat. si sine illo possem, regerem; quod tu potes: sed ignosco. magnum, inquam, opus est. Pompeium pro certo habemus per Illyricum proficisci in Galliam. ego nunc, qua, & quo, uidebo. Ego uero Apuliam,



## LIB. X. EPIST.

liam, et Sipontum, et tergiuersationem istam probo: nec tuam rationem eandem esse duco, quam meam: non quin in rep. rectum idem sit utrique nostrum: sed ea non agitur: regnandi contentio est; in qua pulsus est modestior rex, & probior, & integrior, & is, qui uisi uincit, nomen populi R. deleatur necesse est: sin autem uincit, Sullano more, exemploq. uincet. ergo hac in contentione neutrum tibi palam sentiendum, & tempori seruiendum est. Mea causa autem alia est, quod beneficio uinctus, ingratus esse non possum: nec tamen in acie, sed Melitæ, aut alio in loco, siue in opidulo futurum puto. Nihil, inquires, iuuas eum, in quem ingratus esse non uis? Immo minus fortasse uoluisset. sed de hoc uidebimus. exeamus modo: quod ut meliore tempore possimus, facit Hadriatico mari Dolabella, freto Siciliensi Curio. Iniecta autem mihi spes quædam est, uelle mecum Ser. Sulpicium colloqui. ad eum misi Philotimum cum litteris. si uir esse uolet; præclara cōuōdia. sin autem; erimus nos, qui solemus. Curio mecum uixit, iacere Cæsarem putans offensione populari, Siciliæq. diffidens, si Pompeius nauigare cœpisset. Quinctum puerum accepi uehementer. auaritiam uideo fuisse, & spem magni congiarij. magnum hoc malum est: sed scelus illud, quod timueramus, spero nullum fuisse. hoc autem uitium, puto te existimare non nostra indulgentia: sed a natura profectum. quem tamen nos disciplina regimus. De Oppijs Veliensibus quid placeat, cum  
 Philo-



Philotimo uidebis. Epirum nostram putabimus:  
sed alios cursus uidebamur habituri. Vale.

CICERO S. D. ATTICO. 7

ET res ipsa monebat, et tu ostenderas, et ego uidebam, de ijs rebus, quas intercipi periculosum esset, finem inter nos scribendi fieri tempus esse: sed, cum ad me saepe mea Tullia scribat, orans, ut, quid in Hispania geratur, expectem, & semper adscribat idem uideri tibi, idq. ipse etiā ex tuis litteris intellexerim; non puto esse alienum, me ad te, quid de ea re sentiam, scribere. Consilium istud tunc esset prudens, ut mihi uidetur, si nostras rationes ad Hispaniensem casum accommodaturi essemus: quod fieri dicitis oportere. necesse est enim, aut, id quod maxime uelim, pelli istum, ab Hispania; aut trahi id bellum; aut istum, ut confidere uidetur, apprehendere Hispanias. si pelletur: quam gratus, aut quam honestus tum erit ad Pompeium noster aduentus; cum ipsum Curionem ad eum transiturum putem? si trahitur bellum: quid expectem, aut quam diu? reliquitur, ut, si uincimur in Hispania, quiescamus. id ego contra puto. istam enim uictorem magis relinquendum puto, quam uictum, & dubitantem magis, quam fidentem, suis rebus. nam cadem uideo, si uicerit, & impetum in priuatorum pecunias, & exulum reditum, & tabulas nouas, & turpissimorum honores, & regnum non modo Romano homini, sed ne Persæ quidem



dem cuiquam tolerabile. tacita esse poterit in id dignitas nostra? pati poterunt oculi, me cum Gabinio sententiam dicere? & quidem illum rogari prius? praeſto eſſe clientem tuum Claelium, Catuli Plaguleium, ceteros? ſed cur inimicos colligo? qui meos neceſſarios, a me deſenſos, nec uidere in curia ſine dolore, nec uerſari inter eos ſine dedecore potero. quod ſine id quidem eſt exploratum, fore, ut mihi liceat; ( ſcribunt enim ad me amici eius, me illi nullo modo ſatiſfecisse, quod in ſenatum non uenerim ) tamen ne dubitemus, an ei nos etiam cum periculo uenditemus, qui eum coniuncti ne cum praemio quidem uoluimus eſſe? deinde hoc uide, non eſſe iudicium de tota contentione in Hispaniis: niſi forte, his amiſſis, arma Pompeium abiecturum putas: cuius omne conſilium Themistocleum eſt. exiſtimat enim, qui mare teneat, eum neceſſe rerum potiri. itaque, qui numquam egit, ut Hispaniae per ſe tenerentur, naualis apparatus ei ſemper antiquiſſima cura fuit. nauigabit igitur, cum erit tempus, maximis claſſibus, et ad Italiam accedet: in qua nos ſedentes quid erimus? nam medios eſſe iam non licebit. claſſibus aduerſabimur igitur? quod malum maius ſcilicet tantum? denique quid turpius? Hannibal hic in abſentis ſolus tuli ſcelus: eiſdem cum Pompeio, et cum reliquis principibus non feram? quod ſi iam, miſſo officio, periculi ratio habenda eſt: ab illis eſt periculum, ſi peccaro, ab hoc, ſi recte fecero: nec ullum in his malis conſilium periculo uacuum inueniri



niri potest: ut non sit dubium, quin cum periculo  
fugiamus, quod fugeremus etiam cum salute. Non  
simul cum Pompeio mare transierimus. Omnino nō  
potuimus: extat ratio dierum: sed tamen (fateamur  
enim, quod est: ne condamus quidem, ut possumus)  
fesselli ea res, quæ fortasse non debuit, sed  
fessellit: pacem putavi fore: quæ si esset, iratum mihi  
Cæsarem esse, cum idem amicus esset Pompeio  
nolui. senseram enim, quam iidem essent. hoc ueritus  
in hac tarditatem incidi, sed assequar omnia,  
si propero; si cunctor, amitto. Et tamen, mi Attice,  
auguria quoque me incitant quadam spe non  
dubia, non hæc collegij nostri ab Appio. sed illa Platonis  
de tyrannis. nullo enim modo posse uideo stare  
istum diutius, quin ipse per se, etiam languentibus  
nobis, concidat, quippe qui florentis, ac nouos, ut  
uti diebus ipsi illi egenti, ac perditæ multitudini in  
odium acerbissimum uenerit, qui duarum rerum simulationem  
tam cito amiserit, mansuetudinis in Metello, diuitiarum  
in ærario. Iam, quibus utatur uel socijs, uel ministris,  
si ij prouincias, si remp. regent, quorum nemo duo  
menses potuit patrimonio suo gubernare? Non sunt omnia  
colligenda: quæ tu acutissime perspicis. sed tamen ea pone  
ante oculos: iam intelliges id regnum uix semestre esse  
posse. quod si me fessellerit, feram, sicut multi præclarissimi  
homines in rep. excellentes, tulerunt. ni si forte me Sardanapali  
uice in suo lectulo mori male censueris, quam exilio Themistocleo:  
qui cum

AA      fuisse,



## LIB. IX. EPIST.

fuiſſet, ut ait Thucydides, τῶν τε παρατηρήμα δι' ἐλα-  
 χίστης βελήης κράτις γνώμων, καὶ τῶν μελλόντων ἐπὶ  
 πλείστον τῷ γενησομένῳ ἄριστος εἰκαστής, tamen incidit  
 in eos casus, quos uitasset, si eum nihil fefellisset.  
 et si is erat) ut ait idem) qui τό, τε ἄμεινον, ἢ χεῖρον  
 ἐν τῷ ἀφανεῖ ἐτι προεώρα μάλιτα: tamen non uidit,  
 nec quo modo Lacedæmoniorum, nec quo modo  
 suorum ciuium inuidiam effugeret, nec quid Artaxerxi  
 polliceretur. non fuiſſet & illa nox tam acerba  
 Africano, sapientissimo uiro, non tam dirus ille  
 dies Sullanus callidissimo uiro C. Mario, si nihil  
 utrumque eorum fefellisset. nos tamen hoc confir-  
 mamus illo augurio, quo diximus: nec nos fallit,  
 nec aliter accidet. corruat iste, necesse est, aut per  
 aduersarios, aut ipse per se, qui quidem sibi est ad-  
 uersarius unus acerrimus. id spero uiuis nobis fore.  
 quamquam tempus est nos de illa perpetua iam, non  
 de hac exigua uita cogitare. sin quid acciderit ma-  
 turius; haud sane mea multum interfuerit, utrum  
 factum uideam, an futurum esse multo ante uide-  
 rim. quæ cum ita sint, non est committendum, ut  
 ijs paream, quos contra, me senatus, ne quid resp.  
 detrimenti acciperet, armauit. Tibi sunt omnia  
 commendata: quæ commendationis meæ pro tuo in  
 nos amore non indigent. ne hercule quidem repe-  
 rio, quid scribam: sedeo enim πλουδοκῶν: & si nihil  
 umquam tam fuit scribendum, quam nihil mihi um-  
 quam ex plurimis tuis iucunditatibus gratius ac-  
 cidisse, quam quod meam Tulliam suauissime, dili-  
 gen-



gentissimeq. coluisti. ualde eo ipsa delectata est, ego autem non minus. cuius quidem uirtus mirifica. quo modo illa fert publicam cladem? quo modo domesticas tricas? quantus autem animus in discessu nostro? σοφὴς sit summa σωτήρις: tamen nos recte facere, & bene audire uult. Sed hac super re nimis; ne meam ipse συμπάθειαν euocem. Tu, si quid de Hispanijs certius, & si quid aliud, dum adsumus, scribes: & ego fortasse discedens dabo ad te aliquid, eo etiam magis, quod Tullia te non putabat ex Italia hoc tempore. Cum Antonio item est agendum, ut cum Curione, Melitæ me uelit esse: huic bello nolle interesse. eo uelim tam facili uti possem, & tam bono in me, quam Curio. is ad Misennum VI. non. uenturus dicebatur, idest hodie: sed præmisit mihi odiosas litteras, hoc exemplo.

Antonius trib. propræt. Ciceroni imp. S.  
Nisi te ualde amarem, & multo quidem plus, quam putas, non extimuissem rumorem, qui de te prolatus est, cum præsertim falsum esse existimarem: sed quia te nimio plus diligo, non possum dissimulare, mihi famam quoque, quamuis sit falsa, magni esse. Te iturum trans mare, credere non possum, cum tanti facias Dolabellam, et Tulliam tuā, feminam lectissimā, tantiq. ab omnibus nobis fias; quibus mehercule dignitas, amplitudoq. tua pæne carior est, quam tibi ipsi. sed tamen non sum arbitratus esse amici, non commoueri etiam improborum sermone. eo feci studiosius, quod iudicabam

AA 2 du-



duriores partes mihi impositas esse ab offensione nostra, quæ magis a *ἔνδοτυπία* mea, quam ab iniuria tua nata est. sic enim uolo te tibi persuadere, mihi neminem esse cariorum te, excepto Cæsare; meque illud una iudicare, Cæsarem maxime in suis M. Ciceronem reponere. Quare, mi Cicero, te rogo, ut tibi omnia integra serues, eius fidem improbes, qui tibi, ut beneficium daret, prius iniuriam fecit: contra, eum ne profugias, qui te, & si non amabit, (quod accidere non potest) tamen saluum, amplissimumque esse cupiet. Dedita opera ad te Calpurnium, familiarissimum meum, misi; ut mihi magnæ curæ tuam uitam, ac dignitatem esse scires. Eodē die a Cæsare Philotimus litteras attulit, hoc exemplo.

Cæsar imp. M. Ciceroni imp. S. Et si te nihil temere, nihil imprudenter facturum iudicaram: tamen permotus hominum fama, scribendum ad te existimaui, & pro nostra beneuolentia petendum, ne quo progredieris inclinata iam re, qua integra etiam progrediendum tibi non existimasses. namque & amicitia, grauiorem iniuriam feceris; & tibi minus commode consulueris, si non fortunæ obsecutus uidebere; omnia enim secundissima nobis, aduersissima illis accidisse uidentur; nec causam secutus; eadem enim tum fuit, cum ab eorum consilijs abesse iudicasti; sed meum aliquod factum condemnauisse: quo mihi grauius abs te nil accidere potest. quod ne facias, pro iure nostræ amicitia a te peto. Postremo, quid uiro bono, & quieto,



to, & bono ciui magis conuenit, quam abesse a ciuilibus controuersiis? quod non nulli cum probarēt, periculi caussa sequi non potuerunt. tu, explorato & uitæ meæ testimonio, & amicitia iudicio, neque tutius, neque honestius reperies quidquam, quam ab omni contentione abesse. xv. kal. Mai. ex itinere. Vale. Aduentus Philotimi (at cuius hominis, quam insulsi, & quam saepe pro Pompeio mentientis) exanimauit omnes, qui mecum erant: nam ipse obdurui. Dubitauit nostrum nemo, quin Cæsar itinera repressisset: uolare dicitur. Petreius cum Afranio se coniunxisset: nihil affert eius modi. Quid quæris? etiā illud erat persuasum, Pompeium cum magnis copijs iter in Germaniam per Illyricum fecisse. id enim aduertit nunciabatur. Melitam igitur, opinor, capefsemus, dum, quod in Hispania: quod quidem propemodum uideor ex Cæsaris litteris ipsius uoluntate facere posse; qui negat neque honestius, neque tutius mihi quidquam esse, quam ab omni contentione abesse. dices, ubi ille, ergo tuus animus, quem proximis litteris? adest, & idem est: sed utinam meo solum capite decernerem: lacrymæ meorum me interdū molliunt; precantium, ut de Hispanijs expectemus. M. Cælij quidem epistolam, scriptam miserabiliter, quæ hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legerunt pueri nostri. etsi meus quidem est fortior, eoq. ipso uehementius

AA 3 com-



commouet, nec quidquam, nisi de dignatione, laborat. Melitam igitur; deinde, quod uidebitur. tu tamen etiam nunc mihi aliquid litterarum, & maxime si quid ab Afranio. Ego, si cum Antonio locutus ero, scribam ad te, quid actum sit: ero tamen in credendo, ut mones, cautus. nam occultandi ratio tum difficilis, tum etiam periculosa est. Seruium exspecto ad nonas, & adiicit a Postumia, & Seruii filij. Quartanam leuiorem esse gaudeo. Misi ad te Caelij etiam litterarum exemplum. Caelius M. Ciceroni imp. S. Exanimatus tuis litteris, quibus te nihil, nisi triste, cogitare ostendisti; neque, id quod esset, perscripsisti; neque non tamen, quale esset, quid cogitares, aperuisti; has ad te illico litteras scripsi. Per fortunas tuas Cicero, per liberos te oro, & obsecro, ne quid grauius de salute, & incolumitate tua consulas. nam deos, hominesque, amicitiamque nostram testificor, me tibi prædixisse, neque temere monuisse, sed, postquam Cæsarem conuenerim, sententiamque eius, qualis futura esset parua uictoria cognorim, te certiore fecisse. Si existimas eandem rationem fore Cæsaris in dimittendis aduersarijs, & condicionibus ferendis, erras. nihil, nisi atrox, & sæuum, cogitat, atque etiam loquitur: iratus senatui exijt: his intercessionibus plane incitatus est. non mehercule erit deprecationi locus. Quare, si tibi tu, si filius unicus, si domus, si spes tuæ reliquæ tibi caræ sunt; si aliquid apud te nos, si, uir optimus, gener tuus ualet;



let : eorum fortunam non debes uelle conturbare; ut  
eam caussam, in cuius uictoria salus nostra est, o-  
disse, aut relinquere cogamur, aut impiam cupidi-  
tatem contra salutem tuam habeamus. Denique il-  
lud cogita, quod offensæ fuerit, in ista cunctatione  
te subiisse. nunc te contra uictorem facere, quem  
dubijs rebus ledere noluiſti, & ad eos fugatos ac-  
cedere, quos resistentes sequi nolueris, summæ stul-  
titiæ est. uide, ne, dum pudet te parum optimatem  
esse, parum diligenter, quod optimum sit, eligas.  
quod si totum tibi persuadere non possum; saltem,  
dum, quid de Hispanijs agamus, scitur, expecta;  
quas tibi nuncio aduentu Cæsaris fore nostras. quam  
isti spem habeant amissis Hispanijs, nescio. quod  
porro tuum consilium sit ad desperatos accedere,  
non mediusfidius reperio. Hoc, quod tu non dicendo  
mibi significasti, Cæsar audierat: ac simul atque,  
aue, mihi dixit, statim, quid de te audisset, expo-  
suit. negaui me scire: tamen ab eo petiui, ut ad te  
litteras mitteret, quibus maxime ad remanendum  
commoueri posses. me secum in Hispaniam ducit.  
nam, nisi ita faceret, ego prius, quam ad urbem  
accederem, ubicumque esses, ad te percurrissem, et  
hoc a te præsens contendissem, atque omni ui te re-  
tinuissem. Etiam atque etiam, Cicero, cogita, ne te,  
tuosq. omnes funditus euertas, nec te sciens, pru-  
densq. eo demittas, unde exitum uides nullum esset  
quod si te aut uoces optimatium commouent; au-  
non nullorum hominum insolentiam, & iactatio-

AA 4

nem



nem ferre non potes : eligas , censeo , aliquod oppidum uacuum a bello ; dum hæc decernuntur , quæ iam erunt confecta . id si feceris , et ego te sapienter fecisse iudicabo , & Cæsarem non offendes . Vale.

CICERO S. D. ATTICO. 8

ME CÆCVM qui hæc ante non uiderim . nisi ad te epistolam Antonij . & cum ego sæpissime scripsissem , nihil me contra Cæsaris rationes cogitare ; meminisse me generi mei , meminisse amicitia ; potuisse , si aliter sentirem , esse cum Pompeio ; me autem , quia cum lictoribus inuitus cursarem , abesse uelle , nec id ipsum certum etiam nunc habere : uide , quam ad hæc τυραννικὸς .

Tuum consilium quam uerum est . nam qui se medium esse uult , in patria manet : qui proficiscitur , aliquid de alterutra parte iudicare uidetur . sed ego is non sum , qui statuere debeam , iure quis proficiscatur , nec ne . partes mihi Cæsar has imposuit , ne quem omnino discedere ex Italia paterer . quare parui refert me probare cogitationem tuam , si nihil tamen tibi remittere possum . ad Cæsarem mittas , censeo , & ab eo hoc petas . non dubito , quin impetraturus sis , cum præsertim te amicitia nostræ rationem habiturum esse pollicearis .

Habes σκυτάλην λακωνικὴν . omnino excipiam hominem . erat autem v . non . uenturus uespere , id est hodie . cras igitur ad me fortasse ueniet . tentabo audeam , nihil properare . missurum ad Cæsarem  
clama-



clamabam. cum paucissimis alicubi occultabor. certe hinc istis inuitissimis euolabo, atque utinam ad Curionem. *οὐδὲ γὰρ τοι λέγω*. magnus dolor accessit. efficietur aliquid dignum nobis. *δυσχερὴς* tua mihi ualde molesta. medere amabo, dum est ἀρχή. De Massiliensibus gratae tuae mihi litterae. quaeso, ut sciam, quidquid audieris. Siciliam cuperem, si possem palam: quod a Curione effeceram. Hic ego Seruium exspecto: rogor enim ab eius uxore, & filio: & puto opus esse. Hic tamen Cyteridem secum lectica aperta portat, altera uxorem. septem praeterea coniunctae lecticae amicarum. haec sunt amicorum. uide, quam turpi leto pereamus. et dubita, si potes, quin ille, seu uictus, seu uictor redierit, eadem facturum sit. ego uero uel lintriculo, si naus non erit, eripiam me ex istorum paricidio. Sed plura scribam, cum illum conuenero. Iuuenem nostrum non possum non amare: sed ab eo nos non amari, plane intelligo. nihil ego uidi tam ἀνθρώπου, tam auersum a suis, tam nescio quid cogitans. uim incredibilem molestiarum. sed erit cura, & est, ut regatur. mirum est enim ingenium: ἡδὺς ἐπιμελητέον.

CICERO S. D. ATTICO. 9

OBSIGNATA iam epistola superiore, non placuit ei dare, cui constitueram, quod erat alienus: itaque eo die data non est. interim uenit Philotimus, & mihi a te litteras reddidit: quibus quae  
de



## LIB. X. EPIST.

de fratre meo scribis, sunt ea quidem parum firma, sed habent nihil ὑποῦλον nihil fallax, nihil non flexibile ad bonitatem, nihil, quod non, quo uelis, uno sermone possis perducere. ne multa, omnes suos, etiam quibus irascitur crebrius, tamen caros habet, me quidem se ipso cariorum. Quod de puero aliter ad te scripsit, & ad matrem de filio, non reprehendo. De itinere, & de sorore, quæ scribis, molesta sunt, eoq. magis, quod ea tempora nostra sunt, ut ego his mederi non possim: nam certe mederer. sed quibus in malis, & qua in desperatione rerum sumus, uides. Illa de ratione nummaria non sunt eiusmodi, ( sæpe enim audio ex ipso ) ut non cupiat tibi præstare, & in eo laboret. sed si mihi Q. Axius in hac mea fuga HS XIII. non reddit, quæ dedi eius filio mutua, & utitur excusatione temporis; si Lepta, si ceteri: soleo mirari, de nescio queis HS XX cum audio ex illo se urgeri. uides enim profecto angustias. curari tamen ea tibi utique iubet. an existimas illum in isto genere lentulum, aut restrictum? nemo est minus. De fratre satis. de eius filio, indulgit illi quidem suus pater semper; sed non facit indulgentia mendacem, aut auarum, aut non amantem suorum; ferocem fortasse, & arrogantem, et infestum facit. itaque habet hæc quoque, quæ nascuntur ex indulgentia: sed ea sunt tolerabilia: ( quid enim dicam, hac iuuentute? ) ea uero, quæ mihi quidem, qui illum amo, sunt his ipsis malis, in queis sumus, miseriora, non sunt



sunt ab obsequio nostro, non; suas radices habent: quas tamen euellerem profecto, si liceret. sed ea omnia mihi sunt patienda. ego meum facile teneo. nihil est enim eo tractabilius. cuius quidem misericordia languidiora adhuc consilia cepi: & quo ille me fortiolem uult esse, eo magis timeo, ne in eum existam crudelior. Sed Antonius uenit heri uesper. iam fortasse ad me ueniet, aut ne id quidem, quoniam scripsit, quid fieri uellet. sed scies continuo, quid actum sit. Nos iam nihil, nisi occulte. De pueris quid agam? paruo ne nauigio committam? quid mihi animi in nauigando censes fore? recordor enim, æstate cum illo Rhodiorum ἀποτάκτω nauigans, quam fuerim sollicitus. quid, duro tempore anni, actuariolo fore censes? o rem undique miseram. Trebatius erat mecum, uir plane, & ciuis bonus. quæ ille monstra, dii immortales. etiam ne Balbus in senatum uenire cogitet? sed ei ipsi cras ad te litteras dabo. Ve ætenu mihi amicum, ut scribis, ita puto esse. cum eo, quod ἀποτόμως ad me scripserat de nummis curandis, θυμικώτερον erat. id tu, si ille aliter acceperit, ac debuit, lenies. Monetali autem adscripsi, quod ille ad me, Proconsuli: sed quoniam est homo, & nos diligit, ipse quoque a nobis diligatur. Vale.

CICERO S. D. ATTICO. IO

QVIDNAM mihi futurum est? aut quis me non solum infelicior, sed iam etiam turpior? nominatim



minatim de me sibi imperatum dicit Antonius: nec  
 me tamen ipse adhuc uiderat, sed hoc Trebatio nar-  
 rauit. Quid agam nunc, cui nihil procedit, caduntq.  
 ea, quæ diligentissime sunt cogitata, tæerrime? e-  
 go enim Curionem nactus, omnia me consecutum  
 putavi. is de me ad Hortensium scripserat. Regi-  
 nus erat totus noster. huic nihil suspicabamur cum  
 hoc mare negotij fore. quo me nunc uertam? undi-  
 que custodior. sed satis lacrymis. παραπλουτέον igitur,  
 & occulte in aliquam onerariam correpdū,  
 non committendum, ut etiam compaeto prohibiti  
 uideamur. Sicilia petenda: quam si erimus nacti,  
 maiora quædam consequemur. sit modo recte in Hi-  
 spanijs. quamquam de ipsa Sicilia utinam sit uerum:  
 sed adhuc nihil secundi. concursus Siculorum ad Ca-  
 tonem dicitur factus; orasse, ut resisteret; omnia  
 pollicitos: commotum illum, delectum habere cœ-  
 pisse. non credo, ut est luculentus auctor. potuif-  
 se certe tenere illam prouinciam scio. ab Hispanijs  
 autem iam audietur. Hic nos C. Marcellum habe-  
 mus, eadem de re cogitantem, aut bene simulan-  
 tem. quamquam ipsum non uideram, sed ex fami-  
 liarissimo eius audiebam. tu, quæso, si quid habe-  
 bis noui. ego, si quid moliti erimus, ad te statim  
 scribam. Quinctum filium seuerius adhibebo. u-  
 tinam proficere possem. tu tamen eas epistolas, qui-  
 bus asperius de eo scripsi, aliquando concerpito, ne  
 quando quid emanet: ego item tuas. Seruium ex-  
 pecto, nec ab eo quidquam occultis. scies, quid erit.

Sine



Sine dubio errasse nos, confitendum est. at semel?  
at una in re? immo omnia, quo diligentius cogitata,  
eo facta sunt imprudentius. ἀλλὰ τὰ μὲν προτέτυχ-  
σαι εἰσόμεν ἀχνύμενοι περ: in reliquis modo ne ru-  
amus. iubes enim profectiōem meam providere.  
quid provideam? ita patent omnia, quæ accidere  
possunt, ut, ea si uitem, sedendum sit cum dedeco-  
re, & dolore; si negligam, periculum est, ne in  
manus incidam perditorum. sed uide, quantis in mi-  
serijs simus. optandum interdum uidetur, ut ali-  
quam accipiamus ab istis quamuis acerbam iniuri-  
am, ut tyranno in odio fuisse uideamur. quod si no-  
bis is cursus, quem speraram, pateret; effecissem  
aliquid profecto, ut tu optas, & hortaris, dignum  
nostra mora: sed mirificæ sunt custodiæ: & quidem  
ille ipse Curio suspectus. ui, aut clam agendum est:  
&, si ui, forte ne cum tempestate: clam autem,  
istis. in quo si quod σφάλμα, uides quam turpe est.  
trahimur: nec fugiendum, si quid uiolentius. De  
Cælio, sæpe mecū agito; nec, siquid habuero tale,  
dimittam. Hispanias spero firmas esse. Massiliensium  
factum cum ipsum per se luculentum est, tum mihi  
argumēto est, recte esse in Hispanijs. minus enim au-  
derent, si aliter esset. & scirent. nam & iuncti, &  
diligētes sunt. Odium autem recte animaduertis si-  
gnificatum theatro. Legiones autē has, quas in Ita-  
lia assumpsit, alienissimas esse uideo: sed tamē nihil  
inimicius, quā sibi ipse. illud recte times, ne ruat.  
sidesperarit, certe ruet. quo magis efficiendum ali-  
quid



## LIB. X. EPIST.

quid est, fortuna uelim meliore, animo Caeliano. sed primum quidque: quod, qualec umque erit, continuo scies. Nos iuueni, ut rogas, suppeditabimus, & Peloponnesum ipsam sustinebimus. est enim indoles: modo aliquid hoc sit ἡδὸς AKIMO  
 \* ΔON: quod si adhuc nullum est, esse tamen potest: aut ἀπερὴ non est διδάκτων: quod mihi persuaderi non potest. Vale.

CICERO S. D. ATTICO. II

EPISTOLA tua gratissima fuit meae Tulliae, & mehercule mihi. semper secum aliquid afferunt tuae litterae. scribes igitur: ac, si quid ad spem poteris, ne dimiseris. Tu Antonij leones pertimescas caue. nihil est illo homine iucundius. attende ἐπαγγελίαν πολιτικῆς. Euocauit litteris e municipijs denos: & IV uiri uenerunt ad uillam eius mane. primum dormiunt ad horam tertiam: deinde, cum esset nunciatum, uenisse Neapolitanos, & Cumanos, (his enim est Caesar iratus) postridie redire iussit: lauari se uelle, & περὶ κοιλιολασσίαν γίνεσθαι. hoc heri effecit. hodie autem in Aenariam transire constituit. exulibus reditum pollicetur. Sed haec omittamus, de nobis aliquid agamus. Ab Axio accepi litteras. De Tirone gratum. Vestenum diligo. Vestio reddidi. Seruius prid. non. Mai. Minturnis mansisse dicitur, hodie in Liternino mansurus apud C. Marcellum. cras igitur nos mature uidebit, mihiq. dabit argumentum ad te epistolae. iam enim non re-  
 perio,



perio, quid tibi scribam. Illud admiror, quod Antonius ad me ne nuncium quidem, cum praesertim me ualde obseruarit. uidelicet ( aut aliquid atrocius de me imperatum est ) coram negare mihi non uult. quod ego nec rogaturus eram, nec, si impetrassem, crediturus. nos tamen aliquid excogitabimus. Tu, quaeso, si quid in Hispanijs. iam enim poterit audiri: & omnes ita expectant, ut, si recte fuerit, nihil negotij futurum putent. ego autem nec, retentis his, confectam rem puto; neque, amissis, desperatam. Silium, & Ocellam, & ceteros credo retardatos. te quoque a Curtio impediri uideo. etsi, ut opinor, habes Scythia ὄνον. uitam \* miseram, maiusq. malum, tam diu timere, quam est illud ipsum, quod timetur.

CICERO S. D. ATTICO. 12

SERVIVS, ut antea scripsi, cum uenisset nonis Mai. postridie ad me uenit, ne diutius te teneam, nullius consilij exitum inuenimus. numquam uidi hominem perturbatiorem metu. neque hercule quidquam timebat, quod non esset timendum: illum sibi iratum, hunc non amicum: horribilem utriusque uictoriam, cum propter alterius crudelitatem, alterius audaciam, tum propter utriusque difficultatem pecuniariam, qua frui nusquam, nisi ex priuatorum bonis, posset. atque haec ita multis cum lacrymis loquebatur, ut ego mirarer eas tam diuturna miseria non exaruisse. mihi quidem etiam lippitudo



## LIB. X. EPIST.

do hæc, propter quam non ipse ad te scribo, sine ulla lacryma est, sed sæpius odiosa est propter uigilias. quamobrem quidquid habes ad consolandum, collige, & illa scribe, non ex doctrina, neque ex libris: nam id quidem domi est; sed nescio quo modo imbecillior est medicina, quam morbus: hæc potius conquire, de Hispanijs, de Massilia: quæ quidem satis bella Seruius affert: qui etiam de duabus legionibus luculentos auctores esse dicebat. hæc igitur si habebis, & talia. & quidem paucis diebus aliquid audiri necesse est. sed redeo ad Seruium. Distulimus omnino sermonem in posterum, sed tardus ad exeundum: multo se in suo lectulo malle, quidquid foret. odiosus scrupulus de filij militia Brundisina. unum illud fortissime asseuerabat, si damnati restituerentur, in exsilium se iturum. nos autem ad hæc, & ipsum certo fore, &, quæ iam fiebant, non esse leuiores: multa quoque colligebamus. uerum ea non animum eius augebant, sed timorem; ut iam celandus magis de nostro consilio, quam ad idem uideretur. quare in hoc non multum est. Nos a te admoniti de Cælio cogitabimus. Vale.

CICERO S. D. ATTICO. 13

SERUIVS cum esset apud me, Cephalio cum tuis litteris VI. id. uenit, quæ nobis magnam spem attulerunt meliorum rerum de octo cohortibus. etenim hæc quoque, quæ in his locis sunt, labare dicuntur. Eodem die Funisulanus a te attulit litteras,



teras, in quibus erat confirmatus idem illud. ei de suo negotio respondi cumulate, cum omni tua gratia. adhuc non satisfaciebat: debet autem mihi multos nummos, nec habetur locuples. nunc ait se daturum: cui expensum tulerit, morari. tabellarius, si apud te esset, qua satisfacisses, dares. quantum sit, Eros Philotimi tibi dicet. sed ad maiora redeamus. Quod optas, Cælianum illud maturescit. itaque torqueor, utrum uentum expectem. uexillo opus est: conuolabunt. Quod suades, ut palam: prorsus assentior. itaque me profecturum puto. tuas tamen interim litteras expecto. Seruii consilio nihil expeditur. omnes captiones in omni sententia occurrunt. unum C. Marcello cognoui timidiorem; quem consulem fuisse pœnitet. ὁ πολλὸς ἀγευμένος: qui etiam Antonium confirmasse dicitur, ut me impediret; quo ipse, credo, honestius. Antonius autem VI. id. Capuam profectus est. ad me misit, se, pudore deterritum, ad me non uenisse, quod me sibi succensere putaret. ibitur igitur, & ita quidem, ut censes; nisi cuius grauioris personæ suscipiendæ spes erit ante oblata. sed uix erit tam cito. Allienus autem prætor putabat aliquem, si ego non, ex collegis suis. quini licet, dummodo aliquis. De sorore, laudo. De Quinto puero, datur opera. spero esse meliora. De Quinto fratre, scito eum non mediocriter laborare de usura: sed adhuc nihil a L. Egnatio expressit. Axius de XII. millibus pudēs: sæpe enim adscripsit, ut Gallio, quātum



## LIB. X. EPIST.

tum is uellet, darem. quod si non scripsisset, possem ne aliter? & quidem saepe sum pollicitus. sed tantum uoluit cito, me uero adiuuarent his in angustijs. sed tu istos, uerum alias. Te a quartana liberatum gaudeo, itemque Piliam. Ego, dum panes, & cetera in nauem parantur, excurro in Pompeianum. Vעתeno uelim gratias, quod studiosus. si quemquam nactus fueris, qui perferat; litteras des ante, quam discedimus. Vale.

CICERO S. D. ATTICO. 14

COMMODVM ad te dederam litteras de pluribus rebus, cum ad me bene mane Dionysius fuit. cui quidem ego non modo placabilem me praeuisssem, sed totum remisisssem, si uenisset qua mente tu ad me scripseras. erat enim sic in tuis litteris, quas Arpini acceperam: eum uenturum, facturumque quod ego uellem. ego uolebam autem, uel cupiebam potius, esse eum nobiscum. quod quia plane, cum in Formianum uenisset, praeciderat, asperius ad te de eo scribere solebam. at ille per pauca locutus, hanc summam habuit orationis; ut sibi ignoscerem; se rebus suis impeditum nobiscum ire non posse. pauca respondi. magnum accepi dolorem; intellexi fortunam ab eo nostram despectam esse. quid quæris? fortasse miraberis: in maximis horum temporum doloribus hunc mihi scito esse. uelim, ut tibi amicus sit. hoc cum tibi opto, opto ut beatus sis. erit enim tam diu. Consilium nostrum spero uacuum periculo



periculo fore. nam & dissimulabimus, & ut opinor, accerrime obseruabimus. nauigatio modo sit, qualem opto. cetera, quæ quidem consilio prouideri poterunt, cauebuntur. tu, dum adsumus, non modo quæ scieris, audieris ue, sed etiam quæ futura prouidebis, scribas uelim. Cato, qui Siciliam tenere nullo negotio potuit, & si tenuisset, omnes boni ad eum se contulissent, Syracusis profectus est ante diem VIII. kal. Mai. ut ad me Curio scripsit. utinam, quod aiunt, Cotta Sardiniam teneat. est enim rumor. o, si id fuerit, turpem Catonem. Ego, ut minuerem suspicionē profectiois, aut cogitationis meæ, profectus sum in Pompeianum ad IV. id. ut ibi essem, dum, quæ ad nauigandum opus essent, pararentur. cum ad uillam uenissem, uentum est ad me: centuriones trium cohortium, quæ Pompeijs sunt, me uelle postridie (hæc mecum Ninnius noster) uelle eos mihi se, & opidum tradere. at ego tibi postridie a uilla ante lucem, ut me omnino illi ne uiderent. quid enim erat in tribus cohortibus? quid si plures, quo apparatu? cogitavi eadem illa Cæliana, quæ legi epistola tua; quam accepi, simul in Cumanum ueni, eodem die. & simul fieri poterat, ut tentaremur. omnem igitur suspicionem sustuli. sed cum redeo, Hortensius uenerat, ad Terentiam salutatum diuerterat, sermone erat usus honorifico erga me. tamen eum, ut puto, uidebo: misit enim puerum, se ad me uenire. hoc quidem melius, quam collega noster Antonius: cuius inter lictores



lectica mima portatur. Tu, quoniam quartana ca-  
res, & non modo morbum remouisti, sed etiam gra-  
uedinem, te negetum nobis in Græcia siste; & lit-  
terarum aliquid interea.

CICERO S. D. ATTICO. 15

PRID. id. Hortensius ad me uenit scripta epi-  
stola. uellem cetera eius. quam in me incredibilem  
ἐκτέλειαν, qua quidem cogito uti. deinde Serapion  
cum epistola tua. quam prius quam aperuissem, di-  
xi ei, te ad me de eo scripsisse antea, ut feceras. de-  
inde, epistola lecta, cumulatissime cetera. & hercu-  
le hominem probo. nam & doctum, & probum exi-  
stimo. quin etiam naui eius me, & ipso conuectore  
usurum puto. Crebro refricat lippitudo, non illa  
quidem perodiosa, sed tamen quæ impediatur scriptio  
nem meam. Valetudinem tuam iam confirmatam  
esse & a uetere morbo, et a nouis tentationibus, gau-  
deo. Ocellam uellem haberemus. uidentur enim  
esse hæc paullo faciliora. nunc quidem æquinoctium  
nos moratur, quod ualde perturbatum erat. id s.  
cras erit. utinam idem maneat Hortensius: siquidem  
adhuc erat. liberalius esse nihil potest. De diplo-  
mate admiraris, quasi nescio cuius te flagitij insimu-  
larem. negas enim te reperire, qui mihi id in men-  
tem uenerit. ego autem, quia scripseras te profici-  
sci cogitare, ( etenim audieram, nemini aliter lice-  
re ) eo te habere censebam, & quia pueris diplo-  
ma sumpseras. habes causam opinionis meæ. et ta-  
men



men uelim scire, quid cogites, in primisq. si quid etiam nunc noui est. XVII. kal. Iun.

CICERO S. D. ATTICO. 16

TULLIA mea peperit XIV. kal. Iun. puerum ἐπαμνικῶν. quod ἠυτόκνηεν, gaudebam. quod quidem est natum, perimbecillū est. Me mirificæ tranquillitates adhuc tenuerunt, atque maiore impedimento fuerunt, quam custodiæ, quibus asseruor. nam illa Hortensiana omnia fuere infantia. ita fiet homo nequissimus. a Saluio liberto deprauatus est. itaque posthac non scribam ad te, quid facturus sim, sed quid fecerim. omnes enim κορυφαῖοι uidentur subauscultare, quæ loquor. Tu tamen, si quid de Hispanijs, siue quid aliud, perge, quæso, scribere: nec meas litteras expectaris, nisi cum, quo opto, peruenimus, aut si quis ex cursu. Sed hoc quoque timide scribo. ita omnia adhuc tarda, & spissa. ut male posuimus initia, sic cetera sequuntur. furias nunc sequimur: eadem nos fortasse furia persequen- tur. ex Balbi autem sermone, quem tecum habuit, non probamus de Melita. dubitas igitur, quin nos in hostium numero habeat? scripsi equidem Balbo, te ad me de beneuolentia scripsisse, & de suspicio- ne. de altero egi gratias: de altero ei me purgaui. ecquem tu hominem infeliciorem? non loquor plu- ra, ne te quoque excruciem. ipse conficior, uenisse tempus, cum iam nec fortiter, nec prudenter quidquam facere possim. Vale.

BB 3

M. TVL-



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER XI.

CICERO S. D. ATTICO.

A CCEPI a te signatum libellum, quem  
Anteros attulerat; ex quo scire nihil  
potui de nostris domesticis rebus: de  
quibus acerbissime afflictor, quod, qui  
eas dispensavit, neque adest isic, neque, ubi terra-  
rum sit, scio. omnem autem spem habeo existima-  
tionis, priuatarumq. rerum in tua erga me mihi  
perspectissima benevolentia: quam si his tempori-  
bus miseris, & extremis praeiteris; hac pericu-  
la, quae mihi communia sunt cum ceteris, fortius fe-  
ram. idq. ut facias, te obtestor, atque obsecro. ego  
in cistophoro in Asia habeo ad HS bis et uicies. hu-  
ius pecuniae permutatione fidem nostram facile tue-  
bere. quam quidem ego nisi expeditam relinquere  
putassem, credens ei, cui tu scis iam pridem mini-  
me credere; commoratus essem paullisper, nec dome-  
sticas res impeditas reliquisssem. ob eamq. causam  
serius ad te scribo, quod sero intellexi, quid timendū  
esset. Te etiam atque etiam oro, ut me totum tuen-  
dum suscipias; ut, si ij salui erunt, quibuscum sum,  
una cum iis possim incolumis esse, salutemq. meam  
benevolentiae tuae acceptam referre. Vale.

CICERO



CICERO S. D. ATTICO. 2

LITTERAS tuas accepi prid. non. Febr. eoq. ipso die ex testamento creui hereditatem. ex multis meis, et miserrimis curis est una enata, si, ut scribis, ista hereditas fidem, & famam meam tueri potest: quam quidem te intelligo, etiam sine hereditate, tuis opibus defensurum fuisse. De dote quod scribis, per omnes deos te obtestor, ut totam rem suscipias, & illam miseram mea culpa, & negligentia, tueare meis opibus, si quæ sunt, tuis, quibus tibi molestum non erit, facultatibus. cui quidem deesse omnia, quod scribis, obsecro te noli pati. in quos enim sumptus abeunt fructus prædiorum? Iam illa HS LX, quæ scribis, nemo mihi umquam dixit ex dote esse detracta: numquam enim essem passus. sed hæc minima est ex ijs iniurijs, quas accepi; de quibus ad te dolore, & lacrymis scribere prohibeor. Ex ea pecunia, quæ fuit in Asia, partem dimidiam fere exegi. tutius uidebatur fore ibi, ubi est, quam apud publicanos. Quod me hortaris, ut firmo sim animo: uellem posses aliquid asferre, quamobrem id facere possem. sed si ad ceteras misérias accessit etiam id, quod mihi Chrysippus dixit parari, (tu nihil significasti) de domo; quis me miserior uno iam fuit? oro, obsecro, ignosce: non possum plura scribere. quanto mærore urgear, profecto uides. quod si mihi commune cum ceteris esset, qui uidentur in eadem caussa esse; mi

BB 4 nor



nor mea culpa uideretur, & eo tolerabilior esset: nunc nihil est, quod consoletur; nisi quid tu efficis, si modo etiam nunc effici potest, ut ne qua singulari afficiar calamitate, & iniuria. Tardius ad te remisi tabellarium, quod potestas mittendi non fuit. At tuis & nummorum accepi HS LXX, & uestimentorum quod opus fuit. Quibus tibi uidebitur, uelim des litteras nomine meo. nosti meos familiares. signum requirent, aut manum: dices ijs, me propter custodias ea uitasse. Vale.

CICERO S. D. ATTICO. 3

QVID hic agatur, scire poteris ex eo, qui litteras attulit: quem diutius tenui, quia quotidie aliquid noui expectabamus. neque nunc mittendi tamen ulla causa fuit, praeter eam, de qua tibi rescribi uolusti. Quod ad kal. Quint. pertinet, quid uellem utrumque graue est, & tam graui tempore, periculum tantae pecuniae, & dubio rerum exitu, ista, quam scribis, abruptio. quare, ut alia, sic hoc uel maxime tuae fidei, beneuolentiaeque permitto, & illius consilio, & uoluntati: cui miserae consuluissem melius, si tecum olim coram potius, quam per litteras, de salute nostra, fortunisque deliberauissem. Quod negas praecipuum mihi ullum incommodum impendere: etsi ista res nihil habet consolationis, tamen etiam praecipua multa sunt, quae tu profecto uides grauissima esse, & me facillime uitare potuisse. ea tamen erunt minora, si, ut adhuc factum est, admini-



administratione, diligentiaq. tua leuabuntur. Pecunia apud Egnatium est. sit a me, ut est. neque enim hoc, quod agitur, uidetur diuturnum esse posse; ut scire iam possim, quid maxime opus sit. etsi egeo rebus omnibus; quod is quoque in angustijs est, qui cum sumus; cui magnam dedimus pecuniam mutuam, opinantes, nobis, constitutis rebus, eam rem etiam honori fore. Tu, ut antea fecisti, uelim, si qui erunt, ad quos aliquid scribendum a me existimes, ipse conficias. Tuis salutē dic. Cura, ut ualeas. in primis id, quod scribis, omnibus rebus cura, & provide, ne quid ei desit, de qua scis me miserrimum esse. Idibus Iun. ex castris.

CICERO S. D. ATTICO. 4

ACCEPI ab Isidoro litteras, & postea datas binas. ex proximis cognoui prædia non uenisse. uidebis ergo, ut sustentetur per te. de Frusinati, si modo futuri sumus, erit mihi res opportuna. Meas litteras quod requiris, impediō inopia rerum, quas nullas habeo litteris dignas, quippe cui nec, quæ accidunt, nec, quæ aguntur, ullo modo probentur. utinam coram tecum olim potius, quam per epistolas. Hic tua, ut possum, tueor apud hos. cetera Celer. ipse fugi adhuc omne munus, eo magis, quod ita nihil poterat agi, ut mihi, & meis rebus aptum esset. Quid sit gestum noui, quæris: ex Isidoro scire poteris: reliqua non uidentur esse difficiliora. Tu id uelim, quod scis me maxime uelle, cures, ut scribis,



## LIB. XI. EPIST.

scribis, ut facis. Me conficit sollicitudo, ex qua etiam summa infirmitas corporis: qua leuata, ero una cum eo, qui negotium gerit, estq. in spe magna. Brutus amicus in caussa uersatur acriter. Haecenus fuit, quod caute a me scribi posset. De pensione altera, oro te, omni cura considera, quid sit faciendum, ut scripsi ijs litteris, quas Pollex tulit. Vale.

CICERO S. D. ATTICO. 5

Quae me caussae mouerint, quam acerbae, quam graues, quam nouae, coegerintq. impetu magis quodam animi uti, quam cogitatione, non possum ad te sine maximo dolore scribere: fuerunt quidem tantae, ut id, quod uides, effecerint. itaque nec quid ad te scribam de meis rebus, nec quid a te petam, reperio. rem, & summam negotij uides. equidem ex tuis litteris intellexi, & ijs, quas communiter cum alijs scripsisti, & ijs, quas tuo nomine, quod etiam mea sponte uidebam, te subdebilitatum nouas rationes tuendi mei quaerere. Quod scribis placere, ut propius accedam, iterq. per opida noctu faciam: non sane uideo, quemadmodum id fieri possit. neque enim ita apta habeo diuersoria, ut tota tempora diurna in his possim consumere: neque ad id, quod quaeris, multum interest, utrum me homines in opido uideant, an in uia. sed tamen hoc ipsum, sicut alia, considerabo quemadmodum commodissime fieri posse uideatur. ego propter incredibilem & animi, & corporis molestiam



Etiam conficere plures litteras non potui: ijs tantum rescripsi, a quibus acceperam. tu uelim et Basilio, & quibus præterea uidebitur, etiam Seruilio conscribas, ut tibi uidebitur, meo nomine. Quod tanto interuallo nihil omnino ad uos: profecto intelligis, rem mihi deesse, de qua scribam, non uoluntatem. Quod de Vatinius quæris: neque illius, neque cuiusquam mihi præterea officium deest, si reperire possent, qua in re me iuuarent. Quintus auersissimo a me animo Patris fuit. eodem Corcyra filius uenit: inde profectos eos una cum ceteris arbitror. Vale.

## CICERO S. D. ATTICO. 6

SOLICITVM esse te cum de tuis, communibusq. fortunis, tum maxime de me, ac de dolore meo, sentio. qui quidem dolor meus non modo non minuitur, cum socium sibi adiungit dolorem tuum, sed etiam augetur. omnino pro tua prudentia sentis, qua consolatione leuari maxime possim. probas enim meum consilium, negasq. mihi quidquam tali tempore potius faciendū fuisse. addis etiam, (quod etsi mihi leuius est, quam tuum iudicium, tamen non est leue) ceteris quoque, idest qui pondus habeant, factum nostrum probari. id si ita putarem, leuius dolerem. crede, inquis, mihi. credo equidem: sed scio, quam cupias minui dolorem meum. Me discessisse ab armis, numquam pœnituit. tanta erat in illis crudelitas, tanta cum barbaris gētibus con-



coniunctio, ut non nominatim, sed generatim pro-  
 scriptio esset informata; ut iam omnium iudicio con-  
 stitutum esset, omnium uestrum bona prædam esse  
 illius uictoria: uestrum, plane dico. numquam enim  
 de te ipso, nisi crudelissime, cogitatum est. quare  
 uoluntatis me meæ numquam pænitebit: consilij pæ-  
 nitet. in opido malletm resedisse, quoad accerserer:  
 minus sermonis subiissem: minus accepissem dolo-  
 ris: ipsum hoc me non angeret. Brundisij iacere, in  
 omnes partes est molestum. propius accedere, ut  
 suades, quo modo sine lictoribus, quos populus de-  
 dit, possum? qui mihi incolumi adimi non possunt:  
 quos ego modo paullisper cum bacillis in turbā con-  
 ieci ad opidum accedens, ne quis impetus militum  
 fieret. recipio tempore me domo. te nunc ad Op-  
 \*pium, quoniam ijs placeret modo propius accedere,  
 ut hac de re considerarent. credo fore auctores. sic  
 enim recipiunt, Cesari non modo de conseruanda,  
 sed etiam de augēda mea dignitate curæ fore: meq.  
 hortantur, ut magno animo sim, ut omnia summa  
 sperem: ea spondent, confirmant. quæ quidem mi-  
 hi exploratoria essent, si remansissem. sed ingero  
 præterita. uide, quæso, igitur ea, quæ restant: &  
 explora cum istis: & si putabis opus esse, et si istis  
 placebit, quo magis factum nostrum Caesar probet,  
 quasi de suorum sententia factum; adhibeantur  
 Trebonius, Pansa, si qui alij, scribantq. ad Cæsa-  
 rem, me, quidquid fecerim, de sua sententia fecisse.  
 Tullia meæ morbus, & imbecillitas corporis me  
 exani-



exanimat: quam tibi intelligo magnæ curæ esse; quod est mihi gratissimum. De Pompeij exitu mihi dubium numquam fuit. tanta enim desperatio rerum eius, omnium regum, & populorum animos occuparat, ut, quocumque uenisset, hoc putarem futurum. non possum eius casum non dolere. hominem enim integrum, & castum, & grauem cognoui. De Fannio consoler te? perniciose loquebatur de mansione tua. Lucius uero lentulus Hortensij domum sibi, & Cæsaris hortos, et Baias desponderat. omnino hæc eodem modo ex hac parte fiunt. nisi illud erat infinitum. omnes enim, qui in Italia remanserant, hostium numero habebantur. sed uelim hæc aliquando solutiore animo. Quinctum fratrem audio profectum in Asiam, ut deprecaretur. de filio nihil audiui. sed quære ex Diochare, Cæsaris liberto, quem ego non uidi, qui istas Alexandrinas litteras attulit. is dicitur uidisse an euntem, an iam in Asia? Tuas litteras, prout res postulat, exspecto: quas uelim cures quamprimum ad me perferendas. Vale. IV. kal. Dec.

CICERO S. D. ATTICO. 7

GRATAE mihi tuæ litteræ sunt, quibus accurate perscripsisti omnia, quæ ad me pertinere arbitratus es. Factum igitur, ut scribis istis placere, iisdem istis licitoribus me uti, quod concessum Sextio sit. cui non puto suos esse concessos, sed ab ipso datos. audio enim eum ea S. C. improbare, quæ  
post



## LIB. XI. EPIST.

post discessum tribunorum facta sunt. quare poterit, si uolet sibi constare, nostros liētores comprobare. quamquam quid ego de liētoribus, qui pæne ex Italia decedere sim iussus? nam ad me misit Antonius exemplum Cæsaris ad se litterarum, in quibus erat: se audiuisse, Catonem, & L. Metellum in Italiam uenisse Romæ ut essent palam: id sibi non placere; ne qui motus ex eo fierent: prohiberi. omnes Italia, nisi quorum ipse causam cognouisset. deq. eo uehementius erat scriptum. itaque Antonius petebat a me per litteras, ut sibi ignoscerem: facere se non posse, quin ijs litteris pareret. tum ad eum misi L. Lamiā, qui demonstraret, illum Dolabellæ dixisse, ut ad me scriberet, ut in Italiam quamprimum uenirem: eius me litteris uenisse. tum ille edixit ita, ut me exciperet, & Lælium nominatim. quod sane nollem. poterat enim, sine nomine, re ipsa excipi. o multas, & graues offensiones: quas quidem, tu das operam, ut lenias; nec tamen nihil proficis: quin hoc ipso minuis dolorem meum, quod, ut minuas, tam ualde laboras: idq. uelim ne grauere quamsepissime facere. maxime autem assequere quod uis, si me adduxeris, ut existimem, me bonorum iudicium non funditus perdidisse. quamquam quid tu in eo potes? nihil scilicet: sed, si quid res dabit tibi facultatis, id me maxime consolari poterit: quod nunc quidem uideo non esse. sed si quid ex euentis: ut hoc nunc accidit. dicebar debuisse cum Pompeio proficisci. exitus illius minuit



nuit eius officij prætermiſſi reprehensionem . ſed ex omnibus nihil magis tamē deſideratur , quam quod in Africam non ierim . iudicio hoc ſum uſus , non eſſe barbaris auxilijs fallaciſſimæ gentis remp. defendendam , præſertim contra exercitum ſæpe uictorem . nō probant fortasſe . multos enim uiros bonos in Africam ueniſſe audio , & ſcio fuiſſe antea . ualde hoc loco urgeor . hic quoque opus eſt caſu aliqui ſint ex eis , aut , ſi poteſt , omnes , qui ſalutem anteponant . nam ſi perſeuerant , & obtinent ; quid nobis futurum ſit , uides . dices , quid illis , ſi uicti erunt ? honeſtior eſt plaga . Hæc me excruciant . Sulpicij autem conſilium , non ſcripſiſti , cur meo non anteponeres : quod etſi nō tam glorioſum eſt , quam Catonis , tamen & periculo uacuum eſt , & dolore . Extremum eſt eorum , qui in Achaia ſunt . ij tamen ipſi ſe hoc melius habent , quam nos ; quod & multi ſunt uno in loco , & , cum in Italiam uenerint , domum ſtatim uenerint . Hæc tu perge , ut facis , mitigare , & probare quamplurimis . Quod te excuſas : ego uero & tuas cauſſas noſco ; & mea intereſſe puto , te iſtic eſſe , uel ut cum ijs , quibus oportebit , agas , quæ erunt agenda de nobis , ut ea quæ egisti . in primisq. hoc uelim animaduertas . multos eſſe arbitror , qui ad Cæſarem detulerint , delaturi ue ſint , me aut pænitere conſilij mei , aut non probare , quæ fiant . quorum etſi utrumque uerum eſt ; tamen ab illis dicitur animo a me alienato , non quo ita perſpexerint . ſed totum ut hoc Balbus ſuſtineat ,



## LIB. XI. EPIST.

sustineat, & Oppius, & eorum crebris litteris illius uoluntas erga me confirmetur, & hoc plane ut fiat, diligentiam adhibebis. Alterum est, cur te nolim discedere, quod scribis Terentiam flagitare. o rem miseram. quid scribam? aut quid uelim? breue faciam: lacrymæ enim se subito profuderunt: tibi permitto: tu consule. tantum uide, ne hoc temporis Terentiæ obesse aliquid possit. ignosce, obsecrote: non possum præ fletu, & dolore diutius in hoc loco commorari. tantum dicam, nihil mihi gratius esse, quam quod eam diligis. Quod litteras, quibus putas opus esse, curas dandas, facis commode. Quinctum filium, uidi, qui Sami uidisset, patrem Sicyone: quorum deprecatio est facilis. utinam illi, qui prius illum uiderunt, me apud eum uelint adiutum tantum, quantum ego illos uellem, si quid possem. Quod rogas, ut in bonam partem accipiam, si qua sint in tuis litteris, quæ me mordeant: ego uero in optimam; teq. rogo, ut aperte, quemadmodum facis, scribas ad me omnia, idq. facias quam sæpissime. Vale. XIX. kal. Ian.

CICERO S. D. ATTICO. 8

QUANTIS curis afficiar, etsi profecto uides, tamen cognosces ex Lepta, & Trebatio. maximas pœnas pendo temeritatis meæ; quam tu prudentiam mihi uideri uis; neque te deterreo, quo minus id disputes, scribasq. ad me quam sæpissime. non nihil enim me leuant tuæ litteræ hoc tempore. Per eos,



eos, qui nostra causa uolunt, ualentq. apud illum, diligentissime contendas opus est, per Balbum, & Oppium maxime, ut de me scribant quam diligentissime. oppugnamur enim, ut audio, & a presentibus quibusdam, & per litteras. ijs ita occurendum, ut rei magnitudo postulat. Furnius est illic, mihi inimicissimus. Quinctus misit filium non solum sui deprecatorem, sed etiam accusatorem mei. distitit, se a me apud Casarem oppugnari. quod refellit Caesar ipse, omnesq. eius amici. neque uero desistit, ubicumque est, omnia in me maledicta conferre. nihil mihi umquam tam incredibile accidit, nihil in his malis tam acerbum. qui ex ipso audissent, cum Sicyone palam multis audientibus loqueretur, nefaria quedam ad me pertulerunt. nostri genus, etiam expertus es fortasse: in me id est omne conuersum. sed augeo commemorando dolorem, & facio etiam tibi. quare ad illud redeo. cura, ut huius rei causa, dedita opera, mittat aliquem Balbus. ad quos uidebitur, uelim cures litteras meo nomine. Vale. xv. kal. Ian.

CICERO S. D. ATTICO. 9

EGO uero & incaute, ut scribis, & celerius, quam oportuit, feci: nec in ulla sum spe, quippe qui exceptionibus edictorum retinear. quæ si non essent sedulitate effectæ, beneuolentia tua, liceret mihi abire in solitudines aliquas. nunc ne id quidem licet. quid autem me iuuat, quod ante initum tribuna-

CC tum



LIB. XI. EPIST.

tum ueni, si ipsum, quod ueni, nihil iuuat? iam,  
quid sperem ab eo, qui mihi amicus numquam fuit;  
cum iam lege etiam sim confectus, & oppressus?  
quotidie Balbi ad me litteræ languidiores; multæq.  
multorum ad illum, fortasse contra me. meo uitio  
pereo. nihil mihi mali causa attulit: omnia culpa  
contracta sunt. ego enim, cum genus belli uiderem,  
imparata, & infirma omnia contra paratissimos  
iueram, (quid facerem?) ceperamq. consilium non  
tam forte, quam mihi præter ceteros concedendum,  
cessimus, uel potius parui. ex quibus unus qua men-  
te fuerit, is, quem tu mihi commendas, cognosces  
ex ipsius litteris, quas ad te, & ad alios misit. quas  
ego numquam aperuissem, nisi res acta sic esset. de-  
latus est ad me fasciculus: solui, si quid esset ad me  
litterarum: nihil erat, epistola Vatinius, & Ligu-  
rio altera. iussi ad eos deferri. illi ad me statim ar-  
dentes dolore uenerunt, scelus hominis clamantes.  
epistolas mihi legerunt plenas omnium in me pro-  
brorum. hic Ligurius furere: se enim scire, summo  
illum in odio fuisse Cæsari: illum tamen non modo  
fouisse, sed & tantam pecuniam illi dedisse honoris  
mei causa. hoc ego dolore accepto, uolui scire, quid  
scripsisset ad ceteros. ipsi enim illi putavi pernicio-  
sum fore, si eius hoc tantum scelus percrebuisset. co-  
gnoui. eiusdem generis litteras ad te misi. quas si  
putabis illi ipsi utile esse reddi, reddes: nil me lædet.  
nam quod resignata sunt; habet, opinor, eius si-  
gnum Pomponia. hac ille acerbitate initio nauiga-  
tionis



tionis cum usus esset, tanto me dolore affecit, ut postea iacuerim. neque nunc tam pro se, quam contra me, laborare dicitur. ita omnibus rebus urgeor, quas sustinere uix possum, uel plane nullo modo possum. quibus in miseris una est pro omnibus, quod istam miseram, patrimonio, fortuna omni spoliata, relinquam. quare te, ut polliceris, uidere plane uelim. alium enim, cui illam commendem, habeo neminem: quoniam matri quoque eadem intellexi esse parata, quæ mihi. sed, si me non offendes, satis tamen habeto commendatam, patrumque in ea, quantum poteris, mitigato. Hæc ad te die natali meo scripsi: quo utinam susceptus non essem, aut ne quid ex eadem matre postea natum esset. plura scribere fletu prohibeor.

CICERO S. D. ATTICO. IO

AD meas incredibiles ægritudines aliquid noui accedit ex ijs, quæ de Q. fratre ad me afferuntur. P. Terentius, meus necessarius, operas in portu, et scriptura Asiæ pro magistro dedit. is Quintum filium Ephesi uidit v. id. Dec. eumque studiose propter amicitiam nostram inuitauit. cumque ex eo de me cunctaretur, cum sibi ita dixisse narrabat, se mihi esse inimicissimum; uolumenque sibi ostendisse orationis, quam apud Cæsarem contra me esset habiturus: multaque a se dicta contra eius amentiam: multa postea Patris consimili scelere secum Quintum patrem locutum: cuius furorem ex ijs epistolis

CC 2 lis



L I B. XI. E P I S T.

lis, quas ad te misi, perspicere potuisti. hæc tibi dolori esse certo scio: me quidem excruciant, & eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nunciantur. nihil enim firmitus esse dicunt, nihil paratius. accedit Hispania, & alienata Gallia, legionum nec uis eadem, nec uoluntas, urbanæ res perditæ. quid est, ubi acquiescam? nisi quam diu tuas litteras lego. quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit; eosque, qui mihi tam crudeliter inimici sunt, si odisse non potes, accuses tamen; non ut aliquid proficias, sed ut tibi me carum esse sentiant. Plura ad te scribam, si mihi ad eas litteras, quas proxime ad te dedi, rescripseris. Vale. XII. kal. Febr.

C I C E R O S. D. A T T I C O. II

CONFECTVS iam cruciatu maximorum dolorum, ne si sit quidem, quod ad te debeam scribatur, facile id exequi possem, hoc minus, quod res nulla est, quæ scribenda sit; cum præsertim ne spes quidem ulla ostendatur, fore melius. ita iam ne tuas quidem litteras exspecto. quamquam semper aliquid afferunt, quod uelim. quare tu quidem scribito, cum erit, cui des. ego tuis proximis, quas tamen iam pridem accepi, nihil habeo, quod rescribam. longo enim interuallo uideo immutata esse omnia,  
illa



illa esse firma, quæ debeant, nos stultitiæ nostræ  
 grauissimas pœnas pendere. P. Sallustio curanda  
 sunt HS xxx, quæ accepi a Cn. Sallustio. uelim  
 uideas, ut sine mora curentur. de eâ re scripsi ad  
 Terentiam. atque hoc ipsum iam prope consum-  
 ptum est. quare id quoque uelim, cum illa uideas,  
 ut sit, qui utamur. hic fortasse potero sumere, si  
 sciam islic paratum fore: sed prius, quam id scirem,  
 nihil sum ausus sumere. Qui sit omnium rerum sta-  
 tus noster, uides. nihil est mali, quod non & susti-  
 neam, & expectem. quarum rerum eo grauior est  
 dolor, quo culpa maior. Ille in Achaia non cessat  
 de nobis detrahere. nihil uidelicet tuæ litteræ pro-  
 fecerunt. Vale. VIII. id. Martij.

CICERO S. D. ATTICO. 12

CEPHALIO mihi a te litteras reddidit ad  
 VIII. id. Mart. uespere. eo autem die mane tabel-  
 larios miseram, quibus ad te dederam litteras. tuis  
 tamen lectis litteris, putavi aliquid rescribendum  
 esse, maxime, quod ostendis te pendere animi,  
 quamnam rationem sim Cæsari allaturus profectio-  
 nis meæ tum, cum ex Italia discesserim. nihil opus  
 est mihi noua ratione. sæpe enim ad eum scripsi,  
 multisq. mandavi, non potuisse, cum cupissem,  
 sermones hominum sustinere. multa q. in eam sen-  
 entiam. nihil enim erat, quod minus eum uellem  
 existimare, quam metanta de re non meo consilio  
 usum esse. postea, cum mihi litteræ a Balbo Cor-

CC 3 nelio



## LIB. XI. EPIST.

nelio minore missæ essent, illum existimare, Quintum fratrem lituum meæ profectionis fuisse, (ita enim scripsit) qui non dum cognosset quæ de me Quintus scripsisset ad multos: etsi multa præsens in præsentem acerbe dixerat, & fecerat, tamen  
 \* L. in eo his uerbis ad Cæsarem scripsi. De Quinto fratre meo non minus laboro, quam de me ipso: sed eum tibi commendare hoc meo tempore non audeo. illud dumtaxat tamen audebo petere abste, quod te oro, ne quid existimes ab illo factum esse, quo minus mea in te officia constarent, minus ue te diligerem, potiusq. illum semper auctorem nostræ coniunctionis fuisse, meiq. itineris comitem, non ducem. quare ceteris in rebus tantum ei tribues, quantum humanitas tua, amicitiaq. uestra postulat: ego ei ne quid apud te obsem, id te uehementer etiam atque etiam rogo.

Quare, si quis congressus fuerit mihi cum Cæsare, (etsi non dubito, quin is lenis in illum futurus sit, idq. iam declarauerit) ego tamen is ero, qui semper fui. sed, ut uideo, multo magis est nobis laborandum de Africa. quam quidem tu scribis confirmari quotidie magis ad condicionis spem, quam uictoriæ. quod utinam ita esset: sed longe aliter esse intelligo; teq. ipsum ita existimare arbitror, aliter autem scribere non fallendi: sed confirmandi mei causâ, præsertim cum adiungatur ad Africam etiâ Hispania. Quod me admones, ut scribam ad Antonium, & ad ceteros: si quid uidebitur tibi opus esse,



esse, uelim facias id, quod sæpe fecisti. nihil enim uenit mihi in mentem, quod scribendum putem. Quod me audis fractiorem esse animo: quid putas, cum uideas accessisse ad superiores ægritudines præclaras generi actiones? Tu tamen uelim ne intermitas, quoad eius facere poteris, scribere ad me, etiam si rem, de qua scribas, non habebis. semper enim afferunt aliquid mihi litteræ tuæ. Galeonis hereditatem creui. puto enim cretionem simplicem fuisse, quoniam ad me nulla missa est. Vale.  
VIII. id. Mart.

CICERO S. D. ATTICO. 13

AMVRENAE liberto nihil adhuc acceperam litterarum. P. Sifer reddiderat eas, quibus rescribo. De Seruii patris litteris quod scribis, item, Quinctum in Syriam uenisse, quod ais esse qui nunciant: ne id quidem uerum est. Quod certiore te uis fieri, quo quisque in me animo sit, aut fuerit eorum, qui huc uenerunt: neminem alieno intellexi: sed, quantum id mea intersit, existimare te posse certo scio. mihi cum omnia sunt intolerabilia ad dolorem, tum maxime, quod in eam causam uenisse me uideo, ut sola utilia mihi esse uideantur, quæ semper nolui. P. Lentulum patrem Rhodi esse aiunt, Alexandriæ filium: Rhodoq. Alexandriam C. Cassium profectum esse constat. Quinctus mihi per litteras satisfacit, multo asperioribus uerbis, quam cum grauissime accusabat. ait enim se ex lit-

CC 4 teris



## LIB. XI. EPIST.

teris tuis intelligere, tibi non placere, quod ad multos de me asperius scripsit: itaque se pœnitere, quod animum tuum offenderit: sed se iure fecisse. deinde perscribit spurcissime, quas ob causas fecerit. sed neque hoc tempore, nec antea patefecisset odium suum in me, nisi omnibus rebus me esse oppressum uideret. atque utinam uel nocturnis, quemadmodum tu scripseras, itineribus propius te accessissem. nunc nec ubi, nec quando te sim uisurus, possum suspicari. De coheredibus Fufidianis nihil fuit, quod ad me scribere. nam et æquum postulant: & quidquid egisses, recte esse actum putarem. De fundo Frusinati redimendo iam pridem intellexisti uoluntatem meam. etsi tum meliore loco res erant nostræ, neque tam mihi desperaturi uidebamur. tamen in eadem sum uoluntate. id quemadmodum fiat, tu uidebis. Et uelim, quoad poteris, consideres, ut sit, unde nobis suppeditentur sumptus necessarii. si quas habuimus facultates, eas Pompeio tum, cum id uidebamur sapienter facere, detulimus. itaque tum et a tuo uillico sumpsimus, et aliunde mutuati sumus, cum Quintus quereretur per litteras, sibi nos nihil dedisse; qui neque ab illo rogati sumus, neque ipsi eam pecuniam aspeximus. sed uelim uideas, quid sit, quod confici possit, quidq. mihi de omnibus des consilij: & causam nosti. Plura ne scribam, dolore impediatur. si quid erit, quod ad quos scribendum meo nomine putes, uelim, ut soles, facias: quotiesq. habebis, cures ad me litteras, nolim prætermittas. Vale.

CICERO



CICERO S. D. ATTICO. 14

NON me offendit ueritas litterarum tuarum, quod me, tum communibus, tum præcipuis malis oppressum, ne incipis quidem, ut solebas, consolari, faterisq. id fieri iam non posse. nec enim ea sunt, quæ erant antea, cum, ut nihil aliud, comites me, & socios habere putabam. omnes enim Achaici de precatores, item qui in Asia, quibus non erat ignotum, etiam quibus erat, in Africam dicuntur nauigaturi. ita, præter Lælium, neminem habeo culpæ socium: qui tamen hoc meliore in caussa est, quod iam est receptus. de me autem, non dubito, quin ad Balbum, & ad Oppium scripserit: a quibus, si quid esset lætius, certior factus essem, tecum etiam essent locuti: quibuscum tu de hoc ipso colloquare uelim, & ad me, quid tibi responderint, scribas: non quod ab isto salus data quidquam habitura sit firmitudinis: sed tamen aliquid consuli, & prospici poterit. etsi omnium conspectum horreo, præsertim hoc genero: tamen, in tantis malis quid aliud uelim, non reperio. Quintus pergit, ut ad me et Pansa scripsit, et Hirtius: isq. item Africam petere cum ceteris dicitur. Ad Minucium parentem scribam, & tuas litteras mittam. ad te scribam, num quid egerit. HS x x x potuisse mirarer, nisi multa de Fufidianis prædijs. & id uideo tamen. Te exspecto: quem uidere, si ullo modo potes uenire, peruellem. iam extremum concluditur.



## LIB. XI. EPIST.

\* tur. ibi facile est, quod quale sit, grauius existimare. Vale.

CICERO S. D. ATTICO. 15

QVONIAM iustas causas affers, quod te hoc tempora uidere non possim: quaeso, quid sit mihi faciendum. ille enim ita uidetur Alexandriam tenere, ut eum scribere etiam pudeat de illis rebus. ij autem ex Africa iam affuturi uidentur. Achæi item ex Asia redituri ad eos, aut libero aliquo loco commoraturi. quid mihi igitur putas agendum? uideo difficile esse consilium. sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamen scire uelim, quid censeas: idq. erat cum alijs, cur te, si fieri posset, cuperem uidere. Minucium XII. sola curasse, scripsi ad te antea. quod superest, uelim uideas, ut curetur. Quintus non modo non cum magna prece ad me, sed acerbissime scripsit. filius uero mirifico odio. nihil fingi potest mali, quo nō urgear. omnia tamen sunt facilia, quam peccati dolor, qui & maximus est, & æternus. cuius peccati si socios essem habiturus ego, quos putauī, tamen esset ea consolatio tenuis: sed habet aliorum omnium ratio exitum, mea nullum. alij capti, alij interclusi non ueniunt in dubium de uoluntate, eo minus scilicet, cum se expedierint, & una esse cœperint. ij autem ipsi, qui sua uoluntate ad Fusum uenerunt, nihil possunt, nisi timidi, existimari. multi autem sunt, qui,



qui, quicunque sunt, modo ad illos se recipere uolent, recipientur. quo minus debes mirari, non pos-  
se me tanto dolori resistere. solius enim meum pec-  
catum corrigi non potest, & fortasse Lælij: sed quid  
me id leuat? Caium quidem Cassium aiunt consiliū  
Alexandriam eundi mutauisse. Hæc ad te scribo, nō  
ut queas tu demere solitudinem, sed ut cognoscam,  
ecquid tu ad ea afferas, quæ me conficiunt: ad quæ  
gener accedit, & cetera, quæ, fletu reprimor, ne  
scribam. quin etiam Aesopi filius me excruciat.  
prorsus nihil abest, quin sim miserrimus. Sed ad pri-  
mum reuertor: quid putes faciendum, occulte ne ali-  
quo proprius ueniendum, an mare transeundum. nā  
hic maneri diutius non potest. De Fusidianis qua-  
re nihil potuit confici? genus enim condicionis eius-  
modi fuit, in quo non solet esse controuersia; cum  
ea pars, quæ uidetur esse minor, licitatione expleri  
posset. hæc ego non sine caussa quæro: suspicor enim,  
coheredes dubiam nostram caussam putare, & eo  
rem in integro esse. Vale. Pridie id. Mai.

## CICERO S. D. ATTICO. 16

NON meo uitio fit, hoc quidem tempore, (an-  
te enim est peccatum) ut me ista epistola nihil con-  
soletur. nam & exigue scripta est, et suspensiones ma-  
gnas habet, non esse ab illo; quas animaduertisse te  
existimo. De obuiam itione ita faciam, ut suades.  
neque enim ualde aduentus eius opinio est: neque,  
si qui ex Asia ueniunt, quidquam auditum esse di-  
cunt



## LIB. XI. EPIST.

cunt de pace: cuius ego spe in hanc fraudem incidi. nihil uideo, quod sperandum putem, nunc præsertim, cum ea plaga in Asia sit accepta, in Illyrico, in Cassiano negotio, in ipsa Alexandria, in urbe, in Italia. ego uero, etiam si rediturus ille est, qui adhuc bellum gerere dicitur, tamen ante reditum eius negotiū confectum iri puto. Quod autem scribis, quandam lætitiā bonorum esse commotam, ut sit auditum de litteris: tu quidem nihil prætermittis, in quo putes aliquid solatiū esse: sed ego non adducor, quemquam bonum ullam salutem putare mihi tanti fuisse, ut eam peterem ab illo, & eo minus, quod huius consilij iam ne socium quidem habeo quemquam. qui in Asia sunt, rerum exitum expectant. Achaici etiam Fusio spem deprecationis afferunt. horum & timor idem fuit primo, qui meus, & constitutum: mora Alexandrina causam illorum corripuit, meam evertit. quamobrem idem a te nunc peto, quod superioribus litteris, ut, si quid in perditis rebus dispiceres, quod mihi putares faciendum, me moneres. si recipior ab his, quod uides non fieri; tamen, quoad bellum erit, quid agam, aut ubi sim, non reperio. sin iactor, eo minus. itaque tuas litteras expecto; easq. ut ad me sine dubitatione scribas, rogo. Quod suades, ut ad Quintum scribam de his litteris: facerem, si me quidquam istæ litteræ delectarent. etsi quidam scripsit ad me his uerbis: Ego, ut in his malis, Patris sum non inuitus: essem libentius, si frater tuus ea de te loqueretur,



tur, quæ ego audire uellem. Quod ais illum ad te scribere, me sibi nullas litteras remittere: semel ab ipso accepi: ad eas Cephalioni dedi, qui multos menses tempestatibus retentus est. Quintum filium ad me acerbissime scripsisse, iam ante ad te scripsi. Extremum est, quod te orem, si putas rectum esse, & a te suscipi posse, cum Camillo communices, ut Terentiam moneatis de testamento. tempora monent, ut uideat, ut satisfaciat, quibus debeat. auditum ex Philotimo est, eam scelerate quadam facere. credibile uix est. sed certe, si quid est, quod fieri possit, prouidendum est. de omnibus rebus uelim ad me scribas, & maxime quid scribas de ea: in quo \* tuo consilio egeo, etiam si nihil excogitas: id enim mihi erit pro desperato. Vale. III. non. Iun.

CICERO S. D. ATTICO. 17

PROPERANTIBVS tabellarijs alienis hanc epistolam dedi, eo breuiorem, quod eram missurus meos. Tullia mea uenit ad me prid. id. Iun. deq. tua erga se obseruantia, beneuolentiaq. mihi plurima exposuit, litterasq. reddidit trinas. ego autem ex ipsius uirtute, humanitate, pietate nō modo eam uoluptatem non cepi, quam capere ex singulari filia debui; sed etiam incredibili sum dolore affectus, tale ingenium in tam misera fortuna uersari, idq. accidere nullo ipsius delicto, summa culpa mea. itaque a te neque consolationem iam, qua cupere te uti uideo, neque consilium, quod capi nullum potest, exspecto:



## LIB. XI. EPIST.

Eto, teq. omnia cum superioribus saepe litteris, tum  
 proximis tentasse intelligo. Ego cum Sallustio Cice-  
 ronem ad Cæsarem mittere cogitabam. Tulliam au-  
 tem, non uidebam esse causam, cur diutius mecum  
 tanto in communi mæore retinerem. itaque eram  
 tibi eam, cum primum per ipsam liceret, remissu-  
 rus. pro ea, quemadmodum consolandis scripsisti,  
 \* P. tanta eo me scripsisse, quæ tu ipse intelligis respon-  
 deri potuisse. Quod Oppium tecum scribis locu-  
 tum, non abhorret a mea suspitione eius oratio: sed  
 non dubito quin istis persuaderi nullo modo possit,  
 ea, quæ faciant, mihi probari posse; quoquo mo-  
 do loquar. ego tamen utar moderatione, qua pote-  
 ro. quamquam, quid mea intersit, ut eorum odium  
 subeam, non intelligo. Te iusta causa impediri,  
 quo minus ad nos uenias, uideo; idq. mihi ualde mo-  
 lestum est. Illum ab Alexandria discessisse, nemo  
 nunciat; constatque, ne profectum quidem illo  
 quemquam post id. Mart. nec post id. Dec. ab illo  
 datas ullas litteras. ex quo illud intelligis, illud, de  
 litteris ad v. id. Febr. datis, quod inane esset, e-  
 tiam si uerum esset, non uerum esse. L. Terentium  
 discessisse ex Africa scimus, Pæstumq. uenisse. quid  
 is afferat, aut quo modo exierit, aut quid in Afri-  
 ca fiat, scire uelim. dicitur enim per Nasidium e-  
 missus esse. id quale sit, uelim, si inueneris, ad me  
 scribas. De HS x, ut scribis, faciam. Vale.  
 xviii. kal. Quint.

CICERO



CICERO S. D. ATTICO.

18

DE illius ab Alexandria discessu, nihil adhuc rumoris, contraque opinio, ualde esse impeditum: itaque nec mitto, ut constitueram, Ciceronem; & te rogo, ut me hinc expedias. quoduis enim supplicium leuius est hac permāfione. hac de re et ad Antonium scripsi, & ad Balbum, & ad Oppium. siue enim bellum in Italia futurum est, siue classibus utetur; hic esse me, minime conuenit: quorum fortasse utrumque erit: alterum certe intellexi omnino ex Oppii sermone, quem tu mihi scripsisti, quæ istorum uia esset: sed, ut eam flectas, te rogo. nihil omnino iam exspecto, nisi miserū. sed hoc perditius, in quo nunc sum, fieri nihil potest. quare, cum Antonio loquare, uelim, & cum istis; & rem, ut poteris, expedias; & mihi quamprimum de omnibus rebus rescribas. Vale. XII. kal. Quint.

CICERO S. D. ATTICO. 19

CUM tuis dare possem litteras, non prætermisi: etsi, quid scriberem, non habebam. tu ad nos & rarius scribis, quam solebas, & breuius: credo, quia nihil habes, quod me putes libenter legere, aut audire posse. uerumtamen uelim, quid erit, qualecumque erit, scribas. est autem unum, quod mihi sit optandum, si quid agi de pace possit: quod nulla equidem habeo in spe: sed, quia, ut leuiter interdum significas, cogis me sperare, quod optan-



LIB. XI. EPIST.

optandum uix est. Philotimus dicitur idibus Sext.  
nihil habeo de illo amplius. tu uelim, ad ea mi-  
hi rescribas, quæ ad te antea scripsi. mihi tantum  
temporis satis est, dum, ut in pessimis rebus, ali-  
quid caueam, qui nihil umquam caui. Vale.  
XI. kal. Sext.

CICERO S. D. ATTICO. 20

XVII. kal. Sept. uenerat die XXVIII. Se-  
leucea Peria C. Trebonij, is, qui se Antiochia dice-  
ret apud Cæsarem uidisse Quinctum filium cum Hir-  
tio: eos de Quincto, quæ uoluissent, impetrasse, nul-  
lo quidem negotio. quod ego magis gauderem, si  
istâ nobis impetrata quidquam ad spem explorati  
haberent. sed & alia timenda sunt, ab alijsque; &  
ab hoc ipso quæ dantur, ut a domino, rursus in eius-  
dem sunt potestate. etiam Sallustio ignouit. omni-  
no dicitur nemini negare. quod ipsum est suspectum,  
notionem eius differri. M. Gallius Q. F. mancipia  
Sallustio reddidit. is uenit, ut legiones in Siciliam  
traduceret: & protinus iturum Cæsarem Patris.  
quod si faciet; ego, quod ante mallem, aliquo pro-  
pius accedam. Tuas litteras ad eas, quibus a te pro-  
xime consilium petiui, uehementer expecto.  
Vale. XVI. kal. Sept.

CICERO S. D. ATTICO. 21

ACCEPI VI. kal. Sept. litteras a te, datas  
XII. kal. doloremque, quem ex Quincti scelere  
iam pridem



iam pridem acceptum iam abiecerā, lecta eius epistola grauiſſimum cepi. tu etſi non potuiſti ullo modo facere, ut mihi illam epistolam non mitteres: tamen mallem non eſſe miſſam. Ad ea autem, quæ ſcribis de teſtamento, uidebis, quid, & quo modo. De nummis, & illa ſic ſcripſit, ut ego ad te antea; & nos, ſi quid opus erit, utemur ex eo, de quo ſcribis. Ille ad kal. Sept. Athenis non uidetur fore, multa eum in Aſia dicuntur morari, maxime Pharnaces. legio xii, ad quam primum Sulla uenit, lapidibus egiffe hominem dicitur. nullam putant ſe commoturam. illum arbitrantur protinus Patris in Siciliam. ſed, ſi hoc ita eſt, huc ueniat neceſſe eſt. ac mallem illum. aliquo enim modo hinc euafiſſem. nunc metuo, ne ſit exſpectandum: & cum reliquis etiam loci grauitas hic miſerrime perferenda. Quod me mones ut ea uideam, quæ ad tempus accommodem: facerem, ſi res pateretur, & ſi ullo modo fieri poſſet: ſed in tantis noſtris peccatis, tantisq. noſtrorum iniurijs, nihil eſt, quod aut facere dignum nobis, aut ſimulare poſſim. Sullana confers: in quibus omnia genere ipſo præclariffima fuerunt, moderatione paullo minus temperata: hæc autem eiufmodi ſunt, ut obliuiſcar; multoq. malim quod omnibus ſit melius, quorum utilitati meâ iunxi. Tu ad me tamen uelim quamſepiſſime ſcribas, eoq. magis, quod præterea nemo ſcribit: ac ſi omnes, tuas tamen maxime exſpectarem. Quod ſcribis, illum per me Quinto fore placatiorem:

DD

ſcripſi



## LIB. XI. EPIST.

scripsi ad te antea, eum statim Quinto filio omnia  
tribuisse, nostri nullam mentionem. Vale.

CICERO S. D. ATTICO. 22

DILIGENTER mihi fasciculum reddidit  
Balbi tabellarius. accepi enim a te litteras, quibus  
uideris uereri, ut epistolas illas acceperim: quas qui  
dem uellem mihi numquam redditas. auxerunt e-  
nim mihi dolorem: nec, si in aliquem incidissent,  
quidquam noui attulissent. quid enim tam peruulga-  
tum, quam illius in me odium, et genus hoc littera-  
rum? quod ne Caesar quidem ad istos uidetur misis-  
se, quasi quo illius improbitate offenderetur, sed,  
credo, uti notiora nostra mala essent. Nam quod te  
uereri scribis, ne illi obsint, eiq. rei mederi: ne  
rogari quidem se passus est de illo. quod quidem mi-  
hi molestum non est: illud molestius, istas impetra-  
tiones nostras nihil ualere. Sulla, ut opinor, cras  
erit hic cum Messalla. currunt ad illum pulsi a mili-  
tibus; qui se negant usquam, nisi acceperint. ergo  
ille huc ueniet: quod non putabant: tarde quidem:  
itinera enim ita facit, ut multos dies in opidum  
ponat. Pharnaces autem, quo modo agit, asseret  
moram. quid mihi igitur censes? iam enim corpore  
uix sustineo grauitatem huius cæli, qui mihi labo-  
rem affert in dolore. An his illuc euntibus mande,  
ut me excusent, ipse accedam propius? quaeso, at-  
tende; & me, quod adhuc saepe rogatus non fecisti,  
consilio inua. scio rem difficilem esse: sed, ut in ma-  
lis.



lis. Etiam illud mea magni interest, te ut uideam. profecto aliquid profecero, si id acciderit. De testamento, ut scribis, animaduertes. Vale.

CICERO S. D. ATTICO. 23

QVOD ad te scripseram, ut cum Camillo communicares, de eo Camillus mihi scripsit, te cum eo locutum. tuas litteras expectabam: nisi illud quidem mutari, si aliter est ut oportet, non uideo posse: sed cum a nullo accepissem litteras, desideravi tuas, (etsi putabam te fortiolem factum non esse) modo ualeres. scripseras enim te quodam ualitudinis genere tentari. Augustus quidam Rhodo uenerat VIII. id. Quint. is nunciabat, Quintum F. ad Caesarem profectum I V. kal. Iun. Philotimum Rhodum pridie eius diei uenisse, habere ad me litteras. ipsum Augustum audies. sed tardius iter faciebat. eo feci, ut celeriter eunti darem. quid sit in ijs litteris, nescio: sed mihi ualde Quintus frater gratulatur. equidem in meo tanto peccato nihil ne cogitatione quidem assequi possum, quod mihi tolerabile possit esse. Te oro, ut de hac misera cogites, & illud, de quo ad te proxime scripsi, ut aliquid conficiatur ad inopiam propulsandam, & etiam de ipso testamento. illud quoque uellem antea: sed omnia timuimus. melius quidem in pessimis nihil fuit dissidio. aliquid fecissemus, ut uiui uel tabularum nouarum nomine, uel nocturnarum expugnationum, uel Metellæ, uel omnium maiorum.

DD 2 nec



nec res periisset, & uideremur aliquid doloris uirilis habuisse. memini omnino tuas litteras; sed & tempus illud: etsi quiduis præstitit. nunc quidem ipsa uidetur denunciare. audimus enim de statu reip. o dii, generum ne nostrum potissimum, ut hoc uel tabulas novas? placet mihi igitur, & idem tibi, nuncium remitti. petet fortasse tertiam pensionem.  
 \* considera igitur tum, ne uim abuso nascetur, an prius. ego, si ullo modo potuero, uel nocturnis itineribus experiar, ut te uideam. tu & hæc, & si quid erit, quod intersit me scire, scribes uelim. Vale.

CICERO S. D. ATTICO. 24

Quæ dudum ad me, & quæ etiam ad meam Tulliam de me scripsisti, ea sentio esse uera. eo sum inferior, (etsi nihil uidebatur addi posse) quod mihi non modo irasci grauissima iniuria accepta, sed ne dolere quidem impune liceat. quare istud feramus: quod cum tulerimus, tamen eadem erunt perpetienda, quæ tu, ne accidant, ut caueamus, mones. ea enim est a nobis contracta culpa, ut omni statu, omniq. populo eundem exitum habitura uideatur. sed ad meam manum rediero. etenim hæc occultius agenda. uide quæso etiã nunc de testamento, quod tum factum, cum illa quærere cœperat.  
 \* non credo, & commoti neque eum rogari, ne me quidem. sed quasi ita sit: quoniam in sermonem iã uenisti, poteris eam monere, ut alicui committat, cuius



cuius extra periculū huius belli fortuna sit. equidē tibi potissimum uelim, si idem illa uellet: quam quidē de cælo miseram, me hoc timere. De illo altero, scio equidem uenire nunc nil posse: sed seponi, & occultari possunt, ut extra ruinam sint eam, quæ impendet. Nam quod scribis, nobis nostra, & tua Terentia fore parata: tua credo: nostra quæ poterunt esse? de Terentia autem (mitto cetera, quæ sunt innumeralia) quid ad hoc addi potest? scripseras, ut HS XII. permutaret, tantum esse reliquum de argento. misit illa CCLXXX mibi, & adscripsit, tantum esse reliquum. cum hoc tam paruum de paruo detraxerit, perspicis quid in maxima re fecerit? Philotimus non modo nullus uenit, sed ne per litteras quidem, aut per nuncium certio rem facit me, quid egerit. Epheso qui ueniunt, ibi se eum de suis controuersis in ius adeuntem uidisse nunciant: quæ quidem (ita enim uerisimile est) in aduentum Cæsaris fortasse reijciuntur. ita aut nihil puto eum habere, quod putet ad me celerius perferendum, & eo me magis esse despectum: aut, etiam si quid habet, id, nisi omnibus suis negotijs confectis, ad me referre non curet. ex quo magnum equidem capio dolorem, sed non tantum, quantum uideor debere. nihil enim mea minus interesse puto, quam quid illinc afferatur. id quamobrem, te intelligere certo scio. Quod me mones de uultu, & oratione ad tempus accommodanda; etsi difficile est, tamen imperarem mihi, si mea quidquam interesse putarem.

DD 3

Quod



## LIB. XI. EPIST.

Quod scribis, litteris, putare, Africanum negotium confici posse: uelim scriberes, cur ita putares. mihi quidem nihil in mentem uenit, quare id putem fieri posse. tu tamen, uelim, si quid erit, quod consolationis aliquid habeat, scribas ad me. sin, ut perspicio, nihil erit, scribas id ipsum. ego ad te, si quid audiero citius, scribam. Vale. VIII. id. Sext.

CICERO S. D. ATTICO. 25

FACILE assentior tuis litteris; quibus exponis pluribus uerbis, nullum te habere consilium, quo a te possim iuari. consolatio certe nulla est, quæ leuare possit dolorem meum. nihil est enim contractum casu: nam id esset ferendum: sed omnia fecimus ijs erroribus, et miserijs & animi, & corporis, quibus proximi utinam mederi maluissent, quam obesse. quoniam neque consilij tui, neque consolationis cuiusquam spes ulla mihi ostenditur; non quæram hæc a te posthac. tantum uelim, ne pristinum hoc officium intermittas: scribas ad me, quid quid ueniet tibi in mentem, cum habebis, cui des, & dum erit, ad quem des: quod longum non erit. Illum discessisse Alexandria, rumor est non firmus, ortus ex Sulpicij litteris: quas cuncti postea nuncij confirmarunt. quod uerum, an falsum sit, quoniam mea nihil interest, utrum malim, nescio. Quod ad \* te iam pridem de testamento scripsit apud epistolas uelim ut possim aduersas ego huius miserrima facultate confectus confictor. nihil umquam simile natum



tum puto. cui si qua re consulere aliquid possum, cupio a te admoneri. uideo eandem esse difficultatem, quam in consilio dato: attamen hoc me magis sollicitat, quam omnia. In pensione secunda cæci fuimus. alium mallet. sed præterijt. te oro, ut in perditis rebus, si quid cogi, conficiq. potest, quod sit in tuto, ex argento, neque satis multa ex supellectile, des operam. iam enim mihi uidetur adesse extremum, nec ulla fore condicio pacis, eaque, quæ sunt, etiam sine aduersario peritura. hæc etiam, si uidebitur, cum Terentia loquare opportune. non queo omnia scribere. Vale. III. non. Quint.



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER XII.

CICERO S. D. ATTICO.

V NDECIMO die postquam a te disces-  
seram, hoc litterularum exaravi, egre  
diens e uilla ante lucem: atque eo die  
cogitabam in Anagnino, postero autē  
in Tusculano, ibi unum diem. v. kal. igitur ad con-  
stitutum: atque utinam continuo ad complexum  
meae Tulliae, ad osculum Atticae possim currere.  
quod quidem ipsum scribe quaeso ad me; ut, dum con-  
sisto in Tusculano, sciam, quid grarriat: sin rustica-  
tur, quid scribat. eiq. interea aut scribes salutem,  
aut nunciabis, itemq. Piliae: & tamen, etsi conti-  
nuo congressuri sumus, scribes ad me, si quid habe-  
bis. Cum complicarem hanc epistolam, noctua-  
bundus ad me uenit cum epistola tua tabellarius.  
quo lecta, de Atticae febricula scilicet ualde dolui.  
reliqua, quae exspectabam, ex tuis litteris cognoui  
omnia. sed quod scribis, igniculum matutinum &  
πορτικόν τερον est memoriola uacillare. ego enim  
iv. kal. Axio dederam, tibi i i i. Quinto quo  
die uenissem, idest v. kal. hoc igitur habebis, no-  
ui nihil. quid ergo opus erat epistola? quid, cum co-  
ram sumus, & garrimus quidquid in buccam? est  
profecto



profecto quædam λέγειν, quæ habet, etiam si nihil subest, colloctione ipsa suauitatem. Vale.

CICERO S. D. ATTICO. 2

HIC rumor est, T. Murcum perijsse naufragio, Asinium delatum uiuum in manus militum, L. naues delatas Vticam reflatu hoc, Pompeium non comparere, nec in Balearibus omnino fuisse, ut Patietus affirmat. sed auctor nullius rei quisquam. Habes, quæ, dum tu abes, locuti sunt. Ludi interea Præneste. ibi Hirtius, & isti omnes. et quidem ludi dies octo. quæ cenæ? quæ deliciæ? res interea fortasse transacta est. o miros homines. at Balbus edificata: τί γὰρ αὐτῷ μέλει? uerum, si quæris, homini non recta, sed uoluptaria quærenti non ne βεβλήται? Tu interea dormis. iam explicandum est ἐπὶ βλημα, si quid acturus es. si quæris quid putem, ego fructum puto. sed quid multa? iam te uidebo. & quidem, ut spero, de uia recta ad me. simul enim & diem Tyrannioni constituemus, & si quid aliud. Vale.

CICERO S. D. ATTICO. 3

VNUM te puto minus blandum esse, quam me: aut, si uterque nostrum est aliquando aduersus aliquem, inter nos certe numquam sumus. audi igitur me hoc ἀγωνίζεσθαι dicentem. ne uiuam mi Attice, si mihi non modo Tusculanum, ubi ceteroqui sum libenter, sed μακάρων νῆσοι tanti sunt, ut sine te  
sim



## LIB. XII. EPIST.

sim totos dies . quare obduretur hoc triduum : ut te quoque ponam in eodem πάθει : quod ita est profecto : sed uelim scire , hodie ne statim de auctione , aut quo die uenias . ego me interea cum libellis . ac moleste fero Vennonij historiam non habere . sed tamen , ne nihil de re , nomen illud , quod a Cesare , tres habet condiciones , aut emptionem ab hasta , ( perdere malo : etsi , præter ipsam turpitudinem , hoc ipsum puto esse perdere ) aut delegationem a mancipe , annua die ; ( quis erit , cui credam ? aut quando iste Metonis annus ueniet ? ) aut Veſtēni condicione , semisse . οὐκ ἴαυ igitur . ac uereor , ne iste  
 \* iam auctiōnem nullam faciat , sed , ludis factis , clypeo subsidio currat , ne talis uir ἀλογηθῇ . sed μελήσει .

CICERO S. D. ATTICO. 4

O GRATAS tuas mihi , iucundasq. litteras . quid quæris ? restitutus est mihi dies festus . angebar enim , quod Tiro ἐνεπαθήσεον te sibi esse uisum dixerat . addam igitur , ut censes , unum diem . Sed de Catone πρόβλημα ἀρχιμῆδειον est . non assequor , ut scribam , quod tui conuiuia non modo libenter , sed etiam æquo animo legere possint . quin etiā , si a sententijs eius dictis , si ab omni uoluntate , consilijsque , quæ de rep. habuit , recedam , ἁδῶςq. uelim gratitatem , constantiamq. eius laudare ; hoc ipsum tamen ijs odiosum ἀκουσμα sit . sed uere laudari ille uir non potest , nisi hæc ornata sint ; quod ille ea , quæ nunc sunt , & futura uiderit , & , ne fierent , conten-



tenderit, & facta ne uideret, uitam reliquerit. horum quid est, quod Atedio probare possimus? sed cura obsecro, ut ualeas; eamque, quam ad omnes res adhibes, in primis ad conualescendum adhibe prudentiam.

CICERO S. D. ATTICO. 5

QVINCTVS pater quartum, uel potius millesimum nihil sapit, qui latetur Luperco filio, & Statio, ut cernat duplici dedecore cumulatam domum. addo etiam Philotimum tertium. o stultitiam, nisi mea maior esset, singularem: (quod autem osim hanc rem, ἔρανον a te) fac, non ad δισκωσαν κρίνῃν, sed ad πειρήνῃν eum uenisse: ἀμπνδμα σεμνὸν ἀλφειᾷ πειρήνῃν, ut scribis, haurire, in tantis suis praesertim angustiis? ποῖ τὰυτ' ἀρ' ἀποσκήψῃ; sed ipse uiderit. Cato me quidem delectat, sed etiam Bassum Lucilium sua. De Caelio, tu quæres, ut scribis. ego nihil noui. noscenda est natura, non facultas modo. De Hortensio, & Virginio tu, si quid dubitabis. etsi, quod magis placeat, ego quantum adspicio, non facile inueneris. Cum Mustella, quem admodum scribis, cum uenerit Crispus. Ad Aulum scripsi, ut ea, quæ bene nossem de auro, Pisoni demonstrarem. tibi enim sane assentior, & istud nimium duci, & omnia nunc undique contrahenda. Te quidē nihil agere, nihil cogitare aliud, nisi quod ad me pertineat, facile perspicio, meisq. negotijs impediri cupiditatem tuam ad me ueniendi. sed me-

cum



LIB. XII. EPIST.

cum esse te puto ; non solum quod meam rem agis , uerum etiam quod uidere uideor , quo modo agas . neque enim ulla hora tui mihi est operis ignota . Tubulum prætorem uideo L. Metello , Q. Maximo consulibus . nunc uelim , P. Scauola pontifex maximus , quibus consulibus tribunus pl. equidem puto Capione , et Pompeio : prætor enim P. Furio , Sex. Atilio . dabis igitur tribunatum , et , si poteris , Tubulus quo crimine . & uide quaeso , L. Libo , ille , qui de Ser. Galba , Censorino , & Manilio , an Quinctio , Manio consulibus tribunus pl. fuerit : conturbor enim . in Bruti epitoma Fannianorum , scripsi , quod erat in extremo : idq. ego secutus , hunc Fannium , qui scripsit historiam , generum esse scripseram Lælij . sed tu me yewetrixōs refelleras : te autem nunc Brutus , et Fannius . ego tamen de bono auctore Hortensio sic acceperam , ut apud Brutum est . hunc igitur locum expedies . Ego misi Tironem Dolabellæ obuiam . is ad me idibus reuertetur . te expectabo postridie . de Tullia meatibi antiquissimum , esse uideo : idq. ita ut sit , te uehementer rogo . Ergo & in integro omnia : sic enim scribis . mihi etsi kalendæ uitandæ fuerunt , incessionumq. ἀπὸ τῶν τὰ fugienda , conficiendæq. tabulæ : nihil tamen tanti , ut a te abessem , fuit . cum Romæ essem , & te iam iamq. uisurum me putarem quotidie ; tamen horæ , quibus expectabam , longæ uidebantur . scis me minime esse blandum : itaque minus aliquanto dico , quam sentio .

CICERO



CICERO S. D. ATTICO. 6

DE COELIO, uide, quaeso, ne quæ lacuna sit in auro. ego ista non noui. sed certe in collybo est detrimenti satis. huc aurum si accedit: sed quid loquor? tu uidebis. Habes Hegesiæ genus, quod Varro laudat. uenio ad Tyrannionem. Ain tu? uerum hoc fuit, sine me? at ego quoties, cum essem otiosus. sine te tamen nolui? quo modo hoc ergo lues? uno scilicet, si mihi librum miseris: quod ut facias, etiã atque etiam rogo. Et si me non magis liber ipse delectabit, quam tua admiratio delectauit. amo enim πάντα φιλόδημον: teq. istam tam tenuẽ δεσπίαν tam ualde admiratum esse gaudeo. etsi tua quidem sunt eiusmodi omnia. scire enim uis, quo uno animus alitur. sed, quaeso, quid ex ista acuta, & graui refertur ad τέλος? sed longa oratio est, & tu occupatus in meo fortasse aliquo negotio: & pro isto asso sole, quo tu abusus es in nostro pratulo, a te nitidũ solem, unũq. repetemus. sed ad prima redeo. librum, si me amas, mitte. tuus est enim profecto, quoniam quidem est missus ad te. Vale.

CICERO S. D. ATTICO. 7

TANTVM ne ab re tua est otij tibi, ut etiam Oratorem legas? maẽte uirtute. mihi quidẽ gratum: et erit gratius, si nõ modo in libris tuis, sed etiã in aliorũ per librarios tuos Aristophanẽ reposueris pro Eupoli. Cæsar autẽ mihi irridere uisus est QVAE



## LIB. XII. EPIST.

so illud tuum, quod erat *ἄπινες*, & urbanum: ita porro te sine cura esse iussit, ut mihi quidem dubitationem omnem tolleret. Atticam doleo tam diu: sed quoniam iam sine horrore est, spero esse, ut uolumus. Vale.

CICERO S. D. ATTICO. §

QVAB desideras, omnia scripsi in codicillis, eosq. Eroti dedi, breuiter, sed etiam plura quam quæris; in ijs de Cicerone: cuius quidem cogitationis initium tu mihi attulisti. locutus sum cum eo liberalissime: quod ex ipso, uelim, si modo tibi erit commodum, sciscitare. sed quid differo? exposui, te ex me detulisse, ecquid uellet, ecquid requireret. uelle Hispaniâ, requirere liberalitatem. de liberalitate, dixi, quantum Publius, quantum flamen Lentulus filio. de Hispania, duo attuli, primum idem, quod tibi, me uereri uituperationem. non satis esse, si hæc arma reliquissimus? etiam contraria? deinde fore, ut angeretur, cum a fratre familiaritate, et omnia gratia uinceretur. uelim magis liberalitate uti mea, quam sua libertate: sed tamen permisi. tibi enim intellexeram non nimis displicere. ego etiam atque etiam cogitabo: teque, ut idem facias, rogo. magna res: simplex est manere: illud anceps. uerum uidebimus. De Balbo, & in codicillis scripseram, & ita cogito, simul ac redierit. sin ille tardius, ego tamen triduum. Et, quod præterij, Doblabella etiam mecum. Vale.

CICERO



CICERO S. D. ATTICO. 9

DE Cicerone, multis res placet. comes est idoneus. sed de prima pensione ante uideamus. adest enim dies, & ille currit. Scribe, quæso, quid referat Celer egisse Cæsarem cum candidatis, utrum ipse in scenicularium, an in campum Martium cogitet. & sane scire uelim, numquid necesse sit comitijs esse Romæ. nam & Piliæ satisfaciendum est, & utique Atticæ. Vale.

CICERO S. D. ATTICO. 10

NAM ego essem hic libenter, atque id quotidie magis, ni esset ea caussa, quam tibi superioribus litteris scripsi. nihil hac solitudine iucundius, nisi paulum interpellasset. Amyntæ filius, ὁ ἀπεραντολογία δὲς. cetera noli putare amabilia fieri posse ulla litore, prospectu maris, tum his rebus omnibus. sed neque hæc digna longioribus litteris; nec erat, quod scriberem; & somnus urgebat. Vale.

CICERO S. D. ATTICO. 11

MALE mehercule de Athamante. tuus autem dolor humanus is quidem, sed magnopere moderandus. consolationum autem multæ uicæ, sed illa rectissima. impetret ratio, quod dies impetratura est. Alexim uero curemus, imaginem Tironis; quem ægrum Romam remisi: & si quid habet collis ἐπιδήμιον, ad mecum testamento transferamus.

toat



## LIB. XII. EPIST.

*tota domus superior uacat, ut scis. hoc puto ualde ad rem pertinere. Vale.*

CICERO S. D. ATTICO. 12

*MALE de Seio. sed omnia humana tolerabilia ducenda. ipsi enim quid sumus? aut quam diu hæc curaturi sumus? ea uideamus, quæ ad nos magis pertinent, nec tamen multo, quid agamus de senatu. Et, ut ne quid prætermittam, Cæsonius ad me litteras misit, Postumiam Sulpicij domum ad se uenisse. De Pompeij Magni filia, tibi rescripsi, nihil me hoc tempore cogitare. alteram uero illam, quam tu scribis, puto nosti. nihil enim uidi fœdus. sed adsum: coram igitur. Obsignata epistola, accepi tuas. Atticæ hilaritatem libenter audio: commotiunculis συμπάχω. Vale.*

CICERO S. D. ATTICO. 13

*DE dote, tanto magis perpurga. Balbi regia condicio est delegandi. quoquo modo confice. turpe est rem impeditam iacere. Insula Arpinas habere potest germanam ἀποθέωσιν. habere uideatur: ἐκ γόγγυμος ἐστὶν: igitur animus in hortis: quod tamen inspiciam, cum uenero. De Epicuro, ut uoles; etsi μεθαρμόζουσαι in posterum genus hoc personarum. incredibile est, quam ea quidam requirant. ad antiquos igitur ἀνεμείνοντες γὰρ. nihil habeo, ad te quod perscribam: sed tamen institui quotidie mittere, ut eliciam tuas litteras; non quo aliquid ex his exspectem;*



Item; sed nescio quo modo tamen expecto. quare siue habes quid, siue nihil habes, scribe tamen aliquid, teq. cura. Commouet me Attica. etsi assentior Cratero. Bruti litteræ, scriptæ & prudenter, & amice, multas mihi tamen lacrymas attulerunt. Me hæc solitudo minus stimulat, quam ista celebritas. te unum desidero: sed litteris non difficilius utor, quam si domi essem. ardor tamen ille urget, & manet, non mehercule indulgente me, sed tamen non repugnante. Quod scribis de Appuleio, nihil puto opus esse tua contentione, nec Balbo, & Oppio; quibus quidem ille receperat, mihiq. etiam iusserat nunciari, se molestum omnino non futurum. sed cura, ut excuser morbi causa in dies singulos. Lænas hoc receperat. prende C. Septimium, L. Statilium. denique nemo negabit se iuraturum, quem rogaris. quod si erit durius, ueniam, & ipse perpetuum morbum iurabo. cum enim mihi carendum sit conuiuijs, malo id lege uideri facere, quam dolore. Cocceium uelim appelles: quod enim dixerat, non facit. ego autem uolo aliquod emere latibulum, perfugium doloris mei. Vale.

CICERO S. D. ATTICO. 14

DE me excusando apud Appuleium dederam ad te pridie litteras. nihil esse negotij arbitror. quemcunque appellaris, nemo negabit. sed Septimium uide, & Lænatem, & Statilium. tribus enim opus est. sed mihi Lænas totum receperat.

EE Quod



## LIB. XII. EPIST.

Quod scribis, a Iunio te appellatum: omnino Cornificius locuples est: sed tamen scire uelim, quando dicar sponondisse; & pro patre, an ne pro filio: neque eo minus, ut scribis, procuratores Cornificij, et Appuleium prædiatorem uidebis. Quod me ab hoc mærore recreari uis; facis, ut omnia: sed, me mihi non defuisse, tu testis es. nihil enim de mærore minuendo scriptum ab ullo est, quod ego non domi tuæ legerim. sed omnem consolationem uincit dolor. quin etiam feci, quod profecto ante me nemo, ut ipse me per litteras consolaretur. quem librū ad te mit tam, si descripserint librarij. affirmo tibi nullam consolationem esse talem. totos dies scribo; non quo proficiam quid; sed tantisper impediatur, non equidem satis, (uis enim urget) sed relaxor tamen, ad omniaq. nitor, non ad animū, sed ad uultum ipsum, si queam, reficiendum: idq. faciens, interdum mihi peccare uideor, interdum peccaturus esse, nisi faciam. solitudo aliquid adiuuat; sed multo plus proficeret, si tu tamen interesses. quæ mihi una causa est hinc discedendi. nam, pro malis, recte habebat. quamquam ipsum doleo. non enim iam in me idem esse poteris: perierunt illa, quæ amabas. De Bruti ad me litteris scripsi ad te antea. prudenter scriptæ: sed nihil, quod me adiuuarent. quod ad te scripsit, id uellem, ut ipse adesset: certe aliquid, quoniam me tam ualde amat, adiuuaret. quod si quid scies, scribas ad me uelim, maxime autē, Pansa quādo. De Attica, doleo. credo tamen Cratero. Piliam angere uetabat. is mihi

hi



hi est pro omnibus. Vale.

CICERO S. D. ATTICO. 15

APVD Appuleium, quoniam in perpetuum non placet, in dies ut excuser, uidebis. in hac solitudine careo omnium colloquio: cumq. mane me in siluam abstrusi densam, & asperam, non ex eo inde ante uesperum. secundum te, nihil est mihi amicis solitudine. in hac mihi omnis sermo est cum litteris. eum tamen interpellat fletus: cui repugno, quoad possum: sed adhuc pares non sumus. Bruto, ut suades, rescribam. eas litteras cras habebis. cum erit cui des, dabis. Vale.

CICERO S. D. ATTICO. 16

TE, TVIS negotijs relictis, nolo ad me uenire. ego enim potius accedam, si diutius impedire: etsi ne decessissem quidem e conspectu tuo, nisi me plane nihil ulla res adiuuaret. quod si esset aliquod leuamen, id esset in te uno: &, cum primum ab aliquo poterit esse, a te erit. nunc tamen ipsum sine te esse non possum: sed nec tuæ domi probatur, nec meæ poteram: nec, si propius essem uspiam, tecum tamen essem. idem enim te impediret, quo minus mecum esses; quod nunc etiam impedit. mihi adhuc nihil aptius fuit hac solitudine: quam uereor ne Philippus tollat. heri enim uesperu uenerat. Me scriptio, & litteræ non leniunt, sed obturbant. Vale.

EE 2 CI-



MARCIANVS ad me scripsit, me excusatum esse apud Appuleium a Laterensi, Nasone, Læante, Torquato, Strabone. his uelim meo nomine reddendas litteras cures, gratū mihi eos fecisse. Quod pro Cornificio me abhinc amplius annis XXV. spondisse dicit Flavius: & si reus locuples est, et Appuleius prædiator liberalis, tamen uelim des operam, ut inuestiges ex consponsorum tabulis, sit ne ita. mihi enim ante ædilitatem meam nihil erat cū Cornificio. potest tamen uideri. sed scire certum uelim: et appelles procuratores, si tibi uidetur: quamquam quid ad me? uerum tamen. Pansæ profectio- nem scribes, cum scies. Atticam saluere iube, & eam cura obsecro diligenter. Piliæ salutem. Vale.

DVM recordationes fugio, quæ quasi morsu quodam dolorem efficiunt, refugio a te admonendo. quod uelim mihi ignoscas, eiusmodi est. etenim habeo non nullos ex ijs, quos nunc lectito, auctores, qui dicant, fieri id oportere, quod sæpe tecum egi, et quod a te approbari uolo. de fano illo dico; de quo tantum, quantum me amas, uelim cogites. equidem neque de genere dubito; placet enim mihi Cluati: neque de re; statutum est enim: de loco non numquam. uelim igitur cogites. ego, quantum hic temporibus tam eruditis fieri poterit, profecto il-  
lam



lam consecrabo omni genere monumentorum, ab  
omnium ingenijs scriptorum, et Græcorum, & La-  
tinorum: quæ res forsitan sit refricatura uulnus  
meum. sed iam quasi uoto quodam, et promisso me  
teneri puto: longumq. illud tempus, cum non ero,  
magis me mouet, quam hoc exiguum, quod mihi  
tamen nimium longum uidetur. habeo enim nihil,  
tentatis rebus omnibus, in quo acquiescam. nam,  
dum illud tractabam, de quo antea scripsi ad te,  
quasi fouebam dolores meos: nunc omnia respuo;  
nec quidquam habeo tolerabilius, quam solitudi-  
nem: quam, quod eram ueritus, non obturbauit  
Philippus. nam, ut heri me salutauit, statim Ro-  
mam profectus est. Epistolam, quam ad Brutum,  
ut tibi placuerat, scripsi, misi ad te. curabis cum tua  
perferendam. eius tamen misi ad te exemplum, ut,  
si minus placeret, ne mitteres. Domestica quod ais  
ordine administrari, scribes, quæ sunt ea: quædam  
enim exspecto. Cocceius uide ne frustretur. nam Li-  
bo quod pollicetur, ut Eros scribit, non incertum  
puto. de sorte mea Sulpicio confido, & Egnatio sci-  
licet. de Appuleio, quid est, quod labores? cum  
sit excusatio facilis. Tibi ad me uenire, ut ostendis;  
uide, ne non sit facile. est enim longum iter; disce-  
dentemq. te, quod celeriter tibi erit fortasse faciun-  
dum, non sine magno dolore dimittam. sed omnia,  
ut uoles. ego enim, quidquid feceris, id cum recte,  
tum etiam mea causa factum putabo. Heri, cum  
ex aliorum litteris cognouissem de Antonij aduen-



## LIB. XII. EPIST.

tu, admiratus sum, nihil esse in tuis: sed erant pri-  
 die fortasse scriptæ, quam datæ. neque ista quidem  
 curo, sed tamē opinor propter prædes suos accurrif-  
 se. Quod scribis, Terentiam de obsignatoribus mei  
 testamenti loqui: primum tibi persuade, me istæ  
 non curare, neque esse quidquam aut parvæ curæ,  
 aut novæ loci: sed tamen quid simile? illa eos non  
 adhibuit, quos existimavit quæsituros, nisi scissent,  
 quid esset: num id etiam mihi periculi fuit? sed ta-  
 men faciat illa, quod ego. dabo meum testamentum  
 legendum cui voluerit: intelliget, non potuisse ho-  
 norificentius a me fieri de Nepote, quam fecerim.  
 nam quod non aduocaui ad obsignandum: primum  
 mihi non uenit in mentem: deinde ea re non uenit,  
 quia nihil attinuit. tute scis, (si modo meministi)  
 me tibi tum dixisse, ut de tuis aliquos adduceres:  
 quid enim opus erat multis? equidem domesticos  
 iusseram: tum tibi placuit, ut mitterem ad Silium.  
 inde est natum, ut ad Publium. sed necesse neutrum  
 fuit. hoc tu tractabis, ut tibi uideatur. Vale.

CICERO S. D. ATTICO. 19

EST hic quidem locus amœnus, & in mari ip-  
 so, qui & Antio, & Circæis adspici possit: sed in-  
 eunda nobis ratio est, quemadmodum in omni mu-  
 tatione dominorum, qui innumerabiles fieri possunt  
 in infinita posteritate, (si modo hæc stabunt) illud,  
 quasi consecratum, remanere possit. equidem iam  
 nihil ego uectigalibus, et paruo contentus esse pos-  
 sum.



sum. cogito interdum trans Tiberim hortos aliquos parare, & quidem ob hanc causam maxime: nihil enim uideo, quod tam celebre esse possit: sed quos, coram uidebimus; ita tamen, ut hac æstate fanum absolutum sit. tu tamen cum Appella Chio confice de columnis. De Cocceio, & Libone quæ scribis, approbo, maxime, quod de iudicatu meo responsum sit. si quid perspexeris, & tamen quid procuratores Cornificij dicant, uelim scire, ita ut in ea re te, cum tam occupatus sis, non multum operæ uelim ponere. De Antonio quoque Balbus ad me cum Oppio conscripsit, idq. tibi placuisse, ne perturbarer. illis egi gratias. te tamen, ut iam ante ad te scripsi, scire uolo, me neque isto nuncio esse perturbatum, nec iam ullo perturbatum iri. Pansa si hodie, ut putabas, profectus est, posthac iam incipito scribere ad me, de Bruti aduentu quid expectes, idest, quos ad dies. id, si scies ubi iam sit, facile coniectura assequere. Quod ad Tironem de Terentia scribis, obsecro te, mi Attice, suscipe totum negotium. uides & officium agi meum quoddam, cui tu es conscius, & ut non nulli putant, Ciceronis rem. me quidem id multo magis mouet, quod mihi est & sanctius, & antiquius; præsertim cum hoc alterum neque sincerum, neque firmum putem fore. Vale.

CICERO S. D. ATTICO. 20

NON DVM uideris perspicere, quam me nec Antonius commouerit, nec quidquam iam eiusmo-

EE 4 di



## LIB. XII. EPIST.

di possit commouere. De Tentia autem scripsi ad te ijs litteris, quas dederam pridie. Quod me hortaris, idq. a ceteris desiderari scribis, ut dissimulem me tam grauitur dolere: possum ne magis, quod totos dies consumo in litteris? quod etsi non dissimulationis, sed potius leniendi, & sanandi animi causa facio: tamen, si mihi minus proficio, simulationi certe facio satis. Minus multa ad te scripsi, quod exspectabam tuas litteras ad eas, quas ad te pridie dederam. exspectabam autem maxime de fano, non nihil etiam de Terentia. Velim me facias certiore proximis litteris, Cn. Cæpio, Seruiliæ Claudij pater, uiuo ne patre suo naufragio perierit, an mortuo; item Rutilia uiuo ne C. Cotta, filio suo, mortua sit, an mortuo. pertinet ad eum librum, quem de luctu minuendo scripsimus. Vale.

CICERO S. D. ATTICO. 21

LEGI Bruti epistolam, eamq. tibi remisi, sane non prudenter rescriptam ad ea, quæ requisieras. sed ipse uiderit. quamquam illud turpiter ignorat. Catonem primum sententiam putat de animaduersione dixisse; quam omnes ante dixerant, præter Cæsarem. & cum ipsius Cæsaris tam seuerâ fuerit, qui tum prætorio loco dixerit; consularium putat leniores fuisse, Catuli, Seruili, Lucullorum, Curionis, Torquati, Lepidi, Gellij, Volcatij, Figuli, Cottæ, L. Cæsaris, C. Pisonis, etiam M. Acilij Glabrionis, Silani, Murenæ, designatorum consulum.



lum. cur ergo in sententiam Catonis? quia uerbis  
luculentioribus, & pluribus rem eandem compre-  
henderat. Me autem hic laudat, quod retulerim,  
non quod patefecerim, quod cohortatus sim, quod  
denique ante, quam consulerem, ipse iudicauerim.  
quæ omnia quia Cato laudibus extulerat in cælum,  
perscribendaq. censuerat; iccirco in eius sententiam  
est facta discessio. hic autem se etiam tribuere mul-  
tum mihi putat, quod scripserit, Optimum consu-  
lem. quis enim ieiunius dixit inimicus? Ad cetera  
uero tibi quemadmodum rescripsit? tantum rogat  
de S. C. ut corrigas. hoc quidem fecisset, etiam si  
Ranio admonitus esset. Sed hæc iterum ipse uiderit.  
De hortis, quoniam probas, effice aliquid. rationes  
meas nosci. si uero etiam a Faberio recedit; nihil  
negotij est. sed etiam sine eo posse uideor contende-  
re. uenales certe sunt Drusi. fortasse et Lamiani,  
& Cassiani. sed coram. De Terentia non possum  
commodius scribere, quam tu scribis. officium sit  
nobis antiquissimum. si quid nos fefellerit, illius ma-  
lo me, quam mei panitere. Ouiæ C. Lollij curan-  
da sunt HS C. negat Eros posse, sine me; credo,  
quod accipienda aliqua sit, & danda aestimatio.  
uellem tibi dixisset. si enim res est, ut mihi scribit,  
parata; nec in eo ipso mentitur: per te confici po-  
tuit. cognoscas, & conficias, uelim. Quod me  
in forum uocas; eo uocas, unde, etiam bonis meis  
rebus, fugiebam. quid enim mihi cum foro sine cu-  
ria? in oculos incurrentibus ijs, quos æquo animo  
uide-



## LIB. XII. EPIST.

uidere non possum. Quod autem homines a me  
 postulare scribis, ut Romæ sim, neque mihi, ut  
 absim, concedere, aut quatenus eos mihi concede-  
 re: iam pridem scito esse, cum unū te pluris, quam  
 omnes illos, putem. ne me quidē contemno; meoq.  
 iudicio multo stare malo, quam omnium reliquo-  
 rum. neque tamen progredior longius, quam mihi  
 doctissimi homines concedunt: quorum scripta om-  
 nia, quaecumque sunt in eam sententiam, non legi  
 solum, quod ipsum erat fortis ægroti, accipere me-  
 dicinam, sed in mea etiam scripta transtuli, quod  
 certe afflictī, & fracti animi non fuit. ab his me re-  
 medijs noli in istam turbam uocare, ne recidam.  
 De Terentia, quod mihi omne onus imponis; non co-  
 gnosco tuam in me indulgentiam. ista enim sunt ip-  
 sa uulnera, quæ non possum tractare sine maximo  
 gemitu. moderare igitur, quæso, ut potes. neque  
 enim a te plus, quam potes, postulo. potes autem,  
 quid ueri sit, perspicere tu unus. De Rutilia, quo-  
 niam uideris dubitare, scribes ad me, cum scies,  
 sed quamprimum, num Clodia, D. Bruto consulari,  
 filio suo, mortuo, uixerit. id de Marcello, aut certe  
 de Postumia sciri potest, illud autem de M. Cotta,  
 aut de Syro, aut de Satyro. De hortis, etiam at-  
 que etiam rogo. omnibus meis, eorumque, quos  
 scio mihi non defuturos, facultatibus, sed potero  
 meis, enitendum mihi est. sunt etiam, quæ uende-  
 re facile possim: sed, ut non uendam, eiq. usuram  
 pendam, a quo emero, non plus annum, possum  
 asse-



assequi, quod uolo, si tu me adiuuas. paratissimi sunt Drusi. cupit enim uendere. proximos puto Lamiae: sed abest. tu tamen, si quid potes, odorare. ne Silius quidem quidquam utitur, & ijs usuris facillime sustentabitur. habe tuum negotium; nec, quid res mea familiaris postulet, quam ego non curo, sed quid uelim, existima. Vale.

## CICERO S. D. ATTICO. 22

PVTARAM te aliquid noui; quod eiusmodi fuerat initium litterarum; quamuis nō curarem, quid in Hispania fieret, tamen te scripturum: sed uidelicet meis litteris respondisti, ut de foro, & de curia. sed domus est, ut ais, forum. quid ipsa domo mihi opus est, carenti foro? occidimus, occidimus, Attice, iam pridem nos quidem, sed nunc fate-mur, postea quam unum, quo tenebamur, amisi-mus. itaque solitudinem sequor. et tamen, si qua meres isto abduxerit, enitar, si quo modo potero, (potero autem) ut prater me nemo dolorē meum sentiat; si ullo modo poterit, ne tu quidem. Atque etiam illa caussa est non ueniendi. meministi, quid ex te Atedius quaesierit. quin etiam nunc molesti sunt: quid existimas, si uenero? De Terentia ita cura, ut scribis; meq. hac ad maximas aegritudines accessione non maxima libera. Et, ut scias me ita dolere, ut non iaceam; quibus consulibus Carneades, & ea legatio Romam uenerit, scriptum est in tuo annali. haec nunc quaero, quae caussa fuerit.

de



## LIB. XII. EPIST.

de Oropo, opinor, sed certum nescio: & si ita est, quæ controuersia: præterea, qui eo tempore nobilis Epicureus fuerit Athenis, qui præfuerit hortis: qui etiam Athenis πολιτικοὶ fuerint illustres. quæ etiam ex Apollodori puto posse inueniri. De Attica, molestum: sed quoniam leuiter, recte esse confido. De Magala dubium mihi non erat. unde enim tam felix Ligus pater? nam quid de me dicam? cui ut omnia contingant, quæ uolo; leuari non possum. De Drusi hortis, quanti licuisse tu scribis, id ego quoque audieram, & ut opinor, heri ad te scripseram: sed quanti quanti, bene emitur, quod necesse est. mihi, quoquo modo tu existimas, (scio enim, ego ipse quid de me existimem) leuatio quædam est, si minus doloris, at officij debiti. Ad Sicam scripsi, quod utitur L. Cotta. si nihil conficeretur de transtiberinis, habet in Ostiensi Cotta celeberrimo loco, sed pusillum loci, ad hanc rem tamen plus etiam satis. id uelim cogites. nec tamen ista pretia hortorum pertimueris. nec mihi argento iam, nec uesle opus est, nec quibusdam amœnis locis: hoc opus est. uideo etiam, a quibus adiuari possim. sed loquere cum Silio: nihil enim est melius. mandauit etiam Sicæ. rescripsit, constitutum se cum eo habere. scribat igitur ad me, quid egerit, & tu uidebis.

CICERO S. D. ATTICO. 32

BENE fecit A. Silius, qui transfegerit. neque enim ei deesse uolebam, & quid possem, timebam.

De



De Ouia, confice, ut scribis. De Cicerone, tempus esse iam uidetur: sed quæro, quod illi opus erit Athenis, permutari ne possit, an ipsi ferendum sit: de totaq. re, quemadmodum, & quando placeat, uelim consideres. Publius iturus ne sit in Africam, & quando, ex Atedio scire poteris. quæras, & ad me scribas, uelim. Et, ut ad meas ineptias redeam, uelim me certiores facias, P. Crassus, Vinulæ filius, uiuone P. Crasso, consulari, patre suo, mortuus sit, ut ego meminisse uideor, an post. item quæro de Regillo, Lepidi filio, recte ne meminim, patre uiuo mortuum. Cispiana explicabis, itemq. Prætiana. De Attica, optime: & ei salutem dices, Piliæ.

CICERO S. D. ATTICO. 24

SCRIPSIT ad me diligenter Sica de Silio, seq. ad te rem detulisse: quod tu idem scribis. mihi & res, & condicio placet, sed ita, ut numerato malim, quam æstimatione. uoluptarias enim possessiones nolet Silius: uetigalibus autem ut his possum esse contentus, quæ habeo, sic uix minoribus. unde ergo numerato? H S D C exprimes ab Hermogene, cum præsertim necesse erit. & domi uideo esse H S D C. reliquæ pecuniæ uel usuram Silio pendemus, dum a Faberio, uel ab aliquo, qui Faberio debet, repræsentabimus. erit etiam aliquid alicunde. sed totam rem tu gubernabis. Drusianis uero hortis multo antepono: neque sunt numquam comparati, mi-



## LIB. XII. EPIST.

michi crede. una me caussa mouet, in qua scio me τε-  
 τυφωδαι: sed, ut facias, obsequere huic errori meo.  
 Nam quod scribis ἐγγύρια: actum iam de isto est;  
 alia magis quero. Vale.

CICERO S. D. ATTICO. 25

SICA, ut scribit, etiam si nihil confecerit cum  
 A. Silio, tamen se scribit x. kal. esse uenturum.  
 cuius occupationibus ignosco: eaq. mihi sunt notæ.  
 De uoluntate tua, ut simul simus, uel studio potius,  
 & cupiditate, non dubito. De Nicia quod scri-  
 bis: si ita me haberem, ut eius humanitate frui pos-  
 sem, in primis uellem illum mecum habere: sed mi-  
 hi solitudo & recessus prouincia est. quod quia faci-  
 le ferebat Sica, eo magis illum desidero. præterea  
 nosti Niciæ nostri imbecillitatem, molliciem. con-  
 suetudinem uictus, cur ego illi molestus uelim, cum  
 mihi ille incundus esse non possit? uoluntas tamen  
 eius mihi grata est. Vnam rem ad me scripsisti, de  
 qua decreui nihil tibi rescribere. spero enim me a te  
 impetrasse, ut priuares me ista molestia. Piliæ, &  
 Atticæ salutem. Vale.

CICERO S. D. ATTICO. 26

DE SILIANO negotio, etsi mihi non est igno-  
 ta condicio, tamen hodie me ex Sica arbitror om-  
 nia cogniturum. Cottæ quidem negas te nosse. sed  
 ultra Silianam uillam est, quam puto tibi notam es-  
 se, uillula sordida, & ualde pusilla: nihil agri: ad  
 aliam



aliā rem loci satis, nihil ad eam, quam quæro. sequor celebritatem. sed, si perficitur de hortis Sili, hoc est, si perficis; (est enim totum positum in te) nihil est scilicet, quod de Cotta cogitemus. De Cicerone, ut scribis, ita faciam: ipsi permittam de tempore: nummorum quantum opus erit, ut permutetur, tu uidebis. Ex Atedio, quod scribis, si quid inueneris, scribes. Et ego ex tuis animaduertito litteris, & profecto tu ex meis, nihil habere nos, quod scribamus. eadem quotidie: quæ iam, iamq. ipsa contrita sunt: tamen facere non possum, quin quotidie ad te mittam, ut tuas accipiam. De Bruto tamen, si quid habebis. scire enim iam puto, ubi Pansam expectet. si, ut consuetudo est, in prima prouincia; circiter kalendas affuturus uidetur. uellem, tardius. ualde enim urbem fugio multas ob causas. itaque id ipsum dubito, an excusationem aliquam ad illum parem: quod quidem uideo facile esse. sed habemus satis temporis ad cogitandum. Tiliæ, Atticæ salutem. Vale.

CICERO S. D. ATTICO. 27

DE SILIO nihilo plura cognoui ex præsentē Sica, quam ex litteris tuis. scripseras enim diligenter. si igitur tu illum conueneris, scribes ad me, si quid uidebitur. De quo putas ad me missum esse; sit missum, nec ne, nescio; dictum quidem mihi certe nihil est. tu igitur, ut cæpisti: & si quid ita conficies, (quod equidem non arbitror fieri posse) ut il-

li



## LIB. XII. EPIST.

li probetur; Ciceronem, si tibi placebit, adhibebis. eius aliquid interest, uideri illius causa uoluisse: mea quidem nihil, nisi id quod tu scis, quod ego aestimo. Quod me ad me consuetudinem reuocas, fuit meum quidem iam pridem remp. regere, quod faciebam: sed interea erat, ubi acquiescerem. nunc plane nec ego uictum, nec uitam illam colere possum: nec in ea re, quid alijs uideatur, mihi puto curandum. mea mihi conscientia pluris est, quam omnium sermo. Quod me ipse per litteras consolatus sum; non penitet me, quantum profecerim. maerorem minui. dolorem nec potui, nec, si possem, uellem. De Triario, bene interpretaris uoluntatem meam. tu uero nihil, nisi ut illi uolent. amo illum mortuum: tutor sum liberis: totam domum diligo. De Castriciano negotio, si Castricius pro mancipijs pecuniam accipere uolet, eamq. ei solui, ut nunc soluitur; certe nihil est commodius. sin autem ita actum est, ut ipsa mancipia abduceret; non mihi uidetur esse æquum. rogas enim me, ut tibi scribam, quid mihi uideatur. nolo enim negotij Quintum fratrem quidquam habere: quod, uideor mihi intellexisse, tibi uideri idem. Publius, si æquino etium expectat, ut scribis Atedium dicere, nauigaturus uidetur. mihi autem dixerat, per Siciliam. utrum, & quando, uelim scire. Et uelim aliquando, cum erit tuum commodum, Lentulum puerum uisas, eiq. de mancipijs, quæ tibi uidebitur, attribuas. Piliæ, Atticæ salutem. Vale.

CICERO



CICERO S. D. ATTICO. 28

SILIVS, ut scribis, hodie. cras igitur, uel potius cum poteris, scribes, si quid erit, cum uideris. Nec ego Brutum uito, nec tamen ab eo leuationem ullam exspecto: sed erant causæ, cur hoc tempore istic esse nollem: quæ si manebunt, querenda erit excusatio ad Brutum: & ut nunc est, mansuræ uidentur. De hortis, quæso explica. caput illud est, quod scis. sequitur, ut etiam mihi ipsi quiddam opus sit. nec enim esse in turba possum, nec a uobis abesse. huic meo consilio nihil reperio isto loco aptius. & de hac re quid tui consilij sit, mihi persuasum est, & eo magis, quod idem intellexi tibi uideri, me ab Oppio, & Balbo ualde diligere. cum ijs communices, quantopere, & quare uelim hortos; sed ita posses, si expediatur illud Faberiarum. sin igitur auctor es futuri, si qua etiam iactura facienda sit in representando, (quod possum) adducito. tum enim illud desperatum denique intelliges, & quid inclinent ad hoc meum consilium adiuvandum. si quid erit, magnum est adiumentum: sin minus, quacunque ratione contendamus. uetus illud ἐγγύραμα, quemadmodum scripsisti, uel ἐν τὰς οἶον putato. de illo Ostiensi nihil est cogitandum, si hoc non assequimur. a Lamia non puto posse. Damassippi experiendum est. Vale.

EF

CICERO



CICERO S. D. ATTICO. 29

QVAERO, quid ad te scribam: sed nihil est: eadem quotidie. Quod Lentulum inuisis, ualde gratum. pueros attribue ei, quot, & quos uidebitur. De Siliij uoluntate uendendi, & de eo, quanti; tu uereri uideris, primum ne nolit, deinde ne tanti. Sica aliter: sed tibi assentior. quare, ut ei placuit, scripsi ad Egnatium. Quod Silius te cum Clodio loqui uult; potes id mea uoluntate facere; commodiusq. id est, quam, quod ille a me petit, me ipsum scribere ad Clodium. De mancipijs Castricianis, commodissimum esse credo, transigere Egnatium: quod scribis te ita futurum putare. Cum Onia, quaeso, quidem ut conficiatur. Quoniam, ut scribis, nox erat, in hodierna epistola plura exspecto. Vale.

CICERO S. D. ATTICO. 30

SILIUM mutasse sententiam, Sica miratur. equidem magis miror, quod, cum in filium causam conferret, quae mihi non iniusta uidetur; (habet enim qualem uult) ais te putare, si addiderimus aliud, a quo refugiat, cum ab ipso id fuerit, destinatum uenditurum. Quæris a me, quod summum pretium constituam; & quantum ante ire istos hortos, Drusi: accessi numquam: Coponianam uillam, & ucterem, & non magnam, nobi; siluam nobilem, fructum autem neutrius: quod tamen puto nos scire oportere. sed mihi, utrius istorum, tempore



pore magis meo, quam ratione, æstimandi sunt. possim autem assequi, nec ne, tu uelim cogites. si enim Faberianum uenderem, explicare uel representatione non dubitarem, de Silianis, si modo adduceretur, ut uenderet: si uenales non haberet, transferem ad Drusum, uel tanti, quanti Egnatius illum uelle tibi dixit. magno etiam adiumento nobis Hermodenes potest esse in representando. at concede mihi, quaeso, ut eo animo sim, quo is debeat esse, qui emere cupiat. & tamen seruius ita cupiditati, & dolori meo, ut a te regi uelim. Egnatius mihi scripsit. is si quid tecum locutus erit, (commodissime enim per eum agi potest) ad me scribes: & id agendum puto. nam cum Silio non uideo confici posse. Piliæ, & Atticæ salutem. Hæc ad te mea manu. uide, quaeso, quid agendum sit. Vale.

CICERO S. D. ATTICO. 31

PUBLILIA ad me scripsit, matrem suam cum Publio loqui, eam ad me cum illo uenturam, & se una, si ego paterer. orat multis, & supplicibus uerbis, ut liceat, & ut sibi rescribam. res quam molesta sit, uides. rescripsi, me etiam grauius esse affectum, quantum, cum illi dixissem, me solum esse uelle; quare nolle me hoc tempore eam ad me uenire. putabam, si nihil rescripsissem, illam cum matre uenturam: nunc non puto. apparebat enim illas litteras non illius esse. illud autem, quod fore uideo, ipsum uolo uitare, ne illæ ad me ueniat. &

FF 2

kna



## LIB. XII. EPIST.

una est uitatio; & ego nollem; sed necesse est. te hoc nunc rogo, ut explores, ad quam diem hic ita possim esse, ut ne opprimar. ages, ut scribis, temperate. Ciceroni uelim hoc proponas, (ita tamen, si tibi non iniquum uidebitur) ut sumptus huius peregrinationis (quibus, si Romæ esset, domumq. conduceret, quod facere cogitabat, facile contentus futurus erat) accommodet ad mercedes Argileti, & Auentini. & cum ei proposueris, ipse uelim reliqua moderere, quemadmodum ex his mercedibus suppeditemus ei quod opus sit. præstabo, nec Bibulum, nec Acidinum, nec Messallam, quos Athenis futuros audio, maiores sumptus facturos, quam quod ex eis mercedibus recipietur. itaque uelim uideas, primum, conductores qui sint, & quanti; deinde, ut sit, qui ad diem soluat; & quid uatici, quid instrumenti satis sit. iumento certe Athenis nihil opus sit. quibus autem in uia utatur, domi sunt plura, quam opus erat; quod etiam tu animaduertis. Vale.

CICERO S. D. ATTICO. 32

Ego, ut heri ad te scripsi, si & Silius is fuerit, quem tu putas, nec Drusus facilem se præbuerit, Damasippum uelim aggrediare. is, opinor, ita partes fecit in ripa nescio quotenorum iugerum, ut certa pretia cōstitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ ualetudo; ut uerear etiam,



etiam, ne qua culpa sit. sed & pædagogi probitas,  
& medici assiduitas, & tota domus in omni genere  
diligens me rursus id suspicari uetat. cura igitur.  
plura enim non possum. Vale.

CICERO S. D. ATTICO.

33

E G O hic uel sine Sica (Tironi enim melius  
est) facillime possem esse, ut in malis: sed, cum  
scribas uidendum mihi esse, ne opprimar; ex quo  
intelligam, te certum illius profectionis diem non  
habere; putavi esse commodius, me istuc uenire;  
quod idē uideo tibi placere. cras igitur in Sicæ sub-  
urbano: inde, quemadmodum suades, puto me in  
Ficulensifore. quibus de rebus ad me scripsisti, quo-  
niam ipse uenio, coram uidebimus. tuam quidem  
& in agendis nostris rebus, et in consilijs ineundis,  
mihique dandis, in ipsis litteris, quas mittis, beneno-  
lentiam, diligentiam, prudentiam mirifice diligo.

CICERO S. D. ATTICO.

34

T V tamen, si quid cum Silio, uel illo ipso die,  
quo ad Sicam uenturus ero, certiore me uelim fa-  
cias, et maxime cuius loci detractionem fieri uelit.  
quod enim scribis, extremi; uide, ne is ipse locus  
sit, cuius caussa de tota re, ut scis, est a nobis cogi-  
tatum. Hirtij epistolam tibi misi, & recentem, &  
beneuole scriptam. Ante, quam proxime discessi,  
numquam mihi uenit in mentem, quo plus insum-  
ptum in monumentum esset, quam nescio quid,

EF 3

quod



quod lege conceditur tantumdem populo dandum  
 esse: quod non magnopere moueret, nisi nescio quo  
 modo, ἀλόγως fortasse, nollem illud ullo nomine,  
 nisi fani, appellari. quod si uolumus; uereor, ne as-  
 sequi non possimus, nisi mutato loco. hoc quale sit,  
 quaeso considera. nam etsi minus urgeor, meq. ipse  
 propemodum collegi: tamen indigeo tui consilij.  
 itaque te uehementer etiam atque etiam rogo, ma-  
 gis quam a me uis, aut pateris te rogari, ut hanc  
 cogitationem toto pectore amplectare. Vale.

CICERO S. D. ATTICO. 35

FANVM fieri uolo; neque hoc mihi erui potest:  
 sepulcri similitudinem effugere, non tam propter  
 pœnam legis studeo, quam ut maxime assequar  
 ἀποθῆσκω: quod poteram, si in ipsa uilla facerem:  
 sed, ut saepe locuti sumus, commutationes domino-  
 rum reformido. in agro ubicumque fecero, mihi ui-  
 deor assequi posse, ut posteritas habeat religionem.  
 hæc meæ tibi ineptiæ (fatebor enim) ferendæ sunt.  
 non habeo, ne me quidem ipsam, quicum tam au-  
 dacter communicem, quam te, si tibi res, si locus,  
 si institutum placet, lege, quaeso, legem, mihiq. eam  
 mitte. si quid in mentem ueniet, quo modo eam ef-  
 fugere possimus; utemur. Ad Brutum si quid scri-  
 bes, nisi alienum putabis, obiurgato eum, quod in  
 Cumano esse noluerit propter eam causam, quam  
 tibi dixi. cogitanti enim mihi, nihil tam uidetur po-  
 tuisse facere rustice. Et, si tibi placebit sic agere de  
 fano,



fano, ut cœpimus; uelim cohortere & exacuas Cluatium. nam etiam si alio loco placebit; illis nobis opera, consilioque utendum puto. Tu ad uillam fortasse cras. Vale.

CICERO S. D. ATTICO. 36

A TE heri duas epistolas accepi, alteram pridie datam Hilario, alteram eodem die tabellario: accepique ab Aegypto litteras eodem die, Piliam, & Atticam plane belle se habere. tuæ litteræ mihi redditæ sunt tertio decimo die. Quod mihi Bruti litteras, gratum. ad me quoque misit. eam ipsam ad te epistolam misi, & ad eam exemplum mearum litterarum. De fano, si nihil mihi hortorum inuenis; qui quidem tibi inueniendi sunt, si me tantum facis, quanti certe facis; ualde probo rationem tuam de Tusculano. quamuis prudens ad cogitandum sis, sicut es: tamen, nisi magnæ curæ tibi esset, ut ego consequerer id, quod magnopere uellem, numquam ea res tibi tam belle in mentem uenire potuisset. sed nescio quo pacto celebritatem requiro: itaque hortos mihi conficias, necesse est. maxima est in Scapulæ celebritas, propinquitas præterea ubi sis, ne totum diem in uillam. quare, antequam discedit, Othonem, si Romæ est, conuenias peruelim. si nihil erit, et si tu meam stultitiam consuesti ferre, eo tamen progrediar, ut mihi stomachere. Drusus enim certe uendere uult. si ergo aliud erit, non mea erit culpa, nisi emerо? qua in re ne labar,

FF 4

que-



## LIB. XII. EPIST.

quæso provide. providendi autem una ratio est, si  
quid de Scapulanis possumus. Et uelim me certio-  
rem facias, quam diu in suburbano sis futurus.  
Apud Terentiam gratia opus est nobis, tuaq. au-  
ctoritate. sed facies, ut uidebitur. scio enim, si quid  
mea intersit, tibi maiori curæ solere esse, quam mi-  
hi. Hirtius ad me scripsit, Sex. Pompeium Cor-  
duba exisse, & fugisse in Hispaniam citeriorem,  
Cnæum fugisse nescio quo: neque enim curo: nihil  
præterea. noui litteras Narbone dedit xiv. kal.  
Mai. Tu mihi de Canini naufragio, quasi dubiare,  
misiisti. scribas igitur, si quid erit certius. Quod me  
a mæstitia auocas, multum proficies, si locum sa-  
no dederis. multa mihi *ἐς ἀποθέωσιν* in mentem ue-  
niant: sed loco ualde opus est. quare etiam Otho-  
nem uide. Vale.

CICERO S. D. ATTICO.

37

NON dubito, quin occupatissimus fueris, qui  
ad me nihil litterarum. sed homo nequam, qui tuum  
commodum non expectarit, cum ob eam unam caus-  
sam missus esset. nunc quidem, nisi quid te tenuit,  
suspitor esse in suburbano. at ego hic, scribendo di-  
tes totos, nihil equidem leuor, sed tamen aberro.  
Asinius Pollio ad me scripsit de impuro nostro co-  
gnato. quod Balbus minor nuper satis plane, Do-  
tabella obscure, hic apertissime. ferrem grauter,  
si non a agrimonie locus esset. sed tamen quid impu-  
rius? o hominem cauendum: quamquam mihi qui-  
dem.



dem. sed tenendus dolor est. Tu, quoniam necesse nihil est, sic scribes aliquid, si uacabis. Quod putas oportere prouideri iam animi mei firmitatem, grauiusque quosdam scribes de me loqui, quam aut te scribere, aut Brutum: si, qui me fractum animo, & debilitatum putant, sciant, quid litterarum, & cuius generis conficiam; credo, si modo homines sint, existiment me, siue ita leuatus sim, ut animum uacuum ad res difficiles scribendas afferam, reprehendendum non esse; siue hanc aberrationem a dolore delegerim, quæ maxime liberalissima, doctoq. homine dignissima, laudari etiam oportere. sed, cum ego faciam omnia, quæ facere possim ad me adiuvandum; tu effice id, quod uideo te non minus, quam me, laborare. hoc mihi debere uideor, neque leuari posse, nisi soluero, aut uidero me posse soluere, id est locum, qualem uolo, inuenero. Heredes Scapulae si istos hortos, ut scribes tibi Othonem dixisse, partibus quattuor factis, liceri cogitant: nihil est scilicet emptori loci. sin uenibunt: quid fieri possit, uidebimus. nam ille locus publicatus, qui est Trebonij, et Cusinij, erat ad me allatus. sed scis aream esse. nullo pacto probo. Clodiae sane placent; sed non puto esse uenales. De Drusi hortis, quamuis ab ijs abhorreas, ut scribes; tamen eo confugiam, nisi quid inueneris. ædificatio me non mouet. nihil enim aliud ædificabo, nisi id, quod etiam si illos non habuero. Κύριος mihi sic placuit, ut cetera Antisthenis, hominis acuti magis, quam eruditi. Vale

CICERO



CICERO S. D. ATTICO. 38

TABELLARIUS cum ad me sine litteris tuis uenisset, existimaui, tibi eam causam non scribendi fuisse, quod pridie scripsisses ea ipsa, ad quæ rescripsi hac epistola. expectaram tamen aliquid de litteris Asinij Pollionis. sed nimium ex meo otio tuum spectro. quamquam tibi remitto, nisi quid necesse erit, necesse ne habeas scribere, nisi eris ualde otiosus. De tabellarijs facerem, quod suades, si essent ullæ necessariae litteræ, ut erant olim, cum, breuioribus diebus, tamen quotidie respondebant tempori tabellarij. et erat aliquid, Silius, Drusus, alia quædam. nunc, nisi Otho extitisset, quid scriberemus, non erat. id ipsum dilatum est: tamen alleuor, cum loquor tecum absens, multo etiam magis, cum tuas litteras lego. sed quoniā & abes; (sic enim arbitror) & scribendi necessitas nulla est; conquiescent litteræ, nisi quid noui extiterit. Vale.

CICERO S. D. ATTICO. 39

QUALIS futura sit Caesaris uituperatio contra laudationem meam, perspexi ex eo libro, quem Hirtius ad me misit, in quo colligit uitia Catonis, sed cum maximis laudibus meis. itaque misi librum ad Muscam, ut tuis librarijs daret. uolo enim eum diuulgari: quod quo facilius fiat, imperabis tuis. *συμφορὰ τινὸν* sæpe conor: nihil reperio: & quidem mecum habeo & *Ἀριστοτέλους*, & *Θεοπόμπου* *πρὸς*



ἁπλῶς Ἀλέξανδρον : sed quid simile ? illi , quæ & ipsis  
honestæ essent , scribebant , & grata Alexandro .  
ecquid tu eiusmodi reperis ? mihi quidem nihil in  
mentem uenit . Quod scribis te uereri , ne & gra-  
tia , & auctoritas nostra hoc meo mærore minua-  
tur : ego , quid homines aut reprehendant , aut po-  
stulent , nescio ; ne doleam ? qui potest ? ne iaceam ?  
quis umquam minus ? dum tua me domus leua-  
bat , quis a me exclusus ? quis uenit , qui offendere-  
tur ? Asturam sum a te profectus . legere isti leti ,  
qui me reprehendunt , tam multa non possunt , quam  
ego scripsi . quam bene , nihil ad rem . sed genus scri-  
bendi id fuit , quod nemo abiectio animo facere pos-  
set . triginta dies in hortis fui . quis aut congressum  
meum , aut facilitatem sermonis desiderauit ? nunc  
ipsum , ea lego , ea scribo , ut ij , qui mecum sunt ,  
difficilius otium ferant , quam ego laborem . si quis  
requirit , cur Romæ non sim : quia discessus est : cur  
non sim in his meis prædolis , quæ sunt huius tempo-  
ris : quia frequentiam illam non facile ferrem . ibi  
sum igitur , ubi is , qui optimas Baias habebat , quo-  
tannis hoc tempus consumere solebat . cum Romam  
uenero , nec uultu , nec oratione reprehendar . hila-  
ritatem illam , qua hanc tristitia temporum con-  
diebamus , in perpetuum amisi . constantia , & fir-  
mitas nec animi , nec orationes requiretur . De hor-  
tis Scapulanis hoc uidetur effici posse , aliud tua gra-  
tia , aliud nostra , ut præconi subijciantur . id nisi fit ,  
excludemur . sin ad tabulam uenimus , uincemus  
facul-



## LIB. XII. EPIST.

facultates Othonis nostra cupiditate. Nam quod ad me de Lentulo scribis, non est in eo. Faberiana modo res certa sit; tuq. enitare, quod facis: quod uolumus, consequemur. Quod quæris, quam diu hic: paucos dies: sed certum non habeo: simul ac constituerò, ad te scribam: et tu ad me, quam diu in suburbano sis futurus. quo die ego ad te hæc misi, de Pilia, & Attica mihi quoque eadem, quæ scribis, & scribuntur, & nunciantur. Vale.

CICERO S. D. ATTICO. 40

NIHIL erat, quod scriberem: scire tamen uolebam, ubi esses; si abes, aut absfuturus es, quando rediturus esses, facias igitur me certiozem. Et quod tu scire uolebas, ego quando ex hoc loco: postridie iduum Lanuij constitui manere, inde postridie in Tusculano, aut Romæ. utrum sim facturus, eo ipso die scies. Scis, quam sit φιλαίτιον σύμφορον, minime in te quidem: sed tamen auide sum affectus defano: quod nisi, non dico, effectum erit, sed fieri uidero; audebo hoc dicere, & tu, ut soles, accipies; incursabit in te dolor meus, non iure ille quidem, sed tamen feres hoc ipsum quod scribo, ut omnia mea fers, ac tulisti. omnes tuas consolationes unam hanc in rem uelim conferas. si quæris, quid optem: primum Scapulæ, deinde Clodiæ, postea, si Silius nolit, Drusus aget iniuste, Cusini, & Trebonij. puto Terentium esse dominum, Rebilum fuisse certo scio. sin autem tibi Tusculanum placet, ut signifi-

casti



casti quibusdam litteris : tibi assentiar. hoc quidem utique perficies , si me leuari uis ; quem iam etiam grauius accusas , quam patitur tua consuetudo : sed facis summo amore , & uictus fortasse uitio meo : sed tamen , si me leuari uis , hæc summa leuatio , uel , si uerum scribere uis , una . Hirti epistolam si legeris , quæ mihi quasi *ὑπόπλασμα* uidetur eius uituperationis , quam Cæsar scripsit de Catone ; facias me , quid tibi uisum sit , si tibi erit commodum , certiorerem . Redeo ad fanum . nisi hac æstate absolutum erit , quam uides integram restare ; scelere me liberatum non putabo . Vale .

CICERO S. D. ATTICO. 41

NULLVM a te desiderauī diem litterarum . uidebam enim quæ scribis : & tamen suspicabar , uel potius intelligebam , nihil fuisse , quod scriberes . ad VI. id. uero & abesse te putabam , & plane uidebam , nihil te habere . ego tamen ad te fere quotidie mittam . malo enim frustra , quam te non habere , cui des ; si quid forte sit , quod putes me scire oportere . itaque accepi VI. id. litteras tuas inanes . quid enim habebas , quod scriberes ? mihi tamen illud , quidquid erat , non molestum fuit , nihil aliud scire me , noui te nihil habere . scripsisti tamen nescio quid de Clodia . ubi ergo ea est , aut quando uentura ? placet mihi res sic , ut secundum Othonem nihil magis . sed neque hanc uendituram puto : deletur enim , & copiosa est : & illud alterum quam sit



## LIB. XII. EPIST.

fit difficile, te non fugit. sed obsecro enitamur, ut aliquid ad id, quod cupio, excogitemus. Ego me hinc postridie exiturum puto, sed aut in Tusculanum, aut domum, inde fortasse Arpinum. cum certum sciero, scribam ad te. Venerat mihi in mentem monere te, ut id ipsum, quod facis, faceres. putabam enim commodius te idem istud domi agere posse, interpellatione sublata. Vale.

CICERO S. D. ATTICO. 42

EGO postridie iduum, ut scripsi ad te ante, Lannuij manere constitui, inde aut Romæ, aut in Tusculano. scies ante utrumque. Quod scies recte illam rem fore leuamento; bene facis; cum id esset, mihi crede, perinde, ut exstimare tu non posses. res indicat, quantopere id cupiam, cum tibi audeam confiteri, quem id non ita ualde probare arbitrer. sed ferendus tibi in hoc meus error: ferendus? immo uero etiam adiuuandus. De Othone, diffido, fortasse quia cupio: sed tamen maior etiam res est, quam facultates nostræ, præsertim aduersario & cupido, & locuplete, & herede. Proximum est, ut uelim Clodiæ. si ista minus confici possunt, effice quiduis: ego me maiore religione, quam quisquam fuit ullius uoti, obstrictum puto. uidebis etiam Trebonianos: etsi absunt domini. sed, ut ad te heri scripsi, considerabis etiam de Tusculano; ne æstas effluat: quod certe non est committendum. Vale.

CICERO



ET Hirtium aliquid ad te *συμπράττω* de me scripsisse, facile patior; (fecit enim humane) & te eius epistolam ad me non misisse, multo facilius: tu enim etiam humanius. Illius librum, quem ad me misit de Catone, propterea uolo diuulgari ab tuis, ut ex istorum uituperatione sit illius maior laudatio. Quod per Mustellam agis; habes hominem ualde idoneum, meiq. sane studiosum iam inde a Pontiano. perfice igitur aliquid: quid autem aliud, nisi ut aditus sit emptori? quod per quemuis heredem potest effici. sed Mustellam id perfecturum, si rogaris, puto. Mihi uero & locum, quem opto, ad id, quod uolumus, dederis, & praeterea *ἐγγύπαια*. Nam illa Siliij, & Drusi non satis *οἰκὸς ἐκδοτὴν* mihi uidentur. quid enim sedere totos dies in uilla ista? igitur malim primum Othonis, deinde Clodiae. si nihil fiet; aut Druso ludus est suggerendus, aut utendum Tusculano. Quod domi te inclusisti, ratione fecisti: sed quaeso confice, et te uacuum redde nobis. Ego hinc, ut scripsi antea, postridie idus Ianuarium, deinde postridie in Tusculano. contudi enim animum, & fortasse uici, si modo permansero. scies igitur fortasse cras, summum perendie. Sed quid est quaeso? Philotimus nec Cartini Pompeium teneri; \* (qua de re litterarum ad Clodium Patavinum missarum exemplum mihi Oppius, & Balbus miserant, se id factum arbitrari) bellumq. narrat reliquum



quum satis magnum . solet omnino esse Fuluiaster :  
sed tamen , si quid habes . uolo etiam scire de nau-  
fragio Caniniano , quid sit . Vale .

CICERO S. D. ATTICO. 44

E G O hic duo magna συντάγματα absolui .  
nullo enim alio modo a miseria quasi aberrare  
possum . tu mihi , etiam si nihil erit , quod scribas ,  
quod fore ita uideo ; tamen id ipsum scribas ue-  
lim , te nihil habuisse , quod scriberes , dum mo-  
do ne his uerbis . De Attica , optime . Ἀκνδία  
tua me mouet : etsi scribis nihil esse . In Tusculano  
eo commodius ero , quod & crebrius tuas litteras  
accipiam , & te ipsum non numquam uidebo . nam  
ceteroqui ἀνεκτότερα erant Asturæ : nec hæc , quæ  
refricant , hic me magis angunt . etsi tamen , ubi-  
cumque sum , illa sunt mecum . De Cesare uicino  
scripseram ad te , quia cognoram ex tuis litteris .  
eum συνάρον Quirini malo , quam Salutis . Tu ue-  
ro peruulga Hirtium . id enim ipsum putaram , quod  
scribis ; ut , cum ingenium amici nostri probaretur ,  
ἐπρόθεσις uituperandi Catonis irrideretur . Vale .

CICERO S. D. ATTICO. 45

VINCAM , opinor , animum , & Lanuuiio per-  
gam in Tusculanum . aut enim mihi in perpetuum  
fundo illo carendum est : ( nam dolor idem mane-  
bit , tantum mediocrius ) aut nescio quid intersit ,  
utrum illuc nunc ueniam , an ad decem annos . neque  
enim



enim ista maior admonitio, quam quibus assidue conficior & dies, & noctes. quid ergo, inquires, nihil litteræ? in hac quidem re, uereor, ne etiam contra. nam essem fortasse durior. exculto enim animo nihil agreste, nihil inhumanum est. Vale.

CICERO S. D. ATTICO. 46

Tu igitur, ut scripsisti, nec id incommodo tuo. uel binæ enim poterunt litteræ. occurrā etiam, si necesse erit. ergo id quidem, ut poteris. De Mustela, ut scribis. etsi magnum opus est. eo magis de labor ad Clodiam. quamquam in utroque Faberia num nomen explorandum est. de quo, nihil nocuerit, si aliquid cum Balbo eris locutus, & quidem, ut res est, emere nos uelle, nec posse sine isto nomine, nec audere incerto. sed quando Clodia Romæ futura est, & quia tanti rem æstimas; eo prorsus specto; non quin illud malim; sed & magna res est, & difficile certamen cum cupido, cum locuplete, cum herede. etsi de cupiditate nemini concedam: ceteris rebus infirmiores sumus. sed hæc coram. Hirtij librum, ut facis, diuulga. De Philotimo, idem & ego arbitrabar. Domum tuam pluris uideo futuram uicino Cæsare. Tabellarium meum hodie expectamus. nos de Pilia, et Attica certiores faciet. Vale.

CICERO S. D. ATTICO. 47

DOMI te libenter esse, facile credo: sed uelim scire, quid tibi restet, aut iam ne confeceris. ego te

GG

in



*in Tusculano exspecto, eoq. magis, quod Tironi statim te uenturum scripsisti, & addidisti, te putare opus esse. sentiebam omnino, quantum mihi praesens prodesse; sed multo magis post discessum tuum sentio. quamobrem, ut ante ad te scripsi, aut ego ad te totus, aut tu ad me, quot licebit. Vale.*

CICERO S. D. ATTICO. 48

*HERI non multo post, quam tu a me discessisti, puto, quidam urbani, ut uidebantur, ad me mandata, & litteras attulerunt a C. Mario C. F. eum multis uerbis agere mecum per cognationem, quae mihi secum esset, per eum Marium, quem scripsissem, per eloquentiam L. Crassi, aui sui, ut se defenderem: causamq. suam mihi perscripsit. rescripsi, patrono illi nihil opus esse, quoniam Caesaris, propinqui eius, omnis potestas esset, uiri optimi, & hominis liberalissimi: me tamen ei fauturum. O tempora: fore, cum dubitet Curtius consulatum petere? Sed haec haecenus. De Tirone mihi cura est: sed iam sciam, quid agat. heri enim misi, qui uideret: cui etiam ad te litteras dedi. Epistolam ad Caesarem tibi misi. Horti quam in diem proscripti sint, uelim ad me scribas. Vale.*

CICERO S. D. ATTICO. 49

*UT me leuaret tuus aduentus, sic discessus afflixit. quare, cum poteris, id est cum Sexti auctioni operam dederis, reuises nos. uel unus dies mihi erit utilis; quid dicam, gratus? ipse Romam uenirem,*



rem, ut una essemus, si satis consilium quadam de re haberem. Vale.

CICERO S. D. ATTICO. 50

TIRONEM habeo citius, quam uerebar. uenit etiam Nicias: & Valerium hodie audiebam esse uenturum. quamuis multi sint, magis tamen ero solus, quam si unus esses. sed exspecto te a Peduceo utique. tu autem significas aliquid, etiam ante uerum id quidem, ut poteris. De Virgilio, ut scribis, hoc tamen uelim scire, quando auctio. Epistolam ad Caesarem mitti, uideo tibi placere. quid quæris? mihi quoque idem maxime placuit, & eo magis, quod nihil est in ea, nisi optimi ciuis, sed ita optimi ut tempora, quibus parere omnes πολιτικοὶ præcipiunt, sed scis nobis esse uisum, ut isti ante legerent. tu igitur id curabis. sed, nisi plane ijs intelliges placere, mittenda non est. id autem utrum illi sentiant, an uero simulent, tu intelliges. sed mihi simulatio pro repudiatione fuerit, τοῦτο δὲ μολώσῃ. De Cærellia quid tibi placeret, Tiro mihi narrauit: debere, non esse dignitatis meæ: percriptionem tibi placere: hoc metuere, alterum in metu non ponere. sed & hæc, & multa alia coram. sustinenda tamen, si tibi uidebitur, solutio est nominis Cærelliani, dum & de Metone, & de Faberio sciam. Vale.

CICERO S. D. ATTICO. 51

L. TVLLIVM Montanum nosti, qui cum Ci-

GG 2 cerone



LIB. XII. EPIST.

terone profectus est. ab eius sororis uiro litteras accepi, Montanum Planco debere, quod præs pro Flaminio sit, HS x x; de ea re nescio quid te a Montano rogatum. sane uelim, siue Plancus est rogandus, siue quare potes illum iuuare, iuues. pertinet ad nostrum officium. si res tibi forte notior est, quam mihi; aut si Plancum rogandum putas; scribas ad me uelim; ut, quid rei sit, & quid rogandum, sciam. De epistola ad Cæsarem quid egeris, expecto. De Silio, non ita sane laboro. tu mihi aut Scapulanos, aut Clodianos efficias, necesse est. sed nescio quid uideris dubitare de Clodia; utrum, quando ueniat, an, sint ne uenales? Sed quid est, quod audio, Spinttherem fecisse diuortium? De lingua latina securi es animi, dices, qui talia conscribis. ἀπόγραφα sunt: minore labore sunt: uerba tantum affero, quibus abundo. Vale.

CICERO S. D. ATTICO. 52

EGO, etsi nihil habeo, quod ad te scribam, scribotamen, quia tecum loqui uideor. Hic nobiscum sunt Nicias, & Valerius. hodie tuas litteras expectabamus matutinas. erunt fortasse alteræ pomeridianæ, nisi te Epiroticæ litteræ impediunt: quas ego non interpello. Misi ad te epistolas ad Martianum, & ad Montanum. eas in eundem fasciculum uelim addas, nisi forte iam dedisti. Vale.

M. TVL-



235

M. TVLLII CICERONIS  
EPISTOLARVM AD T.  
POMPONIVM ATTICVM  
LIBER XIII.

CICERO S. D. ATTICO.

A D CICERONEM ita scripsisti, ut ne-  
que seuerius, neque temperatius scribi  
potuerit, nec magis quam quemadmo-  
dum ego maxime uellem. prudentissi-  
me etiam ad Tullios. quare aut ista proficient, aut  
aliud agamus. De pecunia uero, uideo a te omnem  
diligentiam adhiberi, uel potius iam adhibitam: et,  
si efficis, a te hortos habebo. nec uero ullum genus  
possessionis est, quod malim, maxime scilicet ob eam  
causam, quæ suscepta est; cuius festinationem mihi  
tollis, quoniam de æstate polliceris, uel potius reci-  
pis: deinde etiam ad καλαβιωσι, mæstitiamq. mi-  
nuendam nihil mihi reperiri potest aptius. cui rei  
cupido impellit me interdum, ut te hortari uelim.  
sed me ipse reuoco. non enim dubito, quin, quod me  
ualde uelle putēs, in eo tu me ipsum cupiditate uin-  
cas. itaque istuc iam profecto habeo. Exspecto, quid  
istis placeat de epistola ad Cæsarem. Nicias te, ut  
debet, amat, uehementerq. tua sui memoria delecta-  
tur. Ego uero Peducæum nostrum uehementer diligo.  
nam et quāti patrem feci, totum in hunc: ipsum per  
se æque amo, atque illum amari; te uero plurimum,

GG 3 qui



## LIB. XIII. EPIST.

qui hoc ab utroque nostrum fieri uelis. Si hortos inspexeris, etsi de epistola certiore me feceris, dederis mihi quod ad te scribam: sin minus, scribam tamen aliquid: numquam enim deerit. Vale.

CICERO S. D. ATTICO. 2

GRATIOR mihi celeritas tua, quam ipsa res. quid enim indignius? sed iam ad ista obduruimus, et humanitatem omnem exuimus. Tuas litteras hodie expectabam, nihil equidem ut ex ijs noui: quid enim? uerumtamen. Oppio, et Balbo epistolas deferri iubebis: & tamen Pisonem sicubi de auro. Faberius uenerit, uidebis, ut tantum attribuat, si modo attribuetur, quantum debetur. accipies ab Erote. Ariarathes Ariobarzanis filius Romam uenit. uult, opinor, regnū aliquod emere a Cæsare. nam, quo modo nunc est, pedem ubi ponat in suo, non habet. omnino eum Sextius noster parochijs publicis occupauit: quod quidem facile patior. uerumtamen, quod mihi, summo beneficio meo, magna cum fratribus illius necessitudo est, inuito eum per litteras, ut apud me diuerfetur. ad eam rem cum mitterem Alexādrum, has ei dedi litteras. Cras igitur auctio Peducaei: cum poteris ergo: etsi impedit fortasse Faberius: sed tamen, cum licebit. Dionysius noster grauitur queritur, et tamen iure, a discipulis abesse tam diu. multis uerbis scripsit ad me, credo item ad te. mihi quidem uidetur etiam diutius absfuturus. ac nollem: ualde enim hominem desidero. Vale.

CICERO



A TE litteras expectabam, non dum scilicet: nam has mane rescribebam. Ego uero ista omnia sic probo, ut nihil aliud me moueat, nisi quod tu uideris dubitare. illud enim non accipio in bonam partem, quod ad me refert. quid? ipse negotium meum gererem, nisi consilio tuo? sed tamen intelligo, magis te id facere diligentia, qua semper uteris, quam quod dubites de nominibus istis. etenim Caelium non probas: plura non uis. utrumque laudo: his igitur utendum est. praes aliquando factus esset, in his quidem tabulis. a me igitur omnia, quod dies longiores: teneamus modo, quod uolumus. puto fore istam etiam a praecone diem, certe ab heredibus. De Crispo, et Mustela uidebis: & uelim scire, quae sit pars duorum. De Bruti aduentu erant factus certior. attulerat enim ab eo Aegyptia libertus litteras. mihi si ad te epistolam, quia commode scripta erat. Vale.

HABEO munus a te elaboratum decem legatorum. & quidem puto. nam filius anno post quaestor fuit, quam consul Mummius. sed quoniam saepius de nominibus quaeris quid placeat: ego quoque tibi saepius respondeo, placere. Si quid poteris cum Pisone, conficies: Aulus enim uidetur in officio futurus. uelim ante possis: si minus, utique simul, cum Brutus ueniet in Tusculanum. magni interest



## LIB. XIII. EPIST.

mea, una nos esse. scies autem, qui dies is futurus sit, si puero negotium dederis, ut quærat. Spurium Mummiū putaram in decem legatis fuisse: & uidelicet: etenim *ἔλεγον*, fratri fuisse. fuit enim ad Corinthum.

CICERO S. D. ATTICO. 5

MISI tibi Torquatum. colloquere tu quidem cum Silio. ut scribis, & urge. illam diem negabat esse mense Maio, istā non negabat. sed tu, ut omnia, istuc quoque ages diligenter. De Crispo, et Mustela scilicet, cum quid egeris. Quoniam ad Bruti aduentum fore te nobiscum polliceris, satis est, præsertim cū hi tibi dies in magno nostro negotio consumātur.

CICERO S. D. ATTICO. 6

DE aquæ ductu probe fecisti. columnarium, uide, ne nullum debeamus. quamquam mihi uideor audisse a Camillo, commutatam esse legem. Pisoni, quid est, quod honestius respondere possimus, quam solitudinem Catonis? nec coheredibus solum Herennianis, sed etiam, ut scis (tu enim mecum egisti) de puero Lucullo: quam pecuniam tutor (nam hoc quoque ad rem pertinet) in Achaia sumpserat. sed agit liberaliter, quoniam negat se quidquam facturum contra nostram uoluntatem. coram igitur, ut scribis, constituemus, quemadmodum rem explicemus. Quod reliquos coheredes conuenisti, plane bene. Quod epistolam meam ad Brutum poscis, non habeo



habeo eius exemplum, sed tamen saluum est, & ait  
 Tiro te habere oportere, & ut recorder, una cum  
 illius obiurgatoria tibi meam quoque, quam ad eū  
 rescripseram, misi. Iudiciali molestia ut caream, ui  
 debis. Tuditanum istum, proauum Hortensii,  
 plane non noram; & filium, qui tum non potuerat  
 esse legatus, fuisse putaram. Mummiū fuisse ad  
 Corinthum, pro certo habeo. sæpe enim hic Spu-  
 rius, qui nuper est \* epistolas mihi pronun-  
 ciabat uersiculis facietis ad familiares missas a Co-  
 rintho. sed non dubito, quin fratri fuerit legatus,  
 non in decem. atque hoc etiam accepi, non solitos  
 maiores nostros legare in decem, qui essent impe-  
 ratorum necessarij, ut nos, ignari pulcherrimorum  
 institutorum, aut negligētes potius, M. Lucillum,  
 & L. Muranā, & ceteros ad L. Lucillum misi-  
 mus. illudq. & λογώτατον, illum fratri in primis  
 eius legatis fuisse. Vale.

CICERO S. D. ATTICO. 7.

OPERAM tuam multam, qui & hæc cures,  
 & mea expedias, & sis in tuis multo minus dili-  
 gens, quam in meis. Sextius apud me fuit, et Theo-  
 pompus pridie: uenisse a Cæsare narrabat litteras:  
 hoc scribere, sibi certum esse Romæ manere; caus-  
 samq. eā adscribere, quæ erat in epistola nostra, ne  
 se absente leges suæ negligerentur, sicut esse negle-  
 cta sumptuaria. est & λογος: idq. eram suspica-  
 tus. sed istis mos gerendus est; nisi placet hanc ip-  
 sam



## LIB. XIII. EPIST.

Sam sententiam nos persequi. et Lentulum cum Metella fecisse diuortium. hæc omnia tu melius. rescribes igitur quidquid uoles, dum modo quid. iam enim non reperio, quid te rescripturum putem, nisi forte de Mustela, aut si Silium uideris. Brutus heri uenit in Tusculanum post horam decimam. hodie igitur me uidebit: ac uellem, cum tu adesses. nisi equidem ei nunciari, te, quoad potuisses, expectasse eius aduentum, uenturumque, si audisses, meque, ut facio, continuo te certiore esse facturum. Vale.

CICERO S. D. ATTICO. 8

PLANE nihil erat, quod ad te scriberem. modo enim discesseras, et paullo post triplices remiseras. uelim cures fasciculum ad Vestorium deferendum: & alicubi des negotium, qui quærat, Q. Faberij fundus num quis in Pompeiano, Nolano uenalis sit. Epitomen Bruti Cæliatorum uelim mihi mittas, & a Philoxeno Παναυτίου περί ὀπορίας. Te idibus uidebo cum tuis. Vale.

CICERO S. D. ATTICO. 9

COMMODOVM discesseras heri, cum Trebatius uenit, paullo post Curtius, hic salutandi causa, sed mansit inuitatus. Trebatium nobiscum habemus. hodie mane Dolabella. multus sermo ad multum diem. nihil possum dicere ἐκτενέστερον, nihil φιλοσοφώτερον. uentum est tamen ad Quinctum. multa ἄφρατα, ἀδιήγτητα, sed unum eiusmodi, quod, nisi



ni si exercitus sciret, non modo Tironi dictare, sed ne ipse quidem auderem scribere. sed haecenus. & rursus ad me uenit, cum haberem Dolabellam, Torquatus; humanissimeque Dolabella, quibus uerbis secum egissem, exposuit. commodum enim egeram diligentissime. quae diligentia grata est uisa Torquato. A te expecto, si quid de Bruto. quamquam Nicias confectum putabat, sed diuortium non probari. quo etiam magis laboro idem, quod tu. si quid est enim offensionis, haec res mederi potest. mihi Arpinum eundum est. nam & opus est constitui a nobis illa praediola: & uereor, ne exeundi potestas non sit, cum Caesar uenerit: de cuius aduentu eam opinionem Dolabella habet, quam tu coniecturam faciebas ex litteris Messallae. cum illuc uenero, intellexeroque. quid negotij sit; tum, ad quos dies rediturus sim, scribam ad te. Vale.

CICERO S. D. ATTICO. 10

MINIME miror, te & grauitur ferre de Marcello, & plura uereri periculi genera. quis enim hoc timeret, quod neque acciderat antea, nec uidebatur natura ferre, ut accidere posset? omnia igitur metuenda. sed illud παρὰ τὴν ἰσότητα tu, praesertim me reliquum consularem. quid tibi Seruius, quid uidetur? quamquam hoc nullam ad partem ualet scilicet, mihi praesertim, qui non minus bene aetum cum illis putem. quid enim sumus? aut quid esse possumus? domi ne, an foris? quod nisi hoc mihi

hi



## LIB. XIII. EPIST.

hi uenisset in mentem, scribere ista nescio quæ; quo uerterem me, non haberem. ad Dolabellam, ut scribis, ita puto faciendum, κοινότερα quædam, & πολιτικώτερα. faciendum certe aliquid est. ualde enim desiderat. Brutus si quid, curabis ut sciam. cui quidem quamprimum agendum puto, præsertim si statuit. fermunculum enim omnem aut restinxerit, aut sedarit. sunt enim, qui loquantur etiam mecum, Sed hæc ipse optime, præsertim si etiam tecum loquetur. Mihi est in animo proficisci x i. kal. hic enim nihil habeo quod agam, ne hercule illic quidem nec usquam, sed tamen illic. Hodie Spintherem expecto. misit enim Brutus ad me: per litteras purgat Cæsarem de interitu Marcelli: in quem, ne si insidijs quidem ille interfectus esset, caderet ulla suspicio. nunc uero, cum de Magio constet, non ne furor eius omnem causam sustinet? plane, quid sit, non intelligo. explanabis igitur. quamquã nihil habeo, quod dubitem, nisi, ipso Magio quæ fuerit causa amentia: pro quo quidem etiam sponsor factus est. nimirum id fuit. soluendo enim non erat. credo enim petiisse a Marcello aliquid, & illum, ut erat constantius respondisse. οὐ γὰρ ὀνειδος. Vale.

## CICERO S. D. ATTICO. II

CREDEBAM esse facile: totum est aliud, postea quam sum a te diiunctior. sed fuit faciendū, ut & constituerem mercedulas prædiorum, & ne magnum onus obseruantia Bruto nostro imponerem.  
post-



posthac enim poterimus commodius colere inter nos in Tusculano: hoc autem tempore, cum ille me quotidie uidere uellet, ego ad illum ire non possem, priuabatur omni delectatione Tusculani. tu igitur, si Seruilia uenerit, si Brutus quid egerit, etiam, si constituerit quando obuiam, quidquid denique erit, quod scire me oporteat, scribes. Pisonem, si poteris, conuenias. uides, quam maturum sit. sed tamen, quod commodo tuo fiat. Vale.

CICERO S. D. ATTICO. 12

VALDE me momorderunt epistolæ tuæ de Attica nostra: eadem tamen sanauerunt. quod enim te ipse consolabare eisdem litteris, id mihi erat satis firmum ad leniendam ægritudinem. Ligarianam præclare uendidisti. post hac quidquid scripsero, tibi præconium deferam. Quod ad me de Varrone scribis; scis, me antea orationes, aut aliquid id genus solitum scribere, ut Varronem nusquam possem intexere. postea autem quam hæc cœpi φιλολογώ-τερα, iam Varro mihi denunciauerat magnam sane, & grauem προσφώνησιν. biennium præterijt, cum ille Καλλιπίδης assiduo cursu cubitum nullum processerit. ego autem me parabam ad id, quod ille mihi misisset, ut αὐτῷ τῷ μέτρῳ, καὶ λόγῳ, si modo potuisssem. nam hoc etiam Hesiodus adscribit, αἶψα δῶναι. nunc illam περὶ τελῶν σωόνταξιν, sane mihi probatam, Bruto, ut tibi placuit, despondimus. idq. eum non nolle mihi scripsisti. ergo illam ἀκαδη-  
μικὴν.



## LIB. XIII. EPIST.

μικρὴν, in qua homines, nobiles illi quidem, sed nullo modo philologi, nimis acute loquuntur, ad Varronem transferamus. etenim sunt Ἀντιόχεια, quæ iste ualde probat. Catulo, & Lucullo alibi reponemus, ita tamen, si tu hoc probas: deq. eo mihi rescribas, uelim. De Brinniana auetione accepi a Vestorio litteras. ait, sine ulla controversia rem ad me esse collatam (Romæ uidelicet, aut in Tusculano me fore putauerunt) ad VIII. kal. Quint. dices igitur uel amico tuo, uel Othoni coheredi meo, uel Labeoni nostro, paululum proferant auetionem; me circiter nonas in Tusculano fore. cum Pisone Erotem habes. De Scapularis hortis toto pectore cogitemus. dies adest.

CICERO S. D. ATTICO. 13

COMMOTVS tuis litteris, quod ad me de Varone scripseras, totam Academiam ab hominibus nobilissimis abstuli, trāstuliq. ad nostrum sodalem, & ex duobus libris contuli in quattuor. grandiores sunt omnino, quam erant illi; sed tamen multa detracta. tu autem mihi peruelim scribas, qui intellexeris illum uelle. illud utique scire cupio, quem intellexeris ab eo ζηλοτυπεῖν, nisi forte Brutum. id hercle restabat. sed tamen scire peruelim. libri quidem ita exierunt, (nisi forte me cōmunis φιλαυτία decipit) ut in tali genere ne apud Græcos quidem simile quidquam. tu illam iacturam feres æquo animo, quod illa, quæ habes de Academicis, fru-



frustra descripta sunt . multo tamen hæc erunt splen-  
didiora , breuiora , meliora . nunc autem ἀποπῶ ,  
quo me uertam . uolo Dolabellæ ualde desideranti .  
non reperio , quid : & simul αἰδέομαι Τρωάς : ne-  
que , si aliquid , potero μεμψῆν effugere . aut cessandū  
igitur , aut aliquid excogitandum . sed quid hæc le-  
uia curamus ? Attica mea , obsecro te , quid agit ?  
quæ me ualde angit . sed crebro regusto tuas litte-  
ras : in his acquiesco : tamen exspecto nouas . Vale .

CICERO S. D. ATTICO. 14

BRINNII libertus , coheres noster , scripsit  
ad me , uelle , si mihi placet , coheredes , & Sabinum  
Albium ad me uenire . id ego plane nolo . hereditas  
tanti non est . & tamen obire auktionis diem facile  
poterunt , ( est enim III . idus ) si me in Tusculano  
postridie nonas mane conuenerint . quod si laxius uo-  
lent proferre diem , poterunt uel biduum , uel tri-  
duum , uel ut uidebitur . nihil enim interest . qua-  
re , nisi iam profecti sunt , retinebis homines . De  
Bruto , si quid erit , de Cæsare , si quid scies præterea ,  
scribes . Illud etiam atque etiam consideres uelim  
placeat ne tibi mitti ad Varronem , quod scripsimus ;  
etsi etiam ad te aliquid pertinet . nam scito , te ei dia-  
logo adiunctum esse tertium . opinor igitur conside-  
remus . etsi nomina iam facta sunt : sed uel induci ,  
uel mutari possunt . Vale .

CICERO



CICERO S. D. ATTICO. 15

QVID agit, obsecro te, Attica nostra? nam triduo abs te nullas acceperam: nec mirum: nemo enim uenerat: nec fortasse caussa fuerat. itaque, ipse quid scriberem, non habebam. quo autem die has Valerio dabam, expectabam aliquem meorum: qui si uenisset, & a te quid attulisset, uidebam non defuturum, quid scriberem. Vale.

CICERO S. D. ATTICO. 16

Nos, cum flumina, & solitudinem sequeremur, quo facilius sustentare nos possemus, pedem e uilla adhuc egressi non sumus: ita magnos, & assiduos imbres habebamus. Illam Academicen ciuitatem totam ad Varronem traduximus: modo fuit Catuli, Luculli, Hortensii: deinde, quia παρὰ τὸ ἔργον uidebatur, quod erat hominibus non ignota, non illa quidem ἀπαυδάσια, sed in ijs rebus ἀργισία; simul ac ueni ad uillam, eosdem illos sermones ad Catonem, Brutumq. transfuli. ecce tuae litterae de Varrone. nemini uisa est aptior Ἀντιόχεια ratio. sed tamen uelim scribas ad me, primum placeat ne tibi aliquid ad illum; deinde, si placebit, hoc ne potissimum. Quid Seruilia, iam ne uenit? Brutus ecquid agit, ecquando? De Cæsare quid auditur? Ego ad nonas, quemadmodum dixi. Tu cum Pisonem, si quid poteris. Vale.

CICERO



## CICERO S. D. ATTICO. 17

DE VI. exspectabam Roma aliquid. non imperassem igitur aliquid tuis. nunc eadem illa, quid Brutus cogitet, aut si aliquid egit, & quid a Cæsare. sed quid ista, quæ minus curo? Attica nostra quid agat, scire cupio. etsi tuæ litteræ (sed iam nimis ueteres sunt) recte sperare iubent. tamen exspecto recens aliquid. Vale.

## CICERO S. D. ATTICO. 18

VIDES, propinquitas quid habet. nos uero conficiamus hortos. colloqui uidebamur, in Tusculano cum essem: tanta erat crebritas litterarum sed id quidem iam erit, ego interea admonitu tuo perfecti sane argutulos libros ad Varronem: sed tamen exspecto, quid ad ea, quæ scripsi ad te: primum qui intellexeris eum desiderare a me, cum ipse homo πολυγραφώτατος numquam me laceffisset: deinde, quem ζηλοτυπήν: multo Hortensium minus, aut eos, qui de rep. loquuntur. plane hoc mihi explices uelim: in primis, maneat ne in sententia, ut mittam ad eum, quæ scripsi; an nihil necesse putet. sed hæc coram. Vale.

## CICERO S. D. ATTICO. 19

COMMODOVM discesserat Hilarus librarius IV. kal. cui dederam litteras ad te, cum uenit tabellarius cum tuis litteris pridie datis: in quibus

HH illud



illud mihi gratissimum fuit, quod Attica nostra rogat te, ne tristis sis, quodq. tu ἀκλινῶς esse scribis, Ligarianam, ut uideo, præclare auctoritas tua commendauit. scripsit enim ad me Balbus, ac Oppius, mirifice se probare, ob eamq. causam ad Cæsarem meam se oratiunculam misisse. hoc igitur idem tu mihi antea scripseras. In Varrone ista causa me non moueret, ne uiderer φιλένδοξος. sic enim constituebam, neminem includere in dialogos eorum, qui uiuerent: sed, quia scribis & desiderari a Varrone, & magni illum æstimare; eos confeci, & absolui, nescio quam bene, sed ita accurate, ut nihil posset supra: Academicam omnem quæstionem libris quattuor. in eis, quæ erant contra ἀκαταληξίαν, præclare collecta ab Antiocho, Varroni dedi: ad ea ipse respondeo: tu es tertius in sermone nostro. si Cottam, & Varronem fecissem inter se disputantes, ut a te proximis litteris admoneor; meum κωφὸν πρόσωπον esset. hoc in antiquis personis suauiter fit, ut & Heraclides in multis, & nos sex de rep. libris fecimus. sunt etiam de oratore nostri tres, mihi uehementer probati. in eis quoque eæ personæ sunt, ut mihi tacendum fuerit. Crassus enim loquitur, Antonius, Catulus senex, C. Iulius, frater Catuli, Cotta, Sulpicius. puero me hic sermo me inducit, ut nullæ esse possent partes meæ. quæ autem his temporibus scripsi, Ἀριστοτέλειον morem habent; in quo sermo ita inducitur ceterorum, ut penes ipsum sit principatus, ita confeci quin-



quinque libros περὶ τελῶν, ut Epicurea L. Torqua-  
to, Stoica M. Catoni, περιπατητικὰ M. Pisoni da-  
remus. ἀζηλότυπον id fore putaram, quod omnes il-  
li decesserant. hæc Academica, ut scis, cum Catu-  
lo, Lucullo, Hortensio contuleram. sane in personas  
non cadebant. erat enim λογικώτερα, quam ut illi  
de ijs somniassent umquam uiderentur. itaque, ut legi-  
tuas de Varrone. tamquam ἔρμαιον arripui. aptius  
esse nihil potuit ad id philosophiæ genus, quo ille  
maxime mihi delectari uidetur, easq. partes, ut  
non sim consecutus, ut superior mea causa uidea-  
tur. sunt enim uehementer πιθανὰ Antiochia: quæ  
diligenter a me expressa, acumen habent Antio-  
chi, nitorem orationis nostrum: si modo is est ali-  
quis in nobis. sed tu, dandos ne putes hos libros Var-  
roni, etiam atque etiam uidebis. mihi quædam oc-  
currunt: sed ea coram. Vale.

CICERO S. D. ATTICO. 20

A CAESARE litteras accepi consolatorias:  
datas prid. kal. Mai. Hispali. De urbe augenda  
quid sit promulgatum, non intellexi. id sane scire  
uelim. Torquato nostra officia grata esse, facile pa-  
tior: eaq. augere non desinam. De uxore Tube-  
ronis, & priuigna, neque possum iam abdere, (est  
enim res peruulgata) neque Tiberonem uolo de-  
fendere: mirifice est enim φιλάτιος. theatrum qui-  
dem sane bellum habuisti. ego, etsi hoc loco facilli-  
me sustentor, tamen te uidere cupio: itaque, ut con-

HH 2 flitui,



stitui, adero. Fratrem credo a te esse conuentum, scire igitur studeo, quid egeris. De fama nihil sane laboro. etsi scripseram ad te tunc stulte nihil melius. curandum enim non est: atque hoc: in omni uita sua quæque a recta conscientia transuersum unguem non oportet discedere. uiden', quam φιλοσόφος? an tu nos frustra existimas hæc in manibus habere? δεδῶκε δ' αὖτε nollem, quod nihil erat. redeo enim rursus eodem. quidquam ne me putas curare in toto, nisi ut ei ne desim? id ago scilicet, ut iudicia uideat tenere. πᾶν γὰρ αὖ τοῖς. uellem tam domestica ferre possem, quam ista contemnere. putas autem me uoluisse aliquid, quod perfectum non sit? non licet scilicet sententiam suam: sed, tamen, quæ tum acta sunt, non possum non probare: & tamen non curare pulchre possum, sicuti facio. sed nimium multa de nugis.

CICERO S. D. ATTICO. 21

AD Hirtium dederam epistolam sane grandem, quam scripseram proxime in Tusculano huic, quam tu mihi misisti, rescribam alias: nunc alijs malo. Quid possum de Torquato, nisi aliquid a Dolabella? quod simul ac, continuo scietis. expectabam hodie, aut summum cras ab eo tabellarios: qui simul ac uenerint, mittentur ad te. A Quincto expecto. proficiscens enim e Tusculano VIII. kal. ut scis, misi ad eum tabellarios. Nunc, ad rem ut redeam, inhibere illud tuum, quod ualde mihi arriserat,



rat, uehementer displicet. est enim uerbum totum nauticum. quamquam id quidem sciebam: sed arbitrabar sustineri remos, cum inhiberi essent remiges iussi. id non esse eiusmodi didici heri, cum ad uillam nostram nauis appelleretur. non enim sustinent, sed alio modo remigant. id ab ἐποχῆς remotissimum est: quare facies, ut ita sit in libro, quemadmodum fuit. dices hoc idem Varroni, si forte mutauit. nec est melius quidquam, quam ut Lucullus

Sustineat currū, ut bonū saepe agitator, equosque. semperq. Carneades ἀποβολὴν pugilis, & retentionem aurigæ similem facit ἐποχῆ. inhibito autem remigum motum habet, & uehementiorem quidem, remigationis nauem conuertentis ad puppim. uides, quanto hoc diligentius curem, quam aut de rumore, aut de Pollione. De Pansa etiam, si quid certius. credo enim palam factum esse De Critonio, si quid esset. Certe ne de Metello, & Balbino? dic mihi, placet ne tibi primum edere iniussu meo? hoc ne Hermodorus quidem faciebat, is, qui Platonis libros solitus est diuulgare; ex quo, λόγον εἰν Ερμόδωρος. quid illud? rectum ne existimas cuiquam quidquam ante, quam Bruto? cui te auctore προσφωνῶ. scripsit enim Balbus ad me, se a te quintum de finibus librum descripsisse: in quo non sane multa mutauit, sed tamen quædam. tu autem commode feceris, si reliquos continueris; ne & ἀδιόρθωτα habeat Balbus, & ἑωτα Brutus. sed hæc hæctenus; ne uidear περὶ μικρὰ πλεονάζειν. etsi nunc



## LIB. XIII. EPIST.

quidem maxima mihi sunt hæc: quid est enim aliud?  
 Varroni quidem quæ scripsit te auctore, ita prope-  
 ro mittere, ut iam Romam miserim describenda.  
 ea si uoles, statim habebis: scripsi enim ad librari-  
 os, ut fieret tuis, si uelles, describendi potestas. ea  
 uero continebis, quoad ipse te uideam, quod dili-  
 gentissime facere soles, cum a me tibi dictum sit. Quo  
 modo autem fugit me, tibi dicere? mirifice Cærellia,  
 studio uidelicet philosophiæ flagrans, describit a  
 tuis. istos ipsos de finibus habet. ego autem tibi non  
 firmo, (possum falli, ut humanus) a me non habe-  
 re. numquam enim ab oculis meis abfuerunt. tam-  
 tum porro aberat, ut binos scriberent: uix singulos  
 confecerunt. tuorum tamen eo nullum delictum ar-  
 bitror: idemque te uolo existimare. a me enim præ-  
 termissum est, ut dicerem eos exire non dum uelle.  
 Huiusquam diu de nugis. de re enim nihil habeo, quod  
 loquar. De Dolabella tibi assentior. coheredes, ut  
 scribis, in Tusculano. De Cæsaris aduentu, scri-  
 psit ad me Balbus, non ante kal. Sext. De Attica  
 optime, quod lenius, ac lenius, & quod fert & xó-  
 λος. Quod autem de illa nostra cogitatione scribis,  
 in qua nihil tibi credo ea, quæ noui: ualde probo ho-  
 minem, domum, facultates: quod caput est, ipsum  
 non noui: sed audio laudabilia de Scrofa. etiam pro-  
 xime accedit, si quid hoc ad rem. & γερῆς εἶδος est e-  
 tiam, quam pater. coram igitur, & quidem pro-  
 penso animo ad probandum. accedit enim, quod pa-  
 trem, ut scire te puto, plus etiam, quam non mo-  
 do



do tu, sed quam ipse scit, amo, idq. & merito,  
& iam diu. Vale.

CICERO S. D. ATTICO. 22

DE VARRONE, non sine caussa, quid tibi  
placeat, tam diligenter exquiro. occurrunt mihi  
quædam: sed ea coram. te autem ἀποκρίσεσθαι inte-  
xui, faciamq. id crebrius. proximis enim tuis lit-  
teris primum, te id non nolle, cognoui. De Mar-  
cello, scripserat ad me Cassius antea, τὰ κατὰ μέρος  
Seruius. rem acerbam. ad prima redeo. Scripta  
nostra nusquam malo esse, quam apud te, sed ea  
tum feras dari, cum utrique nostrum uidebitur.  
ego & librarios tuos culpa libero, neque te accuso,  
& tamen aliud quiddam ad te scripseram, Cærel-  
liam quædam habere, quæ nisi a te non potuerit.  
Balbo quidem intelligebam satisfaciendum fuisse:  
tantum nolebam, aut obsoletum Bruto, aut Balbo  
inchoatum dari. Varroni, simul ac te uidero, si ti-  
bi uidebitur, mittam. quid autem dubitarim, cum  
uidero te, scies. Attributos quod appellas, ualde  
probe. Te de prædio auia exerceri, moleste fero.  
De Bruto nostro, perodiosum: sed uita fert. mulie-  
res autem uix satis humane, quæ inimico animo fe-  
rant, cum utraque officio pareat. Tullium scribam,  
nihil fuit, quod appellares. nam tibi mandassem, si  
fuiisset. nihil enim est apud eum positum nomine uo-  
ti. sed est quiddam apud illum meum. id ego in hac  
rem statui conferre. itaque & ego recte tibi dixi,

HH

ubi



## LIB. XIII. EPIST.

ubi esset: & tibi ille recte negavit. hoc quoque ipsum continuo adoriamur. locum hominibus non sane probo, quod est desertior: sed habet & λόγῳ. uerum hoc quoque, ut censueris; quippe qui omnia. Ego, ut constitui, adero: atque utinam tu quoque eodem die. sin quid; multa enim; utique postredie. etenim coheredes: a quibus sine te opprimi, malitia est. Alteris iam litteris nihil ad me de Attica. sed id quidem mihi in optima spe pono. illud accuso, non te, sed illam, ne salutem quidem. at tu & illi, & Piliæ plurimam: nec me tamen irasci indicaris. Epistolam Cæsaris misi, si minus legisses. Vale.

CICERO S. D. ATTICO. 23

ANTEMERIDIANIS tuis litteris heri statim rescripsi: nunc respondebo uespertinis. Brutus, mallem, me arcesseret. nam & æquius erat, cum illi iter instaret & subitum, & longum: & me hercule nunc, cum ita simus affecti, ut non possimus plane simul uiuere, (intelliges enim profecto, quo maxime posita sit σπουδῆς) facile patiebar, nos potius Romæ una esse, quam in Tusculano. libri ad Varronem non morabantur. sunt enim defecti, ut uidisti: tantum librariorum menda tolluntur. de quibus libris scis me dubitasse: sed tu uideris. item, quos Bruto mittimus, in manibus habent librarij. Mea mandata, ut scribis, explica. quamquam ista retentione omnes ait uti Trebatius: quid tu istos putas? nosti domum, quam confice & λόγῳ. incredibile



bile est, quam ego ista non curem. omni tibi asse-  
 ueratione affirmo, quod mihi credas uelim, mihi  
 maiori offensionem esse, quam delectationi, possessionun-  
 culas meas. magis enim doleo, me non habere, cui  
 tradam, quam habere, qui utar. atque illud Tre-  
 batius se tibi dixisse narrabat. tu autem ueritus es  
 fortasse, ne ego inuitus audirem. fuit id quidem hu-  
 manitatis: sed, mihi crede, iam ista non curo. qua-  
 re date in sermonem, & perscica, & confice, exci-  
 ta, compella, loquere, ut te cum illo Scæua loqui  
 putes. ne existimes eos, qui non debita consuetudine  
 soleant, quod debeatur, remissuros. de die tantum  
 uideto, & id ipsum bono modo. Vale.

CICERO S. D. ATTICO. 24

QVID est, quod Hermogenes mihi Clodius,  
 Andromenem sibi dixisse, se Ciceronem uidisse Cor-  
 cyræ? ego enim audita tibi putaram. nil igitur ne  
 ei quidem litterarum? an non uidit? facies ergo ut  
 sciam. Quid tibi ego de Varrone rescribam? quat-  
 tuor diædēpai sunt in tua potestate. quod egeris, id  
 probabo. nec tamen αὐδῆτορ αὐτῶν: quid enim?  
 sed, ipsi quam res illa probaretur, magis uerebar.  
 sed quoniam tu suscipis, in alteram aurem. Vale.

CICERO S. D. ATTICO. 25

DE RETENTIONE, rescripsi ad tuas accu-  
 rate literas scriptas. conficies igitur, & quidem  
 sine ulla dubitatione, aut retractatione. hoc fieri



## LIB. XIII. EPIST.

Et oportet, et opus est. De Andromene, ut scri-  
 bis, ita putaram: scisses enim, mihiq. dixisses. Tu  
 tamen ita mihi de Bruto scribis, ut de te nihil. quan-  
 do autem illum putas? nam ego Romam pridie idus.  
 ita uolui Bruto scribere: sed quoniam tu te legisse  
 scribis, fui fortasse ἀσάφης εἶπος, me ex tuis litteris in-  
 tellexisse, nolle eum me quasi prosequendi sui caus-  
 sa Romam nunc uenire. sed quoniam iam adest meus  
 aduentus; fac quaeso, ne quid eum idus impediunt,  
 quo minus suo commodo in Tusculano sit. nec enim  
 ad tabulam eum desideraturus erā. in tali enim ne-  
 gotio cur tu unus non satis es? sed ad testamentum uo-  
 lebam: quod iam malo alio die; ne ob eam causam  
 Romam uenisse uidear. scripsi igitur ad Brutum,  
 iam illud, quod putassem, idibus, nihil opus esse.  
 uelim ergo totum hoc ita gubernes, ut ne minima  
 quidem re ulla Bruti commodum impediamus. Sed  
 quid est tandem, quod perhorrescas, quia tuo peri-  
 culo iubeam libros dare Varroni? etiam nunc, si  
 dubitas, fac, ut sciamus. nihil est enim illis ele-  
 gantius. uolo Varronem, praesertim cum ille de-  
 sideret: sed est, ut scis,

δεινὸς ἄνθρωπος: τάχα καὶ καὶ ἀναίτιον αἰτιώωτο.

ita mihi saepe occurrit uultus eius, querentis fortas-  
 se uel hoc, meas partes in ijs libris copiosius defen-  
 sis esse, quam suas: quod mehercule intelliges non  
 esse. si quando in Epirum ueneris. nam nunc Ale-  
 xionis existolis cedimus: sed tamen ego non despero  
 probatum in Varroni: et id, quoniam impensam  
 feci-



fecimus in macrocola, facile patior teneri. sed etiā atque etiam dico, tuo periculo fiet. quare, si addubitas, ad Brutum transeamus: est enim is quoque Antiochius. o Academiam uolaticam, & sui similem, modo huc, modo illuc. sed, quæso, epistola mea ad Varronem ualde ne tibi placuit? male mihi sit, si umquam quidquam tam enitar. at ego ne Tironi quidem dictavi, qui totas *περιοχὰς* persequi solet, sed Spintheri syllabatim. Vale.

CICERO S. D. ATTICO. 26

DE VIRGILII parte ualde probo. sic ages igitur. & quidem id erit primum, proximum Clodia. quod si neutrum metuo, ne turbem, & irruam in Drusum. intemperans sum in eius rei cupiditate, quam nosti. itaque reuoluor idemtidem in Tusculanum. quiduis enim potius, quam ut non hac æstate absoluator. Ego, ut tempus est nostrum, locum habeo nullum, ubi facilius esse possim, quam Asturæ. sed quia qui mecum sunt, credo, quod mæstitiam meam non ferunt, domum properant: etsi poteram remanere, tamen, ut scripsi tibi, proficiscar hinc, ne relictus uidear. quo autem Lanuuius? conor equidem in Tusculanum: sed faciam te statim certiolem. tu litteras conficies. equidem, credibile non est, quantum scribam die: quin etiam noctibus: nihil est enim somni. heri etiam effeci epistolam ad Casarem: tibi enim placebat. quam non fuit malum scribi, si forte opus esse putares. ut qui  
dem



## LIB. XIII. EPIST.

dem nunc est, nihili sane est necesse mittere. sed id quidem, ut tibi uidebitur. mittam tamen ad te exemplum fortasse Lanuuius, nisi forte Romam: sed cras scies.

CICERO S. D. ATTICO. 27

EPISTOLAM ad Caesarem, nobis uero semper rectissime placuit, ut isti ante legerent: aliter enim fuisset & in hos inofficiosi, & in nosmet ipsos, si illum offensuri fuimus, pene periculosi. isti autem ingenue. mihiq. gratum, quod, quid sentirent, non reticuerunt: illud uero uel optime, quod ita multa mutari uolunt, ut mihi de integro scribendi causa non sit. quamquam de Parthico bello quid spectare debui, nisi quod illum uelle arbitrabar? quod enim aliud argumentum epistolae nostrae, nisi *χολακία*, fuit? an, si ea, quae optima putaram, suadere uoluisset, oratio mihi defuisset? totis igitur litteris nihil opus est. ubi enim *ἐπιτάγμα* magnum nullum fieri possit, *ἀπόταγμα* uel non magnum molestum futurum sit; quid opus est *παράκλησις*? praesertim cum illud occurrat, illum, cum antea nihil scripserim, existimaturum, me, nisi toto bello confecto, nihil scripturum fuisse. atque etiam uereor, ne putet, me hoc quasi Catonis *μείλιγμα* esse uoluisse. quid quæris? ualde me pœnitebat: nec in hac quidem re quidquam magis ut uellem accidere potuit, quam quod *ἁπλοῦς* nostra non est probata. incidissemus etiam in illos, in eis in cognatum tuum.

sed



sed redeo ad hortos. Plane illuc te ire, nisi tuo magno commodo, nolo: nihil enim urget. quidquid erit, operam Faberio ponamus. de die tamen autionis, si quid scies. Eum, qui e Cumano uenerat, quod & plane ualere Atticam nunciabat, & litteras se habere aiebat, statim ad te misi. Vale.

CICERO S. D. ATTICO. 28

HORTOS quoniam hodie eras inspecturus, quid uisum tibi sit, cras scilicet. De Faberio autem, cum uenerit. De epistola ad Cæsarem; iurato mihi crede, non possum: nec me turpido deterret, & si maxime debeat, quam enim turpis est assentatio, cum uiuere ipsum turpe sit nobis? sed ut cæpi, non me hoc turpe deterret: (ac uellem quidem: essem enim, qui esse debebam) sed in mentem nihil uenit. nam, quæ sunt ad Alexandrum hominum eloquentium, & doctorum suasiones, uides quibus in rebus uersentur. adolescentem incensum cupiditate uerissimæ gloriæ, cupientem sibi aliquid consilij dari, quod ad laudem sempiternam ualeret, cohortantur ad decus. non deest oratio. ego quid possum? tamen nescio quid e quercu exsculpseram, quod uideretur simile simulacri. in eo quod non nulla erant paullo meliora, quam ea, quæ fiunt, & facta sunt, reprehenduntur. quod me minime pœnitet. si enim peruenissent istæ litteræ; mihi crede, nos pœniteret. quid? tu non uides, ipsum illum Aristotelis discipulum, summo ingenio, summa modestia, postea quam



LIB. XIII. EPIST.

quam rex appellatus sit, superbum, crudelem, immoderatum fuisse? quid, tu hunc de pompa, Quirini contubernalem, his nostris moderatis epistolis lataturum putas? ille uero potius non scripta desiderat, quam scripta non probet. postremo, ut uolet. abiit illud, quod tum me stimulabat, quod tibi dabam *πρόβλημα ἀρχιμάνδειον*. multo mehercule magis nunc opto casum illum, quam tum timebam, uel quemlibet. Nisi quid te aliud impedit, mihi optato ueneris. Nicias a Dolabella magno opere accersitus, (legi enim litteras) etsi inuito me, tamen eodem me auctore profectus est. Hoc manu mea. Vale.

CICERO S. D. ATTICO. 29

CUM quasi alias res quærerem de philologis e Nicia, incidimus in Talnam. ille de ingenio nihil nimis: modestum, & frugi. sed hoc mihi non placuit. se scire aiebat ab eo nuper petita Cornificiam, Quincti filiam, uetulam sane, & multarum nuptiarum: non esse probatam mulieribus, quod ita reperirent, rē non maiorem DCCC. hoc putavi te scire oportere. De hortis ex tuis litteris cognoui, et Chrysippo, in uilla, cuius insulsitatem bene noram, uideo nihil, aut pauca mutata. balnearia tamen laudat maiora. de minoribus ait hiberna effici posse. tecta igitur ambulatiuncula addenda est: quam ut tantam faciamus, quantam in Tusculano fecimus, prope dimidio minoris constabit isto loco. ad id autem, quod uolu-



uolumus. ἀφιδρηνμα, nihil aptius uidetur, quam lucus. quem ego noram: sed celebritatem nullam tum habebat: nunc audio maximam. nihil est, quod ego malim. in hoc τὸν τύπον μου πρὸς θεῶν τροποφύρῃσιν. Reliquum est. si Faberius nobis nomen illud explicat; noli quærere, quanti: Othonem uincas uolo. nec tamen insanituum illum puto: nosse enim mihi hominem uideor. ita male autem audio ipsum esse tractatum, ut mihi ille emptor non esse uideatur: quid enim pateretur? sed quid argumentor? si Faberianum explicas, emamus uel magno: sin minus, ne paruo quidem possumus. Clodiam igitur: a qua ipsa ob eam causam sperare uideor, quod & multo minoris sunt, & Dolabellæ nomen iam expeditum uidetur, ut etiam representatione concludam. De hortis satis. Cras aut te, aut causam: quam quidem futuram Faberianam: sed, si poteris. Vale.

CICERO S. D. ATTICO. 30

CICERONIS epistolam tibi remisi. o te ferreum, qui illius periculis non moueris. me quoque accusat. eam epistolam tibi misissem. nam illam alteram de rebus gestis eodem exemplo puto. In Cumanum hodie misi tabellarium. ei dedi tuas ad Vestorium, quas Pharnaci dederas. Commodum ad te miseram Demeam, cum Eros ad me uenit. sed in eius epistola nihil erat noui, nisi, auctione biduū. ab ea igitur, ut scribis: et uelim, confecto negotio Faberiano: quem quidem negat Eros hodie. cras ma-

ne



L I B. XIII. E P I S T.

ne putat, a te colendus est. iste autem *κολακίαι* non longe absunt a scelere. te, ut spero, perendie. Si cunde potes, erues, quid decem legati Mummiio fuerunt. Polybius non nominat. ego memini, Albinum consularem, & Sp. Mummium: uideor audisse ex Hortensio, Tuditanum: sed in Libonis annali, XIV annis post prætor est factus Tuditanus, quam consul Mummius. non sane quadrat. uolo a quem Olympiæ, aut ubi uisum *πολιτικὸν σύλλογον*, more Dicæarchi, familiaris tui. Vale.

C I C E R O S. D. A T T I C O. 31

V. K|A L. mane accepi a Demea litteras pridie datas, ex quibus aut hodie, aut cras te expectare deberem. sed, ut opinor, idem ego, qui expecto tuum aduentum, morabor te. non enim puto tam expeditum Faberianum negotium futurum, etiam si est futurum, ut non habeat aliquid moræ. cum poteris igitur: quoniam etiamdum abes. Dicæarchi, quos scribis, libros sane uelim mihi mittas: addas etiam *καταβάσεις*. De epistola ad Casarē, *κεπρκά*. atque id ipsum, quod isti aiunt illum scribere, se, nisi constitutis rebus, non iturum in Parthos; idem ego suadebam in illa epistola; utrum liberet, facere posse, auctore me. hoc enim illi expectat uidelicet, neque est factururus quidquam, nisi de meo consilio. obsecro, abijciamus ista, & semiliberi saltem simus: quod assequemur & tacendo, & latendo. Sed aggredere Othonem, ut scribis. confice, mi Attice,



tice, istam rem. nihil enim aliud reperio, ubi & in foro non sim, & tecum esse possim. quanti autem, hoc mihi uenit in mentem. C. Albanius proximus est uicinus. is ∞ iugerum de M. Pilio emit, ut mea memoria est, HS CXV. omnia scilicet nunc minoris: sed accedit cupiditas: in qua, præter Othonem, non puto nos ullum aduersarium habituros. sed eum ipsum tu poteris mouere, facilius etiam, si Canium haberes. o gulam insulsam. pudet me patris. rescribes, si quid uoles.

CICERO S. D. ATTICO. 32

ALTERAM a te epistolam cum hodie accepissem, nolui te una mea contentum. Tu uero age, quod scribis, de Faberio. in eo enim totum est positum id, quod cogitamus. quæ cogitatio si non incidisset, (mibi crede istuc, ut cetera) non laborarem. quamobrem, ut facis, (istuc enim addi nihil potest) urge, insta, perfice. Dicæarchi περὶ Λοχῶν utroque uelim mittas, & καταλόγους πολιτικῶν non inuenio, & epistolam eius, quam ad Aristoxenum misit. tres eos libros maxime nunc uellem: apti essent ad id, quod cogito. Torquatus Romæ est. iussit, ut tibi daretur. Catulum, & Lucillum, ut opinor, antea. his libris noua proœmia sunt addita, quibus eorum uterque laudatur. eas litteras uolo habeas. & sunt quedam alia. Et quod ad te de decem legatis scripsi, parum intellexti, credo, quia διὰ σμυρίας scripseram. de C. Tuditano enim quæ-

II rebam,



rebam, quem ex Hortensio audieram fuisse in decem, cum uideo in Libonis prætorem L. Popilio P. Rupilio cos. annis XVI ante, quam prætor factus est, legatus esse potuisset: nisi admodum sero quaestor est factus: quod non arbitror. uideo enim curules magistratus eum legitimis annis perfacile cepisse. Postumium autem, cuius statnam in Isthomo meminisse te dicis, sciebam fuisse. is autem est, qui cum Lucullo fuit; quem tu mihi addidisti, sane ad illum σέλλογον personam idoneam uidebis igitur, si poteris, ceteros; ut possumus πομπεύσαι καὶ τοῖς προσώποις. Vale.

CICERO S. D. ATTICO. 33

NEGLIGENTIAM miram. semel ne putas mihi dixisse Balbum, & Faberium, professionem relatare? quin etiam eorum iussu miseram, qui profiteretur: ita enim oportere dicebant. professus est Philotimus libertus. nosti credo librarium: sed scribis, & quidem confectum. Ad Faberium, ut tibi placet, litteras misi. cum Balbo autem puto te aliquid fecisse H. in Capitolio. In Virgilio mihi nulla est δυσωπία. nec enim eius causa sane debeo: &, si emero, quid erit, quod postulet? sed uidebis, ne is cum sit in Africa, ut Cælius. De nomine tu uidebis, cum Cispio: sed, si Plancus destinat, tum haberes difficultatem. Te ad me uenire uterque nostrum cupit: sed ista res nullo modo relinquenda est. Othonem quod speras posse uinci, sane bene narras, de



de æstimatione, ut scribis, cū agere cœperimus: et-  
si nihil scripsit nisi de modo agri. Cum Pisone, si  
quid poteris. Dicæarchi librum accepi: καταβά-  
σεως exspecto. negotium dederis. reperies ex eo li-  
bro, in quo sunt S. C. Cn. Cornelio, & L. cos. De  
Tuditano autem, quod putas, & λόγος est, tum illum;  
quoniam fuit ad Corinthum. non enim temere dixit  
Hortensius, aut quæstorem, aut tribunum mil. idq.  
potius fuisse credo. sed tu de Antiocho scrire pote-  
ris. uide etiam, quo anno quæstor, aut tribunus  
mil. fuerit: si neutrum, eodem in præfectis, aut con-  
tubernalibus fuerit, modo fuerit in eo bello. De  
Varrone loquebamur: lupo in fabula. uenit enim  
ad me, & quidem id temporis, ut retinendus esset:  
sed ego ita egi, ut non scinderem pænulam. memini  
enim tui: & multi erant, nosq. imparati. quid re-  
fert? paullo post C. Capito cum C. Carinate. ho-  
rum ego uix attigi pænulam: tamen remanserunt.  
cecidit belle. sed casu sermo a Capitone de urbe au-  
genda, a ponte Muluio Tiberim duci secundum mon-  
tes Vaticanos, campum Martium tuum edificari,  
illum autem campum Vaticanum fieri quasi Mar-  
tium campum. quid ais? inquam. at ego ad tabu-  
lam, ut, si recte possem, Scapulanos hortos. caue  
facias, inquit: nam ista lex perferetur: uult enim  
Cæsar. Audire me, facile passus sum: fieri autem,  
molestè fero. sed tu quid ais? quamquam quid quæ-  
ro? nosti diligentiam Capitonis in rebus nouis per-  
quirendis. non concidit Camilo. facies igitur me



LIB. XIII. EPIST.

certiorem de idibus. ista enim me res adducebat, eo adiunxeram ceteras: quas consequi tamen bi-duo, aut triduo post facile potero. te tamen in uia confici minime uolo. quin etiam Dionysio ignosco. De Bruto quod scribis, feci ut ei liberum esset, quod ad me attineret. scripsi enim ad eum heri, idibus Mai. eius opera mihi nihil opus esse. Vale.

CICERO S. D. ATTICO. 34

ASTVRAM ueni VIII. kal. Iul. uitandi enim caloris causa, Lanuuji tres horas acquieueram. tu uelim, si graue non erit, efficias, ne ante nonas mihi illuc ueniendum sit. id potes per Egnatium Maximum. Illud in primis cum Publilio me pæne absente conficies: de quo quæ fama sit, scribes. id populus curat scilicet. non mehercule arbitror: etenim hæc decantata erat fabula: sed complere paginam uolui. quid plura? ipse enim adsum, nisi quid tu prorogas: scripsi enim ad te de hortis. Vale.

CICERO S. D. ATTICO. 35

OREM indignam: Gentilis tuus urbem auget quam hoc biennio primum uidit: & ei parum magna uisa est, quæ etiam ipsum capere potuerit. hac de re igitur exspecto litteras tuas. Varroni, scribis, te, simul ac uenerit. dati igitur iam sunt; nec tibi integrum est: (hui, si scias quanto periculo tuo) aut fortasse litteræ meæ te retardarunt: sed eas nondum legeras, cum has proximas scripsisti. scire igitur aueo, quo modo res se habeat. Vale.

CICERO



CICERO S. D. ATTICO. 36

DE Bruti amore, uestraq. ambulatione; etsi mihi nihil noui affers; sed idem, quod sæpe; tamen hoc audio libentius, quo sæpius: eoq. mihi iucundius est, quod tu eo letaris; certiusq. eo est, quod a te dicitur. Vale.

CICERO S. D. ATTICO. 37

HAS alteras hodie litteras. De Xenonis nomine, & de Epiroticis XL, nihil potest fieri nec commodius, nec aptius, quam ut scribis. id erat locutus mecum eodem modo Balbus minor. Noui nihil sane, nisi Hirtium cum Quinto acerrime pro me litigasse: omnibus eum locis facere, maximeq. in conuiuijs: cum multa de me, tum redire ad patrem: nihil autem ab eo tam à fortis dici, quam alienissimos nos esse a Cesare: fidem nobis habendam non esse, me uero etiam cauendum. ποσειδώνην, nisi uiderem scire regem, me animi nihil habere. Ciceronem uero meum uexari, sed id quidem arbitratus suo. Laudationem Porciæ gaudeo me ante dedisse Leptæ tabellario, quam tuas acceperim litteras, eam tu igitur, si me amas, curabis, si modo mittetur, isto modo mittendam Domitio, & Bruto. De gladiatoribus, de ceteris, quæ scribis ἀρετὰς πόρτα, facies me quotidie certiores. Velim, si tibi uideatur, appelles Balbum, & Offiliū de auctione pro-scribenda. equidem locutus sum cum Balbo. place-

II 3 bat.



L I B. XIII. E P I S T.

bat. puto conscripta habere Offilium omnia. habet  
& Balbus: sed Balbo placebat, propinquum diem,  
& Romæ: si Cæsar moraretur, posse in diem dif-  
ferri. sed is quidem adesse uidetur. totum igitur  
considera. placet enim Vestorio. Vale.

C I C E R O S. D. A T T I C O. 38

ANTE lucem cum scriberem contra Epicureos,  
de eodem oleo, & opera exaravi nescio quid ad  
te, & ante lucem dedi. deinde cum, somno repetito,  
simul cum Sole experrectus essem, datur mihi epi-  
stola a sororis tuæ filio, quam ipsam tibi misi, cuius  
est principium non sine maxima contumelia: sed for-  
tasse οὐκ ἐπὶ τῷ σῶματι. est autem sic. EGO enim non  
probo, quicquid non belle in te dici potest. posse uult  
in me multa dici non belle, sed ea se negat approba-  
re. hoc quidquam potest esse impurius? iam cetera  
leges, (misi enim ad te) iudicabisque. Bruti no-  
stri quotidianis, assiduisq. laudibus, quas ab eo de  
nobis haberi, permulti mihi renunciauerunt, com-  
motum istum, aliquando scripsisti aliquid ad me;  
credo, & ad te; idq. ut sciam, facies. nam, ad pa-  
trem de me quid scripserit, nescio: de matre quam-  
pie? VOLVERAM, inquit, ut quamplurimum te  
cum essem, conduci mihi domum; & id ad te scri-  
pseram: neglexisti. ita minus multum una erimus.  
non ego istam domum uidere non possum: qua de  
caussa, scis. Hanc autem causam pater odium ma-  
tris esse dicebat. nunc me inua, mi Attice, consi-  
lio,



lio, πότερον δίσχας τῷ χῶς ὕψιον, id est utrum aperte  
hominem asperner, ac respuam; ἢ σκολιάς ἀπάτας:  
ut enim Pindaro, sic δίσχατοι νόος, ἀπείκελαν εἰπεῖν,  
omnino moribus meis illud aptius, sed hoc fortasse  
temporibus. tu autem, quod ipse tibi suaseris, idem  
mibi persuasum putato. equidem uereor maxime,  
ne in Tusculano opprimar. in turba hac essent faci-  
liora. utrum igitur Asturæ? quid? Caesar subito.  
iuuame, quaeso, consilio: ut ar. eo, quod tu decre-  
ueris. Vale.

CICERO S. D. ATTICO. 39

O INCREDBILEM uanitatem: ad patrem,  
domo sibi carendum propter matrem, plenam pie-  
tatis. hic autem iam languescit, & ait tibi illum in  
re iratum. sed utar tuo consilio. σκολιά enim tibi ui-  
deo placere. Romam, ut censes, ueniam, sed inui-  
tus. ualde enim in scribendo hæreo. Brutum, in-  
quis, eadem. scilicet: sed nisi hoc esset, res me ista  
non cogeret. nec enim inde uenit, unde mallem: ne  
que diu absuit: neque ullam litteram ad me. sed ta-  
mē scire aueo, qualis ei totius itineris summa fuerit.  
Libros mihi, de quibus ad te antea scripsi, uelim mit-  
tas, & maxime φαίδρε περὶ θεῶν & ΠΙΠΛΑΔΟΣ. \*

Ita ne nunciat Brutus, illum ad bonos uiros δ'αγγέ-  
λια? sed ubi eos? nisi forte se suspendit. hic autem,  
ut fultum est? ubi igitur φιλοτέχνημα illud tuum,  
quod uidi in Parthenone? Abalam, & Brutum.  
sed quid faciam? illud optime, quod ne is quidem,

II 4 qui



## LIB. XIII. EPIST.

qui omnium flagitiorum auctor, bene de nostro. at ego uerebar, ne etiam Brutus eum diligeret. ita enim significarat ijs litteris, quas ad meas. at uellem aliquid degustasse de fabulis. sed coram, ut scribis, etsi quid mihi auctor es, aduolo ne, an maeno? equidem & in libris hæreo, & illum hic excipere nolo. ad quem, ut audio, pater hodie ad Saxa Acrimonia. mirum, quam inimicus ibat, ut ego oburgarem. sed ego ipse *ἀπορῶνα*. itaque posthac. tu tamen uide, quid de aduentu meo censeas; & *τὰ ὅλα*. cras si perspicui potuerint, mane statim ut sciam. Vale.

CICERO S. D. ATTICO. 40

EGO uero Quinto epistolam ad sororem misi. cum ille quereretur filio cum matre bellum, & se ob eam causam domo cessurum filio diceret; dixi, illum commodas ad matrem litteras, ad te nullas. ille alterum mirabatur: de te autem suam culpam, quod sæpe grauitur ad filium scripsisset de tua in illum iniuria. quod autem relanguisse se dicit; ego ei, tuis litteris lectis, *σφοδρῶς ἀπάταις* significavi me non fore. tum enim mentio Canai. omnino, si id consilium placeret, esset necesse. sed, ut scribis, ratio est habenda grauitatis, & utriusque nostrum idem consilium esse debet: etsi in me grauiore iniuria, & certe notiores. si uero etiam Brutus aliquid afferet, nulla dubitatio est. sed coram. magna enim res, & multe cautionis. cras igitur, nisi quid a te commotus. Vale.

CICERO



CICERO S. D. ATTICO. 41

VENIT ille ad me, καὶ μάλα θαυμάσιος. & ego  
 οὐδέ τι ταύρους? rogas? inquit. quod iter instet, &  
 iter ad bellum, idq. tum periculosum, tum etiam  
 turpe. quæ uis igitur? inquam. æs, inquit, alie-  
 num, & tamen ne uaticum quidem. hoc loco ego  
 sumpsi quiddam de tua eloquentia: nam tacui. at il-  
 le: sed me maxime angit auunculus. quidnam? in-  
 quam. quod mihi, inquit, iratus est. cur pateris? in-  
 quam. malo enim ita dicere, quam, cur commit-  
 tis? non patiar, inquit: causam enim tollam. &  
 ego, rectissime quidem: sed, si graue non est, ue-  
 lim scire, quid sit causæ. quia dum dubitabam,  
 quam ducerem, non satisfaciebam matri, ita ne illi  
 quidem. nunc nihil mi tanti est: faciam, quod uo-  
 lunt. feliciter uelim, inquam; teq. laudo, sed quan-  
 do? nihil ad me, inquit, de tempore, quoniam rem  
 probo. at ego, inquam, censeo, prius, quam profi-  
 ciscaris. ita patri quoque morem gesseris. faciam,  
 inquit, ut censes. Hic dialogus sic conclusus est. Sed  
 heus tu, diem meum scis esse III. non. Ian? ade-  
 ris igitur. scripseram iam: ecce tibi, orat Lepidus,  
 ut ueniam (opinor augures nihil habere) ad tem-  
 plum effandum Saturni ἀπορόδου. uidebimus te  
 igitur. Vale.

CICERO S. D. ATTICO. 42

EGO uero utar prorogatione diei: tuq. huma-  
 nissime



## LIB. XIII. EPIST.

nissime fecisti. qui me certiolem feceris, atque ita,  
ut eo tempore acciperem litteras, quo non exspe-  
ctarem, tuq. ut ab ludis scriberes. sunt omnino  
mibi quaedam agenda Romae: sed consequemur bi-  
duo post. Vale.

CICERO S. D. ATTICO. 43

SVAVES tuas litteras: etsi acerba pompa: ue-  
rum tamen scire omnia non acerbum est, uel de Cot-  
ta. populum uero praclarum, quod propter ma-  
lum uicinum ne Victoriae quidem plauditur. Bru-  
tus apud me fuit: cui quidem ualde placebat, me  
aliquid ad Caesarem. annueram: sed pompam ui-  
deret. Tu autem ausus es, Varroni dare. exspecto,  
quid iudicet. quando autem perleget? De Attica  
probo. est quiddam, etiam animum leuari tum spe-  
ctatione, tum etiam religionis opinione, & fama.  
Cottam mihi uelim mittas. Libonem mecum ha-  
beo, & habueram ante Cascam. Brutus mihi T. Li-  
garij uerbis nunciauit, quod appelletur L. Curfi-  
dus in oratione Ligariana, erratum esse meum,  
sed, ut aiunt,  $\mu\eta\eta\mu\omicron\nu\iota\kappa\omicron\nu\alpha\ \alpha\ \mu\alpha\rho\tau\eta\mu\alpha$ . sciebam, Cur-  
fidium pernecessarium Ligariorum: sed eum uideo an-  
te esse mortuum. da igitur, quaeso, negotium Phar-  
naci, Anteo, Saluio, ut id nomen ex omnibus li-  
bris tollatur. Vale.

CICERO S. D. ATTICO. 44

EVIT apud me Lamia post discessum tuum,  
episto-



epistolamq. ad me attulit missam sibi a Cæsare: quæ quamquam ante data erat, quam ille Diochari-  
næ, tamen plane declarabat, illum ante ludos Ro-  
manos esse uenturum. in qua extrema scriptum e-  
rat, ut ad ludos omnia pararet, ne ue committe-  
ret, ut frustra ipse properasset. prorsus ex his litte-  
ris non uidebatur esse dubium, quin ante eam diem  
uenturus esset: idemq. Balbo, cum eam epistolam  
legisset, uideri Lamia dicebat. Dies feriarum mi-  
hi additos uideo sed quam multos, fac, si me amas,  
sciam. de Babio poteris, & de altero uicino Egna-  
tio. Quod me hortaris, ut eos dies consumam in  
philosophia explicanda: currentem tu quidem: sed  
cum Dolabella uiuendum esse istis diebus uides.  
quod nisi me Torquati caussa teneret; satis erat  
dierum, ut Puteolos excurrere possem, & ad tem-  
pus redire. Lamia quidem a Balbo, ut uidebatur,  
audiuerat, multos nummos domi esse numeratos,  
quos oporteret quamprimum diuidi: magnum pon-  
dus argenti: auctiorem, præter prædia, primo quo  
que tempore fieri oportere. scribas ad me uelim,  
quid tibi placeat. equidem, si ex omnibus esset eli-  
gendum, nec diligentio rem, ne officiosiore m facile  
delegissem Vestorio, ad quem accuratissimas litte-  
ras dedi: quod idem te fecisse arbitror. mihi qui-  
dem hoc satis uidetur. tu quid dicis? unum enim  
pungit, ne negligentiores esse uideamur. expecta-  
bo igitur tuas litetras. Vale.



POLLEX quidem, ut dixerat, ad idus Sext. ita mihi Lanuuij pridie iduum praesto fuit. sed plane pollex, non index. cognosces igitur ex ipso. Balbum conueni: (Lepta enim de sua ui in curatione laborans, me ad eum perduxerat) in eo autem Lanuui-no, quod Lepido tradidit. ex eo hoc primum. Paulo ante acceperam eas litteras, in quibus magnopere confirmat, ante ludos Romanos. legi epistolam. multa de meo Catone: quem sapissime legendo, se dicit copiosorem factum; Bruti Catone lecto, se sibi uisum disertum. Ex eo cognoui cretionem Cluij, (o Vestiorum negligentem) liberam, testibus praesentibus sexaginta duobus. metuebam, ne ille accessendus esset: nunc mittendum est, ut meo iussu cernat. idem igitur Pollex. Etiam de hortis Cluuianis egi cum Balbo. liberalius: se enim statim ad Caesarem scripturum. Cluium autem a T. Hordeonio legare & Terentiae HS LXXX, & sepulcro, multisq. rebus, nihil a nobis. subaccusa quaso Vestorium. quid minus probandum, quam Plotium unguentarium per suos pueros omnia tanto ante Balbo, illum mihi ne per meos quidem? De Cosinio doleo. dilexi hominem. Quinto delegabo, si quid ari meo alieno superabit, & emptionibus; ex quibus mihi etiam aes alienum faciendum puto. De domo Arpini nihil scio. Vestorium, nil est, quod accuses. iam enim obsignata hac epistola, noctu tabellarius



bellarius noster uenit, & ab eo litteras diligenter scriptas attulit, & exemplum testamenti. Vale.

CICERO S. D. ATTICO. 46

POSTEA QUAM abste Agamemno, non ut uenirem, (nam id quoque fecissem, nisi Torquatus esset) sed ut scriberem, tetigit; omisi ea, quæ in manibus habebam, abieci; quod iusseras, edolui. Tu uelim e Pollice cognoscas rationes nostras sumptuarias. turpe est enim nobis, illum, qualiscumque est, hoc primo anno egere: post moderabimur diligentius. Idem Pollex remittendus est, ut ille cernat. Plane Puteolos non fuit eundum, cum ob ea, quæ ad te scripsi, tum quod Cæsar adest. Dolabella scribit, se ad me postridie iduum. o magistrum molestum. Lepidus ad me heri uespero litteras misit Antio. nam ibi erat. habet enim domum, quam nos uendidimus. rogat magnopere, ut sim kalendis in senatu: me & sibi, & Cæsari uehementer gratum esse facturum. puto equidem nihil esse. dixisset enim tibi fortasse aliquid Oppius: quoniam Balbus est æger: sed tamen malim uenire frustra, quam desiderari, si opus esset: moleste ferrem postea: itaque hodie Antij, cras ante meridiem domi. tu uelim, nisi te impediuisti, apud nos pridie kal. cum Pilia. Te spero cum Publilio confecisse. equidem kalendis in Tusculanum recurram. me enim absente omnia cum illis transigi malo. Quincti fratris epistolam ad te misi,

non



## LIB. XIII. EPIST.

non satis humane illam quidem respondentem meis litteris, sed tamen quod tibi satis sit, ut equidem existimo. tu uidebis. Heri nescio quid in strepitu uideor exaudisse, cum diceres te in Tusculanum venturum: quod utinam, iterum utinam, tuo tamen commodo. Lepta me rogat, ut, si quid sibi opus sit, accurram. mortuus enim Babulius. Caesar opinor ex uncia: et si nihil adhuc: sed Lepta ex triente. ueretur autem, ne non liceat tenere hereditatem, ἀλλ' ὅμως omnino, sed ueretur tamen. is igitur si accierit, accurram: sin minus, haud ante, quam necesse erit. Tu Pollicem, cum poteris.

CICERO S. D. ATTICO. 47

LAUDATIONEM Porciæ tibi mihi correctā: ac eo properaui, ut, si forte aut Domitio filio, aut Bruto mitteretur, hæc mitteretur. id, si tibi erit commodum, magnopere cures uelim. & uelim M. Varronis, & Lollij mittas laudationem, Lollij utique. nam illam legi: uolo tamen regustare. quædam enim uix mihi credo legisse. Atticæ primum salutem, quam quidem ruri esse arbitror. multam igitur salutem & Piliæ. De Tigellio, si quid noui: qui quidem, ut mihi Gallus Fabius scripsit, μέμνηται ἀναφέρει mihi quandam iniquissimam, me Phameæ defuisse, cum eius causam recepissem: quam quidem receperam contra pueros Octauios Cn. F. non libenter: sed Phameæ causam uolebam. erat enim, si meministi, in consulatus petitione per te mihi pollicitus,



tus, si quid opus esset: quod ego perinde tuebar, ac si usus essem. is ad me uenit, dixitq. iudicem operam dare sibi constituisse ea die ipso, quo de Sextio nostro lege Pompeia in consilium iri necesse erat. scis enim dies illorum iudiciorum praestitutos fuisse. respondi non ignorare eum, quid ego deberem Sextio: quem uellet alium diem si sumpisset, me ei non defuturum. ita tum ille discessit iratus. puto me tibi narrasse. non laboravi scilicet, nec hominis alieni iniustissimam iracundiam mihi curandum putavi. Gallo autem narraui, cum proxime Romae fui, quid audissem, neque nominavi Balbum minorem. habuit suum negotium Gallus, ut scribit. ait illum, me animi conscientia, quod Phameam destituissem, de se suspicari. quare tibi haecenus mando, de illo nostro, si quid poteris, exquiras: de me ne quid labores. est bellum, aliquem libenter odisse, & quemadmodum non omnibus seruire. etsi mehercule, ut tu intelligis, magis mihi isti seruiunt: si obseruare seruire est.

ADMONITVS quibusdam tuis litteris, ut ad Caesarem uberiores litteras mitterem, institueram, cum mihi Balbus nuper, in Lannuino dixisset se, et Oppium scripsisse ad Caesarem, me ligisse libros contra Catonem, & uehementer probasse: conscripsi de his ipsis libris epistolam Caesari, quae deferretur ad Dolabellam: sed eius exemplum misi ad Oppium,



## LIB. XIII. EPIST.

pium, & Balbum; scripsiq. ad eos, ut tum deferri ad Dolabellam iuberent meas litteras, si ipsi exemplum probassent, ita mihi rescripserunt, nihil unquam se legisse melius: epistolamq. meam iusserunt dari Dolabellæ. Vestorius ad me scripsit, ut iuberem mancipio dari seruo suo pro mea parte Petreio cui-dam fundum Brinnianum, ut ipse ei Puteolis recte mancipio dare posset. eum seruum, si tibi uidebitur, ad me mittes. opinor enim ad te etiam scripsisse Vestorium. De aduentu Cæsaris idem, quod a te, mihi scriptum est ab Oppio, & Balbo. Miror te nihil dum cum Tigellio, uel ut hoc ipsum, quantum acceperit, prorsus aueo scire, nec tamen floccifacio. Quæris, quid cogitem de obuiam itione: quid censes, nisi Alsum? & quidem ad Murenæ de hospitio scripseram: sed opinor cum Matio profectum. Sallustius igitur urgetur. Scripto iam superiore uersiculo, Eros mihi dixit, sibi Murenæ liberalissime respondisse. eo igitur utamur. nam Silius culcitra non habet. Dida autem, opinor, hospitibus totam uillam concessit.

CICERO S. D. ATTICO. 49

AD Cæsarem quam misi epistolam, eius exemplum fugit me tum tibi mittere. nec id fuit, quod suspicaris, ut me puderet tui; ne ridicule Micillus, nec mehercule scripsi aliter, ac si *ἐπὶ τοῖς ὁμοίον*q. scriberem. bene enim existimo de illis libris, ut tibi coram. itaque scripsi et *ἀπολαύσας*, et tamē sic, ut nihil



hil eum existimem lecturum libentius. De Attica, nunc demum mihi est xploratum. itaque ei de integro gratulare. Tigellium totum mihi, & quidem quamprimum: nam pendeo animi. Narrabo tibi. Quinctus cras; sed ad me, an ad te nescio. mihi scripsit, Romam VIII. kal. sed misi, qui inuiteret. etsi hercle iam Romam ueniendum est; ne ille ante aduolet. Vale.

## CICERO S. D. ATTICO. 50

HOSPITEM mihi tam grauē ἀμεταμέλητον. fuit enim periucūde. sed cum secundis Saturnalibus ad Philippum uesperu uenisset, uilla ita completa militibus est, ut uix triclinium, ubi cenaturus ipse Cæsar esset, uacaret: quippe hominum ∞ ∞. sane sum commotus, quid futurum esset postridie. ac mihi Barba Cassius subuenit: custodes dedit: castra in agro: uilla defensa est. ille tertijs Saturnalibus apud Philippum ad horam VII. nec quēquam admisit. rationes opinor cum Balbo. inde ambulauit in litore. post horam VIII. in balneum. tū audiuit: de Mamurra non mutauit. unctus est, accubuit, ἐμετινὴν agebat: itaque & edit, & bibit ἀδεῶς, & iucunde: opipare sane, & apparate: nec id solum, sed bene, cocto, condito, sermone bono, si quæris, libenter. præterea tribus triclinijs accepti περὶ αὐτὸν ualde copiose. libertis minus lautis, seruis q. nihil defuit: nam autiores eleganter accepti. quid multa? homines uisi sumus: hospes tamen non is, cui

KK diceres,



## LIB. XIV. EPIST.

diceres: amabo te, eodem ad me cum reuertere.  
 semel satis est. *ποῦ δ' αὖ οὐδὲν* in sermone, *φιλόλογα*  
 multa. quid quæris? delectatus est, & libenter fuit.  
 Puteolis se aiebat unum diem fore, alterum ad Ba-  
 ias. Habes hospitium, siue *ἐπιστάμεναι* odiosam mi-  
 hi duxi, non molestam. Ego paullisper hic, deinde in  
 Tusculanum. Dolabellæ nullam cum præteriret,  
 omnis armatorum copia dextra sinistra ad equum,  
 nec usquam alibi. hoc ex Nicia. Vale.

M. TVLLII



M. TVLLII CICERONIS  
EPISTOLARVM AD T.  
POMPONIVM ATTICVM  
LIBER XIV.

CICERO S. D. ATTICO.

**D**IVERTI ad illum, de quo tecum mane. nihil perditius: explicari rem non posse. etenim, si ille tali ingenio exitum non reperiēbat, quis nunc reperiet? quid quæris? periisse omnia aiebat. quod haud scio an ita sit. uerum ille gaudens; affirmatq. minus diebus xx tumultum Gallicum: in sermonem se post idus Mart. præterquam Lepidi, uenisse nemini, ad summam, non posse istæc sic abire. o prudentem Oppium, qui nihilo minus illum desiderat, sed loquitur nihil, quod quemquam bonum offendat. Sed hæc hæctenus. Tu, quæso, quidquid noui, (multa autem exspecto) scribere ne pigresce; in his, de Sexto, satis ne certum, maxime autem de Bruto nostro: de quo quidem ille, ad quem diuersti, Cæsa rem solitum dicere: Magni refert, hic quid uelit: sed quidquid uult, ualde uult: idq. eum animaduertisse, cum pro Deiotaro Niceæ dixerit: ualde uehementer eum uisum, & liebre dicere. atque etiam (ut enim quidque succurrit, libet scribere) proxime, cum Sextij rogatu apud eum fuisset, exspectaremq. sedens, quoad uocarer, dixisse eum. Ego du-

KK 2 bitem,



bitem, quin summo in odio sim, cum M. Cicero se-  
deat, nec suo commodo me convenire possit? at qui,  
si quisquam est facilis, hic est: tamen non dubito,  
quin me male oderit. Hæc, & eiusmodi multa. sed  
ad propositum. Quidquid erit, non modo magnum,  
sed etiam paruum, scribes. equidem nihil inter-  
mittam. Vale.

CICERO S. D. ATTICO. 2

DVAS a te accepi epistolas heri. ex priore thea-  
trum, Publiumq. cognoui, bona signa consentien-  
tis multitudinis. plausus uero L. Cassio datus etiam  
facetus mihi quidem uisus est. Altera epistola de  
Madaro scripta. apud quem nullum *σαλάρωμα*, ut  
putas. processum enim, sed minus diu: eius sermone  
enim sum retentus. Quod autem ad te scripseram,  
obscure fortasse, id eiusmodi est. aiebat, Casarem  
secum, quo tempore, Sextij rogatu, ueni ad eum,  
cum expectarem sedens, dixisse: ego nunc tam sim  
stultus, ut hunc ipsum, facilem hominem, putem  
mihi esse amicum, cum tam diu sedens meum com-  
modum expectet? Habes igitur *σαλάρωμα*, inimi-  
cissimum otij, id est Bruti. In Tusculanum hodie,  
Lanuvij cras, inde Asturæ cogitabam. Piliæ para-  
tum est hospitium: sed uellem Atticam. uerum tibi  
ignosco. quarum utrique salutem. Vale.

CICERO S. D. ATTICO. 3

TRANQVILLAE quidem tuæ litteræ: quod  
uti-



utinam diutius : nam Matus posse negabat . Ecce  
autem structores nostri ad frumentum profecti , cū  
inanes redissent , rumore afferrunt magnum , Ro-  
mæ domum ad Antonium frumentum omne pro-  
tari ; *παινὸν* certe : scripsisses enim . Corumbus Bal-  
bi nullus adhuc : & mihi notum nomen . bellus enim  
esse dicitur architectus . Ad obsignandum tu adhi-  
bitus non sine caussa uideris . uolunt enim nos ita pu-  
tare : nescio , cur non animo quoque sentiant . sed  
quid hæc ad nos ? odorare tamen Antonij *διάνοιν* :  
quem quidem ego epularum magis arbitror ratio-  
nem habere , quam quidem mali cogitare . tu , si  
quid *παγμάλινον* habes , scribe : sin minus , populi  
*ἐπιστημασίαν* , & minorum dicta perscribito . Piliæ,  
& Atticæ salutem . Vale .

CICERO S. D. ATTICO. 4

NUNC quid putas me Lanuuij ? at ego te istic  
quotidie aliquid noui suspicor . tument negotia . nam  
cum Matus , quid censes ceteros ? equidem doleo ,  
quod numquam in ulla ciuitate accidit , non una cum  
libertate remp . recuperatam . horribile est , quæ lo-  
quantur , quæ minitentur . ac uereor Gallica etiam  
bella , ipse Sextus quo euadat . sed omnia licet concur-  
rant , idus Martiæ consolantur . nostri autem *ἡρώες* ;  
quod per se ipsos confici potuit , gloriosissime , & ma-  
gnificentissime confecerunt . reliquæ res opes , & co-  
pias desiderant ; quas nullas habemus . Hæc ego ad  
te , ut si quid noui , ( nam quotidie aliquid exspecto )

KK 3 con-



confestim ad me: & si noui nihil, nostro more tamen ne patiamur intermitteri litterulas. equidem non committam. Vale.

CICERO S. D. ATTICO. 5

SPERO tibi iam esse, ut uolumus; quoniam quidem ἐπιγινώσκας, quam leuiter commotus esses: sed tamen uelim scire, quid agas. Signa bella, quod Caluena moleste fert, se suspectum esse Bruto. illa signa non bona, si cum signis legiones ueniunt e Gallia. quid tu illas putas, quæ fuerunt in Hispania? non ne idem postulaturas? quid eas, quas Annius transportauit? Caninium uolui, sed μὴ μόνον ἀνὰ πύλας, ab aleatore πυρρὸς πολὺς. nam ista quidem Cæsaris libertorum coniuratio facile opprimeretur, si recta saperet Antonius. Meam stultam uerecundiam, qui legari noluerim ante res prolatas, ne deferere uiderer hunc rerum tumorem: cui certe si possem mederi, deesse non deberem: sed uides magistratus: siquidem illi magistratus: uides tamen tyranni satellites in imperijs: uides eiusdem exercitus: uides in latere ueteranos: quæ sunt ἐπιτίσιμα omnia eos autem, qui orbis terræ custodijs non modo septi, uerum etiam magni esse debebant, tantummodo laudari, atque amari, sed parietibus contineri. at qui illi quoquo modo beati, ciuitas misera. Sed uelim scire, quid aduentus Octauij, num qui concursus ad eum, num quæ νεώτερον suspicio, non puto equidem: sed tamen, quidquid est, scire cupio. Hæc scripsi ad te proficiscens Astura, III. id. Vale.

C I-



CICERO S. D. ATTICO. 6

PRID. id. Fundis accepi tuas litteras cenans. primum igitur, melius esse: deinde, meliorate nunciare. Odiosa illa enim fuerant, legiones uenire. Nam de Octauio susq. deque. Exspecto, quid de Mario: quem quidem ego sublatum rebar a Casare. Antonij colloquium cum heroibus nostris pro re nata non incommodum: sed tamen adhuc me nihil delectat præter idus Mart. nam quoniam Fundis sum cum Ligure nostro, discrucior, Sextilij fundum a Verberone Curtilio possideri. quod cum dico, de toto genere dico. quid enim miserius, quam ea nos tueri, propter quæ illum oderamus? etiam ne consules, & tribunos pl. in biennium, quos ille uoluit? nullo modo reperio, quæ admodum possim πολιτῶν δειδῶναι. nihil enim tam σέλοικον, quam τυραννοκτόνους in celo esse, tyranni facta defendi. sed uides consules: uides reliquos magistratus; si isti magistratus: uides languorem bonorum. exultant letitia in municipijs. dici enim non potest quantopere gaudeant, ut ad me concurrant, ut audire cupiant uerba mea de re: nec ulla interea decreta. sic enim πεπολιτῶμεθα, ut uictos metueremus. Hæc ad te scripsi apposita secunda mensa. plura, & πολιτικώτερα postea: & tu, quid agas, quidq. agatur.

CICERO S. D. ATTICO. 7

POSTRIDIE id. Paullum Caietæ uidi. is mihi

KK 4

hi



## LIB. XI V. EPIST.

hi de Mario, & de rep. alia quædam sane pessima. a te scilicet nihil: nemo enim meorum. sed Brutum nostrum audio uisum sub Lanuuiio. ubi tandem est futurus? nam cum reliqua, tum de hoc scire aueo omnia. Ego Formiano exiens xvi. kal. ut inde altero die in Puteolanum, scripsi hæc. A Cicero ne mihi litteræ sane πεπρωμέναι, & bene longæ. cetera autem uel fingi possunt: πῖνος litterarum significat doctiorem. nunc magnopere a te peto, de quo sum nuper tecum locutus, ut uideas, ne quid ei de sit. id cum ad officium nostrum pertinet, tum ad existimationem, & dignitatem: quod idem intellexi tibi uideri omnino. si ergo est, uolo mense Quintili in Græciam. sunt omnia facilia. sed cum sint ea tempora, ut certi nihil esse possit, quid honestum mihi sit, quid liceat, quid expediat: quæso, da operam, ut illum quam honestissime, copiosissimeq. tueamur. hæc, & cetera, quæ ad nos pertinebunt, ut soles, cogitabis, ad meq. aut quod ad rem pertineat, aut, si nihil erit, quod in buccam uenerit, scribes. Vale.

CICERO S. D. ATTICO. 8

TV M Eiam rebare, cum scribebas, in agris esse nostris: at ego accepi xvi. kal. in diuersorio-lo Sinuessano tuas litteras. De Mario probe. etsi doleo L. Crassinepotem. Optime, tam etiam Bruto nostro probari Antonium. nam quod Iuniam scribis moderate, & amice scriptas litteras attulisse:



Se: mihi Paullus dedit ad se a fratre missas, quibus in extremis erat, sibi insidias fieri, se id certis aucto-ribus comperisse. hoc nec mihi placebat, & multo illi minus. Regina fuga mihi non molesta: sed, Clo-dia quid egerit, scribas ad me uelim. De Byzan-tijs curabis, ut cetera: & Pelopem ad te arcesse. Ego, ut postulas, Baiana negotia, chorumq. illum de quo scire uis, cum perspexero, tum scribam, ne quid ignores. Quid Galli, quid Hispani, quid Sex-tus agat uehementer exspecto. ea scilicet tu decla-rabis, qui cetera. Nauseolam tibi tum caussam otij dedisse, facile patiebar. uidebar enim mihi, legenti tuas, requiesse paullisper. De Bruto semper ad me omnia perscribito, ubi sit, quid cogitet: quem qui-dem ego spero iam tuto uel solum tota urbe uagari posse. ueruntamen. Vale.

CICERO S. D. ATTICO. 9

De rep. multa cognoui ex tuis litteris: quas qui-dem multijuges accepi uno tempore a Vestorij li-berto. ad ea autem, quæ requiris, breui responde-bo. Primum, uehementer me Cluuiana delectant. Sed, quod quæris quid arcesserim Chrysippum: ta-bernae mihi duæ corruerunt, reliquæ rimas agunt: itaque non solum inquilini, sed mures etiam migra-uerunt. hanc ceteri calamitatem uocant, ego ne in-commodum quidem. o Socrates, o Socratici uiri, numquam uobis gratiam referam. dii immortales, quam mihi ista pro nihilo. sed tamen ea ratio ædifi-candi



## LIB. XIV. EPIST.

candi initur, consiliario quidem, & auctore Vestro-  
rio, ut hoc damnum quaestuosum sit. Hic turba ma-  
gna est, eritque, ut audio, maior: duo quidem  
quasi designati consules. o dii boni, uiuit tyrannis,  
tyrannus occidit? eius interfecti morte letamur, cu-  
ius facta defendimus? itaque quam seuerè nos M.  
Curtius accusat: ut pudeat uiuere: neque iniuria.  
nam mori millicies praeiitit, quam hac pati, quae mi-  
hi uidentur habitura etiam uetustatem. & Balbus  
hic est, multumq. mecum: ad quem a Vetere litte-  
rae, datae pridie kal. Ian. cum a se Cecilius circumfi-  
deretur, & iam teneretur, uenisse cum maximis co-  
pulis Pacorum Parthum: ita sibi esse eum ereptum,  
multis suis amissis: in qua re accusat Volcatium.  
ita mihi uidetur bellum illud instare. sed Dolabella  
& Nicias uiderint. idem Balbus meliora de Gal-  
lia: xxi. die litteras habebat: Germanos, illasq.  
nationes, re audita de Caesare, legatos misisse ad  
Aurelium, qui est praepositus ab Hirtio, se, quod  
imperatum esset, esse facturos. quid queris? om-  
nia plena pacis, aliter ac mihi Caluena dixerat.

CICERO S. D. ATTICO. IO

ITA ne uero? hoc meus, et tuus Brutus agit, ut  
Lanuvij esset? ut Trebonius itineribus deuijs profici-  
scretur in prouinciâ? ut omnia facta, scripta, dicta,  
promissa, cogitata Caesaris plus ualerent, quam si ip-  
se uiueret? meministi ne clamare, illo ipso primo Ca-  
pitolino die senatum in Capitolium a praetoribus uo-  
cari?



cari? dij immortales, quæ tu opera effici potuerunt,  
letantibus omnibus bonis, etiam sat bonis, fractis la-  
tronibus. Liberalia tu accusas. quid fieri tu potuit?  
iam pridem perieramus. meministi ne te clamare,  
causam perisse, si funere elatus esset? at ille etiam  
in foro combustus, laudatusq. miserabiliter: ser-  
uique, & egentes in tecta nostra cum facibus im-  
missi. quæ deinde? ut audeant dicere, tu ne contra  
Cæsaris nutum? hæc, & alia ferre non possum.  
itaque γινώσκω πὸς γῆς cogito. Tua tamen ὑπὲρ μὲν  
nausea iam ne plane abiit? mihi quidem ex tuis lit-  
teris coniectanti ita uidebatur. redeo ad Thebassos,  
Sceuas, Frangones. hos tu existimas confidere, se  
illa habituros, stantibus nobis? in quibus plus uir-  
tutis putarunt, quam experti sunt. pacis isti scili-  
cet amatores, & non latrocinij auctores. at ego  
cum tibi de Curtilio scripsi, Sextilianoq. fundo, scri-  
psi de Censorino, de Massalla, de Planco, de Po-  
stumio, de genere toto. melius fuit perisse illo in-  
terfecto, quod numquam accidisset, quam hæc ui-  
dere. Octavius Neapolim uenit xiv. kal. ibi eum  
Balbus mane postridie: eodemq. die mecum in Cu-  
mano. illum hereditatem aditurum. sed, ut scribis,  
πρὸς θεῶν magnam cum Antonio. Buthrotia mihi  
tua res est, ut debet, eritq. cura. Quod quæris, iam  
ne ad centena Cluuiantum: aduentare uidetur: sed  
primo anno lxxx. deterimus. Quintus pater  
ad me gratia de filio, maxime quod matri nunc in-  
dulgeat, cui antea bene merenti fuerit inimicus. ar-  
dentes



LIB. XIV. EPIST.

dentes in eum litteras ad me misit. illi autem quid agat, si scis, neque dum Roma es profectus, scribas ad me uelim, & hercule si quid aliud. uehementer delector tuis litteris. Vale.

CICERO S. D. ATTICO. II

NVDIVS tertius dedi ad te epistolam longiorem: nunc ad ea quæ proxime. Velim mehercule, Astura Brutus. Ακολαγια istorum scribis. an censebas aliter? equidem etiam maiora exspecto. cum equidem concionem lego, De tanto uiro, de clarissimo ciue, ferre non queo. etsi ista iam ad risum. sed memento: sic alitur consuetudo perditarum concionum: ut nostri illi, non heroes, sed dii, futuri quidem in gloria sempiterna sint, sed non sine periculo quidem. uerum illis magna consolatio, conscientia maximi, & clarissimi facti: nobis quæ? qui, interfecto rege, liberi non sumus. sed hæc fortuna uiderit, quoniam ratio non gubernat. De Cicerone, quæ scribis, iucunda mihi sunt: uelim sint prospera. quod uero curæ tibi est, ut ei suppedite- tur ad usum, & cultum copiose; per mihi gratum est; idq. ut facias, te etiam rogo. De Buthrotijs, & ut recte cogitas, & ego non aimitto istam curam: suscipiam omnem etiam actionem; quam uideo quotidie faciliorem. De Cluuiano, quoniam in re mea me ipsum diligentia uincis, res ad centena perducitur. ruina rem non fecit deterio- rem, haud scio an iam fructuosiore. Hic mecum Balbus.



bus, Hirtius, Pansa, modo uenit Octavius, et quidem in proximam uillam Philippi, mihi totus deditus. Lentulus Spinther hodie apud me: cras mane uadit. Vale.

CICERO S. D. ATTICO. 12

OMI Attice, uereor, ne nobis idus Martiae nihil dederint præter lætitiā, & odij pœnam, ac doloris. quæ mihi istinc afferuntur? quæ hic uideo? ὁ πόλεμος καλὸς μὲν, ἀτελεῖ δέ. Scis quam diligam Siculos, & quam illam clientelam honestam iudicem. multa illis Cæsar, neque me inuito. etsi Latinitas erat non ferenda: uerumtamen. ecce autem Antonius, accepta grandi pecunia, fixit legem, a dictatore comitijs latam, qua Siculi ciues Romani: cuius rei, uiuo illo, mentio nulla. Quid? Deiotari nostri caussa non similis est dignus ille quidem omni regno, sed non per Fuluiam. sexcenta similia. uerum illuc refero. tam claram, tamq. testatam rem, tamq. iustam Buthrotiam non tenebimus aliqua ex parte? & eo quidem magis, quo ista plura. Nobiscum hic perhonorifice, & amice Octavius: quem quidem sui Cæsarem salutabant, Philippus non: itaque ne nos quidem: quem nego posse bonum ciuem: ita multi circumstant, qui quidem nostris mortem minitantur. negat hæc ferri posse. quid censes, cum Romam puer uenerit, ubi nostri liberatores tuto esse non possunt? qui quidem semper erunt clari, conscientia uero facti sui etiam beati: sed nos, nisi



si me fallit, iacebimus. itaque exire aueo, ubi nec Pelopidarum, inquit, haud amo uel hos designatos; qui etiam declamare me coegerunt; ut ne apud aquas quidem acquiescere liceret. sed hoc meae nimiae facilitatis. nam id erat quondam quasi necesse: nunc, quoquo modo se res habet, non est item, quam dudum. Nihil habeo, quod ad te scribam: scribo tamen, non ut deleeter meis litteris, sed ut eliciam tuas. ut, si quid erit de ceteris, de Bruto utique quidquid. Hæc conscripsi x. kal. accubans apud Vestorium, hominem remotum a dialecticis, in arithmeticis satis exercitatum.

CICERO S. D. ATTICO.

13

SEPTIMO denique die litteræ mihi redditæ sunt, quæ erant a te xiii. kal. datæ: quibus quæris, teque etiam me ipsum nescire arbitraris, utrum magis tumultis, prospectuque, an ambulatione aliterve deleeter. est mehercule, ut dicis, utriusque loci tanta amœnitas, ut dubitem, utra anteponenda sit.   
 -ἀλλὰ οὐ θαῖος ἐπηράτου ἔργα μέμνην,  
 Ἀλλὰ λίνν μέγα πῆμα διοτρεφές εἰσοροῶντες  
 Δείδιμεν. ἐνδοίη δὲ σωόμεν, ἢ ἀπολέσθαι.  
 quamuis enim tu magna, et mihi iucunda scripseris de D. Bruti aduentu ad suas legiones; in quo spem maximam uideo: tamen, si est bellum ciuile futurum, quod certe erit, si Sextus in armis permanebit, quem permansurum esse certo scio; quid nobis faciendum est, ignoro. neque enim iam licebit, quod  
 Caesaris



Cæsaris bello licuit, neque huc, neque illuc. quem-  
cumque enim hæc pars perditorum latatum morte.  
Cæsaris putabit, ( lætitiā autem apertissime tuli-  
mus omnes ) hunc in hostium numero habibit. que  
res ad eadem maximam spectat. restat, ut in ca-  
stra Sexti, aut, si forte, Bruti nos conferamus. res  
odiosa, & aliena nostris ætatibus, & incerto exi-  
tu belli: & nescio quo pacto tibi ego possim, mihi  
tu dicere:

Τέκνον ἐμὸν ἔτοι δέδοται πολεμῆια ἔργα,  
Ἀλλὰ σύ γ' ἡμερόεντα μετέρχεο ἔργα λόγῳ.  
sed hæc fors uiderit, ea, quæ talibus in rebus plus  
quam ratio, potest. nos autem id uideamus, quod  
in nobis ipsis esse debet, ut, quidquid acciderit, for-  
iter, & sapienter feramus, & accidisse hominibus  
meminerimus; nosq. cum multum litteræ, tum  
non minimum idus quoque Martiæ consolentur.  
Suscipe nunc meam deliberationem, qua sollicitor.  
ita multa ueniunt in mentem in utramque partem.  
Proficiscor, ut constitueram, legatus in Græciam:  
cædis impendentis periculum non nihil uitare ui-  
deor, sed casurus in aliquam uituperationem, quod  
reip. defuerim tam graui tempore. sin autem man-  
sero; equidem uideo in discrimine; sed accidere pos-  
se suspicor, prodesse possim reip. Iam illa consilia  
priuata sunt, quod sentio ualde esse utile ad confir-  
mationem Ciceronis, me illuc uenire. nec alia caus-  
sa profectionis mihi ulla fuit, cum consilium cepi le-  
gari ab Cæsare. tota igitur hac de re, ut soles, si  
quid



quid ad me pertinere putas, cogitabis. Redeo nunc ad epistolam tuam. scribis enim esse rumores, me, ad lacum quod habeo, uenditurum, minusculam uero uillam utique Quincto traditurum, uel impenso pretio, quo introducatur, ut tibi Quinctus F. dixerit, dotata Aquillia. ego uero de uenditione nihil cogito, nisi quid, quod magis me delectet, inueniero. Quinctus autem de emendo nihil curat hoc tempore: satis enim torquetur debitione dotis: in qua mirificas Q. Egnatio gratias agit: a ducenda autem uxore sic abhorret, ut quidquam libero letulo neget esse iucundius. Sed hæc quoque hætenus. redeo enim ad miseram, seu nullam potius remp. M. Antonius ad me scripsit de restitutione Sex. Clodij: quam honorifice, quod ad me attinet, ex ipsius litteris cognosces: nisi enim tibi exemplum: quam dissolute, quam turpiter, quamq. perniciose, ut non numquam Cæsar desiderandus esse uideatur, facile existimabis. quæ enim Cæsar numquam neque fecisset, neque passus esset, ea nunc ex falsis eius commentarijs proferuntur. ego autem Antonio facillimum me præbui. etenim ille, quoniam semel induxit animum, sibi licere quod uellet, fecisset nihilo minus me inuito. itaque mearum quoque litterarum misi tibi exemplum. Antonius consul S. D. Ciceroni. Occupationibus est factum meis, & subita tua profectio, ne tecum coram de hac re agerem. quam ob causam ue reor, ne absentia mea leuior sit apud te. quod si bonitas



nititas tua responderit iudicio meo, quod semper habui de te; gaudebo. A Cæsare petij, ut Sex. Clodium restitueret: impetraui. erat mihi in animo etiam tum sic uti beneficio eius, si tu concessisses. quo magis laboro, ut tua uoluntate id per me facere nunc liceat. quod si duriores te eius miserae, & afflictæ fortunæ præbes; non contendam ego aduersus te. quamquam uideor debere tueri commentarium Cæsaris. sed mehercule, si humaniter, & sapienter, & amabiliter in me cogitare uis, facilem te profecto præbebis, & uoles P. Clodium, in optima spe puerum repositum, existimare, non te infestatum esse, cum potueris, amicos paternos. patere, obsecro te, pro rep. uideri gessisse similitatem cum patre eius: non contempseris hanc familiam. honestius enim, et libentius deponimus inimicitias reip. nomine susceptas, quam contumaciæ. Me deinde sine ad hanc opinionem iam nunc dirigere puerum, & tenero animo eius persuadere, non esse tradendas posteris inimicitias. quamquam, tuam fortunam, Cicero, ab omni periculo abesse, certum habeo: tamen arbitror malle te quietam senectutem, et honorificam potius agere, quam sollicitam. Postremo, meo iure te hoc beneficium rogo. nihil enim non tua causa feci. Quod si non impetro, per me Clodio daturus non sum: ut intelligas, quanti apud me auctoritas tua sit, atque eo te placabilior rem præbeas. Vale. Cicero Antonio cos. S.

Quid necum per litteras agis, unam ob causam

LL

sam



## LIB. XIV. EPIST.

*sam mallem coram egisses. non enim solum ex oratione, sed etiam ex uultu, & oculis, & fronte, ut aiunt, meum erga te amorem perspicere potuisses. nam cum te semper amaui, primum tuo studio, post etiam beneficio prouocatus: tum his temporibus resp. te mihi ita commendauit, ut cariorem habeam neminem. litteræ uero tuæ, tum amantissime, tum honorificentissime scriptæ, sic me affecerunt, ut non dare tibi beneficium uiderer, sed accipere a te ita petente, ut inimicum meum, necessarium tuum, me inuito seruare nolles, cum id nullo negotio facere posses. Ego uero tibi istuc, mi Antoni, remitto, atque ita, ut me a te, cum his uerbis scripseris, liberalissime, atque honorificentissime tractatum existimem. idq. cum totum, quoquo modo se res haberet, tibi dandum putarem, tum do etiam humanitati, et naturæ meæ. nihil enim umquam non modo acerbum in me fuit, sed ne paullo quidem tristius, aut seuerius, quam necessitas reip. postulauit. Accedit, ut ne in ipsum quidem Clodium meum insigne odiû fuerit umquam: semperq. ita statui, non esse infectandos inimicorum amicos, præsertim humiliores, nec his præsidij nosmet ipsos esse spoliandos. Nam de puero Clodio tuas partes esse arbitror, ut eius animum tenerum, quemadmodum scribis, his opinionibus imbuas, ut ne quas inimicitias residere in familijs nostris arbitretur. contendi cum P. Clodio, cum ego publicam causam, ille suam defenderet. nostras contentiones resp. dijudicauit. si uiueret,*



ret, mihi cum illo nulla contentio iam maneret. Quare, quoniam hoc a me sic petis, ut, quæ tua potestas est, ea neges te me invito usurum; puero quoque hoc a me dabis, si tibi uidebitur: non quo aut ætas nostra ab illius ætate quidquam debeat periculi suspicari, aut dignitas mea ullam contentionem extimescat: sed ut nosmet ipsi inter nos coniunctiores simus, quam adhuc fuimus. interpellantibus enim his inimicijs animus tuus mihi magis patuit, quam domus. Sed hæc hætenus: illud extremum. ego, quæ te uelle, quæq. ad te pertinere arbitrabor, semper sine ulla dubitatione summo studio faciam. hoc uelim tibi penitus persuadeas.

CICERO S. D. ATTICO. 14

ITERA dum eadem ista mihi. coronatus Quinctus noster Parilibus? Parilibus solus ne? etsi addis Lamiam: quod demiror equidem: sed scire cupio, qui fuerint alij: quamquam satis scio, nisi improbum neminem. explanabis igitur hoc diligentius. ego autem casu cum dedissem ad te litteras VI. kal. satis multis uerbis, tribus fere horis post accipi tuas, & magni quidem ponderis. itaque ioca tua plena facetiarum, de hæresi Vestoriana, & de Pherionum more Puteolano, risisse me satis, nihil est necesse rescribere. πολιτικώτερα illa uideamus. Ita Brutos, Cassiumq. defendis, quasi eos ego reprehendam: quos satis laudare non possum. rerum ego uitia collegi, non hominum. sublato enim tyranno,

LL 2 tyrann-



tyrannida manere uideo. nam quæ ille facturum non fuit, ea fiunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor numquam scriptus, ceteri quis non? cui seruire ipsi non potuimus, eius libellis paremus. Nam Liberalibus quis potuit in senatum non uenire? fac id potuisse aliquo modo: num, etiam cum uenissimus, libere potuimus sententiam dicere? non ne omniratione ueteri, qui armati aderant, cum presidij nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? culpa ista Brutorum? minime illorum quidem, sed aliorum Brutorum, qui se cautos, ac sapientes putant: quibus satis fuit, lætari; nonnullis etiam gratulari; nullis, permanere. sed præterita omittamus: istos omni cura, præsidioque tueamur; & quemadmodum tu præcipis, contenti idibus Mart. simus: quæ quidem nostris amicis, diuinis uiris, aditum ad cælum dederunt, libertatem populo R. non dederunt. Recordare tua. non ne meministi clamare te, omnia periisse, si ille funere elatus esset? sapienter id quidem: itaque ex eo quæ manarint, uides. Quæ scribis kalendis Iunij Antonium de prouincijs relaturum, ut & ipse Gallias habeat, & utriusque dies prorogetur: licebit ne decerni libere? si licuerit; libertatem esse recuperatam lætabor. si non licuerit; quid mihi attulerit ista domini mutatio præter lætitiā, quam oculis cepi iusto



iusto interitu tyranni? Rapinas scribis ad Opis fieri: quas nos quoque tum uidebamus. nã nos & liberati ab egregijs uiris, nec liberi sumus. ita laus illorum est, culpa nostra. & hortaris me, ut historias scribam: ut colligam tanta eorum scelera, a quibus etiam nunc obsidemur? potero ne eos ipsos non laudare, qui te obsignatorem adhibuerunt? nec me hercule merandusculum mouet: sed homines beneuolos, qualescumque sunt, graues est insequi contumelia. sed de omnibus meis consilijs, ut scribis, existimo exploratius nos ad kal. Iun. statuere posse: ad quas adero; & omni ope, atque opera enitar, adiuvante me scilicet auctoritate tua, & gratia, et summa æquitate causæ, ut de Buthrotijs S. C. quale scribis, fiat. Quod me cogitare iubes, cegitabo equidem. etsi tibi dederam superiore epistola cogitandum. tu autem, quasi iam recuperata rep. uicinis tuis Massiliensibus sua reddis. hæc armis, quæ quam firma habeamus, ignoro, restitui fortasse possunt, auctoritate non possunt. Vale.

CICERO S. D. ATTICO. 15

EPISTOLA brevis, quæ postea a te scripta est, sane mihi fuit iucunda, de Bruti ad Antonium, & de eiusdem ad te litteris. posse uidentur esse meliora, quam adhuc fuerint: sed nobis, ubi simus, & quo iam nos conferamus, providendum est. omirificum Dolabellam meum. iam enim dico meum, antea, crede mihi, subdubitabam. magnam aua-

LL 3 Θεώπρω



## LIB. XIV. EPIST.

θεωπονίαν res habet: de saxo, in crucem, columnam tol-  
 lere, locum illum sternendum locare. quid quaeris?  
 heroica. sustulisse mihi uidetur simulationem deside-  
 rij, adhuc quæ serpebat in dies, & inueterata, ue-  
 rebar, ne periculosa nostris tyrannoctonis esset.  
 nunc prorsus assentior tuis litteris, speroq. meliora.  
 quamquam istos ferre non possum: qui, dum se pa-  
 cem uelle simulant, acta nefaria defendunt. sed non  
 possunt omnia. incipit res melius ire, quam puta-  
 ram. nec uero discedam, nisi cum tu id me honeste  
 putabis facere posse. Bruto certe meo nullo loco de-  
 ero: idque, etiam si mihi cum illo nihil fuisset, face-  
 rem propter eius singularem, incredibilemque uirtu-  
 tem. Piliæ nostræ uillam totam, quæq. in uilla sunt,  
 trado, in Pompeianum ipse proficiscens kal. Mai.  
 quam uelim Bruto persuadeas, ut Asturæ sit. Vale.

CICERO S. D. ATTICO. 16

V. NON. conscendens ab hortis Cluuianis in  
 phaselum epicopum has dedi litteras, cum Piliæ no-  
 stræ uillam ad Lucrinum, uillicosq. procuratores  
 tradidissem. ipse autem eo die in Pæti nostri tyro-  
 tarichum imminebam, per paucis diebus in Pompe-  
 ianum, post in hæc Puteolana, & Cumana regna  
 renauigare. o loca ceteroqui ualde expetenda, in-  
 terpellantium autem multitudine pæne fugienda.  
 Sed ad rem ut ueniam, o Dolabellæ nostri magnam  
 ἀπισίαν. quanta est ἀναθεωπονίς, equidem laudare  
 eum, & hortari non desisto. recte tu omnibus epi-  
 stolis



stolis significas, quid de re, quid de uiro sentias. mihi quidem uidetur Brutus noster iam uel coronam auream per forum ferre posse. quis enim audeat uiolare, proposita cruce, uel saxo? præsertim tantis plausibus, tanta approbatione infimorum? Nunc, mi Attice, me fac ut expedias. cupio, cum Bruto nostro affatim satisfecerim, excurrere in Græciam. magni interest Ciceronis, uel mea potius, uel mehercule utriusque, me interuenire discenti. nam epistola Leonidæ, quam ad me misisti, quid habet, quæso, in quo magnopere lætemur? numquam ille mihi satis laudari uidebitur, cum ita laudabitur; QVOMODO NUNC EST. non est fidentis hoc testimonium, sed potius timentis. Herodi autem mandaram, ut mihi κατὰ μέτρον scriberet: a quoadhuc nulla littera est. uereor, ne nihil habuerit, quod mihi, cum cognossem, iucundum putaret fore. Quod ad Xenonem scripsisti, ualde mihi gratum est. nihil enim deesse Ciceroni, tum ad officium, tum ad estimationem meam pertinet. Flammam Flaminium audio Romæ esse. ad eum scripsi, me tibi mandasse per litteras, ut de Montani negotio cum eo loquerere. & uelim cures epistolam, quam ad eum misi, reddendam, & ipse, quod commodum tuo fiat, cum eo colloquare. puto, si quid in homine pudoris est, præstaturum eum, ne pro se quodam modo dependatur. De Attica pergratum mihi fecisti, quod curasti, ante scirem recte esse, quam non belle fuisse. Vale.

LL 4 CI-



IN Pompeianum ueni v. kal. Mai. cum pridie, ut antea ad te scripsi, Piliam in Cumano collocauissem. ibi mihi cenanti litteræ tuæ sunt redditæ, quas dederas Demetrio liberto prid. kal. in quibus multa sapienter, sed tamen talia, quemadmodum tute scribebas, ut omne consilium in fortuna positum uideretur. itaque his de rebus ex tempore, & coram. De Butbrotio negotio, utinam quidem Antonium conueniam: multum profecto proficiam. sed non arbitrantur eum a Capua declinaturum. quo quidem, metuo, ne magno reip. malo uenerit. quod idem L. Casari uidebatur; quem pridie Neapoli affectum grauitèr uideram. quamobrem ista nobis ad kal. Iun. tractanda, & perficienda sunt. Sed hætenus. Quintus filius ad patrem acerbissimas litteras misit: quæ sunt ei redditæ, cum uenisset in Pompeianum: quarum tamen erat caput, Aquilliam nouercam non esse laturum. sed hoc tolerabile fortasse, illud uero? se ab Casare habuisse omnia, nihil a patre, reliqua sperare ab Antonio. o perditum hominem. sed μέγας. Ab Brutum nostrum, & Cassium, & ad Dolabellam epistolas scripsi. earum exempla tibi misi, non ut deliberarem reddendæ ne essent, (plane enim iudico esse reddendas) sed quod non dubito, quin tu idem existimaturus sis. Ciceroni meo, mi Attice, suppeditabis quantum uidebitur; meq. tibi hoc onus imponere patiere.



re. quæ adhuc fecisti, mihi sunt gratissima. Librum meum illum ἀνέκδοτον non dum, ut uolui, perpoliui. ista uero, quæ tu contexi uis, aliud quiddam separatum uolumen expectant. ego autem ( credas mihi uelim ) minore periculo existimo contra illas nefarias partes, uiuo tyranno, dici potuisse, quam mortuo. ille enim nescio quo pacto ferebat me quidem mirabiliter: nunc, quacumque nos commouimus, ad Cæsaris non modo acta, uerum etiam cogitata reuocamur. De Montano, quoniam Flamma uenit, uidebis. puto rem meliore loco esse debere. Vale. Cicero S. D. Dolabellæ cos. suo.

Et si contentus eram, mi Dolabella, tua gloria, satisq. ex ea magnam letitiam, uoluptatemq. capiebam: tamen non possum non confiteri, cumulari me maximo gaudio, quod uulgo hominum opinio socium me adscribat tuis laudibus. neminem conueni, ( conuentio autem quotidie plurimos: sunt enim permulti optimi uiri, qui, ualitudinis causa, in hæc loca conueniant, præterea ex mancipijs frequentes necessarij mei ) quin omnes, cum te summis laudibus ad cælum extulerunt, mihi continuo maximas gratias agant. negāt enim se dubitare, quin tu, meis præceptis, & consilijs obtemperans, præstantissimum te ciuem, & singularem consulem præbeas. quibus ego quamquam uerissime possim respondere, te, quæ facias, tuo iudicio, & tua sponte facere, nec cuiusquam egere consilio: tamen neque plane assentior, ne imminuam tuam laudem, si omnis a meis consilijs



## LIB. XIV. EPIST.

consilijs profecta uideatur; neque ualde nego: sum enim audior etiam, quam satis est, gloriae. Et tamen non alienum est dignitate tua, quod ipsi Agamennoni, regi regum, fuit honestum, habere aliquem in consilijs capiundis Nestorem. mihi uero gloriosum, te iuuenem consulem florere laudibus, quasi alumnum disciplinae meae. Lucius quidem Caesar, cum ad eum aegrotum Neapolim uenissem, quamquam erat oppressus totius corporis doloribus, tamen ante, quam me plane salutauit, o mi Cicero, inquit, gratulor tibi, cum tantum uales apud Dolabellam, quantum si ego apud sororis filium ualerem, iam salui esse possemus. Dolabellae uero tuo et gratulor, et gratias ago: quem quidem, post te consulem, solum possumus uere consulem dicere. deinde multa de facto, ac de re gesta: tum nihil magnificentius, nihil praeclearius actum umquam, nihil reip. salutaris. atque haec una uox omnium est. A te autem peto, ut me hanc quasi falsam hereditatem alienae gloriae sinas cernere, meque aliqua ex parte in societatem tuarum laudum uenire patiari. quamquam, mi Dolabella, (haec enim iocatus sum) libentius omnes meas, si modo sunt aliquae meae laudes, ad te transfuderim, quam aliquam partem exhauserim ex tuis. nam cum te semper tantum dilexerim, quantum tu intelligere potuisti; tum his tuis factis sic incensus sum, ut nihil umquam in amore fuerit ardentius. NIHIL est enim, mihi crede, uirtute formosius, nihil pulchrius, nihil amabilius. semper amavi, ut scis, M. Brutum



Brutum, propter eius summum ingenium, suauissimos mores, singularem probitatem, atque constantiam: tamen idibus Mart. tantum accessit ad amorem, ut mirarer locum fuisse augendi in eo, quod mihi iam pridem cumulatam etiam uidebatur. quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare uidear, antea dilexisset. Quare quid est, quod ego te hortor, ut dignitati & gloria seruias? proponam tibi claros uiros, quod facere solent, qui hortantur? neminem habeo clariorem, quam te ipsum. te imitare oportet, tecum ipse certes. nec licet quidem tibi iam, tantis rebus gestis, non tui similem esse. quod cum ita sit; hortatio non est necessaria, gratulatione magis utendum est. contigit enim tibi, quod haud scio an nemini, ut summa seueritas animaduersionis non modo non inuidiosa, sed etiam popularis esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuæ: sed contigit magnitudine tum animi, tum etiam ingenij, atque consilij. legi enim concionem tuam: nihil illa sapientius. ita pedetentim, & gradatim tum accessus a te ad causam facti, tum recessus, ut res ipsa maturitatem tibi animaduertendi omnium concessu daret. Liberaisti igitur et urbem periculo, & ciuitatem metu: neque solum ad tempus maximam utilitatem attulisti, sed etiam ad exemplum. quo facto, intelligere debes, in te positam



## LIB. XI V. EPIST.

*tam esse remp. tibiq. non modo tuendos, sed etiam ornandos illos uiros, a quibus initium libertatis profectum est. Sed his de rebus coram plura prope diem, ut spero. Tu, quoniam remp. nosq. conseruas, fac, ut diligentissime te ipsum, mi Dolabella, custodias. Vale.*

CICERO S. D. ATTICO. 18

*SAEPIVS me iam agitas, quod rem gestam Dolabellae nimis in caelum uidear efferre. ego autem, quamquam sane probo factum, tamen, ut tanto opere lauderem, adductus sum tuis & unis, & alteris litteris. sed totum se a te abalienauit Dolabella, ea de causa, qua me quoque sibi inimicissimum reddidit. o hominem pudentem. kal. Iun. debuit: adhuc non soluit, praesertim cum se maximo aere alieno Faberij manu liberarit, & Opem ab eo petierit. licet enim iocari; ne me ualde conturbatum putes. atque ego ad eum VIII. id. litteras dederam bene mane. eodem autem die tuas litteras uespero acceperam in Pompeiano, sane celeriter, tertio abs te die. sed, ut ad te eo ipso die scripseram, satis aculeatas ad Dolabellam litteras dedi: quae si nihil profecerint, puto fore, ut me praesentem non sustineat. Albianum te consecisse arbitror. De Petulciano nomine, quod mihi suppeditatus es, gratissimum est, & simile tuorum omnium. sed ego Erotem ad ista expedienda factum mihi uidebar reliquisse: cuius non sine magna culpa uacillarunt. sed cum ipso uideor*



uidero. De Montano, ut sæpe ad te scripsi, erit tibi tota res curæ. Seruius proficiscens, quod desperanter tecum locutus est, minime miror, neque ei quidquam in desperatione concedo. Brutus noster, singularis uir, si in senatum non est kal. Iun. uenturus; quid factururus sit in foro, nescio. sed hoc ipse melius. Ego ex his, quæ parari uideo, non multum idibus Martijs profectum iudico: itaque de Græcia quotidie magis & magis cogito. nec enim Bruto meo, exsilium, ut scribis ipse, meditati, uideo quid prodesse possim. Leonidæ me litteræ satis delectarunt. De Herode tibi assentior. Sausesium legisse uellem. Ego ex Pompeiano VI. idus Mai. cogitabam. Vale.

CICERO S. D. ATTICO. 19

NONIS Mai. cum essem in Pompeiano, accepi binas a te litteras, alteras sexto die, alteras quarto. ad superiores igitur prius. Quam mihi iucundum, oportune tibi Barnachum litteras reddidisse. Tu uero cum Cassio, ut cetera. quam commode autem, quod id ipsum, quod me mones, quadriduo ante ad eum scripseram, exemplumq. mearum litterarum ad te miseram. sed cum Dolabellæ auaritia (sic enim tu ad me scripseras) magna desperatione affectus essem; ecce tibi & Bruti, & tuæ litteræ, ille exsilium meditari, nos autem alium portum propiorem huic ætati uidebamus: in quem mallem equidem peruehi florente Bruto nostro, constitutaq.

rep.



## LIB. XVI. EPIST.

rep. sed nunc quidem, ut scribis, non utrum uis: assentiris enim mihi, nostram ætatem præsertim a castris ciuilibus abhorrere. M. Antonius ad me tantum de Clodio rescripsit, meam lenitatem, & elementiam & sibi esse gratam, & mihi uoluptati magnæ fore. sed Pansa furere uidetur de Clodio, itemq. de Deiotaro; & loquitur seuerè, si uelis credere. illud tamen non belle, ut mihi quidem uidetur, quod factum Dolabellæ uehementer improbat. De coronatis, cum sororis tuæ filius a patre accusatus esset, rescripsit, se coronam habuisse honoris Cæsaris causa, posuisse luctus gratia: postremo, se libenter uituperationem subire, quod amaret etiam mortuum Cæsarem. Ad Dolabellam, quemadmodum tibi dicis placere, scripsi diligenter: ego etiam ad Sicam. tibi hoc oneris non impono. nolo te illum iratum habere. Seruij orationem cognosco: in qua plus timoris uideo, quam consilij: sed quoniam perterriti omnes sumus, assentior Seruio. Publilius tecum tricatus est. huc enim Cærellia missa ab istis est legata ad me: cui facile persuasi, mihi id, quod rogaret, ne licere quidem, non modo non libere. Antonium si uidero, accurate agam de Butbroto. Venio ad recentiores litteras. quamquam de Seruio iam recripsi, me facere magnam opâxi Dolabellæ. mihi mehercule ita uidetur, non potuisse maiori tali re, taliq. tempore. sed tamen, quidquid ei tribuo, tribuo ex tuis litteris. tibi uero assentior, maiorem opâxi eius fore, si mihi, quod debuit, dissoluerit.



uerit. Brutus, uelim, sit Asturæ. Quod autem laudas me, quod nihil ante de profectione constituam, quam, ista quo euasura sint, uidero: muto sententiam, neque quidquam tamen ante, quam te uidero. Atticam meam gratias mihi agere de matre gaudeo: cui quidem ego totam uillam, cællamq. tradidi; eamq. cogitabam v. id. uidere. tu Atticæ salutem dices: nos Piliam diligenter tuebimur. Vale.

CICERO S. D. ATTICO. 20

E POMPEIANO naui aduectus sum in Luculli nostri hospitium VI. id. hora fere tertia. egressus autem e naui, accepi tuas litteras, quas tuus tabellarius in Cumanum attulisse dicebatur, nonis Mai. datas, a Lucullo postridie eadem fere hora, qua ueni, VII. id. Lanuuiio datas. audi igitur ad omnes. Primum, quæ de re mea gesta & in solutione, & in Albiano negotio, grata. de tuo autem, cum in Pompeiano essem, Misenum uenit Antonius: inde ante discessit, quam illum uenisse audissem: a quo in Samnium. uide, quid speres. Romæ igitur de Buthroto. L. Antonij horribilis concio, Dolabellæ præclara. iam uel sibi habeat nummos, modo numeret idibus. Tertullæ nollem abortum. tam enim Cassij sunt iam, quam Bruti ferendi. De regina uelim, atque etiam de Cæsare illo. Persolui primæ epistolæ: uenio ad secundam. De Quinctis, Buthroto, cum uenero, ut scribis. Quod Ciceroni suppeditas, gratum. Quod errare me putas, qui  
remp



## LIB. XIV. EPIST.

remp. putem pendere a Bruto : sic se res habet : aut nulla erit, aut ab isto, istis ne seruabitur. Quod me hortaris, ut scriptam concionem mittam : accipe a me, mi Attice, καθολικὸν θεώρημα earum rerum, in quibus satis exercitati sumus. nemo umquam neque poeta, neque orator fuit, qui quemquam meliorem, quam se, arbitraretur. hoc etiam malis contigi : quid tu Bruto putas, & ingenioso, & erudito? de quo etiam experti sumus nuper in edicto. scripseram rogatu tuo. meum mihi placebat, illi suum. quin etiam, cum, ipsius precibus pæne adductus, scripsissem ad eum de optimo genere dicendi, non modo mihi, sed etiam tibi scripsit, sibi illud, quod mihi placeret, non probari, quare sine quæso sibi quemque scribere : suam cuique sponsam, mihi meam; suam cuique amorem, mihi meum. non scite : hoc enim Atilius, poeta durissimus. atque utinam liceat isti concionari. cui si esse in urbe tuto licebit, uicimus. ducem enim noui belli ciuilis aut nemo sequetur, aut ij sequentur, qui facile uincantur. Venio ad tertiam. Gratas fuisse meas litteras Bruto, & Cassio, gaudeo : itaque ijs rescripsi. Quod Hirtius per me meliorem fieri uolunt : do equidem operam ; & ille optime loquitur ; sed uiuit, habitatque cum Balbo ; qui item bene loquitur. quid credas, uideris. Dolabellam ualde placere tibi uideo. mihi quidem egregie. Cum Pansa uixi in Pompeiano, is plane mihi probabat se bene sentire, & cupere pacem. Caussam armorum quæri plane uideo.

Edictum



Edictum Bruti, & Cassii probo. Quæris, ut suscipiam cogitationem, quid nam istis agendum putem. consilia temporum sunt; quæ in horas commutari uides. Dolabellæ & prima illa actio, & hæc contra Antonium concio mihi profecisse permultum uidetur. prorsus ibat res. nunc autem uidemur habituri ducem: quod unum municipia, boniq. desiderant. Epicuri mentionem facis, & audes dicere μή πολὺ τ' ἔδειξαι. nō te Bruti nostri uulticulus ab ista oratione deterret? Quintus filius, ut scribis, est dextella. per eum igitur, quod uolumus, facile aufereamus. exspecto, si, ut putas, L. Antonius produxit Octanium, qualis concio fuerit. Hæc scripsi. statim enim Cassi tabellarius. eram continuo Piliam salutaturus: deinde ad epulas Vestorij, nauicula. Atticæ plurimam salutem. Vale.

CICERO S. D. ATTICO. 21

CVM paullo ante dedissem' ad te Cassi tabellariolitteras, v. id. uenit noster tabellarius, & quidem portentisimile, sine tuis litteris. sed cito conieci, Lanuuij te fuisse. Eros autem fustinauit, ut ad me litteræ Dolabellæ perferrentur, non de re mea, (non dum enim meas acceperat) sed rescriptis ad eas, quarum exemplum tibi miseram, sane luculente. Ad me autem, cum Cassi tabellarium dimissem, statim Balbus. o dij boni, quam facile perspiceres timere otium. & nostri uirum, quam

M M testus:



## LIB. XV. EPIST.

testus: sed tamen Antonij consilia narrabat; illum  
 circuire ueteranos, ut acta Caesaris sancirent, idq.  
 se facturos esse iurarent: ut rata omnes haberent,  
 eaq. duumuii omnibus mensibus inspicerent. que-  
 stus est etiam de sua inuidia, eaq. omnis eius oratio  
 fuit, ut amare uideretur Antonium. quid quæris?  
 nihil sinceri. mihi autem non est dubium, quin res  
 spectet ad castra. acta enim illa res est animo uiri-  
 li, consilio puerili. quis enim hoc non uidit, regni  
 heredem relictum? quid autem absurdius, hoc me-  
 tuere, alterum in metu non ponere? quin etiam hoc  
 ipso tempore multa ὑποσέλοικα, Pontij Neapoli-  
 tanum a matre tyrannoctoni possideri. legendus mi-  
 hi sæpius est Cato maior, ad te missus. amariorem  
 enim me senectus facit: stomachor omnia. sed mihi  
 quidem ἐβίωται: uiderint iuuenes. tu mea curabis,  
 ut curas. Hæc scripsi, seu dictaui, opposita secun-  
 da mensa, apud Vestorium. postridie apud Hirtium  
 cogitabam, & quidem πεντέλοισιν. sic hominem  
 traducere ad optimates paro. ἀνὴρ πολὺς. nemo est  
 istorum, qui otium non timeat. quare talaria ui-  
 deamus. quiduis enim potius, quam castra. Atti-  
 cæ salutem plurimam uelim dicas. Exspecto Oeta-  
 nij concionem, & si quid aliud, maxime autem ec-  
 quid Dolabella tinniat, an in meo nomine tabulas  
 nouas fecerit. Vale.

CICERO ●



CICERO S. D. ATTICO. 22

CERTIOR a Pilia factus, mitti ad te idibus tabellarios, statim hoc nescio quid exaravi. Primum igitur scire te uolui, me hinc Arpinum XVI. kal. Iun. eo igitur mittes, si quid erit posthac. (quamquam ipse iam iamq. adero) cupio enim ante, quam Romam uenio, odorari diligentius, quid futurum sit. quamquam uereor, ne nihil coniectura aberrem. minime enim obscurum est, quid isti moliantur. meus uero discipulus, qui hodie apud me cenat, ualde amat illum, quem Brutus noster sauciauit. & si quæris, (perspexi enim plane) timet otium. ὁ δὲ οὐδὲν autem hanc habent, eamq. præferunt, uirum clarissimum interfectum, totam remp. illius interitu perturbatam: irrita fore, quæ ille egisset, simul ac desistemus timere: clementiam illi malo fuisse: qua si usus non fuisset, nihil ei tale accidere potuisse. Mihi autem uenit in mentem, si Pompeius cum exercitu firmo ueniat, quod est εὖ-λογον, certe fore bellum. hæc me species, cogitatioq. perturbat. neque enim, quod tibi tum licuit, nobis nunc licebit. nam aperte lætati sumus. deinde habent in ore, nos ingratos. nullo modo licebit, quod tum & tibi licuit, & multis. φαινομενῶς πικτέον ergo, & ἰτέον in castra? millies mori melius, huic præsertim ætati. itaque me idus Martiæ non tam consolantur, quam antea, magnum enim men-

M M 2 dum



## LIB. XIV. EPIST.

dum continent . et si illi iuuenes

ἄλλοις ἐν ἐδλοῖς τὸν δ' ἀποθουῶται λόγον .

Sed , si tu melius quippiam speras ; quod & plura  
audis , & interes consilijs ; scribas ad me uelim ;  
simulq. cogites , quid agendum nobis sit super lega-  
tione uotiuā . equidem in his locis moneor a multis ,  
ne in senatu kalendis . dicuntur enim occulte mili-  
tes ad eam diem comparati , & quidem in istos ; qui  
mihi uidentur ubiuis tutius , quam in senatu , fo-  
re . Vale .

M. TVL-



M. TVLLII CICERONIS  
EPISTOLARVM AD T.

POMPONIVM ATTICVM

LIBER XV.

CICERO S. D. ATTICO.

FACTVM male de Alexione. incre-  
dibile est, quanta me molestia affece-  
rit; nec mehercule ex ea parte maxi-  
me, quod plerique mecum; ad quem  
igitur medicum te conferes? quid mihi iam medico?  
aut, si opus est, tanta inopia est? amorem erga me,  
humanitatem, suauitatemq. desidero. etiam illud:  
quid est, quod non pertimescendum sit; cum homi-  
nem temperantem, summum medicum, tantus im-  
prouiso morbus oppresserit? sed ad haec omnia una  
consolatio est, quod ea condicione nati sumus, ut ni-  
hil, quod homini accidere possit, recusare debeat-  
mus. De Antonio, iam antea tibi scripsi, non ef-  
se eum a me conuentum. uenit enim Missenum, cum  
ego essem in Pompeiano. inde ante profectus est,  
quam ego eum uenisse cognoui. sed casu, cum lege-  
rem tuas litteras, Hirtius erat apud me in Puteola-  
no. ei legi, & egi primum, quod attinet. nihil mi-  
hi concedebat. deinde ad summum, arbitrum me  
statuebat non modo huius rei, sed totius consulatus  
sui. Cum Antonio autem sic agemus, ut perspiciat,  
si in eo negotio nobis satisfecerit, totum me futu-

MM 3 rum



L I E . X V . E P I S T .

rum suum . Dolabellam spero domi esse . Redeamus ad nostros : de quibus tu bonam spem te significas habere propter edictorum humanitatem . ego autem perspexi , cum a me x v i i . kal . de Puteolano Neapolim Pansæ conueniendi causa proficisceretur Hirtius , omnem eius sensum : seduxi enim , & ad pacem sum cohortatus . non poterat scilicet negare , se uelle pacem , sed non minus se nostrorum arma timere , quam Antonij , & tamen utrosque non sine causa præsidium habere , se autem utraque arma metuere . quid quæris ? οὐδὲν ὕμεις . De Quinto F . tibi assentior : patri quidem gratissima , & bellæ tuæ litteræ fuerunt . Cærelliæ uero facile satisfeci . nec ualde laborare mihi uisa est : & si illa , ego certe non laborarem . istam uero , quam tibi molestam scribis esse , auditam a te esse omnino demiror . nam quod eam collaudari apud amicos , audientibus tribus filiis eius , & filia : τοῦτο & λόγῳ . quid est hoc ? quid est autem , cur ego personatus ambulem ? parum ne fœda persona est ipsius senectutis ? Quod Brutus rogat , ut ante kalendas : ad me quoque scripsit : & fortasse faciam : sed plane , quid uelit , nescio . quid enim illi asserre consilij possum , cum ipse egeam consilio ? & cum ille suæ immortalitati melius , quam nostro otio , consuluerit ? De Regina , rumor extinguetur . De Flamma , obsecro te , si quid potes . Heri dederam ad te litteras exiens e Puteolano , diuerteramq . in Cumanum . ibi pæne ualentem uideram Piliam . quin etiam paullo clam ijs  
eam



eam uidi: uenerat enim in funus: cui funeri ego quoque operam dedi. Cn. Lucullus, familiaris noster, matrem efferebat. mansi igitur eo die in Sinuessano: atque inde mane postridie Arpinum proficiscēs, hanc epistolam exaravi. erat autem nihil noui quod aut scriberem, aut ex te quærerem: nisi forte hoc ad te putas pertinere. Brutus misit ad me orationē suam, habitam in concione Capitolina; petiuitque a me, ut eam ne ambitiose corrigerem ante, quam ederet. est autem oratio scripta elegantissime sententijs, uerbis, ut nihil possit ultra. ego tamen, si illam caussam habuissem, scripsissem ardentius ὑπὸ θεοῖς, uides, quæ sit, persona dicentis. itaque eam corrigere non potui. quo enim in genere Brutus noster esse uult, & quod iudicium habet de optimo genere dicendi, ita consecutus est ea oratione, ut elegantius nihil esse possit. sed ego solus alius sum, siue hoc recte, siue non recte. tu tamen uelim orationem legas, nisi forte iam legisti, certiolemque me facias, quid iudices ipse. quamquam uereor, ne cognomine tuo lapsus ὑπεραπὴκὸς sis in iudicando. sed si recordabere Ἀημοδῆρους flumina, tum intelliges posse & ἀπὴκώτατα, & grauissime dici. sed hæc coram. nunc nec sine epistola, nec cum inani epistola uolui ad te Metrodorum uenire. Vale.

CICERO S. D. ATTICO. 2

XV. kal. e Sinuessano proficiscens, cum dedissem ad te litteras, diuertissemque a Cumis in Ve-

MM 4 stiano,



## LIB. XV. EPIST.

Slliano, accepi a tabellario tuas litteras: in quibus ni-  
 mis multa de Buthroto. non enim tibi ea res maio-  
 ri curæ aut est, aut erit, quam mihi. sic enim de-  
 cet, te mea curare, tua me. quamobrem id quidem  
 sic susceptum est mihi, ut nihil sim habiturus anti-  
 quius. L. Antonium concionatum esse, cognoui tuis  
 litteris, & alijs, sordide: sed, id quale fuerit, ne-  
 scio: nihil enim scripsisti. De Menedemo, probe.  
 Quintus certe ea dicitat, quæ scribis. Consilium  
 meum a te probari, quod ea non scribam, quæ tu a  
 me postularis, facile patior: multoq. magis id pro-  
 babis, si orationem eam, de qua hodie ad te scripsi,  
 legeris. Quæ de legionibus scribis, ea uera sunt.  
 sed non satis hoc mihi uideris tibi persuasisse, quid de  
 Buthrotijs nostris per senatum speres confici posse.  
 quod puto, (tātum enim uideo) non uidemur esse ui-  
 cturi. sed, si etiam nos hoc fallat, de Buthroto te  
 non fallat. De Octauij concione idem sentio, quod  
 tu: ludorumq. eius apparatus, & Matius, ac Po-  
 stumus mihi procuratores non placent. Sæfena col-  
 lega dignus. sed isti omnes, quemadmodum sentis,  
 non minus otium timent, quam nos arma. Balbum  
 leuari inuidia per nos uelim: sed ne ipse quidem id  
 fieri posse confidit: itaque alia cogitat. Quod pri-  
 ma disputatio Tusculana te confirmat, sane gaudeo,  
 neque enim ullum est persugium aut melius, aut pa-  
 ratius. Flamma quod bene loquitur, non moleste  
 fero. Tyndaritanorum caussa, de qua laboras, quæ  
 sit, ignoro. hos tamen πεντέλοιπον mouere ista uiden-  
 tur,



tur in primis erogatio pecuniæ. De Alexione do-  
leo; sed, quoniam inciderat in tam grauem morbum,  
bene actum cum illo arbitror. quos tamen secundos  
heredes, scire uellem, & diem testamenti. Vale.

CICERO S. D. ATTICO. 3

XI. kal. accepi duas epistolas tuas; quibus  
duabus meis respondisti. una erat XV. kal. altera  
XII data. ad superiorem igitur. Prius accurre  
in Tusculanum, ut scribis: quo me VI. kal. uentu-  
rum arbitrabar. Quod scribis parendum uictori-  
bus: non mihi quidem, cui sunt multa potiora. nam  
illa, quæ recordaris Lentulo, & Marcello cos. acta  
in æde Apollinis; nec caussa eadem est, nec simile  
tempus; præsertim cum Marcellum scribas, aliosq.  
discedere: erit igitur nobis coram odorandum, &  
constituendum, tuto ne Romæ esse possimus. noui  
conuentus habitatores sane mouent. in magnis enim  
uersamur angustiis. sed sint ista parui: quin & ma-  
iora contemnimus. Caluæ testamentum cognoui,  
hominis turpis, ac sordidi. Tabula Demonici quod  
tibi curæ est, gratum. De Mario scripsi iam pridē  
ad Delabellam accuratissime; modo litteræ redditæ  
sint. eius caussa & cupio, & debeo. Venio ad pro-  
piorem. Cognoui de Alexione, quæ desiderabam.  
Hirtius est tuus. Antonio, quam est, uolo peius  
esse. De Quinto filio, ut scribis, A. M. cato de pa- \*  
tre coram agemus. Brutum omni re, qua possum,  
cupio inuare. cuius de oratiuncula idem te, quod  
me,



## LIB. XV. EPIST.

me, sentire uideo: sed parum intelligo, quid me uelis scribere, quasi a Bruto habita oratione, cum ille ediderit. qui tandem conuenit? an, sicut in tyrannū iure optimo cāsum multa dicentur, multa scribentur a nobis? sed alio modo, & tempore. De sella Caesaris, bene tribuni. praeclaros etiam XIV. ordines. Brutum apud me fuisse gaudeo, modo & libenter fuerit, & sat diu.

CICERO S. D. ATTICO. 4

X. KAL. VIII. ferre a Q. Fusio uenit tabellarius, nescio quid ab eo litterularum, ut me sibi restituerem, sane insulse, ut solet: nisi forte, quem non ames, omnia uidentur insulse fieri. scripsi ita, ut te probaturum existimem. mihi duas a te epistolas reddidit, unam XI. alteram X. kal. ad recentiore prius. & leuiorem laudo: si uero etiam Calpurnius, ἀνωποταμῶν. Antonij consilia narras turbulenta: atque utinam potius per populum agat, quam per senatum: quod quidem ita credo. sed mihi totum eius consilium ad bellum spectare uidetur, siquidem D. Bruto prouincia eripitur. quo modo ego de illius neruis existimo, non uidetur fieri posse sine bello. sed non cupio; quoniam cauetur Butbrotijs, rides? ast condoleo, non mea potius assiduitate, diligentia, gratia perfici. Quod scribis te nescire. quid nostris faciendum sit: iam pridem me illa ἀπορία sollicitat: itaque stulta iam iduum Martiarum est consolatio. animis enim usi sumus uirilibus, consilijs,



filij, mihi crede, puerilibus. excisa enim est arbor,  
non euulsa: itaque, quam fruticetur, uides. redea-  
mus igitur, quoniam sæpe usurpas, ad Tusculanas  
disputationes. Saufeium pete. calemus: ego num-  
quam iudicabo. Quod te a Bruto scribis, ut cer-  
tior fieret, quo die in Tusculanum essem futurus: ut  
ad te ante scripsi, vi. kal. & quidem ibi te quam-  
primum peruidere uelim. puto enim nobis Lanui-  
um eundum, & quidem non sine multo sermone. sed  
μηδίσαι. Redeo ad superiorem: ex qua prætereo  
illa prima de Buthrotijs: quæ mihi sunt inclusa me-  
dullis: sit modo, ut scribis, locus agendi. De ora-  
tione Bruti, prorsus contendis committere: tam  
multis uerbis agis. ego ne ut eam caussam, quam is  
scripsit? ego scribam non rogatus ab eo? nulla πα-  
ρεργείσις fieri potest contumeliosior. at, inquis,  
ὑπακλείδιον aliquod. non recuso id quidem; sed &  
componendum argumentum est, & scribendi ex-  
spectandum tempus maturius. licet enim de me, ut  
libet, existimes: uelim quidem quamoptime: si  
hæc ita manant, ut uidentur, (feres, quod dicam)  
me idus Martiæ non delectant. ille enim numquam  
reuertisset: nos timor confirmare eius acta non coe-  
gisset: aut (ut in Saufeianam, reliquasq. Tuscula-  
nas disputationes, ad quas tu etiam Vestorium hor-  
taris) ita gratiosi eramus apud illum, quem dii mor-  
tuum perdant, ut nostræ ætati, quoniam interfecto  
domino liberi non sumus, non fuerit dominus ille su-  
giendus. rubeo, mihi crede; sed iam scripseram;  
dele-



## LIB. XV. EPIST.

delere nolui. De Menedemo, uellem uerum fuisset. De Regina, uelim uerum sit. Cetera coram & maxime, quid nostris faciendum sit, quid etiam nobis, si Antonius militibus obsessurus est senatum. Hanc epistolam si illius tabellario dedissem, ueritus sum, ne solueret: itaque misi dedita opera: erat enim rescribendum tuis. Quam uellem, Bruto studium tuum nauare potuisses. ego igitur ad eum litteras. Ad Dolabellam Tironem misi cum mandatis, & litteris. eum ad te uocabis; & si quid habebis, quod placeat, scribes. Ecce autem de transuerso L. Cæsar, ut ueniam ad se, rogat, in nemus; aut scribam, quo se uenire uelim: Bruto enim placere, se a me conueniri, o rem odiosam, & inexplicabilem. puto me ergo iturum, & inde Romam, nisi quid mutaro. Summatim adhuc ad te: nihil enim a Balbo. tuas igitur expecto, nec actorum solum, sed etiam futurorum. Vale.

CICERO S. D. ATTICO. 5

ABRUTO tabellarius redijt: attulit & ab eo, & Cassio. consilium meum magnopere exquirunt, Brutus quidem, utrum de duobus. o rem miseram. plane non habeo, quid scribam: itaque silentio puto me usurum: nisi quid aliud tibi uidetur. sin tibi quid uenit in mentem, scribe quæso. Cassius uero uehementer orat, ac petit, ut Hirtium quamoptimum faciam: sanum putas? ὁ δὲ θεὸς αὐτῷ παῖδες. epistolam tibi misi. Ut tu de provincia Bruti, et Cassij per

S. C.



S. C. ita scribit & Balbus; & Hirtius quidem, se acturum. etenim iam in Tusculano est: mihi que, ut absim, uehementer auctor est: ille quidem, periculi causa; quod sibi etiam fuisse dicit: ego autem, etiam ut nullum periculum sit, tantum abest, ut Antonij suspicionem fugere non curem, ne uidear eius secundis rebus non delectari, ut mihi causa sit, cur Romam uenire nolim, ne illum uideam. Varo autem noster ad me epistolam misit, sibi a nescio quo missam, (nomen enim delebat) in qua scriptum erat, ueteranos eos, qui reijciantur, (nam partem esse dimissam) improbissime loqui; ut magno periculo Romæ sint futuri, qui ab eorum partibus dissentire uideantur. Quis porro noster itus, reditus, uultus, incessus inter istos? quod si, ut scribis, L. Antonius in Decimum, reliqui in nostros; ego quid faciam? aut quo me pacto geram? mihi uero deliberatum est, ut nunc quidem est, abesse ex ea urbe, in qua non modo flori cum summa, uerum etiam seruiui cum aliqua dignitate: nec tamen statui ex Italia exire, de quo tecum deliberabo, quam istuc non uenire.

CICERO S. D. ATTICO. 6

CVM ad me Brutus noster scripsisset, & Cassius, ut Hirtium, quem adhuc bonum fuisse sciebant, neque confidebant fore, mea auctoritate meliorem facerem, (Antonio est enim fortasse iratior, causæ uero amicissimus) tamen ad eum scripsi, ei que dignitatem Bruti, & Cassij commendauit. ille



## LIB. XV. EPIST.

ille quid mihi rescripsisset, scire te uolui, si forte idem tu, quod ego, existimares, istos etiam nunc uereri, ne forte ipsi nostri plus animi habeant, quam habent. Hirtius Ciceroni suo S.

Rure an redierim, quæris. an ego, cum omnes caleant, ignauiter aliquid faciam? etiam ex urbe sum profectus: utilius enim statui abesse. has tibi litteras exiens in Tusculanum scripsi. noli autem me tam strenuum putare, ut ad nonas recurram. nihil enim iam uideo opus esse nostra cura: quoniam præsidia sunt in tot annos prouisa. Brutus, & Cassius utinam, quam facile a te de me impetrare possunt, ita per te exorentur, ne quod callidius in-eant consilium. cedentes enim hæc ais scripsisse: quo? aut quare? retine, obsecro te, Cicero illos: noli sinere hæc omnia perire, quæ funditus medius fidius rapinis, incendijs, cædibus peruertuntur. tantum, si quid timent, caueant, nihil præterea moliantur. non medius fidius acerrimis consilijs plus, quam etiam inertissimis, dum modo diligentibus, consequentur. hæc enim, quæ fluunt, per se diuturna non sunt, in contentione præsentis ad nocendum habent uires. quid speres de illis, ad me scribe. Habes Hirtij epistolam: cui rescripsi, nil illos callidius cogitare; idq. confirmari. hoc quaecumque esset, te scire uolui. Vale.

OB SIGNATA iam epistola, Balbus ad me, Seruiliam rediisse, confirmare non discessuros. nunc expecto a te litteras.

CICERO



CICERO S. D. ATTICO. 7

GRATVM, quod mihi epistolas: quæ quidem me delectarunt, in primis Sexti nostri. dices, quia te laudat. puto mehercule id quoque esse causæ: sed tamen etiam ante, quam ad eum locum ueni, ualde mihi placebat cum sensus eius de rep. tum scribendi cura. Seruius uero pacificator cum librariolo suo uidetur obijisse legationem, & omnes captiunculas pertimescere. debuerat autem, Non ex iure manu consertum, sed quæ sequuntur. Tu quoque scribes.

CICERO S. D. ATTICO. 8

POST tuum discessum binas a Balbo; nihil noui: itemq. ab Hirtio, qui se scribit uehementer offensum esse ueteranis. expectat animus, quidnam agant de kal. Martijs. nisi igitur Tironem, et cum Tirone plures, quibus singulis, ut quid accidisset, dares litteras. atque etiam scripsi ad Antonium de legatione: ne, si ad Dolabellam solum scripsissem, iracundus homo commoueretur. quod autem aditus ad eum difficilior esse dicitur, scripsi ad Futrapelum, ut is ei meas litteras redderet, legatione mihi opus esse. honestior est uotina: sed licet uti utraque. De te quæso etiam atque etiam uide. uelim possis coram: si minus, litteris idem consequemur. Græceius ad me scripsit, C. Cassium sibi scripsisse, homines comparari, qui armati in Tusculanum mitteren-



terentur. id quidem mihi non uidebatur: sed cauendum tamen, ut ille, quæ plures uident. debet aliquid crastinus dies ad cogitandum nobis dare. Vale.

CICERO S. D. ATTICO. 9

III. non. uesperia Balbo redditæ mihi litteræ, fore nonis senatum, ut Brutus in Asia, Cassius in Sicilia frumentum emendum, & ad urbem mittendum curarent. o rem miseram: primum ullam ab istis, dein, si aliquam, hæc legatariam provinciam: atque haud scio, an melius sit, quam ad Eurotam sedere. sed hæc casus gubernabit. ait autem, eodem tempore decretum iri, ut & ijs, & reliquis prætorijs provinciæ decernantur. hoc certe melius, quam illa Persice porticus. nolo enim Lacedæmonem longinquam Lanuium existimari. rides, inquires, in talibus rebus? quid faciam? plorando fessus sum. Dij immortales, quam me conturbatum tenuit epistolæ tuæ prior pagina. quid autem iste in domo tua casus armorum? sed hunc quidem nimbum cito transisse lætor. tu quid egeris tua cum tristi, tum etiam difficili ad consiliandum legatione, uehementer expecto. est enim inexplicabilis: ita circumsidemur copijs omnibus. me quidem Bruti litteræ, quas ostendis a te lectas, ita perturbarunt, ut, quamquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scriberem, nihil erat, eoq. minus, quod dubitabam, tu has ipsas litteras esses ne accepturus.



rus . erat enim incertum , uisurus ne te esset tabel-  
larius . ego tuas litteras uehementer exspecto .

CICERO S. D. ATTICO. IO

O BRVTI amanter scriptas : o iniquum tuum  
tempus , qui ad eum ire non possis . ego autem quid  
scribam ? ut beneficio istorum utantur ? quid tur-  
pius ? ut moliantur aliquid ? nec audent , nec iam  
possunt . age , quiescant auctoribus nobis ? quis in-  
columitatem præstat ? si uero aliquid de Decimo  
gratius ; quæ nostris uita , etiam si nemo molestus  
sit ? ludos uero non facere , quid scædus ? frumen-  
tum imponere , quæ est alia Dionis legatio ? aut  
quod munus in rep. sordidius ? prorsus quidem con-  
siliat ali in re ne ijs quidem tuta sunt , qui dant : sed  
possim id negligere proficiens : frustra uero quid  
ingrediar ? matris consilio cum utatur , uel etiam  
precibus , quid me interponam ? sed tamen cogi-  
tabo , quo genere utar litterarum : nam silere  
non possum . statim igitur mittam uel Antium ,  
uel Circaeos . Vale .

CICERO S. D. ATTICO. II

ANTIVM ueni ante VI . kal. Bruto in-  
cundus noster aduentus . deinde , multis audienti-  
bus , Seruilia , Tertulla , Porcia , quærere , quid  
placeret . aderat etiam Fanonius . ego , quod eram  
meditatus in uia , suadere , ut uteretur Asiatica cu-  
ratione frumenti ; nihil esse iam reliqui , quod agere-

NN

mus ,



## LIB. XV. EPIST.

mus, nisi ut saluos esse; in eo etiam ipsi reip. esse  
 praesidium. quam orationem cum ingressus essem,  
 Cassius interuenit. ego eadem illa repetui. hoc lo-  
 co, fortibus sane oculis, Cassius, ( Martem spira-  
 re dices ) se in Siciliam non iturum. ego ne ut be-  
 neficium accepisse in contumelia? quid ergo agis?  
 inquam. at ille, in Achaiam se iturum. quid tu, in-  
 quam, Brute? Romam, inquit, si tibi uidetur.  
 mihi uero minime: tuto enim non eris. quid, si  
 possem esse? placeret ne? atque ut omnino neque  
 nunc, neque ex praetura in prouinciam ires: sed  
 auctor non sum, ut te urbi committas. dicebam ea,  
 quae tibi profecto in mentem ueniunt, cur non esset  
 tuto futurus. multo inde sermone querebantur, at-  
 que id quidem Cassius maxime, amissas occasiones;  
 Decimumq. grauiter accusabat. ea negabam opor-  
 tere praeterita: assentiabar tamen. cumq. ingressus  
 essem dicere, quid oportuisset, nec uero quidquam  
 noui, sed ea, quae quotidie omnes; nec tamen illum  
 locum attingere, quemquam praeterea oportuisse  
 tangi, sed senatum uocari, populum ardentem stu-  
 dio uehementius incitari, totam suscipere remp.  
 exclamat tua familiaris: Hoc uero neminem umquam  
 audiui. ego repressi. sed & Cassius mihi uidebatur  
 iturus; ( etenim Seruilia pollicebatur se curatu-  
 ram, ut illa frumenti curatio de s. c. tolletur )  
 & noster cito deiectus est de illo inani sermone. uel  
 le enim se dixerat. constituit igitur, ut ludi, ab-  
 sente se, fierent suo nomine. proficisci autem mi-  
 hi



hi in Asiam uidebatur ab Antio uelle. ne multa,  
nihil me in illo itinere, præter conscientiam, dele-  
tavit. non enim fuit committendum, ut ille ex  
Italia prius, quam a me conuentus esset, disce-  
deret. hoc dempto munere amoris, atque officij,  
sequebatur, ut mecum ipse:

Ἡ δὲ ῥὸ δὲ σοι τὸ δυνάταται νῦν θεοπρότε?

prorsus dissolutum offendi nauigium, uel potius  
dissipatum. nihil consilio, nihil ratione, nihil ordi-  
ne. itaque etsi ne antea quidem dubitavi, tamen  
nunc eo minus, euolare hinc, idq. quāprimum, ubi  
Nec Pelopidarum facta, neque famam audiam.  
Sed heus tu, ne forte sis nescius, Dolabella me sibi  
legauit ad IV. non. Arp. id mihi heri uesperu nū-  
ciatum est. uotiuā ne tibi quidem placebat. etenim  
erat absurdum, quæ, si stetisset resp. uouissem, ea  
me, euersa illa, uota dissoluere. & habent, opi-  
nor, liberæ legationes definitum tempus lege Iulia,  
nec facile addi potest: idq. adco genus legationis,  
ut, cum uelis, introire, exire liceat. quod nunc  
mihi additum est. bella est autem huius iuris quin-  
quennij licentia. quamquam quid de quinquennio  
cogitem? contrahi mihi negotium uidetur. sed  
βλάσφημα mittamus. Vale.

CICERO S. D. ATTICO. 12

BENE mehercule de Buthroto. at ego Tiro-  
nem ad Dolabellam cum litteris, quia iusseras, mi-  
seram. quid nocet? De nostris autem Antiatis

NN 2 satis



satis uidebar plane scripsisse, ut non dubitares, essent quin otiosi futuri, usuriq. beneficio Antonij contumelioso. Cassius frumentariam rem aspernabatur. eam Seruilia sublaturam ex s. c. se esse dicebat. nos ter uero, καὶ μάλα σεμνῶς, in Asiam; postea quam mihi est assensus, tuto se Romæ esse non posse. ludos enim absens facere malebat. Statim autem se iturum, simul ac ludorum apparatus ijs, qui curaturi essent, tradidisset. nauigia colligebat: erat animus in cursu. interea in eisdem locis erant futuri. Brutus quidem se aiebat Asturæ. L. quidem Antonius liberaliter litteris sine cura me esse iubet. habeo unum beneficium: alterum forte, si in Tusculanum uenerit. o negotia non ferenda, quæ feruntur tamen, τὰν δ' αἰτίαν τῶν ἐρούτων τίς εἶχεν? Octauiano, ut perspexi, satis ingenij, satis animi: uidebaturq. erga nostros ἡρώας ita fore, ut nos uellemus, animatus. sed quid ætati credendum sit, quid nomini, quid hereditati, quid κατ' ἐχέσει, magni consilij est: uiricus quidem nihil censēbat; quem Asturæ uidimus. sed tamen alendus est, & ut nihil aliud, ab Antonio seiungendus. Marcellus præclare, si præcipit nostro nostri: cui quidem ille deditus mihi uidebatur: Pansæ autem, & Hirtio non nimis credebatur. bona indoles, εἰὰν διαμένῃ.

CICERO S. D. ATTICO. 13

VIII. kal. duas a te accepi epistolas: respondebo igitur priori prius, Assentior tibi, ut nec duces



ces simus, nec agmen cogamus, faciamus tamen.  
Oraticam tibi misi. eius custodiendæ, & profe-  
rendæ arbitrium tuum. sed quando illum diem, cum  
tu edendam putes? Inducias, quas scribis, non in-  
telligo fieri posse. melior est ἀναντιφωνσία: qua  
me usurum arbitror. Quod scribis, legiones duas  
Brundisium uenisse: uos omnia prius: scribes igitur,  
quidquid audieris. Varronis διάλογον exspe-  
cto. Iam probo ἡρακλείδιον, præsertim cum tu  
tantopere delectere. sed, quale uis, uelim scire.  
Quod ad te antea, atque adeo prius scripsi, (sic  
enim mauis ad scribendum tibi uere dicere) fe-  
cisti me acriorem. ad tuum iudicium, quod mihi  
erat notum, addidisti Peducei auctoritatem, ma-  
gnam quidem apud me, & in primis grauem.  
enitar igitur, ne desideres aut industriam meam,  
aut diligentiam. Vetenum, ut scribis, & Fa-  
berium foueo. Clodium nihil arbitror malitiose.  
quamquam, si quid egerit de libertate retinenda,  
qua certe nihil est dulcius, tibi assentior. Ita ne  
Gallo? o hominem nequam. quid enim dicam  
aliud? cautum Marcellum, me sic, sed non ta-  
men cautissimum. Longiori epistolæ, superiori-  
q. respondi. nunc breuiori, propiori-  
q. quid responde-  
am, nisi eam fuisse dulcissimam? Res Hispanienses  
ualde bonæ. modo Balbium incolumem uideam,  
subsidium nostræ senectutis. De Anniano item,  
quod me ualde obseruat Visellia. sed hæc quidem  
humana. De Bruto te nihil scire dicis: sed Selicia,

NN 3

uenisse



## LIB. XV. EPIST.

uenisse M. Scaptium, eumque non qua pompa, ad se  
 tamen clam uenturum, sciturumque me omnia. quæ  
 ego statim. interea narrat eadem, Bassi seruum ue-  
 nisse, qui nunciaret, legiones Alexandrinas in ar-  
 mis esse, Bassum arcessi, Cassium expectari. quid  
 queris? uidetur resp. ius suum recuperatura. sed  
 ne quid ante. nosti horum exercitationem in latro-  
 cinio, & amentiam. Dolabella, uir optimus, etsi  
 cum scribebam, secunda mensa apposita, uenisse  
 eum ad Baias audiebam, tamen ad me ex Formia-  
 no scripsit, quas litteras, cum e balneo exissem,  
 accepi, sese de attributione omnia summa fecisse.  
 Vetenum accusat. tricatur scilicet, ut homo talis.  
 sed ait totum negotium Sextium nostrum suscepisse,  
 optimum quidem illum uirum, nostrique amantissi-  
 mum: quæro autem, quid tandem Sextius in hac re  
 facere possit, quod non quinis nostrum? sed, si quid  
 præter spem erit, facies ut sciam. sin est, ut arbi-  
 tror, negotium perditum; scribes tamen, neque ista  
 res commouebit. Nos hic φιλοσοφούμεθα, (quid e-  
 nim aliud?) & τὰ περὶ τοῦ καθήκοντος magnifice  
 explicamus, προσφωνοῦμενque Ciceroni. qua de re e-  
 nim potius pater filio? deinde alia. quid queris?  
 extabit opera peregrinationis huius. Varronem ho-  
 die, aut cras uenturum putabant. ego autem in  
 Pompeianum properabam; non quo hoc loco quid-  
 quam pulchrius; sed interpellatores illic minus mo-  
 lesti. sed perscribe quæso, quæ causa sit Myrtillo:  
 (pœnas quidem illum pependisse audiui) & satis ne  
 pa-



patet, unde corruptus. Hæc cum scriberem, tantum quod existimabam ad te orationem esse perlatam. hui quam timeo, quid existimes. etsi quid ad me? quæ non sit foras proditura, nisi rep. recuperata: de quo quid sperem, non audeo scribere. Vale.

CICERO S. D. ATTICO. 14

VI. KAL. accepi a Dolabella litteras, quarum exemplum tibi misi: in quibus erat, omnia se fecisse, quæ tu uelles. statim ei rescripsi, & multis uerbis gratias egi: sed tamen, ne miraretur, cur idem iterum facerem, hoc causæ sumpsi, quod ex te ipso coram antea nihil potuissem cognoscere. sed quid multa? litteras hoc exemplo dedi. Cicero S. D. Dolabellæ cos. suo. Antea cum per litteras Attici nostri de tua summa liberalitate, summoq. erga se beneficio certior factus essem; cumq. tu ipse etiam ad me scripsisses, te fecisse ea, quæ nos uoluissimus: egi tibi gratias per litteras ijs uerbis, ut intelligeres, nihil te mihi gratius facere potuisse. postea uero quam ipse Atticus ad me uenit in Tusculanum huius unius rei causæ, tibi ut apud me gratias ageret, cuius eximiam quandam, & admirabilem in causæ Buthrotia uoluntatem, & singularem erga se amorem perspexisset: teneri non potui, quin tibi apertius illud idem his litteris declararem. ex omnibus, enim mi Dolabella, studiis in me, & officiis, quæ summa sunt, hoc, scito mihi & amplissimum uideri, & gratissimum esse, quod perfeceris,

NN 4 ut



ut Atticus intelligeret, quantum ego te, quam tu me amares. quod reliquum est, Buthrotiam & caussam, & ciuitatem, quamquam a te constituta est, (beneficia autem nostra tueri solemus) tamen uelim, receptam in fidem tuam, a meq. etiam tibi commendatam, auctoritate, & auxilio tuo tectam uelis esse. satis erit in perpetuum Buthrotijs praesidij; magnaq. cura, & sollicitudine Atticum, & me liberaris; si hoc honoris mei causa susceperis, ut eos semper a te defensos uelis. quod ut facias, te uehementer etiam atque etiam rogo. Hs litteris scriptis, me ad σαυλάγης dedi: quæ quidem, uereor, ne miniata cæcula tua pluribus locis notandæ sint: ita sum μετέωρος, & magnis cogitationibus impeditus.

CICERO S. D. ATTICO. 15

L. ANTONIO male sit, siquidem Buthrotijs molestus est. Ego testimonium composui: quod, cum uoles, obsignabo. Tu nummos Arpinatum, si L. Fadius edilis petet, uel omnes reddito. ego ad te alia epistola scripsi de HS C X, quæ Statio curarentur. si ergo petet Fadius, ei uolo reddi; præter Fadium, nemini. apud me item puto depositum. id scripsi ad Erotem, ut redderet. Reginam odi. me iure facere scit. sponsor promissorum eius Ammonius: quæ quidē erant φιλόλογα, et dignitatis meæ, ut uel in concione dicere auderem. Saram autem præterquam quod nefarium hominem cognoui, præterea



terea in me contumacem. semel eum omnino domi  
mea uidi. cum φιλόφρονος ex eo quærerem, quid  
opus esset; Atticum se dixit quære. superbiam  
autem ipsius reginæ, cum esset trans Tiberim in hor  
tis, commemorare sine magno dolore non possum.  
nihil igitur cum istis: nec tam animum me, quam  
stomachum, non habere arbitrantur. Profectionem  
meam, ut uideo, Erotis dispensatio impedit. nam  
cum ex reliquis, quæ nonis Apr. fecit, abundare  
debeā; cogor mutuari; quodq. ex istis fructuosus re-  
bus receptum est, id ego ad illud fanum sepositum  
putabam. sed hæc Tironi mandaui, quem ob eam  
causam Romam misi. te nolui impeditum impedi-  
re. Cicero noster quo modestior est, eo me magis  
commouet. ad me enim de hac re nihil scripsit, ad  
quem nimirum potissimum debuit. scripsit hoc au-  
tem ad Tironem, sibi post kal. Apr. (sic enim an-  
nuum tempus confici) nihil datum esse; tibi pro tua  
natura semper placuisse, teq. existimasse id etiam  
ad dignitatem meam pertinere, cum non modo libe-  
raliter a nobis, sed etiam ornate, cumulateq. tra-  
ctari. quare uelim cures, (nec tibi essem molestus,  
si per alium hoc agere possem) ut permutetur  
Athenas, quod sit in annum sumptum. &  
scilicet Eros numerabit. eius rei causa Tironem  
misi. curabis igitur, & ad me, si quid tibi de eo ui-  
debitur, scribes.

CICERO



CICERO S. D. ATTICO. 16

TANDEM a Cicerone tabellarius: et mehercule litteræ πετινωμένως scriptæ: quod ipsum προκοπήν aliquam significaret. itemq. ceteri præclara scribunt. Leonidas tamen retinet suum illud ADHVC. summis uero laudibus Herodes. quid quæris? uel uerba mihi dari facile patior in hoc, meq. libenter præbeo credulum. Tu uelim, si quid tibi est a tuis scriptum, quod pertineat ad me, certiore me facias.

NARRO tibi: hæc loca uenusta sunt, abdita certe, & si quid scribere uelis, ab arbitris libera: sed nescio quo modo οἶκος φίλος: itaque me referunt pedes in Tusculanum: et tamen hæc προτογραφή ripulæ uidetur habitura celerem satietatem. equidem etiam pluuias metuo, si prognostica nostra uera sunt: ranæ enim πνιτορδούσιν. Tu, quæso, fac sciam, ubi Brutum nostrum, & quo die uidere possim. Vale.

CICERO S. D. ATTICO. 17

DVÆS accepi postridie idus, alteram eo die datam, alteram idibus. prius igitur superiori. De Bruto, cum scies. De consulum ficto timore cognoueram. Sica enim θίλοςόργως ille quidem, sed tumultuosius ad me etiam illam suspicionem pertulit. Quid tu autem, τὰ μὲν διδόμενα? nullum enim uerbum a Sicegio. non placet. De Platorio uicino tuo, permoleste tuli, quemquam prius audisse, quam me  
De



De Syro prudenter. L. Antonium per Marcum fratrem, ut arbitror, facillime deterrebis auctoritate, uel ui. sed nō dum acceperas litteras. nec cuiquam, nisi L. Fadio edili. aliter enim nec ante, nec iure fieri potest. Quod scribis tibi deesse HS C, quæ Ciceroni curata sint: uelim ab Erote quæras, ubi merces insularum. Arabioni de Sito nihil irascor. ego de itinere, nisi explicato A, nihil cogito. quod idem tibi uideri puto. Habes ad superiorem: nunc audi ad alteram. Tu uero facis, ut omnia, quod Seruiliæ non dees, id est Bruto. De Regina gaudeo te non laborare, certe etiam tibi probari. Erotis rationes & ex Tirone cognoui, & uocaui ipsum. Gratissimum, quod polliceris, Ciceroni nihil defuturum: de quo mirabilia Messalla; qui, Lanuuius rediens ab illis, uenit ad me. & mehercule ipsius litteræ sic et οἰκόςφωρος, & πινὼς scriptæ, ut eas uel in acroasi audeam legere. quod magis illi indulgendum puto. De Buciliano Sextium puto non moleste ferre. Ego, si Tiro ad me, cogito in Tusculanum. Tu uero, quidquid erit, quod me scire par sit, statim. Vale.

CICERO S. D. ATTICO. 18

XVII. kal. etsi satis uidebar scripsisse ad te, quid mihi opus sit, & quid te facere uellem, si tibi commodum esset: tamen, cum profectus essem, & in lacu nauigare, Tironem statui ad te esse mittendum, ut is negotijs, quæ agerentur, interesset. atque etiam scripsi ad Dolabellam, me si ei uideretur



## LIB. XV. EPIST.

retur, uelle proficisci: petijq. ab eo de mulis uecturae itineris. ut in eis, cum intellige te dissentissimum esse qua de Buthrotijs, qua de Bruto, cuius etiam ludorum suorum curam, etiam administrationem suspicor ex magna parte ad te pertinere: ut ergo in eiusmodi re, tribues nobis paullum operæ: nec enim multum opus est. mihi res ad eadem, & eam quidem propinquam, spectare uidetur. uides homines: uides arma. prorsus non mihi uideor esse tutus. si tu aliter sentis, uelim ad me scribas. domi enim manere si recte possum, multo malo. Vale.

CICERO S. D. ATTICO. 19

QVIDNAM est, quod audendum amplius de Buthrotijs? Stetisse enim te frustra scribis. quid autem se refert Brutus? doleo mehercule te tam esse detentum. Quod decem hominibus referendum est acceptum, est illud quidem ἐπὶ ᾧ δὲ sed ἀνέχων, mihiq. gratissimum. De armis, nihil uidi apertius. fugiamus igitur, & ut ais, coram. Theophanes quid uelit, nescio. scripserat enim ad me. cui rescripsi, ut potui. mihi autem scripsit, uenire ad me se uelle, ut & de suis rebus, & quædam, quæ ad me pertinerent. tuas litteras exspecto, uide quæ so, ne quid temere fiat. Staius scripsit ad me, locutum secum esse Q. Ciceronem ualde asseueranter, se hæc ferre non posse, certum sibi esse ad Brutum, & Cassium transire. hoc enim uero nunc discere aueo. hoc ego, quid sit, interpretari non possum.



sum. potest aliquid iratus Antonio: potest gloriam nouam quærere: potest totum esse *quædã* qua: & nimirum ita est. sed tamen & ego uereor, & pater conturbatus est: scit enim, quæ ille de hoc. mecum quidem *quædã* nolum. plane, quid uelit, nescio. A Dolabella mandata habebo, quæ mihi uidebuntur, id est nihil. Dic mihi, C. Antonius uoluit ne fieri septemuir? fuit certe dignus. De Menedemo est, ut scribis. facies omnia mihi nota. Vale.

CICERO S. D. ATTICO. 20

19  
E GI gratias Veſtino. nihil enim potuit humanius. Dolabellæ mandata sint qualibet, modo aliquid, uel quod Niciæ nunciem. quis enim hæc, ut scribis anteno? nunc dubitare quemquam prudenter, quin meus discessus desperationis sit, non legationis? Quod ais, extrema quædam iam homines de rep. loqui, & eos quidem uiros bonos: ego quo die audiui illum tyrannum in concicne clarissimum uirum appellari, subdiffidere cæpi: postea uero quam tecum Lanuij uidi nostros tantum spei habere ad uiuendum, quantum accepiſſent ab Antonio, desperaui. itaque, mi Attice, fortiter hoc uelim accipias, ut ego scribo. genus illud interitus, quo casurus est, fœdum duces, & quasi denuncia-  
tum nobis ab Antonio. ex hac nassa exire constitui, non ad fugam, sed ad spem mortis melioris. hæc omnis culpa Bruti. Pompeium Cartheiæ receptum scribis. iam igitur contra hunc exercitum. utra ergo  
ca-



## LIB. XV. EPIST.

castra? media enim tollit Antonius. illa infirma, hæc nefaria. properemus igitur. sed iuua me consilio, Brundisio ne, an Puteolis. Brutus quidem subito: sed sapienter. *πάχῳ*: quando enim illum? sed humana ferenda. tu ipse eum uidere non potes. dii illi mortuo, qui umquam Buthrotum. sed acta missa. uideamus, quæ agenda sint. Rationes Erotis, etsi ipsum non dum uidi, tamen & ex litteris eius, & ex eo, quod Tiro cognouit, propemodum cognitæ habeo. uersuram scribis esse faciendam mensium quinque, id est ad kal. Nou. HS CC: in eam diem cadere nummos, qui a Quinto debentur. uelim igitur, quoniam Tiro negat tibi placere, me eius rei causa Romam uenire; si te ea res nihil offendet, uideas, unde nummi sint, mihi feras expensum. hoc uideo in præsentia opus esse. reliqua diligentius ex hoc ipso exquiram, in his, de mercedibus dotalium prædiorum: quæ si fideliter Ciceroni curabuntur, quamquam uolo laxius, tamen ei propemodum nihil deerit. equidem uideo mihi quoque opus esse uaticum: sed id ex prædijs, ut cadet, ita soluetur. mihi autem opus est uniuerso quidem: etsi mihi uidetur iste, qui umbras timet, ad cædem spectare: tamen, nisi explicata solutione, non sum discessurus. sit ne autem excitata, nec ne, tecum cognoscam. Hanc putavi mea manu scribendam: itaque feci. De Fadio, ut scribis: utique alij nemini. rescribas uelim hodie. Vale.

CICERO



CICERO S. D. ATTICO. 21

NARRO tibi: Quinctus pater exultat letitia: scripsit enim filius, se iccirco profugere ad Brutum uoluisse, quod, cum sibi negotium daret Antonius, ut eum dictatorem efficeret, praesidium occuparet, id recusasset: recusasse autem se, ne patris animum offenderet: ex eo sibi illum hostem. tum me, inquit, collegi, uerens, ne quid mihi ille iratus tibi noceret: itaque eum placavi. & quidē ccc c certa, reliqua in spe. scribit autem Statius, illum cum patre habitare uelle. hoc uero mirum: & id gaudet. quem tu illo certio rem nebulonem? Ε' ποχὺν uestram de re Canij deliberationis probo. nihil erā suspicatus de tabulis: ἀνεπαίως restitutam arbitrabar. Quae differs, ut mecum coram: expectabo. Tabellarios, quoad uoles, tenebis: es enim occupatus. Quod Xenonem, probe. Quod scribo, cum absoluero. Quincto scripsisti, te ad eum litteras. nemo attulerat. Tiro negat iam tibi placere Brundisium, & quidem dicere aliquid de militibus. at ego iam destinaram, Hydruntem quidem. mouebant me tuae quinque horae. hic autem quantus πλοῦς? sed uidebimus. Nullas a te x i. kal. quippe: quid enim iam noui? cum primum igitur poteris, uenies. ego propero, ne ante Sextus; quem aduentare aiunt. Vale.

CICERO



CICERO S. D. ATTICO. 22

GRATVLOR nobis *Quinctum* filium exiisse: molestus non erit. *Pansa* bene loqui credo: semper enim coniunctum esse cum *Hirtio* scio: amicissimum *Bruto*, & *Cassio* puto, si expediet: sed quando illos uidebit? inimicum *Antonio*: quando, aut cur? quousque ludemur? Ego autem scripsi *Sextum* aduentare, non quo iam adesset, sed quia certe id ageret, ab armisq. nullus discederet. certe, si pergit, bellum paratum est. hic autem noster *Cytherius*, nisi uictorem, neminem uicturum. quid ad hanc *Pansa*? utro erit, si bellum erit; quod uidetur fore? sed & hanc, & alia coram, hodie quidem, ut scribis, aut cras. Vale.

CICERO S. D. ATTICO. 23

MIRIFICE torqueor, sine dolore tamen: sed permulta mihi de nostro itinere in utramque partem occurrunt. quousque? inquires. quoad erit integrum: erit autem usque dum ad nauem. *Pansa* si rescripserit, & meam tibi, & illius epistolam mittam. *Silium* exspectabam: cui ὑπόμνημα compositum, si quid noui. Ego litteras misi ad *Brutum*: cuius de itinere etiam ex te uelim, si quid scies, cognoscere.

CICERO S. D. ATTICO. 24

TABELLARIUS, quem ad *Brutum* miseram, ex itinere redijt VII. kal. ei *Seruilia* dixit,  
eo



eo die Brutum Puteolis profectum. sane dolui meas redditas non esse. Silius ad me non uenerat. causam composui. eum libellum tibi misi. te quo die expectem, uelim scire.

CICERO S. D. ATTICO. 25

DE meo itinere uariae sententiae: multi enim ad me. sed tu incumbe quæso in eam curam. magna res est. an probas, si ad kal. Ian. cogitamus? meus animus est æquus, sicut tamen, ut si nihil offensionis sit. & tu etiam scribe, quo die Olympia cum mysteria scilicet, ut tu scires. casus consilium nostri itineris iudicabit. dubitemus igitur. hiberna enim nauigatio odiosa; eoq. ex te quæsieram mysteriorum diem. Brutum, ut scribis, uisum iri a me puto. ego hinc uolo prid. kal. Vale.

CICERO S. D. ATTICO. 26

DE Quincti negotio uideo a te omnia facta. ille tamen dolet, dubitans, utrum morem gerat Lepidæ, an idem infirmet Silio Mandibili. L. Pisonem uellem exire legatū. & δορυράφω S. C. uelim scire, quid sit. Tabellarius ille, quem tibi dixeram a me ad Brutum esse missum in Anagninum, ad me uenit ea nocte, quæ proxima ante kal. fuit, litterasq. ad me attulit: in quibus unum alienum summa sua prudentia, ut spectem ludos suos. rescripsi scilicet, primum me iam profectum, ut non integrum sit: dein, ἀποτόταλον esse, me, qui Romam omnino post

OO hæc



## LIB. XV. EPIST.

hac arma non accefferim, neque id tam periculi mei  
 causa fecerim, quam dignitatis, subito ad ludos ue-  
 nire. tali enim tempore ludos facere illi honestum  
 est, cui non necesse est spectare: mihi ut non est ne-  
 cesse, sic nec honestum est. equidem illos celebrari,  
 & esse quam gratissimos mirabiliter cupio: idq. ita  
 futurum esse confido: & tecum ago, ut iam ab ipsa  
 commissione ad me, quemadmodum accipiantur;  
 deinde omnino reliquorum dies singulos persequa-  
 re. sed de ludis haec tenus. Reliqua pars epistolae: il-  
 la namque in utranque. sed tamen non nullos inter-  
 dum iacit igniculos uiriles. quod quale uideretur,  
 ut posses interpretari, nisi ad te exemplum episto-  
 lae. quamquam mihi tabellarius noster dixerat, ti-  
 bi quoque se attulisse litteras a Bruto, easq. a Tu-  
 sculano esse delatas. Ego itinera sic composueram,  
 ut nonis Quinct. Puteolis essem. ualde enim festi-  
 no, ita tamen, ut, quantum homo possit, quam cau-  
 tissime nauigem. M. Aelium cura libera. ei sine  
 paucos specus in extremo fundo, & eos quidem sub  
 terraneos, seruitutis apud Thalnae quid habituros:  
 id me iam iam nolle, neque mihi quidquam esse tan-  
 ti, sed, ut mihi dicebas, quam lenissime, potius ut  
 cura liberetur, quam ut me succensere aliquid su-  
 spicetur. Item de illo Tulliano, cupide libero. cum  
 Caselio loquere parua res est: sed tu bene attendi-  
 sti. nimis callide agebatur. ego autem, si mihi impo-  
 suisset aliquid, quod pene fecit, nisi tua malitia af-  
 fuisset; animo iniquo tulissem. itaque, ut erit, rem  
 impe-



impediri malo. Octauam partem Tullij luminarium in ædium ad strane memineris . cui Cærellia uideris mancipio dare ad eam summam , quæ sub præcone fuit maxima . id opinor esse CCCCLXXX. Noui si quid erit , atque etiam si quid prospicies , quod futurum putes , scribas ad me quam sæpeissime uelim . Varroni , quemadmodum tibi mandauit , memineris excusare tarditatem litterarum mearum . Mundus istum . M. Ennius quid egerit de testamento , ( curiosus enim ) facias me uelim certiores . Ex Arpinati , VI. non . Vale .

CICERO S. D. ATTICO. 27

GAVDEO id te mihi suadere , quod ego mea sponte pridie feceram . nam cum ad te VI. non . darem , eidem tabellario dedi etiam ad Sextium , scriptas  $\pi\acute{\alpha}\nu\phi\iota\lambda\omicron\varsigma\omicron\pi\gamma\omega\varsigma$  . Ille autem , quod Puteolos prosequitur , humane : quod queritur , iniuste . non enim ego tam illum expectare , cum de Cossano rediret , debui , quam ille aut non ire ante , quam me uidisset , aut citius reuerti , sciebat etiam me celeriter uelle proficisci , seseq. ad me in Tusculanum scripserat esse uenturum . Te , ut a me discesseris , lacrymasse , moleste ferebam . quod si me presente fecisses , consilium totius itineris fortasse mutassem . sed illud præclare , quod te consolata est spes breui tempore congregiendi : quæ quidem expectatio me maxime sustentat . meæ tibi litteræ non deerunt . De Bruto , scribam ad te omnia . Librum tibi celeri-

OO 2 ter



## LIB. XV. EPIST.

ter mittam de gloria. excudam aliquid ἡρακλεί-  
διον, quod lateat in thesauris tuis. De Planco,  
memini. Attica iure queritur. Quod me de Bac-  
chi, de statuarum coronis certiores fecisti, ual-  
de gratum: nec quidquam posthac non modo tan-  
tum, sed ne tantulum quidem praterieris. Et de  
Herode, & Metio meminero, & de omnibus, quæ  
te uelle suspicor. Modo turpem sororis tuæ filium,  
cum hæc scriberem. aduentabat autem βουλῶται  
cenantibus uobis. Vale.

CICERO S. D. ATTICO. 28

EGO, ut ad te pridie scripseram, nonis consti-  
tueram uenire in Tusculanum. ibi igitur quotidie  
tuas litteras expectabo, & maxime de ludis; de  
quibus etiam ad Brutum tibi scribendum est. cuius  
epistolæ, quam interpretari ipse uix poteram, ex-  
emplum pridie tibi miseram. Atticæ meæ uelim  
me ita excuses, ut omnem culpam in te transferas,  
& ei tamen confirmes, me minime totum amorem  
eo mecum abstulisse.

CICERO S. D. ATTICO. 29

BRUTI ad te epistolam misi. dii boni, quanta  
ἀμύχαια cognosces, cum legeris. De celebratio-  
ne ludorum, tibi assentior. Ad M. Aelium nullus tu  
quidem domum, sed sicubi inciderit. De Tulliano  
semisse, M. Axianum adhibebis, ut scribis. Quod  
cum Cosiano egisti, optime. Quod non solum mea,  
uerum



uerum etiam tua expedis, gratum. Legationem  
probari meam, gaudeo. Quod promittis, dii fa-  
xint: quid enim mihi, meis, iucundius? sed istam  
quam tu excipis, metuo: Brutum cum conuenero,  
perscribam omnia. De Planco, & Decimo, sane  
uelim Sextum scutum abijcere. De Mundo, si quid  
scies. Rescripsi ad omnia. nunc nostra accipe. Quin-  
ctus filius Puteolos: mirus ciuis, ut tu Fauo-  
nium, Asinium dicas: & quidem duas ob causas,  
& ut mecum, & πείσασθαι uult cum Bruto, &  
Cassio. Sed tu quid ais? scio enim te familiarem es-  
se Othonum. ait hic sibi Iuliam ferre: constitutum  
enim esse dissidium. quasiuit ex me pater, qualis  
esset fama. dixi, nihil sane me audisse, (nesciebam  
enim cur quæreretur) nisi de ore, & patre. sed cur  
tu, inquam? at ille, filium uelle. tum ego, etsi ἐβ-  
δελυπόμην, tamen negaui. putauit illa esse uera.  
σκοπὸς hoc est enim huic nostro, nihil præbere. il-  
la autem οὐ παρὰ τοῦτο. ego tamen suspicor hunc,  
ut solet, alucinari. sed uelim quæras, (facile au-  
tem potes) & me certiozem. Obsecro te, quid est  
hoc? signata iam epistola, Formiani, qui apud me  
cenabant, Plancum se aiebant, hunc Buthrotium,  
pridie, quam hoc scribebam, id est III. nonarum,  
uidisse demissum, sine phaleris; seruulos autem di-  
cere, eum, & agripetas eiektos a Buthrotijs. ma-  
cte. sed amabo te, perscribe mihi totum nego-  
tium. Vale.



M. TVLLII CICERONIS  
EPISTOLARVM AD T.

POMPONIVM ATTICVM

LIBER XVI.

CICERO S. D. ATTICO.

N ONIS *Quinct.* ueni in Puteolanum,  
iens ad Brutum. in Neside hæc scripsi.  
sed eo die, quo ueneram, cenanti Eros  
tuas litteras. Ita ne ? nonis Iulij ? me-  
hercule istis. sed stomachari totum diem licet. quid-  
quam ne turpius, quam Bruto, Iulij ? redeo ad  
meum, igitur ἐλθωμεν. nihil uidi. Sed quid est quæ-  
so, quod agripetas Buthroti concisos audio ? quid  
autem Plancus tam cursim ( ita enim audiebam )  
diem, & noctem ? sane cupio scire, quid sit. Meam  
profectionem laudari gaudeo. Dymæos agro pul-  
sos, mare infestum habere, nil mirum. uidendum  
est, ut mansio laudetur. ἐν ὁμοπλοίᾳ Bruti uidetur  
aliquid præsidij esse : sed, opinor, minuta nauigia.  
sed iam sciam, & ad te cras. De Ventidio, πανικὸν  
puto. De Sexto, pro certo habebatur, ad arma.  
quod si uerum est ; sine bello civili uideo seruien-  
dum. quid ergo ? καλ. Ian. in Pansa spes. λῆρος πο-  
λὺς, in uino & in somno istorum. DE CCX, opti-  
me. Ciceronis rationes explicentur. Obius enim re-  
cessis multa, quæ uellem: in his ne hoc quidem ma-  
lum, in mandatis sat abunde: ΗΣ LXXII satis es-  
se,



se affatim prorsus, sed Xenonem perexigue, & ὑλίχως præbere, id est minutatim. quo plus permutaſti, quam ad fructum insularum, id ille annus habeat, in quem itineris sumptus accessit. hinc ex kal. Apr. ad HS LXX accommodetur. nunc enim insulæ tantum. uidendum enim est, quid, cum Romæ erit. non enim puto socrum illam ferendam. Pindaro decumano negaram. Nunc, cuius rei causa tabellarium miserim, accipe. Quinctus filius mihi pollicetur se Catonem. egit autem & pater, & filius, ut tibi sponderem, sed ita, ut tum crederes, cum ipse cognosſes. huic ego litteras ipsius arbitratu dabo: eæ te ne mouerint. has scripsi in eam partem, ne me motum putares. dii faxint, ut faciat ea, quæ promittit. commune enim gaudium: sed ego: nihil dico amplius. is hinc VII. idus. ait enim attributionem in idus, se autem urgeri acriter. tu ex meis litteris, quo modo respondeas, meditabere. Plura, cum & Brutum uidero, & Erotem remittam. Atticæ meæ excusationem accipio, eamq. amo plurimum: cui, & Piliæ salutem. Vale.

CICERO S. D. ATTICO. 2

VI. idus duas epistolâs accepi, unam a meo tabellario, alteram Bruti. De Buthrotijs longe alia fama in his locis fuerat: sed cum alijs multis hoc se rendum. Erotem remisi citius, quam constitueram ut esset cum Hortensio, et quia equitibus quidem ait se idibus constituisse. Hortensius uero impuden-

OO 4 ter.



ter, nihil enim debetur ei, nisi ex tertia pensione, quæ est kal. Sext. ex qua pensione ipsa maior pars est ei soluta aliquanto ante diem. sed hæc Eros uidebit idibus. De Publilio autem, quod perscribi oportet, moram non puto esse faciendam. sed cum uideas, quantum de iure nostro decesserimus; qui de residuis CCCC HS, CC presentia soluerimus, reliqua perscribamus; loqui cum eo, si tibi uidebitur, poteris, eum commodum nostrum expectare debere, cum tanta sit a nobis iactura facta iuris. Sed amabo te, mi Attice, (uides ne quam blâde?) omnia nostra, quoad eris Romæ, ita gerito, regito, gubernato, ut nihil a me expectes. quamquam enim reliqua satis apta sint ad soluendum; tamen fit sæpe, ut ij, qui debent, non respondeant ad tempus. si quid eiusmodi acciderit, ne quid tibi sit fama mea potius. non modo uersura, uerum etiam uenditione, si ita res coget, nos uindicabis. Bruto tuæ litteræ gratæ erant. fui enim apud illum multas hōras in Neside, cum paullo ante tuas litteras accepissem. delectari mihi Tereo uidebatur, & habere maiorem Attio, quam Antonio, gratiam. mihi autem quo lætiora sunt, eo plus stomachi, & molestiæ est, populum R. manus suas non in defendenda rep. sed in plaudendo consumere. mihi quidem uidentur istorum animi incendi etiam ad representandam improbitatem suam. sed tamen, dum modo doleant aliquid, doleant quidlibet, Consilium meum quod ais quotidie magis laudari; non



non moleste fero; expectabamque, si quid de eo ad me scriberes. ego enim in uarios sermones incidebam: quin etiam iccirco trahebam, ut quamdiutissime integrum esset. sed quoniam Euro uilla extrudimur, Brundisium cogito. facilior enim, & exploratior deuitatio legionum fore uidetur, quam piratarum, qui apparere dicuntur. Sextius VI. id. expectabatur, sed non uenerat quod sciam. Cassius cum classicula sua uenerat. ego, cum eum uidissem V. kalendas, in Pompeianum cogitabam, inde Aculanum. nostri reliqua. De Tutia ita putaram. De C. Metio non credo, nec tamen curo plus quam tu. Planco, & Oppio scripsi equidem, quoniam rogaras: sed, si tibi uidebitur, ne necesse habueris reddere. cum enim tua causa fecerint omnia; uereor, ne meas litteras superuacaneas arbitrentur. Oppio quidem utique: quem tibi amicissimum cognoui. uerum, ut uoles tu. Quoniam scribis hiematurum te in Epiro, feceris mihi gratum, si ante eo ueneris, quam mihi in Italiam te auctore ueniendum est. litteras ad me quamsepiissime, sed de rebus minus necessarijs aliquem nactus: sin autem erit quid maius, domo mittito. Ηρακλείδιον, si Brundisium salui, adoriemur. de Gloria misi tibi. custodies igitur, ut soles: sed notentur eclogarij. quos Saluius, bonos auditores nactus, in conuiuio dumtaxat legat. mihi ualde placent: mallem tibi. Etiam atque etiam uale.



CICERO S. D. ATTICO. 3

TV VERO sapienter . nunc demum enim re-  
 scribo ijs litteris , quas mihi misisti , conuento An-  
 tonio Tiburi . sapienter igitur , quod manus dedisti ,  
 quodq. etiam ultro gratias egisti . certe enim , ut  
 scribis , deferemur ocys a rep . quam a re familia-  
 ri . quod uero scribis te magis delectari , O TITE ,  
 SI QUID EGO : addis mihi scribendi alacrita-  
 tem . Quod Erotem non sine munusculo expecta-  
 re dicis ; gaudeo non fefellisse eam rem opinionem  
 tuam . sed tamen idem οὐτάγῃα nisi ad te retra-  
 ctatius , & quidem ἀρχέτοπον ipsum , crebris locis  
 inculcatum , & refectum . hunc tu translatum in ma-  
 crocolum lege arcano conuiuiis tuis , sed , si me amas ,  
 hilaris , & bene acceptis ; ne in me stomachum erū-  
 pant , cum sint tibi irati . De Cicerone , uelim ita  
 sit , ut audiuius . De Xenone , coram cognoscam :  
 quamquam nihil ab eo arbitror neque indiligenter ,  
 neque illiberaliter . De Herode , faciam , ut man-  
 das , & ea , quæ scribis , ex Saufeio , & e Xenone  
 cognoscam . De Quinto filio , gaudeo tibi meas lit-  
 teras prius a tabellario meo , quam ab ipso , red-  
 das . quamquam te nihil fefellisset . uerūtamen . sed  
 expecto , quid ille tecum , quid tu uicissim : nec du-  
 bito , quin suo more uterque . sed eas litteras Cu-  
 rium mihi spero redditurum : qui quidem etsi per se  
 est amabilis , a meq. diligitur ; tamen accedet ma-  
 gnus cumulus commendationis tuæ . Litteris tuis  
 satis



satis responsum est. nunc audi, quod, etsi intelligo scribi necesse non esse, scribo tamen. Multa me mouent in discessu, in primis mehercule, quod disiungor a te. mouet etiam nauigationis labor, alienus non ab ætate solum nostra, uerum etiam a dignitate; tempusq. discessus subabsurdum. relinquimus enim pacem, ut ad bellum reuertamur; quodq. temporis in prædiolis nostris, & belle ædificatis, & satis amœnis, consumi potuit, in peregrinatione consumimus. Consolantur hæc, aut proderimus aliquid Ciceroni: aut, quantum profici possit, iudicabimus. deinde tu iam, ut spero, & ut promittis, aderis. quod quidem si acciderit, omnia nobis erunt meliora. Maxime autem me angit ratio reliquorum meorum. quæ quamquam explicata sunt; tamen, quod & Dolabellæ nomen in iis est, & attributio est mihi nominum ignota, conturbor, nec ulla res magis angit ex omnibus. itaque non mihi uideor errasse, quod ad Balbum scripsi apertius, ut, si quid tale accidisset, ut non concurrerent nomina, subueniret; meq. tibi etiam mandasse, ut, si quid eiusmodi accidisset, cum eo communicares. quod facies, si tibi uidebitur, eoq. magis, si proficisceris in Epirum. Hæc ego conscendēs e Pompeiano tribus actuariolis decemscalmis. Brutus erat in Neside etiam nunc, Neapoli Cassius. Ecquid amas Deiotarum, & non amas Eram? qui, ut Blesamius uenit ad me, cum ei præscriptum esset, ne quid sine Sextij nostri sententia ageret, ne-  
que



que ad illum, neque ad quemquam nostrum retulit. Atticum nostrum cupio suauari: ita mihi dulcis salus uisa est, per te missa ab illa. referes igitur ei plurimam, itemq. Piliæ dicas uelim. Vale.

CICERO S. D. ATTICO. 4

ITA ut heritibi narraui, uel fortasse hodie, (Quinctus enim altero die se aiebat) in Nesida VII. idus. ibi Brutus. quam ille doluit de nonis Iulijs. mirifice est conturbatus. itaque sese scripturum aiebat, ut uenationem etiam, quæ postridie ludos Apollinares futura est, proscriberent, III. idus Quinct. Libo interuenit. is Philonem, Pompeij libertum, & Hilarum suum uenisse a Sexto cum litteris ad consules, siue quo alio nomine sunt. earum exemplum nobis legit, si quid uideretur. pauca παρὰ λέξις: ceteroqui & satis grauitè, & non contumaciter. tantum addi placuit, quod erat, COS. solum, ut esset, PRAET. TRIB. PL. SENATVI; ne illi non proferrent eas, quæ ad ipsos missæ essent. Sextum autem nunciauit cum una solum legione fuisse Carthagine, eiq. eo ipso die, quo opidum Boream cepisset, nunciatum esse de Cæsare: capto opido, miram letitiam, commutationemq. animorum, concursumq. undique, sed illum ad sex legiones, quas in ulteriore reliquisset, reuertisse. ad ipsum autem Libonem scripsit, nihil esse, nisi ad larem suum liceret. summa postulatum, ut omnes exercitus dimittantur, qui ubique sint. Hæc fere de Sexto. De Buthrotijs undique quærens



rens nihil reperiēbam. alij, concisos agripetas :  
alij, Plancum, acceptis nummis, relictis illis, au-  
fugisse. itaque non uideo sciturum me, quid eius  
sit, ni statim aliquid litterarum. Iter illud Brun-  
disium, de quo dubitabam, sublatum uidetur. le-  
giones enim aduentare dicuntur: hæc autem navi-  
gatio habet quasdam suspiciones periculi: itaque  
constituebam uti ὁμοπλοία. paratiorem offendi Bru-  
tum, quam audiebam. nam & ipse Domitius bo-  
na plane habet dicota, suntq. nauigia præterea lu-  
culenta Sextij, Buciliani, ceterorum. nam Cas-  
sij classē, quæ plane bella est, non numero, ul-  
tra Fretum. illud est mihi submolestum, quod pa-  
rum Brutus properare uidetur. primum confecto-  
rum ludorum nuncios expectat, deinde, quantum  
intelligo, tarde est nauigaturus. consistens in locis  
pluribus. tamen arbitror esse commodius tarde na-  
uigare, quam omnino non nauigare. etsi, cum pro-  
cesserimus, exploratiora uidebuntur, & testis ute-  
mur. Tuas iam litteras Brutus expectabat: cui qui-  
dem ego non nouum attuleram de Tereo Attij. ille  
Brutum putabat. sed tamen rumoris nescio quid af-  
flauerat, commissione Græcorum, frequentiam non  
fuisse: quæ quidem me minime fefellit: scis enim,  
quid ego de Græcis ludis existimem. nunc audi quod  
pluris est, quam omnia. Quinctus fuit mecum dies  
complures, & si ego cuperem, ille uel plures fuif-  
set: sed, quantum fuit, incredibile est, quam me in  
omni genere delectarit, in eoq. maxime, in quo mi-  
nime



## LIB. XVI. EPIST.

nime satisfaciebat. sic enim commutatus est totus  
 & scriptis meis quibusdam, quæ in manibus habe-  
 bam, & assiduitate orationis, & præceptis, ut tali  
 animo in remp. qualis nos uolumus, futurus sit. hoc  
 cum mihi non modo confirmasset, sed etiam persua-  
 sisset; egit mecum accurate multis uerbis, tibi ut  
 sponderem, se dignum & te, & nobis futurum;  
 neque se postulare, ut statim crederes, sed, cum ip-  
 se perspexisset, tum ut se amares. quod nisi fidem mi-  
 hi fecisset, indicassemq. hoc, quod dico, firmum fo-  
 re; non fecissem id, quod dicturus sum. duxi enim  
 mecum adolescentem ad Brutum. sic ei probatum  
 est, quod ad te scribo, ut ipse crediderit, me sponso-  
 rem accipere noluerit, eumq. laudans amicissime  
 mentionem tui fecerit, complexus, osculatusq.  
 dimiserit. quamobrem etsi magis est, quod gratul-  
 ler tibi, quam quod te rogem; tamen etiam rogo,  
 ut, si quæ minus antea propter infirmitatem æta-  
 tis constanter ab eo fieri uidebantur, ea iudices  
 illum abiecisse; mihiq. credas, multum allatu-  
 rum uel plurimum potius, ad illius iudicium con-  
 firmandum, auctoritatem tuam. Bruto cum sæ-  
 pe iniecissem de ὁμοπλαίᾳ, non perinde, atque  
 ego putaram, arripere uisus est. existimabam  
 μετεωρότερον esse: & hercule erat, & maxime de  
 ludis. at mihi, cum ad uillam redissem, Cn. Luc-  
 ceius, qui multum utitur Bruto, narrauit, illum  
 ualde morari, non tergiuersantem, sed expectan-  
 tem, si qui forte casus. itaque dubito, an Venu-  
 siam



siam tendam, & ibi expectem de legionibus: si aberunt, ut quidam arbitrantur, Hydruntem: si neutrum erit ἀσφαλές, eodem reuertar. iocari me putas? moriar, si quisquam me tenet præter te: etenim circumspice: sed ante erubesco. O dies in auspicijs Lepidi descriptos, & aptos ad consilium reditus nostri. magna ποῖν ad proficiscendum tuis litteris. atque utinam te illic. sed ut conducere putabis. Nepotis epistolam expecto. cupidus ille meorum? qui ea, quibus maxime γαυριῶ, legenda non putet. & ais μετ' ἀμύμονα: tu uero ἀμύμων: ille quidem ἀμβρωτος. Mearum epistolarum nulla est σωαγωγή. sed habet Tiro instar septuaginta. & quidem sunt a te quædam sumendæ. eas ego, oportet, perspiciam, corrigam. tum denique edentur.

CICERO S. D. ATTICO. 5

E GO adhuc (perueni enim Vibonem ad Sicam) magis commode, quam strenue nauigavi: remis enim magnam partem: prodromi nulli. illud satis oportune. duo sinus fuerunt, quos transmitti oportet, Pæstanus, & Vibonensis: utrumque pedibus equis transmisimus: ueni igitur ad Sicam, octauo die e Pompeiano; cum unum diem Velicæ constitissem: ubi quidem fui sane libenter apud Thalnam nostrum: nec potui accipi, illo absente præsertim, liberalius. IX. kal. igitur ad Sicam. ibi tamquam domi meæ scilicet: itaque obduxi posterum diem. sed putabam, cum Rhegium uenissem, fore, ut illic,



## LIB. XVI. EPIST.

*lic, δολιχὸν πλὸν ὁρμαίνοντες, cogitaremus, corbi-*  
*tane Patras, an actuariolis ad Leucopetram Ta-*  
*rentinorum, ast inde Corcyram: & si oneraria,*  
*statim ne Freto, an Syracusis. hac super re scribam*  
*ad te Rhegio. Mehercule, mi Attice, saepe mecum,*  
*ἢ δ' εὖ ὅδός σοι τὶ δυνάται; cur ego tecum non sum?*  
*cur, ocellos Italiae, uillulas meas non uideo? sed id*  
*satis, superque, tecum me non esse, fugientem pe-*  
*riculum. nec id nunc quidem, nisi fallor, ullum est.*  
*ad ipsum enim reuocat me auctoritas tua. scribis*  
*enim, in caelum ferri profectiōem meam, sed ita,*  
*si ante kal. Ian. redeam: quod quidem certe eni-*  
*tar: malo enim uel cum timore domi esse, quam si-*  
*netimore Athenis tuis. sed tamen prospice, quo*  
*ista uergant, mihiq. aut scribe, aut, quod multo*  
*malim, affer ipse. hac haecenus. Illud uelim in bo-*  
*nam partem accipias, me agere tecum, quod tibi*  
*maiori curae sciam esse, quam ipsi mihi. nomina*  
*mea, per deos, expedi, exsolue: bella reliqui. sed*  
*opus est diligentia, coheredibus pro Cluuiano kal.*  
*Sext. persolutum ut sit. cum Publilio quomodo a-*  
*gendum sit, uidebis. non debet urgere, quoniam*  
*iure non utimur: sed tamen ei quoque satisfieri pla-*  
*ne uolo. Terentiae uero quid ego dicam? etiam an-*  
*te diem, si potes. quin, si, ut spero, celeriter in Epi-*  
*rum; hoc, quod satis dato debeo, peto a te, ut ante*  
*prouideas, planeq. expedias, et solutum relinquas.*  
*sed de his satis; metuoque, ne tu nimium putes.*  
*nunc negligentiam meam cognosce. De Gloria li-*  
*brum*



brum ad te misi: & in eo proœmium, idest, quod in Academico tertio. id euenit ob eam rem, quod habeo uolumen proœmiorum. ex eo eligere soleo, cum aliquid *σύγγραμμα* institui. itaque iam in Tusculano, qui non meminisssem meo abusum isto proœmio, conieci id in eum librum, quem tibi misi. cum autem in naui legerem Academicos, agnoui erratum meum: itaque statim nouum proœmium exaravi, & tibi misi. tu illud defecabis, & hoc agglutinabis. *Piliæ* salutem dices, & *Atticæ*, delicis, atque amoribus meis. Vale.

CICERO S. D. ATTICO. 6

VIII. id. Sext. cum a Leucopetra profectus, (inde enim trans mittebam) stadia circiter CCC. processissem, reiectus sum Austro uebementi ad eandem Leucopetram. ibi cum uentum expectarem, (erat enim uilla *Valerij* nostri, ut familiariter essem, & libenter) *Rhegini* quidam, illustres homines, eo uenerunt, Roma sane recentes, in ijs *Bruti* nostri hospes, qui *Brutum* Neapoli reliquisset. hæc afferebant, edictum *Bruti*, & *Cassii*, & fore frequentem senatum kalendis: a *Bruto*, & *Cassio* litteras missas ad consulares, et pratorios; ut adessent, rogare. summam spem nunciabant, fore, ut *Antonius* cederet, res conueniret, nostri Romam redirent. Addebant etiam, me desiderari, subac cusari. quæ cum audissem, sine ulla dubitatione abieci consilium profectionis; quo mehercule ne an-

P P tea



## LIB. XVI. EPIST.

ea quidem delectabar . lectis uero tuis litteris , ad-  
 miratus equidem sum , te tam uehementer senten-  
 tiam commutasse ; sed , non sine causa , arbitrabar .  
 etsi quamuis non fueris : suasor , & impulsor pro-  
 fectionis meae , approbator certe fuisti , dummodo  
 kal . Ian . Romae essem . ita fiebat , ut , dum minus  
 periculi uideretur , abessem , in flammam ipsam ue-  
 nirem . sed haec , etiam si non prudenter , tamen  
 ἀνεμείνητα sunt ; primum , quod de mea sententia  
 acta sunt ; deinde , etiam si te auctore quid debet ,  
 qui consilium dat , praestare praeter fidem ? Illud  
 admirari satis non potui , quod scripsisti his uerbis :  
 Bene igitur tu , qui ἑταίρειαν , bene relin-  
 quis patriam ? An ego relinquebam ? aut tibi tū  
 relinquere uidebar , tu id non modo non prohibebas ,  
 uerum etiam approbabas ? grauiora , quae restant .  
 Velim χολίον aliquod elimes ad me , opor-  
 tuisse te istuc facere . Ita ne , mi Attice , defen-  
 sione eget meum factum , praesertim apud te , qui id  
 mirabiliter approbasti ? ego uero istum ἀπολογισμὸν  
 σωτὰ ἔρομαι , sed ad eorum aliquem , quibus inuitis ,  
 & dissuadentibus profectus sum etsi quid iam opus  
 est χολίον ? si perseuerassem , opus fuisset . at hoc ip-  
 sum non constanter . nemo doctus umquam ( multa  
 autem de hoc genere scripta sunt ) mutationem con-  
 silij inconstantiam dixit esse . deinceps igitur haec  
 NAM si a Phaedro nostro , expedita excusatio esset  
 nunc quid respondemus ? Ergo id erat meum factū ,  
 quod Catoni probare non possim , flagitij scilicet  
 plenum ,



plenum, & dedecoris. utinam a primo ita tibi esset uisum. tu mihi, sicut esse soles, fuisses Cato. Extremum illud uel molestissimū. Nam Brutus noster filet: hoc est, non audet hominem id ætatis monere. aliud nihil habeo, quod ex ijs a te uerbis significari putem. & hercule ita est. Nam xvi. kal. Sept. cum uenissem Veliam, Brutus audiuit. erat enim cum suis nauibus apud Heletem fluuium citra Veliam millia passuum lll. pedibus ad me statim. dii immortales, quam ualde ille reditu, uel potius reuersione mea lætatus? effudit illa omnia, quæ tacuerat: ut recordarer illud tuum, Nam Brutus noster filet. maxime autem dolebat, me kal. Sext. in senatu non fuisse. Pisonem ferebat in cælum: se autem lætari, quod effugissem duas maximas uituperationes, unam, quam itinere faciendo me intelligebam suscipere, desperationis, ac relictionis reip. (flentes mecum uulgo querebantur, quibus de meo celeri reditu non probabam) alteram, de qua Brutus, & qui una erant, (multi autem erant) lætabantur, quod eam uituperationem effugissem, me existimari ad Olympia. hoc uero nihil turpius quouis reip. tempore. sed hoc ἀναπολόγητον. ego uero Austro gratias miras, qui me a tanta infamia auerterit. Reuersionis has speciosas causas habes, iustas illas quidem, & magnas, sed nulla iustior, quam quod tu idem alijs litteris: Prouide, si cui quod debetur, ut sit unde par pari respondeatur. mirifica enim



## LIB. XIV. EPIST.

*δυσχρῆστία* est propter metum armorum . in  
 Fretō medio hanc epistolam legi , ut , quid possem pro  
 uidere , in mentem non ueniret mihi , nisi quod præ-  
 sens me ipse defenderem . Sed hæc hæctenus . reliqua  
 coram . Antonij edictum legi a Bruto , & horum  
 contra , scriptum præclare . sed quid ista edicta ua-  
 leant , aut quo spectent , plane non uideo . nec ego  
 nunc , ut Brutus censebat , istuc ad remp . capeffen-  
 dam uenio . quid enim fieri potest ? num quis Piso-  
 ni est assensus ? num redijt ipse postridie ? sed abes-  
 se hanc etatem longe a sepulcro negant oportere .  
 Sed obsecro te , quid est quod audiui de Bruto ? Pi-  
 liam *πειράζεσθαι παραλήσει* , te scripsisse aiebat . ual-  
 de sum commotus . etsi idem te scribere , sperare  
 melius . ita plane uelim . ei dicas plurimam salutem ,  
 & suauissimæ Atticæ . Hæc scripsi nauigans , cum  
 Pompeianum accederem , XIV . kal .

CICERO S. D. ATTICO. 7

CUM sciam , quo die uenturus sim , faciam ,  
 ut scias . impedimenta expectanda sunt , quæ Ana-  
 gnia ueniunt : & familia ægra est . kal . uesperī lit-  
 teræ mihi ab Octauiano redditæ sunt . magna mo-  
 litur . ueteranos , quique Casilini , & Calatiæ sunt ,  
 perduxit ad suam sententiam : nec mirum : quinge-  
 nos denarios dat : cogitat reliquas colonias obire .  
 plane hoc spectat , ut se duce bellum geratur cum  
 Antonio . itaque uideo pacis diebus nos in armis  
 fore . quem autem sequamur ? uide nomen : uide  
 etatem



etatem. atque a me postulat, primum ut clam colloquatur, uel Capuæ. puerile hoc quidem, si id putat clam fieri posse. docui litteris, id nec opus esse, nec fieri posse. misit ad me Cæcinam quendam Volaterranum, familiarem suum, qui hoc pertulit, Antonium cum legione Alaudarum ad urbem pergere, pecunias mancipijs impetrare, legionem sub signis ducere. consultabat, utrum Romam cum ∞ ∞ ∞ ueteranorum proficisceretur, an Capuam teneret, & Antonium uenientem excluderet, an iret ad tres legiones Macedonicas, quæ iter secundum mare superum faciunt, quas sperat suas esse. hæc congiarium ab Antonio accipere noluerunt, ut hic quidem narrat, & ei conuicium grande fecerunt, concionantemq. reliquerunt. quid quæris? ducem se profitetur, nec nos sibi putat deesse oportere. equidem suasi, ut Romam pergeret. uidetur enim mihi & plebeculam urbanam, & si fidem fecerit, etiam bonos secum habiturus. o Brute ubi es? quantam *Ἐκέρπαι* amittis. non equidem hoc diuinavi, sed aliquid tale putavi fore. Nunc tuum consilium exquiro, Romam ne uenio, an hic maneo, an Arpinum? *ἀποκλείαν* habet is locus. fugiam Romam, ne desideremur, si quid actum uidebitur. hoc igitur explica. numquam in maiore *ἀπορία* fui. Vale.

CICERO S. D. ATTICO.

8

BINAE mihi uno die litteræ ab Octauio. nunc quidem, ut Romam statim ueniam: uelle se

PP 3

rem



## LIB. XVI. EPIST.

rem agere per senatum : cui ego , non posse senatum ante kal. Ian. quod quidem ita credo . ille autem addit , consilio tuo . quid multo ille urget : ego autem *σκέπτομαι* . non confido ætati ; ignoro , quo animo : nil sine Pansa tuo uolo ; uereor , ne ualeat Antonius : nec a mari discedere libet : & metuo , ne quæ ἀπίσεια me absente . Varroni quidem displicet consilium pueri , mihi non . firmas copias habet , Brutum habere potest : & rem gerit palam : centuriat Capuæ , dinumerat . iam , iamq. uideo bellum . ad hæc rescribe . Tabellarium meum kalendis Romæ profectum sine tuis litteris , miror . Vale .

CICERO S. D. ATTICO. 9

VI. ueni , ad me , in Sinuessanum . eodem die , uulgo loquebantur , Antonium mansurum esse Casilini . itaque mutavi consilium . Statueram enim recta Appia Romam . facile me ille esset affecutus . aiunt enim eum Casariana uti celeritate . uerti igitur me a Minturnis Arpinum uersus . constitueram , ut pridie idus aut Aquini manerem , aut in Arcano . nunc , mi Attice , tota mente incumbe in hanc curam . magna enim res est . tria sunt autem , maneam ne Arpini , an proprius accedam , an ueniam Romam . quod censueris , faciam : sed quamprimum . auide exspecto tuas litteras . VI. idus mane , in Sinuessano . Vale :

CICERO



CICERO S. D. ATTICO. IO

NONIS accepi a te duas epistolas: quarum alteram kal. dederas, alteram pridie. igitur prius ad superiorem. Nostrium opus tibi probari letor. ex quo ante ipse posuisti, quæ mihi florentiora sunt uisa tuo iudicio. cæulas enim tuas miniatulas illas extimescebam. De Sica ita est, ut scribis. ast ægre metenui. itaque perstringam sine ulla contumelia Sicæ, & Septimiæ: tantum, ut sciant ταῦδες παίδων sine uallo Luciliano, eum ex C. Fadij filia liberos habuisse. atque utinam eum diem uideam, cum ista oratio ita libere uagetur, ut etiam in Sicæ domum introeat. sed illo tempore opus est, quod fuit illis triumuiris. moriar, nisi facete. tu uero leges Sexto, eiusq. iudicium mihi perscribes εἰς ἐμοὶ μύθοι. Caleni interuentum, & Caluena cauebis. Quod uereris, ne ἀδόλεξος: mihi tu? quis minus? cui, ut Aristophani Archilochi iambus, sic epistola longissima quæque optima uidetur. Quod me admones, tu uero etiam si reprehenderes, non modo facile paterer, sed etiam letarer, quippe cum in reprehensione est prudentia cum ἀμενεία. ita libenter ea corrigam, quæ a te animaduersa sunt, eodem iure, quo Rubriana potius, quam quo Scipionis: & de laudibus Dolabellæ deruam cumulum. attamen est isto loco bella, ut mihi uidetur, εἰς πόλεον, quod eum contra ciues in acie. illud etiam malo, indignius esse hunc uiuere, quam, quid in-

TP 4

di-



dignius. Πεπλογραφίαν Varronis tibi probari non  
moleste fero: quo adhuc ἡρακλείδιον illud non ab-  
stuli. Quod me hortaris ad scribendum; amice tu  
quidem, sed me scito agere nihil aliud. Grauedo  
tua mihi molesta est. quæso adibe, quam soles, di-  
ligentiam. ΟΤΙΤΕ, tibi prodesse lætor. Ana-  
gnini sunt, Μυστέλα ταξιάρχης, & Laco, qui plu-  
rimum bibit. Librum, quem rogas, perpoliam  
& mittam. Hæc ad posteriorem. Τὰ περὶ τοῦ κα-  
θήκοντος, quatenus Panætius, absolui duobus: il-  
lius tres sunt. sed cum initio diuississet ita, tria ge-  
nera exquirendi officij esse; unum, cum delibera-  
mus, honestum, an turpe sit; alterum, utile, an in-  
utile; tertium, cum hæc inter se pugnare uidean-  
tur, quo modo iudicandum sit: qualis causa Regu-  
li; redire honestum, manere utile: de duobus pri-  
mis præclara differuit; de tertio pollicetur se dein-  
ceps scripturum, sed nihil scripsit. eum locum Po-  
sidonius persecutus. ego autem & eius librum ac-  
cersiui, & ad Athenodorum Caluum scripsi, ut ad  
me τὰ κεφάλαια mitteret: quem exspecto: quem  
uelim cohortere, & roges, ut quamprimum: in  
eo est περὶ τῆ κατὰ περιστάσιν καθήκοντος. Quod  
de inscriptione quæris; nō dubito, quin τὸ καθήκον  
officium sit, nisi quid tu aliud: sed inscriptio ple-  
nior, de officijs. προσφωνῶ autem Ciceroni filio.  
uisum est non ἀνοικεῖον. De Myrtilo, dilucide. o  
qualis tu semper istos. ita ne in D. Brutum? de  
istis. Ego me, ut scripseram, in Pompeianum non  
abdidi,



abdidit, primo tempestatibus, quibus nihil tatrius:  
deinde ab Octavio quotidie litteræ, ut negotium sus-  
sciperem, Capuam uenirem, iterum remp. sarua-  
rem, Romam utique statim. αὐδ' ἐδὲν μὲν ἀνύαδαι,  
δεῖσθαι δ' ὑποδέχθαι. is tamen egit sane strenue, &  
agit. Romam ueniet cum manu magna. sed est  
plane puer. putat senatum statim. quis ueniet? si  
uenerit, quis, incertis rebus, offendet Antonium?  
kal. Ian. erit fortasse presidio: aut quidem ante  
depugnabitur. puero municipia mire fauent. iter  
enim faciens in Samnium uenit Cales, mansit Thea-  
ni. mirifica ἀπάντησις & cohortatio. hoc tu pu-  
tares? ob hoc ego citius Romam, quam constitue-  
ram. simul ac constituero, scribam. etsi non dum  
stipulationes legeram: nec enim Eros uenerat. ta-  
men rem pridie idus uelim conficias. Epistolas Ca-  
tinam, Tauromenium, Syracusas commodius mit-  
tere potero, si Valerius interpretes ad me nomina  
gratiosorum scripserit. alij enim sunt alias, nostriq.  
familiares fere demortui. publice tamen scripsi, si  
uti uellet eis Valerius, aut mihi nomina mitteret.  
De Lepidianis feris Balbus ad me. Vsque ad I II.  
kal. exspectabo tuas litteras: deq. Torquati nego-  
tioso scitutum puto. Quinti litteras ad te misi, ut  
scires, quam ualde eum amaret, quem dolet a te  
minus amari. Atticæ, quoniam, quod optimum  
in pueris est, hilarula est, meis uerbis suauium  
dices. Vale.

CICE-



## LIB. XVI. EPIST.

CICERO S. D. ATTICO. II

OPPII epistolæ, quia perhumana erat, tibi misi exemplum. De Ocella, dum tu muginaris, nec mihi quidquam rescribis, cepi consilium domesticum: itaque me pridie idus arbitror Romæ futurum. commodius est uisum, frustra me istic esse, cum id non necesse esset, quam, si opus esset, non adesse. & simul, ne intercluderer, metuebam. ille enim iam aduentare potest: etsi uarij rumores, multique, quos cuperem ueros: nihil tamen certi. ego uero, quidquid est, tecum potius, quam animi pendeam, cum a te absim, & de te, & de me. sed quid dicam? bonum animum. De ἡρακλειδῶ Varronis, negotia salsa. me quidem nihil umquam sic delectauit. sed hæc, & alia maiora coram. Vale.

CICERO S. D. ATTICO. 12

O CASVM mirificum. v. idus cum ante lucem de Sinuessano surrexissem, uenissemq. diluculo ad Pontem Tiretium, qui est Minturnis, in quo flexus est iter Arpinas, obuiam mihi fit tabellarius, qui me offendit δολιχὸν πλόον ὁρμαίνοντα. ego statim, cedo, inquam, si quid ab Attico. nondum legere poteramus. nam & lumina dimiseramus; nec satis lucebat. cum autem luceret, ante scripta epistola ex duabus tuis prior mihi legi cæpta est. illa omnium quidem elegantissima. ne sibi saluus, si aliter scribo, ac sentio. nihil legi humanius.



nius . itaque ueniam , quo uocas , modo adiutore te .  
 sed nihil tam ἀποσδιόνυσον mihi primo uidebatur ,  
 quam ad eas litteras , quibus ego a te consilium pe-  
 tieram , te mihi ista rescribere . ecce tibi altera , qua  
 hortaris παρ' ἡνεμόεντα μίμναντα, Νῆσον ἐπὶ Ἰούπιν ,  
 Appiam ἐν ἀρίστῳ ἔχοντα . itaque eo die mansi . Aqu-  
 ni . longulum sane iter , & uia inepta . inde postri-  
 die mane proficiscens , has litteras dedi . & quidem ,  
 ut a me dimitterem inuitissimus , fecerunt Erotis  
 litteræ : rem tibi Tiro narrabit . tu , quid faciendum  
 sit , uidebis : præterea , possim ne proprius accedere ,  
 ( malo enim esse in Tusculano , aut uspiam in sub-  
 urbano ) an etiam longius discedendum putas . cre-  
 bro ad me uelim scribas . erit autem quotidie , cui  
 des . Quod præterea consulis , quid tibi censeam  
 faciundum : difficile est , cum absim : uerumtamen ,  
 si pares æque inter se , quiescendum : sin , latius ma-  
 nabit , & quidem ad nos , deinde communiter . aui-  
 de tuum consilium expecto . timeo , ne absim , cum  
 adesse me sit honestius : uenire non audeo . De An-  
 tonij itineribus nescio quid aliter audio , atque ut ad  
 te scribebam . omnia igitur uelim explices , & ad  
 me certa mittas . De reliquo quid ego tibi dicam ?  
 ardeo studio historiæ . incredibiliter enim me com-  
 mouet tua cohortatio . quæ quidem nec institui , nec  
 effici potest sine tua ope . coram igitur hoc quidem  
 conferemus . In præsentia mihi uelim scribas , qui-  
 bus cos . C . Fannius M . F . tribunus pl . fuerit . ui-  
 deor mihi audisse , P . Africano , L . Mummio . id  
 igi-



igitur quero . tu mihi de ijs rebus , quæ nouantur ,  
omnia certa , clara . III. id. ex Arpinati . Vale .

CICERO S. D. ATTICO.

13

NIHIL erat plane , quod scriberem . nam ,  
cum Puteolis essem , quotidie aliquid noui de Octa-  
uiano , multa etiam falsa de Antonio . ad ea autem ,  
quæ scripsisti , ( tres enim acceperam III. id. a te  
epistolas ) ualde tibi assentior , si multum possit  
Octavianus , multo firmitus acta tyranni comproba-  
tum iri , quam in Telluris , atque id contra Brutum  
fore . sin autem uincitur , uides intolerabilem An-  
tonium : ut , quem uelis , nescias . O Sextij tabel-  
larium hominem nequam . postridie Puteolis Ro-  
mæ se dixit fore . Quod me mones , ut pedetentim :  
assentior , etsi aliter cogitabam . nec me Philippus ,  
aut Marcellus mouet . alia enim eorum ratio : etsi  
non est , tamen uidetur . sed in isto iuvene , quam-  
quam animi satis , auctoritatis parum est . tamen  
uide , si sorte in Tusculano recte possim , ne id me-  
lius sit : ( ero libentius : nihil enim ignorabo ) an  
hoc , cum Antonius uenerit . Sed , ut aliud ex alio ,  
mihi non est dubium , quin , quod Græci καὶ ἄλλοι  
nos officium . id autem , quid dubitas , quin etiam  
in remp. præclare caderet ? nonne dicimus , consu-  
lum officium , senatus officium ? præclare conuenit ;  
aut da melius . Male narras de Nepotis filio . ual-  
de me hercule moueor , & moleste fero , nescieram  
omnino esse istum puerum . Caninium perdidit , ho-  
minem ;



minem, quod ad me attinet, non ingratum. Athe-  
nodorum, nihil est, quod hortere. misit enim satis  
bellum ὑπόμνημα. Grauedini, quæso, omni ratione  
subueni. Quintus, tui patris nepos, scribit ad pa-  
tris mei nepotem, se ex nonis ijs, quibus nos ma-  
gna gessimus, ædem Opis explicaturum, idq. ad  
populum, uidebis igitur, & scribes. Sexti iudi-  
cium expecto. Vale.

CICERO S. D. ATTICO. 14

NOLI putare, pigritia facere me, quod non  
mea manu scribam: sed mehercule pigritia: nihil  
enim habeo aliud, quod dicam. & tamen in tuis  
quoque epistolis Alexim uideor agnoscere. sed ad  
rem uenio. Ego, si me non improbissime Dolabella  
tractasset, dubitasset fortasse, utrum remissior es-  
sem, an summo iure contenderem: nunc uero etiam  
gaudeo mihi causam oblatam, in qua & ipse sen-  
tiant, & reliqui omnes me ab illo allienatum: idq.  
præmeseram, & quidem me mea facere, & reip.  
caussa, cur illum oderim, quod, cum eam me au-  
ctore defendere cœpisset, non modo deseruit emptus  
pecunia, sed etiam, quantum in ipso fuerit, euer-  
terit. Quod autem quæris, quo modo agi placeat,  
cum dies uenerit: primum uelim eiusmodi sit, ut nō  
alienum sit, me Romæ esse; de quo ut de ceteris  
faciam, ut tu censueris: summa autem agi pror-  
sus uehementer, & seuerè uolo. etsi sponsores  
appellare, uidetur habere quandam δύσωπρίαν. ta-  
men,



men, hoc quale sit, consideres uelim. possumus enim, ut sponsores appellentur, procuratorem introducere. neque enim illi litem contestabuntur. quo facto, non sum nescius sponsores liberari. sed & illi turpe arbitror, eo nomine, quod satisfato debeat, procuratores eius non dissolvere: & nostræ gravitatis, ius nostrum sine summa illius ignominia persequi. de hoc quid placeat, rescribas uelim. non dubito, quin hoc totum lenius administraturus sis. Redeo ad remp. Multa mehercule a te sæpe ἐν πολιτικῷ genere prudenter: sed his litteris nihil prudentius: Quamquam enim posset in præsentia belle iste puer retundere Antonium, tamen exitum exspectare debemus. at, quæ concio? nam est missa mihi. iurat, ita sibi parentis honores consequi liceat: & simul dextram intendit ad statuam. μὴ δὲ σῶμαίην, εἴ ποτε τοιοῦτο. sed, ut scribis, certissimum esse uideo discrimen Cascæ nostri tribunatum: de quo quidem ipso dixi Oppio, cum me hortaretur, ut adolescentem, totamq. causam, manumq. ueteranorum complecterer, me nullo modo facere posse, ni mihi exploratum esset, eum non modo non inimicum tyrannoctonis, uerum etiam amicum fore. cum ille diceret, ita futurum: quid igitur festinamus? inquam. illi enim mea opera ante kal. Ian. nihil opus est: nos autem eius uoluntatem ante idus Dec. perspiciemus in Casca. mihi ualde assensus est. Quamobrem hæc quidem habetenus. Quod reliquum est, quotidie tabellarios habebis,



bebis, & , ut ego arbitror, etiam, quid scribas, quotidie. Leptæ litterarum exemplum tibi misi: ex quo mihi uidetur  $\sigma\pi\alpha\tau\eta\lambda\alpha\zeta$  ille deiectus de gradu. sed tu, cum legeris, existimabis.

OBSIGNATA iam epistola, litteras a te, & a Sexto accepi. nihil iucundius litteris Sexti, nihil amabilius. nam tuæ breues: priores erant uberrioræ. Tu quidem & prudenter, & amice suades, ut in his locis potissimum sim; quoad audiamus, hæc, quæ commota sunt, quorsum euadant. sed me, mi Attice, non sane hoc quidem tempore mouet resp. non quo ea sit mihi quidquā carius, aut esse debeat: sed desperatis etiā Hippocrates uetat adhibere medicinam. quare ista ualeant. Me res familiaris mouet: rem dico? immo uero existimatio. cum enim tanta reliqua sint; ne Terentiæ quidem adhuc quod soluam expeditum est. Terentiā dico? scis nos pridem iam constituisse Montani nomine HS XXII. dissoluere. prudentissime hoc Cicero petierat, uti de suo. liberalissime, ut tibi quoque placuerat, promiseram; Erotiq. dixeram, ut sepositum haberet. nō modo, sed iniquissimo fœnore uersuram facere Aurelius coactus est. nam de Terentiæ nomine Tiro ad me scripsit, te dicere, nummos a Dolabella fore. male eum credo intellexisse, si quisquam male intelligit; potius, nihil intellexisse. tu enim ad me scripsisti Cocceij responsum, & iisdem pæne uerbis Eros. ueniendum est igitur uel in ipsam flammam. turpius est enim priuatim cadere, quam publice. itaque ceteris



teris de rebus, quas ad me suauissime scripsisti, perturbato animo, non potui, ut consueueram, rescribere. consenti in hac cura, ubi sum, ut me expediā. quibus autem rebus, uenit quidem mihi in mentem; sed certo constituere nihil possum, prius quam te uidero. qui minus autem ego istic recte esse possim, quam est Marcellus? sed non id agitur: neque id maxime curo: quid curem, uides. adsum igitur. Vale.

CICERO S. D. ATTICO. 15

IVCUNDISSIMAS tuas legi litteras. ad Plācum scripsi. habes exemplum. cum Tirone quid sit locutus, cognoscā ex ipso. Cum sorore ages attentius, si te occupatione ista relaxaris. Vale.

M. Cicero L. Planco præt. des. S. Attici nostri te ualde studiosum esse cognoui, mei uero ita cupidum, ut me hercule paucos æque obseruantes, atque amantes me habere existimem. ad paternas enim magnas, & ueteres, & iustas necessitudines magnam attulit accessionem tua uoluntas erga me, meaq. ergate par, atque mutua. Buthrotia tibi causā ignota non est: egi enim sæpe, tibiq. totam rem demonstraui: quæ est acta hoc modo. Vt primum Buthrotium agrum proscriptū uidimus; commotus Atticus libellum composuit. eum mihi dedit, ut darem Cæsari; eram enim cenaturus apud eum illo die. cum libellum Cæsari dedi, probauit causam, rescripsit Attico, æqua eum postulare: admonuit tamen, ut pecuniam reliquam Buthrotij ad diē soluerent.



soluerunt. Atticus, qui ciuitatem conseruatam cu-  
peret, pecuniam numerauit de suo. quod cum esset  
factum, adiuimus ad Casarem, uerba fecimus pro  
Butbrotijs, liberalissimum decretum abstulimus;  
quod est obsignatum ab amplissimis uiris. quæ cum  
essent acta; mirari quidem solebam, pati Casarem  
conuenire, eos, qui agrum Butbrotiū concupissent,  
neque solum pati, sed etiam ei negotio te præficere.  
itaque & ego cum illo locutus sum, & sæpius qui-  
dem; ut etiam accusarer ab eo, quod parum con-  
stantiæ suæ considerem: & M. Messallæ, & ipsi  
Attico dixit, ut sine cura essent: aperteque osten-  
debat, se præsentium animos (erat enim popula-  
ris, ut noras) offendere nolle: cum mare transis-  
sent, curaturum se, ut in alium agrum deduceren-  
tur. hæc illo uiuo. post interitum uero Caesaris, ut  
primum ex S. C. causas consules cognoscere insti-  
tuerunt, hæc, quæ scripsi, ad eos delata sunt. pro-  
bauerunt causas sine ulla dubitatione, seq. ad te  
litteras daturos esse dixerunt. Ego autem, mi Plan-  
ce, etsi non dubitabam, quin & S. C. & lex, &  
consulum decretum, ac litteræ apud te plurimum  
auctoritatis haberent, teq. ipsius Attici causa uel  
le intellexeram: tamen hoc pro coniunctione, &  
beneuolentia nostra mihi sumpsi, ut id a te peterem,  
quod tua singularis humanitas, suauissimiq. mores  
a te essent impetraturi. id autem est, ut hoc, quod  
te tua sponte facturum esse certo scio, honoris no-  
stri causa libenter, prolixè, celeriter facias. mi-

QQ

hi



hi nemo est amicior, nec iucundior, nec carior Attico: cuius antea res solū familiaris agebatur, eaq. magna; nunc accessit etiam existimatio, ut, quod consecutus est magna & industria, & gratia, & uiuo Cesare, & mortuo, id te adiuuante obtineat. quod si a te erit impetratum, sic uelim existimes, me de tua liberalitate ita interpretaturum, ut tuo summo beneficio me affectum iudicem. ego, quæ te uelle, quæq. ad te pertinere arbitrabor, studiose, diligenterq. curabo. da operam, ut ualeas. Vale.

Cicero Planco prætor. des. S. Iam antea petiui abs te per litteras, ut, cum caussa Buthrotiorum probata a consulibus esset, quibus & lege, & S. C. permissum erat, ut de Caesaris actis cognoscerent, statuerent, iudicaret, eam rem tu adiuuares, Atticumq. nostrum, cuius te studiosum cognoui, & me, qui non minus laboro, molestia liberares. omnibus enim rebus magna cura, multa opera, & labore confectis, in te positum est, ut nostræ sollicitudinis finem quamprimum facere possimus. quamquam intelligimus, eate esse prudentia, ut uideas, si ea decreta consulum, quæ de Caesaris actis interposita sunt, non seruentur, magnam perturbationem rerum fore. equidem, cum multa, quod necesse erat in tanta occupatione, non probentur, quæ Caesar statuerit; tamen otij, pacisq. caussa acerrime illa soleo defendere: quod tibi idem magnopere faciendum censeo. quamquam hæc epistola non suavis est, sed rogatoris. Igitur mi Plance rogo te, et  
etiam



etiam oro, sic mediusfidius, ut maiore studio, magisq. ex animo agere non possim, ut totum hoc negotium ita agas, ita trañtes, ita conficias, ut, quod sine ulla dubitatione apud consules obtinuimus propter summam bonitatem, & æquitatem causæ, id tu nos obtinuissè non modo facile patiare, sed etiam gaudeas. qua quidem uoluntate esse erga Atticum, sæpe præsens & illi ostendisti, & uero etiam mihi. quod si feceris, me, quem uoluntate, & paterna necessitudine coniunctum semper habuisti, maximo beneficio deuinctum habebis. idq. ut facias, te uehementer etiam atque etiam rogo. Vale. Cicero Capitori suo S. Numquam putauì fore, ut supplex ad te uenirem: sed hercule facile patior datum tempus, in quo amorem experirer tuum. Atticum quanti faciam, scis. amabo te, da mihi & hoc: obliuiscere mea caussa, illum aliquando suo familiari, aduersario tuo, uoluisse consultum, cum illius existimatio ageretur. hoc primum ignoscere, est humanitatis tuæ: suos enim quisque debet tueri: deinde, si me amas, omitte Atticum Ciceroni tuo: quæ quanti facias, præ te soles ferre. totum hoc, ut, quod semper existimaui, nunc plane intelligam, me a te multum amari. Buthrotios cum Cæsar decreto suo, quod ego obsignaui cum multis amplissimis uiris, liberauisset, ostendissetq. nobis, se, cum agrarij mare transissent, litteras missurum, quem in agrum deducerentur: accidit, ut subito ille interiret. deinde, quemadmodum tu scis, ( interfuisti

QQ 2

enim



## LIB. XVI. EPIST.

enim, cum consules oporteret ex S. C. de actis Caesaris cognoscere ) res ab ijs in kal. Iun. dilata. accessit ad S. C. lex, quæ lata est ad vi. non. Iun. quæ lex earum rerum, quas Caesar statuisset, decreuisset, egisset, consulibus cognitionem dedit. causa Butbrotiorum delata est ad consules. decretum Caesaris recitatum est, & multi præterea libelli Caesaris prolati. consules de consilij sententia decreuerunt secundum Butbrotios; Plancum dederunt. Nunc mi Capito ( scio enim quantum semper apud eos, quibuscum sis, posse soleas, eo plus apud hominem facillimum, atque humanissimum Plancum ) enitere, elabora, uel potius eblandire, effice, ut Plancus, quem spero optimum esse, sit etiam melior opera tua. omnino res huiusmodi uidetur esse, ut sine cuiusquam gratia Plancus ipse pro ingenio, & prudentia sua non sit dubitaturus, quin decretum consulum, quorum & lege, & S. C. cognitio, & iudicium fuit, conseruet, præsertim cum, hoc genere cognitionum labefactato, acta Caesaris in dubium uentura uideantur: quæ non modo ijs, quorum interest, sed etiam ijs, qui illa non probant, otij causa confirmare uelint. quod cum ita sit; tamen interest nostra, Plancum hoc animo libenti prolixoq. facere. quod certe faciet, si tu neruulos tuos, mihi sæpe cognitos, suauitatemque, qua nemo tibi par est, adhibueris. quod ut facias, te uehementer rogo. Vale. Cicero Cupiennio S. Patrem tuum plurimi feci; meq. ille mirifice & coluit, & ama-

uit.

uit. nec  
ate dilig  
obrem p  
Butbrot  
ij secund  
S. C. sta  
ut Planc  
bet. hoc  
etiam ro  
Ignosce  
Butbrot  
bam. no  
confidam  
sed cum t  
etiam en  
nobis tes  
& respo  
nere pot  
tua sit,  
Caesaris  
bes, se  
erit gra  
sperabo  
qua su  
ta essen  
nobis  
spe ex  
genere  
benefi



uit. nec mehercule umquam mihi dubium fuit, quin  
a te diligerer. ego quidem id facere non destiti. quā  
obrem peto a te in maiorem modum, ut ciuitatem  
Buthrotiam subleues, decretumq. consulum, quod  
ij secundum Buthrotios fecerunt, cum & lege, &  
S. C. statuendi potestatem haberent, des operam,  
ut Plancus noster quamprimum confirmet, & pro-  
bet. hoc te uehementer, mi Cupienni, etiam atque  
etiam rogo. Vale. Cicero Planco prætor. des. S.  
Ignosce mihi, quod, cum antea accuratissime de  
Buthrotijs ad te scripserim, eadem de re sæpius scri-  
bam. non mehercule mi Plance facio, quod parum  
confidam aut liberalitati tuæ, aut nostræ amicitie;  
sed cum tanta res agatur Attici nostri, nunc uero  
etiam existimatio, ut id, quod probauit Cæsar,  
nobis testibus, & obsignatoribus, qui & decretis,  
& responsis Cæsaribus interfueramus, uideatur obti-  
nere potuisse, præsertim cum tota potestas eius rei  
tua sit, ut ea, quæ consules decreuerunt secundum  
Cæsaribus decreta, & responsa, non dicam compro-  
bes, sed studiose, libenterq. comprobes. id mihi sic  
erit gratum, ut nulla res gratior esse possit. etsi iam  
sperabam, cum has litteras accepisses, fore, ut ea,  
quæ superioribus litteris a te petiissemus, impetra-  
ta essent: tamen non faciam finem rogandi, quoad  
nobis nunciatum erit, te id fecisse, quod magna cū  
spe expectamus. deinde enim, confido fore, ut alio  
genere litterarum utamur, tibiq. pro tuo summo  
beneficio gratias agamus. quod si acciderit, uelim



sic existimes, non tibi tam Atticum, cuius perman-  
 gna res agitur, quam me, qui non minus laboro,  
 quam ille, obligatum fore. Vale. Cicero Capi-  
 toni S. Non dubito, quin mirere, atque etiam sto-  
 machere, quod tecum de eadem re agam saepius.  
 Hominis familiarissimi, et mihi omnibus rebus con-  
 iunctissimi, permagna res agitur Attici. cognoui  
 ego tua studia in amicos, etiam in te amicorū. mul-  
 tum potes nos apud Plancum iuare. noui humani-  
 tatem tuam: scio, quam sis amicis iucundus. nemo  
 nos in hac caussa plus iuare potest, quam tu. Et  
 res ista est firma, ut debet esse, quam consules de  
 consilij sententia decreuerunt, cum & lege, & S.  
 C. cognoscerent. tamen omnia posita putamus in  
 Planci tui liberalitate: quem quidem arbitramur  
 cum officij tui, & reip. caussa decretum consulum  
 comprobaturum, tum libenter nostra caussa esse  
 facturum. adiunabis igitur, mi Capito: quod ut fa-  
 cias, uehementer etiam atque etiam rogo. Vale.

T. P.  
VI

est dilig  
 ra, diti  
 ut ipse  
 puerilis  
 autem in  
 suauitas  
 ciperet  
 proum  
 quales  
 genero  
 que in  
 runt L  
 quos c  
 perpe  
 adole  
 tribu  
 perici  
 psera  
 Sulpi  
 tem e



T. POMPONII ATTICI  
VITA PER CORNELIVM

NEPOTEM.

POMPONIVS Atticus, ab origine ultima stirpis Romanæ generatus, perpetuo a maioribus acceptam equestrem obtinuit dignitatem. patre usus est diligente, indulgente, & ut tum erant tempora, diti, in primisq. studio litterarum. hic, prout ipse amabat litteras, omnibus doctrinis, quibus puerilis ætas impertiri debet, filium erudiuit. erat autem in puero, præter docilitatem ingenij, summa suauitas oris, & uocis, ut non solum celeriter acciperet, quæ tradebantur, sed etiam excellenter pronunciaret. quæ ex re a pueritia nobilis inter æquales ferebatur, clariusq. exsplendescibat, quam generosi condiscipuli animo æquo ferre possent. itaque incitabat omnes studio suo. quo in numero fuerunt L. Torquatus, C. Marij filius, M. Cicero: quos consuetudine sua sic sibi deuinxit, ut nemo ijs perpetuo fuerit carior. pater mature decessit. ipse adolescentulus propter affinitatem P. Sulpicij, qui tribunus pl. interfectus est, non expers fuit illius periculi. namque Anicia, Pomponij consobrina, nupsit Seruio fratri Sulpicij. itaque, interfecto Sulpicio, postea quam uidit Cinnano tumultu ciuitatem esse perturbatam, neque sibi dari facultatem

22 4 pro



pro dignitate uiuendi, quin alterutram partem offenderet, dissociatis animis ciuium, cum alij Sullanis, alij Cinnanis fauerent partibus, idoneum tempus ratus studijs obsequendi suis, Athenas se contulit: neque eo secius adolescentem Marium, hostem iudicatum, iuuat opibus suis: cuius fugam pecunia subleuauit. ac, ne illa peregrinatio detrimentum aliquod afferret rei familiari, eodem magnam partem fortunarum traiecit suarum. hic ita uixit, ut uniuersis Atheniensibus merito esset carissimus. nam praeter gratiam, quae iam in adolescentulo magna erat, saepe suis opibus inopiam publicam leuauit. cum enim uersuram facere publice necesse esset; neque eius condicionem aequam haberent; semper se interposuit, atque ita, ut neque usuram umquam ab ijs acceperit, neque longius, quam dictum esset, debere passus sit. quod utrumque erat ijs salutare. nam neque indulgendo inueterascere eorum aes alienum patiebatur, neque multiplicandis usuris crescere. auxit hoc officium alia quoque liberalitate: nam uniuersos frumento donauit, ita ut singulis VI. modij tritici darentur, qui modus mensurae medimnus Athenis appellatur. hic autem sic se gerebat, ut communis infimis, par principibus uideretur. quo factum est, ut huic omnes honores, quos possent, publice haberent, ciuemque facere studerent. quo beneficio ille uti noluit. quod non nulli ita interpretantur. amitti ciuitatem Romanam alia adscita. Quam diu affuit, ne qua sibi  
statua

Statua po  
potuit. it  
simis po  
reip. act  
num illu  
urbenatu  
esset impe  
domum:  
se ciuitate  
te, doct  
fuerit car  
uenisset;  
num, cap  
na, sic e  
uideretur  
ni, ut a  
esse, non  
Grace  
rebus  
cupere  
taret,  
eos me  
ferrem  
collam  
rat, p  
moral  
quar  
omni  
sum



Statua poneretur, restitit; absens prohibere non potuit. itaque aliquot ipsi, & Phidia locis sanctissimis posuerunt. hunc enim in omni procuratione reip. auctorem, auctoremq. habebant. Igitur primum illud munus fortunæ, quod in ea potissimum urbe natus est, in qua domicilium orbis terrarum esset imperij, ut eandem & patriam haberet, & domum: hoc specimen prudentiæ, quod, cum in eam se ciuitatem contulisset, quæ antiquitate, humanitate, doctrinaq. præstaret omnes, ei unus ante alios fuerit carissimus. Huc ex Asia Sulla decedens cum uenisset; quam diu ibi fuit, secum habuit Pomponium, captus adolescentis & humanitate, et doctrina. sic enim Græce loquebatur, ut Athenis natus uideretur. tanta autem erat suauitas sermonis Latini, ut appareret in eo nativum quendam leporem esse, non adscitum. idem poemata pronunciabat & Græce, & Latine sic, ut supra nihil posset. quibus rebus factum est, ut Sulla nunquam a se dimitteret, cuperetq. secum deducere. qui cum persuadere tentaret, Noli, orote, inquit Pomponius, aduersum eos me uelle ducere, cum quibus ne contra te arma ferrem, Italiâ reliqui. at Sulla, adolescentis officio collaudato, omnia munera ei, quæ Athenis acceperat, proficiscens iussit deferri. Hic complures annos moratus, cum et rei familiari tantum operæ daret, quantum non indiligens deberet paterfamilias; & omnia reliqua tempora aut litteris, aut Atheniensium reip. tribueret; nihilo minus amicis urbana officia



A T T I C I

ficia præstitit . nam & ad comitia eorum uentita-  
uit : & , si quares maior acta est , non defuit : sicut  
Ciceroni omnibus eius periculis singularem fidem  
præbuit : cui ex patria fugienti HS CC & quin-  
quaginta millia donauit . Tranquillatis autē rebus  
Romanis , remigravit Romam , ut opinor , L. Cotta ,  
& L. Torquato cos. quem diem sic uniuersa ciuitas  
Atheniensium prosecuta est , ut lacrymis desiderij  
futuri dolorem indicaret . Habebat auunculum Q.  
Cæcilium , equitem Romanum , familiarem L.  
Luculli diuitem , difficillima natura : cuius sic aspe-  
ritatem ueritus est , ut , quem nemo ferre posset ,  
huius sine offensione ad summam senectutem reti-  
nuerit beneuolentiam . quo facto , tulit pietatis  
fructum : Cæcilius enim moriens testamento ad-  
optauit eum , heredemq. fecit ex dodrante . ex qua  
hereditate accepit circiter centies HS . Erat nupta  
soror Attici Q. Tullio Ciceroni : easq. nuptias M.  
Cicero conciliarat , cum quo a condiscipulatu uiue-  
bat coniunctissime , multo etiam familiarius , quam  
cum Quinto : ut indicari possit , plus in amicitia  
ualare similitudinem morum , quam affinitatem .  
utebatur autem intime Q. Hortensio , qui ijs tem-  
poribus principatum eloquentiæ tenebat , ut intelli-  
gi non posset , uter eum plus diligeret , Cicero , an  
Hortensius : & id , quod erat difficillimum , efficie-  
bat , ut , inter quos tanta laudis esset æmulatio , nul-  
la intercederet obtrectatio , essetq. talium uirorum  
copula . In rep. ita est uersatus , ut semper optima-

rum



rum partium & esset, & existimaretur, neque tam  
men se civilibus fluctibus committeret; quod non  
magis eos in sua potestate existimabat esse, qui se  
ijs dedissent, quam qui maritimis iactarentur.  
honores non petijt, cum ei paterent propter uel gra  
tiam, uel dignitatem; quod neque peti more maio  
rum, neque capi possent conseruatis legibus, in tam  
effusis ambitus largitionibus, neque geri sine peri  
culo, corruptis ciuitatis moribus. ad hastam publi  
cam numquam accessit. nullius rei neque præs, ne  
que manceps factus est. neminem suo nomine, ne  
que subscribens accusauit. in ius de sua re numquā  
ijt. iudicium nullum habuit. multorum consulum,  
prætorumq. præfecturas delatas sic accepit, ut ne  
minem in prouinciam sit secutus, honore fuerit con  
tentus, rei familiaris despexerit fructum, qui ne  
cum Q. quidem Cicerone uoluerit ire in Asiam,  
cum apud eum legati locum obtinere posset. non e  
nim decere se arbitrabatur, cum præturam gerere  
noluisset, asseclam esse prætoris. qua in re non so  
lum dignitati seruebat, sed etiam tranquillitati,  
cum suspiciones quoque uitaret criminum. quo fie  
bat, ut eius obseruantia omnibus esset carior, cum  
eam officio, non timorē, neque spei tribui uiderent.  
Incidit Cæsarianum civile bellum. cum haberet an  
nos circiter sexaginta. usus est ætatis uacatione,  
neque quoquam se mouit ex urbe. quæ amicis suis  
opus fuerant ad Pompeium proficiscentibus, omnia  
ex sua re familiari dedit. ipsum Pompeium con  
iun-



inuentum non offendit. nullum ab eo habebat ornamentum, ut ceteri, qui per eum aut honores, aut diuitias ceperant: quorum partim inuitissimi castra sunt secuti, partim summa cum eius offensione domi remanserunt. Attici autem quies tantopere Cesari fuit grata, ut victor cum priuatis pecunias per epistolas imperaret, huic non solum molestus non fuerit, sed etiam sororis filium Q. Ciceronem ex Pompeij castris concesserit. sic uetere instituto uitae effugit noua pericula. Secutum est illud occiso Cesare, cum respub. penes Brutos uideretur esse, & Cassium, ac tota ciuitas se ad eum conuertisse uideretur: sic M. Bruto usus est, ut nullo ille adolescens aequali familiaris, quam hoc sene, neque solum eum principem consilij haberet, sed etiam in conuictu. Excogitatum est a quibusdam, ut priuatum aerarium Caesaris interfectoris ab equitibus Romanis constitueretur. id facile effici posse arbitrati sunt, si & principes illius ordinis pecunias contulissent. itaque appellatus est a C. Flauio, et Bruti familiari, Atticus, ut eius rei princeps esse uellet. at ille, qui officia amicis praestanda sine factione existimaret, semperq. a talibus se consilijs remouisset; respondit, si quid Brutus de suis facultatibus uti uoluisset, usurum, quantum ea paterentur; sed neque cum quoquam de ea re collocuturum, neque coiturum. sic ille consensionis globus huius unius dissensione disiectus est. Neque multo post superior esse coepit Antonius, ita, ut Brutus & Cassius pro-

uin-  
bus  
Att  
nolu  
ceden  
sens  
latu  
tutu  
tantu  
beam  
diuin  
tas,  
Hosti  
situe  
eram  
uer  
conf  
fami  
rebu  
para  
ritat  
do  
e co  
qua  
adi  
par  
cum  
xa  
tit



uinciarum, quæ ijs dicis causa datæ erant a consuli-  
bus, desperatis rebus, in exsilium profiscerentur:  
Atticus, qui pecuniam simul cum ceteris conferre  
noluerat florenti illi parti, abiecto Bruto, Italiaq.  
cedenti HS CM muneri misit: eidem in Epiro ab-  
sens CCC iussit dari: neque eo magis potenti adu-  
latus est Antonio, neque desperatos reliquit. Secu-  
tum est bellum gestum apud Mutinam. in quo si  
tantum eum prudentem dicam; minus, quam de-  
beam, prædicem; cum ille potius diuinus fuerit; si  
diuinatio appellanda est perpetua naturalis boni-  
tas, quæ nullis casibus augetur, neque minuitur.  
Hostis Antonius indicatus, Italia cesserat. spes re-  
stituendi nulla erat. non solum inimici, qui tamen  
erant potentissimi, & plurimi, sed etiam qui ad-  
uersarijs eius se dabant, & in eo lædendo aliquam  
consecuturos sperabant commoditatem, Antonij  
familiares sequebantur, uxorem Fuluiam omnibus  
rebus spoliare cupiebant, liberos etiam extinguere  
parabant. Atticus, cum Ciceronis intima familia-  
ritate uteretur, amicissimus esset Bruto, non mo-  
do nihil ijs indulgit ad Antonium uiolandum, sed  
e contrario familiares eius, ex urbe profugientes,  
quantum potuit, textit; quibus rebus indiguerunt,  
adiuuit: P. uero Volumnio ea tribuit, ut plura a  
parente proficisci non potuerint. ipsi autem Fuluiæ,  
cum litibus distineretur, magnisq. terroribus ue-  
xaretur, tanta diligentia officium suum præsti-  
tit, ut nullum illa præstiterit uadimonium sine  
Atti-



# ATTICI

Attico, sponsor omnium rerum fuerit. quin etiam, cum illa fundum secunda fortuna emisset in diem, neque post calamitatem uersuram facere potuisset, ille se interposuit, pecuniamq. sine fenore, sineq. ulla stipulatione credidit, maximum existimans quæstum, memorem, gratumq. cognosci, simulq. aperire, se non fortunæ, sed hominibus solere esse amicum. quæ cum faciebat, nemo eum temporis caussa facere poterat existimare. nemini enim in opinionem ueniebat, Antonium rerum potiturum. sed sensus eius a non nullis optimatibus reprehendebatur, quod parum odisse malos ciues uideretur. ille autem sui iudicij, potius, quid se facere par esset, intuebatur, quam quid alij laudaturi forent. conuersa fortuna est. ut Antonius redijt in Italiam, nemo non magno in periculo Atticum putarat, propter intimam familiaritatem Ciceronis, et Bruti. itaque ad aduentum imperatorum de foro decesserat, timens proscriptionem: latebatq. apud P. Volumnium, cui, ut ostendimus paullo ante, opem tulerat. tanta uarietas his temporibus fuit fortunæ, ut modo hi, modo illi in summo essent aut fastigio, aut periculo. habebat secum Gellium Canium, æqualem, simillimumq. sui. hoc quoque sit Attici bonitatis exemplum, quod cum eo, quem puerum in ludo cognorat, adeo coniuncte uixit, ut ad extremam ætatem amicitia eorum creuerit.

Antonius autem, etsi tanto odio ferebatur in Ciceronem, ut non solum ei, sed etiam omnibus sui s  
ami-



amicis esset inimicus, eosq. uellet proscribere, multis hortantibus: tamen Attici memor fuit officij, & ei, cum requisisset, ubi nam esset, sua manu scripsit, ne timeret, statimq. ad se ueniret: se eum & Gellium Canium de proscriptorū numero exemisse. ac, ne quod periculum incideret, quod noctu fiebat, praesidium ei misit. sic Atticus in summo timore non solum sibi sed etiam ei, quem carissimum habebat, praesidio fuit. neque enim suae solum a quocumque auxilium petijt salutis, sed coniunctim, ut appareret nullam seiunctam sibi ab eo uelle fortunam. quod si gubernator praecipua laude fertur, qui nauem ex hieme, mariq. scopuloso seruat: cur non singularis eius existimetur prudentia, qui ex tot, tamq. grauibus procellis ciuilibus ad incolumitatē peruenit? quibus ex malis ut se emerferat, nihil aliud egit, quam ut plurimis, quibus rebus posset, esset auxilio. cum proscriptos praemijs imperatorum uulgus conquireret, nemo in Epirum uenit, cui res ulla defuerit: nemini non ibi perpetuo manendi potestas facta est: qui etiam, post praelium Philippense, interitumq. C. Cassij, & M. Bruti, L. Iulium Mocillam praetorium, & filium eius, Aulumq. Torquatum, ceterosq. pari fortuna perculsos institit tueri, atque ex Epiro ijs omnia Samothraciam supportari iusserit. difficile enim est omnia persequi, & non necessaria. illud unum intelligi uolumus, illius liberalitatem neque temporariam, neque callidam fuisse. id ex ipsis rebus, ac temporibus



A T T I C I

ribus iudicari potest, quod non florentibus se uenditavit, sed afflictis semper succurrit, qui quidem Seruiliam Bruti matrem non minus post mortem eius, quam florentem, coluerit. sic liberalitate utens, nullas inimicitias gessit, quod neque ladebat quamquam, neque, si quam iniuriam acceperat, non malebat obliuisci, quam ulcisci. Idem immortalis memoria percepta retinebat beneficia: quae autem ipse tribuerat, tam diu meminerat, quoad ille gratus erat, qui acceperat. itaque hic fecit, ut uere dictum uideatur: sui cuique mores fingunt fortunam. neque tamen prius ille fortunam, quam se ipse, finxit, qui cauit, ne qua in re plecteretur. His igitur rebus effecit, ut M. Vipsanius Agrippa, intima familiaritate coniunctus adolescenti Caesari, cum propter suam gratiam, & Caesaris potentiam nullius condicionis non haberet potestatem, potissimum eius deligeret affinitatem, praoptaretq. equitis Romani filiam generosarum nuptijs. atque harum nuptiarum conciliator fuit (non enim est caelandum) M. Antonius triumuir reip. cuius gratia cum augere possessiones posset suas, tantum absuit a cupiditate pecuniae, ut nulla in re usus sit ea, nisi in deprecandis amicorum aut periculis, aut incommodis. quod quidem sub ipsa proscriptione perillustre fuit nam cum. L. Sausseij, equitis Romani, aequalis sui, qui cum eo complures annos, studio ductus philosophiae, habitabat, habebatq. in Italia pretiosas possessiones, triumuiro bona uendidissent, consuetudine



dine ea, qua tum res gerebantur; Attici labore, atque industria factum est, ut eodem nuncio Sausseius fieret certior, se patrimonium amisisse, & recuperasse. idem L. Iulium Calidum, quem post Lucretij, Catulli, mortem multo elegantissimum poetam nostram tulisse atatem, uere uideor posse contendere, neque minus uirum bonum, optimisq. artibus eruditum, post proscriptionem equitum, propter magnas eius Africanas possessiones, in proscrip-  
torum numerum a P. Volumnio, praefecto fabrum Antonij, absentem relatum, expediuit. quod in praesenti utrum ei laboriosius, an gloriosius fuerit, difficile fuit iudicare; quod in eorum periculis non secus absentes, quam praesentes amicos Attico esse curae, cognitum est. Neque uero minus ille uir, bonus paterfamilias habitus est, quam ciuis. nam cum esset pecuniosus, nemo illo minus fuit emax, minus aedificator: neque tamen non in primis bene habitauit, omnibusq. optimis rebus usus est. nam domum habuit in colle Quirinali Caecilianam, ab auunculo hereditate relictam, cuius amoenitas non edificio, sed silua constabat. ipsum enim tectum, antiquitus constitutum, plus salis, quam sumptus, habebat: in quo nihil commutauit, nisi si quid uetustate coactus est. Usus est familia, si utilitate iudicandum est, optima; si forma, uix mediocri. namque in ea erant pueri litteratissimi, anagnostae optimi, & plurimi librarij; ut ne pedisequus quidem quisquam esset, qui non utrumque horum pulchre

RR. facere



ATTICI

facere posset. pari modo artifices ceteri, quos cultus domesticus desiderat, apprime boni: neque tamen horum quemquam, nisi domi natum, domique factum, habuit: quod est signum non solum continentiae, sed etiam diligentiae. nam & non intemperanter concupiscere, quod a pluribus uideas, continentis debet duci; & potius diligentia, quam pretio, parare, non mediocris est industriae. Elegans, non magnificus; splendidus, non sumptuosus, omni diligentia munditiam non affluentem affectabat. supellex modica, non multa, ut in neutram partem conspici posset. Nec praeteribo, quamquam non nullis leue uisum iri putetur. Cum in primis lautus esset eques Romanus, & non parum liberaliter in domum suam omnium ordinum homines inuitaret; scimus, non amplius, quam terna millia aeris, per aequae in singulos menses ex ephemeride eum expensum sumptui ferre solitum. atque hoc non auditum, sed cognitum praedicamus. saepe enim, propter familiaritatem, domesticis rebus interfuimus. nemo in conuiuio eius aliud ἀρπαγήν audiuit, quam ἀναγνώσκειν: quod nos quidem iucundissimum arbitramur. neque umquam sine aliqua lectione apud eum cenatum est; ut non minus animo, quam uentre, conuiuia delectarentur. namque eos uocabat, quorum mores a suis non abhorrent. Cum tanta pecuniae facta esset accessio, nihil de quotidiano cultu mutauit, nihil de uitae consuetudine; tantaque usus est moderatione, ut neque in HS uicies, quod a patre



patre acceperat, parum se splendide gesserit, neque in HS centies affluentius uixerit, quam instituerat, pariq. fastigio steterit in utraque fortuna, nullos habuerit hortos, nullam suburbanam, aut maritimam sumptuosam uillam, neque in Italia, præter Ardeatinum, & Nomentanum, rusticum prædium. omnisq. eius pecuniæ reditus constabat in Epiroticis, & urbanis possessionibus. ex quo cognosci potest, eum usum pecuniæ non magnitudine, sed ratione metiri solitum. Mendacium neque dicebat, neque pati poterat. itaque eius comitas non sine seueritate erat, neque grauitas sine facilitate: ut difficile esset intallectu, utrum eum amici magis uererentur, an amarent. Quidquid rogabatur, religiose promittebat; quod non liberalis, sed leuis arbitrabatur, polliceri quod præstare non posset. Idem in nitendo quod semel admisisset, tanta erat cura, ut non mandatam, sed suam rem uideretur agere. nusquam suscepti negotij eum pertæsum est: suam enim existimationem in ea re agi putabat: qua nihil habebat carius. quo fiebat, ut omnia Ciceronum, Catonis, Marij, Q. Hortensij, A. Torquati, multorum præterea equitum Romanorum negotia procuraret. ex quo iudicari poterat, non inertia, sed iudicio fugisse reip. procurationem. Humanitatis uero nullū afferre maius testimonium possum, quam quod adolescens idem seni Sullæ fuerit iucundissimus, senex adolescenti M. Bruto; cum æqualibus autem suis Q. Hrotensio, & M. Cicerone sic uixe-

RR 2 rit,



A T T I C I

rit, ut iudicare difficile sit, cui etati fuerit aptissimus. quamquam eum præcipue dilexit Cicero; ut ne frater quidem ei Quinctus carior fuerit, aut familiarior. ei rei sunt indicio, præter eos libros, in quibus de eo facit mentionem, qui in uulgus sunt editi, sexdecim uolumina epistolarum ab consulatu eius usque ad extremum tempus ad Atticum missarum: quæ qui legat, non multum desideret historiam contextam eorum temporum. sic enim omnia de studiis principum, uitæ ducum, æmulationibus reip. perscripta sunt, ut nihil in his non appareat, & facile existimari possit, prudentiam quodam modo esse diuinationem. non enim Cicero ea solum, quæ uiuo se acciderunt, futura prædixit, sed etiam, quæ nunc usu ueniunt, cecinit, ut uates. De pietate autem Attici quid plura commemorem? cum hoc ipsum uere gloriantem audierim in funere matris suæ, quam extulit annorum nonaginta, cum esset septem, & sexaginta, se numquam cum matre in gratiam rediisse, numquam cum sorore fuisse in similitudine, quam prope ætate æqualem habebat. quod est signum, aut nullam umquam inter eos querimoniam intercessisse, aut hunc ea fuisse in suos indulgentia, ut, quos amare deberet, irasci eis, nefas duceret. neque id fecit natura solum, (quamquam omnes ei paremus) sed etiam doctrina. nam et principum philosophorum ita percepta habuerat præcepta, ut his ad uitam agendam, non ad ostentationem, uteretur, moris etiam maiorum sum-

mus



mus imitator fuit, antiquitatisq. amator: quam adeo diligenter habuit cognitam, ut eam totam in eo uolumine exposuerit, quo magistratus ornauit. nulla enim lex, neque pax, neque bellum, neque res illustris est populo R. quæ non in eo suo tempore sit notata. & quod difficillimum fuit, sic familiarum originem subtexuit, ut ex eo clarorum uirorum propages possimus cognoscere. fecit hoc idem separatim in alijs libris, ut, M. Bruti rogatu, Iuniam familiam a stirpe ad hanc ætatem ordine enumerauerit, notans, qui a quoque ortus, quos honores, quibusq. temporibus cepisset. pari modo, Marcelli Claudij, de Marcellorum; Scipionis Cornelij, & Fabij Maximi, de Fabiorum, & Aemiliorum: quibus libris nihil potest esse dulcius ijs, qui aliquam cupiditatem habent notitiæ clarorum uirorum. Attigit quoque poetice; credimus, ne eius expers esset suauitatis. namque uersibus, qui honore, rerum gestarum amplitudine ceteros Romani populi præstiterunt, exposuit, ita, ut sub singulorum imaginibus facta, magistratusq. eorum non amplius quaternis, quinisq. uersibus descripserit: quod uix credendum sit, tantas res tam breuiter potuisse declarari. Est etiam unus liber græce confectus de consulatu Ciceronis. Hactenus, Attico uiuo, edita a nobis sunt. nunc, quoniam fortuna nos superstites ei esse uoluit, reliqua persequemur, & quantum potuerimus, rerum exemplis lectores docebimus, sicut supra significauimus, suos cuique mores ple-



A T T I C I

rumque conciliare fortunam. namque hic contentus ordine equestri, quo erat ortus, in affinitatem peruenit imperatoris, diui Iulij filij, cum iam ante familiaritatem eius esset consecutus nulla alia re, quam elegantia uitæ, qua ceteros ceperat principes ciuitatis, dignitate pari, fortuna humiliores. tanta enim prosperitas Cæsarem est consecuta, ut nihil ei non tribueret fortuna, quod cuiquam ante detulerit, & conciliarit, quod ciuis Romanus quiuit consequi. Nata autem est Attico neptis ex Agrippa, cui uirginem filiam collocauit. hanc Cæsar uix anniculam Ti. Claudio Neroni, Drusilla nato, priuigno suo, despondit. quæ coniunctio necessitudinem eorum sanxit, familiaritatem reddidit frequentiore. quamuis ante hæc sponsalia, non solum cum ab urbe adesset, numquam ad suorum quæquam litteras misit, quin Attico mitteret, quid ageret in primis, quid legeret, quibusq. in locis, & quam diu esset moraturus: sed &, cum esset in urbe, & propter suas infinitas occupationes minus sæpe, quam uellet, Attico frueretur, nullus dies temere intercessit, quo non ad eum scriberet, quo aliquid de antiquitate ab eo requireret; modo aliquam quæstionem poeticam ei proponeret; interdum iocans eius uerbosiores eliceret epistolas. ex quo accidit, cum ædes Iouis Feretij in Capitolio, ab Romulo constituta, uetustate, atque incuria detecta prolaberetur, ut Attici admonitu Cæsar eam reficiendam curaret. Neque uero a M. Antonio minus absens



sens litteris colebatur, adeo ut accurate ille ex ultimis terris, quid ageret, quid curæ sibi haberet, certio-  
riorem faceret Atticum. hoc quale sit, facilius existimabit is, qui iudicare poterit, quantæ sit sapientia, eorum retinere usum, benevolentiamque, inter quos maximarum rerum non solum æmulatio, sed obrectatio tanta intercedebat, quantam fuit intercedere necesse inter Cæsarem, atque Antonium; cum se uterque principem non solum urbis Romæ, sed orbis terrarum esse cuperet. Tali modo cum septem, & septuaginta annos compleisset, atque ad extremam senectutem non minus dignitate, quam gratia, fortunaque, creuisset; (multas enim hereditates nulla alia re, quam bonitate, cōsecutus) tantaq. prosperitate usus esset ualeitudinis, ut annis xxx medicina non indiguisset: nactus est morbum, quem initio & ipse, & medici contempserunt: nam putarunt esse τερασμὸν: cui remedia celeria, faciliaq. proponebantur. in hoc cum tres menses sine ullis doloribus, præterquam quos ex curatione capiebat, consumpsisset, subito tanta uis morbi in unum intestinum prorupit, ut extremo tempore per lumbos fistula putris eruperit. atque antea quidem morbi diurnitatem moleste ferebat, priusquam hoc ei accideret: postquam uero in dies dolores accrescere, febresq. accessisse sensit; Agrippam generum ad se accersiri iussit, & cum eo L. Corneli-  
um Balbum, Sextumq. Peduceum. hos ut uenisse uidit, in cubitum nixus, Quantam, inquit, curam

RR 4 di-



A T T I C I

diligentiamq. in ualitudine mea tuenda hoc tempore adhibuerim, cum uos testes habeam, nihil opus est pluribus uerbis commemorare. quibus quoniam, ut spero, satisfeci, me nihil reliqui fecisse, quod ad sanandum me pertineret. reliquum est, ut egomet mihi consulam. id uos ignorare nolui. nam mihi stat, alere morbum desinere. namque his diebus quidquid cibi sumpsi, ita produxi uitam, ut auxerim dolores sine spe salutis. quare a uobis peto, primum ut consilium probetis meum, deinde ne frustra dehortando conemini. Hac oratione habita, tanta constantia uocis, atque uultus, ut non ex uita, sed ex domo in domum uideretur migrare; cum quidem Agrippa eum flens, atque osculans oraret, atque obsecraret, ne ad id, quod natura cogeret, ipse quoque sibi acceleraret, & quoniam tum quoque posset temporibus superesse, se sibi, suisq. reseruaret, preces eius taciturna sua obstinatione depressit. sic cum biduum cibo se abstinuisset, subito febris decessit, leuiorq. morbus esse coepit: tamen propositum nihilo secius peregit. itaque die quinto postquam id consilium inerat, prid. kal. Apr. Cn. Domitio, C. Sosio cos. decessit. elatus est in lecticula, ut ipse praescripserat, sine ulla pompa funeris, comitantibus omnibus bonis, maxima uulgi frequentia. sepultus est iuxta uiam Appiam, ad quintum lapidem, in monumento Q. Cecilij, auunculi sui.

M. TVLLII



M. TVLLII CICERONIS  
EPISTOLARVM AD

M. IVNIVM BRVTVM

LIBER I.

CICERO S. D. BRVTO.

CLODIVS, tribunus pl. designatus,  
ualde me diligit, uel, ut ἐμπατικώτερον  
dicam, ualde me amat. quod cum mihi  
ita persuasum sit; non dubito, (bene  
enim me nosti) quin illum quoque iudices a me ama-  
ri. nihil enim mihi minus hominis uidetur, quam  
non respondere in amore ijs, a quibus prouocere.  
is mihi uisus est suspicari, nec sine magno quidem  
dolore, aliquid a suis, uel per suos potius inimicos  
ad te esse delatum, quo tuus animus a se esset alie-  
nior. non soleo, mi Brute, quod tibi notum esse ar-  
bitror, temere affirmare de altero. est enim peri-  
culosum; propter occultas hominum uoluntates,  
multiplicesq. naturas. Clodij animum perspectum  
habeo, cognitum, iudicatum. multa eius indicia,  
sed ad scribendum non necessaria. uolo enim hoc te-  
stimonium tibi uideri potius, quam epistolam. au-  
ctus Antonij beneficio est: eius ipsius beneficij ma-  
gna pars a te est. itaque eum, saluis nobis, uellet sal-  
uum. in eum autem locum rem adductam intelli-  
git, (est enim, ut scis, minime stultus) ut utrique  
salui esse non possint: itaque nos mauult. de te uero

ami-



L I B. I. E P I S T.

amicissime & loquitur, & sentit. quare, si quis secus ad te de eo scripsit, aut si coram locutus est; pecto a te etiam atque etiam, mihi ut potius credas, qui & facilius iudicare possim, quam iste nescio quis, & te plus diligo. Clodium tibi amicissimum existima, ciuemq. talem, qualis et prudentissimus, & fortuna optima esse debet. Vale.

C I C E R O S. D. B R U T O. 2

CUM hæc scribebam, res existimabatur in extremum adducta discrimen: tristes enim de Bruto nostro litteræ, nunciique afferebantur. me quidem non maxime conturbabant. hic enim exercitibus ducibusque, quos habemus, nullo modo poteram diffidere. nec assentiebar maiori parti hominum. fidem enim consulum non condemnabam, quæ suspecta uehementer erat: desiderabam non nullis in rebus prudentiam, et celeritatem: qua si essent usi, iam pridem remp. recuperassemus. non enim ignoras, quanta momenta sint in rep. temporum; & quid intersit, idem illud utrum ante, an post decernatur, suscipiatur, agatur. Omnia, quæ seuerè decreta sunt hoc tumultu, si, aut quo die dixi sententiam, perfectæ essent, & non in diem ex die dilata, aut quo ex tempore suscepta sunt ut agerentur, non tardata, et procrastinata, bellum iam nullum haberemus. Omnia, Brute, præstiti reip. quæ præstare debuit is, qui esset eo, quo ego sum, gradu senatus populiq. iudicio collocatus: nec illa modo,



do, quæ nimirum sola ab homine sunt postulanda, fidem, uigilantiam, patriæ caritatem. ea sunt enim, quæ, nemo est, qui non præstare debeat. ego autem ei, qui sententiam dicat in principibus de rep. puto etiam prudentiam esse præstandam. nec me, cum mihi tantum sumpserim, ut gubernacula reip. prenderem, minus putarim reprehendendum, si inutiliter aliquid senatui suaferim, quam si infideliter.

Acta quæ sint, quæq. agantur, scio perscribi ad te diligenter. Ex me autem illud est quod te uelim habere cognitum, meum quidem animum in aciem esse, neque respectum ullum quærere, nisi me utilitas ciuitas fore conuerterit: maiores autem partes animi te, Cassiumq. respiciunt. Quamobrem ita te para, Brute, ut intelligas, aut, si hoc tempore bene res gesta sit, tibi meliorem remp. esse faciendam, aut, si quid offensum sit, per te esse eandem recuperandam.

CICERO S. D. BRUTO. 3

PLACI animum in remp. egregium, legiones, auxilia, copias ex litteris eius. quare exemplum tibi missum arbitror, perspicere potuisti. Lepidi, tui necessarij, (qui, secundum fratrem, affines habet, quos oderit, proximos) leuitatem, & inconstantiam, animumq. semper inimicum reip. iam credo tibi ex tuorum litteris esse perspectum. Nos expectatio sollicitat, quæ est omnis iam in extremum adducta discrimen. est enim spes omnis in Bru



to expediendo, de quo uehementer timebamus.  
 Ego hic cum homine furioso satis habeo negotij Seruilio: quem tuli diutius, quam dignitas mea patiebatur; sed tuli reip. causa, ne darem perditis ciuibus hominem parum sanum illum quidem, sed tamen nobilem, quo concurrerent: quod faciunt nihilo minus: sed eum alienandum a rep. num putabam. finem feci eius ferendi. cœperat enim esse tanta insolentia, ut neminem liberum duceret. In Planci uero causa exarsit incredibili dolore, mecumq. per biduum ita contendit, & a me ita fractus est, ut eum in perpetuum modestiorem sperem fore. Atque in hac contentione ipsa, cum maxime res ageretur ad v. id. April. litteræ mihi in senatu redditæ sunt a Lentulo nostro, de Cassio, de legionibus, de Syria: quas statim cum recitauissem, cecidit Seruilius, complures præterea. sunt enim insignes aliquot, qui improbissime sentiunt. sed acerbissime tulit Seruilius, assensum esse mihi de Plancio. Magnum illud monstrum in rep. est, sed quo \*

BRVTVS S. D. CICERONI. 4

LITTERAS tuas ualde expecto, quas scripsisti post nuncios nostrarum rerum, & de morte Trebonij. non enim dubito, quin mihi consilium tuum explices. Indigno scelere & ciuem optimum amisimus, & prouinciæ possessione pulsi sumus: quam recuperari facile est; neque minus turpe, aut flagitiosum erit, post recuperari. Antonius adhuc est  
 no-



nobiscum: sed mediusfidius & moueor hominis precibus; & timeo, ne illum aliquorum furor excipiat. plane aestuo. quod si scirem, quid tibi placeret: sine sollicitudine essem. id enim optimum esse, persuasum esset mihi. quare quamprimum fac me certiore, quid tibi placeat. Cassius noster Syriam, legiones Syriacas habet, ultro quidem a Murco, & a Marcio, & ab exercitu ipso accersitus. Ego scripsi ad Tertiam sororem, & ad matrem, ne prius ederent hoc, quod optime ac felicissime gessit Cassius, quam tuum consilium cognouissent, tibi quidvisum esset. Legi orationes duas tuas, quarum altera kalendis Ian. usus es, altera de litteris meis, quæ habita est abs te contra Calenum. nunc scilicet hoc exspectas, dum eas laudem. Nescio, animi, an ingenij tui maior in his libellis laus contineatur. Iam concedo, ut uel Philippici uocentur: quod tu quadam epistola iocans scripsisti. Duabus rebus egemus Cicero, pecunia, & supplemento: quarum altera potest abs te expediri, ut aliqua pars militum istinc mittatur nobis, uel secreto consilio aduersus Pansam, uel actione in senatu; altera, quæ magis est necessaria, neque meo exercitui magis, quam reliquorum. Hoc magis doleo, Asiam nos \* amisisse: quam sic uexari a Dolabella audio, ut iam non uideatur crudelissimum eius facinus interfectio Trebonij. Vetus Antistius me tamen pecunia subleuauit. Cicero filius tuus sic mihi se probat industria, patientia, labore, animi magnitudine, omni denique



## LIB. I. EPIST.

denique officio, ut prorsus numquam dimittere videatur cogitationem, cuius sit filius. Quare, quoniam efficere non possum, ut pluris facias eum, qui tibi est carissimus; illud tribue iudicio meo, ut tibi persuadeas, non fore illi abutendum gloria tua, ut adipiscatur honores paternos. Kalendis Apr. Dyrrhachio.

CICERO S. D. BRUTO. 5

DATIS mane ad III. id. Apr. Scaptio litteris, eodem die tuas accepi kalendis Apr. Dyrrhachio datas, vesperi. itaque mane prid. id. Apr. cum a Scaptio certior factus essem, non esse eos profectos, quibus pridie dederam, & statim ire, hoc paullulum exaravi ipsa in turba matutinae salutationis. De Cassio lator, & reip. gratulor, mihi etiam, qui, repugnante, & irascente Pansa, sententiam dixerim, ut Dolabellam bello Cassius persequeretur. & quidem audacter dicebam, sine nostro S. C. iam illud eum bellum gerere. De te etiam dixi tum, quae dicenda putavi. Haec ad te oratio perferetur: quoniam te uideo delectari Philippicis nostris. Quod me de Antonio consulis: quoad Bruti exitum cognorimus, custodiendum puto. Ex his litteris, quas mihi misisti, Dolabella Asiam uexare uidetur, & in ea se gerere tæterrimè. compluribus autem scripsisti, Dolabellam a Rhodijs esse exclusum. qui si ad Rhodum accessit, uidetur mihi Asiam reliquisse. id si ita est, istuc tibi censeo commorandum:



randum: sin eam semel cepit; mihi crede, non erit,  
at in Asiam censeo persequendum. nihil mihi ui-  
deris hoc tempore melius acturus. Quod egere te  
duabus necessarijs rebus scribis, supplemento, &  
pecunia: difficile consilium est. non enim mihi oc-  
currunt facultates, quibus uti te posse uideam, præ-  
ter illas, quas senatus decreuit, ut pecunias a ciui-  
tatibus mutuas sumeres. De supplemento autem  
non uideo quid fieri possit. tantum enim abest, ut  
Pansa de exercitu suo, aut delectu tibi aliquid tri-  
buat, ut etiam moleste ferat, tam multos ad te ire  
uoluntarios: quo modo equidem credo, quod his re-  
bus, quæ in Italia decernuntur, nullas copias nimis  
magnas esse arbitretur: quo modo autem multi su-  
spicantur, ne te quidem nimis firmum esse uelit:  
quod ego non suspicor. Quod scribis te ad Tertiam  
sororem scripsisse, ut ne prius ederent ea, quæ ge-  
sta a Cassio essent, quam mihi uisum esset: uideo te  
ueritum esse id, quod uerendum fuit, ne animi par-  
tium Cæsaris, quo modo etiam nunc partes appel-  
lantur, uehementer cōmouerentur. sed ante quam  
tuas litteras accepimus, audita res erat, & peruul-  
gata. tui etiam tabellarij ad multos familiares tuos  
litteras attulerant. quare neque supprimenda res  
erat, præsertim cum id fieri non posset: neque, si  
posset, non diuulgandum potius, quam occultan-  
dum, putaremus. De Cicerone meo, & si tantum  
est in eo, quantum scribis, tantum scilicet, quan-  
tum debeo, gaudeo: & si, quod amas eum, eo

ma-



maiora facis; id ipsum incredibiliter gaudeo, at te  
eum diligi.

CICERO S. D. BRUTO. 6

Quæ litteræ tuo nomine recitatae sunt idibus  
Apr. in senatu, eodemq. tempore Antonij, credo  
ad te scripsisse tuos: quorum ego nemini concedo:  
sed nihil necesse erat eadem omnes. illud necesse,  
me ad te scribere, quid sentirem de tota constitu-  
tione huius belli, & quo iudicio essem, quaq. senten-  
tia. Voluntas mea, Brute, de summa rep. semper  
eadem fuit, quæ tua; ratio quibusdam in rebus,  
non omnibus, paullo fortasse uehementior. Scis mi-  
hi semper placuisse, non rege solum, sed regno libe-  
rari remp. tu lenius, immortalī omnino cum tua  
laude: sed, quid melius fuerit, magno dolore sensi-  
mus, magno periculo sentimus. Recentī illo tem-  
pore, tu omnia ad pacem, quæ oratione confici non  
poterant: ego omnia ad libertatem, quæ sine pace  
nulla est: pacem ipsam bello, atque armis effici pos-  
se arbitrabar. Studia non deerant arma poscen-  
tium: quorum repressimus impetum, ardoremq.  
restitinximus. itaque res in eum locum uenerat, ut,  
nisi Cæsari Octauiano deus quidam illam mentem  
dedisset, in potestatem perditissimi hominis, & tur-  
pissimi M. Antonij ueniendum fuerit; quo cum, ui-  
des, hoc tempore ipso quod sit, quantumq. certa-  
men. id profecto nullum esset, nisi tum conseruatus  
esset Antonius. Sed hæc omitto. res enim a te ge-  
sta



sta memorabilis, & pane celestis, repellit omnes  
 repræhensiones; quippe, quæ ne laude quidem  
 satis idonea affici possit. Exstitisti nuper uultu seue-  
 ro; exercitum, copias, legiones idoneas per te bre-  
 ui tempore comparasti. Dii immortales, qui ille  
 nuncius, quæ illæ litteræ, quæ lætitia senatus, quæ  
 alacritas ciuitatis erat? nihil umquam uidi tam om-  
 nium consensione laudatum. Erat expectatio re-  
 liquiarum Antonij, quem equitatu, legionibusq.  
 magna ex parte spoliaras. ea quoque habuit exitum  
 optabilem. nam tuæ litteræ, quæ recitatæ in se-  
 natu sunt, & imperatoris, & militum uirtutem,  
 & industriam tuorum, in quibus Ciceronis mei,  
 declarant. Quod si tuis placuisset de his litteris re-  
 ferri; & nisi in tempus turbulentissimum post di-  
 scessum Pansæ consulis incidissent: honos quoque  
 iustus, & debitus dijs immortalibus, decretus esset.  
 Ecce tibi idibus Apr. aduolat mane celer Pilus, qui  
 uir, dii boni, quam grauis, quam constans, quam  
 bonarum in rep. partium? hic epistolas affer duas,  
 unam tuo nomine, alteram Antonij. dat Seruilio tri-  
 buno pl. ille Cornuto: recitantur in senatu. ANTO-  
 NIVS PROCOS. magna admiratio, ut si esset re-  
 citatum, Dolabella imperator: a quo quidem uene-  
 rāt tabellarij, sed nemo Pili similis, qui proferre lit-  
 teras auderet, aut magistratibus reddere. Tuæ reci-  
 tantur, breues illæ quidem, sed in Antonium admo-  
 dum lenes. uehementer admiratus senatus. mihi  
 autem non erat explicatum, quid agerem. falsas  
 SS            dicerem?



dicerem? quid, si tu eas approbasses? confirmare? non erat dignitatis tuæ. itaque ille dies silentio. Postridie autem, cum sermo increbuisse, Pilusq. oculos uehementius hominum offendisset, natum omnino est principium a me. de proconsule. Antonio multa. Sextius causæ non defuit post me, cum, quanto suum filium, quanto meum in periculo futurum, diceret, si contra proconsule. arma tulissent. nosti hominem: causæ non defuit. dixerunt etiam alij. Labeo uero noster, nec signum tuum in epistola, nec diem appositum, nec te scripsisse ad tuos, ut soleres, hoc cogere uolebat, falsas litteras esse, & si quæris, probabat. Nunc tuum est consilium, Brute, de toto genere belli. uideo te lenitate delatari, & eum putare fructum esse maximum. preclare quidem, sed alijs rebus, alijs temporibus locus esse solet, debetq. clementiæ. nunc quid agitur Brute templis deorum immortalium imminet hominum egentium & preditorum spes, nec quidquā aliud decernitur hoc bello, nisi utrum simus, necne. cui parcimus? aut quid agimus? his ergo consulimus, quibus uictoribus uestigium nostrum nullum relinquetur? nam quid interest inter Dolabellam & quemuis Antoniorum trium? quorum si cui parcimus, duri fuimus in Dolabella. Hæc ut ita sentiret senatus, populusq. R. & si res ipsa cogeat tamen maxima ex parte nostro consilio, atque auctoritate perfectum est. Tu si hanc rationem non probas, tuam sententiam defendam, non relinquā meam.



meam. neque dissolutum a te quidquam homines  
exspectant, nec crudele. huius rei moderatio facilis  
est, ut in duces uehemens sis, in milites liberalis.  
Ciceronem meum, mi Brute, uelim quamplurimum  
tecum habeas. uirtutis disciplinam meliorem repe-  
riet nullam, quam contemplationem, atque imita-  
tionem tui. XVI. kal. Mai.

SCRIPTA, & obsignata iam epistola, litteræ  
mibi redditæ sunt a te, plenæ rerum nouarum, ma-  
ximeq. mirabiles: Dolabellam quinque cohortes  
misisse in Cherrhonesum. adeo ne copijs abundat, ut  
is, qui ex Asia fugere dicebatur, Europam appe-  
tere conetur? quinque autem cohortibus quidnam  
se facturum arbitratus est, cum tu eo quinque legio-  
nes, optimum equitatum, maxima auxilia habe-  
res? quas quidem cohortes spero iam tuas esse; quo-  
niam latro ille tam fuit demens. & tuum consilium  
uehementer laudo, quod non prius exercitum Apol-  
lonia, Dyrrhachioq. mouisti, quam de Antoniï fu-  
ga audisti, Bruti eruptione, populi R. uictoria. ita-  
que quod scribis, postea statuisse te, ducere exer-  
citum in Cherrhonesum, nec pati sceleratissimo ho-  
sti ludibrio esse imperium populi R. facis ex tua di-  
gnitate, & erep. Quod scribis de seditione, quæ  
facta est in legione quarta de Antoniïs: quod dicam,  
in bonam partem accipias: magis mihi probatur  
militum seueritas, quam tua. Te beneuolentiam  
exercitus, equitumq. expertum esse, uehementer  
gaudeo. De Dolebella, ut scribis, si quid habes



## LIB. I. EPIST.

noui, facies me certiore. in quo ualde delector,  
 me ante prouidisse, ut tuum iudicium liberum esset  
 cum Dolabella belli gerendi: & id ualde pertinuit,  
 ut ego tum intelligebam, ad remp. ut nunc iudico,  
 ad dignitatem tuam. Quod scribis, me maximo  
 otio egisse, ut insectarer Antonios; idq. laudas:  
 credo ita uiderit tibi: sed illam distinctionem tuam  
 nullo pacto probo. scribis enim, acrius prohiben-  
 da bella ciuilia esse, quam in superatos iracundiam  
 exercendam. uehementer a te Brute dissentio: ine-  
 que clementiae tuae concedo: sed salutaris seueritas  
 uincit inanem speciem clementiae. quod si clementes  
 esse uoluerimus, numquam deerunt bella ciuilia. sed  
 de hoc tu uideris. de me possum idem, quod Plauti-  
 nus pater in Trinummo: Mihi quidem aetas acta  
 ferme est; tua istuc refert maxime. opprimemini,  
 mihi crede, Brute, nisi prouideritis. neque enim  
 populum semper eundem habebitis, neque senatū,  
 neque senatus ducem. haec ex oraculo Apollinis  
 Pythij edita tibi puta. nihil potest esse uerius.  
 XIV. kal. Mai.

CICERO S. D. BRUTO. 7

NOSTRAE res meliori loco uidebantur. scri-  
 pta enim ad te certo scio, quae gesta sunt. Quales  
 tibi saepe scripsi, consules tales extiterunt. Cæsa-  
 ris uero pueri mirifica indoles uirtutis. utinam tam  
 facile eum florentem & honoribus, & gratia rege-  
 re, ac tenere possimus, quam facile adhuc tenui-  
 mus.



mus. est omnino illud difficillius : sed tamen non diffidimus . persuasum est enim adolescenti , & maxime per me , eius opera nos esse saluos . & certe , nisi is Antonium ab urbe auertisset , periissent omnia . triduo uero , aut quatruiduo ante hanc rem pulcher-  
rimam , timore quodam perculsa ciuitas tota ad te se cum coniugibus , & liberis effundebat : eadem recreata ad VII . kal . Mai . te huc uenire , quam se ad te ire , malebat . quo quidem die magnorum meo-  
rum laborum , multarumq . uigiliarum fructum ce-  
pi maximum ; si modo est aliquis fructus ex solida ,  
ueraq . gloria . nam tantæ multitudinis , quantam capit urbs nostra , concursus est ad me factus . ea cum usque in Capitolium deductus , maximo clamo-  
re , atque plausu in Rostris collocatus sum . nihil est in me inane ; neque enim debet : sed tamen omnium  
ordinum consensus , gratiarum actio , glatulatioq .  
me commouet : propterea quod , popularem me  
esse in populi salute , præclarum est . Sed hæc te ma-  
lo ab alijs audire . Me uelim de tuis rebus , consi-  
lijsq . facias diligentissime certiores : illudq . consi-  
deres , ne tua liberalitas dissolutior uideatur . sic sen-  
tit senatus , sic populus R . nullos umquam hostes di-  
gniores omni supplicio fuisse , quam ciues , qui hoc  
bello contra patriam arma ceperunt . quos quidem  
ego omnibus sententijs ulciscor , & persequor , om-  
nibus bonis approbantibus . tu quid de hac re sen-  
tias , tui iudicij est . ego sic sentio , trium fratrum  
unam , & eandem esse causam . Consules duos , bo-



nos quidem, sed dumtaxat bonos, amisimus. Hirtius quidem in ipsa uictoria occidit, cum paucis diebus magno prælio ante uicisset. nam Pansa fugerat, uulneribus acceptis, quæ ferre non potuit. reliquias hostium Brutus persequitur, & Cæsar. hostes autem omnes iudicati, qui M. Antonij sectam secuti sunt. itaque id S. C. plerique interpretantur etiam ad tuos siue captiuos, siue dediticios pertinere. equidem nihil differui durius, cum nominatim de C. Antonio decernerem; quod ita statueram, a te cognoscere causam eius senatum oportere. x. kal. Mai.

BRUTVS S. D. CICERONI. 8

QVANTA sim lætitia affectus, cognitis rebus Bruti nostri, & consulum, facilius est tibi existimare, quam mihi scribere. cum alia laudo, & gaudeo accidisse, tum quod Bruti eruptio non solum ipsi salutaris fuit, sed etiam maximo ad uictoriam adiumento. Quod scribis, trium Antoniorum unam atque eandem causam esse; quid ego sentiam, mei iudicii esse: statuo nihil, nisi hoc; senatus aut populi R. iudicium esse de ijs ciuibus, qui pugnantes non interierunt. At hoc ipsum, inquires, inique facis, qui hostilis animi in remp. homines ciues appelles. Immo iustissime. quod enim non dum senatus censuit, nec populus R. iussit, id arroganter nō præiudico, neque reuoco ad arbitrium meum. illud quidem non muto, quod ei, quem me occidere

res



res non coegit, neque crudeliter quidquam eripui,  
neque dissolute quidquam remisi; habuiq. in mea  
potestate, quoad bellum fuit. multo quidem hone-  
stius iudico, magisq. quod concedere possit resp. mi-  
serorum fortunam non insectari, quam infinita tri-  
buere potentibus, quæ cupiditatem, & arrogan-  
tiam incendere possint. qua in re, Cicero, uir opti-  
me ac, fortissime, mihiq. merito & meo nomine,  
& reip. carissime, nimis credere uideris spei tuæ,  
statimque, ut quisque aliquid recte fecerit, omnia  
dare, ac permittere: quasi non liceat traduci ad ma-  
la consilia corruptum largitionibus animū. quæ tua  
est humanitas, æquo animo te moneri patieris, præ-  
sertim de communi salute: facies tamen, quod tibi ui-  
sum fuerit: etiam ego, cum me docueris. nūc Cicero,  
nunc agendū est, ne frustra oppressum esse Antonium  
gausi simus; neu semper primi cuiusque mali exci-  
dendi causa sit, ut aliud renascatur illo peius. nihil  
iam neque opinantibus, aut patientibus nobis ad-  
uersi euenire potest, in quo non cum omnium cul-  
pa, tum præcipue tua futura sit, cuius tantā aucto-  
ritatem senatus ac populus R. non solum esse pati-  
tur, sed etiam cupit, quanta maxima in libera ciui-  
tate unius esse potest: quam tu non solum bene sen-  
tiendo, sed etiam prudenter tueri debes. pruden-  
tia porro, quæ tibi superest, nulla abs te desidera-  
tur, nisi modus in tribuendis honoribus. alia omnia  
sic adsunt, ut cum quolibet antiquorum comparari  
possint tuæ uirtutes. unum hoc, grato animo, libe-  
raliq.



raliq. profectum, cautiorem, ac moderatiorem liberalitatem desiderat. nihil enim senatus cuiquam dare debet, quod male cogitantibus exemplo, aut praesidio sit. itaque timeo, de consulatu, ne Caesar tuus altius se adscendisse putet decretis tuis, quam inde, si consul factus sit, descensurum, quod si Antonius ad alio relictum regni instrumentum occasionem regnandi habuit: quonā animo fore putas, si quis, auctore non tyranno interfecto, sed ipso senatu, putat se imperia quaelibet concupiscere posse? quare tum & facilitatem, & providentiam laudabo tuam, cum exploratum habere cœpero, Caesarem honoribus, quos acceperit, extraordinarijs fore contentum. alienæ, igitur, inquires, culpæ me reum facies? prorsus alienæ; si provideri potuit, ne existeret. quod utinam inspectare possis timorem de illo meum. His litteris scriptis, te consulem factum audiimus. tum uero incipiam proponere mihi remp. iustam, & iam suis nitentem uiribus, si istuc uidero. Filius ualet, & in Macedoniā cum equitatu praemissus est. Idibus Mai. ex castris.

CICERO S. D. BRUTO 9

AD V. kal. Mai. cum de ijs, qui hostes indicati sunt, bello persequendis sententiæ dicerentur, dixit Seruilius etiam de Ventidio, & ut Cassius persequeretur Dolabellam. cui cum essem assensus, decreui hoc amplius, ut tu, si arbitrarere utile, ex q. rep. esse, persequerere Dolabellam bello: si minus



minus id commodo reip. facere posses, siue non existimares e rep. esse, ut in iisdem locis exercitum contineres. nihil honorificentius potuit facere senatus, quam ut tuum esset iudicium, quid tibi maxime conducere reip. uideretur. equidem sic sentio: si manum habet, si castra, si ubi consistat uspiam Dolabella; ad fidem, & ad dignitatem tuam pertinere, eum persequi. De Cassii nostri copiis nihil sciebamus. neque enim ab ipso ullæ litteræ: neque nunciabatur quidquam, quod pro certo haberemus. quantopere autem intersit, opprimi Dolabellam, profecto intelligis; tum ut sceleris pœnas persoluat; tum ne sit, quo se latronum duces ex Mutinensi fuga conferant. atque hoc mihi iam ante placuisse, potes ex superioribus meis litteris recordari. quamquam tum et fugæ portus erat in tuis castris, et subsidium salutis in tuo exercitu. quo magis nunc liberati, ut spero, periculis, in Dolabella opprimendo occupati esse debemus. sed hæc cogitabis diligentius, statues sapienter: facies nos, quid constitueris, & quid agas, si tibi uidebitur, certiores. Ciceronem nostrum in uestrum collegium cooptari uolo. existimo omnino absentium rationem sacerdotum comitijs posse haberi. nam etiam factum est antea. Caius enim Marius, cum in Cappadocia esset, lege Domitia factus est augur: nec, quo minus id postea liceret, ulla lex sanxit. est etiam in lege Iulia, quæ lex est de sacerdotijs proxima, his uerbis: Qui petit, cuius ue ratio habebitur. aperte indicat,



cat, posse rationem haberi etiam non præsentis. hac de re scripsi ad eum, ut tuo iudicio uteretur, sicut in rebus omnibus. tibi autem statuendum est de Domitio, & de Catone nostro. sed quamuis liceat absentis rationem haberi, tamen omnia sunt præsentibus facilia. quod si statueris in Asiam tibi eundem, nulla erit ad comitia nostros accersendi facultas. omnino, Pansa uiuo, celeriora omnia putabamus. statim enim collegam sibi surrogasset: deinde ante prætoria, sacerdotum comitia fuissent. nunc per auspicia longam moram uideo. dum enim unus erit patricius magistratus, auspicia ad patres redire non possunt. magna sane perturbatio. tu tota de re quid sentias, uelim me facias certiore. III. non. Mai.

BRUTVS S. D. CICERONI. IO

NOLI expectare, dum tibi gratias agam. iam pridem hoc ex nostra necessitudine, quæ ad summam beneuolentiam peruenit, sublatum esse debet. Filius tuus a me abest. in Macedonia congregiemur. iussus est enim Ambraciam ducere equites per Thessaliam: & scripsi ad eum, ut mihi Heracleam occurreret. cum eum uidero, (quoniam nobis permittis) communiter constituemus de reditu eius ad petitionem, aut ad commendationem honoris. Tibi Glycona, medicum Pansæ, qui sororem Achilleos nostri in matrimonio habet, diligentissime commendo. audimus, eum uenisse in suspicionem Torquato de morte Pansæ, custodiriq. ut paricidam.



ricidam . nihil minus credendum est . quis enim maiorem calamitatem morte Pansæ accepit ? præterea est modestus homo , & frugi , quem ne utilitas quidem uideatur impulsura fuisse ad facinus . Rogo te , & quidem ualde rogo , ( nam Achilles noster non minus , quam æquū est , laborat ) eripias eum ex custodia , conseruesque . hoc ego ad meum officium priuatarum rerum æque , atque ullam aliam rem , pertinere arbitror . Cum has ad te scriberem litteras , ab Satrio , legato C. Trebonij , reddita est mihi epistola , a Tullio , & Deiotaro Dolabellam cæsum , fugatumq. esse . græcam epistolam tibi missi Cytherei cuiusdam ad Satrium missam . Flavius noster de controuersia , quam habet cum Dyrrhachinis hereditariam , sumpsit te iudicem . rogo te , Cicero , & Flavius rogat , rem conficias . quin ei , qui Flaviū fecit heredem , pecuniam debuerit ciuitas , non est dubium : neque Dyrrhachini inficiantur : sed sibi donatum æs alienum a Cæsare dicunt . noli pati , a necessarijs tuis necessario meo iniuriam fieri . XVII. kal. Iun. ex castris , ad imā Candauia .

B R V T V S S. D. C I C E R O N I. II

L. BIBVLVS quam carus mihi esse debeat , nemo melius indicare potest , quam tu , cuius tantæ pro rep. contentiones , sollicitudinesq. sunt , fuerunt . itaque uel ipsius uirtus , uel nostra necessitudo debet conciliare te illi . quo minus multa mihi scribenda esse arbitror . uoluntas enim te mouere debet



debet nostra; si modo iusta est, aut pro officio necessario suscipitur. in Pansa locum petere constituit. eam nominationem a te petimus. neque coniunctiori dare beneficium, quam nos tibi sumus, neque digniorem nominare potes, quam Bibulum. De Domitio, & Appuleio quid attinet me scribere, cum ipsi per se tibi commendatissimi sint? Appuleium uero tu tua auctoritate suslinere debes. sed Appuleius in sua epistola celebrabitur. Bibulum noli dimittere ex sinu, tantum iam uirum, ex quanto, crede mihi, potest euadere, qui uestris paucorum respondeat laudibus.

CICERO S. D. BRUTO 12

MULTOS tibi commendo, & commendem necesse est. optimus enim quisque uir, & cuius sequitur iudicium tuum: tibiq. omnes fortes uiri nauare operam, & studium uolunt: nec quisquam est, quin ita existimet, meam apud te & gratiam, & auctoritatem ualere plurimum: sed C. Nasennium, municipiem Sueffanum, tibi ita comendo, ut neminem diligentius. Cretensi bello, Metello imperatore, octauum principem duxit: postea in re familiarum occupatus fuit. hoc tempore, cum reip. partibus, tum tua excellenti dignitate comotus, uellet per te aliquid auctoritatis assumere. forte uirum, Brute, tibi comendo, frugi hominem, et, si quid ad rem pertinet, etiam locupletem. pergratum mihi erit, si eum ita tractaris, ut merito tuo mihi gratias agere possit.

CICERO



FVNGERER officio, quo tu functus & in meo luctu, teq. per litteras consolarer, nisi scirem, ijs remedijs, quibus meum dolorem tu leuasses, te in tuo egere. ac uelim, facilius, quam tunc mihi, nunc tibi tute medeare. est enim alienum tanto uiro, ut es tu, quod alteri præceperit, id ipsum facere non posse. me quidem cum rationes, quas collegeras, tum auctoritas tua a nimio mærore deterruit. cum enim mollius tibi ferre uiderer, quam deceret uirum, præsertim eum, qui alios consolari solet, accusasti me per litteras grauioribus uerbis, quam tua consuetudo ferebat. itaque iudicium tuum magni æstimans, idq. ueritus, me ipse collegi, & ea, quæ didiceram, legeram, acceperam, grauiora duxi, tua auctoritate addita. Ac mihi tū Brute officio solum erat, & naturæ, tibi nunc populo, & scenæ, ut dicitur, seruiendum est. nam cum in te non solum exercitus tui, sed omnium ciuium, ac pene gentium coniecti oculi sint; minime decet, propter quem fortiores ceteri sumus, eum ipsum animo debilitatum uideri. quamobrè accepisti tu quidem dolorem, ( id enim amisisti, cui simile in terris nihil fuit ) & est dolendum in tam graui uulnere: ne id ipsum, cavere omni sensu doloris, sit miserius, quam dolere: sed, ut modice, ceteris utile est, tibi necesse est. Scriberem plura, nisi ad te hæc ipsa nimis multa essent. Nos te, tuumq. exercitum expectamus:



expectamus: sine quo, ut reliqua ex sententia succedant, nix satis liberi uidemur fore. De tota rep. plura scribam, & fortasse iam certiora ijs litteris, quas Veteri nostro cogitabam dare.

CICERO S. D. BRUTO. 14

NULLAS adhuc a te litteras habebamus, ne famam quidem, quæ declararet, te, cognita senatus auctoritate, in Italiam adducere exercitum: quod ut faceres, idq. maturares, magnopere desiderabat resp. ingrauescit enim in dies intestinū malum, nec externis hostibus magis, quam domesticis, laboramus: qui erant omnino ab initio belli, sed facilius frangebantur. erectior senatus erat, non sententijs solum nostris, sed etiam cohortationibus excitatus. erat in senatu satis uehemens, & acer Pansa, cum in ceteros huius generis, tum maxime in socerum. cui consuli non animus ab initio, non fides ad extremum tefuit. bellum ad Mutinam gerebatur, nihil ut in Cesare reprehenderes, non nulla in Hirtio. huius belli fortuna, ut in secundis, fluxa; ut in aduersis, bona. erat uictrix resp. cæsis Antonij copijs, ipso expulso. Bruti deinde ita multa peccata, ut quodā modo uictoria excidere et manibus. perterritos, inermos, saucios non sunt nostri duces persecuti: datumq. Lepido tempus est, in quo lexitatem eius, sæpe perspectam, maioribus in malis experiremur. sunt exercitus boni, sed rudēs, Bruti, & Planci. sunt fidelissima, & maxima



ma auxilia Gallorum. sed Cæsarem, meis consilijs  
adhuc gubernatum, præclara ipsum indole, admi-  
rabiliq. constantia, improbissimis litteris quidam,  
fallacibus interpretibus, ac nuncijs impulerunt in  
spem certissimam consulatus. quod simul atque sen-  
si, neque ego illum absentem litteris monere desti-  
ti, nec accusare præsentem eius necessarios, qui eius  
cupiditati suffragari uidebantur; nec in senatu scele-  
ratissimorum consiliorum fontes aperire dubitavi.  
nec uero ulla in re memini aut senatum meliorem,  
aut magistratus: numquam enim in honore extra-  
ordinario potentis hominis, uel potentissimi potius  
(quando quidem potentia iam in ui posita est, &  
armis) accidit ut nemo tribunus pl. nemo alio ma-  
gistratu, nemo priuatus auctor existeret. sed in  
hac constantia, atque uirtute, erat tamen sollicita ci-  
uitas. illudimur enim, Brute cum militum delicijs  
tum imperatoris insolentia. tantum quisque in rep.  
posse postulat, quantum habet uirium, non ratio,  
non modus, non lex, non mos, non officium ualet,  
non iudicium, non existimatio ciuium, non posteri-  
tatis uerecundia. Hæc ego multo ante prospiciens,  
fugiebam ex Italia, tum, cum me uestrorum ediçto-  
rum fama reuocauit. incitasti uero tu me, Brute,  
Veliæ. quamquam enim dolebam in eam me urbem  
ire, quam tu fugeres, qui eam liberauisses, quod  
mihi quoque quondam acciderat, periculo simili,  
casu tristiore: perrexi tamen, Romamq. perueni;  
nulloq. præsidio quatefeci Antonium; contraq.  
eius



## LIB. I. EPIST.

cuius arma nefanda . praesidia , quae oblata sunt , Caesaris consilio , & auctoritate firmaui . qui si steterit idem , mihiq. paruerit , satis uidemur habituri praesidij . sin autem impiorum consilia plus ualuerint , quam nostra ; aut imbecillitas aetatis non potuerit grauitatem rerum sustinere : spes omnis in te . quam obrem aduola obsecro , atque eam remp. Quam uirtute , atque animi magnitudine magis , quam euentis rerum , liberaſſi , exitu libera . omnis omnium concursus ad te futurus est . hortare idem per litteras Cassium . spes libertatis nusquam , nisi in uestrorum castrorum praesidijs , est . firmos omnino & duces habemus ab occidente , & exercitus . hoc adolescentis praesidium equidem adhuc firmum esse confido ; sed ita multi labefactant , ut , ne moueatur , interdum extimescam . Habes totum reip. statum , qui quidem tum erat , cum has litteras dabam . uelim deinceps meliora : sin aliter fuerit , quod dii omen auertant , reip. uicem dolebo , quae immortalis esse debeat . mihi quidem quantulum reliqui est ?

BRVTVS S. D. CICERONI 15

VETERIS Antistij talis animus est in remp. ut non dubitem , quin & in Caesare , & Antonio se praestiturus fuerit acerrimum propugnato-rem communis libertatis , si occasione potuisset occurrere . nam qui in Achaia congressus , P. Dolabella milites , atque equites habente , quoduis adire periculum ex insidijs paratissimi ad omnia latronis maluerit



maluerit, quam uideri aut coactus esse pecuniam dare, aut libenter dedisse homini nequissimo, atque improbissimo, is nobis ultro et pollicitus est, et dedit x x H S ex sua pecunia, & quod multo carius est, se ipsum obtulit, & coniunxit. huic persuadere cepimus, ut imperator in castris remaneret, remq. publicam defenderet. Statuit eundem sibi, quoniam exercitum dimisisset: statim uero rediturum ad nos confirmavit, legatione suscepta, nisi praetorum comitia habituri essent consules. nam illi ita sentienti de rep. magnopere auctor fui, ne differret tempus petitionis suae. cuius factum omnibus gratum esse debet, qui modo iudicarint hunc exercitum esse reip. tibi tanto gratius, quanto maiore animo, gloriaq. libertatem nostram defendis, & dignitatem, si contigerit nostris consilijs exitus, quem optamus, perfuncturus es. ego etiam, mi Cicero, proprie, familiariterq. te rogo, ut Veterem ames, uelisq. esse quam amplissimum. qui, etsi nulla re deterreretur a proposito potest, tamen excitari tuis laudibus, indulgentiaq. poterit, quo magis amplexetur, ac tueatur iudicium suum: & mihi gratissimum erit.

CICERO S. D. BAVTO. 16

ET SI daturus eram Messallae Cornuino continuo litteras, tamen Veterem nostrum ad te sine litteris meis uenire nolui. Maximo in discrimine resp. Brute, uersatur; uictoresq. rursus decertare cogimur. id accidit M. Lepidi scelere, & amentia. quo tempore

T T cum



## LIB. I. EPIST.

cum multa propter eam curam, quam pro rep. suscepisti, grauius ferrem, tum nihil tui grauius, quam me non posse matris tuæ precibus cedere, non sororis. nam tibi, quod mihi plurimi est, facile me satisfacturum arbitrabar. nullo enim modo poterat causa Lepidi distingui ab Antonio, omniumque iudicio etiam durior erat, quod, cum honoribus amplissimis a senatu esset Lepidus ornatus, tum etiam paucis ante diebus præclaras litteras ad senatum misisset, repente non solum recepit reliquias hostium, sed bellum acerrimum terra, marique gerit: cuius exitus qui futurus sit, incertum est. ita, cum rogamur, ut misericordiam liberis eius impertiamus, nihil affertur, quo minus summa supplicia, si, quod Iupiter omen auertat, pater puerorum uicerit, subeunda nobis sint. Nec uero me fugit, quam sit acerbum, parentum scelera filiorum pœnis lui: sed hoc præclare legibus comparatum est, ut caritas liberorum amiciores parentes reip. redderet. itaque Lepidus crudelis in liberos, non is, qui Lepidum hostem iudicat. atque ille, si, armis positus, de ui damnatus esset; quo in iudicio certe defensionem non haberet: eandem calamitatem subirent liberi, bonis publicatis. quamquam, quod tua mater, & soror deprecatur pro pueris, id ipsum, & multa alia crudeliora nobis omnibus Lepidus, Antonius, & reliqui hostes denunciant. itaque maximam spem hoc tempore habemus in te, atque exercitu tuo. cum ad reip. summam, tum ad gloriam, & dignitatem



tatem tuam uehementer pertinet, te in Italiam, ut ante scripsi, uenire quamprimum: eget enim uehementer tum uiribus tuis, tum etiam consilio resp. Veterem pro eius erga te beneuolentia, singulari. officio libenter ex tuis litteris cōplexus sum; eumq. cum tui, tum reip. studiosissimum, amantissimumq. cognoui. Ciceronem meum propediem, ut spero, uidebo. tecum enim illum, & te in Italiam celeriter esse uenturum confido.

B R V T V S S. D. C I C E R O N I. 17

DE M. Lepido uereri me cogit reliquorum timor. qui si eripuerit se nobis; quod, uelim, temere, atque iniuriose de illo suspicati sint homines: oro atque obsecro te Cicero, necessitudinem nostram, tuamq. in me beneuolentiam obtestans, sororis meae liberos obliuiscaris esse Lepidi filios, meq. his in patris locum successisse existimes. hoc si a te impetro, nihil profecto dubitabis pro his suscipere. aliter alij cum suis uiuunt: nihil ego possum in sororis meae liberis facere, quo possit expleri uoluntas mea, aut officium. quid uero aut mihi tribuere boni possunt; si modo digni sumus, quibus aliquid tribuatur; aut ego matri, ac sorori, puerisq. illis praestaturus sum, si nihil ualuerit apud te, reliquumq. senatum contra patrem Lepidum Brutus auunculus? scribere multa ad te neque possum praesollicitudine, ac stomacho, neque debeo. nam si in tanta re, tamq. necessaria uerbis mihi opus est ad

T T     2     te



## LIB. I. EPIST.

te excitandum, & confirmandum; nulla spes est, facturum te, quod uolo, & quod oportet. quare noli exspectare longas preces: intueri me ipsum, qui hoc a te uel a Cicerone coniunctissimo homine, priuatim, uel a consulari, tali uiro, remota necessitudine priuata, debeo impetrare. quid sis factururus, uelim mihi quamprimum rescribas. Kal. Quint. ex castris.

CICERO S. D. BRUTO. 18

BREUES tuæ litteræ: breues, dico? immo nullæ. tribus ne uersiculis his temporibus Brutus ad me? nihil scripsissem potius. & requiris meas. quis umquam ad te tuorum sine meis uenit? quæ autem epistola non pondus habuit? quæ si ad te perlatæ non sunt, ne domesticas quidem tuas perlatas arbitror. Ciceroni scribis te longiorem daturum epistolam. recte id quidem: sed hæc quoque debuit esse plenior. ego autem, cum ad me de Ciceronis abs te discessu scripsisses, statim extruxi tabellarios, litterasq. ad Ciceronem, ut, etiam si in Italiam uenisset, ad te rediret. nihil enim mihi iucundius, nihil illi honestius. quamquam aliquoties ei scripseram, sacerdotum comitia mea summa contentione in alterum annum esse reiecta; quod ego cum Ciceronis causa elaborauim, tum Domitij, Catonis, Lentuli, Bibulorum: quod ad te etiam scripseram. sed uide licet, cum illam pusillam epistolam tuam ad me dabas, non dum erat tibi id notum. quare omni studio  
liber.



ate, mi Brute, contendo, ut Ciceronem meum ne dimittas, tecumq. adducas. quod ipsum, si remp. cui susceptus es, respicis, tibi iam iamq. faciendum est. renatum enim bellum est, idq. non paruo scelere Lepidi. exercitus autem Caesaris, qui erat optimus, non modo nihil prodest, sed etiam cogit exercitum tuum flagitari: qui si Italiam attigerit; erit cuius nemo, quem quidem ciuem appellari fas sit, qui se non in tua castra conferat. et si Brutum præclare cum Planco coniunctum habemus. sed non ignoras, quam sint incerti animi hominum, & infecti partibus, & exitus præliorum. quin etiam, si, ut spero, uicerimus, tamen magnam gubernationem tui consilij, tuæq. auctoritatis res desiderabit. subueni igitur per deos, idq. quamprimum: tibiq. persuade, non te idibus Martijs, quibus seruitutem a tuis ciuibz repulisti, plus profuisse patriæ, quam, si mature ueneris, profuturum. I I. id. Quinct.

CICERO S. D. BRUTO. 19

MESSALLAM habes: quibus igitur litteris tam accurate scriptis assequi possum, subtilius ut explicem, quæ gerantur, quæq. sint in rep. quam tibi is exponet, qui & optime omnia nouit, & elegantissime expedire, & deferre ad te potest? caue enim existimes, Brute, (quamquam non necesse est ea me ad te, quæ tibi nota sunt scribere: sed tamen tantam omnium laudum excellentiam non queo si-

TT 3      lentio



## LIB. I. EPIST.

lentio præterire) caue putes, probitate, constantia,  
 cura, studio reip. quidquam illi esse simile: ut elo-  
 quentia, qua mirabiliter excellit, uix in eo locum  
 ad laudandum habere uideatur: quamquam in hac  
 ipsa sapientia plus apparet: ita graui iudicio, mul-  
 taq. arte se exercuit in uerissimo genere dicendi. tan-  
 ta autem industria est, tantumq. euigilat in studio,  
 ut non maxima ingenio, quod in eo summum est,  
 gratia habenda uideatur. Sed prouehor amore. non  
 enim id propositum est huic epistolæ, Messallam ut  
 laudem, præsertim ad Brutum; cui & uirtus illius  
 non minus, quam mihi, nota est, & hæc ipsa stu-  
 dia, quæ laudo, notiora. quem cum a me dimittens  
 grauius ferrem, hoc leuabar uno, quod ad te, tam-  
 quam ad alterum me, proficiscens, & officio fun-  
 gebatur, et laudem maximam sequebatur. Sed hæc  
 hætenus. Venio nunc, longo fane intervallo, ad  
 quandam epistolam, qua, mihi multa tribuens,  
 unum reprehendebas, quod in honoribus decernen-  
 dis essem nimius, & tanquam prodigus. tu hoc:  
 alius fortasse, quod in animaduersione, pœnaq. du-  
 rior: nisi fortasse utrumque tu. quod si ita est, utri-  
 usque rei meum iudicium tibi cupio esse notissimum:  
 neque solum ut Solonis dictum usurpem, qui & sa-  
 pientissimus fuit ex septem, & legum scriptor so-  
 lus ex septem. is remp. contineri duabus rebus di-  
 xit, præmio, & pœna. est scilicet utriusque rei  
 modus, sicut reliquarum, & quedam in utroque  
 genere mediocritas. sed non tanta de re propositum  
 est



est hoc loco disputare . quid ego autē secutus in bello  
sim in sententijs dicendis , aperire non alienum pu-  
to . Post interitum Cæsaris , et uestras memorabi-  
les idus Martias , Brute , quid ego prætermis-  
sum a uobis , quantamq. impendere reip. tempestatem  
dixerim , non es oblitus . magna pestis erat depulsa  
per uos , magna populi R. macula deleta , uobis  
uero parta diuina gloria : sed instrumentum regni  
delatum ad Lepidum , & Antonium : quorum al-  
ter inconstantior , alter impurior , uterque pacem  
metuens , inimicos otio . his ardentibus perturban-  
da reip. cupiditate quod opponi posset præsidium ,  
non habebamus : erexerat enim se ciuitas in retinen-  
da libertate consenties . nos tum nimis acres . uos ,  
fortasse sapientius , excessistis urbe ea , quam libera-  
ratis : Italiae , sua uobis studia profitenti , remisistis .  
itaque cum teneri urbem a paricidis uiderem , nec  
te in ea , nec Cassium tuto esse posse , eamq. armis  
oppressam ab Antonio : mihi quoque ipsi esse exce-  
dendum putavi . tætrum enim spectaculum , oppres-  
sa ab impijs ciuitas , opitulandi potestate præcisa .  
sed animus idem , qui semper , infixus in patriæ ca-  
ritate , discessum ab eius periculis ferre non potuit .  
itaque in medio Achaico cursu , cum Etesiarum  
diebus Auster me in Italiam , quasi dissuasor mei  
consilij , retulisset , te uidi Velia , doluiq. uehemen-  
ter . cedebas enim Brute , cedebas : quoniam Stoi-  
ci uestri negant fugere sapientis . Romam ut ueni ,  
statim me obtuli Antoni sceleri , atque dementiæ .

T T 4

quem



## LIB. I. EPIST.

quem cum in me incitauissem consilia inire cœpi,  
 Brutina plane, (uestri enim hæc sunt propria san-  
 guinis) reip. liberanda. longa sunt, quæ restant,  
 prætereunda: sunt enim de me. tantum dico, Cæ-  
 sarem hunc adolescentem, per quem adhuc sumus,  
 si uerum fateri uolumus, fluxisse ex fonte consilio-  
 rum meorum. huic habiti a me honores, nulli qui-  
 dem Brute, nisi debiti, nulli, nisi necessarij. ut  
 enim primum libertatem reuocare cœpimus, cum  
 se non dum ne Decimi quidem Bruti diuina uirtus  
 ita commouisset, ut iam id scire possemus; atque  
 omne præsidium esset in puero, qui a ceruicibus no-  
 stris auertisset Antonium; quis honos ei nō fuit de-  
 cernendus? quamquam ego illi tum uerborum lau-  
 dem tribui, eamq. modicam: decreui etiam impe-  
 rium: quod quamquam uidebatur illi ætati honori-  
 ficum, tamen erat exercitum habenti necessarium.  
 quid enim est sine imperio exercitus? statuam Phi-  
 lippus decreuit; celeritatem petitionis primo Ser-  
 uilius, post maiorem etiam Seruilius. nihil tum ni-  
 mium uidebatur. sed nescio quo modo facilius in ti-  
 more benigni, quam in uictoria grati reperimur.  
 ego enim, D. Bruto liberato, cum latissimus ille ci-  
 uitati dies illuxisset, idemq. casu Bruti natalis ef-  
 fet, decreui, ut in fastis ad eum diem Bruti nomen  
 adscriberetur. in eoq. sum maiorum exemplum se-  
 cutus, qui hunc honorem mulieri Larentiæ tribue-  
 runt, cui uos pontifices ad aram in Velabro facere  
 soletis. quod ego cum dabam Bruto, notam esse in  
 fastis



fastis gratissimæ uictoriæ sempiternam uolebam.  
atque illo die cognoui, haud paullo plures in senatu  
maleuolos esse, quam gratos. Eos per ipsos dies ef-  
fudi, si ita uis, honores in mortuos Hirtium, &  
Pansam, Aquilam etiam: quod quis reprehendit,  
nisi qui, deposito metu, præteriti periculi fuerit  
oblitus? accedebat ad beneficij memoriam gratam  
ratio illa, quæ etiam posteris posset esse salutaris.  
extare enim uolebam in crudelissimos hostes monu-  
menta odij publici sempiterna. Suspicio illud minus  
tibi probari, quod a tuis familiaribus, optimis illis  
quidem uiris, sed in rep. rudibus, non probabatur,  
quod, ut ouanti introire Cæsari liceret, decreuerim.  
ego autem (sed erro fortasse: nec tamen is sum, ut  
mea me maxime delectent) nihil mihi uideor hoc  
bello sensisse prudentius. cur autem ita sit, aperien-  
dum non est; ne magis uidear prouidus fuisse, quam  
gratus. hoc ipsum nimium: quare alia uideamus.  
D. Bruto decreui honores, decreui L. Planco. præ-  
clara illa quidem ingenia, quæ gloria inuitantur,  
sed senatus etiam sapiens, qui, qua quemque re pu-  
tat, modo honesta, ad remp. iuuandum posse addu-  
ci, hac utitur. At in Lepido reprehēditur: cui cum  
statuam in Rostris statuissimus, idem illam euer-  
timus. Nos illum honore studuimus a furore reuo-  
care: uicit amentia leuissimi hominis nostram pru-  
dentiam. nec tamen tantum in statuenda Lepidi sta-  
tua factum est mali, quantum in euertenda boni.  
Satis multa de honoribus. nunc de pœna pauca sunt  
dicenda.



dicenda. Intellexi enim ex tuis saepe litteris, te in ijs, quos bello deuicisti, clementiam tuam uelle laudari. existimo equidem, nil a te nisi sapienter: sed, sceleris pœnam prætermittere, ( id enim est, quod uocatur ignoscere ) etiam si in ceteris rebus tolerabile est, in hoc bello perniciosum puto. nulum enim bellum ciuile fuit in nostra rep. omnium quæ memoria mea fuerunt, in quo bello non, utraque pars uicisset, tamen aliqua forma esset futura reip. hoc bello uictores quam reip. simus habituri, non facile affirmarim: uictis certe nulla umquam erit. Dixi igitur sententias in Antonium, dixi in Lepidum seueras, neque tam ulciscendi causa, quam ut & in præsens sceleratos ciues timore ab impugnanda patria deterrerem; & in posterum documentum statuerem, ne quis talem amentiam uellet imitari. quamquam hæc quidem sententia nō magis mea fuit, quam omnium. in qua uidetur esse illud crudele; quod ad liberos, qui nihil meruerunt, pœna peruenit. sed id & antiquum est, & omnium ciuitatum: siquidem etiam Themistoclis liberi eguerunt. & si iudicio damnatos eadem pœna sequitur ciues; qui potuimus leniores esse in hostes? Quid autem queri quisquam potest de me; qui si uicisset, acerbiorē se in me futurum fuisse consteatur, necesse est? Habes rationem mearum sententiarum, de hoc genere dumtaxat honoris, & pœnæ. nam de ceteris rebus quid senserim, quidq. censuerim, audisse te arbitror. Sed hæc quidem non  
ita

ita nece  
liam cu  
est exspe  
concurfu  
quidem  
dere om  
tua nobi  
quem ci  
reliquu  
te tua,  
pera per  
quantum  
diligente  
litteris  
rationem  
quam,  
sed ego  
ans &  
BR  
PA  
sisti OE  
tium,  
te affec  
dianum  
gnitate  
ris. at  
sum, e  
de nob



ita necessaria: illud ualde necessariū Brute, te in Italiam cum exercitu uenire quamprimum. Summa est expectatio tui: qui si Italiam attigeris, ad te concursus fiet omnium. siue enim uicerimus; qui quidem pulcherrime uiceramus, nisi Lepidus perdere omnia, & perire ipse cum suis concupiuisset: tua nobis auctoritate opus est ad collocandum aliquem ciuitatis statum. siue etiam nunc certamen reliquum est: maxima spes est cum in auctoritate tua, tum in exercitus tui uiribus. Sed prospera per deos. scis, quantum sit in temporibus, quantum in celeritate. Sororis tuæ filijs quam diligenter consulam, spero te ex matris, & sorori, litteris cogniturum. qua in caussa maiorem habeo rationem tuæ uoluntatis, quæ mihi carissima est, quam, ut quibusdam uideor, constantiæ meæ, sed ego nulla in re malo, quam te amando, constans & esse, & uideri. Vale.

BRVTVS S. D. CICERONI. 20

PARTICVLAM litterarum tuarum, quas mihi fisti Octauio, legi, missam ab Attico mihi. Studium tuum, curaq. de salute mea nulla me noua uoluptate affecit. non solum enim usitatum, sed etiam quotidianum est, aliquid audire de te, quod pro nostra dignitate fideliter, atque honorifice dixeris, aut feceris. at dolore, quantum maximum capere animo possum, eadem illa pars epistolæ scriptæ ad Octauium de nobis afficit. sic enim illi gratias agis de rep. tam suppliciter,



## LIB. I. EPIST.

suppliciter, ac demisse. quid scribam? pudet condi-  
 cionis, ac fortunæ: sed tamen scribendum est. com-  
 mendas nostram salutem illi; quæ morte qua non  
 perniciosior? ut prorsus præferas, non sublatam  
 dominationem, sed dominum commutatum esse.  
 uerba tua recognosce; & aude negare, seruientis  
 aduersus regem istas esse preces. unum ais esse,  
 quod ab eo postuletur, & exspectetur, ut eos ciues,  
 de quibus uiri boni, populus R. bene existimet,  
 saluos uelit. quid, si nolit? non erimus? atqui non  
 esse, quam esse per illum, præstat. ego mediusfi-  
 dius non existimo, tam omnes deos auersos esse a sa-  
 lute populi R. ut Octavius orandus sit pro salute  
 cuiusquam ciuis, non dicam pro liberatoribus orbis  
 terrarum. iuuat enim magnifice loqui, & certe de-  
 cet aduersus ignorantes, quid pro quoque timen-  
 dum, aut a quoque petendum sit. hoc tu Cicero pos-  
 se fateris Octaviium, & illi amicus es; aut, si me-  
 carum habes, uis Romæ uideri; cum, ut ibi esse pos-  
 sem, commendandus puero illi fuerim? cui quid a-  
 gis gratias, si, ut nos saluos esse uelit, & patiat, ut  
 rogandum putas? an hoc pro beneficio est haben-  
 dum, quod se, quam Antonius, esse maluerit, a  
 quo ista petenda essent? uindicti quidem alienæ do-  
 minationis, non uicario, ecquis supplicat, ut opti-  
 me meritis de rep. liceat esse salutis? ista uero imbe-  
 cillitas, & desperatio, cuius culpa non magis in te  
 residet, quam in omnibus alijs, & Casarem in cu-  
 piditatem regni impulit; & Antonio post interi-  
 tums

tum illis  
 conaret  
 dicares,  
 bus uiri  
 tutos fo  
 nos esse  
 perent p  
 mus; ne  
 Cesaris,  
 quidem  
 quibus o  
 sit abs te  
 simul &  
 pati, ut  
 bi cum  
 stulabat  
 columit  
 cepisset  
 arma p  
 cet, ut  
 in eius  
 ac man  
 condic  
 non so  
 re nost  
 honor  
 quid e  
 maxi  
 nihil



tum illius persuasit, ut interfecti locum occupare conaretur; & nunc puerum istum extulit, ut tu iudicares, precibus esse impetrandam salutem talibus uiris, misericordiaq. unius uix etiam nunc uirtutos fore nos, haud ulla alia re. quod si Romanos nos esse meminissimus; non audacius dominari cuperent postremi homines, quam id nos prohiberemus; neque magis irritatus esset Antonius regno Caesaris, quam ob eiusdem mortem deterritus. Tu quidem consularis, & tantorum scelerum uindex, quibus oppressis, uereor, ne in breue tempus dilata sit abs te perniciēs, qui potes intueri, quæ gesseris, simul & ista uel probare, uel ita demisse, ac facile pati, ut probantis speciem habeas? quod autem tibi cum Antonio priuatum odium? nempe, quia postulabat hæc; salutem ab se peti; precariam nos incolumitatem habere, a quibus ipse libertatem accepisset; esse arbitrium suum de rep. quærenda esse arma putasti, quibus dominari prohiberetur; scilicet, ut, illo prohibito, rogaremus alterum, qui se in eius locum reponi pateretur, an ut esset sui iuris, ac mancipij resp. ? nisi forte non de seruitute, sed de conditione seruiendi recusatum est a nobis. atqui non solum bono domino potuimus Antonio tolerare nostram fortunam, sed etiam beneficijs, atque honoribus, ut participes, frui, quantis uellemus. quid enim neget ijs, quorum patientiam uideret maximum suæ dominationis præsidium esse? sed nihil tanti fuit, quo uenderemus fidem nostram, & liber-



LIB. I. EPIST.

libertatem . hic ipse puer, quem Cæsaris nomen incitare uidetur in Cæsaris interfectores, quanti æstimet, si sit commercio locus, posse nobis auctoribus tantum, quantum profecto poterit; quoniam uiuere, & pecunias habere, & dici consulares uolumus? ceterum nequidquam perierit ille: cuius interitu quid gauisi sumus, si, mortuo, nibilo minus seruituri eramus? nulla cura adhibetur. sed mihi prius omnia dii, deæq. eripuerint, quam illud iudicium, quo non modo heredi eius, quem occidi, non concesserim, quod in illo non tuli, sed ne patri quidem meo, si reuiuiscat, ut, patiente me, plus legibus, ac senatu possit. An hoc tibi persuasum est, fore ceteros ab eo liberos, quo inuito nobis in ista ciuitate locus non sit? qui porro id, quod petis, fieri potest, ut impetres? rogas enim, uelit nos saluos esse. uidemur ergo tibi salutem accepturi, cum uitam acceperimus? quam, si prius dimittimus dignitatem, & libertatem, qui possumus accipere? An tu, Romæ habitare, id putas incolumem esse? res, non locus, oportet, præstet istuc mihi. neque incolumis Cæsare uiuo fui, nisi postquam illud consciui facinus: neque usquam exsul esse possum, dum, seruire, & pati contumelias, peius odero malis omnibus alijs. non ne hoc est in easdem tenebras recidisse? ab eo, qui tyranni nomē adsciuit sibi, (cum in Græcis ciuitatibus liberi tyrannorum, oppressis, illis, eodem supplio afficiantur) petitur, ut uindices, atque oppressores dominationis salui sint?

hanc



hanc ego ciuitatem uidere uelim, aut putem ullam, quæ ne traditam quidem, atque inculcatam libertatem recipere possit, plusq. timeat in puero nomen sublatis regis, quam confidat sibi; cum illum ipsum, qui maximas opes habuerit, paucorum uirtute sublatum uideat? Me uero posthac ne cōmendaueris Cæsari tuo, ne te quidem ipsum, si me audies. ualde care æstimas tot annos, quot ista ætas recipit, si propter eam causam puero isti supplicaturus es. Deinde, quod pulcherrime fecisti, ac facis in Antonio, uide, ne conuertatur a laude maximi animi ad opinionem formidinis. nam si Octauius tibi placet, a quo de nostra salute petendum sit; non dominum fugisse, sed amiciorem dominum quæsisse uideberis. quem quod laudas ob ea, quæ adhuc fecit; plane probo: sunt enim laudanda; si modo contra alienam potentiam, non pro sua suscepit eas actiones. cum uero iudicas tantum illi nō modo licere, sed etiam a te ipso tribuendum esse, ut rogandus sit, ne nolit esse nos saluos: nimium magnam mercedem statuis. id enim ipsum illi largiris, quod per illum habere uidebatur resp. neque hoc tibi in mentem uenit, si Octauius ullis dignus sit honoribus, quia cum Antonio bellum gerat; ijs, qui illud malum exciderint, cuius istæ reliquie sunt, nihil, quo expleri possit eorum meritum, tributurum umquam populus R. si omnia simul congefserit. Ac uide, quanto diligentius homines metuant, quam meminerint, quia Antonius uiuat, atque



## LIB. I. EPIST.

atque in armis sit. de Cæsare uero quod fieri potuit,  
 ac debuit, transactum est, neque iam reuocari in  
 integrum potest. Octavius is est, qui quid de nobis  
 iudicaturus sit, expectet populus R. ? nos ij sumus,  
 de quorum salute unus homo rogandus uideatur?  
 ego ( ut istuc reuertar ) is sum, qui non modo non  
 supplicem, sed etiam coerceam postulantes, ut sibi  
 supplicetur. aut longe a seruientibus abero; mihiq.  
 esse iudicabo Romam, ubicunque liberum esse lice-  
 bit; ac uestri miserebor, quibus nec atas, neque  
 honores, neque uirtus aliena dulcedinem uiuendi  
 minuere potuerit. mihi quidem ita beatus esse uide-  
 bor, si modo constanter, ac perpetuo placebit hoc  
 consilium, ut relatam putem gratiam pietati meæ.  
 quid enim est melius, quam, memoria recte facto-  
 rum, & libertate contentum, negligere humana?  
 sed certe non succumbam succumbentibus; nec uin-  
 car ab ijs, qui se uinci uolunt; experiarque, & ten-  
 tabo omnia, neque desistam abstrahere a seruitio  
 ciuitatem nostram. si secuta fuerit, quæ debet, for-  
 tuna; gaudebimus omnes: sin minus; ego tamen  
 gaudebo. quibus enim prius hæc uita factis, aut cogi-  
 tationibus traducatur, quam ijs, quæ pertinuerint  
 ad liberandos ciues meos? te, Cicero, rogo, atque  
 hortor, ne defatigare, neu diffidas; semper in præ-  
 sentibus malis prohibendis, futura quoque, nisi an-  
 te sit occursum, explores, ne se insinuent. fortem,  
 & liberum animum, quo & consul, & nunc con-  
 sularis reimp. uindicasti, sine constantia, & æqua-  
 bilitate



bilitate nullum esse putaris. fateor enim, duriores  
 esse cōditionem spectatæ uirtutis, quam incognitæ.  
 benefacta pro debitis exigimus: quæ si aliter eue-  
 niunt; ut decepti ab his, infesto animo reprehendi-  
 mus. itaque, resistere Antonio Ciceronem, & si  
 magna laude dignum est; tamen, quia ille consul  
 hunc cōsularem merito præstare uidetur, nemo ad-  
 miratur. idem Cicero, si flexerit aduersus alios iu-  
 dicium suum, quod tanta firmitate, ac magnitudine  
 animi direxit in exturbando Antonio, non modo  
 reliqui temporis gloriam eripuerit sibi, sed etiam  
 præterita euanescere coget: (nihil enim per se am-  
 plum est, nisi in quo iudicii ratio extat) quia nemi-  
 nem magis decet, remp. amare, libertatisq. defenso-  
 rem esse, uel ingenio, uel rebus gestis, uel studio,  
 atque esflagitatione omnium. quare non Octavius  
 est rogandus, ut uelit nos saluos esse: magis tu te ex-  
 suscita, ut eam ciuitatem, in qua maxima gessisti,  
 liberam, atque honestam fore putes, si modo sint  
 populo duces ad resistendum improborum consilijs.

B R V T O S. D. A T T I C O. 21

S C R I B I S mihi, mirari Ciceronem, quod  
 nihil significem umquam de suis actis. quoniam ef-  
 flagitas, coactus tuo scribam, quæ sentio. Omnia fe-  
 cisse Ciceronem optimo animo, scio. quid enim mi-  
 hi exploratius esse potest, quam illius animus in  
 remp.? sed quædam mihi uidetur, quid dicam, im-  
 perite uir omnium prudentissimus, an ambitiose fecis-

V V se,



## LIB. I. EPIST.

se, qui ualentissimum Antonium suscipere pro rep. non dubitauit inimicum? nescio quid scribam tibi, nisi unum, pueri & cupiditatem, & licentiam potius esse irritatam, quam repressam a Cicerone; tantumq. eum tribuere huic indulgentiæ, ut se maledictis non abstineat, ijs quidem, quæ in ipsum dupliciter recidunt: quod & plures occidit uno, seq. prius oportet fateatur sicarium, quam obijciat Cascæ, quod obijcit; & imitatur in Casca Bestiam. an, quia non omnibus horis iactamus idus Martias, similiter atque illi nonas Decembres suas in ore habet, eo meliore condicione Cicero pulcherrimum factum uituperabit, quam Bestia, & Clodius reprehendere illius consulatum soliti sunt? Sustinuisse mihi gloriatur bellum Antonij togatus Cicero noster. quid hoc mihi prodest, si merces Antonij oppressi poscitur in Antonij locum successio? & si uindex illius mali auctor extitit alterius, fundamentum, & radices habituri altiores, si patiamur? ut iam ista, quæ facit, non dominationem, non; sed dominum Antonium timentis sint. ego autem gratiam non habeo, si quis, dum ne irato seruias, rem ipsam non deprecatur. Immo triumphus, & stipendium decernitur, et omnibus decretis ornatur. pudeat cōspicere fortunam, cuius nomen suscepit. consularis hoc, an Ciceronis est? quoniam tacere non licuit, leges, quæ tibi necesse est molesta esse. etiam ipse sentio, quanto cum dolore hæc ad te scripserim. nec ignoro, quid sentias in rep. & quam desperatam quoque sanari  
pu-



putes posse. nec mehercle te Attice reprehendo. ætas enim, mores, liberi segnem efficiunt: quod quidem etiam ex Flauio nostro perspexi. sed redeo ad Ciceronem. Quid inter Saluidenum, & eum interest? quid autem amplius ille decerneret? Timet, inquit, etiam nunc reliquias belli ciuilis. quisquam ergo ita timet profligatum, ut neque potentiā eius, qui exercitum uictorē habeat, neque temeritatem pueri putet extimescendam esse? an hoc ipsum ea re facit, quod illi propter amplitudinem omnia iam, ultroq. deferenda putat? o magnam stultitiam timoris, id ipsum, quod uerearis, ita cauere, ut, cum uitare fortasse potueris, ultro accersas, et attrahas. nimium timemus mortem, et exsilium, et paupertatem. hæc mihi uidentur Ciceroni ultima esse in malis: &, dum habeat, a quibus impetret, quæ uelit, et a quibus colatur, ac laudetur, seruitutem, honorificam modo, non aspernatur; si quidquam in extrema, ac miserrima contumelia potest honorificum esse. Licet ergo patrem appellet Octavius Ciceronem, referat omnia, laudet, gratias agat: tamen illud apparet, uerba rebus esse contraria. quid enim tam alienum ab humanis sensibus est, quam eum patris habere loco, qui ne liberi quidem hominis numero sit? at qui eo tendit, id agit, ad eum exitum properat uir optimus, ut sit illi Octavius propitius. Ego uero iam ijs artibus nihil tribuo, quibus scio Cicero nem instructissimum esse. quid enim illi profunt, quæ



## LIB. I. EPIST.

pro libertate patriæ de dignitate, quæ de morte, ex-  
 filio, paupertate scripsit copiosissime? quāto autem  
 magis illa callere uidetur Philippus, qui priuigno  
 minus tribuerit, quam Cicero, qui alieno tribuat?  
 Desinat igitur gloriando etiam insectari dolores no-  
 stros. quid enim nostræ, uictum esse Antonium, si  
 uictus est, ut alij uacaret, quod ille obtinuit? ta-  
 met si tuæ litteræ dubia etiam nunc significant. Vi-  
 uat hercule Cicero, qui potest, supplex, & obno-  
 xius; si neque ætatis, neque honorum, neque rerū  
 gestarum pudet. ego certe, qui cum ipsa re bellum  
 geram, hoc est cum regno, & imperijs extraordina-  
 rijs, & dominatione, & potentia, quæ supra leges  
 se esse uelit, nulla erit tam bona condicio seruiendi,  
 qua non deterrear; quamuis sit uir bonus, ut scri-  
 bis, Antonius: quod ego numquam existimaui. sed  
 dominum ne parentem quidem maiores nostri uo-  
 luerunt esse. Te nisi tantum amarem, quantum Ci-  
 ceroni persuasum est diligere ab Octauio, hæc ad te  
 non scripsissem. dolet mihi, quod tu non Stomacha-  
 ris, amantissimus tum tuorum omnium, tum etiam  
 Ciceronis. sed persuade tibi, de uoluntate propria  
 mea nihil esse remissum, de iudicio largiter. neque  
 enim impetrari potest, quin, quale quidque uidea-  
 tur ei, talem quisque de illo opinionem habeat. Vel-  
 lem mihi scripsisses, quæ condiciones essent Atticæ  
 nostræ. potuissem tibi aliquid de meo sensu perscribere.  
 Valetudinem Porciæ meæ tibi curæ esse non mi-  
 nor.



ror. Denique, quod petis, faciam libenter: nam etiam sorores me rogant: & hominem noro, & quid sibi uoluerit.

M. CICERO S. D. M. BRUTO. 22

CUM sæpe te litteris hortatus essem, ut quamprimum reip. subuenires, in Italiamq. exercitum adduceres; neque id arbitrarer dubitare tuos necessarios; rogatus sum a prudentissima, & diligentissima femina, matre tua, cuius omnes curæ ad te referuntur, & in te consumuntur, ut uenirem ad se ad VIII. kal. Sext. quod ego, ut debui, sine mora feci. cum autem uenissem, Casca aderat, & Labeo, & Scaptius. at illa retulit, quæ sinitque, quidnam mihi uideretur, arcessemus ne te, atque tibi id conducere putarem; an, tardare, & commorari te, melius esset. Respondi id, quod sentiebam, & dignitati, & existimationi tuæ maxime conducere, te primo quoque tempore ferre præsidium labenti, & inclinatæ reip. quid enim abesse censes mali in eo bello, in quo uictores exercitus fugientem hostem persequi noluerunt? & in quo incolumis imperator, honoribus amplissimis, fortunisque maximis, coniuge, liberis, uobis affinibus ornatus, bellum reip. indixerit? quid dicam, in tanto senatus populiq. consensu; cum tantum resideat intra muros mali? Maximo autem, cum hæc scribebam, afficiebar dolore, quod, cum me pro adolescentulo, ac pæne puero resp. accepisset uadem

V V 3

uix



uix uidebar, quod promiserā, præstare posse. est autem grauior, & difficillior animi, & sententiæ, maximis præsertim in rebus, pro altero, quam pecuniæ, obligatio. hæc enim solui potest; & est rei familiaris iactura tolerabilis: reip. quod spononderis, quemadmodum soluas, nisi is dependi facile patitur, pro quo spononderis? quamquam & hunc, ut spero, tenebo, multis repugnantibus. uidetur enim esse indoles, sed flexibilis ætas, multiq. ad deprauandum parati; qui, splendore falsi honoris oblecto, aciem boni ingenij perstringi posse confidunt. itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quāquam quæ temeritas est? magis enim illum, pro quo sponondi, quam me, obligauit. nec uero pænitere potest remp: me pro eo sponondisse, qui fuit in rebus gerendis tum suo ingenio, tum mea promissione constantior. Maximus autem, nisi me forte fallit, in rep. nodus est inopia rei pecuniariæ. obdurescunt enim magis quotidie boni uiri ad uocem tributi; quod ex centesima collatum, impudenti censu lecupletum, in duarum legionum præmijs omne consumitur. impendent autem infiniti sumptus tum in hos exercitus, quibus nunc defendimur, tum uero in tuum. nam Cassius noster uidetur posse satis ornatus uenire. Sed & hæc, & multa alia coram cupio, idq. quamprimum. De sororis tuæ filijs, non exspectaui, Brute, dum scriberes. omnino ipsa tempora (bellum enim ducetur)

ducetur  
a prin  
possem  
arbitr  
uero n  
pericu  
ad te p



ducetur) integram tibi causam referuant . sed ego  
a principio , cum diuinare de belli diuturnitate non  
possem , ita causam egi puerorum in senatu , ut te  
arbitror e matris litteris potuisse cognoscere . nec  
uero ulla res erit umquam , in qua ego non ; uel uitæ  
periculo , ea dicam , ea q. faciam , quæ te uelle , quæq.  
ad te pertinere arbitrabor . Vale . vi . kal . Sext .



M. TVLLII CICERONIS  
EPISTOLARVM AD

Q. FRATREM  
LIBER I.

MARCVS S. D. QVINCTO FRATRI.

E *STI non dubitabam, quin hanc episto-*  
*lam multi nuncij, fama denique esset*  
*ipsa sua celeritate superatura; tuq. an-*  
*te ab alijs auditurus esses, annum ter-*  
*tium accessisse desiderio nostro, & labori tuo: ta-*  
*men existimaui a me quoque tibi huius molestiae*  
*nuncium perferri oportere. nam superioribus litte-*  
*ris, non unis, sed pluribus, cum iam ab alijs despe-*  
*rata res esset, tamen tibi ego spem maturae decessio-*  
*nis afferebam; non solum, ut quam diutissime te in*  
*cunda opinione oblectarem; sed etiam, quia tanta*  
*adhibebatur & a nobis, & pratoribus contentio,*  
*ut rem posse confici non diffiderem. nunc, quoniam*  
*ita accidit, ut neque pratores suis opibus, neque nos*  
*nostro studio quidquam proficere possemus: est om-*  
*nino difficile non grauitur id ferre; sed tamen no-*  
*stros animos, maximis in rebus & gerendis, & su-*  
*stinendis exercitatos, frangi, & debilitari mole-*  
*stia non oportet. Et quoniam ea molestissime ferre*  
*homines debent, quae ipsorum culpa contracta sunt:*  
*est quiddam in hac re mihi molestius ferendum, quam*  
*tibi. factum est enim mea culpa, contra quam tui*  
*mecum*

mecum  
priori an  
ti socior  
negotiat  
uirtute a  
tim cum  
tertium  
meum eff  
tatis tua  
pienter a  
At si te i  
diendi ex  
ipse certe  
tionem,  
piditaten  
labori tu  
riam uen  
pter hoc  
tas anim  
magnit  
sislas,  
nim ei  
minet  
gentia  
riculo  
derem  
se inte  
rogat  
in qu



mecum & proficiscens, & per litteras egeras, ut priore anno non succederetur. quod ego, dum saluti sociorum consulo, dum impudentiae non nullorum negotiatorum resisto, dum nostram gloriam tua uirtute augeri, expeto, feci non sapienter, praesertim cum id commiserim, ut ille alter annus etiam tertium posset adducere. quod quoniam peccatum meum esse confiteor; est sapientiae, atque humanitatis tuae, curare, & perficere, ut hoc, minus sapienter a me prouisum, diligentia tua corrigatur. Ac si te ipse uehementius ad omnes partes bene audiendi excitaris, non ut cum alijs, sed ut tecum iam ipse ceres; si omnem tuam mentem, curam, cogitationem, ad excellentem in omnibus rebus laudis cupiditatem incitaris: mihi crede, unus annus additus labori tuo, multorum annorum letitiam nobis, gloriam uero etiam posteris nostris afferet. Quapropter hoc te primum rogo, ne contrahas, aut demittas animum, ne ue te obrui, tamquam fluctu, sic magnitudinem negotij sinas, contraque erigas, ac resistas, siue etiam ultro occurras negotijs. neque enim eiusmodi partem reip. geris, in qua fortuna dominetur, sed in qua plurimum ratio possit, & diligentia. quod si tibi, bellum aliquod magnum, & periculosum administranti, prorogatum imperium uiderem; tremere animo; quod eodem tempore esse intelligere etiam fortunae potestatem in nos prorogatam. nunc uero ea pars tibi reip. commissa est, in qua aut nullam, aut perexiguam partem fortu-

na



na tenet, & quæ mihi tota in tua uirtute, ac moderatione animi posita esse uideatur. nullas, ut opinor, insidias hostium, nullam prælii dimicationem, nullam defectionem sociorum, nullam inopiam stipendij, aut rei frumentariæ, nullam seditionem exercitus pertimescimus: quæ persæpe sapientissimis uiris acciderunt; ut, quemadmodum gubernatores optimi uim tempestatis, sic illi fortunæ impetum superare non possent. tibi data est summa pax, summa tranquillitas, ita tamen, ut ea dormientem gubernatorem uel obruere, uigilantem etiam delectare possit. Constat enim ea provincia primum ex eo genere sociorum, quod est ex hominum omni genere humanissimum; deinde ex eo genere ciuium, qui aut, quod publicani sunt, nos summa necessitudine attingunt; aut, quod ita negotiantur, ut locupletes sint, nostri consulatus beneficio incolumes se fortunas habere arbitrantur. At enim inter hos ipsos existunt graues controuersiae, multæ nascuntur iniuriæ, magnæ contentiones consequuntur. Quasi uero ego id putem, non te aliquantulum negotij sustinere. intelligo permagnum esse negotium, & maximi consilij: sed memento, consilij me hoc esse negotium magis aliquanto, quam fortunæ, putare. quid est enim negotij, continere eos, quibus præsis, si te ipse contineas? id autem sit magnum, & difficile ceteris, sicut est difficillimum: tibi & fuit hoc semper facillimum, & uero esse debuit; cuius naturalis est, ut etiam sine doctrina uideatur moder-

rata

rata eff  
que ne  
cum pe  
cupidi  
ne imp  
blicani  
sic te,  
annali  
minem  
que ha  
cisse ga  
cum in  
te sign  
lis, na  
nulla o  
provin  
duces  
tam e  
derat  
nebr  
lis cl  
gent  
tuis  
adu  
pub  
cust  
pil  
ian  
eff



rata esse potuisse; ea autem adhibita doctrina est,  
 quæ uel uitiosissimam naturam excolere possit. tu  
 cum pecuniæ, cum uoluptati, cum omnium rerum  
 cupiditati resistes, ut facis; erit, credo, periculum,  
 ne improbum negotiatorem, paullo cupidiorẽ pu-  
 blicanum comprimere non possis. nam Græci quidẽ  
 sic te, ita uiuentem, intuebuntur, ut quendam ex  
 annalium memoria, aut etiam e cælo diuinum ho-  
 minem esse in prouinciam delapsum putent. At-  
 que hæc nunc, non ut facias, sed ut te facere, & fe-  
 cisse gaudeas, scribo. præclarum est enim, summo  
 cum imperio fuisse in Asia triennium, sic, ut nullum  
 te signum, nulla pictura, nullum uas, nulla ue-  
 stis, nullum mancipium, nulla forma cuiusquam,  
 nulla condicio pecuniæ, quibus rebus abundat ista  
 prouincia, ab summa integritate, continentiaq. de-  
 duxerit. quid autem reperiri tam eximium, aut  
 tam expetendum potest, quam istam uirtutem, mo-  
 derationem animi, temperantiam non latere in te-  
 nebris, neque esse abditam, sed in luce Asiæ, in ocu-  
 lis clarissimæ prouinciæ, atque in auribus omnium  
 gentium, ac nationum esse positam? non itineribus  
 tuis perterreri homines, non sumptu exhauriri, non  
 aduentu commoueri; esse, quocumque ueneris, &  
 publice, et priuatim maximam lætitiã; cum urbs  
 custodem, non tyrannum, domus hospitem, non ex-  
 pilatorem recepisse uideatur. His autem in rebus  
 iam te usus ipse profecto erudiuit, nequaquam satis  
 esse, ipsum hæc habere uirtutes, sed esse circum-  
 spiciendum



spiciendum diligenter, ut in hac custodia provinciae  
 non te unum, sed omnes ministros imperij tui so-  
 cijs, ciuibus, & reip. prestare uideare. quamquam  
 legatos habes eos, qui ipsi per se habituri sint ratio-  
 nem dignitatis suae: de quibus honore, & dignita-  
 te, & etate praestat Tubero: quem ego arbitror,  
 praesertim cum scribat historiam, multos ex suis an-  
 nalibus posse deligere, quos uelit, & possit imita-  
 ri. Allicnus autem, noster cum animo, & bene-  
 uolentia, tum uero etiam imitatione uiuendi. Nam  
 quid ego de Gratidio dicam? quem certo scio ita la-  
 borare de existimatione sua, ut, propter amorem  
 in nos fraternum, etiam de nostra laboret. Quaestor-  
 em habes non tuo iudicio delectum, sed eum, quem  
 fors dedit. hunc oportet & sua sponte esse modera-  
 tum, & tuis institutis, ac praecipis obtemperare.  
 Quorum si quis forte esset sordidior, serres eatenus,  
 quoad per se negligeret eas leges, quibus est adstri-  
 ctus; non ut ea potestate, quam tu ad dignitatem  
 permisisses, ad quastum uteretur. neque enim mihi  
 sane placet, praesertim cum hi mores tantum iam  
 ad nimiam lenitatem, & ambitionem incubuerint,  
 scrutari te omnes sordes, excutere unumquemque  
 eorum, sed, quanta sit in quoque fides, tantum cui-  
 que committere. Atque inter hos, eos, quos tibi co-  
 mites, & adiutores negotiorum publicorum dedit  
 ipsa res. dumtaxat finibus ijs praestabis, quos ante  
 praescripsi. quos uero aut ex domesticis conuictioni-  
 bus, aut ex necessarijs apparitionibus tecum esse  
 uo-



uoluisti, qui quasi ex cohorte prætoris appellari solent, horum non modo facta, sed etiam dicta omnia præstanda nobis sunt. sed habes eos tecum, quos possis recte facientes facile diligere, minus consulentes existimationi tuæ facillime coercere. a quibus, rudis cum esses, uidetur potuisse tua liberalitas decipi. nam ut quisque est uir optimus, ita difficillime esse alios improbos suspicatur. nunc uero tertius hic annus habeat integritatem eandem, quam superiores, cautiores etiam, ac diligentiores. Sint aures tuæ, quæ id, quod audiunt, existimentur audire, non in quas fide, & simulate quæstus causa insusurretur. Sit anulus tuus, non ut uas aliquod, sed tamquam ipse tu; non minister alienæ uoluntatis, sed testis tuæ. Accensus sit eo etiam numero, quo eum maiores nostri esse uoluerunt, qui hoc non in beneficii loco, sed in laboris, ac muneris non temere, nisi libertis suis, deferrebant; quibus illi quidem non multo secus, ac seruis, imperabant. Sit licitor non suæ, sed tuæ lenitatis apparitor; maioraque præferant fasces illi, ac secures dignitatis insignia, quam potestatis. Toti denique sit provincie cognitum, tibi omnium, quibus præsis salutem, liberos, famam, fortunas esse carissimas. Denique hæc opinio sit, non modo, qui aliquid acceperint, sed ijs etiam, qui dederint, te inimicum, si id cognoueris, futurum. neque uero quisquam dabit, cum erit hoc perspectum, nihil per eos, qui simulant se apud te multum posse, abs te solere impetrari.



## LIB. I. EPIST.

petrari. nec tamen hæc oratio mea est eiusmodi, ut te in tuos aut durum esse nimium, aut suspiciosum uelim. nam si quis est eorum, qui tibi biennij spatium nunquam in suspicionem auaritiæ uenerit, ut ego Cæsum, & Chærippum, & Labeonem & audio, &, quia cognoui, existimo: nihil est, quod non & ijs, & si quis est alius eiusmodi, & committi, & credi rectissime putem. sed si quis est, in quo iam offenderis, de quo aliquid senseris: huic nihil credideris, nullam partem existimationis tuæ commiseris. In prouincia curo ipsa si quem es nactus, qui in tuam familiaritatem penitus intrarit, qui nobis ante fuerit ignotus: huic quantum credendum sit, uide: non quin possint multi esse prouinciales uiri boni: sed hoc sperare licet, iudicare periculosum est. multis enim simulationum inuolucris tegitur, & quasi uelis quibusdam obtenditur uniuscuiusque natura: frons, oculi, uultus persæpe mentiuntur, oratio uero sæpissime. quamobrem qui potes reperire ex eo genere hominum, qui pecuniæ cupiditate adducti careant ijs rebus omnibus, a quibus nos diuulsi esse non possumus; te autem, alienum hominem, ament ex animo, ac non sui commodi causa simulent? mihi quidem permagnum uidetur, præsertim si ijdem homines priuatum non fere quemquam, prætores semper omnes amant. Quo ex genere si quem forte tui cognosti amantiorem, ( fieri enim potuit ) quam temporis: hunc uero ad tuum numerum libenter adscribito. sin autem id non perspicias:



species : nullum erit genus in familiaritate cauendum magis : propterea quod & omnes uias pecunie norunt ; & omnia pecunie caussa faciunt ; & quicum uicturi non sunt , eius existimationi consulere non curant . Atque etiam e Græcis ipsis diligenter cauendæ sunt quædam familiaritates , præter hominum perpaucorum , si qui sunt uetere Græcia digni . sic uero fallaces sunt permulti , & leues , & diuturna seruitute ad nimiam assentationem eruditi . quos ego uniuersos adhiberi liberaliter , optimum quæque hospitio , amicitiaq. coniungi dico oportere . nimis familiaritates eorum neque tam fideles sunt ; ( non enim audent aduersari nostris uoluntatibus ) et uero inuident non nostris solum , uerum etiam suis . Iam qui in eiusmodi rebus , in quibus uereor etiam ne durior sim , cautus esse uelim , ac diligens ; quo me animo in seruis esse censes ? quos quide cum omnibus in locis , tum præcipue in prouincijs regere debemus . quo de genere multa præcipi possunt : sed hoc & breuissimum est , & facillime teneri potest : ut ita se gerant in istis Asiaticis itineribus , ut si iter Appia uia faceres ; ne ue interesse quidquam putent , utrum Tralles , an Formias uenerint . At , si quis est ex seruis egregie fidelis , sit in domesticis rebus , & priuatis : quæ res ad officium imperij tui , atque ad aliquam partem reip. pertinebunt , de ijs rebus ne quid attingat . multa enim , quæ recte committi seruis fidelibus possunt , tamen , sermonis , & uituperationis uitandæ



de caussa, committenda non sunt. Sed nescio quo pacto ad præcipiendi rationem delapsa est oratio mea, cum id mihi propositum initio non fuisset. quid enim ei præcipiam, quem ego, in hoc præsertim genere, intelligam prudentia non esse inferiorem, quam me, usu uero etiam superiorem? sed tamen, si ad ea, quæ faceres, auctoritas accederet mea, tibi ipsi illa putavi fore iucundiora. Quare sint hæc fundamenta dignitatis tuæ, tua primum integritas, & continentia; deinde omnium, qui tecum sunt, pudor; delectus in familiaritatibus & provincialium hominum, & Græcorum percautus, & diligens; familiæ grauis, & constans disciplina. quæ cum honesta fiat in his priuatis nostris, quotidianisq. rationibus; in tanto imperio, tam deprauatis moribus, tam corruptrice provincia, diuina uideantur, necesse est. Hæc institutio, atque hæc disciplina potest sustinere in rebus statuendis, et decernendis eam seueritatem, qua tu in ijs rebus usus es, ex quibus non nullas similitudines cum magna mea lætitia susceptas habemus. nisi forte me Paconij nescio cuius, hominis ne Græci quidem, ac Mysi, aut Phrygis potius, querelis moueri putas, aut Tuscanij, hominis furiosi, ac sordidi uocibus; cuius tu ex impurissimis faucibus inhonestissimam cupiditatem eripuisti summa cum æquitate. Hæc, & cetera plena seueritatis, quæ statuisti in ista provincia, non facile sine summa integritate sustineremus. quare sit summa in iure dicendo seueritas, dum modo ea



do ea ne uarietur gratia, sed conseruetur æquabilis. sed tamen parui refert, abs te ipso ius dici æqualiter; & diligenter, nisi idem ab ijs fiet, quibus tu eius muneris aliquam partem concesseris. Ac mihi quidem uidetur non sane magna uarietas esse negotiorum in administranda Asia, sed ea tota iuris ditione maxime sustineri. in qua scientiæ, præsertim prouincialis, ratio ipsa expedita est: constantia est adhibenda, & grauitas, quæ resistat non solum gratiæ, uerum etiam suspitioni. Adiungenda etiam est facilitas in audiendo, lenitas in discernendo, in satisfaciendo, ac disputando diligentia. his rebus nuper Cn. Octauius iucundissimus fuit: apud quem primus liCTOR quieuit, tacuit accensus; quoties quisque uoluit, dixit, & quam uoluit diu. quibus ille rebus fortasse nimis lenis uideretur, nisi hæc lenitas illam seueritatem tueretur. cgebantur Sylani homines, quæ per uim, & metum abstulerant, reddere. qui in magistratibus iniuriose decreuerat, eodem ipsis priuatis erat iure parendum. hæc illius seueritas acerbæ uideretur, nisi multis condimentis humanitatis mitigaretur. quod si hæc lenitas grata Romæ est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta uis, tanta senatus auctoritas: quam iucunda tandem prætoris comitas in Asia potest esse? in qua tanta multitudo ciuium, tanta sociorum, tot urbes, tot ciuitates unius hominis nutum intuentur: ubi nullum

XX

au-



LIB. I. EPIST.

auxilium est, nulla conquestio, nullus senatus, nulla concio. quare permagni hominis est, & cum ipsa natura moderatu, tum uero etiam doctrina, atque optimarum artium studijs eruditi, sic se adhibere in tanta potestate, ut nulla alia potestas ab ijs, quibus is praesit, desideretur. Cyrus ille a Xenophonte non ad historiae fidem scriptus, sed ad effigiem iusti imperij: cuius summa grauitas ab illo Philosopho cum singulari comitate coniungitur: quos quidem libros non sine caussa noster ille Africanus de manibus ponere non solebat. nullum est enim praetermissum in ijs officium diligentis, & moderati imperij. eaq. si sic coluit ille, qui priuatus futurus numquam fuit: quonam modo retinenda sunt ijs, quibus imperium ita datum est, ut redderent, & ab ijs legibus datum est, ad quas reuertendum est? Ac mihi quidem uidentur huc omnia esse referenda ijs, qui praesunt alijs, ut ij, qui eorum in imperio erunt, sint quambeatissimi: quod tibi & esse antiquissimum, & ab initio fuisse, ut primum Asiam attingisti, constante fama, atque omnium sermone celebratum est. Est autem non modo eius, qui socijs, & ciuibus, sed etiam eius, qui seruis, qui mutis pecudibus praesit, eorum, quibus praesit, commodis, utilitatiq. seruire. cuius quidem generis, constare inter omnes uideo, abs te summam adhiberi diligentiam, nullum aes alienum nouum contrahi ciuitatibus, uetere autem magno, & graui multas abs te esse liberatas: urbes complures dirutas, ac

pene



pæne desertas, in quibus unam Ionia nobilissimam, alteram Cariæ, Samum, & Halycarnassum, per te esse recreatas: nullas esse in opidis seditiones, nullas discordias: prouideri abs te, ut ciuitates optimatum consilijs administrarentur: sublata Mysiæ latrocinia, cædes multis locis repressas, pacem tota provincia constitutam, neque solum illa itinerum, atque agrorum, sed multo etiam plura, & maiora opidorum & furta, & latrocinia esse depulsa: remotam a fama, & a fortune, & ab otio locupletum illam acerbissimam, ministram prætorum avaritiæ, calumniam: sumptus, & tributa ciuitatum ab omnibus, qui earum ciuitatum fines incolant, tolerari æqualiter: facillimos esse aditus ad te: patere aures tuas querellis omnium: nullius inopiam, ac sollicitudinem non modo illo populari accessu, ac tribunali, sed ne domo quidem, & cubiculo esse exclusam tuo: toto denique imperio nihil acerbum esse, nihil crudele, atque omnia plena clementiæ, mansuetudinis, humanitatis. quantum uero illud est beneficium tuum, quod iniquo, & graui uectigali ædificiorum, magnis nostris simultatibus, Asiam liberaſti? Enimuero, si unus homo nobilis queritur palam, te, quod edixeris, ne ad ludos pecuniæ decernerentur, HS CC sibi eripuisse: quanta tandem pecunia penderetur, si omnium nomine, quicumque Romæ ludos facerent, quod erat iam institutum, erogaretur? Quamquam has querellas hominum nostrorum illo consilio oppressimus, quod in



## LIB. I. EPIST.

Asia nescio quonam modo, Romæ quidem non mediocri cum admiratione laudatur; quod, cum ad templum, monumentumq. nostrum ciuitates pecunias decreuissent; cumq. id & pro magnis meis meritis, & pro tuis maximis beneficijs summa sua uoluntate fecissent; nominatimq. lex exciperet, ut ad templum, monumentumq. capere liceret; cumq. id, quod dabatur, non esset interiturum, sed in ornamentis templi futurum; ut non mihi potius, quam populo R. ac dijs immortalibus datum uideretur; tamen id, in quo erat dignitas, erat lex, erat eorum, qui faciebant, uoluntas, accipiendum non putauit, cum alijs de causis, tum etiam ut animo æquiore ferrent ijs, quibus nec deberetur, nec liceret. Quapropter incumbere toto animo, & studio omni in eam rationem, qua adhuc usus es, ut eos, quos tuæ fidei, potestatiq. senatus, populusq. R. commisit, & credidit, diligas, & omni ratione tueare, ut esse quambeatissimos uelis. quod si te fors Afris, aut Hispanis, aut Gallis præfecisset, immanibus, ac barbaris nationibus: tamen esset humanitatis tuæ, consulere eorum commodis, & utilitati, salutiq. seruire. cum uero ei generi hominum præsimus, non modo in quo ipsa sit, sed etiam a quo ad alios peruenisse putetur humanitas: certe ijs eā potissimum tribuere debemus, a quibus accepimus. non enim me hoc iam dicere pudebit, præsertim in ea uita, atque in ijs rebus gestis, in quibus non potest residere inertia, aut lenitatis ulla suspicio, nos

ea,



ea, quæ consecuti sumus, ijs studijs, & artibus esse adeptos, quæ sint nobis Græciæ monumentis disciplinisq. traditæ. Quare, præter communem fidem, quæ omnibus debetur, præterea nos isti hominum generi præcipue debere uidemur; ut, quorum præceptis simus eruditi, apud eos ipsos, quod ab ijs didicerimus, uelimus expromere. Atque ille quidem princeps ingenij, & doctrinæ Plato tum denique fore beatas resp. putauit, si aut docti, & sapientes homines eas regere cœpissent, aut, qui regerent, omne suum studium in doctrina, ac sapientia collocassent. hanc coniunctionem uidelicet potestatis, & sapientiæ, salutem censuit ciuitatibus esse posse. quod fortasse aliquando uniuersæ reip. nostræ, nunc quidem profecto isti prouinciæ contigit, ut is in ea summam potestatem haberet, cui in doctrina, cui in uirtute, atque humanitate percipienda plurimum a pueritia studij fuisset, & temporis. Quare cura, ut hic annus, qui ad laborem tuum accessit, idem ad salutem Asiæ prorogatus esse uideatur. quoniam in te retinendo fuit Asia felicior, quam nos in deducendo; perfice, ut letitia prouinciæ desiderium nostrum leniatur. etenim, si in promerendo ut tibi tanti honores haberentur, quanti haud scio an nemini, fuisti omnium diligentissimus; multo maiorem in his honoribus tuendis adhibere diligentiam debes. Equidem, de isto genere honorum quid sentirem, scripsi ad te ante. semper eos putavi, si uulgares essent, uiles; si temporis causâ



## LIB. I. EPIST.

constituerentur, leues: si uero, id quod ita factum est, meritis tuis tribuerentur, existimabam multam tibi in ijs tuendis operam esse ponendam. Quare, quoniam in istis urbibus cum summo imperio, & potestate uersaris, in quibus tuas uirtutes consecratas, & in deorum numero collocatas uides; in omnibus rebus, quas statues, quas decernes, quas ages, quid tantis hominum opinionibus, tantis de te iudicijs, tantis honoribus debeas, cogitabis. id autem erit eiusmodi, ut consulas omnibus, ut medeare incommodis hominum, prouideas saluti, ut te parentem Asiae & dici, & haberi uelis. Atque huic tuae uoluntati, ac diligentiae difficultatem magnam afferunt publicani: quibus si aduersamur, ordinem de nobis optime meritum, & per nos cum rep. coniunctum, & a nobis, & a rep. disjungemus. sin autem omnibus in rebus obsequimur; funditus eos perire patiemur, quorum non modo saluti, sed etiam commodis consulere debemus. Haec est una, si uere cogitare uolumus, in toto imperio tuo difficultas. nam, esse abstinentem, continere omnes cupiditates, suos coercere, & iuris aequabilem tenere rationem, facilem te in rebus cognoscendis, in hominibus audiendis, admittendisq. praebere, praclarum magis est, quam difficile. non est enim positum in labore aliquo, sed in quadam inductione animi, atque uoluntate. Illa caussa publicanorum quantam acerbitatem afferat socijs, intelleximus ex ciuibus, qui nuper in portorijs Italiae tollendis

non



non tam de portorio, quam de non nullis iniurijs portitorum querebantur. quare non ignoro, quid socijs accidat in ultimis terris, cum audiuerim in Italia querellas ciuium. Hic te ita uersari, ut & publicanis satisfacias, præsertim publicis male redemptis, & socios perire non sinas, diuinæ cuiusdam uirtutis esse uidetur, idest tuæ. Ac primum Græcis id, quod acerbissimum est, quod sunt uectigales, non ita acerbum uideri debet: propterea quod sine imperio populi R. suis institutis per se ipsi ita fuerunt: nomen autem publicani aspernari non possunt, qui pendere ipsi uectigal sine publicano non potuerunt, quod ijs æqualiter Sylla descripserat. non esse autem leniores in exigendis uectigalibus Græcos, quam nostros publicanos, hinc intelligi potest, quod Caunij nuper omnes ex insulis, quæ erant ab Sylla Rhodijs attributæ, confugerunt ad senatum, nobis ut potius uectigal, quam Rhodijs, penderent. quare nomen publicani neque ijs debent horrere, qui semper uectigales fuerunt; neque ijs aspernari, qui per se pendere uectigal non potuerunt; neque ijs recusare, qui postulauerunt. simul & illud Asia cogitet, nullam a se neque belli externi, neque discordiarum domesticarum calamitatem abfuturam fuisse, si hoc imperio non teneretur. id autem imperium cum retineri sine uectigalibus nullo modo possit, æquo animo parte aliqua suorum fructuum pacem sibi sempiternam redimat, atque otium. Quod si genus ipsum, & nomen publicani non



## LIB. I. EPIST.

iniquo animo sustinebunt; proterunt ijs consilio, & prudentia tua reliqua uideri mitiora. possunt in passionibus faciendis non legem spectare censoriam, sed potius commoditatem conficiendi negotij, & liberationem molestiae. potes etiam tu id facere, quod & fecisti egregie, & facis, ut commemoreres quanta sit in publicanis dignitas, quantum nos illi ordini debeamus; ut, remoto imperio, ac ui potestatis & fascium, publicanos cum Graecis gratia, atque auctoritate coniungas. sed & ab ijs, de quibus optime tu meritus es, & qui tibi omnia debent, hoc petas, ut facilitate sua nos eam necessitudine, quae est nobis cum publicanis, obtinere, & conseruare patiantur. Sed quid ego te haec hortor, quae tu non modo facere potes tua sponte sine cuiusquam praecceptis, sed etiam magna iam ex parte perfecisti? non enim desistunt nobis agere quotidie gratias honestissimae, & maximae societates. quod quidem mihi iccirco iucundius est, quod idem faciunt Graeci. difficile est autem, ea, quae commodis, utilitate, & prope natura diuersa sunt, uoluntate coniungere. At ea quidem, quae supra scripta sunt, non, ut te instituerem, scripsi: (neque enim prudentia tua cuiusquam praeccepta desiderat) sed me in scribendo commemoratio tuae uirtutis delectauit. quamquam in his litteris longior fui, quam aut uellem, aut quam me putauit fore. Vnum est, quod tibi ego praecipere non desinam; neque te patiar, quatum in me erit, cum exceptione laudari. omnes enim,



enim, qui istinc ueniunt, ita de tua uirtute, integritate, humanitate commemorant, ut in tuis summis laudibus excipiant unam iracundiam. quod uitiū cum in hac priuata, quotidianaq. uita leuis esse animi, atque infirmi uidetur: tum uero nihil est tam deforme, quam ad summum imperium etiam acerbitem naturæ adiungere. quare illud non suscipiam, ut, quæ de iracundia dici solent a doctissimis hominibus, ea tibi nunc exponam; cum & nimis longus esse nolim, & ex multorum scriptis ea facile possis cognoscere. illud, quod est epistolæ proprium, ut is, ad quem scribitur, de ijs rebus, quas ignorat, certior fiat, prætermittendum esse non puto. Sic ad nos omnes fere deferunt, nihil, cum absit iracundia, te fieri posse iucundius; sed, cum te alicuius improbitas, peruersitasq. commouerit, sic te animo incitari, ut ab omnibus tua desideretur humanitas. quare, quoniam in eam rationem uitæ nos non tam cupiditas quædam gloriæ, quam res ipsa, ac fortuna deduxit, ut sempiternus sermo hominum de nobis futurus sit: caueamus, quantum efficere, & consequi possumus, ut ne quod in nobis insigne uitiū fuisse dicatur. Neque ego hoc nunc contendo, quod fortasse cum in omni natura, tum iam in nostra ætate difficile est, mutare animū, & si quid est penitus insitum moribus, id subito euellere: sed te illud admoneo, ut, si hoc plene uitare non potes, quod ante occupatur animus ab iracundia, quam prouidere ratio potuit, ne

occu-



occuparetur; ut te ante compares, quotidieq. meditare, resistendum esse iracundiæ; cumq. ea maxime animum moueat, tum tibi esse diligentissime linguam continendam; quæ quidem mihi uirtus non interdum minor uidetur, quam omnino non irasci. nam illud est non solum grauitatis, sed non nūquam etiam lentitudinis. moderari uero & animo, et orationi, cum sis iratus, aut etiam tacere, & tenere in sua potestate motum animi, & dolorem, etsi non est perfecta sapientiæ, tamen est non mediocris ingenij. atque in hoc genere multo te esse iam commodiorem, mitioremq. nunciant. nullæ tuæ uehementiores animi concitationes, nulla maledicta ad nos, nullæ contumeliæ perferuntur: quæ cum abhorrent a litteris, ab humanitate, tum uero contraria sunt imperio, ac dignitati. nam si implacabiles sunt iracundiæ, summa est acerbitas: sin autem exorabiles, summa leuitas: quæ tamen, ut in malis, acerbitati anteponenda est. Sed quoniam primus annus habuit de hac reprehensione plurimum sermonis; credo propterea, quod tibi hominum iniuriæ, quod auaritia, quod insolentia præter opinionem accidebat, & intolerabilis uidebatur; secundus autem multo lenior; quod & consuetudo, & ratio, & ut ego arbitror, meæ quoque litteræ te patientiorem, lenioremq. fecerunt: tertius annus ita esse debet emendatus, ut ne minimam quidem rem quisquam possit ullam reprehendere. Ac iam hoc loco non hortatione, neque præceptis, sed precibus tecum fraternis



fraternis ago, totum ut animum, curam, cogitationemq. tuam ponas in omnium laude undique colligenda. quod si in mediocri statu sermonis, ac prædicationis nostræ res essent; nihil abs te eximium, nihil præter aliorum consuetudinem postularetur. nunc uero, propter earum rerum, in quibus uersati sumus, splendorem, & magnitudinem, nisi summam laudem ex ista prouincia assequimur; uix uidemur summam uituperationem posse uitare. ea nostra ratio est, ut omnes boni cum faueant, tum etiam a nobis omnem diligentiam, uirtutemq. & postulent, & expectent; omnes autem improbi, quod cum ijs bellum suscepimus sempiternum, uel minima re ad reprehendum contenti esse uideantur. Quare, quoniam eiusmodi theatrum est totius Asiæ, celebritate refertissimum, magnitudine amplissimum, iudicio eruditissimum, natura autem ita resonans, ut usque Romam significationes, uocesq. referantur: contende, quæso, atque elabora, non modo ut his rebus dignus fuisse, sed etiam ut illa omnia tuis artibus superasse uideare. Et quoniam mihi casus urbanam in magistratibus administrationem reip. tibi prouincialem dedit; & si mea pars nemini cedit; fac, ut tua ceteros uincat. Simul & illud cogita, nos non de reliqua, & sperata gloria iam labore, sed de parta dimicare: quæ quidem non tam expetenda fuit, quam tuenda nobis est. Ac si mihi quidquam esset abs te separatam, nihil amplius desiderarem



## LIB. I. EPIST.

rarem hoc statu, qui mihi iam partus est: nunc uero res sic sese habet, ut, nisi omnia tua facta, atque dicta nostris rebus istinc respondeant, ego me tantis meis laboribus, tantisque periculis, quorum tu omnium particeps fuisti, nihil consecutum putē. quod si, ut amplissimum nomen consequeremur, unus præter ceteros adiuvisti: certe idem, ut id retineamus, præter ceteros elaborabis. non est tibi his solis utendum existimationibus, ac iudicijs, qui nunc sunt, hominum, sed ijs etiam, qui futuri sunt. quamquam illorum erit uerius iudicium, obtreffatione, & malevolentia liberatum. Denique illud etiam debes cogitare, non te tibi soli gloriam quærere: quod si esset, tamen non negligeres, præsertim cum amplissimis monumentis consecrare uoluisses memoriam nominis tui: sed ea tibi est communicanda mecum, prodenda liberis nostris: in qua cauendum est, ne, si negligentior fueris, non solum tibi parum consuluisse, sed tuis etiam inuidisse uidearis. Atque hæc non eo dicuntur, ut te oratio mea dormientem excitasse, sed potius ut currentem incitasse uideatur. facies enim perpetuo, quæ fecisti, ut omnes æquitatem tuam, temperantiam, saueritatem, integritatemque laudent. sed me quædam tenet, propter singularem amorem, infinita in te auiditas gloriæ. quamquam illud existimo, cum iam tibi Asia, sicut unicuique sua domus, nota esse debeat; cum ad tuam summam prudentiam tantus usus accesserit; nihil esse, quod ad laudem attineat,

quod

quod n  
iniqua  
Sed ego  
ad te se  
gissima  
in scri  
oro  
actores  
conclu  
fis; ut  
tius at  
se uide  
uni ma  
semper  
dices  
orem  
uaten

M A

S

eius  
tuis  
tem  
erat  
uifi  
est  
Co  
qu  
am



quod non tu optime perspicias, & tibi non, sine cuiusquam hortatione, in mentem ueniat quotidie. Sed ego, qui, cum tua lego, te audire, & qui, cum ad te scribo, tecum loqui uideor, iccirco & tua longissima quaque epistola maxime delector, & ipse in scribendo sæpe sum longior. Illud te ad extremum & oro, & hortor, ut, tamquam poetæ boni, & actores industrii solent, sic tu in extrema parte, & conclusione muneris, ac negotij tui, diligentissimus sis; ut hic tertius annus imperij tui, tamquam tertius actus, perfectissimus, atque ornatissimus fuisse uideatur. id facillime facies, si me, cui semper uni magis, quam uniuersis, placere uoluisti, tecum semper esse putabis, & omnibus ijs rebus, quas dices, ac facies, interesse. Reliquum est, ut te orem, ut ualeitudini tuæ, si me, & omnes tuos ualere uis, diligentissime seruias.

MARCVS S. D. QVINCTO FRATRI. 2

STATIVS ad me uenit ad VIII. kal. Nou. eius aduentus, quod ita scripsisti, direptum iri te a tuis, dum is abesset, molestus mihi fuit. Quod autem expectationem tui, concursumq. eum, qui erat futurus, si una tecum decederet, neque antea uisus esset, sustulit, id mihi non incommode uisum est accidisse. exhaustus est enim sermo hominum: & multe emissæ iam eiusmodi uoces ἀλλ' αἰεὶ τινα φῶλα μέγαν. quæ te absente cōfecta esse lator. Quod autem iccirco a te missus est, mihi ut se purgaret; id  
neceſſe



necesse minime fuit. primum enim numquam ille mihi fuit suspectus: neque ego; quæ ad te de illo scripsi, scripsi meo iudicio: sed cum ratio, salusque omnium nostrum, qui ad remp. accedimus, non ueritate solum, sed etiam fama niteretur; sermones ad te aliorum semper, non mea iudicia, perscripsi. qui quidem quam frequentes essent, & quam graues, aduentu suo Statius ipse cognouit. etenim interuenit non nullorum querellis, quæ apud me de illo ipso habebantur; & sentire potuit, sermones iniquorum in suum potissimum nomen crumpere. Quod autem me maxime mouere solebat, cum audiebam illum plus apud te posse, quam grauitas illius ætatis, & imperij prudentia postularet: quam multos enim mecum egisse putas, ut se Statius commendarem? quam multa autem ipsum a se mecum in sermone ita protulisse? id mihi non placuit; monui, suasi, deterrui. quibus in rebus etiam si fidelitas summa est; quod prorsus credo, quoniam tu ita iudicas: tamen species ipsa tam gratiosi liberti, aut serui dignitatem habere nullam potest. Atque hoc sic habeto, (nihil enim nec temere dicere, nec astute reticere debeo) materiam omnem sermonum eorum, qui de te detrabere uelint, Statium dedisse: & antea tantum intelligi potuisse, iratos tuæ seueritati esse non nullos; hoc manumisso, iratis, quod loquerentur, non defuisse. Non respondebo ad eas epistolas, quas mihi reddidit L. Cæsius: cui, quoniam ita te uelle intelligo, nullo loco deero. quarum

rum



rum altera est de Blandenio Zeuxide: quem scribis certissimum matricidam tibi a me intime commendari. qua de re, & de hoc genere toto, ne forte me in Græcos tam ambitiosum factum esse mirere, pauca cognosce. Ego, cum Græcorum querellas nimium ualere sentirem, propter omnium ingenia ad fallendum parata; quoscumque de te queri audiui, quacumque potui ratione placavi. primum Dionysipolitas, qui erant inimicissimi mei, leniui; quorum principem Hermippum non solum sermone meo, sed etiam familiaritate deuinxi. Ego Apamensem Hephæstum, ego leuissimum hominem Megaristum Antandrium, ego Niciam Smyrnæum, ego nugas maximas omni mea comitate cōplexus sum, Nymphontem etiam Colophonium. quæ feci omnia, non quo me aut ij homines, aut tota natio delectaret. pertæsum est enim leuitatis, assentionis, animorum non officijs, sed temporibus seruientium. sed, ut ad Zeuxim reuertar, cum is de M. Casellij sermone secum habito, quæ tu scribis, ea ipsa loqueretur, oblitus eius sermoni, & hominem in familiaritatem recepi. Tua autem quæ fuerit cupiditas tanta, nescio, quod scribis, cupisse te, quoniam Smyrnæ duos Mysos insuisses in culeum, simile in superiore parte prouinciæ edere exemplum seueritatis tuæ, & iccirco Zeuxim elicere omni ratione uoluisse: quem, adductum in iudicium, fortasse dimitti non oportuerit; conquiri uero, & elici blandicijs, ut tu scribis, ad iudicium necesse non fuit, eum præsertim hominem,



## LIB. I. EPIST.

hominem, quem ego & ex suis ciuibus, et ex multis alijs quotidie magis cognosco nobiliorem prope esse, quam ciuitatem suam. At enim Græcis solis indulgeo. quid L. Cæcilium? non ne omni ratione placui? quem hominem? qua ira? quo spiritu? quem denique, præter Tuscenium, cuius causa sanari non potest, non mitigauit? ecce supra caput homo lenis, ac sordidus, sed tamen equestri censu, Catienus. etiam is lenietur. cuius tu in patrem quod fuisti asperior, non reprehendo. certo enim scio, te fecisse cum causa. sed quid opus fuit eiusmodi litteris, quas ad ipsum misisti? illum crucem sibi ipsi constituere, ex qua tu eum ante detraxisses: te curaturum, summo ut combureretur, tota plaudente provincia. Quid uero ad C. Fabium nescio quem? (nam eam quoque epistolam T. Catienus circumgestat) renuntiare tibi, Licinium plagiarium cum suo paullo Miluino tributa exigere. deinde rogas Fabium, ut & patrem, & filium uiuos comburat, si possit: sin minus, ad te mittat, uti iudicio comburantur. hæ litteræ abs te per iocum missæ ad C. Fabium, si modo sunt tuæ, cum leguntur, inuidiosam atrocitatem uerborum habent. ac si omnium mearum litterarum præcepta repetes; intelliges esse nihil a me, nisi orationis acerbicatem, & iracundiam, & si forte, raro litterarum missarum indiligentiam reprehensam. quibus quidem in rebus si apud te plus auctoritas mea, quam tua siue natura paullo acrior, siue quædam dulcedo iracundiæ, siue dicendi sal, facietiq.



cetiaq. ualuisse: nihil sane esset, quod nos pæniret. & mediocri dolore putas affici, cum audiam, qua sit existimatione Virgilius, qua tuus uicinus C. Octavius? nam si te interioribus uicinis tuis, Ciliensi, & Syriaco anteponis; ualde magnum facis. atque is dolor est, quod, cum ij, quos nominaui, te innocentia non uincant, uincunt tamen artificio beneuolentiæ colligendæ; qui neque Cyrum Xenophonis, neque Agesilaum nouerint; quorum regum summo in imperio nemo umquam uerbum ullum asperius audiuit. sed hæc a principio tibi præcipiens, quantum profecerim, non ignoro. nunc tamen decedens, id quod mihi iam facere uideris, relinque, quæso, quam iucundissimam memoriam tui. successorem habes perblandum. cetera ualde illius aduentu tua requirentur. In litteris mittendis, ut sæpe ad te scripsi, nimium te inexorabilem præbuiisti. tolle omnes, si potes, iniquas, tolle inusitatas, tolle contrarias. Statius mihi narrauit, scriptas ad te solere afferri, ab se legi, & si iniquæ sint, fieri te certiores: ante quam uero ipse ad te uenisset, nullum delectum litterarum fuisse; ex eo esse uolumina selectarum epistolarum, quæ reprehendi solerent. hoc de genere nihil te nunc quidem moneo: sero est enim: ac scire potes, multa me uarie, diligenterq. monuisse: illud tamen, quod Theopompo mandauimus, cum essem admonitus ab ipso, uide per homines amantes tui, quod est facile, ut hæc genera tollantur epistolarum primum iniquarum, deinde con-

rr

tra-



trariarum, tum absurde, & inusitate scriptarum, postremo in aliquem contumeliosarum. Atque hæc tam esse, quam audio, non puto: & si sunt, occupationibus tuis minus animaduversa; nunc perspice & purga. Legi epistolam, quam ipse scripsisse Syl-la nomenclator dictus est, non probandam. legi non nullas iracundas. Sed tempore ipso de epistolis: nam, cum hanc paginam tenerem, L. Flavius, prætor designatus, ad me uenit, homo mihi ualde familiaris: is, mihi te ad procuratores suos litteras misisse, quæ mihi uisæ sunt iniquissimæ, ne quid de bonis, quæ L. Octauij Nasonis fuissent, cui L. Flavius heres est, deminuerent ante, quam C. Fundanio pecuniam soluissent; itemq. misisse ad Apollonien-ses, ne de bonis, quæ Octauij fuissent, deminui pa-terentur prius, quam Fundanio debitum solutum esset. hæc mihi uerisimilia non uidentur: sunt enim a prudentia tua remotissima. ne deminuat heres? quid, si inficiatur? quid, si omnino non debet? quid? prætor solet iudicare, deberi? quid? ego Fundanio non cupio? non amicus sum? non misericordia mo-ueor? nemo magis: sed uia iuris eiusmodi est qui-busdam in rebus, ut nihil sit loci gratiæ. atque ita, mihi dicebat Flavius, scriptum in ea epistola, quam tuam esse dicebat; te aut, quasi amicis tuis, gratias acturum, aut, quasi inimicis, incommoda laturum. quid multa? ferebat grauius: id uehementer me-cum querebatur: orabatque, ut ad te quamdiligen-tissime scriberem: quod facio; & te prorsus uehe-  
menter



menter etiam atque etiam rogo, ut & procuratori-  
bus Flauij remittas de deminuendo, & Apollonien-  
sibus ne quid præscribas, quod contra Flauium sit;  
amplius, & Flauij caussa, & scilicet Pompeij fa-  
cias omnia. nolo mediusfidius ex tua iniuria in il-  
lum tibi liberalem me uideri. sed & te oro, ut tu  
ipse auctoritatem, & monumentum aliquod decre-  
ti, aut litterarum tuarum relinquo, quod sit ad  
Flauij rem, et ad causam accommodatum. fert e-  
nim grauitus homo & mei obseruantissimus, & sui  
iuris dignitatisq. retinens, se apud te neque amicitia,  
neque iure ualuisse. & ut opinor, Flauij aliquā-  
do rem & Pompeius, et Caesar tibi commendarunt;  
et ipse ad te scripserat Flauius, et ego certe. quare,  
si ulla res est, quam tibi me faciendam petente putes,  
hec ea sit. si me amas, cura, elabora, perfice, ut  
Flauius & tibi, & mihi quammaximas gratias  
agat. hoc te ita rogo, ut maiore studio rogare non  
possim. Quod ad me de Hermia scribis, mihi me-  
hercule ualde molestum fuit. Litteras ad te parum  
fraterne scripseram; quas, oratione Diodoti, Lu-  
culli liberti, commotus, de passionem statim quod  
audieram, iracundius scripseram; & reuocare cu-  
piebam. huic tu epistole, non fraterne scriptæ, fra-  
terne debes ignoscere. De Censorino, Antonio, Cas-  
sio, Scauola, te ab ijs diligi, ut scribis, uehen-  
ter gaudeo. cetera fuerunt in eadem epistola gra-  
uiora, quam uellem. ὁρῶν τὴν νῆν, & ἀπὸ θανάτου.  
maiora ista erunt. Meæ obiurgationes fuerunt amo-



## LIB. I. EPIST.

ris plenissima, quæ sunt non nulla, sed tamen medio-  
 cria, & parua potius. ego te numquam ulla in re  
 dignum minima reprehensione putassem, cum te  
 sanctissime gereres, nisi inimicos multos habere-  
 mus. quæ ad te aliqua admonitione, aut obiurga-  
 tione scripsi, scripsi propter diligentiam cautionis  
 meæ; in qua & maneo, & manebo; & idem ut  
 tu facias, non desistam rogare. Attalus Hyphe-  
 menus mecum egit, ut se ne impedires, quo minus,  
 quod ad Q. Publiceni statuam decretum est, eroga-  
 retur. quod ego te rogo, & admoneo, ne talis uiri,  
 tamq. nostri necessarij honorem minui per te, aut  
 impediri uelis. Præterea Aesopi tragædi, nostri  
 familiaris, Licinius seruus, tibi notus, aufugit. is  
 Athenis apud Patronem Epicureū pro libero fuit:  
 inde in Asiam uenit: postea Plato quidam Sardia-  
 nus, Epicureus, qui Athenis solet esse multum, &  
 qui tum Athenis fuerat, cum Licinius eo uenisset;  
 cum cum fugitiuum postea esse ex Aesopi litteris co-  
 gnosset, hominem comprehendit, & in custodiā E-  
 phesi tradidit, sed in publicam, uel in pistrinum, nō  
 satis ex litteris eius intelligere potuimus. tu, quo-  
 quo modo, quoniam Ephesi est, hominem inuesti-  
 ges uelim, summaq. diligentia uel tecum deducas.  
 noli spectare, quanti homo sit: parui enim pretij est,  
 qui iam nihil sit: sed tanto dolore Aesopus est affe-  
 ctus propter serui scelus, & audaciam, ut nihil ei  
 gratius facere possis, quam si illum per te recupera-  
 rit. Nunc ea cognosce, quæ maxime exoptas.

Remp.



Remp. funditus amissimus, adeo, ut Cato adolescens, nullius consilij, sed tamen ciuis Romanus, & Cato, uix uiuus effugeret, quod, cum Gabinium de ambitu uellet postulare, neque praetores diebus aliquot adiri possent, uel potestatem sui facerent, in concionem adscendit, & Pompeium priuatus dictatorem appellauit. propius nihil est factum, quam ut occideretur. ex hoc, qui sit status totius reip. uidere potes. nostrae tamen causae non uidetur homines defuturi: mirandum in modum profitentur, offerunt se, pollicentur. & quidem cum spe sum maxima, tum maiore etiam animo. spero superiores fore nos: cōfido animo, ut in hac rep. ne casum quidem ullum pertimescam. sed tamen se res sic habet. si diem nobis Clodius dixerit, tota Italia concurret, ut multiplicata gloria discedamus: sin autem ui agere conabitur, spero fore studijs non solum amicorum, sed etiam alienorum, ut ui resistamus. omnes & se, & suos liberos, amicos, clientes, libertos, seruos, pecunias denique suas pollicentur. nostra antiqua manus bonorum ardet studio nostri, atque amore. si qui antea aut alieniores fuerant, aut languidiores, nunc, horum regum odio, se cum bonis coniungunt. Pompeius omnia pollicetur, & Caesar: quibus ego ita credo, ut nihil de mea comparatione deminuum. tribuni pl. des. sunt nobis amici. consules se optime ostendunt. praetores habemus amicissimos, & acerrimos ciues, Domitium, Nigidium, Memmium, Lentulum, bonos etiam alios;



L I B. I. E P I S T.

sed hos singulares . quare magnum fac animum habeas, & spem bonam. de singulis tamen rebus, quæ quotidie gerantur, faciam te credo certiorē . Vale .

M A R C V S S. D. Q V I N C T O F R A T R I. 4

M I F R A T E R , mi frater, mi frater, tu ne id ueritus ea , ne ego iracundia aliqua adductus pueros ad te sine litteris miserim ? aut etiam , ne te uidere noluerim ? ego tibi irascerer ? tibi ego possem irasci ? scilicet . tu enim me afflixisti, tui me inimici, tua me inuidia ; ac non ego te misere perdidī . meus ille laudatus consulatus mihi te, liberos , patriam, fortunas , tibi uelim ne quid eripuerit præter unum me . sed certe a te mihi omnia semper honesta, & iucunda ceciderunt ; a me tibi luctus meæ calamitatis, metus tuæ, desiderium, mæror, sollicitudo . ego te uidere noluerim ? immo uero me a te uideri nolui . non enim uidisses fratrem tuum ; non eum , quem reliqueras ; non eum , quem noras ; non eum , quem flens flentem , prosequetem proficiscens dimiseras , ne uestigium quidem eius, nec simulacrum, sed quandam effigiem spirantis mortui . atque utinam me mortuum prius uidisses, aut audisses . utinam te non solum uitæ , sed etiam dignitatis meæ superslitem reliquisset . sed testor omnes deos , me hac una uoce a morte esse reuocatum , quod omnes in mea uita partem aliquam tuæ uitæ repositam esse dicebant . quare peccaui , scelerateq. feci . nam, si cecidisset, mors ipsa meam pietatem , amoremq. in te facile de-

de-



defenderet . nunc commisi , ut uiuo me careres , uiuo me alijs indigeres , mea uox in domesticis periculis potissimum occideret , quæ saepe alienissimis præsidio fuisset . Nam quod ad te pueri sine litteris uenerunt , quoniam uides non fuisse iracundiæ causa , certe pigritia fuit , & quædam infinita uis lacrymarum , & dolorum . hæc ipsa me quo fletu putas scripsisse ? eodem , quo te legere certo scio . an ego possum aut non cogitare aliquando de te , aut umquam sine lacrymis cogitare ? cum enim te desidero , fratrem solum desidero . ego uero suauitate prope fratrem , prope æqualem , obsequio filium , consilio parentem . quid mihi sine te umquam , aut tibi sine me iucundum fuit ? quid , quod eodem tempore desidero filiam ? qua pietate , qua modestia , quo ingenio ? effigiem oris , sermonis , animi mei . quid filium uenustissimum , mihiq. dulcissimum ? quem ego ferus , ac ferreus e complexu dimisi meo , sapientiores puerum , quam uellem : sentiebat enim miser iam , quid ageretur . quid uero tuum filium ? quid ? imaginem meam ; quem meus Cicero & amabat ut fratrem , et iam , ut maiorem fratrem , uerebatur . quid , quod mulierem miserrimam , fidelissimam coniugem me prosequi non sum passus ; ut esset , quæ , reliquias communis calamitatis , communes liberos tueretur ? Sed tamen , quoquo modo potui , scripsi , & dedi litteras ad te Philogono , liberto tuo , quas credo tibi postea redditas esse : in quibus idem te hortor , & rogo , quod pueri tibi uerbis meis nunciarunt , ut Ro



## LIB. I. EPIST.

mam protinus pergas, & properes. primum enim  
 te praesidio esse uolui, si qui essent inimici, quorum  
 crudelitas non dum esset nostra calamitate satiata:  
 deinde congressus nostri lamentatione pertimui, di-  
 gressum uero non tulissem: atque etiam id ipsum, quod  
 tu scribis, metuebam, ne a me distrahi non posses.  
 his de causis hoc maximum malum, quod te non ui-  
 di, quo nihil amantissimis, & coniunctissimis fra-  
 tribus acerbius, ac miserius uidetur accidere potuis-  
 se, minus acerbum, minus miserum fuit, quam fuisset  
 cum congressio, tum uero digressio nostra. Nunc, si  
 potes, id quod ego, qui fortis tibi semper uidebar,  
 non possum, erige te, & confirma, si qua subeun-  
 da dimicatio erit. spero, si quid mea spes habet au-  
 thoritatis, tibi & integritatem tuam, & amorem  
 in te ciuitatis, & aliquid etiam misericordiam no-  
 stri, praesidij laturam. sin eris ab isto periculo uacuus,  
 ages scilicet, si quid agi posse de nobis putabis. de  
 quo scribunt ad me quidem multi multa, & se spe-  
 rare demonstrant: sed ego, quid sperem, non dispi-  
 cio; cum inimici plurimum ualeant, amici partim  
 deseruerint me, partim etiam prodiderint; qui in  
 meo reditu fortassis reprehensionem sui sceleris per-  
 timefcent. sed, ista qualia sint, tu uelim perspicias,  
 mihiq. declares. ego tamen, quam tibi opus erit,  
 si quid periculi subeundum uidebis, uiuam. diutius  
 in hac uita esse non possum. neque enim tantum ui-  
 rium habet ulla aut prudentia, aut doctriua, ut  
 tantum dolorem possit suslinere. scio fuisse & hone-  
 stius



stius moriendi tempus, & utilius: sed non hoc solū,  
multa alia prætermisi: quæ si queri uelim præteri-  
ta, nihil agam, nisi ut augeam dolorem tuum, in-  
dicem stultitiam meam. illud quidem nec faciendum  
est, nec fieri potest, me diutius, quam aut tuum  
tempus, aut firma spes postulabit, in tam misera,  
tamq. turpi uita commorari; ut, qui modo fratre  
fuerim, liberis, coniuge, copijs, genere ipso pecu-  
niæ beatissimus; dignitate, auctoritate, existima-  
tione, gratia non inferior, quam qui umquam fue-  
runt amplissimi; is nunc in hac tam afflicta, per-  
ditaq. fortuna neque me, neque meos lugere diu-  
tius possim. Quare quid ad me scripsisti de permu-  
tatione? quasi uero nunc me non tuæ facultates su-  
stineant: qua in re ipse uideo miser, & sentio, quid  
sceleris admiserim, cum de uisceribus tuis, & filij  
tui satisfacturum sis, quibus debes, ego acceptam  
ex ærario pecuniam tuo nomine frustra dissiparim.  
sed tamen & M. Antonio, quantum tu scripseras,  
Cæpioni tantundē solutum est. mihi ad id, quod cogi-  
to, hoc, quod habeo, satis est. siue enim restituimur,  
siue desperamur; nihil amplius opus est. tu, si forte  
quid erit molestiæ, te ad Crassum, et ad Calidiū con-  
feras, censeo. quantum Hortensio credendum sit, ne-  
scio: me summa simulatione amoris, summaq. assi-  
duitate quotidiana sceleratissime, insidiosissimeq.  
tractauit, adiuncto quoque Arrio: quorum ego cōsi-  
lijs, promissis, præceptis destitutus in hac calamita-  
te incidi. sed hæc occultabis, ne quid obsint. illud ca-  
ueto;



LIB. I. EPIST.

ueto; & eo puto per Pompeianum fouendum tibi esse ipsum Hortensium; ne ille uersus, qui in te erat collatus, cum aedilitatem petebas, de lege Aurelia, falso testimonio confirmetur. nihil enim tam timeo, quam ne, cum intelligant homines quantum misericordiae nobis tuae preces, & tua salus allatura sit, oppugnent te uehementius. Messallam tui studio sum esse arbitror: Pompeium etiam simulatorem puto. sed haec utinam non experiare. quod precarer deos, nisi meas preces audire desissent: ueruntamen precor, ut his infinitis nostris malis contenti sint: in quibus non modo tamen nullius inest peccati infamia, sed omnis dolor est, quod optime factis poena est maxima constituta. Filiam meam, & tuam, Ciceronemque nostrum quid ego, mi frater, tibi commendem? quin illud mæreo, quod tibi non minorem dolorem illorum orbitas affret, quam mihi. sed, te incolumi, orbi non erunt. reliqua, ita mihi salus aliqua detur, potestasque in patria moriendi, ut me lacrymae non sinunt scribere. Etiam Terentiam uelim tuare, mihiq. de omnibus rebus rescribas. Sis fortis, quoad rei natura patietur. Idibus Iun. Thessalonicae. Vale.

MARCUS S. D. QVINCTO FRATRI. 4

AMABO te, mi frater, ne, si uno meo facto & tu, & omnes mei corruis, improbitati, & sceleris meo potius, quam imprudentiae, misericordiaeque, assignes. nullum est meum peccatum, nisi quod



quod ijs credidi, a quibus nefas putaram esse me  
 decipi, aut etiam quibus ne id expedire quidem ar-  
 bitrabar. intimus, proximus, familiarissimus quis-  
 que aut sibi pertinuit, aut mihi inuidit. ita mihi  
 nihil misero, præter fidem amicorum. cautum me-  
 um consilium fuit. quod si te satis innocentia tua,  
 & misericordia hominum uindicat hoc tempore a  
 molestia; perspicias profecto, ecquanam nobis salu-  
 tis spes relinquatur. nam me Pomponius, & Sex-  
 tius, & Piso noster adhuc Thessalonicae retinue-  
 runt, cum longius discedere propter nescio quos  
 motus uetarent. uerum ego magis exitum illorum  
 litteris, quam spe certa, expectabam. nam quid  
 sperem, potentissimo inimico, dominatione obtre-  
 ctatorum, infidelibus amicis, pluribus inuidis? De  
 nouis autem tribunis pl. est ille quidem in me offi-  
 ciosissimus Sextius, & spero, Curcius, Milo, Fa-  
 dius, Gratidius, sed ualde aduersante Clodio: qui  
 etiam priuatus eadem manu poterit conciones con-  
 citare: deinde etiam intercessor parabitur. hæc mi-  
 hi proficiscenti non proponebantur; sed sæpe triduo  
 summa cum gloria dicebar esse rediturus. quid tu  
 igitur, inquires? quid? multa conuenerunt, quæ  
 mentem exturbarent meam, subita defectio Pom-  
 peij, alienatio consulum, etiam prætorum timor.  
 publicanorum arma. lacrymæ meorum me ad mor-  
 tem ire prohibuerunt: quod certe & ad honestatē,  
 & ad effugiendos intolerabiles dolores fuit aptissi-  
 mum. sed de hoc scripsi ad te in ea epistola, quam  
 Phaetonti



L I B. I. E P I S T.

Phaetonti dedi. Nunc tu, quoniam in tantum luctum, laboremq. detrusus es, quantum nemo umquam; si leuare potes communem casum misericordia hominum, scilicet incredibile quiddam assequeris. sin plane occidimus; me miserum, ego omnibus meis exitio fuero; quibus ante dedecori non eram. sed tu, ut ante ad te scripsi, perspice rem, & pertenta, & ad me, ut tempora nostra, non ut amor tuus fert, uere perscribe. ego uitam, quoad putabo tua interesse, aut ad spem seruandam esse, retinebo. tu nobis amicissimum Sextium cognosces, credo tua causa uel Lentulum, qui erit consul. quamquam sunt facta uerbis difficilliora. tu, & quid opus sit, & quid sit, uidebis omnino. si tuam solitudinem, communemq. calamitatem nemo despexerit: aut per te confici aliquid, aut nullo modo poterit. sin te quoque inimici uexare coeperint: ne cessaris. non enim gladius mecum, sed litibus agetur. uerum haec absint uelim. Te oro, ut ad me de omnibus rebus scribas, & in me animi potius, aut consilij putes minus esse, quam antea, amoris uero, & officij non minus. Vale.



359

M. TVLLII CICERONIS  
EPISTOLARVM AD  
Q. FRATREM  
LIBER II.

MARCVS S. D. QVINTO FRATRI.

EPISTOLAM, quam legisti, mane  
dederam. sed fecit humaniter Licinius,  
quod ad me, misso senatu, uesperu uenit, ut, si quid esset actum, ad te, si  
mihi uideretur, perscriberem. Senatus fuit frequentior, quam putabamus esse posse mense Decembri, sub dies festos. consulares nos fuimus, & duo consules designati, P. Seruilius, M. Lucullus, Lepidus, Volcatius, Glabrio, praetores. sane frequentes fuimus, omnino ad ducentos. commorat exspectationem Lupus. egit causam agri Campani sane accurate: auditus est magno silentio. materiam rei non ignoras. nihil ex nostris actionibus praetermisit. fuerunt non nulli aculei in C. Caesare, contumelia in Gellium, expostulationes cum absente Pompeio. causa sero perorata, sententias se rogaturum negauit, ne quod onus simultatis nobis imponeret: ex superiorum temporum conuicijs, & ex praesenti silentio, quid senatus sentiret, se intelligere dixit. Milo cepit dimittere. tum Marcellinus, Noli, inquit, ex taciturnitate nostra Lupe, quid aut probemus hoc tempore, aut improbemus, indicare.



## LIB. II. EPIST.

care . ego , quod ad me attinet , itemq. arbitror ce-  
 teros , iccirco taceo , quod non existimo , cum Pom-  
 peius absit , causam agri Campani agi convenire .  
 tum ille se senatum negavit tenere . Racilius surre-  
 xit , & de iudicijs referre cœpit : Marcellinum qui-  
 dem primum rogavit . is cum graviter de Clodianis  
 incendijs , trucidationibus , lapidationibus questus  
 esset , sententiam dixit , ut ipse iudices per prætorem  
 urbanum sortiretur : iudicium sortitione facta , co-  
 mitia haberentur : qui iudicia impedivisset , eum  
 contra remp. esse facturum . approbata valde sen-  
 tentia , C. Cato contra dixit , & Cassius , maxima  
 acclamatione senatus , cum comitia iudicijs antefer-  
 ret . Philippus assensit Lentulo . postea Racilius de  
 priuatis me primum sententiam rogavit . multa fe-  
 ci verba de toto furore , latrocinioq. P. Clodij : eum  
 tamquam reum accusavi , multis , et secundis admur-  
 murationibus cuncti senatus . orationem meam col-  
 laudavit satis multis verbis , non me hercule indiser-  
 te , Seuerus Antistius ; idq. iudiciorum causam su-  
 scipit , antiquissimamq. se habiturum dixit . ibatur  
 in eam sententiam . tum Clodius rogatus , diem di-  
 cendo eximere cœpit . furebat , a Racilio se contu-  
 maciter , urbaneq. vexatum . deinde eius operæ re-  
 pente a Græcostasi , & Gradibus clamorem satis ma-  
 gnum sustulerunt , opinor in Q. Sextilium , & ami-  
 cos Milonis incitatæ . eo metu iniecto , repente , ma-  
 gna querimonia omnium , discessimus . Habes acta  
 unius diei . reliqua , ut arbitror , in mensem Ianua-  
 rium



rium reijcientur. De tribunis pl. longe optimum  
Racilius habemus. uidetur etiam Antistius ami-  
cus nobis fore. nam Plancius noster totus est. Fac,  
si me amas, ut considerate, diligenterq. nauiges de  
mense Decembri. Vale.

MARCUS S. D. QVINCTO FRATRI. 2

NON occupatione, qua eram sane impeditus,  
sed paruula lippitudine adductus sum, ut dictarem  
hanc epistolam, & non, ut soleo, ad te ipse scribe-  
rem. Et primum me tibi excuso in eo ipso, in quo te  
accuso. me enim adhuc nemo rogauit, num quid in  
Sardiniam uellem: te puto saepe habere, qui, num  
quid Romam uelis, quærant. Quod ad me de Len-  
tuli, & Sexti nomine scripsisti; locutus sum cum  
Cincio. quo modo res se habet, non est facillima. sed  
habet profecto quiddam Sardinia appositum ad re-  
cordationem præteritæ memoriæ. nam, ut ille Grac-  
chus augur, postea quam in istam provinciam uenit,  
recordatus est, quid sibi in cāpo Martio, comitia cō-  
sulum habenti, contra auspicia accidisset: sic tu mi-  
hi uideris in Sardinia de forma Minuciana, & de  
nominibus Pomponianis in otio recogitasse. sed ego  
adhuc emi nihil. Culeonis auctio facta est. Tuscula-  
no emptor nemo fuit. si condicio ualde bona fuerit,  
fortasse non omittam. De ædificatione tua, Cyrum  
ingere non cesso: spero eum in officio fore: sed om-  
nia sunt tardiora propter furiosæ adilitatis exspe-  
ctationem. nam comitia sine mora futura uiden-  
tur:



## LIB. II. EPIST.

tur: edicta sunt ad XI. kal. Febr. te tamen sollicitum esse nolo. omne genus a nobis cautionis adhibebitur. De rege Alexandrino, factum est S. C. cum multitudine reduci, periculosum reip. uideri. reliqua cum esset in senatu contentio, Lentulus ne, an Pompeius reduceret; obtinere causam Lentulus uidebatur. in ea re nos & officio erga Lentulum iurifrice, & uoluntati Pompeij præclare satisfecimus. sed per obrectatores Lentuli res calumnia extracta est. consecuti sunt dies comitiales, per quos senatus haberi non poterat. quid futurum sit latrocinio tribunorum, non diuino: sed tamen suspicor per uim rogationem Caninium perlaturum. in ea re Pompeius quid uelit, non dispicio: familiares eius quid cupiant, omnes uident. creditores uero regis aperte pecunias suppeditant contra Lentulum. sine dubio res a Lentulo remota uidetur esse, cum magno meo dolore: quamquam multa fecit, quare si fas esset, iure ei succensere possemus. Tu, si ita expedit, uelim, quamprimum bona, & certa tempestate conscendas, ad meq. uenias. innumerabiles enim res sunt, in quibus te quotidie in omni genere desiderem. Tui, nostriq. ualent. Vale. XIV. kal. Febr.

MARCUS S. D. QVINCTO FRATRI. 3

SCRIPSI ad te antea superiora: nunc cognosce, postea quæ sint acta. A kal. Febr. legationes in idus reijcibantur. eo die res confecta non est. ad

IV. non.



IV. non. Milo affuit. ei Pompeius aduocatus uenit. dixit Marcellus, a merogatus. honeste discessimus. producta dies est in VIII. id. Interim, reiectis legationibus in idus, referebatur de prouincijs quæstorum, & de ornandis prætoribus. sed res, multis querellis de rep. interponendis, nulla transacta est. Cato legem promulgauit de imperio Lentulo abrogando. uestitum filius mutauit. Ad VIII. id. Milo affuit: dixit Pompeius, siue uoluit. nam, ut surrexit, operæ Clodianæ clamorem sustulerunt: idq. ei perpetua oratione contigit, non modo ut acclamatione, sed ut conuicio, & maledictis impediretur. qui ut perorauit, (nam in eo sane fortis fuit; non est deterritus; dixit omnia, atque interdum etiam silentio, cum auctoritate peregerat) sed ut perorauit, surrexit Clodius. ei tantus clamor a nostris, (placuerat enim referre gratiam) ut neque mente, neque lingua, neque ore consisteret. ea res acta est, cum hora sexta uix Pompeius perorasset, usque ad horam octauam; cum omnia maledicta, uersus etiam obscenissimi in Clodium, & Clodiam dicerentur. ille furens, & exsanguis interrogabat suos in clamore ipso, quis esset, qui plebem fame necaret? respondebant operæ, Pompeius: quis Alexandriam ire cuperet? respondebant, Pompeius: quem ire uellent? respondebant, Crassum. is aderat tum, Miloni animo non amico. hora fere nona, quasi signo dato, Clodiani nostros consputare cæperunt. exarsit dolor.

ZZ urgere



## LIB. II. EPIST.

urgere illi, ut loco nos mouerent. factus est a nostris impetus; fuga operarum; eiectus de Rostris Clodius. ac nos quoque tum fugimus, ne quid in turba. senatus uocatus in curiam. Pompeius domum. neque ego tamen in senatum; ne aut de tantis rebus tacerem, aut in Pompeio defendendo (nam is carpebatur a Bibulo, Curione, Fauonio, Seruilio filio) animos bonorum offenderem. res in posterum dilata est. Clodius in Quirinalia produxit diem. ad **II. id.** senatus ad Apollinis fuit, ut Pompeius adesset. acta res est grauius a Pompeio. eo die nihil perfectum est. ad **VI. id.** ad Apollinis S. C. factum est, ea, quæ facta essent ad **VIII. idus**, contra remp. esse facta. eo die Cato est uehementer in Pompeium inuectus, & eum oratione perpetua, tamquam reum, accusauit: de me multa, me inuito, cum mea summa laude dixit, cum illius in me perfidiam increparet. auditus est magno silentio maleuolorum. respondit ei uehementer Pompeius, Crassumq. descripsit; dixitq. aperte, se munitiorem ad custodiendam uitam suam fore, quam Africanus fuisset, quem C. Carbo interemisset, itaque magnæ mihi res iam moueri uidebantur. nam Pompeius hæc intelligit, nobiscumq. communicat, insidias uitæ suæ fieri, Catonem a Crasso sustentari, Clodio pecuniam suppeditari; utrumque & ab eo, & a Curione, Bibulo, ceterisq. suis obrectatoribus confirmari; uehementer esse prouidendum, ne opprimatur, concionario illo populo a se prope alienato



nato, nobilitate inimica, non æquo senatu, iuuentute improba. itaque se comparat: homines ex agris accersit. operas autem suas Clodius confirmat. manus ad Quirinalia paratur. in eo multo sumus superiores ipsius copijs. sed magna manus ex Piceno, & Gallia expectatur; ut etiam Catonis rogationibus de Milone, & Lentulo resistamus. Ad 1 v. id. Sextius ab indice Cn. Nerio Pupinia de ambitu est postulatus, & eodem die a quodam M. Tullio de ui. is erat æger. domum, ut debuimus, ad eum statim uenimus, eiq. nos totos tradidimus: idq. fecimus præter hominum opinionem, qui nos ei iure succensere putabant: ut humanissimi, gratissimiq. & ipsi, & omnibus uideremur: itaq. faciemus. sed idem Nerius index edidit ad allegatos Cn. Lentulum Vatiæ, & C. Cornelium. Eodem die S. C. factum est, ut sodalitates, decuriatq. discederent, lexq. de ijs ferretur, ut, qui non discessissent, ea pœna, quæ est de ui, tenerentur. Ad 111. id. dixi pro Bestia de ambitu, apud prætorem Cn. Domitium, in foro medio, maximo conuentu: incidiq. in eum locum in dicendo, cum Sextius, multis in templo Castoris uulneribus acceptis, subsidio Bestiæ seruatus esset. hic *ἡρώδης* quiddam *Ἰσχυρίης* de ijs, quæ in Sextium apparabantur crimina; & eum ornavi ueris laudibus, magno assensu omnium. res homini fuit uehementer grata. Quæ tibi eo scribo, quod me de retinenda Sextij gratia litteris monuisti. Pridie id. hæc scripsi ante lucem,



## LIB. II. EPIST.

eo die apud Pomponium in eius nuptijs eram cenaturus. cetera sunt in rebus nostris, cuiusmodi tu mihi fere diffidenti prædicabas, plena dignitatis, & gratiæ: quæ quidem tua, mi frater, prudentia, patientia, uirtute, pietate, suauitate etiam, tibi, mihiq. sunt restituta. Domus tibi ad lucum Pisonis Liciniana conducta est. sed, ut spero, paucis mensibus post kal. Quint. in tuam commigrabis. tuam in Carinis mundi habitatores Camiæ conduxerunt. A te post illam Olbiensem epistolam nullas litteras accepi. quid agas, & ut te oblectes, scire cupio, maximeq. te ipsum uidere quamprimum. Cura, mi frater, ut ualeas: et quamquam est hiems, tamen Sardiniam istam esse cogites. xv. kal. Mart.

MARCUS S. D. QVINTO FRATRI. 4

SEXTIVS noster absolutus est ad II. id. Mart. &, quod uehementer interfuit reip. nullam uideri in eiusmodi causa dissensionem esse, omnibus sententijs absolutus est. illud, quod tibi sæpe curæ esse intellexeram, ne cui iniquo relinqueremus uituperandi locum, qui nos ingratos esse diceret, nisi illius peruersitatem quibusdam in rebus quam humanissime ferremus, scito hoc nos in eo iudicio consecutos esse, ut omnium gratissimi iudicaremur. nam in defendendo moroso homine cumulatissime satisfacimus, &, id quod ille maxime cupiebat, Vatinium, a quo palam oppugnabatur, arbitrato nostro concidimus, dijs hominibusq. plaudentibus.

quin



quin etiam Paullus noster, cum testis productus  
esset in Sextium, confirmavit, se nomen Vatini de-  
laturum, si Macer Licinius cunctaretur: & Ma-  
cer a Sextij subsellijs surrexit, ac se illi non defutu-  
rum affirmavit. quid quæris? homo petulans, & au-  
dax, Vatinius ualde perturbatus, debilitatusq. di-  
scessit. Quintus tuus, puer optimus, eruditur e-  
gregie. hoc nunc magis animaduerto, quod Tyran-  
nio docet apud me. Domus utriusque nostrum ædi-  
ficatur strenue. redemptori tuo dimidium pecuniæ  
curavi. spero nos ante hiemem contubernales fore.  
De nostra Tullia, tui mehercule amantissima, spero  
cum Crassipede nos confecisse. dies erant duo, qui  
post Latinas habentur religiosi. ceteroqui conse-  
ctum erat. Latiar erat exiturus. \*

MARCVS S. D. QVINCTO FRATRI. 5

DEDERAM ad te litteras antea, quibus erat  
scriptum, Tulliam nostram Crassipedi pridie non.  
Apr. esse desponsatam: ceteraq. de re publica, &  
priuata perscripseram. postea sunt hæc acta. Nonis  
Apr. S. C. Pompeio pecunia decreta in rem fru-  
mentariam ad HS M C C C C. sed eodem die ue-  
hementer actum de agro Campano, clamore sena-  
tus prope concionali. acriorem causam inopia pe-  
cuniæ faciebat, & annonæ caritas. Non prætermit-  
tam ne illud quidem. M. Furium Flaccum, equi-  
tem Romanum, hominem nequam, Capitolini, &  
Mercuriales de collegio leiecerunt, præsentem, ad

ZZ 3 pedes



## LIB. II. EPIST.

pedes uniuscuiusque iacentem. Ad VIII. id.  
 Aprilis sponsalia Crassipedi praeui. huic conuiuio  
 puer optimus Quintus tuus, meusque quod perleui-  
 ter commotus fuerat, defuit. Ad VI. id. Apr. ueni  
 ad Quintum, eumque uidi plane integrum: multum-  
 que is mecum sermonem habuit, & perhumanum  
 de discordijs mulierum nostrarum. quid quaeris?  
 nihil festiuus. Pomponia autem etiam de te que-  
 sta est. sed haec coram agemus. A puero ut discessi,  
 in aream tuam ueni. res agebatur multis structori-  
 bus. Longilium redemptorem cohortatus sum. fi-  
 dem mihi faciebat, se uelle nobis placere. domus e-  
 rit egregia. magis enim cerni iam poterat, quam  
 quantum ex forma iudicabamus. itemque nostra ce-  
 leritate & aedificabatur. eo die cenauimus apud Crassipe-  
 dem. cenantibus, in hortos ad Pompeium lectica latus  
 sum. Luc. ceium conuenire non potueram, quod ab-  
 fuerat. uide. & e autem uolebam, quod eram postridie  
 Roma exiturus, et quod ille in Sardiniam iter habe-  
 bat. hominem conueni; & ab eo petiui, ut quampri-  
 mum te nobis redderet. statim, dixit. erat autem  
 iturus, ut aiebat, ad III. id. Apr. ut aut Labrone,  
 aut Pisis conscenderet. tu, mi frater, simul ac ille  
 uenerit, primam navigationem, dummodo idonea  
 tempestas sit, ne omiseris. & quia autem illam,  
 quam tu soles dicere, bono modo desidero, sic pror-  
 sus, ut aduenientem excipiam libenter, latentem e-  
 tiam nunc non excitem. Tribus locis aedifico: reli-  
 qua reconcinno: uiuo paullo liberalius, quam sole-  
 bam.



bam. opus erat si te haberem, paulisper fabris locum dare. sed & hæc, ut spero, breui inter nos communicabimus. Res autem Romanæ sic se habent. Consul est egregius Lentulus, non impediēte collega, sic inquam bonus, ut meliorem non uiderim. dies comitiales exemit omnes. nam etiā Latinæ instaurantur: nec tamen deerant supplicationes. sic legibus perniciosissimis obsistitur, maxime Catonis. cui tamen egregie imposuit Milo noster. nam ille uindex gladiatorum, & bestiariorum emerat de Cosconio, & Pomponio bestiarios; nec sine his armatis unquam in publico fuerat: hos alere non poterat, itaque uix tenebat. sensit Milo: dedit cuidam non familiari negotium, qui sine suspitione emeret eam familiam a Catone. quæ simul atque abducta est; Racilius, qui unus est hoc tempore tribunus pl. rem patefecit, eosq. homines sibi emptos esse dixit, (sic enim placuerat) & tabulam proscripsit, se familiam Catonianam uenditurum. in eam tabulam magni risus consequebantur. hunc igitur Catonem Lētulus a legibus remouit, & eos, qui de Casare monstra promulgarunt, quibus intercederet nemo. Nam quod de Pompeio Caninius agit, sanequam refrixit. neque enim res probatur; & Pompeius noster in amicitia P. Lentuli uitupatur. & hercule non est idem. nam apud illam perditissimam, atque infimam fecem populi propter Milonem suboffendit: & boni multa ab eo desiderant, multa repræhendunt. Marcellinus autem m



## LIB. II. EPIST.

hoc uno mihi quidem non satisfacit, quod eum nimis aspere tractat. quamquam id senatu non inuito facit. quo ego me libentius a curia, & ab omni parte reip. subtraho. In iudicijs ij sumus, qui fuimus, domus celebratur, ita, ut cum maxime. unum accidit imprudentia Milonis incommode, de Sex. Caelio: quem neque hoc tempore, neque ab imbecillis accusatoribus mihi placuit accusari. ei tres sententiae tæterrime in consilio defuerunt. itaque hominem populus reuocat: & retrahatur, necesse est. non enim ferunt homines; & quia, cum apud suos diceret, pæne damnatus est, uident damnatum. ea ipsa in re Pompeij offensio nobis obstitit. senatorum enim urna cupiose absoluit, equitum adæquauit, tribuni aerarij condemnarunt. ed hoc incommo- dum consolantur quotidianæ damnationes inimicorum; in quibus me perlubente Seruius allisus est, ceteri conciduntur. Cato concionatus est, comitia haberi non siturum, si sibi cum populo dies agendi essent exempti. & Appius a Cesare non dum redierat. Tuas mirifice litteras exspecto. atque adhuc clausum mare scio fuisse: sed quosdam uenisse tamen Olbia dicebant, qui te unice laudarent, plurimiq. in prouincia fieri dicerent. ijdem aiebant, nunciare, te prima nauigatione transmissurum. id cupio: & quamquam te ipsum scilicet maxime, tamen etiam litteras tuas exspecto. Mi frater. Vale.

MARCUS



MARCUS S. D. QVINCTO FRATRI. 6

AD II. id. Apr. ante lucem hanc epistolam dictaueram, scripseramq. in itinere, ut eo die apud T. Titium in Anagnino manerem. postridie autem in Laterio cogitabam; inde, cum in Arpinati quinque dies fuisset, ire in Pompeianum, rediens aspicere Cumanum; ut, quoniam in nonas Mai. Miloni dies prodita est, prid. non. Romæ essem, teq. mi carissime, & suauissime frater ad eam diem, ut sperabam, uiderem. Aedificationem Arcani ad tuum aduentum sustentari placebat. Fac mi frater ut ualeas, quamprimumq. uenias. Vale.

MARCUS S. D. QVINCTO FRATRI. 7

OLITTERAS mihi tuas iucundissimas, expectatas, ac primo quidem cum desiderio, nunc uero etiam cum timore. atque has scito litteras me solas accepisse post illas, quas tuus nauta attulit, Olbia datas. sed cetera, ut scribis, presenti sermoni referuntur. hoc tamen non queo differre. Idibus Mai. senatus frequens diuinus fuit in supplicatione Gabinio deneganda. adiurat Porcilius hoc nemini accidisse. foris ualde plauditur. mihi cum sua sponte iucundum, tum iucundius, quod me absente, (est enim εὐκρινὲς iudicium) sine oppugnatione, sine gratia nostra. eram Antij. Quod, idibus, & postridie, fuerat dictum, de agro Campano actum iri, non est actum. in hac causa mihi aqua hæret. sed



sed plura, quam constitueram. coram enim. Vale  
mi optime, ac optatissime frater, & aduola. idem  
te nostri rogant pueri. illud scilicet: cenabis, cum  
ueneris. Vale.

MARCUS S. D. QVINCTO FRATRI. 8

\* PLACITVRVM tibi esse librum meum  
susplicabar: tam ualde placuisse, quam scribis, ual-  
de gaudeo. Quod me admones de non curantia;  
suadesque, ut meminerim Iouis orationem, quæ  
est in extremo illo libro: ego uero memini, & illa  
omnia mihi magis scripsi, quam ceteris. sed tamen  
postridie, quam tu es profectus, multa nocte cum  
Vibullio ueni ad Pompeium: cumq. ego egissem de  
istis operibus, atque inscriptionibus; perbenigne  
mihi respondit; magnam spem attulit; cum Crasso  
se dixit loqui uelle; mihiq. ut idem facerem,  
suasit. Crassum consulem ex senatu domum redu-  
xi. suscepit rem; dixitq. esse, quod Clodius hoc  
tempore cuperet per se, & per Pompeium consequi:  
putare se, si ego eum non impedirem, posse me adi-  
pisci sine contentione, quod uellem. totum ei ne-  
gotium permisi, meq. in eius potestate dixi fore. in-  
terfuit huic sermoni P. Crassus, adolescens nostri,  
ut scis, studiosissimus. illud autem, quod cupit Clo-  
dius, est legatio aliqua, si minus per senatum, per  
populum, libera, aut Byzantium, aut Brogitarum,  
aut utrumque. plena res nummorum. quod ego non  
nimium laboro, etiam si minus assequor quod uolo.

Pom-



Pompeius tamen cum Crasso locutus est. uidentur negotium suscepisse. si perficiunt, optime: sin minus, ad nostrum Iouem reuertamur. Ad III. id. Mai. S. C. factum est de ambitu in Afranij sententiam; quam ego dixeram, cum tu adesses. sed, magno cum gemitu senatus, consules non sunt persecuti eorum sententias, qui Afranio cum essent assensu, addiderunt, ut praetores ita crearentur, ut dies LX. priuati essent. eo die Catonem plane repudiaverunt. quid multa? tenent omnia, idq. ita omnes intelligere uolunt. Vale.

MARCUS S. D. QVINCTO FRATRI. 9

TV METVIS, ne me interpelles? primum, si in isto essem, tu scis quid sit interpellare. ante Ateius? mehercule mihi docere uidebaris istius generis humanitatem: qua quidem nihil utor abs te. tu uero ut me & appelles, & interpelles, & obloquere, & colloquere, uelim: quid enim mihi suauius? non mehercule quisquam μουσοπάτακτος libentius sua recentia poemata legit, quam ego te audio quacumque de re, publica, priuata, rustica, urbana. sed mea factum est inuisa uerecundia, ut te proficiscens non tollerem. opposuisti semel ἀντίστον causam, Ciceronis nostri uoletudinem: conticui. iterum Cicerones: qui eni. nunc mihi iucunditatis plena epistola hoc aspersit molestiae, quod uideris, ne mihi molestus esses, ueritus esse, atque etiam nunc uereri. litigare tecum, si fas esset.

sed



sed mehercule istuc si umquam suspicatus ero, nihil dicam aliud, nisi uerebor, ne quando ego tibi, cum sum una, molestus sim. uideo te ingemuisse. sic fit. εἰ δ' ἄν, αὐτὰ ἐζήσας: numquam enim dicam, ἐὰ πᾶσας. Marium autem nostrum in lecticam mehercule coniecissem, non illam regis Ptolemæi Anicianam. memini enim, cum hominem portarem ad Baias Neapoli octophoro Aniciano, machærophoris centum sequentibus, miros risus nos edere, cum ille, ignarus sui comitatus, repente aperuit lecticam, & pæne ille timore, ego risu corruui. tunc, ut dico, certe sustulissem, ut aliquando subtilitatem ueteris urbanitatis, et humanissimi sermonis attingerem. sed hominem infirmum in uillam apertam, ac ne rudem quidem etiam nunc, inuitare nolui. hoc uero mihi peculiare fuerit, hic etiam isto frui. nam illorum prædiorum scito mihi uicinum Marium lumen esse. Apud Anicium, uidebimus, ut paratum sit. nos enim ita philologi sumus, ut uel cum fabris habitare possimus. habemus hanc philosophiam, non ab Hymetto, sed ab area Syra. Marius & ualetudine est, & natura imbecillior. De interpellatione, tantum sumam a uobis temporis ad scribendum, quantum dabitis. utinam nihil detis; ut potius uestra iniuria, quam ignauia mea cessem. De rep. nimium te laborare doleo, & meliorem ciuem esse, quam Philocteten; qui, accepta iniuria, illa spectacula quærebat, quæ tibi acerba esse uideo. ama-bo te, aduola. consolabor te, & omnem abstergebo



bo dolorem. & adhuc, si me amas, Marium: sed appropriate. hortus domi est. Vale.

MARCUS S. D. QVINCTO FRATRI. IO

EPISTOLAM hanc conuicio efflagitarunt codicilli tui. nam res quidem ipsa, & is dies, quo tu es profectus, nihil mihi ad scribendum argumenti sane dabat. sed quemadmodum, coram cum sumus, sermo nobis deesse non solet: sic epistolæ nostræ debent interdum alucinari. Tenediorum igitur libertas securi Tenedia præcisa est; cum eos, præter me, & Bibulum, & Calidium, & Fauonium, nemo defenderet. De te magis ab Sipylo mentio est honorifica facta; cum te unum dicerent postulationi L. Sextij Pansa restitisse. reliquis diebus, si quid erit quod te scire opus sit, aut etiam si nihil erit, tamen scribam quotidie aliquid. Prid. id. neque tibi, neque Pomponio deero. Lucretij poemata, ut scribis, ita sunt, multis luminibus ingenij, multæ tamen artis. sed, cum ueneris, uirum te putabo: si Sallustij Empedoclea legeris, hominem non putabo. Vale.

MARCUS S. D. QVINCTO FRATRI. II

GAVDEO tibi iucundas esse meas litteras. nec tamen habuissem scribendi nunc quidem ullum argumentum, nisi tuas accepissem. nam prid. id. cum Appius senatum infrequentem coegisset, tantum fuit frigus, ut populi conuicio coactus sit nos dimittere.



## LIB. II. EPIST.

dimittere. De Commageno rege, quod rem discusse-  
 ram, mirifice mihi & per se, & per Pomponiū blan-  
 ditur Appius. uidet enim, hoc genere dicendi si-  
 utar in ceteris, Februarium sterile futurum. eumq.  
 lusi iocose satis: neque solum illud extorsi oppidu-  
 lum, quod erat positum in Euphrate, & Zeugma-  
 te; sed præterea togam sum eius prætextam, quam  
 erat adeptus Cæsare consule, magno hominum risu  
 cauillatus. Quod nolit, inquam, renouare honores  
 eosdem, quo minus togam prætextam quotannis  
 interpellet. discernendum nihil censeo. uos autem  
 homines nobiles, qui Busrenum prætextatum non  
 ferebatis, Commagenum feretis? Genus uides, &  
 locum iocandi. multa dixi in ignobilem regem;  
 quibus totus est explosus. quo genere commotus, ut  
 dixi, Appius, totum me amplexatur. nihil est  
 enim facilius, quam reliqua discutere. sed non fa-  
 ciam, ut illum offendam; ne imploret fidem Iouis  
 hospitalis, Graios omnes conuocet, per quos mecū  
 in gratiam redijt. Theopompo satisfaciemus. De  
 Cæsare, fugerat me ad te scribere. uideo enim, quas  
 tu litteras expectaris. sed ille scripsit ad Balbum,  
 fasciculum illum epistolarum, in quo fuerat & mea,  
 & Balbi, totum sibi aqua madidum redditum esse;  
 ut ne illud quidem sciat, meam fuisse aliquam epi-  
 stolam. sed ex Balbi epistola pauca uerba intellexe-  
 rat, ad quæ rescripsit his uerbis: De Cicerone ui-  
 deo te quiddam scripsisse, quod ego non intellexi:  
 quantum autem coniectura consequebar, id erat  
 huius-



huiusmodi, ut magis optandum, quam sperandum putarem. Itaque postea misi eodem illo exemplo litteras. locum autem illius de sua egestate ne sis aspernatus. ad quem ego rescripsi, nihil esse, quod posthac arcæ nostræ fiducia conturbaret: lusiq. in eo genere & familiariter, & cum dignitate. amor autem eius erga nos perfertur omnium nuncijs singularis. Et litteræ quidem ad id, quod exspectas, ferre cum tuo reditu iungentur. reliqua singulorum dierum scribemus ad te si modo tabellarios tu præbebis. quamquam eiusmodi frigus impendebat, ut summum periculum esset, ne Appio suæ ædes uerentur. Vale.

MARCUS S. D. QVINCTO FRATRI. 12

R I S I niuem atram: teq. hilari animo esse, & prompto ad iocandum, ualde me iuuat. De Pompeio, assentior tibi, uel tu potius mihi. nam, ut scis, iam pridem istum canto Cæsarem. mihi crede, in sinu est; neque ego discingor. Cognosce nunc idus. Decimus erat Cælio dies. Domitius ad numerum iudices nō habuit. uereor, ne, homo tæter, & ferus, Polla Seruius ad accusationem ueniat. nam noster Cælius ualde oppugnatur a gente Clodia. certi nihil est adhuc; sed ueremur. Eodem igitur die Tyrijs est senatus datus frequens. frequentes contra Syriaci publicani. uehementer uexatus Gabinius: exagitati tamen a Domitio publicani, quod eum essent cum equis persecuti. noster Lamia paullo ferocius, cum  
Domitius



## LIB. II. EPIST.

Domitius dixisset, *Vestra culpa hæc acciderunt, equites Romani; dissolute enim iudicatis; Nos iudicamus, uos laudatis, inquit. actum est eo die nihil: nox diremit. Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum; & quod Gabinia sanctum sit, etiã cogi, ex kal. Febr. usque ad kal. Mart. legatis senatum quotidie dari. ita putantur detrudi comitia in mensem Martium. sed tamen his comitialibus tribuni pl. de Gabinio se acturos esse dicunt. Omnia colligo, ut noui scribam aliquid ad te: sed, ut uides, res me ipsa deficit. itaque ad Callisthenem, & Philistum redeo: in quibus te uideo uolutatum. Callisthenis quidem uulgare, & notum negotium, quemadmodum Græci aliquot locuti sunt. Siculus ille capitalis, creber, acutus, brevis, pæne pusillus Thucydides. sed, utros eius habueris libros, (duo enim sunt corpora) an utrosque, nescio. me magis de Dionysio delectat. ipse est enim ueterator magnus, & persamiliaris Philisto. Sed quod adscribis, aggrediaris ne ad historiã: me auctore potes. Et quoniam tabellarios sumministras, hodierni diei res gestas Lupercalibus habebis. Oblecta te cum Cicerone nostro quambellissime.*

MARCUS S. D. QVINCTO FRATRI. 13

*DVAS adhuc a te accepi epistolas, quarum alteram in ipso discessu nostro, alteram Arimino datam. plures, quas scribis te dedisse, non acceperam.*

Ego



Ego me in Cumano, & Pompeiano, præter quam  
quod sine te, ceterum satis commode oblectabam:  
& eram in eisdem locis usque ad kal. Iun. futurus.  
scribebam illa, quæ dixeram, πολιτικά, spissum sane  
opus, & operosum: sed, si ex sententia successerit,  
bene erit opera posita: sin minus, in illud ipsum ma-  
re deiciemus, quod scribentes spectabamus: aggre-  
diemur alia; quoniam quiescere non possumus. Tua  
mandata persequar diligenter, & adiungendis ho-  
minibus, et quibusdam non alienandis. maxime ue-  
ro mihi curæ erit, ut Ciceronem tuum, nostrumq.  
uideam scilicet quotidie, sed inspiciam, quid discat,  
quam sepiissime: & nisi ille contemnat, etiam ma-  
gistrum me ei profitebor. cuius rei non nullam con-  
suetudinem nactus sum in hoc horum dierum otio,  
Cicerone nostro minore perdocendo. Tu, quemad-  
modum scribis, quod, etiam si non scriberes, face-  
re te diligentissime tamen sciebam, facies scilicet,  
ut mea mandata digeras, persequare, conficias.  
Ego, cum Romam uenero, nullum prætermittam  
Cæsaris tabellarium, cui litteras ad te non dem. his  
diebus, (ignosces) cui darem, fuit nemo ante hunc  
M. Orfium, equitem Romanum, nostrum, & per-  
necessarium, & quod est ex municipio Atellano,  
quod scis esse in fide nostra. itaque eum tibi commen-  
do in maiorem modum, hominem domi splendidum,  
gratiosum etiam extra domum: quem, fac, ut tua  
liberalitate tibi obliges. est tribunus mil. in exer-  
citu uestro. gratum hominem, obseruantemq. co-

A a gno-



## LIB. II. EPIST.

gnosces. Trebatium ut ualde ames, uehementer te rogo. Vale.

MARCUS S. D. QVINCTO FRATRI. 14

AD IV. non. Iun. quo die Romam ueni, accepi tuas litteras, datas Placentiæ, deinde alteras,   
 \* postridie datas Blandenoniæ, cum Cæsaris litteris, refertis omni officio, diligentia, suauitate. Sunt ista quidem magna, uel potius maxima: habent enim uim magnam ad gloriam, & ad summam dignitatem: sed mihi crede, quem nosli, quod in istis rebus ego plurimi aestimo, id iam habeo, te scilicet primū tam inseruientem communi dignitati, deinde Cæsaris tantum in me amorem: quem omnibus ijs honoribus, quos me a se expectare uult, antepono. littera uero eius, una datæ cū tuis, quarum initium est, quam suauis ei tuus aduentus fuerit, & recordatio ueteris amoris; deinde se effecturum, ut ego in medio dolore, ac desiderio tui, te, cum a me abesses, potissimum secum esse letarer; incredibiliter delectarunt. quare facis tu quidem fraterne, quod me hortaris, sed mehercule currentem nunc quidem, ut omnia mea studia in istum unum conferam. ego uero ardētī quidem studio, ac fortasse efficiam, quod saepe uiatoribus, cum properant, euenit, ut, si serius, quam uoluerunt, forte surrexerint, properando etiam citius, quam si de multa nocte uigilassent, perueniant, quo uelint. sic ego, quoniam in isto homine colendo tam indormiui diu, te mehercule

le



le sæpe excitante, cursu corrigam tarditatem, tum  
 equis, tum uero, quoniam scribis poema ab eo no-  
 strum probari, quadrigis poeticis. modo mihi date  
 Britanniam, quam pingam coloribus tuis, penicil-  
 lo meo. sed quid ago? quod mihi tempus, Romæ  
 præsertim, ut iste me rogat, manenti, uacuum o-  
 stenditur? sed uidero: fortasse enim, ut sit, uincet  
 tuus amor omnes difficultates. Trebatium quod ad  
 se miserim, persalse, et humaniter etiam gratias mi-  
 hi agit: negat enim, in tanta multitudine eorū, qui  
 una esset, quemquam fuisse, qui uadimonium conci-  
 pere posset. M. Curtio tribunatum ab eo petui;  
 (nam Domitius se derideri putasset, si esset a me  
 rogatus. hoc enim est eius quotidianum, se ne tribu-  
 num mil. quidem facere. etiam in senatu lusit, Ap-  
 pium collegam, propterea isse ad Cæsarem, ut ali-  
 quem tribunatum auferret) sed in alterum annum.  
 id & Curtius ita uolebat. Tu, quemadmodum me  
 censes oportere esse in rep. & in nostris inimicijs,  
 ita & esse, & fore auricula infima scito molliorem.  
 Res Romanæ sic se habebant. erat non nulla spes co-  
 mitiorum, sed incerta. erat aliqua suspicio dicta-  
 turæ, ne ea quidem certa: summum otium foren-  
 se, sed senescentis magis ciuitatis, quam acquie-  
 scentis: sententia autem nostra in senatu eiusmodi,  
 magis ut alij nobis assentiantur, quam nosmetipsi.  
 τοιαῦτ' ὁ τλήμων πόλεμος ἐξεργάζεται.

Calamo & atramento temperato, charta etiam  
 dentata res agetur. scribis enim, te meas litteras

Aa 2 su-



superiores uix legere potuisse. in quo nihil eorum,  
 mi frater, fuit, quæ putas. neque enim occupatus  
 eram, neque perturbatus, neque iratus alicui. sed  
 hoc facio semper, ut, quicumque calamus in manus  
 meas uenerit, eo sic utar, tamquam bono. Verum  
 attende nunc, mi optime, & suauissime frater, ad  
 ea dum rescribo, quæ tu in hac eadem breui episto-  
 la ~~παρρησια~~ ualde scripsisti: de quo petis, ut ad  
 te nihil occultans, nihil dissimulans, nihil tibi in-  
 \*dulgens, genuine, fraterneque, rescribam, id est u-  
 trum uoles, ut dixerimus, ad expediendum te; si  
 causa sit, commorere. Si, mi Quinte, parua aliqua  
 res esset, in qua sciscitare, quid uellem: tamen,  
 cum tibi permissurus essem, ut faceres, quod uel-  
 les, ego, ipse quid uellem, ostenderem. in hac ue-  
 ro re hoc profecto quæris, cuiusmodi illum annum,  
 qui sequitur, expectem. plane aut tranquillum no-  
 bis, aut certe munitissimum: quod quotidie domus,  
 \*quod forum, quod theatri significationes declarant:  
 neque laborant, quod mea conscientia copiarum no-  
 strarum, quod Caesaris, quod Pompeij gratiam te-  
 nemus. hæc me, ut confidam, faciunt. sin aliquis  
 erumpet amentis hominis furor; omnia sunt ad  
 eum frangendum expedita. hæc ita sentio, iudico,  
 ad te explorate scribo: dubitare te, non assentato-  
 rie, sed fraterne ueto. quare suauitatis equidem no-  
 stræ fruendæ causa cuperem te ad id tempus ueni-  
 re, quod dixeras: sed illud malo tamen, quod pu-  
 tas, magis etiam illa, (etenim magni æstimo me)

ἀπο-



ἀμφοτέρων illam tuam, & expectationem debito-  
rum tuorum. Illud quidem sic habeto, nihil nobis ex-  
peditis, si ualebimus, fore fortunatius. parua sunt,  
quæ defunt, (quo, nostris quidem moribus) & ea  
sunt ad explicandum expeditissima. modo ualea-  
mus. Ambitus rediv immanis: numquam fuit par.  
Idibus Quint. senus fuit Z Z ex Z, coitione Mem-  
mij est quo cum Domitio hanc Scaurus unum uince-  
re. Messalla flaccet. non dico ὑπερβολῶς. uel HS  
centies constituunt in prærogatiua pronunciare.  
res ardet inuidia. Tribunicij candidati compromi-  
serunt, HS quingenis in singulos apud M. Catonem  
depositis, petere eius arbitratu, ut, qui contra fecis-  
set, ab eo condemnaretur. quæ quidem comitia gra-  
tuita si fuerint, ut putatur; plus unus Cato fuerit,  
quam omnes leges, omnesq. iudices.

CICERO S. D. QVINCTO FRATRI. 15

CUM a me litteras librarij manu acceperis,  
ne paululum otij me habuisse iudicato; cum autem  
mea, nullum. sic enim habeto, numquam me a caus-  
sis, & iudicijs districtiorem fuisse, atque id anni  
tempore grauissimo, et caloribus maximis. sed hæc,  
quoniam tu ita præscribis, ferenda sunt: neque  
committendum, ut aut spei, aut cogitationi uestræ  
ego uidear defuisse; præsertim cum, tametsi id dif-  
ficilius fuerit, tamen ex hoc labore magnam gra-  
tiam, magnamq. dignitatem sim collecturus. ita-  
que, ut tibi placet, damus operam, ne cuius ani-

Ma 3 muno



## LIB. II. EPIST.

mum offendamus, atque ut etiam ab ijs ipsis, qui  
 nos cum Cesare tam coniunctos dolent, diligamur,  
 ab æquis uero, aut etiam a propensis in hanc par-  
 tem uehementer excolamur, & amemur. De am-  
 bitu cum atrocissime ageretur in senatu multos  
 dies, quod ita erant progressi candidati consula-  
 res, ut non esset ferendum; in senatu non fui. Sta-  
 tui ad nullam medicinam reip. sine magno præsi-  
 dio accedere. Quo die hæc scripsi, Drusus erat  
 de præuaricatione a tribunis ærarijs absolutus, in  
 summa quattuor sententijs, cum senatores, & e-  
 quites damnassent. Ego eodem die post meridiem  
 Vatinius aderam defensurus. ea res facilis est.  
 comitia in mensem Septembrem reiecta sunt. Scau-  
 ri iudicium statim exercebitur: cui nos non deer-  
 mus. *συνδείπνους σοφοκλέους*, quamquam a te actam  
 fabellam uideo esse festiue, nullo modo probavi. Ve-  
 nio nunc ad id, quod nescio an primum esse debuerit.  
 O iucundas mihi tuas de Britannia litteras. time-  
 bam Oceanum: timebam litus insulæ. reliqua non  
 equidem contemno, sed plus habent tamen spei,  
 quam timoris; magisq. sum sollicitus expectatione  
 ea, quam metu. te uero *ὑπόδεσιν* scribendi egre-  
 giam habere uideo. quos tu situs, quas naturas re-  
 rum, & locorum, quos mores, quas gentes, quas  
 pugnas, quem uero ipsum imperatorem habes? ego  
 te libenter, ut rogas, quibus rebus uis, adiunabo,  
 & tibi uersus, quos rogas, *γλαῦκα εἰς Ἀδρίας*, mit-  
 tam. Sed heus tu, cælari uideor a te. quo modo  
 nam,



nam, mi frater, de nostris uersibus Cæsar? pri-  
 mum librum se legisse, scripsit ad me ante, & pri-  
 ma sic, ut neget, se ne græca quidem meliora le-  
 gisse: reliqua ad quendam locum παρὰ τοῦ πρώτου: hoc  
 enim utitur uerbo. dic mihi uerum, num aut res,  
 aut χαρακτήρ non delectat? nihil est, quod uerea-  
 re: ego enim ne pilo quidem minus me amabo.  
 hac de re φιλαλήδως, & ut soles, scribe fraterne.  
 Vale.



M. TVLLII CICERONIS  
EPISTOLARVM AD  
Q. FRATREM  
LIBER III.

MARCVS S. D. QVINCTO FRATRI.

E G O ex magnis caloribus (non enim meminimus maiores) in Arpinati summa cum amœnitatis fluminis me refeci ludorum diebus, Philotimo tribulibus commendatis. In Arcano ad IV. id. Sept. fui. ibi Messidium cum Philoxeno, aquamq., quam ij ducebant non longe a uilla, belle sane fluentem uidi, præsertim maxima siccitate: uberioremq. aliquanto sese collecturos esse dicebant. Apud Herum recte erat. In Manliano offendi Diphilum Diphilo tardiorum. sed tamen nihil ei restabat præter balnearia, & ambulationem, & auiarium. uilla mihi ualde placuit: propterea quod summam dignitatem pauimentata porticus habebat: quod mihi denique apparuit, postea quam & ipsa tota patet, & columnæ politæ sunt. totum in eo est, quod mihi erit curæ, tectorium ut continuum sit. pauimenta recte fieri uidebantur. cameras quasdam non probavi, mutariq. iussi. Quo loco in porticu, te scribere aiunt, ut atriolum fiat; mihi, ut est, magis placebat. neque enim satis loci esse uidebatur atrio; neque sere solet, nisi in ijs ædificijs fieri, in quibus est atrium maius;



ius ; nec habere poterat adiuncta cubicula, & eius-  
modi membra . nunc hoc uel honestate testudinis , \*  
uel ualde boni aestium locum obtinebit . tu tamen ,  
si aliter sentis , rescribe quamprimum . In balnearijs  
assa in alterum apodyterij angulum promoueri : pro-  
pterea quod ita erant posita , ut eorum uaporarium ,  
ex quo ignis erumpit , esset sub tectum cubiculi . sub-  
grande cubiculum autem , & hibernum altum ual-  
de probaui ; quod ampla erant , & loco posita , am-  
bulationis uno latere , eo quod est proximum bal-  
nearijs . Columnas neque rectas , neque e regione  
Diphilus collocarat . eas scilicet demolietur ; aliquan-  
do perpendiculo , & linea discet uti . omnino spero  
paucis mensibus opus Diphili perfectum fore : curat  
enim diligentissime Casius , qui tum mecum fuit .  
Ex eo loco recta , Vitularia uia , profecti sumus in  
Fusidianum fundum , quem tibi proximis nuncijs Ar-  
pini de Fusidio HS CCCIOOOO emeramus .  
ego locum aestate umbrosiorem uidi numquam , per-  
multis locis aquam profluentem , & eam uberem .  
quid quaeris ? iugera L prati Casius irrigaturum fa-  
cile te arbitrabatur . equidem hoc , quod melius in-  
telligo , affirmo , mirifica suauitate te uillam habi-  
tutum , piscina , & salientibus additis , palæstra ,  
& silua uiridicata . Fundum audio te hunc Bouillia-  
num uelle retinere . de eo quid uideatur , ipse consti-  
tues . Casius aiebat , aqua dempta , & eius aquæ  
iure constituto , & seruitute fundo illi imposita , ta-  
men nos pretium seruare posse , si uendere uellemus .  
scripsisse



Messidium mecum habui . is se ternis nummis in pe-  
 dem tecum transgisse dicebat : sese autem mensum  
 pedibus aiebat passuum cccc . mihi plus ui-  
 sum est . sed præstabo , sumptum nusquam melius  
 posse poni . Chilonem arcesseram Venafro . sed eo  
 ipso die quattuor eius conseruos , & discipulos Ve-  
 nafri cuniculus oppresserat . Idibus Sept. in Laterie  
 fui : uiam perspexi : quæ mihi ita placuit , ut opus  
 publicum uideretur esse , præter CL passus . sum e-  
 nim ipse mensus ab eo ponticulo , qui est ad Furinæ  
 Satricum uersus . eo loco puluis , non glarea inie-  
 cta est . et mutabitur : & ea uia pars ualde accliuis  
 est . sed intellexi aliter duci non potuisse , præsertim  
 cum tu neque per Locustæ , neque Varronis uelles  
 ducere . Veluinus ante suum fundum prope munie-  
 rat : Locusta non attigerat : quem ego Romæ ag-  
 grediar , & , ut arbitror , commouebo : & simul  
 M. Taurum , quem tibi audio promississe , qui nunc  
 Romæ erat , de aqua per fundum eius ducenda ro-  
 gabo . Nicephorum uillicum tuum sane probaui :  
 quæsiuiq. ex eo , ecquid et de illa ædificatiuncula La-  
 terij , de qua mecum locutus es , mandauisses . tum  
 is mihi respondit , se ipsum eius operis HS x oo  
 conductorem fuisse ; sed te postea multa addidisse  
 ad opus , nihil ad pretium , itaque id se omisisse . mi-  
 hi hercule ualde placet , te illa , ut constituebas ,  
 addere . quamquam ea uilla , quæ nunc est , tam-  
 quam philosophia uidetur esse , quæ obiurget cete-  
 rarum uillarum insaniam . uerumtamen illud addi-  
 tum



tum delectabit . topiarium laudavi ; ita omnia con-  
uestit edera , qua basim uillæ , qua intercolumnia am-  
bulationis ; ut denique illi palliati topiariam facere  
uideantur , & hederam uendere . iam ἀποδύτην τίς  
nihil alsius , nihil muscosius . Habes fere de rebus ru-  
sticis . Urbanam expolitionem urget ille quidem &  
Philotimus , & Cincius , sed etiam ipse crebro in-  
teruiso ; quod est facile factu . quamobrem ea te cu-  
ra liberatum uolo . De Cicerone , quod me sem-  
per rogas , ignosco equidem tibi ; sed tu quoque  
mihi uelim ignoscas . non enim concedo tibi , plus  
ut illum ames , quam ipse amo . atque utinam his  
diebus in Arpinati , quod & ipse cupierat , &  
ego non minus , mecum fuisset . quod ad Pompo-  
niam , si tibi uidetur , scribas uelim ; cum aliquo exi-  
binus , eat nobiscum , puerumq. ducat . clamores  
efficiam , si eum mecum habuero otiosum : nam Ro-  
mæ respirandi non est locus . id me scis antea gratis  
tibi esse pollicitum : quid nunc putas , tanta abs te  
mihi mercede proposita ? Venio nunc ad tuas lit-  
teras : quas pluribus epistolis accepi , dum sum in  
Arpinati : nam mihi uno die tres sunt redditæ , &  
quidem , ut uidebantur , eodem abs te dato tempo-  
re : una pluribus uerbis , in qua primum erat , quod  
antiquior dies in tuis fuisset adscripta litteris , quam  
in Cæsaris . id facit Oppius non numquam necessario ,  
ut , cum tabellarios constituerit mittere , litterasq.  
a nobis acceperit , aliqua re noua impediatur , & ne-  
cessario serius , quam constituerat , mittat , neque  
nos ,



LIB. III. EPIST.

nos, datis iam epistolis, diem commutari curemus. scribis de Caesaris summo in nos amore. hunc & tu fovebis, & nos, quibuscumque poterimus rebus, augebimus. De Pompeio, & facio diligenter, & faciam, quod mones. Quod tibi mea permissio mansionis tuæ grata est; id ego, summo meo dolore, & desiderio, tamen ex parte gaudeo. In hippodamis, et non nullis alijs arcessendis quid cogites, non intellico. nemo istorum est, quin abs te munus, fundi suburbanum instar expectet. Trebatium uero meum quod isto admisceas, nihil est. ego illum ad Caesarem misi; qui mihi iam satisfecit: si ipsi minus, præstare nihil debeo; teq. item ab eo uindico, & libero. Quod scribis te a Cesare quotidie plus diligi, immortaliter gaudeo. Balbum uero, qui est istius rei, quemadmodum scribis, adiutor, in oculis fero. Trebonium meum a te amari, teq. ab illo, pergaudeo. De tribunatu quod scribis, ego uero nominatim petiui Curtio, & mihi ipse Caesar nominatim Curtio paratum esse rescripsit, meamq. in rogando uerecundiam obiurgauit. si cui præterea petiero, id quod, etiam Oppio dixi, ut ad illum scriberet; facile patiar mihi negari: quoniam illi, qui molesti sunt, sibi negari a me non facile patiuntur. ego Curtium, id quod ipsi dixi, non modo rogatione, sed etiam testimonio tuo diligo, quod litteris tuis studium illius in salutem nostram facile perspexi. De Britannicis rebus, cognoui ex tuis litteris nihil esse, nec quod metuamus, nec quod gaudeamus.



deamus. De publicis negotijs, quæ uis ad te Tironem scribere, negligentius ad te ante scribebam, quod omnia minima maxima ad Cæsarem mitti sciebam. Rescripsi epistolæ maximæ: audi nunc de minuscula. in qua primum est de Clodij ad Cæsarem litteris: in quo Cæsaris consilium probo, quod tibi, amantissime petenti, ueniam non dedit, uti ullum ad illam furiam uerbum rescriberet. Alterum est de Caluenti Marij oratione. quod scribis, miror, tibi placere me ad eum rescribere, præsertim cum illam nemo lecturus sit, si ego nihil rescripsero; meâ in illum pueri omnes, tamquam dictata, perdiscant. Libros meos, quos exspectas, inchoaui, sed conficere non possum his diebus. Orationes efflagitatas pro Scauro, pro Plancio absolui. Poema ad Cæsarem, quod composueram, incidi. Tibi quod rogas, quoniam ipsi fontes iam sitiunt, si quid habebam spatij, scribam. Venio ad tertiam. Balbum quod ais mature Romam bene comitatum esse uenturum, mecumq. assidue usque ad id. Mai. futurum, id mihi pergratum, perq. iucundum erit. Quod me in eadem epistola, sicut saepe antea, cohortaris ad ambitionem, & ad laborem: faciam equidem, sed quando uiuemus? Quarta epistola mihi reddita est idibus Sept. quam ad 14. idus Sext. ex Britannia dederas. in ea nihil sane erat noui, præter Erigonâ: quam si ab Oppio accepero, scribam ad te quid sentiam: nec dubito, quin mihi placitura sit. Et, quod præterij de eo, quem scripsisti de Milonis plausu  
scri-



scripsisse ad Caesarem; ego uero facile patior, ita  
 Caesarem existimare, illum quammaximum fuisse  
 plausum. & prorsus ita fuit: & tamen ille plausus,  
 qui illi datur, quodam modo nobis uidetur dari.  
 Reddita est etiam mihi peruetus epistola, sed sero  
 allata, in qua de aede Telluris, & de porticu Catu-  
 li me admones. fit utrumque diligenter. ad Tellu-  
 ris quidem etiam tuam statuā locaui. Item de hor-  
 tis, quod me admones; nec fui umquam ualde cupi-  
 dus, et nunc domus suppeditat mihi hortorum amœ-  
 nitatem. Romam cum uenissem ad XIII. kal. Oct.  
 absolutum offendi in aedibus tuis tectum; quod su-  
 per conclauia non placuerat tibi esse multorum fa-  
 stigiorum; id nunc honeste uergit in tectum infe-  
 rioris porticus. Cicero noster, dum ego absum, non  
 cessauit apud rhetorem. de eius eruditione quod la-  
 bores, nihil est: quoniam ingenium eius nosti; stu-  
 dium ego uideo; cetera eius, suscipio, ut me putem  
 præstare debere. Gabinium tres adhuc factiones  
 postulant, L. Lentulus, flaminis filius, qui iam de  
 maiestate postulauit; Ti. Nero, cum bonis subscri-  
 ptoribus; C. Memmius trib. pl. cum L. Capitone.  
 ad urbem accessit ad XII. kal. Oct. nihil turpius,  
 nec desertius. sed his iudicijs nihil audeo confidere.  
 quod Cato non ualebat, adhuc de pecunijs repetun-  
 dis non erat postulatus. Pompeius a me ualde con-  
 tendit de reditu in gratiam; sed adhuc nihil profe-  
 cit, nec, si ullam partem libertatis tenebo, profi-  
 ciet. Tuas litteras uehementer expecto. Quod scri-  
 bis,



bis, te audisse, in candidatorum consularium coitio-  
 ne me interfuisse; id falsum est. eiusmodi enim pa-  
 ctiones in ea coitione factae, quas postea Memmius  
 patefecit, ut nemo bonus interesse debuerit: & si-  
 mul mihi committendum non fuit, ut ijs coitionibus  
 interesssem, quibus Messalla excluderetur: cui qui-  
 dem uehementer satisfacio rebus omnibus; ut arbi-  
 tror, etiam Memmio. Domitio ipsi multa iam  
 feci, quae uoluit, quaeq. a me petiuit. Scaurum be-  
 neficio defensionis ualde obligauit. adhuc erat ualde  
 incertum, & quando comitia, & qui consules fu-  
 turi essent. Cum hanc iam epistolam complicarem,  
 tabellarij a uobis uenerunt ad XI. kal. Sept. uice-  
 simo die. O me sollicitum: quantum ego dolui in Cae-  
 saris suauissimis litteris: sed, quo erant suauiores,  
 eo maiorem dolorem illius ille casus afferebat.  
 Sed ad tuas uenio litteras. primum tuam reman-  
 sionem etiam atque etiam probo, praesertim cum,  
 ut scribis, cum Caesare communicaris. Oppium  
 miror quidquam cum Publilio: mihi enim non pla-  
 cuerat. Quod interiore epistola scribis, me idibus  
 Sept. Pompeio legatum iri; id ego non audiui; scri-  
 psiq. ad Caesarem, Vibullium Caesaris mandata de  
 mea mansione ad Pompeium pertulisse, nec ad Op-  
 pium. quo consilio? quamquam Oppium ego te-  
 nui: quod priores partes Bibuli erant. cum eo e-  
 nim coram Caesar egerat, ad Oppium scripserat.  
 Ego uero nullas de rebus oportidas habere possim  
 in Caesaris rebus. ille mihi secundum te, & libe-

ros



## LIB. III. EPIST.

ros nostros ita est, ut sit pæne par. uideor id iudicio  
 facere: iam enim debeo: sed tamen amore sum in-  
 census. Cum scripsissem hæc infima, quæ sunt mea  
 manu, uenit ad nos Cicero tuus ad cenam, cum Pom-  
 ponia foras cenaret, deditq. mihi epistolam legen-  
 dam tuam, quam paullo ante acceperat ab Aristo-  
 phane modo, ualde mehercule & suauem, & gra-  
 uem; qua sum admodum delectatus. dedit etiam  
 alteram illam mihi, qua iubes eum mihi esse affi-  
 xum, tamquam magistro. quam illum epistola illæ  
 delectarunt? quam me? nihil puero illo suauius,  
 nihil nostri amantius. Hæc inter cenam Tironi di-  
 ctaui: ne mirere alia manu esse. Annali litteræ  
 tuæ pergratæ fuerunt, quod & curares de se dili-  
 genter, & tamen consilio se uerissimo iuuares. P.  
 Seruilius pater ex litteris, quas sibi a Cæsare missas  
 esse dicebat, significat, ualde te sibi gratum fecis-  
 se, quod de sua uoluntate erga Cæsarem humanis-  
 sime, diligentissimeq. locutus esses. Cum Romam  
 ex Arpinati reuertissem, dictum mihi est hippo-  
 damum ad te profectum esse. non possum scribere,  
 me miratum esse, illum tam inhumaniter fecisse, ut  
 sine meis litteris ad te proficisceretur: illud scribo,  
 mihi molestum fuisse. iam enim diu cogitaueram,  
 ex eo, quod tu ad me scripseras, ut, si quid esset,  
 quod ad te diligentius perferri uellem, illi darem:  
 quod mehercule hisce litteris, quas uulgo ad te mit-  
 to, nihil fere scribo, quod si in alicuius manus inci-  
 derit, moleste ferendum sit. Minucio me, & Sal-  
 uio,



uio, & Labeoni reseruabam. Labeo autem tarde proficiscetur, aut hic manebit. Hippodamus nenum quidem quid uellem rogauit. T. Pinarius amabiles ad me de te litteras mittit, se maxime litteris, sermonibus, cenis denique tuis delectari. is homo semper me delectauit: fraterq. eius mecum est multum. quare, ut instituisti, complectere adolescentem. Quod multos dies epistolam in manibus habui propter commorationem tabellariorum; ideo multa coniecta sunt, aliud alio tempore, uelut hoc. T. Anicius mihi saepe iam dixit, sese tibi suburbanum, si quod inuenisset, non dubitaturum esse emere. in eius sermone ego utrumque soleo admirari; & te de suburbano emendo, cum ad illum scribas, non modo ad me non scribere, sed etiam aliam in sententiam scribere; & cum ad illum scribas, nihil te recordari de se, de epistolis illis, quas in Tusculano eius mihi ostendisti, nihil de praeceptis Epicharmi, γνῶθι, πῶς ἄλλω κέχρηται. totum denique uultum, animum, sermonem eius, quemadmodum conijcio, quasi. sed haec tu uideris. de suburbano, cura, ut sciam, quid uelis: & simul, ne quid ille turbet, uide. Quid praeterea? quid? etiam. Gabinus ad 1 v. kal. Oct. noctu in urbem introiuit: & hodie hora octaua, cum edicto C. Alsij de maiestate eum adesse oporteret, concursu magno, & odio uniuersi populi pene afflictus est. nihil illo turpius. proximus est tamen Piso. itaque mirificum ἐμβόλιον cogito in secundum meorum librorum inducere, di-



LIB. III. EPIST.

centem Apollinem in consilio deorum, qualis reditus duorum imperatorum futurus esset, quorum alter exercitum perdidisset, alter uendidisset.

Ex Britannia Caesar ad me kal. Sept. dedit litteras, quas ego accepi ad 1 v. kal. Oct. satis commodas de Britannicis rebus: quibus, ne admirer, quod a te nullas acceperim, scribit; se sine te fuisse, cum ad mare accesserit. ad eas ego litteras nihil scripsi, ne gratulandi quidem causa, propter eius luctum. Te oro etiam atque etiam, mi frater, ut ualeas.

MARCUS S. D. QVINCTO FRATRI. 2

AD VI. id Oct. Saluius Ostiam uespertinae profectus erat cum ijs rebus, quas tibi domo mitti uolueras. eodem die Gabinium ad populum luculente calefecerat Memmius, sic ut Calidio uerbum facere pro eo non licuerit. postridie autem eius diei, qui erat tum futurus, cum haec scribebam ante lucem, apud Catonem erat diuinitio in Gabinium futura inter Memmium, & Ti. Neronem, & C. & L. Antonios M. F. putabamus fore, ut Memmio daretur: etsi erat Neronis mira contentio. quid quæris? probe premitur, nisi noster Pompeius, dijs, hominibusq. inuitis, negotium inuertit. cognosce nunc hominis audaciam, & aliquid in rep. perdita delectare. Cum Gabinius, quacumque ueniebat, triumphum se postulare dixisset, subitoq. bonus imperator noctu urbem hostium plane inuasisset, in senatum se non committebat. interim ipso

decimo



decimo die, quo ipsum oportebat hostium numerum, & militum renunciare, in re hæsit, summa infrequentia: cum uellet exire, a consulibus retentus est: introducti publicani. homo undique actus, cum a me maxime uulneraretur, non tulit, & mentrementi uoce exsulem appellauit. hic, o di, nihil umquam honorificentius nobis accidit: consurrexit senatus cum clamore ad unum, sic, ut ad corpus eius accederet; pari clamore, atque impetu publicani. quid quæris? omnes, tamquam si tu esses, ita fuerunt. nihil hominum sermone foris clarius. ego tamen teneo ab accusando, uix me hercule, sed tamē teneo; uel quod nolo cum Pompeio pugnare; (satis est quod instat de Milone) uel quod iudices nullos habemus. ἀποτῶμα formido. addo etiam maleuolentiam hominum; & timeo, ne illi me accusante aliquid accidat: nec despero rem & sine me, & non nihil per me confici posse. De ambitu postulati sunt omnes, qui consulatum petunt, a Memmio Domitius; a Q. Curtio, bono & erudito adolescente, Memmius; a Q. Pompeio Messalla; a Triario Scaurus. magna res in motu est: propterea quod aut hominum, aut legum interitus ostenditur. opera datur, ut iudicia ne fiant. res uidetur spectare ad interregnum. Consules comitia habere cupiunt, rei nolunt, & maxime Memmius, quod Caesaris aduentu sperat se futurum consulem: sed mirum in modum iacet. Domitius cum Messalla certus esse uidebatur; Scaurus refrixerat. Appius sine lege



LIB. III. EPIST.

riata confirmat se Lentulo nostro successurum: qui quidem mirificus illo die, quod pæne præterij, fuit in Gabinium; accusavit maiestatis: nomina data, cum ille uerbum nullum. Habes forensia. Domi recte; & ipsa domus a redemptoribus tractatur non indiligenter. Vale.

MARCUS S. D. QVINCTO FRATRI. 3

OCCUPATIONVM mearum signum tibi sit librarij manus. diem scito esse nullum, quo die non dicam pro reo. ita, quidquid conficio, aut cogito, in ambulationis fere tempus confero. negotia nostra sic se habent: domestica uero, ut uolumus. ualent pueri, studiose discunt, diligenter docentur, & nos, & inter se amant. Expolitiones utriusque nostrum sunt in manibus, sed tua ad perfectum. iam, res rustica Arcani, & Laterij. præterea de aqua, de uia nihil prætermisi quadam epistola, quin enucleate ad te perscriberem. sed me illa cura sollicitat, angitq. uehementer, quod, dierum iam amplius L. intervallo, nihil a te, nihil a Cæsare, nihil ex istis locis non modo litterarum, sed ne rumoris quidem affluxit. me autem iam & mare istuc, & terra sollicitat: neque desino, ut sit in amore, ea, quæ minime uolo, cogitare. quare non equidem iam te rogo, ut de me de te, de rebus istis scribas: (numquam enim, cum potes, prætermittis) sed hoc te scire uolo, nihil fere me umquam ita expectasse, ut cū hæc scribebam, litteras tuas. Nunc cognosce ea, quæ



quæ sunt in rep. Comitiorum quotidie singuli dies tolluntur obnunciationibus; magna uoluntate bonorum omnium: tanta inuidia sunt consules. propter suspicionem pactorum a candidatis præmiorum: candidati cōsulares quattuor omnes rei. causæ sunt difficiles: sed enitemur, ut Messalla noster saluus sit: quod est etiam cum reliquorum salute coniunctum. Gabinium de ambitu reum fecit P. Sylla, subscribente priuigno Memmio, fratre Cæcilio, Sylla filio. contra dixit L. Torquatus, omnibusq. libentibus non obtinuit. quæris, quid fiet. sciemus de maiestate triduo: quo quidem in iudicio odio premittur omnium generum: maxime testibus cæditur: ac cusatoribus frigidissimis utitur. consilium uarium, quæsitior grauis, & firmus Alfius, Pompeius uehemens in iudiciis rogandis. quid futurum sit, nescio: locum tamen illi in ciuitate non uideo. animum præbeo ad illius perniciem moderatum, ad rerum euentum lenissimum. Habes fere de omnibus rebus. unum illud addam. Cicero tuus, nosterq. summo studio est Pæonii sui rhetoris, hominis, opinor, ualde exercitati, & boni: sed nostrum instituendi genus esse paullo eruditius, & *ῥητορικώτερον*, non ignoras. quare neque ego impediri Ciceronis iter, atque illam disciplinam uolo: & ipse puer magis illo declamatorio genere duci, & delectari uidetur: in quo quoniam ipsi quoque fuimus, patiamur illum ire nostris itineribus. eodem enim peruehiturum esse confidimus. sed tamen, si nobiscum eum



L I B. III. E P I S T

rus aliquo eduxerimus, in hanc nostram rationem, consuetudinemq. inducemus. magna enim nobis a te proposita merces est: quam certe nostra culpa numquam minus assequemur. Quibus in locis, & qua spe hiematurus sis, ad me quam diligentissime scribas, uelim. Vale.

MARCUS S. D. QVINCTO FRATRI. 4

GABINIUS absolutus est. omnino nihil accusatore Lentulo, subscriptoribusq. eius infantius: nihil illo consilio sordidius. sed tamen, nisi incredibilis contentio, preces Pompeij, dictaturæ etiam rumor plenus timoris fuisset, ipsi Lentulo non respondisset; qui cum illo accusatore, illoq. consilio sententijs condemnatus sit XXXI cum LXX tulissent. est omnino tam graui fama hoc iudicium, ut uideatur reliquis iudicijs periturus, & maxime de pecunijs repetundis. sed uides nullam esse remp. nullum senatum, nulla iudicia, nullam in ullo nostrum dignitatem. quid plura de iudicibus? duo prætorij sederunt, Domitius Calvinus: is aperte absoluit, ut omnes uiderent: & Cato: is, diruptis tabellis, de circulo se subduxit, & Pompeio primus nunciauit. Aiunt non nulli, item Sallustius, me oportuisse accusare. his ego iudicibus committerem? quid essem, si me agente esset elapsus? sed me alia mouerunt. non putasset sibi Pompeius de illius salute, sed de sua dignitate mecum esse certamen: in urbem introisset: ad inimicitias res uenisset. cum Aesernino Samnite

Pa-



Pacideianus comparatus uiderer: auriculam fortasse mordicus abstulisset: cum Clodio quidem certe redisset in gratiam. ego uero meum consilium, si praesertim tu non improbas, uehementer approbo. ille, cum a me singularibus meis studijs ornatus esset; cumq. ego illi nihil deberem, ille mihi omnia; tamen in rep. me a se dissentientem non tulit (nihil dicam grauius) & minus potens eo tempore, quid in me florentem posset, ostendit. nunc, cum ego ne curem quidem multum posse, res quidem publica certe nihil possit, unus ille omnia; cum illo ipso contenderem? sic enim faciendum fuisset. non existimo te putare id mihi suscipiendum fuisse. Alterutrum, inquit idem Sallustius: defendisses, idq. Pompeio contendenti dedisses. etenim uehementer orabat. lepidum amicum Sallustium, qui mihi aut inimicitias putet periculosas subeundas fuisse, aut infamiam sempiternam. ego uero hac mediocritate delector. Ac mihi illud incundum est, quod, cum testimonium secundum fidem, & religionem grauissime dixissem, reus dixit, si in ciuitate licuisset sibi esse, mihi se satisfacturum; neque me quidquam interrogauit. De uersibus, quos tibi a me scribi uis, deest mihi quidem opera, quae non modo tempus, sed etiam animum uacuum ab omni cura desiderat: sed abest etiam inuidia quos. non enim sumus omnino sine cura uenientis anni, etsi sumus sine timore. simul & illud, (sine ulla mehercule ironia loquor) tibi istius generis in scribendo



LIB. III. EPIST.

priores partes tribuo, quam mihi. De bibliotheca tua Græca supplenda, libris commutandis, Latinis comparandis, ualde uelim ista confici, præsertim cum ad meum quoque usum spectent. sed ego, mihi ipsi ista per quem agam, non habeo. neque enim uenalia sunt, quæ quidem placeant, & confici nisi per hominem & peritum, & diligentem non possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod uidebitur rectum esse, curabo. De Ascanione, tu uero, quod uoles, facies: me nihil interpono. De suburbano, quod non properas, laudo: ut habeas, hortor. Hæc scripsi ad VII I. kal. Nou. quo die ludi committebantur, in Tusculanum proficiscens, ducensq. mecum Ciceronem meum in ludum discendi, non lusionis, ea re non longius, quam uellem, quod Pontinio ad triumphum ad III. non. Nou. uolebam adesse. etenim erit nescio quid negotioli. nam Cato, & Seruilius prætores prohibituros se minantur: nec, quid possint, scio. ille enim & Appium consulem secum habebit, & prætores, & tribunos pl. sed minantur tamen, in primisque *Ἀπὸ πρῶτον* Q. Scauola. Cura, mi suauissime, & carissime frater, ut ualeas.

MARCUS S. D. QVINCTO FRATRI. 5

Q U O D quæris, quid de illis libris egerim, quos, cum essem in Cumano, scribere institui: non cessavi, neque cesso: sed sæpe iam scribendi totum consilium,



consilium, rationemq. mutavi. nam, iam duobus factis libris, in quibus nouendialibus ijs ferijs, quæ fuerunt Tuditano, & Aquillio cos. sermo est a me institutus Africani, paullo ante mortem, & Lælij, Phili, Manilij, Q. Tuberonis, & Lælij generorum, Fannij, & Scauolæ; sermo autem in nouem & dies, & libros distributus de optimo statu ciuitatis, & de optimo ciue; (sane texebatur opus luculenter; hominumq. dignitas aliquantum orationi ponderis afferebat) hi libri cum in Tusculano mihi legerentur, audiente Sallustio, admonitus sum ab illo, multo maiore auctoritate illis de rebus dici posse, si ipse loquerer, de rep. præsertim, cum essem non Heraclides Ponticus, sed consularis, & is, qui in maximis uersatus in rep. rebus essem: quæ tam antiquis hominibus attribuerem, ea uisum iri ficta esse: oratorum sermonem in illis nostris libris, quod esset de ratione dicendi, belli a me remouisse, ad eos tamen retulisse, quos ipse uidissem: Aristotelem denique, quæ de rep. & præstante uiro scribat, ipsum loqui. commouit me, & eo magis, quod maximos motus nostræ ciuitatis attingere nō poteram; quod erant inferiores, quam illorum ætas, qui loquebantur. ego autem id ipsum tum eram secutus, ne, in nostra tempora incurrens, offenderem quempiam. nunc & id uitabo; & loquar ipse tecum; & tamen illa, quæ institueram, ad te, si Romam uenero, mittam. puto enim te existimaturum, a me libros illos non sine aliquo meo stomacho

cho



L I B. I I I. E P I S T.

cho esse relictos. Cæsaris amore, quem ad me perscribis, unice delector: promissis ijs, quæ ostendit, non ualde pendeo; nec honores sitio; nec desidero gloriam: magisq. eius uoluntatis perpetuitatem, quam promissorum exitum, exspecto: uiuo tamen in ea ambitione, & labore, tamquam id, quod non postulo, exspectem. Quod me de faciendis uersibus rogas: incredibile est, mi frater, quam egeam tempore: nec sane satis commoueor animo ad ea, quæ uis, canenda. ὁποῖός τις uero, & ea, quæ ipse ego ne cogitando quidem consequor, tu, qui omnes isto eloquendi, & exprimendi genere superasti, a me petis? facerem tamen, ut possem: sed, quod te minime fugit, opus est ad poema quadam animi alacritate, quam plane mihi tempora eripiunt. abduco equidem me ab omni reip. cura, dedoq. litteris: sed tamen indicabo tibi, quod mehercule in primis te cælatum uolebam. angor mi suauissime frater, angor, nullam esse remp. nulla iudicia, nostrumq. hoc tempus ætatis, quod in illa auctoritate senatoria florere debebat, aut forensi labore iactari, aut domesticis litteris sustentari. illud uero, quod a puero adamaram,

Αἰὲν ἀπὸ τῶν δέειν, καὶ ὑπερὶ ὅχον ἐμμεναὶ ἄλλων,  
totum occidisse: inimicos a me partim non oppugnatos, partim etiam esse defensos: meum non modo animum, sed ne odium quidem esse liberum: unumq. ex omnibus Cæsarem esse inuentum, qui me tantum, quantum ego uellem, amaret; aut etiam, si-  
cut



cut alij putant, hunc unum esse, qui uellet. quorum tamen nihil est eiusmodi, ut ego me non multa consolatione quotidie leniam. sed illa erit consolatio maxima, si una erimus. nunc ad illa uel grauissimū accedit tui desiderium. Gabinium si, ut Pansa putat oportuisse, defendissem, concidissem. qui illum oderunt, (ū sunt toti ordines) propter quem oderunt, me ipsum odisse cœpissent. tenui me, ut puto, egregie: tantum ut facerem, quantum omnes uiderent. & in omni summa, ut mones, ualde me ad otium, pacemq. conuerto. De libris, Tyrannio est cessator: Chrysippo dicam: sed res operosa est, & hominis perdiligentis: sentio ipse, qui in summo studio nihil assequor. de latinis uero quo me uertam, nescio: ita mendose & scribuntur, & ueneunt: sed tamen, quod fieri poterit, non negligam. Crebrius, ut ante ad te scripsi, Romæ est: & qui omnia adiurant, debere tibi ualde renunciant. Ab ærario puto confectum esse, dum absum.

MARCUS S. D. QVINCTO FRATRI. 6

QUATTUOR tragœdias XVI. diebus absoluisse cum scribas, tu quidquam ab alio mutuaris? & xalos quæris, cum Electram, & Troadem scripseris? cessator esse noli, & illud, γνῶθι σεαυτὸν, noli putare ad arrogantiam minuendam solum esse dictum, uerum etiam ut bona nostra norimus. sed & istas, & Erigonam mihi uelim mittas. Habes duas epistolas proximas. Vale.

MARCUS



LIB. III. EPIST.

MARCUS S. D. QVINCTO FRATRI. 7

ROMAE, & maxime Appia, ad Martis, mira proluuiēs: Crassipedis ambulatio ablata, horti, tabernæ plurimæ: magna uis aquæ usque ad piscinā publicam. uiget illud Homeri,  
 ἡματ' ὀπωρινῶ, ὅτε λαβρότατον χέει ὕδωρ  
 ZL's. cadit enim in absolutionem Gabinij,  
 ὅτε δὴ γ' ἄνδρες κατασάμενος χαλεπήνῃ:  
 Οἱ γὰρ εἰν ἀγορῇ σκολίας κρίνωσι δέμισας,  
 Εκ δὲ δίκην ἐλάσωσι, θεῶν ὅπιν οὐκ ἀλέγοντες.  
 sed hæc non curare decreui. Romam cum uenero, quæ perspexero, scribam ad te, & maxime de dictatura; & ad Labienum, & ad Ligurium litteras dabo. Hanc scripsi ante lucem, ad lychnuchum ligneolum; qui mihi erat perincundus, quod eum te aiebant, cum esses Sami, curasse faciendum.  
 Vale, mi suauissime, & optime frater.

MARCUS S. D. QVINCTO FRATRI. 8

SUPERIORI epistolæ quod respondeam, nihil est: quæ plena stomachi, & querellarum est: quo in genere alterā quoque te scribis pridie Labieno dedisse, qui adhuc non uenerat. deleuit enim mihi omnem molestiam recentior epistola. tantum te & moneo, & rogo, ut in istis molestijs, & laboribus, & desiderijs recordere, consilium nostrum quod fuerit profectiōis tuæ. non enim commoda quædam sequebamur parua, ac mediocria. quid enim  
 enim



enim erat, quod discessu nostro emendum putare-  
 mus? praesidium firmissimum petebamus ex optimi,  
 et potentissimi uiri beneuolentia ad omnē statum no-  
 strae dignitatis. plura ponuntur in spe, quam in pe-  
 cunijs: reliqua ad iacturam struentur. quare si cre-  
 bro referes animum tuum ad rationem & ueteris  
 consilij nostri, & spei; facilius istos militiae labores,  
 ceteraque, quae te offendunt, feres, & tamen, cum  
 uoles, depones. sed eius rei maturitas neque dum  
 uenit, & tamen iam appropinquat. Etiam illud  
 te admoneo, ne quid ullis litteris committas, quod si  
 prolatum sit, moleste feramus. multa sunt, quae e-  
 go nescire malo, quam cum aliquo periculo fieri cer-  
 tior. plura ad te uacuo animo scribam, cum, ut spe-  
 ro, se Cicero meus belle habebit. tu uelim cures, ut  
 sciam, quibus nos dare oporteat eas, quas ad te de-  
 inde litteras mittemus, Caesaris ne tabellarijs, ut is  
 ad te protinus mittat, an Labieno. ubi enim isti sint  
 Neruij, & quam longe absint, nescio. De uirtute,  
 & grauitate Caesaris, quam in summo dolore adhi-  
 buisset, magnam ex epistola tua accepi uoluptatē.  
 Quod me institutum ad illum poema iubes perfice-  
 re: etsi distentus cum opera, tum animo sum mul-  
 to magis, quoniam tamen ex epistola, quam ad te  
 miseram, cognouit Caesar me aliquid esse exorsum,  
 reuertar ad institutum, idque perficiam his suppli-  
 cationum otiosis diebus: quibus Messallam iam no-  
 strum, reliquosq. molestia leuatos uehementer gau-  
 deo: eumq. quod certum consulem cum Domitio

nume-



## LIB. III. EPIST.

numeratis, nihil a nostra opinione dissentitis. ego Messallam Cæsari præstabo. sed Memmius in aduentu Cæsaris habet spem. in quo illum puto errare. hic quidem friget. Scaurum autem iam pridem Pompeius abiecit: res prolatæ: ad interregnum comitia adducta: rumor dictatoris, iniucundus bonis; mihi etiam magis, quæ loquuntur. sed tota res & timetur, & refrigescit. Pompeius plane se negat uelle. antea ipse mihi non negabat. Hirrus auctor fore uidetur: o di, quam ineptus, quam se ipse amans sine riuali. Crassum Iunianum, hominem mihi deditum, per me deterruit. uelit, nolit, scire difficile est. Hirro tamē agente nolle se non probabit. aliud hoc tempore de rep. nihil loquebantur: agebatur quidem certe nihil. Serrani Domestici filij funus perluctuosum fuit. ad IV. kal. Dec. laudauit patre scripto meo. Nunc de Milone. Pompeius ei nihil tribuit, & omnia Guttæ; dicit q. se perfecturū, ut in illo Cæsar incumbat. hoc horret Milo, nec iniuria: &, si ille dictator factus sit, pæne diffidit. intercessorem dictaturæ si iuuerit manu, & præsidio suo, Pompeium metuit inimicum: si non iuuerit, timet, ne per uim perferatur. ludos apparat magnificentissimos, sic inquam, ut nemo sumptuosiores: stulte, bis, terq., non postulatus: uel quia munus magnificum dederat: uel quia facultates nō erant: uel quia magister: uel quia potuerat magistrum se, non ædilem, putare. Omnia fere scripsi. Cura, mi carissime frater, ut ualeas.

MARCUS



MARCUS S. D. QVINCTO FRATRI. 9

DE Gabinio nihil fuit faciendum istorum, quæ  
amentissime cogitata sunt. τό τε μοι χάρει. feci sum-  
ma cum gravitate, ut omnes sentiunt, & summa  
cum lenitate, quæ feci. illum neque urxi, neque le-  
navi. testis uehemens fui, præterea quievi: exitum  
iudicii fœdum, & perniciosum lenissime tuli. quod  
quidem bonum mihi nunc denique redundat, ut his  
malis reip. licentiaq. audacium, qua ante rumpe-  
bar, nunc ne mouear quidem. nihil est enim perdi-  
tius his hominibus, his temporibus. itaque ex rep.  
quoniam uoluptatis nihil iam capi potest; cur stoma-  
cher, nescio. litteræ me, & studia nostra, & otium,  
uillæq. delectant, maximeq. pueri nostri. angit  
unus Milo: sed uelim finem afferat consulatus. in  
quo enitar non minus, quam sum enisus in nostro:  
tuq. istinc, quod facis, adiuuabis. de quo cetera,  
nisi plane uis eripuerit, recte sunt. de re familiari  
timeo. ὁ δὲ μαίνεται ἐκ τ' ἀνεντῶς, qui ludos HS  
CCC comparet: cuius in hoc uno considerantiam  
& ego sustinebo, ut potero, & tu ut possis, est tuo-  
rum neruorum. De motu temporum uenientis an-  
ni, nihil te intelligere uolueram domestici timoris,  
sed de communi reip. statu. in quo, etiam si nihil pro-  
curo, tamen nihil curare uix possum. quam autem  
te uelim cautum esse in scribendo, ex hoc conijcito,  
quod ego ad te hæc quidem scribo, quæ palam in  
rep. turbantur; ne cuiusquam animum meæ litteræ  
inter-



## LIB. III. EPIST.

interceptæ offendant. quare domestica curate leuatum uolo. In rep. scio quam sollicitus esse soleas. uideo Messallam nostrum consulem; si per interregem, sine iudicio; si per dictatorem, tamen sine periculo. odij nihil habet. Hortensii calor multum ualebit. Gabinij absolutio lex impunitatis putatur. ἐν παρίεργον. De dictatore tamen actum adhuc nihil est. Pompeius abest: Appius miscet: Hirrus parat: multi intercessores numerantur: populus non curat: principes uolunt: ego quiesco. De mancipijs, quod mihi polliceris, ualde te amo: et si non equidem uti scribis, & Romæ, & in prædijs infrequens. sed caue, amabo, quidquam, quod ad meum commodum attineat, nisi maximo tuo commodo, & maxima tua facultate, mi frater, cogitaris. De epistola Vatinijs risi. sed me ab eo ita obseruari scio, ut eius ista odia non sorbeam solum, sed etiam concoquam. Quod me hortaris, ut absoluam; habeo absolutum suaue, mihi quidem ut uidetur, ἔπος ad Cæsarem. sed quæro locupletem tabellarium; ne accidat quod Erigonæ tuæ, cui soli, Cæsare imperatore, iter ex Gallia tutum non fuit. \* quid, si cementum bonum non haberem, deturbem ædificium? quod quidem quotidie mihi magis placet; in primisq. inferior porticus, et eius conclauia sunt recte. De Arcano, Cæsaris opus est, uel mehercule etiam elegantioris alicuius. imagines enim istæ, & palæstra, & piscina, & nilus multorum Philotimorum est, non Diphilorum. sed & ipsi ea adibimus, & mittimus,

&



& mandabimus. De Felicis testamento, tum magis querere, si scias. quas enim tabulas se putauit obsignare, in quibus in uncijis firmissimum tenuerat, (lapsus est per errorem & scilicet, & Sicuræ se ui) non obsignauit: quas nolui, eas obsignauit. ἀλλ' οἷός ἐστιν: nos modo ualeamus. Ciceronem, & ut rogas, amo, & ut meretur, & ut de eo: dimitto autem a me, & ut a magistris ne abducam, & quod mater Pomponia discedit, sine qua edacitatem pueri pertimesco. sed sumus una tamen ualde multum. Rescripsi ad omnia. Mi suauissime, & optime frater uale.

AD OCTAVIUM EPISTOLA,  
quam Ciceronis esse, uix credimus.

SI per tuas legiones mihi licitum fuisset, quæ nomini meo, populoq. R. sunt inimicissimæ, uenire in senatum, coramq. de rep. disputare, fecissem, neque tam libenter, quam necessario. nulla enim remedia, quæ uulneribus adhibentur, tam faciunt dolorem, quam quæ sunt salutaria. sed quoniam cohortibus armatis circūseptus senatus nihil aliud uere potest decernere, nisi timere; in Capitolio signa sunt; in urbe milites uagantur; in campo castra ponuntur; & Italia tota legionibus, ad libertatem nostram conscriptis, ad seruitutem adductis, equitatuq. exterarum nationum distinetur: cedam tibi in præsentia foro, curia, & sanctissimis deorum immortalium templis: in quibus, reuiuiscite iam libertate, deinde rursus oppressa, senatus nihil con-

C c      sulitur,



AD OCTAVIUM

sulitur, timet multa, assentitur omnia. post etiam paullo, temporibus ita postulantibus, cedam urbe: quam per me conseruatam, ut esset libera, in seruitute uidere non potero: cedam uita; quæ quamquam sollicita est, tamen, si profutura est reip. bona spe posteritatis me consolatur; qua sublata non dubitanter occidam: atque ita cedam, ut fortuna iudicio meo, non animus mihi defuisse uideatur. illud uero quod & presentis doloris est indicium, et præteritæ iniuriæ testimonium, & absentium sensus significatio, non prætermittam, quin, quoniam coram id facere prohibeor, absens prosim, siquidem mea salus aut utilis reip. est, aut coniuncta certe publicæ salutis. nam per deum immortalium fidem ( nisi forte frustra eos appello, quorum aures, atque animus a nobis abhorret ) perq. fortunam populi R. quæ quamquam nobis infesta est, fuit aliquando propitia, & ut spero, futura est, quis tam expers humanitatis, quis huius urbis nomini, ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis mederi queat, non morte proprium periculum uitet? nam, ut ordiar ab initio, & perducam ad extremum, & nouissima conferam primis, quæ non posterior dies acerbior priore, & quæ non insequens hora antecedente calamitosior populo R. illuxit? M. Antonius, uir animi maximi, ( utinam etiam sapientis consilij fuisset ) C. Casare fortissime, sed parum feliciter reip. dominatione semoto,



to, concupierat magis regium, quam libera ciuitas pati poterat, principatum: publicam dilapidabat pecuniam: ararium exhauriebat: minuebat uectigalia: donabat ciuitates ex commentario: dictaturam gerebat: leges imponebat: prohibebat dictatorem creari legibus: S. C. ipse repugnabat in senatu: provincias unus omnes concupiebat, cui sordebat Macedonia provincia, quam uictor sibi sumpserat Caesar. quid de hoc sperare, aut expectare non oportebat? extitisti tu uindex nostræ libertatis, ut tunc quidem, optimus; (quod utinam neque nostræ nos opinio, neque tua fides fefellisset) & ueteranis in unum conductis, & duabus legionibus a pernicie patriæ ad salutem auocatis, subito prope iam affectam, ac prostratam remp. tuis opibus extulisti. quæ tibi non, ante quam postulares, maiora quem uelles, plura quam sperares, detulit senatus? dedit fasces, ut cum auctoritate defensor haberet, non ut imperio se aduersum armarer: appellauit imperatorem: hostium exercitu pulso tribuens honorem, non ut sua cede cæsus ille fugiens exercitus te nominaret imperatorem: decreui in foro statuam, locum in senatu, summum honorem ante tempus: si quid aliud est, quod dari possit, addat. quid aliud est maius, quod uelis sumere? sin autem supra ætatem, supra consuetudinem, supra etiam mortalitatem tuam tibi sunt omnem tributa: cur aut ingratus crudeliter, aut immemor beneficij scelerate circumscribis senatum?

Cc 2 quo



AD OCTAVIUM

quo te misimus? a quibus reuerteris? contra quos armauimus? quibus arma cogitas inferre? a quibus exercitum abducis? aduersus quos aciem struis? cur hostis relinquitur, ciuis hostis loco ponitur? cur castra medio itinere longius aduersariorum castris, & propius urbem mouentur? o me numquam sapientem, & aliquando id, quod non erat, frustra existimatum. quantum te popule R. de me fefellit opinio. o meam calamitosam, ac precipitem senectutem. o turpem exacta, dementiq. ætate canitiem. ego patres conscriptos ad paricidium induxi: ego remp. fefelli: ego ipse senatum sibi manus afferre coegi, cum te Iunonium puerum, & matris tuæ partum aureum esse dixi. at te fata patriæ Paridem futurum prædicabant, qui uastares urbem incendio, Italiam bello, qui castra in templis deorum immortalium, senatum in castris habiturus esses. o miseram, & in breuitatem celerem, & tam uariam reip. commutationem. quisnam tali futurus ingenio est, qui possit hæc ita mandare litteris, ut facta, non ficta, uideantur esse? quis erit tanta animi facilitate, qui, quæ uerissime memoria propagata fuerint, non fabulæ similia sit existimaturus? cogita enim Antonium hostem iudicatum, ab eo circumfessum consulem designatum, eundemq. reip. parentem: te profectum ad consulem liberandum, & hostem opprimendum, hostemq. a te fugatum, & consulem obsidione liberatum: deinde paullo post, fugatum illum hostem, accersiuum



tum tamquam coheredē mortua rep. ad bona populi R. capienda: consulem designatum rursum inclusum eo, ubi se non mœnibus, sed fluminibus, & montibus tueretur. hæc quis conabitur exponere? quis credere audebit? liceat semel impune peccare. sit erranti medicina confessio. uerum enim dicam. utinam te potius Antoni dominum non expulissimus, quam hunc reciperemus: non quod ulla sit optanda seruitus, sed quia dignitate domini minus turpis est fortuna serui. in duobus autem malis cum fugiendum maius sit, leuius est eligendum. ille ea tamen exorabat, quæ uolebat auferre: tu extorques. ille consul prouinciā petebat: tu priuatus concupisti. ille ad malorum salutem iudicia constituebat, & leges ferebat: tu ad perniciem optimorum. ille a sanguine, & incendio seruorum Capitolium tuebatur: tu cruore, & flamma cuncta delere uis. si, qui dabat prouincias Cassio, & Brutis, & illis custodibus nominis nostri, regnabat: quid faciet, qui uitam adimit? si, qui ex urbe eiciebat, tyrannus erat: quem hunc uocemus, qui ne locum quidem reliquit exsilio? itaque, si quid illæ maiorum nostrorum sepultæ reliquæ sapiunt, si non una cum corpore sensus omnis uno atque eodem consumptus est igni; quid illis interrogantibus, quid agat nunc populus R. respondebit aliquis nostrum, qui proximus in illam æternam domum discesserit? aut quem accipient de suis posteris nuncium illi ueteres Africani, Maximi, Paulli, Scipiones? quid de sua patria au-

Cc 3 dient,



AD OCTAVIVM EPISTOLĀ.

dient, quam spolijs, triumphisq. decorarunt? an esse quendam annos x x natum, cuius avus fuerit argentarius, ad stipulator pater, uterque uero precarium fecerit quæstum, sed alterusque ad senectutem ut non negaret; alter a pueritia, ut non posset non confiteri: eum agere, rapere remp. cui nulla uirtus, nulla bello subacta, & ad imperium adiunctæ provinciae, nulla dignitas maiorum conciliaffet opem potentium, sed forma per dedecus pecuniam, & nomen nobile consceleratum impudiciæ dedisset: ueteres uulneribus, & atate confectos Iulianos gladiatores, egentes, reliquias Cæsaris ludi, ad rudem compulisset, quibus ille septus omnia misceret, nulli parceret, sibi uiueret? qui tamquam in dotali matrimonio remp. testamento legatam sibi obtineret? audient duo Decij, seruire eos ciues, qui ut hostibus imperarent, uictoriæ se deuouerunt. audiet C. Marius, impudico domino parere nos, qui ne militem quidem habere uoluit, nisi pudicum. audiet Brutus, eum populum, quem ipse primo, post progenies eius a regibus liberauit, pro turpi stupro datum in seruitutem. quæ quidem si nullo alio, me tamen inter nuncio ad illos celeriter deferentur: nam si uiuus ista subterfugere non potero, una cum istis uitam simul fugere decreui.

VERBA



# VERBA GRAECA,

LATINIS EXPRESSA.

## EX LIBRO I.

ep. 1. ἀδύνατον: quod fieri non potest.

eadem. ἐπεὶ ἔχ' ἱερήιον οὐδὲ βοείην: quoniam non  
agitur de uictima, neque de bubulo ter  
gore. Ex Homero enim uerbum ἀρ-  
νύδην subaudiendum est.

eadem. ἑρμαθῆνα: Hermathena, Mineruae, Mer-  
curijq. statua.

ep. 5. χρησιομαδῆ: utilia discentem, hoc est, de-  
ditum litteris non uulgaribus.

eadem. γυμνασιώδη: apta gymnasio.

ep. 7. Εὐμολπιδῶν πάτρια: Eumolpidarum ri-  
tus patrios.

ep. 8. οἰκεῖον: proprium.

ep. 10. σκέψεις, καὶ ἀναβολαὶ: considerationes,  
& dilationes.

eadem. ταυτόματον ἡμῶν: casus noster,

ep. 11. ἐν τοῖς πολιτικοῖς: in civilibus.

eadem. τοποθεσίαν: loci descriptionem.

eadem. Ἀττικώτερα: magis Attica.

eadem. φιλορήτορα: rhetoricæ studiosum.

ep. 12. πανήγυρις: conuentus.

eadem. μάλ' ἀριστοκρατικῶς: ualde pro statu opti-  
mum.

eadem. γενικῶς: generaliter.

Cc 4

eadem.







*eadem.* ἐπιφωνήματα: acclamationes.

*eadem.* νῆφε, καὶ μέμνησ' ἀπιστεῖν ἄρδρα ταῦτα τῶν  
φρενῶν: uigila, & memineris non cre-  
dere. hi sunt nerui sapientiæ.

*eadem.* τίς πατέρ' αἰνήσει: quis patrem laudabit?

*eadem.* ἐγκωμιαστικά: laudatiua.

*eadem.* ἱστορικά: historica.

*ep.* 18. οἱ μὲν πάρ', οὐδέν εἰσιν, οἷς δ' οὐδέν μέλει.  
hi, qui adsunt, nihili sunt, illis uero,  
nihil curæ est.

*eadem.* ὑπώπιον: liuor.

EX LIBRO II.

*ep.* 1. μυροθήκιον: unguenti, & pigmentorum  
arculam.

*eadem.* ὑπόμνημα: commentarium.

*eadem.* σεμνότερός τις, καὶ πολιτικώτερος: graui-  
or, & ciuiliior aliquis.

*eadem.* ἀποσπάσματα: partes quædam auulsæ.

*eadem.* φιλόπατρις: studiosus patriæ.

*eadem.* πολιτεία: republica.

*eadem.* ἄλις σπουδῆς: satis studiij est.

*ep.* 2. θεῖοι: patrui.

*eadem.* Περιναιῶν: Pelinaeorum. (sunt autem  
populi.)

*eadem.* Κορινθίων, καὶ Ἀθηναίων: Corinthiorum &  
Atheniensium.

*eadem.* Ἡρώδης: Herodes.

*ep.* 3. εὐαγγέλια: boni nunciij præmia.

*eadem.* Κύρε παιδείαν: Cyri institutionem.

*eadem.*



- eadem . τὰς διαφάσεις: lucidas radiorū egressiones .
- eadem . ἔσω ὄψις μὲν η, α, τὸ δὲ ὁρώμενον, β, γ, ἀκτῖ-  
νες δὲ δ καὶ ε: sit aspectus η, α: quod au-  
tem uidetur, β, γ: radij uero, δ, & ε .
- eadem . κατ' εἰδώλων ἐμπώσεις: per simulacrorum  
incurSIONES .
- eadem . εἶδωλα: species, imagines .
- eadem . ἔγχυσις: effusio .
- eadem . ὑπόστασιν: statum .
- eadem . πολιτείαν: remp .
- eadem . σωκρατικῶς εἰς ἑκάτερον: more Socratico-  
rum in utramque partem .
- eadem . τὴν ἀρέσκουσαν: sententiam quæ placeat .
- eadem . κατάκρισις: sanctio .
- eadem . Ἀριστοκρατικῶς: pro statu optimatum .
- eadem . εἰς οἰωνὸς ἄριστος ἀμυνέσθαι περὶ πάσης: unū  
augurium optimum defendere patriā .  
Homeri uersus ἱλ . μ .
- eadem . Θεοφράστου περὶ φιλοτιμίας: Theophrasti de  
honorum studio .
- ep. 5 . αἰδέομαι τρώας καὶ τρωάδας ἑλκεσιπέπλους:  
uereor Troianos, & Troianas longis  
indutas stolis . Homeri uersus ἱλ . ζ .
- eadem . πολυδάμας μοι πρῶτος ἐλεγχεῖν ἀναθήσει:  
Polydamas mihi primus uitio dabit .  
Homeri uersus ἱλ . χ .
- eadem . Θεοφάνης: Theophanes .
- eadem . φιλοσοφεῖν: philosophari .
- eadem . ἐπὶ χολῆς: in oēio .

ep. 6.



ep. 6. γεωγραφικά : de terræ descriptione com-  
mentarios.

eadem. ὁμοειδεῖς : uniformes.

eadem. ἀνδρογραφεῖσθαι : floride scribi.

eadem. πολιτεύεον : nauanda operare ip.

eadem. ἀνέκδοτα : non edita.

eadem. πολιτεύομαι : publice curo.

ep. 7. κατὰ τὸ πρακτικόν : ad agendi rationem  
quod spectet.

eadem. καὶ ὑπὸ σέγῃ Πυκνᾶς ἀκῆσαι τεκὰδος δ' δού-  
ση φρενὶ : Et sub tecto frequentem au-  
dire guttam dormienti animo. est au-  
tem finis uersus, Et uersus integer.

ep. 9. βοῶπις : bouis oculos habens.

eadem. παλινῳδία : mutationem cantus.

eadem. διβάφω : bis tineta purpura.

eadem. σοφιστέειν : sapientie studium exercere.

eadem. ἐπαγγέλλομαι ἀνδρ' ἀπαμύεσθαι ὅς τις πρό-  
τερος χαλεπήνῃ : profiteor me ulturum,  
quicumque prior læserit.

eadem. Κικέρων ὁ μικρὸς ἀσπάζεται Τίτον Ἀθηναῖον :  
Cicero paruulus salutat Titum Athe-  
niensem.

ep. 10. ὑποσόλοικον : subabsurdum.

eadem. ἀναφαίνεσθαι : apparere.

ep. 13. τῇ χειρὶ ἀλλ' ἀγαθὴν κουροτρόφος. οὔτι ἐγωγε  
Ἦς γαῖης δυνάμει γλυκερώτερον ἄλλο ἰδέ-  
σθαι : Aspera, sed bona puerorum nu-  
trix : nequaquam ego ea terra possum  
dulcius



*dulcius quidquam aspicere.*

ep. 12. Δαγγέλια : boni nunciij .

eadem. συγκύρημα : casum .

eadem. ζώσης φωνῆς : uiuæ uocis .

eadem. βωώπιδος : bonis oculos habentis .

eadem. ἀσελγοῦς : intemperantis .

eadem. ὀξύπεινος : famelicus , auidissimus .

eadem. συμπόσιον : conuiuium .

eadem. κατ' ὁπώραν τραχύτης : autumnno ipso asperitas .

eadem. ἀδικαίαρχοι : iniusti magistratus .

eadem. καὶ Κικέρων ὁ φιλόσοφος τὸν πολιτικὸν Τίτον ἀσπάζεται : Et Cicero philosophus Titum salutatur reip. deditum .

ep. 13. αὐθωρεῖ : eadem hora .

eadem. Τηλέπυλον Λαιστρυγονίην : Telepylum urbem Laestrigoniam .

eadem. φιλοσοφῶμεν : philosophemur .

ep. 14. Ἀνατρέπεις : quæ facile possint immutari .

eadem. ἐν τυραννείῃ : sub tyranno esse .

eadem. Κικέρων ἀριστοκρατικώτατος παῖς : Cicero status optimatum studiosissimus puer .

ep. 16. φυσὰ γὰρ οὐ μικροῖσιν αὐλίσκοις ἔτι , ἀλλ' ἀγρίαις φύσαισι φορβείας ἄτερ : intumescit enim non paruis tibiolis amplius , sed efferis follibus sine lingula .

eadem. ἐσοφίζετο : cauillabatur , malitiose cogitabat .

eadem. τὸν πρακτικὸν βίον : uitam in agendo positā .  
eadem .



eadem. τὸν θεωρητικὸν: *quæ in rerum cootempla-  
tione collocatur.*

eadem. ὁπόθεν λέων, ὅπιδεν δὲ: *ante leo, post uero.*

*Hom. Il. ξ, & D. Hieron. in ep. ad*

*Rusticum monachū, de uiuendi forma.*

eadem. εἰ δὲ μὴ: *si uero non.*

ep. 17. ὁμολογουμένως τυραννίδα τυσκαῖα ζεταί:

*sine dubio ad tyrannidem uiam struit.*

eadem. Δελπισία: *bona spes.*

eadem. ἀδιαφορία: *æquanimitas.*

eadem. ἀφιλόδοξον: *ambitione uacans.*

eadem. κατὰ τὸ κηδεμονικόν: *curiose.*

eadem. ὑποθήκας: *documenta.*

eadem. περὶ τῶν ὅλων: *de summa rerum.*

ep. 38. σκοπὸς: *scopus.*

eadem. κατὰ λεπτόν: *minutatim.*

ep. 19. ἄλις δρυὸς: *satis est quercus .i. glandium.*

eadem. τυφλώηω: *cæcutio.*

eadem. τῷ καλῷ προσέπονθα: *erga honestum sum  
affectus.*

eadem. ἀσφάλειαν: *securitatem, cautionem, præ-  
sidium ad furorem Clodij.*

eadem. ἀκκιζόμεθα: *dissimulamus.*

eadem. ἐν ἀνίγμασιν: *obscure dictis.*

ep. 20. ἀλληγορίαις: *allegorijs.*

ep. 25. ἐλικτὰ, καὶ οὐδὲν: *inuoluta, & nihil.*

eadem. τὰς τῶν κρατούων: *est autem initiū sena-  
rioli, qui est huiusmodi apud Euripidē in Phæ-  
nissis. τὰς τῶν κρατέντων ἀμαθίας φέρειν χεῖρων:  
poten-*



potentium stultitias ferre oportet.

EX LIBRO IV.

- ep. 3. μουσικώτερα : secretiora .  
ep. 4. συλλάβους : indices ex membranula .  
ep. 5. παλινωδία : mutatio cantus .  
eadem. ὑποδέσσει : argumento .  
ep. 6. πολιτικός : reip. deditus .  
eadem. ὁπαδοὶ : affectatores aliorum in militia .  
eadem. ταγοὶ : duces .  
eadem. σπάρταν ἔλαχες ταύταν , κόσμει : Spartam  
sortitus es hanc , orna .  
eadem. βαθύτης : profunditas .  
eadem. ἄκμρότερον : opportunius .  
ep. 7. οὐχ ὅσιν φθιμένοισι : impium mortuis . ui-  
de commentarium .  
eadem. ὁ δὲ οὐκ ἐμπάζετο μύθων : hic uero non cu-  
rabat sermones .  
ep. 8. μήπω μέγ' εἶπης πρὶν τελευτήσαντ' ἰδῆς : ni-  
hil magnum dixeris prius , quam mor-  
tuum uideris . senarius .  
eadem. σύκω , μὰ τὴν δῆμητρα , σῦκον , οὐδὲ ἐν Οὐ-  
τῶς ὁμοιον γέγονεν : fico , per Cererem ,  
ficus nulla umquam tam similis fuit .  
est autem senarius , et senarij principium .  
eadem. περίσσις : status .  
eadem. πολιτικῶς : ciuilititer .  
eadem. γραμμὴν : lineam .  
ep. 10. καὶ τὸ δὲ φωκυλίδου : Et hoc Phocylidis .  
ep. 15. οὐδὲν γλυκύτερον , ἢ πάντα εἰδέναι : nihil  
dul



dulcius, quam omnia scire.

ep. 13. σκυλιδόν: uexationem, perturbationem.

eadem. ὀξύπεινος: ita curiosus, ut omnia scire cupiam: auidissimus, ut fame percitus.

eadem. τὴν παροῦσαν κατὰσασιν τυπώδως: praesentem statum reip. quoquo modo informatum.

ep. 15. συμπάθειαν: parem animi affectionem.

eadem. ἡμερόλεγον: ut quæque singulis diebus acciderunt.

eadem. ἀρεοπαγίτας: areopagitas.

eadem. τέμπη: loca amæna.

eadem. σῆμα δέ τοι ἐρέω: signum autem tibi dicam. Homerus il. †.

eadem. ἐξοχή: excellentia.

ep. 16. ἐξωτερικοὺς: exteriores.

eadem. πολιτεία: in libris de republica.

eadem. τεχνολογίαν: de arte ratiocinationem.

eadem. ἐμφιλοσοφῆσαι: philosophari.

ep. 17. ἀττικισμὸς: Attica locutio.

eadem. συμπάθεια: similis affectio.

EX LIBRO V.

ep. 3. σπουδαιότερον: grauius.

ep. 4. δυσδιάγνωστον: difficile cognitu.

ep. 5. διαλόγους: sermones.

ep. 9. φιλοπροσνηέστατα: studio benignissimo.

ep. 10. ἔρδοι τίς: faciat quisque. (subaudi, quam nouit artem.)

eadem. δυσδκοίμητα: difficilia mitigatu.

eadem.



- eadem. βαθύτητα : profunditatem .  
 eadem. μελέτη : meditatio , exercitatio .  
 eadem. ἄνω καὶ κάτω : sursum , & deorsum .  
 ep. 11. ἄφρακτα : sunt naues non tecta , nec muni-  
 tæ ad pugnandum .  
 eadem. ἐπικωπον : genus nauigij .  
 eadem. οἷα τ' αὖν δέσποινα : qualis hera fuerit .  
 eadem. ἀνεξίαν : tolerantiam .  
 eadem. μετέωρος : suspensus .  
 eadem. ὑπομνηματισμὸν : decretum , monumentū .  
 eadem. συμπαθῶς : cū affecti animi significatione .  
 eadem. νομανδρίαν : uide commentarios .  
 ep. 12. σωηγωνίων : cum illo mærebam .  
 eadem. πολιτικώτερον : civilius .  
 ep. 14. παράγγελμα ἐνισύσιον : quod mandavi de  
 annua administratione .  
 eadem. ἐνδόμυχον : occultum .  
 ep. 16. ἐπικεφάλια : tributa per capita .  
 ep. 17. συμφιλοδοξοῦσιν : simul gloriæ seruiunt .  
 ep. 18. κεφάλαιον : caput .  
 eadem. συμπάθειαν : parem affectionem .  
 ep. 19. τὸ νεμεσᾶν : indignari .  
 eadem. τῷ φθονεῖν : ab inuidendo .  
 ep. 20. ἐν ἐπιτομῇ : summam .  
 eadem. πανικά : subita quædam , tamquam aucto-  
 re Pane deo , terricula .  
 eadem. κενὰ τοῦ πολέμου : inania quædam in bello .  
 Aristoteles lib. 111 . ἡθικῶν .  
 eadem. μῶμος : qui omnia carpit .

eadem .



eadem . πεφυσίωμαι : elatus sum .  
 eadem . λαμπρά : splendida .  
 eadem . ἐν παρόδῳ : in transcurso .  
 eadem . ἀπόσιτον : non facilem accessu .  
 eadem . ἀδωροδόκητον : incorruptum largitione .  
 eadem . κέρασ : cornu .  
 ep. 21 . Δημερήματι : felici eius diei successu .  
 eadem . ἀκροτελῆτιον : conclusionem .  
 eadem . γλυκύπικρον : dulce & amarum .  
 eadem . ὑπερβολικῶς : supra ueritatem .  
 eadem . τέτριπτα : quadrigas .  
 eadem . κέρασ : cornu .  
 eadem . ὁδοῦ πάρεργον : obiter .  
 eadem . ἐνδομύχῳ : arcano .

EX LIBRO VI.

ep. 1 . οἰκονομίαν : domestica rei ordinem .  
 eadem . οἶχεται : euanescit .  
 eadem . βαθύτητα : grauitatem .  
 eadem . ὑπομεμφιμοίρας : subquerulas .  
 eadem . ἐξ ἀφαιρέσεως : per extractionem .  
 eadem . προσανατρεφόμενῃν : recreatam .  
 eadem . ἀκοινωνήτως : incommunicabiliter , ad tol-  
 lendam amicitiae communionem .  
 eadem . ἐγκηλῶματα : hortationes .  
 eadem . τὸ γὰρ δὲ , μετ' ἐμῆ : quod enim bene est ,  
 mecum est .  
 eadem . ἱστορικὸν : historicum .  
 eadem . οὐκ ἔλαδες : non fefellisti .  
 eadem . ἀφελῶς : simpliciter .

Dd eadem .



- eadem. οἰκονομία: dispositio.
- eadem. χεδιάζοντα: temere, non ordine scribentē.
- eadem. πολιτεία: administrationem publicam.
- eadem. κέραι: cornu.
- eadem. ἰσοδυναμοῦσαν: quæ idem ualeat.
- eadem. διαίρεσιν: diuisionem.
- eadem. ἄγραφον: non scriptum.
- eadem. αὐτονομίαν: libertatem suis utendi legibus.
- eadem. τὸ παραδοξότατον: inopinatissimum.
- eadem. μηδὲν αὐτοῖς: nihil illis, subaudi, crede.
- eadem. ὧν πραγμάτων ἀσυγκλώσων: ores quæ coniungi non possunt.
- eadem. πολυδάκνους: Pollucis ædem.
- eadem. ἀνισορροσίαν: inscitiam historiarum.
- eadem. ὑπόρησας: dubitasti.
- eadem. ἄπολιν τὸν τῆς ἀρχαίας: Eupolim illum ueteris. s. comædiæ scriptorem.
- eadem. τί λοιπόν; quid reliquum?
- eadem. πολλοῦ γε καὶ δεῖ: multum quidem abest.
- eadem. χρύσεια χαλκείων: aurea pro æreis. Homeri locus ιλ. ζ.
- eadem. ἀναντιφώνητον: sine responsione.
- eadem. αἰδέσθην μὲν ἀρῆνασθαι, δεῖσαν δ' ὑποδέχθαι: ueriti sunt quidem recusare, timuerunt autem accipere. Homeri uersus integer ex ιλ. η.
- eadem. παριστοῦσθαι: scire.
- eadem. προπύλαιον: uestibulum.
- ep. 2. ἱστορικώτατος: historiarum peritissimus.
- eadem.



eadem. νεώκτις: nuper ædificata.

eadem. τῶ τῶν νεῶν καταλόγῳ: in nauium enumeratione, apud Homerum uidelicet.

eadem. ἀναλογία: proportio, analogia.

eadem. φλιοῦς, ὀποῦς, σιποῦς: Phlius Phliuntis, urbs Lacedæmoniorum: Opus Opuntis, urbs Locrorum, per contractionē. integrum est ὀπέις ὀπέεντος: Sipus Sipuntis, urbs Dauniorum in Apulia.

eadem. ὀπουῖται, σιπουῖται: gentile nomen ab ὀποῦς, σιποῦς.

eadem. αὐτονομίαν: libertatē suis legibus utendi.

eadem. ὑπερβολικῶς: supra modum.

eadem. ἀήθειαν: fatuam simplicitatem.

ep. 3. πολλάδ' ἐν μεταχμίῳ Νότος κυλίνδει κέματ' ἄρείης ἁλὸς: multos autem in intermedio Auster uoluit fluctus lati maris. est enim proprie μεταίχμιον id spatium, quod est inter duos exercitus.

eadem. ἀκοινώνιτον: aptum ad dirimendam amicitiam.

eadem. μυσικώτερον: secretius.

ep. 4. τῆς δάμαρτός μου ὁ ἀπελδύτερος (οἶδα ὃν λέγω) ἔδοξε μοι φράσιν, ἐξ ὧν ἀλογόμενος παρεφθέγγετο, πεφυρακέναι τὰς ψήφους ἐκ τῆς ὧν τῶν ὑπαρχόντων τῆ Κροτωνιάτῃ τυραννοκτόνῃ. δέδοικα δὴ, μή τι νοήσης εἰς δήπε τὸ περισκεψάμενος, τὰ λοιπὰ ἐξ ἀσφαλείας: uxoris meæ libertus (nosti quem dico) mi-

Dd 2 sus



sus est mihi dudum e uerbis , quæ inconfi-  
derate protulit , turbasse calculos , seu suf-  
fragia ex coemptione bonorum Crotonia-  
tæ tyrannicide . timeo , ne quid intelligas .  
unus quidem hoc si consideraueris , reli-  
qua in tuto .

ερ. 5. τῆς ξυναόρου τῆς ἐμῆς οὐξ ἐλδ' ἄλλος , ἔδοξέ  
μοι θαυὰ βαπαρίζων , καὶ ἀλύων τοῖς ξυλλό-  
γοις , καὶ ταῖς λέξεσι ὑπότι πεφυρακέναι τὰς  
ψήφους ἐν τοῖς ὑπάρχουσι τοῖς τοῦ Κροτω-  
νιάτου . uxoris meæ libertus uisus est mihi  
sæpe garriens , & in conciliabulis , &  
confessionibus nugantium aliquid turbasse  
calculorum in bonis Crotoniatæ .

eadem. ἐξ ἄσεως ἐπ' ἀλόφῃ τειχῶν παρέδωκεν ἡμῶν  
γάμου ὀφειλήματα ὁ Κάμιλλος , αὐτόν τε ὀ-  
φείλοντα μνᾶς κδ . ἐκ τῶν Κροτωνιατικῶν ,  
καὶ ἐκ τῶν Χερρόνησιτικῶν μη . καὶ κληρονο-  
μήσαι χμ . κ . μ . τούτων δὲ μηδὲ ὀβολὸν  
διαλύσασθαι πάντων ὀφειληθέντων τοῦ δευτέ-  
ρου μηνὸς τῇ νομηνίᾳ . τὸν δὲ ἀπελδ' ἄλλον  
αὐτοῦ , ὄντα ὁμῶνυμον τῷ Κόνωνος πατρὶ ,  
μηδὲν ὀλοχερῶς πεφροντικέναι . ταῦτα  
ᾄδω , πρῶτον μὲν , ἵνα πάντα σώζῃ : δεύ-  
τερον δὲ , ἵνα μηδὲ τῶν τόκων ὀλιγωρήσῃς  
τῶν ἀπὸ τῆς προεγκειμένης ἡμέρας , ὅσας αὐ-  
τὸν ἠνέγκαμεν , σφόδρα δέδοικα . καὶ γὰρ πα-  
ρῆν πρὸς ἡμᾶς κατασκεφόμενος , καὶ τι χε-  
ρὸν ἐλπίτας . ἀπογνοὺς δὲ , ἀλόγως ἀπέ-



ἐν ἐπειπὼν, αἰχρὸν τοι δηρόν τε μένειν :  
 e septicollis urbis mœnibus tradidit ( id est,  
 scripsit ad me ) nostri coniugii ( id est, uxo-  
 ris meæ ) æs alienum Camillus . debere  
 eam uidelicet minas 24 ex bonis Croto-  
 niaticis; ex Cherrhonesiticis 48. ex here-  
 ditatibus autem percepisse 640. 20. 40.  
 atque ex his ne obolum quidem dissoluisse  
 ex omni ære alieno, secundis mensis kalen-  
 dis . libertum autem ipsius eum , qui Co-  
 nonis patri cognominis est , nihil ne ipsum  
 quidem curasse : primum igitur hoc ; om-  
 nia ut custodias : deinde , ut ne usuras qui-  
 dem negligas eas , quæ current , ab eo ,  
 quem ante diximus, die. Ego quidem, per  
 eos dies, quibus illum ( Timotheum uide-  
 licet ) pertuli ualde, magno in timore fui.  
 erat enim apud hos, ut exploraret , ac  
 aliqua etiam spe adductus. qua cum exci-  
 disset, temere abiit , fatus , Turpe qui-  
 dem est remanere diu . Hoc autem postre-  
 mum hemistichium est Homericum . totus  
 uersus hic est ,

Αἰχρὸν τοι δηρόν τε μένειν , κενεὸν ἴε νέεσθαι .

Turpe quidem est remanere diu ; uacu-  
 umq. reuerti . ἰλ.β.

eadem . λεληθότως : latenter .

eadem . ἄλλο πρὸς βλημα : alia quaestio .

ep. 6. πυροὺς εἰς δῆμον : frumenta in populum .

Dd 3 eadem .



eadem. προπύλῳ: uestibulo.  
 eadem. ἐπέχειν: hæsitare, dubitare.  
 eadem. ἐποχῆς: dubitationis.  
 eadem. παλλιγενεσίαν: regenerationem.  
 ep. 7. ἐν αἰνιγμοῖς: ænigmatice.  
 eadem. ἀφελῶς: simpliciter.  
 ep. 8. αἰσχρὸν σιωπᾶν: turpe tacere.  
 ep. 9. σύγχυσιν: confusionem.  
 eadem. παραφύλαξον: observa.  
 eadem. τὴν τῆς φουρατοῦ φιλοτιμίαν αὐτότατα: tur-  
 batoris auaritiam quammaxime.  
 eadem. κεκὼν: inanem.  
 eadem. ἄτυφον: sine ambitione, parui animi.  
 eadem. ἐπέχειν: dubitare.  
 eadem. ἀθέτησις: improbatio.  
 eadem. ἐποχὴ: cunctatio.  
 eadem. τοῦ μὲν ὄνειρον ἐμοί: meum mihi somnium.  
 prouerbiū est.  
 eadem. ἐπιχρονία ἐποχὴ: diuturna dubitatio.

EX LIBRO VII.

ep. I. φιλοτιμία: ambitio.  
 eadem. πρόβλημα: quæstionem.  
 eadem. ἀλλ' ἐμὸν οὐ ποτε θυμὸν ἐνὶ στήθεσιν ἐπειθες.  
 Ὡς οὐδ' ἐν γλύκιον ἦς πατρίδος: sed meum  
 numquam animum in pectoribus per-  
 suasisti. quod nihil dulcius sua patria.  
 eadem. αἰδέομαι: uereor.  
 eadem. τρώας καὶ τρωάδας: Troas & Troadas.  
 eadem. πούλυδάμας μοι τρώτος ἐπεγχείνι καταδή-

σει:



σει: Polydamas mihi primus probrum  
inferet.

eadem. ἔδοῦ πάρεργον: præter propositum, ut e-  
grediar a proposito.

eadem. ἐπίκτητα: fluxa, non diuturna.

eadem. ἐκβολὴ λόγου: egressio orationis.

eadem. ὁπόρισον: parabilem.

eadem. φυράτης: permistor.

eadem. ἀλλὰ τὰ μὲν προτετύχθαι ἐάσομεν, ἀγνώ-  
μενοί περ: sed hæc quidem facta esse si  
namus, licet dolentes. id est, præterita  
omittamus, licet cum dolore.

eadem. ἀμεμπτα: non accusanda.

ep. 2. τῶν νεωτέρων: iuniorum.

eadem. αὐτόχθων: nativa, & indigena.

eadem. σοργὴν φυσικὴν: amorem naturalem.

eadem. πρὸς τὰ τέκνα: in filios.

ep. 3. ἀμεταμέλητα: non penitenda.

eadem. τὸ σκάφος τῶν ἀπιδῶν: nauigium Alri-  
darum.

eadem. σωτόμα: compendiosa.

eadem. δῆμους: uicos.

eadem. ζήτημα: questionem.

ep. 4. τεκμηριῶδες: coniecturale, iudicium.

ep. 5. τοῖς ἀπαντῶσι: obuiam mihi uenientibus.

eadem. δύχρησα: inutilia.

eadem. ἀπότρεψαι: abstergito.

ep. 6. ἔγχαρ' ἂν τόδε μείζον ἐπει κακὸν: neque enim  
maius sequetur malum. Hom. ὁδ. μ.

Dd 4 ep. 7.



- ep. 7. παλινῳδία : *mutatio cantus* .  
eadem . λῆψις : *quartana correptio* .  
eadem . ἀβδηριτικὸν : *Abderiticum* .  
eadem . ἐμπολιτῶμαί σοι : *tecum de republica disputo* .  
ep. 8. πολιτικὸν σκέμμα : *ciuilis consideratio* .  
eadem . φιλοσοφώτερον διδκρινήσομεν : *sapientius dijudicabimus* .  
eadem . σύγχυσιν τῆς πολιτείας : *confusionem reipublicæ* .  
eadem . ξωὸς ἐνυάλιος : *communis Mars* . *Homeri locus il. Σ.*  
eadem . πολιτικῶς : *ciuiliter* .  
eadem . ἀμορφον ἀντιπολιτῶμένου χρεωφειλέτην : *deforme, & turpe est, aduersantis in republica debitorem esse* .  
ep. 9. διδκρινήσεις πρόβλημα πολιτικὸν : *dijudicabis quæstionem ciuilem* .  
ep. 11. τῆ καλῇ : *honesti* .  
eadem . χρεῶν ἀποκοπὰς, φυγάδων καθόδους : *tabulas nouas, exsulum restitutiones* .  
eadem . τὴν θεῶν μεγίστην ὥς ἔχειν τυραννίδα : *dearum maximam ut obtineat tyrannidē. Euripies in Phœnissis* .  
eadem . ἐνχολάζω σοι : *otium tecum disputans consumo* .  
eadem . ἀπορῶ : *dubito* .  
eadem . οὕτως που τῶν ὑπὲρ ἐπενδόμεθα κλέα ἀδρῶν : *sic sane superiorum lugebamus laudes*



laudes uirorum.

eadem. ἐπίσκοπον: speculatorem, custodem.

eadem. ὄρμη: impetus.

ep. 12. φαλαρισμὸν: Phalaridis imitationem.

eadem. αἰδέομαι πρῶας: uereor Troianos.

ep. 13. ἀπορίαν: dubitationem.

eadem. ἥρωα: heroem.

eadem. πολιτικῶς: civiliter.

eadem. ἀστράτηγτος: regendi exercitus ignarus.

eadem. πρὸς τὸ ἀσφαλές: ad securitatem.

eadem. μάντις δ' ἄριστος: uates autem optimus.

ep. 16. σηςιωδέσπερον: magis Sextianum.

eadem. ὑπεκδέμενος: cum dimisero, transportaui.

ep. 17. Ἰδδισιόδειον: quod falso Hesiodo adscribitur.

eadem. μηδὲ δίκην: neque causam. totum carmen est, μηδὲ δίκην δικάσης, πρὶν ἀμφοῖς μῦθον ἀκούσης: ne causam ante iudicaueris, quam utriusque partis orationem audiueris.

ep. 19. καὶ σὺ αὖ ποθανεῖν: & simul mori.

ep. 20. φαινοπροσώπειν: apparere, uultum ostendere.

eadem. σκέμμα: consideratio.

eadem. ἀπορία: dubitatio.

EX LIBRO VIII.

ep. 2. διπλῇ: nota in margine adscripta, sic a græcis appellata.

ep. 8.



- ep. 8. ἀπροσφώνητες: insalutatos.  
eadem. τὸ καλὸν: honestum.  
eadem. πρὸς ταῦτ' ὅ, τι χεῖρ' καὶ παλαμάδων, καὶ  
πάν' ἐπ' ἐμοὶ τεκταινέδων: ad hæc, quod  
oportet, & faciant, & omnia in me  
fabricentur.  
eadem. τὸ γὰρ &, μετ' ἐμοῦ: quod enim bene est,  
mecum est.  
eadem. πολλὰ χαίρειν τῷ καλῷ: multam salutem  
honesto.  
ep. 9. & γενῆ: generosa, nobilia.  
eadem. σὺν διημερδόμεν: simul diem conterimus.  
eadem. τέρας: monstrum.  
ep. 11. σκοπὸς: scopus.  
eadem. προδεσπίζω: præfugio.  
eadem. ἱλίας: ilias.  
eadem. περὶ ὁμονοίας: de concordia.  
ep. 16. ἀπολιτικώτατον: maxime civilis guber-  
nationis expertem.  
eadem. ἀστρατηγικώτατον: maxime imperatoriae  
artis ignarum.  
eadem. ἀπαντήσεις: occursus obviam.  
eadem. αἰδέομαι τρώας: timeo Troianos.

EX LIBRO IX.

- ep. 1. κενόσπουδα: inanis studij plena.  
eadem. ἀναπάντητον: in quo nemo occurrat.  
ep. 2. ἀπὸ τὴν διέληψιν: sub ipsa accessione febris.  
eadem. ἀπαρρησίτσον: minime liberam.  
eadem. τίς δ' ἐστὶ δοῦλος, πῶς θανεῖν ἀφροντίς ὦν:  
quis-

eadem.  
ep. 4.  
eadem.



quisnam est servus, de morte securus  
qui sit?

*eadem.* ἀσμένισον: gratissimum.

*ep. 4.* Δέσεις: materias.

*eadem.* Εἰ μενετέον ἐν τῇ πατρίδι τυραννουμένη: τυ-  
ραννουμένης δὲ αὐτῆς, εἰ παντὶ τρέπω τυραν-  
νίδος κατάλυσιν πειρατέον, καὶ μέλλῃ διὰ  
τοῦτο περὶ τῶν ὅλων ἡ πόλις κινδυνῶσειν.  
εἰ δὲ λαβητέον τὸν καταλύοντα, μὴ αὐτὸς ἄρ-  
θῇται. εἰ πειρατέον ἀρήγειν τῇ πατρίδι εἰρήνην  
μᾶλλον, ἢ πολέμῳ εἰ πολιτικὸν τὸ ἥσυχάζειν  
ἀναχωρήσαντά ποι τῆς πατρίδος τυραννου-  
μένης, ἢ διὰ παντὸς ἰτέον κινδύνου τῆς  
ἐλευθερίας περὶ. εἰ πόλεμον ἐπακτέον τῇ χώ-  
ρᾳ, καὶ πολιορκητέον αὐτήν τυραννουμέ-  
νην. εἰ καὶ μὴ δοκιμάζοντα τὴν διὰ πολέμου  
κατάλυσιν τῆς τυραννίδος σωματογραφῆον  
ὅμως τοῖς ἀρίστοις. εἰ τοῖς δ' ἐργέταις, καὶ  
φίλοις συγκινδυνάτέον ἐν τοῖς πολιτικοῖς,  
καὶ μὴ δοκῶσιν δ' βεβουλεῦσθαι περὶ τῶν  
ὅλων. εἰ ὁ μέγала τὴν πατρίδα δ' ἐργετή-  
σας, δι' αὐτὸ δὲ τοῦτο ἀνήκεσα παθῶν, καὶ  
φθονηθεὶς, κινδυνῶσειεν ἂν ἐβελοντῆς ὑπὲρ  
τῆς πατρίδος: ἢ ἀφετέον αὐτῷ ἑαυτοῦ ποτε,  
καὶ τῶν οἰκειοτάτων ποιεῖσθαι φρόνοιαν.  
ἀφεμένῳ τὰς πρὸς τοὺς ἰσχύοντας διαπολι-  
τείας: *an manendum in patria tyranni-*  
*de oppressa: ea uero tyrannide oppressa,*  
*an quouis modo tyrannidis eversio tentan-*  
*da*



da est, etiam si ciuitas propter id de sum-  
ma rerum periculum subitura sit. Vtrum  
cauendum tyrannidem destruenti, ne ipse  
de medio tollatur. An tentandum ferre  
opem patriæ pace potius, quam bello.

Vtrum ciuile sit, secedentem aliquo, quie-  
scere, oppressa a tyranno patria, an quod-  
cunque subeundum discrimen pro liberta-  
te. an bellum inferendum regioni, eaq. sit  
obsidenda a tyranno oppressa. an etiam i,  
qui non probet, ut bello tyrannis dissolu-  
tur, tamen subscribere optimatibus dele-  
at. An cum bene meritis & amicis ma-  
subeunda sint, pericula, etiam si illi minus  
recte de summa rerum consuluisse uidean-  
tur. (hic Pompeium notat, ut ep. 1. hu-  
ius l.) Vtrum de patria bene meritus, ob  
eamq. causam grauissima quæque passus,  
& inuisus, (hic se ipsum describit, qui, Ca-  
tilinæ coniuratione oppressa, pro maximis  
meritis crudelissima supplicia pertulerat)  
ultro pro patria discrimine subire debeat,  
an permittendum ei, ut sui ipsius inter-  
dum, & familiarissimorum rationem ha-  
beat, dimissis aduersus potentes concerta-  
tionibus pro rep.

eadem. τῶν προύργων τι: quæ sunt ex re.

eadem. ἀκαίρος: intempestiuus.

ep. 5. δ'σμάχης: bono stomacho.

eadem.

ep. 8.



eadem. αὐτίκα γὰρ τοι ἔπειτα μεδ' ἔκτορα πότμος  
ἔτοιμος : statim enim tibi deinde post  
Hectorem mors parata.

eadem. αὐτίκα τεθναίνην, ἐπεὶ οὐκ ἄρ' ἔμελλον ἑταίρω  
κτεινομένῳ ἐπαμῦναι : utinam statim  
obeam, postea quam non eram socio,  
cum interficeretur, suppetias laturus.

eadem. ἑταίρω : sodali.

eadem. Δ' ἐργέτη : bene merito.

ep. 6. οὐδὲ μοι ἦτορ ἔμπεδον, ἀλλ' ἀλαλύκτῃμαι.  
neque enim mihi cor firmum, sed con-  
sternato sum animo. Homerus ιλ. κ.

eadem. αἰσχρὴ φαντασία : turpitudinis imago.

eadem. ἐν δυνάμει : in potestate.

eadem. σωῦτε δὲ ἔρχομένῳ : pariterq. duo euntes.

ep. 7. τὸ σωέχον : proximum.

eadem. ἀπάντησις : occurfus.

eadem. πολίτευμα : actionem publicam.

eadem. μή μοι γοργεῖν κεφαλὴν δεινοῖο πελώρε : ne  
mihi gorgoneum caput horrendi et gra-  
vis monstri.

eadem. εἰδώς σοι λέγω : sciens tibi dico.

eadem. ἀχαριστίας : ingrati animi.

eadem. ὁπλοῦς ὥραϊος : nauigatio idonea.

eadem. Μέντορ πῶς τ' ἄρ' ἴω, πῶς τ' ἄρ' προσπύξομαι.  
αὐτῶν; Mentor, quonam modo aude-  
am, &, quonam modo amplexabor  
ipsum? Homerus ὀδ. γ.

ep. 8. θέσεις : materias.

eadem.



*eadem.* Διονύσιος ἐν Κορίνθῳ: *Dionysius Corinthi.*

*eadem.* τότε μοι χάνοι δρεῖα χθῶν: *tunc mihi de-*  
*hiscat lata terra.*

*ep. 9.* ἐν τοῖς ἐρωτικοῖς: *in rebus amatorijs.*

*eadem.* ἀλογίως: *inconsiderate.*

*eadem.* ὑποκορίζη: *leni uocabulo appellas.*

*eadem.* χησιμὸς: *oraculum.*

*eadem.* ἀσπονδον: *implacabilem.*

*eadem.* φιλόπατρον, ἀσ πολιτικὸν: *studiosum pa-*  
*triae, ac civilem.*

*eadem.* γενικώτερον: *generalius.*

*eadem.* νεκίαν: *turbam mortuorum.*

*eadem.* ἀπορῶ: *dubito.*

*eadem.* σερχτέον: *probandum.*

*eadem.* τὸ μέλλον παραδοκῆσαι: *quod futurum est,*  
*expectabis.*

*eadem.* ὑπὸ τὴν λῆψιν: *sub accessionem quartanae*  
*febris.*

*eadem.* ἀσμένισον: *gratissimum.*

*eadem.* πολιτικὸν: *civile.*

*eadem.* μακροψυχίαν: *affectionem animi longin-*  
*qua spectantis.*

*eadem.* δαίμονα: *felicem.*

*ep. 10.* οὐκ ἔστι τυμὸς λόγος: *non est uerus sermo.*

*eadem.* δήμεριαν: *felicem diei successum.*

*ep. 11.* συλλογὴν: *collectio.*

*eadem.* ἐσάλπιζεν: *turba canebat.*

*eadem.* λάπισμα: *falsa quaedam ostentatio.*

*eadem.* γοντεῖαν: *præstigationem.*

*eadem.*



eadem. πειθανάγκην: *suasionem violentam.*

eadem. αἱ γὰρ τῶν τυράννων δεήσεις: *φησὶ πλάτων,*  
*οἷδ' ὅτι μεμιγμέναι ἀνάγκαι:* *tyran-*  
*norum enim preces, inquit Plato, no-*  
*sti quam permiste necessitatibus.*

eadem. ἀλίμενα: *sine portu loca.*

eadem. ὑπηρεσίαν: *ministerium.*

eadem. ἀδημονῶν: *se occultans.*

ep. 12. διατροπήν: *infamiam.*

eadem. αὐθεντικῶς: *au thoritate quadam domini*  
*utentem.*

ep. 14. τέτλα, κωτέρον: *perfer, grauius tulisti.*  
*sumptum ex Homeri uersu de Ulysse*  
*suum cor alloquente.*

eadem. ἄλλα μὲν αὐτὸς: *alia quidem ipse.*

eadem. ἄλλα δὲ καὶ δαίμων ὑποθήσεται: *alia au-*  
*tem uel deus suggeret.*

ep. 18. ἀναδεώρησις: *speculatio.*

EX LIBRO X.

ep. 1. μὴ μὰν ἀσπουδεῖ γε, καὶ ἀκλειῶς ἀπολοίμην:  
*ne negligenter & inglorius peream.*

eadem. ἀλλὰ μέγα ῥέξας τί καὶ ἑσσομένοισι πυθέσθαι:  
*sed magno aliquo facinore edito, quod*  
*uel a posteris audiat.*

eadem. τῶν πολιτικωτάτων σκευμάτων: *maxime*  
*civilium considerationum.*

eadem. ἄλῃ: *error.*

eadem. πολιτείας: *uersandum in republica.*

ep. 7. τῶν τε παραχρημα διέλαχίσης βουλῆς κρά-

ΤΙΣΟΣ



τιςος γνόμων, καὶ τῶν μελλόντων ἐπὶ  
πλείστον τοῦ γενησομένου ἄριστος εἰκασῆς:  
ἐπ' *presentium*, quæ repente accidunt,  
*minima deliberatione peritissimus co-*  
*gnitor* ἐπ' *futurorum optimus plerun-*  
*que coniector*.

*eadem*. τότε ἄμεινον, ἢ χεῖρον ἐν τῷ ἀφανεῖ ἐτι προ-  
εώρα μάλιστα: *quid melius, aut quid*  
*peius, uel obscurissimis in rebus proui-*  
*debat maxime*.

*eadem*. πλεθοκῶν: *tempestatem ad nauigandum*  
*idoneam exspectans*.

*eadem*. σοργῆς: *amoris*.

*eadem*. σωτήζης: *colliquatio*.

*eadem*. συμπάθειαν: *parem affectionem animi*.

*eadem*. ζηλοτυπία: *emulatio*.

*ep. 8.* τυραννικῶς: *tyrannice*.

*eadem*. αὐθεντικῶς: *pro certo*.

*eadem*. σκυτάλην λακωνικὴν: *Scytalem Laconicā*.  
*uide comment*.

*eadem*. σωὲ θεῷ τοι λέγω: *saltem si deus fauerit*.

*eadem*. δυσουρία: *urinæ difficultas*.

*eadem*. ἀρχῇ: *principium*.

*eadem*. ἀνηθοποίητον: *nequaquam formatis mo-*  
*ribus*.

*eadem*. ἡδὲς ἐπιμελητέον: *moribus adhibenda di-*  
*ligentia*.

*ep. 9.* ὑπουλον: *subdolum*.

*eadem*. ἀφράκτω: *detecto nauigio*.

*eadem*.



- eadem. ἀποτόμως: concise.  
 eadem. θυμικώτερον: stomachosius.  
 ep. 10. παραπλουτέον: abnauigandum.  
 eadem. ἀλλὰ τὰ μὲν προτέτυχθαι, ἐάσομεν ἀχνύμε  
 νοί περ: sed quæ quidem ante acta sunt,  
 omitemus quamuis tristes.  
 eadem. σφάλμα: error.  
 eadem. ἀρετὴ: uirtus.  
 eadem. διδασκτὸν: res, quæ tradi possit docendo.  
 ep. 11. περὶ κοιλιολυσίαν γίνεσθαι: circa uentris  
 solutionem esse.  
 ep. 12. ὧ πολλῆς ἀγεννείας: o multam ignobilitatē.  
 ep. 16. ἐπταμηνιαῖον ἡυτόκησεν: septimestrem sal-  
 ua peperit.  
 eadem. Κωρυκαῖοι: Corycæi.

EX LIBRO XII.

- ep. 1. γεροντικώτερον: senilius.  
 eadem. λέχη: confabulatio.  
 ep. 2. τί γὰρ αὐτῷ μέλει; quid enim illi curæ est  
 eadem. βεβίωται; uita traducta est?  
 eadem. πρόβλημα: quæstio.  
 ep. 3. ἀγοιγῆτος: sincere, sine fūco.  
 eadem. μακάρων νῆσοι: beatorum insulæ.  
 eadem. πάθει: affectione.  
 eadem. σκέψαι: considera.  
 eadem. ἀλογηθῆ: negligatur.  
 eadem. μελήσει: curæ sit.  
 ep. 4. ἐνερδθέσσερον: rubicundio rem.  
 eadem. πρόβλημα ἀρχιμήδειον: quæstio Archimedea.  
 Ee eadem.



- eadem. ψαδῶς: falso.
- eadem. ἀκουσμα: auditio.
- ep. 5. ἔρανον: collationem.
- eadem. γιψῶσαν κρήνην: siticulosum fontem.
- eadem. πειρήνην: Pirenen.
- eadem. ἄμπνδμα σεμνὸν Αλφείου πειρήνην: requiē,  
uerendam Alphei Pirenen.
- eadem. ποῖ ταῦτ' ἄρ' ἀποσκήψῃ; quonam hæc mo-  
do excusabis.
- eadem. γεωμετρικῶς: more geometrico.
- eadem. ἀρχέτυπα: exemplaria.
- ep. 6. πάντα φιλόδημον: omnem popularem.
- eadem. θεωρίαν: speculationem.
- eadem. τέλος: finem.
- ep. 7. Δ'πινές: uenustum.
- ep. 10. ᾧ ἀπεραντολογίαν δοῦς: cui infinitam lo-  
quacitatem tribue.
- ep. 12. συμπάχω: una afficior.
- ep. 13. ἀποδέωσιν: consecrationem.
- eadem. μεδαρμόζομαι: adaptor. ἀνεμέσητον γὰρ.  
nulla enim inuidia est.
- ep. 22. πολιτικοὶ: optimates.
- ep. 24. τετυφῶδαι: tumefactum esse.
- eadem. ἐγγήραμα: senectutis requies.
- ep. 28. ἐντάφιον: sepulcrum.
- ep. 34. ἀλόγως: sine ratione.
- ep. 36. εἰς ἀποδέωσιν: in consecrationem.
- ep. 37. Κύριος: nomen libri ab Antisthene scripti.
- ep. 39. συμβουλευτικὸν: deliberativum.

eadem.



eadem. Αριστοτέλης καὶ Θεοπόμπου πρὸς Αλέξανδρον.

*Aristotelis et Theopōpi ad Alexādrū.*

ep. 40. φιλαίτιον συμφορὰ: querula calamitas.

eadem. πρόπλασμα: præfigmentum.

ep. 43. συμπαδῶς: cum significatione animi.

eadem. ἐικοδεσποτικά: patrisfamilias officia.

ep. 44. σωτάγματα: opera.

eadem. ἀκηδία: torpedo.

eadem. ἀνεκτότερα: tolerabiliora.

eadem. σωνάον: contubernalem.

eadem. ὑπόθεσις: argumentum.

ep. 50. τοῦτο δὲ μελώση: hæc uero conijcies, dispi-  
cies, indagabis.

ep. 51. ἀπόγραφα: descripta.

EX LIBRO XIII.

ep. 1. καταβίωσιν: tenuem uictum.

ep. 4. Ἐλογον: rationi consentaneum.

ep. 6. Ἐλογώτατον: maxime rationi cōsentaneū.

ep. 8. Παναγίς περὶ προνοίας: Panætij de promi-  
dentia.

ep. 9. ἐκτενέσερον: contentius.

eadem. φιλοσοργότερον: amantius.

eadem. ἄφρατα: infanda.

eadem. ἀδιήγητα: inenarrabilia.

eadem. Ἐκείρως: opportune.

ep. 10. παρὰ τὴν ἱστορίαν: præter historiam.

eadem. κοινώτερα: communiora.

eadem. πολιτικώτερα: ciuilia.

eadem. οὐ γὰρ ὄνειδος: non enim opprobrium.

Ee 2 ep. 12.



ep. 12. φιλολογώτερα: eruditiora.  
 eadem. προσφώνησιν: nuncupationem.  
 eadem. καλλιπίδης: callipides.  
 eadem. αὐτῷ τῷ μέτρῳ, καὶ λώϊον: eadem mensu-  
 ra, & melius.  
 eadem. αἴ κε δύνηαι: si possis.  
 eadem. περὶ τελῶν σωτάξιν: de finibus opus.  
 eadem. ἀκαδημικὴν: Academicam.  
 eadem. Αντιόχεια: Antiochia.  
 ep. 13. ζηλοτυπήσαι: inuideri.  
 eadem. φιλαυτία: amor sui.  
 eadem. ἀπορῶ: dubito.  
 eadem. αἰδέομαι τρώας: uereor Troas.  
 eadem. μέμψιν: accusationem.  
 ep. 16. παρὰ τὸ πρέπον: præter decorum.  
 eadem. ἀπαιδουσία: ignorantia.  
 eadem. ἀπειρία: ruditas.  
 eadem. Αντιόχεια: Antiochia.  
 ep. 18. πολυγραφώτατος: in scribendo plurimus.  
 eadem. ζηλοτυπεῖν: inuidere.  
 ep. 19. ἀκίνδυνος: periculo carentia.  
 eadem. φιλένδοξος: ambitiosus.  
 eadem. ἀκαταληψίαν: opinionem eorum, qui ni-  
 hil comprehendi posse dicunt.  
 eadem. κωφὸν πρόσωπον: muta persona.  
 eadem. Αριστοτέλειον: Aristotelicum.  
 eadem. περὶ τελῶν: de finibus.  
 eadem. περιπατητικά: peripatetica.  
 eadem. ἀζηλότυπον: sine inuidia.

eadem.



eadem . λογικώτερα : eruditiora .  
 eadem . ἑρμείον : insperatum lucrum .  
 eadem . πιθανὰ : suaviora .  
 ep. 20 . φιλαίτιος : contentionis cupidus .  
 eadem . φιλοσόφος : philosophice .  
 eadem . δεδήχθαι : morsum esse .  
 eadem . μὴ γὰρ αὐτοῖς : ne enim ipsis .  
 ep. 21 . προβολὴν : ingressum .  
 eadem . ἐποχῇ : retentioni .  
 eadem . λόγοισιν Ἑρμόδωρος : uerbis Hermodorus .  
 eadem . προσφραῶ : nuncupo .  
 eadem . ἀδιόρθωτα : inchoata, non perfecta .  
 eadem . ἑωλεα : obsoleta .  
 eadem . περὶ μικρὰ πονυδάζειν : paruis studere .  
 eadem . εὐλόγως : facile .  
 eadem . εὐγενέστερος : generosior .  
 ep. 22 . ἀσμενέσταται : libentissime .  
 eadem . τὰ κατὰ μέρος : particularia .  
 eadem . εὐλογίαν : honestam rationem .  
 ep. 23 . συμείωσις : conuiuius .  
 eadem . εὐλόγως : decenter .  
 ep. 24 . διφθέραι : pellicea tegumenta .  
 eadem . αἰδέομαι τρώας : uereor Troas .  
 ep. 25 . ἀσαφέστερος : obscurior .  
 eadem . δεινὸς ἀνὴρ , τάχα κεν καὶ ἀνάτιον αἰτιώτο :  
     grauis uir , & qui forte uel insontem  
     accuset .  
 eadem . περιοχὰς : argumenta .  
 ep. 27 . κολακία : assentatio .



- eadem. ἐπίτρυμα: *lucrum, quod acquiritur.*
- eadem. ἀπότρυμα: *damnum, uel quod amittitur.*
- eadem. παρακινδυνάειν: *periclitari.*
- eadem. μείλιγμα: *lenimentum.*
- eadem. σπουδή: *studium.*
- ep. 28. πρόβλημα Αρχιμήδειον: *quaestio Archimedeae.*
- ep. 29. ἀφίδρωμα: *sedes rei quæ dedicatur.*
- eadem. τὸν τύφον μου πρὸς θεῶν προπορόρησον: *clationi meæ per deos morem gerito.*
- ep. 30. κολακίαι: *assentationes.*
- eadem. πολιτικὸν σύλλογον: *ciuilem conuentum.*
- ep. 31. καταβάσεως: *descensus.*
- eadem. κεπρικὰ: *fatua.*
- ep. 32. περὶ ψυχῆς: *de animo.*
- eadem. διὰ σημείων: *per notas.*
- eadem. σύλλογον: *conuentum.*
- eadem. πομπεῦσαι καὶ τοῖς προσώποις: *ostentare etiam personis.*
- ep. 33. δυσωπία: *uitiosa uerecundia.*
- eadem. καταβάσεως: *descensus.*
- eadem. ὁμολογον: *consentaneum.*
- ep. 37. ἀξιοπείσως: *fide dignum.*
- eadem. φοβερόν ἦν: *formidabile erat.*
- eadem. ἀνεμοφόρητα: *leuia, a uentis dissipata.*
- ep. 38. ἢ ἐπέσπασεν: *non aduertit.*
- eadem. πότερον δίκας τεῖχος ὕψιον, ἢ χολιᾶς ἀπά-  
τας: *utrum iustitiæ murum altum, an  
obliquæ fraudis. ἀναβᾶς διαβιῶν, sub  
intelli-*



intelligitur. quod ex Platonis lib. 11. de  
republica cognoscitur.

eadem. δίχα μοι νόος, ἀσέκειαν εἰπεῖν: ambigit ani-  
mus, ut verum dicam.

ep. 39. σκολιά: obliqua, dissimulationem.

eadem. φαῖδρε, περὶ θεῶν: Phædri de dijs.

eadem. φιλοτέχνημα: comminiscendi artes.

eadem. τὰ ὅλα: cuncta.

ep. 40. ὁλιγαῖς ἀπάταις: obliquis fraudibus.

ep. 41. καὶ μάλα κατηφής: admodum tristis.

eadem. σὺ δέ, τί σὺνυες; tu uero, quid cogitabundus?

eadem. ἀσπόνδου: immitis.

ep. 43. μνημονικὸν ἁμάρτημα: memoria error.

ep. 46. ἀλόγως: temere.

ep. 47. μέμψιν ἀναφέρει: accusationem imponit.

ep. 49. πρὸς ἴσον ὁμοιον: ad æqualem, similemque.

eadem. ἀκολακδίας: sine assentatione.

ep. 50. ἀμεταμέλητον: quem non pœnitet.

eadem. ἀμετικὴν: uomitum.

eadem. ἀδεῶς: intrepide.

eadem. οἱ περὶ αὐτὸν: qui apud eum.

eadem. σπουδαῖον ἐδὲν: studiosum, siue seriū nihil.

eadem. φιλόλογα: erudita.

eadem. ἐπισαθμίαν: diversorium.

#### EX LIBRO XIV.

ep. 2. σαλάκωμα: inanem iactantiam.

eadem. φαλάκρωμα: caluitium.

ep. 3. πανικὸν: uanus terror.

eadem. διάθεσιν: affectum.

Ec 4 eadem.



- eadem. ἐπισημασίαν: significationē mentis e gestu.  
 ep. 4. ἥρως: heroes.  
 ep. 5. ἐσίγησας: tacuisti.  
 eadem. μνημονικὸν ἀμάρτημα: memoria error.  
 eadem. φυρμὸς πολὺς: permistio multa.  
 eadem. ἀρίπιστα: instabilia, ab Euripo.  
 eadem. νεωτερισμῶ: inuolutionis.  
 ep. 6. πολιτεύειν: administrare remp.  
 eadem. σόλοικον: absurdum.  
 eadem. τυραννοκτόνους: tyrannicidas.  
 eadem. πεπολιτῶμεθα: remp. administrauimus.  
 ep. 7. πεπινωμένοι: eleganter scriptæ.  
 ep. 10. γῆν πρὸ γῆς: terram terræ anteponendam.  
 significat, se de mutando solo cogitare.  
 eadem. ὑπηνέμιος: subiecta uento.  
 ep. 11. ἀκολασίαν: intemperantiam.  
 ep. 12. ὦ φράξεως καλῆς μὲν, ἀτελοῦς δέ. ο factum  
 pulchrum quidem, sed imperfectum.  
 ep. 13. ἀλιτενεῖ: humili.

— ἀλλ' οὐδ' αὐτὸς ἐπιγράτου ἔργα μέμνηεν,  
 Ἀλλὰ λίην μέγα πῆμα διοτρεφεὶς εἰσορόωντες  
 Δείδιμεν, ἐν δόλῳ δὲ σαώσεμεν, ἢ ἀπολέσθαι.  
 sed non ea nobis curæ sunt, quæ in amabili  
 conuiuio sunt: immo uero intuentes graue  
 damnum, a Ioue immissum, extimescimus;  
 salusque, & interitus in dubio sunt.  
 Οὔτοι τέκνον ἐμὸν δέδοται πολεμικὰ ἔργα,  
 Ἀλλὰ σύ γ' ἡμερόεντα μετέρχεο ἔργα λόγιο.  
 Non tibi, mea progenies, data sunt opera  
 bellica:



bellica: at tu quidem placida curato mune-  
ra eloquentiæ. Verba sunt Iouis alloquen-  
tis Venerem: sed quod apud Homerum est  
γάμοιο, Cicero mutat in λόγοιο.

ep. 14. πολιτικώτερα: ciuilia.

ep. 15. ἀναθεώρησιν: animaduersionem.

ep. 16. ἀριστείαν: præclarum facinus.

eadem. ἀναθεώρησις: animaduersio. significat rem  
esse memorabilem, et quæ multa in se con-  
tineat animaduersione digna; qualia sunt,  
quæ supra tetigerat, de saxo, in crucem,  
columnam tollere, &c.

eadem. κατὰ μέτρον: per filum. Vide comment.

ep. 17. μελήσει: curæ erit.

eadem. ἀνέκδοτον: non editum.

eadem. φράξιν: facinus.

ep. 20. καθολικὸν θεώρημα: præceptum, (sic enim  
θεώρημα Cicero uertit in libro de fato)  
quod in omnes conueniat.

eadem. μὴ πολιτᾶέδαι: accedendum non esse ad  
remp.

ep. 21. ὑποσόλοικα: subabsurda.

eadem. βεβίωται: acta uita est.

eadem. πεντέλοιπον: quod reliquū est de quinque.  
Vide commentarium nostrum.

eadem. λῆρος πολὺς: multa nugæ.

ep. 22. ὑπόθεσιν: argumentum.

eadem. ἄλογον: rationi consentaneum.

eadem. φαινερωσπατέον: hilari uultu agēdū est.

eadem.



*eadem.* ἰτέον: eundum.

*eadem.* ἄλλοις ἐν ἐδοῖς τόνδ' ἀπωδοῦται φόγον:  
*alijs in bonis dedecus hoc effuginnt.*

EX LIBRO XV.

*ep. 1.* οὐδὲν ὑγιές: nihil sanū.

*eadem.* ὑπεραπικός: plus quam Atticus.

*eadem.* Δημοθένους: Demonsthenis.

*eadem.* ἀπικώτατα: in primis Attica.

*ep. 2.* πεντέλοιπον: quod reliquū est de quinque.

*ep. 3.* ἄνω ποταμῶν: retro fluminum, scilicet  
cursus est.

*eadem.* ἀπορία: dubitatio.

*eadem.* μελήσει: curæ erit.

*eadem.* παρεγχείρησις: conatus.

*ep. 5.* θησαυρὸς ἄνδρακες: thesaurus carbones.

*ep. 11.* ἢ δεῦρ' ὁδὸς τί σοι δώαται νῦν θεωροῦπε;  
*inter hoc tibi quid valet nunc o uates?*

*eadem.* βλάσφημα: maledictum.

*ep. 12.* καὶ μάλα σεμνὸς: & ualde grauis.

*eadem.* τὰν δ' αἰτίαν τῶν βρούτων τίς εἶχεν;  
*causam uero Brutorum quis tuebatur?*

*eadem.* κατηχήσει: instructione.

*eadem.* εἰάν διαμένῃ: si permanserit.

*ep. 13.* ἀναντιφωνησίᾳ: taciturnitas.

*eadem.* διάλογον: dialogum.

*eadem.* ἡρακλείδιον: Heraclidem opus.

*eadem.* φιλοσοφούμεθα: philosophamur.

*eadem.* τὰ περὶ τῆς καθήκοντος: quæ de officio.

*eadem.* ἀρροσφωνοῦμεν: nuncupamus.

*ep. 14.*



- ep. 14. σωτάξεις : confectionem librorum :  
 eadem. μετέωρος : animi pendens .  
 ep. 15. φιλόλογα : ab æquitate non aliena .  
 eadem. φιλοφρόνως : benigne .  
 ep. 16. πεπινωμένως : eleganter .  
 eadem. προκοπήν : progressum in litteris .  
 eadem. οἶκος φίλος : domus cara .  
 eadem. ῥωπογραφία : scriptio de plantis .  
 eadem. ῥητορδύουσιν : rhetorissant .  
 ep. 17. φιλοσόργως : peramanter .  
 eadem. διδόμενα : data .  
 ep. 19. ἐργῶδες : laboriosum .  
 eadem. ἀνεκτὸν : tolerabile .  
 eadem. χεδίασμα : ex tempore factum , subitum  
 consilium .  
 ep. 20. πάχωτι : patior aliquid , angor .  
 ep. 21. ἐποχήν : retentionem .  
 eadem. ἀκεραίως : sincere .  
 ep. 26. ψευδογράφω : false perscripto .  
 eadem. ἀτοπώτατον : absurdissimum .  
 ep. 27. πάνυ φιλοσόργως : ualde amanter .  
 eadem. βουλύσει : uespera .  
 ep. 29. ἀμνηχανία : inopia consilij .  
 eadem. σπείσασθαι : indutias facere .  
 eadem. ἐβδελυτόμην : abominabar .  
 eadem. σκοπὸς : scopus .  
 eadem. ἔπαρὰ τούτῳ : non apud hunc .

EX LIBRO XVI.

- ep. 1. ἔλθωμεν : eamus .

eadem .



- eadem. ὁμοπλοία: societate nauigandi.
- eadem. λῆρος πολὺς: nugæ multæ.
- eadem. γλίχρως: parce, tenuiter.
- ep. 3. σῶταγμα: uolumen elaboratum.
- eadem. ἀρχέτυπον: archetypum, exemplar.
- ep. 4. παρὰ λέξιν: præter uerbum.
- eadem. μετεωρότερον: suspensiore animo.
- eadem. ἀσφαλὲς: tutum.
- eadem. ῥοπή: momentum.
- eadem. γαυριῶ: glorior.
- eadem. μετ' ἀμύμονα: post expertem culpæ. al-  
ludit autem ad illud Homeri, μετ' ἀμύ-  
μονα πηλείωνα.
- eadem. ἀμύμων: reprehensionis expers.
- eadem. ἀμβροτος: immortalis.
- eadem. συναγωγή: collectio, uolumen.
- ep. 5. δολιχὸν πλόον ὀρμαίνοντες: longam navi-  
gationem meditantes.
- eadem. ἢ δεῦρ' ὁδὸς τί σοι δύναιται; iter hic tibi  
quid potest?
- eadem. σύγγραμμα: conscriptio.
- ep. 6. ἀνεμέσητα: inuidia carentia.
- eadem. ἄθανασίαν: facilem mortem.
- eadem. χόλιον: annotatiuinculam.
- eadem. ἀπολογισμὸν σωτάζομαι: defensionem  
componam.
- eadem. ἀναπολόγητον: quod defendi nequit.
- eadem. δυσχερσία: difficultas uersuræ faciendæ.
- eadem. πειράζεσθαι παραλύσει: tentare paralyfi.
- ep. 7.



- ep. 7. δ' χαίριαν: occasionem.  
 eadem. ἀσφαλείαν: securitatem.  
 eadem. ἀπορία: dubitatione.  
 ep. 8. σκέπτομαι: considero.  
 eadem. ἀριστεία: actio præclara.  
 ep. 10. παῖδες παίδων: nati natorum.  
 eadem. εἷς ἐμοὶ μυρίοι: unus mihi mille.  
 eadem. ἀδόλεχος: loquax.  
 eadem. Ἀμενεία: constantia.  
 eadem. εἰρωνεία: dissimulatio.  
 eadem. πεπλογραφίαν: pepi descriptionem.  
 eadem. σαξιάρχης: ordinis ductor.  
 eadem. τὰ περὶ τῆς καθήκοντος: de officio.  
 eadem. τὰ κεφάλαια: capita.  
 eadem. περὶ τοῦ κατὰ περιστάσιν καθήκοντος: de offi-  
 cio, cui quædam adiecta est circumstantia.  
 eadem. προσφωνῶ: alloquor, scribo.  
 eadem. ἀνοικεῖον: alienum.  
 eadem. αἰδεσθὲν μὲν ἀνῆνασθαι, δεῖσαν δ' ὑποδέχθαι:  
 pudebat quidem abnuere, ueriti sunt  
 autem suscipere.  
 eadem. ἀπάντησις: occursum.  
 ep. 12. δολιχὸν πλόον ὁρμαίνοντα: longam nauiga-  
 tionem cogitantem.  
 eadem. ἀπροσδιόνυσον: inexpectatum.  
 eadem. ἐν ἀρισερ' ἔχοντα: sinistra habentem.  
 ep. 14. ἐν πολιτικῷ: in civili.  
 eadem. μηδὲ σωθείην, εἴ ποτε τοιῦτο: ne saluus qui-  
 dem fiam, si quid tale umquam.  
 eadem.



*eadem.* στρατηλάξ : *imperator, dux.*

EX LIB. I. EPIST. AD BRVTVM.

*ep. 1.* ἰμφοατικώτερον : *expressius.*

EX LIB. I. EPIST. A D Q. FR.

*ep. 2.* ἀλλ' αἰεί τινα φῶτα μέγαν : *sed semper quen-*  
*dam hominem ingentem.*

*eadem.* ἀφελῶς : *inconsiderate.*

*eadem.* ὀρθὰν τὴν ναῦν, & ἅπαξ θανεῖν : *rectam na-*  
*uim, & semel mori.*

EX LIBRO II.

*ep. 3.* προωκονομησάμην : *præcuravi, prouidi.*

*eadem.* ὀκείρως : *opportune.*

*ep. 7.* εἰλικρινές : *sincerum.*

*ep. 9.* μεσοπάτακτος : *a musis percussus.*

*eadem.* ἀντίεκτον : *æquilibrem.*

*eadem.* εἰδ' ἐν αἰᾷ ἔζησας : *si uero in terra uixisses.*

*eadem.* ἔα πάσας : *mitte omnes.*

*ep. 17.* πολιτικά : *de republica.*

*ep. 14.* τοιαῦθ' ὃ τλήμων πόλεμος ἐξεργάζεται : *ta-*  
*lia ærumnosum bellum efficit.*

*eadem.* πραγματικῶς : *negotialiter.*

*eadem.* ὑπερβολῶς : *supra quam res est.*

*ep. 15.* σωδείπνους σοφοκλέους : *concenatores So-*  
*phoclis.*

*eadem.* ὑπόθεσιν : *argumentum.*

*eadem.* γλαῦκα εἰς Αθῆνας : *noctuanam Athenas.*

*eadem.* ῥαθυμώτερα : *segniora.*

*eadem.* χαρακτήρ : *stylus.*

*eadem.*



eadem. φιλαλήθως: ingenue.

EX LIBRO III.

ep. 1. ἀποδυτήριον: loco, ubi lauaturi uestes, exuebant.

eadem. δεύτερας φροντίδας: secundas curas.

eadem. γινῶθι πῶς ἄλλω κέχρηται: nosce, quemadmodum alio usus fuerit.

eadem. ἐμβόλιον: interpositionem.

ep. 2. ἀπότηγμα: repulsam.

ep. 3. δετηκώτερον: Philosophicis quaestionibus aptius.

ep. 4. ἐνθουσιασμός: diuinus furor.

eadem. ἄρη πνέων: Martem spirans.

ep. 5. ὑποδείξεις: argumenta.

eadem. αἰὲν ἀριστεύειν, καὶ ὑπείροχον ἔμμεναι ἄλλων: semper strenue se gerere, & præstantiorem esse alijs.

ep. 6. κλέος: laudem.

eadem. γινῶθι σεαυτὸν: nosce te ipsum.

ep. 7. ἡματ' ὁπωρινῶ, ὅτε λαβρότατον χέει ὕδωρ  
Ζεὺς ὅτε δ' ἡγ' ἀνδρασι κατεσάμενος χαλεπήνῃ:  
Οἱ βίη εἰν ἀγορῇ σχολίας κρίνωσι δέμισας,  
Ἐκ δὲ δίκην ἐλάσῃσι, θεῶν ὅπιν ἐκ ἀλέγοντες.  
die autumnali cum abundantissimam plu-  
uit aquam iupiter, cum iam hominibus ira  
tus succenset. qui per uim in foro aliquas  
sententias ferant, iustitiam autem expel-  
lant, deorum uocem non curantes.

ep. 9. τότε μοι χάνοι: tunc mihi dehiscat.  
eadem.



*eadem.* ὁ δὲ μαίνεται ἐκ ἑτ' ἀνεκτῶς: *hic autem non  
amplius tolerabiliter.*

*eadem.* ἐν παρέργῳ: *obiter.*

*eadem.* ἔπος: *tamen.*

*eadem.* ἀλλ' οἶμοζέτω: *sed ploret.*

## R E G I S T R V M.

A B C D E F G H I K L M N O P Q R S T V X  
Y Z. A A B B C C D D E E F F G G H H I I K K  
L L M M N N O O P P Q Q R R S S T T V V  
X X Y Y Z Z. Aa Bb Cc Dd Ee.

*Omnes sunt quaterniones.*



5817995







